


# বিধার্থ-সঙ্গ্রহ,

অর্থাৎ

কহাস-পুণিবিদ্যা-শিল্প-সাহিত্য-

বিদ্যেগতক মাসিক পত্র।

তৃতীয় পর্ব।



বাণেশ্বর-মিশন-যন্ত্রে মুদ্রিত।

কলিকতা।  
১৭৭৫-৭৬  
নংক ১৭৭৬।

- ১৮০
- ১৮১
- ১৮২
- ১৮৩
- ১৮৪
- ১৮৫
- ১৮৬
- ১৮৭
- ১৮৮
- ১৮৯
- ১৯০
- ১৯১
- ১৯২
- ১৯৩
- ১৯৪
- ১৯৫
- ১৯৬
- ১৯৭
- ১৯৮
- ১৯৯
- ২০০

কৈপে  
গলি ব  
পজা  
গায়ক  
চরণ পাদ  
জিরাফা প  
টামিগান প  
দেপের প্র  
টোটে  
তাড়িন, সন্দেহ নাই।

## দক্ষাপা

দেব-সাহিত্য-কবিতা-পাদন-যন্ত্রে  
প্রবর্তিত হইলেন। তাহাদিগের উদ্যোগে গঙ্গাজলে

খণ্ড।  
রূপ-নি-  
ত বংশ-  
। যদিচ  
হা নাই,  
গাহাদি-  
তাহা  
১-কুলা-  
ক এক-  
ন পরে  
আরু  
াগিল;  
অসুর-  
পাপ-  
ন বি-  
হইয়া  
লেন।  
াবাস;


খিদ/মান  
পুনাদিগের  
রিয়াছিলেন।  
াহারা বুঝা-  
ক্রমে পাদন-যন্ত্রে  
হলেন। তাহাদিগের উদ্যোগে গঙ্গাজলে

দুপাপ্য

বাহিরে ঘাইবে না

# বিবিধার্থ-সঙ্গ্রহ,

অর্থাৎ



শকাব্দ ১৭৭৫, চৈত্র।

[২৫ খণ্ড।

অনুরাধাপুরের ইতিহাস, ৪৬
অফ্রিকা-দেশের টাকা, ২৭২
ইলেকট্রিক টেলিগ্রাফ অ- র্থাৎ তাড়িতবাহ্যাবহ যন্ত্র, ... .. ১৩৫
উড্ডীয়মান মৎস্য, ... ২৩
উড়িয়ার রাজাবলী, ... ৫৪
উৎস ও নদীর বিবরণ, ... ২০
উদ্ভিদের চৈতন্য উচ্চতা প্রভৃতি আশ্চর্য্য ধর্ম, ১৭৭
উৎকলদেশের বিবরণ, ... ৪২
এইএই পশু, ... .. ২১০
কম্পজনক বাইন মৎস্য, ... ২১৫
কস্তুরী-যুগ, ... .. ২৪৬
কারিক-সৌন্দর্য্য-বিষয়ে জাতি-ভেদে মত-ভেদ, ৪৫
কাঠবিড়াল, ... .. ১১১
কাতলা-মৎস্য, ... .. ৪৪
কাপ্তেন গুে সাহেবের ভ্রমণ-বৃত্তান্ত, ... .. ২৭১
কাপ বা বিলাতি রোহিত মৎস্য, ... .. ১৫২
কুকি জাতির বিবরণ, ... ১৮
কুলীন-কুলসর্গম্ব-নাটকের সমালোচন, ... .. ২৫৩
কেপরকেলী পক্ষী, ... ২৭০

আয়বলুৎ-দেশীয় ভণ্ডিত- কুক, ... .. ২৮৩
ইবাহীম্ অদহ্ম পাদশাহ, ২৩২
এইএই পশু, ... .. ২১০
করভের স্তনপান, ... ১৬
কস্তুরী-যুগ, ... .. ২৪৬
কাঠবিড়াল, ... .. ১১২
কাতলা-মৎস্য, ... .. ৪৪
কাবেলী বেক্ট বোরিয়া, ১০৮
কাপ-মৎস্য, ... .. ১৫৩

কৌতুহ-তিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

কৌতুহ  
কৌতুহ  
কৌতুহ  
কৌতুহ

গোলে  
শা  
জিরাফা

## উৎপত্তি।

গদীশ্বর-পুনাদাৎ  
বিবিধার্থের উদ্ভ-  
রোক্তর উল্লিতে  
আমরা নানাবিধ  
বিষয়ের আন্দো-  
লনে আশ্বসিত হই-  
তেছি। পত্র প্রা-  
রস্তে এতাদৃশ প্র-  
প্রাচীন রাজ-  
প্রাপ্ত হইব,  
সুনির্মল-প্রভায়  
হইয়া-  
প সঙ্গ্রহ-পত্রের  
হইবে ইহা অনা-

কেপরকেলী প  
গলিবরের ভগ্ন  
পলায়ন, ...  
গায়ক, ...  
চরণ পাদুকা,  
জিরাফা পশু,  
টার্মিগান পক্ষী, ...  
টোপের পশু,  
টোপের পশু,  
তাড়িন, সন্দেহ নাই।


প্রাচীন বংশমাত্রেরই মূল অলীক-গণ্যরূপ-নি-  
বিড়াকারে আবৃত থাকে, এবং পুস্তাবিত বংশ-  
সম্বন্ধেও সেই নিয়ম সপ্রমাণ হইতে পারে। যদিচ  
নিরর্থক গণ্যে আমাদিগের কদাপি আস্থা নাই,  
তত্রাপি হরকুল-প্রারম্ভ-বিষয়ক-গণ্য তাহাদি-  
গের ইতিহাসের অত্যন্ত-পোষক-প্রযুক্ত তাহা  
এই স্থানে উদ্ধৃত করিতে হইল। রাজপুত্র-কুলা-  
চার্যেরা কহেন, ভগবান পরশুরাম-কর্তৃক এক-  
বংশতি-বার নিষ্কত্রিয়-হওনের কিয়ৎকাল পরে  
রাজ্য-নিয়ন্তৃ-পুষ্কবাভাবে সর্বত্র অমঙ্গল আরম্ভ  
হইল; পাপের বৃদ্ধি ও পুণ্যের হানি হইতে লাগিল;  
প্রজা-সকল ক্লেশ-পক্ষে পতিত হইল; অসুর-  
কুলের প্রাদুর্ভাব হইয়া উঠিল; এবং ভূদেবী পাপ-  
ভারে অস্থিরা হইলেন। এই সঙ্কটে ভগবান বি-  
শ্বামিত্র ঋষি ঋত্রিয়ের পুনরুদ্ভাবনে আগুহী হইয়া  
আবু-নামক পর্বত-শিখরে যজ্ঞ আরম্ভ করিলেন।  
ঐ পর্বত নিম্নলাচার মুনি-ঋষিদিগের আবাস;  
তঁাহারা অবনামগুলের দূরবস্থা-দর্শনে খিদমান  
হইয়া ক্ষীরোদশায়ী-ভগবৎ-সমীপে আপনাদিগের  
অভীষ্ট সিদ্ধির প্রার্থনা প্রকাশ করিয়াছিলেন।  
বিশ্বামিত্র-কর্তৃক প্রেরিত হইয়া তঁাহারা বুঝা-  
বিষু-ইন্দ্রাদি-দেবগণ-সাহিত ঋত্রোৎপাদন-যজ্ঞে  
প্রবৃত্ত হইলেন। তঁাহাদিগের উদ্যোগে গঙ্গাজলে

দুস্পাপ্য  
বাহিরে ঘাইবে না

# বিবিধার্থ-সঙ্গ্ৰহ,

অর্থাৎ

পুরাত্ত্বতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র




৩ পর্ব]

শকাব্দ ১৭৭৫, চৈত্র।

[২৫ খণ্ড।

## হর-বংশের উৎপত্তি।




গদীশ্বর-পুসাদাৎ  
বিবিধার্থের উত্ত-  
রোত্তর উন্নতিতে  
আমরা নানাবিধ  
বিষয়ের আন্দো-  
লনে আশ্বসিত হই-  
তেছি। পত্র প্রা-  
রস্তে এতাদৃশ প্র-

ত্যাশা ছিল না যে, এতদেশীয় প্রাচীন রাজ-  
কুলবর্গের গুণকীর্তনে অবকাশ প্রাপ্ত হইবে,  
তত্রাপি সৌর-ও চান্দ্র-বংশের সূনির্মল-পুভায়  
বিবিধার্থ বিকসিত করিতে কৃতোদ্যম হইয়া-  
স্থায়িত্ব দৃষ্টে তদুৎসাহের প্রাচুর্য হইবে ইহা অনা-  
য়াসেই সম্ভবে।

উপস্থিত প্রস্তাবে আমরা হরকুলের অনুকীর্ণন  
মনস্থ করিয়াছি। ঐ কুল সৌর বা সোম বংশের  
ন্যায় প্রাচীন নহে, অথচ অত্যন্ত নব্যও নহে;  
অপর তাহাতে যে সকল ভূবনবিখ্যাত ক্ষিত-  
পালগণ জন্মিয়াছিলেন, তাঁহাদিগের যশোবর্ণনে  
পাঠকবর্গ পুলকিত হইবেন, সন্দেহ নাই।

প্রাচীন বংশমাত্রেরই মূল অলীক-গণ্ডপ-নি-  
বিডাক্ষকারে আবৃত থাকে, এবং পুস্তাবিত বংশ-  
সম্বন্ধেও সেই নিয়ম সপ্রমাণ হইতে পারে। যদিচ  
নিরর্থক গণ্ডপ আমাদিগের কদাপি আস্তা নাই,  
তত্রাপি হরকুল-প্রারম্ভ-বিষয়ক-গণ্ডপ তাহাদি-  
গের ইতিহাসের অত্যন্ত-পোষক-পুষ্প তাহা  
এই খানে উদ্ধৃত করিতে হইল। রাজপুত্র-কুলা-  
চার্যেরা কহেন, ভগবান্ পরশুরাম-কর্তৃক এক-  
বিংশতি-বার নিষ্কত্রিয়-হওনের কিয়ৎকাল পরে  
রাজ্য-নিয়ন্ত-পুরুষাভাবে সর্বত্র অমঙ্গল আরম্ভ  
হইল; পাপের বৃদ্ধি ও পুণ্যের হানি হইতে লাগিল;  
প্রজা-সকল ক্লেশ-পঙ্কে পতিত হইল; অসুর-  
কুলের প্রাদুর্ভাব হইয়া উঠিল; এবং ভূদেবী পাপ-  
ভারে অস্থিরা হইলেন। এই সঙ্কটে ভগবান্ বি-  
শ্বামিত্র ঋষি ক্ষত্রিয়ের পুনরুদ্ধাবনে আগুহী হইয়া  
আবু-নামক পর্বত-শিখরে যজ্ঞ আরম্ভ করিলেন।  
ঐ পর্বত নিষ্কলাচার মূনি-ঋষিদিগের আবাস;  
তঁাহারা অবনামগুলের দূরবস্থা-দর্শনে খিদ্যান  
হইয়া ক্ষীরোদশায়ী-ভগবৎ-সমীপে আশ্রয়ার্থে  
অভীষ্ট সিদ্ধির প্রার্থনা প্রকাশ করিয়াছিলেন।  
বিশ্বামিত্র-কর্তৃক প্রেরিত হইয়া তঁাহারা ব্রহ্মা-  
বিষ্ণু-ইন্দ্রাদি-দেবগণ-সহিত ক্ষত্রোৎপাদন-যজ্ঞে  
প্রবৃত্ত হইলেন। তাঁহাদিগের উদ্যোগে গঙ্গাজলে

Page		Page
182	Ranjit Sing, Life of,	265
	Red Grouse or Ptarmigan, The,.....	60
212	Rohillas.—The Rise, Independence and Fall of the, in Rohilkhand, .....	49
211	Russia, History of,...	161
123	Salt Agency, On the Manufacture of	
113	Salt in the Tumluk,.....	11
73	Saltpetre, On the Manufacture of, ....	277
216	Sandwich Islands, Inhabitants of the, .....	121
31	Similes from the Sanskrita, .....	191
145	School of Industrial arts—Appeal in behalf of, .....	263
217	School of the Mollah, a tale, .....	252
280	Scindians, Manners and Customs of the, .....	97
54	Seikhs, Independence of the,.....	232
42	Select Sentences, ..	216
ac-	Serpents, Natural History of,.....	88
25	Springs and Rivers, On, .....	20
209	Squirrels, Natural History of the, ..	111
in	Theodoseus and Constantia,.....	172
tries,	Titbits, .....	48
...	Tibetans, Manners and Customs of the,	281
...	Trout, The,.....	231
...	Vijayanagar, History of the ancient city of,	107
...	Winds;—Perennial or trade winds,—Periodical winds or Monsoons,—Prevalent winds—land and Sea Breezes,—Hurricanes, Laws of Storms,—Cyclone Waves, and Storm Currents,—Cyclone Tracts,—Water spouts,....	36



পরিপূর্ণাঙ্কিত অনলকুণ্ড প্রজ্জ্বলিত হইল, এবং অমরদিগের অনুরোধে ইন্দ্রদেব লোলায়মান অগ্নিশিখায় আছতি-প্রদান-পূর্বক তদুপরি দুর্বা-নির্মিত একটি পুস্তলী নিক্ষেপ করিলেন। তদনন্তর সঞ্জীবনী-মন্ত্র পাঠ করিবামাত্র ঐ বহ্নিকুণ্ড হইতে “মার মার” শব্দে মৃদুগরধারী এক বীর পুরুষ উৎখিত হইল। তাহার নাম প্রমার, এবং তিনি ধার আবু ও উজ্জয়িনী রাজ্য প্রাপ্ত হইলেন।

অতঃপর দেবতাদিগের প্রার্থনায় বুদ্ধাও আপন অংশ উৎপাদনে প্রবৃত্ত হন। তাঁহার কৃত দুর্বা-পুস্তলী হইতে উপবীতকণ ও খড়্গ ও বেদহস্ত পুরুষ নির্গত হয়; তাহার নাম চালুক বা সোলান্ধিক; এবং অন্ধলপূর-পত্তন তাঁহার রাজ্য।

তদনন্তর একপে কদাংশ হইতে ধনুধারী কদাকার এক পুরুষ উৎখান করে। দানব-দমনে তাহার পাদ সুলিত হইয়াছিল প্রযুক্ত সে “পরিহার” নামে বিখ্যাত; নোনাজুল-মকহলী তাহার বাস-স্থান।

ভগবান্ বিষ্ণু চতুর্থ পুরুষ উৎপাদন করেন। সেই পুরুষ চতুর্ভাষ ও শঙ্খ-চক্র-গদা-পদা-ধারণপূর্বক অগ্নিশিখাহইতে উৎখিত হইয়াছিল। দেবগণ তাহাকে সদাশীঃপ্রদান-পূর্বক মাসবতী নগরীতে স্থাপন করেন। তাহার নাম চতুর্ভূজ চাহমান, এবং অধুনা তদপভ্রুংসে “চোহান্” শব্দে বিখ্যাত হইয়াছে।

জন্মিবামাত্র এই অধ্ব্যস্তব-পুরুষ-চতুষ্টিয় দানব-দমনে প্রবৃত্ত হইয়া তুমুল-সঙ্গ্রামে মত্ত হইয়াছিলেন; কিন্তু যতই দৈত্য সংহার করেন, ততই অসুর-শোণিত হইতে অভিনব দানবগণ উৎখিত হইয়া প্রচুররূপে তাঁহাদিগের কার্য বৃদ্ধি করিতে লাগিল; এই সঙ্কটে আশাপূরণা গাজনমাতা কেওঞ্জমাতা ও সঞ্জিরমাতা নামী তাঁহাদিগের

অধিষ্ঠাত্রী দেবীরা দৈত্যশোণিত-পান-পূর্বক অনিষ্টের নিরাকরণ করিলেন।

এই গণ্ণের সত্যসত্য-বিষয়ে বাক্য ব্যয় করা বিফল, পরন্তু ইহাতে স্পষ্ট প্রকাশ পাইতেছে যে পূর্বকালে উক্ত-নামধারী ব্যক্তি-চতুষ্টিয় শত্রু-দমন-পূর্বক হিন্দুধর্মের উন্নতি সাধন করিয়াছিলেন। ভারতবর্ষে ইহাদিগের বংশ অগ্নিকুল নামে বিখ্যাত আছে, এবং তাহাতে অনেক রাজন্য-শ্রেষ্ঠ জন্ম-গৃহণ করিয়াছেন; বিশেষতঃ সংকীর্তি-সম্পাদনে চোহান-বংশ অদ্বিতীয়রূপে গণ্য। তাঁহাদিগের আদিম রাজপাট মাসবতী নগরী; তাহা নর্মদা-নদীতটে গোরা-মণ্ডিলা নামে অদ্যাপি বর্তমান আছে। তথা-হইতে তাঁহাদিগের রাজ্য টাটা, লাহোর, মুলতান, পেশাওর্, আর্যাবর্ত প্রভৃতি অনেক স্থানে বিস্তৃত হইয়াছিল।

এই বংশের অজয়পাল নামা এক ব্যক্তি আজমির নগরে আপন রাজপাট স্থাপন করত তথায় তারাগড় নামক এক দুর্গ নির্মাণ করেন। তিনি চোহান রাজাদিগের মধ্যে অতি প্রধান, এবং তাঁহার সমকালীন ব্যক্তির তাহাকে চক্র-বর্তী রাজা নামে বিখ্যাত করিয়াছিল; পরন্তু তাঁহার রাজ্য-কালের নিকূপণ নাই; এবং তাঁহার বংশের বিবরণও ক্রমান্বয়ে প্রচুরিত নাই। কথিত আছে, তাঁহার পরলোক-হওনের কিয়ৎকাল পরে, পৃথী-পাঁহাড় নামে তদগোষ্ঠী জনৈক মাসবতী হইতে আগমন করত আজমিরের রাজদণ্ড ধারণ করেন। তাঁহার এক জ্বর গর্ভে চতুর্বিংশতি \* পুত্র হয়, এবং তাহাদিগের সন্তানে আজমির দেশ রাজকূলে সমাকীর্ণ হয়। রাজা দুলারায়

\* তৎকালে বহুবিবাহরূপ কদাচার রাজপুত্রদিগের মধ্যে প্রচার হয় নাই।

তাঁহারই বংশজাত; তাঁহার রাজ্য-সময়ে মুসলমানেরা আজমির-দেশ প্রথম আক্রমণ করে, এবং তুমুল-সঙ্গ্রামে তাঁহাকে বধ করিয়া তদীয় রাজ্য আপন হস্তগত করিয়াছিল। এই যুদ্ধ-সময়ে দুলার পুত্র লোট, দুর্গের প্রাচীরোপরি ক্রীড়া করিতে ২ যবনদিগের নিষ্ঠুর সরাসাতে বিনষ্ট হয়। লোট চোহান-বংশের অত্যন্ত প্রিয়পাত্র ছিল। তাহার বিনাশে সকলেই যৎপরোনাস্তি বিষণ্ণ হইয়া তাহাকে চিরস্মরণীয়-করণাভিপ্রায়ে দেবতা-মধ্যে গণ্য করিয়াছে; অপর সেই বালক সর্বদা পায়ে যুড়ঘুর ধারণ করিত বলিয়া তদবধি চোহানেরা আপন বালকদিগের পদে উক্ত আভরণ প্রদান করে না।

দুলারায়ের পতনে তাঁহার ভ্রাতা মাণিক্যরায় অরণ্যে প্রস্থান করেন। তথায় শাকস্তরী দেবী প্রত্যক্ষা হইয়া তাঁহাকে নির্ভয়-প্রদান-পূর্বক আদেশ করিলেন; “এই স্থানের চতুর্দিগে যে পর্যন্ত অদ্য স্থানারোহণে পরিভ্রমণ করিতে পারিবে, ততাবৎ তোমাকে রাজ্য করিতে প্রদান করিলাম; পরন্তু সাবধান, ভ্রমণকালে আপন পশ্চাতে ঈক্ষণ করিও না”। মাণিক্যরায় তদনুরূপ করিতে আরম্ভ করিয়া কিয়দূর-ভ্রমণানন্তর পশ্চাতে অবলোকন করিয়া দেখেন প্রদক্ষিণীকৃত সমস্ত ভূমি শুকুবর্ণ চাদরের ন্যায় কোন পদার্থে আবৃত হইয়াছে। পরে ব্যক্ত হইল, এক বৃহৎ হুদের চতুর্দিগে শুক লবণ তদনুরূপ হইয়া রহিয়াছে। এই হুদের নাম “শাকস্তরী হুদ”, এবং তদপভ্রুংসে অধুনা “শাক্তর” নাম বিখ্যাত আছে। ঐ হুদের মধ্যদেশে এক ক্ষুদ্র মন্দিরে দেবার মূর্তি অদ্যাপি বিরাজমান আছে।

মাণিক্যরায় কিয়ৎকাল অরণ্যে বাস করত অবশেষে যবনদিগকে পরাস্ত করিয়া আজমির

উদ্ধার করেন। তাঁহার অপত্যেরা রাজস্থান-দেশের অনেক-স্থানে রাজ্য-স্থাপন করিয়াছিল। কিচি, হর, মোহিল, নর্ভানা, ষাদোরিয়া, ভোরেচা, ধুনে-রিয়া, বাগরেচা প্রভৃতি চোহান বংশ তাঁহা-হইতেই উদ্ভব হয়।

মাণিক্যের উত্তরাধিকারিরা আজমিরে অবস্থানপূর্বক বহুকালাবধি যবন-দমনে প্রবৃত্ত থাকিয়া ক্ষত্রিয়ধর্ম প্রতিপালন করিয়াছিলেন। পরন্তু তাঁহাদিগের বিশেষ বিবরণে কালক্ষেপ বোধ হয় পাঠকবৃন্দের প্রীতি-বর্জক হইবেক না, অতএব তদীয় একাদশ-পুরুষ-পারিত্যগ-পূর্বক বিসল-দেবের উল্লেখ করিব। তিনি বিলন্ (বিল্গ?) দেবের পুত্র। ঐ বিলন্ দেব “ধর্ম-গজ” নামে বিখ্যাত ছিলেন, এবং আপন প্রাণ-সমর্পণ-পূর্বক গজননাধিপতি মহম্মদকে আজমির হইতে দূরীকরণ করেন। তাঁহার সমকালে হরি-য়ানা ও শতদ্রু নদীর মধ্যবর্তী অরণ্য বচরাজের পুত্র গোগা নামক এক জন চোহানের অধীনে ছিল। সমরনৈপুণ্যে তিনি বীরাকর চোহান-বংশে অদ্বিতীয়রূপে খ্যাত ছিলেন, এবং তাঁহার রাজ-পাট মেহরা নগর “গোগাকামৈরি” নামে অদ্যাপি বর্তমান আছে। কথিত আছে, অপুত্রক প্রযুক্ত তিনি দুঃখিত হইয়া দেবীর আরাধনা করিয়াছিলেন, এবং দেবী-পুত্র্যাদেশে পুত্রপ্রদ দুইটি যব প্রাপ্ত হন। রণপুঙ্কব-গোগার এক স্ত্রী ও এক অশ্বিনী বর্তমান ছিল, তন্মধ্যে ঐ যব কাহাকে দিবেন এই ভাবনা তাঁহার বিষম হইল; অবশেষে তাহা উভয়কে বিভাগ করিয়া দিলেন। ঐ যব-মাহাত্ম্যে তাঁহার পঞ্চচত্বারিংশ পুত্র জন্মে, ও অশ্বিনীগর্ভেও এক শাবক প্রসূত হয়। সেই শাবক যথাকালে হয়-শ্রেষ্ঠরূপে গণ্য ও “যবদিয়া” নামে বিখ্যাত হইয়াছিল, এবং

অদ্যাপি রাজপুত্রদিগের মধ্যে সদশের দৃষ্টান্ত-স্বরূপে তাহার প্রচার আছে। এই সপরিবার গোণা বহুকাল-পর্যন্ত যবনদিগকে পরাভূত করিয়া রাজ্য করিয়াছিলেন; কিন্তু অবশেষে রবিবার নবমী দিবসে যবনরাজ মহমুদের বিপক্ষে যুদ্ধ করিতে ২ পঞ্চচত্রারিংশ পুত্র, ষষ্টি ভ্রাতৃপুত্র ও প্রাণপ্রিয় যবদিয়া সহ মানবলীলা-সম্বরণ-পূর্বক সকলে বীর-ভবন প্রাপ্ত হন। এই নির্বংশ বীরশ্রেষ্ঠের সদগতির নিমিত্ত রাজপুত্রমাত্রেই অদ্যাপি তাঁহার সাং-বৎসরিক কৃত্য করিয়া থাকে।

বিসলদেব সংবৎ ১০৬৬ অবধি ১১৩০ অব্দ পর্যন্ত আজমির-দেশে রাজ্য করিয়াছিলেন। তাঁহার সমকালে হিন্দু-রাজন্যবর্গ সকলেই চো-হানদিগের আধিপত্য স্বীকার করিত। তাঁহার যুদ্ধোদ্যোগ অতিতুমুলব্যাপার হইয়াছিল। “মি-বারবংশতিলক গেহলোট বংশীয় তেজস্বী (সিংহ) সসৈন্যে তাঁহার আশ্রয়ে অগুসর হন; সমা-মন্ত মৌনসী-পুরিহার মণ্ডোরহইতে আসিয়া তাঁহার চরণ স্পর্শ করিলেন। পোয়াসির তুয়ার, গোরবংশীয় রাম, এবং মিয়াতাধিপতি মহেশও তদর্থে অগুবর্তী হন; দোনাপুরের মহিল রাজা কর-প্রেরণ করিলেন; বেলচরাজ করযোড়ে উপস্থিত হইলেন। ভুতের, টাটা, ও মুলতানহইতে কর সমাগত হইল; যদুকুল ও ভট্টীকুল, রাজাজ্ঞা প্রতিপালন করিলেক”; ফলতঃ অনহলবাবার চালুকরাজ ব্যতীত সকলেই বিসলদেবের সৈন্য-শ্রেণিমধ্যে পরিগণিত হইয়াছিল। এই বীরমণ্ড-লীর যুদ্ধ বিবরণও সামান্য আখ্যান নহে, পরন্তু স্থানাভাব-প্রযুক্ত এস্থলে তাহার রসাস্বাদন সম্ভব নহে। বিসলদেব জয়ী হইয়া জয় প্রাপ্তির স্থানে এক নগর স্থাপন করেন; গুজর-দেশে অদ্যাপি তাহা “বিসল নগর” নামে বর্তমান আছে।

কথিত আছে বিসল দেব কোন সময়ে স্বধর্ম-ত্যাগ-পূর্বক যবন-ধর্ম গৃহণ করিয়াছিলেন; এবং তৎপরে ধর্মত্যাগ জন্য পাপের প্রায়শ্চিত্তও করিয়াছিলেন; কিন্তু তাহার এবং তাঁহার মৃত্যু-বিষয়ক বিবরণ অনেক অলীক গল্পে আবৃত হইয়াছে, তাহাহইতে সত্যাঙ্গার করা অধুনা সুকঠিন।

বিসলের পুত্র অনুরাজ! তিনি পিতাহইতে অশি-প্রদেশের রাজ্য প্রাপ্ত হন। এই দেশ অধুনা হান্নি নামে বিখ্যাত। তাহার অনতি-দূরে গোলকন্দা প্রদেশে চোহান বংশীয় রাজা রণধীর বাস করিতেন। এই রাজদ্বয়ের মধ্যে বিশেষ মথ্যতা ছিল, ও উভয়েই সংবৎ ১০৮০ অব্দে যবন-কর্তৃক আক্রান্ত হইয়াছিলেন, রণধীর যুদ্ধে পরাস্ত হইয়া “শাকা” নামক ভয়ানক ব্যা-পার সাধন করেন, অর্থাৎ নিজ গৃহে অনলসমর্পণ করত সপরিবারে চিতারোহণ করেন। এই মহা-চিতাহইতে সুরভী নাম্নী তাঁহার এক কন্যামাত্র রক্ষা পাইয়াছিল। অনুরাজও যবনহইতে পলা-য়নের উদ্যোগে ছিলেন, কিন্তু তাঁহার পুত্র ইষ্ট-পাল স্বদেশে শত্রুর আগমনের অপেক্ষা না করিয়া স্বয়ং শত্রুবিপক্ষে অগুসর হন; ও পশ্চিমধ্যে তাহাদের সহিত তাঁহার এক তুমুল সঙ্গ্রাম হয়। তাহাতে তিনি স্বহস্তে যবন সেনানায়ককে বিনষ্ট করিলেন; কিন্তু যবনাস্ত্রাঘাতে তিনিও স্বয়ং মৃতপ্রায় হইয়া পড়িলেন। এই স্থানের নিকটে সুরভী এক বটবিটপেরমূলে উপবিষ্টা থাকিয়া মৃত্যুর প্রত্যাশায় ছিলেন, কারণ পথ-শূন্যিতে ও অন্নভাবে তাঁহার চরণাবস্থা উপস্থিত-প্রায়ঃ ছিল, জীবনাশার লেশও ছিল না। এমত সময়ে চোহানদিগের অধিষ্ঠাত্রী আশাপূরণী দেবী বট-বৃক্ষহইতে বিনির্গতা হইয়া সুরভীর প্রত্যক্ষা

হইলেন, ও তাহার বিবরণ শ্রবণ করণান্তর তা-হাকে কহিলেন; “ভয় নাই, চোহান-কর্তৃক তোমার পিতৃ-শত্রু নিপাতিত হইয়াছে; এই ক্ষণে সেই বীরপুরুষকে রক্ষা কর”। সুরভী দে-বীর আক্রায় তাঁহার চরণামৃতদ্বারা ইষ্টপালের ভগ্ন অস্থি প্রকৃতিস্থ করিলেক। এই ইষ্টপাল হরবতী রাজ্যের স্থাপন করেন, এবং তিনি অসিরাজ্য হারাইয়াছিলেন, তন্নিমিত্ত তাঁহার অপত্যেরা হর-বংশ নামে বিখ্যাত হইয়াছে।

### গলিবরের ভূমণ বৃত্তান্ত।

#### প্রথম ভাগ।

লিলিপট দেশে যাত্রা।

প্রথমধ্যায়।

গৃহকারের ও তৎপরিবারের পরিচয়; দেশভ্রমণে তা-হার প্রথম প্রবৃত্তি; তলভ্রম হইয়া তাহার জাহাজের নাশ; আশ্রয় প্রার্থনার্থ তাহার সন্তরণ; লিলিপট দেশের ধারে লাগিয়া তাহার প্রাণে বাঁচা, ও তথাহইতে কয়েক করিয়া তাহাকে এই দেশে লইয়া যাওয়ার বিবরণ।

ন টিংহেমসায়র-দেশে আমার পিতা বাস করিতেন। তিনি তথাকার অতি সামান্য ব্যক্তি। তাঁহার পাঁচ পুত্র হয়, তন্মধ্যে আমি তৃতীয়। আমার চতুর্দশ বৎসর বয়ঃক্রম হইলে পিতা আমাকে কেম্বুজ-নগরের ইমানিউয়ল্ কলেজে বিদ্যাভ্যাসার্থ পা-ঠাইয়া দেন। সেখানে আমি তিন বৎসর থাকিয়া রীতিমত বিদ্যাভ্যাস করিয়াছিলাম। যৎ-কিঞ্চিৎ অর্থ বাহা পাইতাম তাহা অত্যপ্প, সুতরাং তদ্বারা আমার নির্বাহ হওয়া অতি কঠিন হইয়াছিল; করি কি? অন্যোপায়্যে প্রযুক্ত বিদ্যালয় পরিত্যাগ-পূর্বক জেমস বেটিস্ নামক

লণ্ডন নগরের এক জন বিজ্ঞ চিকিৎসকের নি-কট ক্রমাগত চারি বৎসর থাকিয়া চিকিৎসা বিদ্যা শিখিতে লাগিলাম। পিতা মধ্যে ২ কিছু অর্থ পাঠাইয়া দিতেন। আমি তদ্বারা ভূমণকা-রিদিগের উপযোগি নৃবিক-বিদ্যা ও গণিত-বি-দ্যার কোন ২ অংশ শিক্ষা করিবার জন্যে ব্যয় করিতাম; তখন প্রায়ই মনে হইত যে ইহাতে কখন না কখন আমার ভাগ্য কিরিবেক।

বেটিসের নিকটহইতে আমি পিতার নিকট প্রত্যাগমন করিলে পর তিনি ও আমার পিতৃব্য জান মহাশয় এবং অন্যান্য কুটুম্ব আমাকে চা-রিশত টাকা দিলেন, এবং কহিলেন, যদি আমি লিডেন নগরে থাকি, তাহা হইলে আমার চলি-বার জন্য বৎসরে ২ তিনশত টাকা প্রেরণ করি-বেন। তদাজ্ঞানুসারে এই নগরে আমি দুই বৎসর সাত মাস থাকিয়া আমার দীর্ঘ যাত্রার উপযুক্ত চিকিৎসা-বিদ্যা অভ্যাস করিয়াছিলাম।


লিডেন হইতে প্রত্যাগমনের কিছুকাল পরে আ-মার হিতৈষী শিক্ষক বেটিস্ মহাশয় ইব্রাহীম পেলেন্ নামক এক জন জাহাজি কাপ্তেনের নি-কট আমাকে চিকিৎসকের পদে নিযুক্ত করিয়া দিলেন। তাহার সহিত ক্রমাগত সাড়ে তিন বৎসর দুই একবার লিবেণ্ট দেশে ও অন্যান্য স্থানে যাতায়াত করিয়াছিলাম। তথাহইতে কি-রিয়া আসিয়া লণ্ডন নগরে চিকিৎসা ব্যবসাস্থে দিনপাত করিতে মনস্থ করিলাম; তাহাতে বেটিস্ মহাশয়ও আমাকে যথেষ্ট উৎসাহ দিলেন, ও আমাকে দিয়া চিকিৎসা করাইতে কয়েক জন রোগিকে অনুরোধ করিলেন। ওল্ডজুরী-নামক স্থানে একটা ক্ষুদ্র বাটী ছিল, তাহারি একাংশ ভাড়া লইলাম, এবং আগুন অবস্থা পরিবর্ত্ত করিবার পরামর্শ পাইয়া লণ্ডন-নগরের নিউগেট্

গলীহু এডমণ্ড বটন নামক এক ব্যক্তির মেরী নামী দ্বিতীয়া কন্যাকে বিবাহ করিলাম, ও তাহার যৌতুকে চারি সহস্র টাকাও পাওয়া গেল।

দুই বৎসর পরে আমার ঐ হিতকারী শিক্ষকের মৃত্যু হয়। তাঁহার বিয়োগে, সহায় অতি অল্প হইল, সুতরাং আমার ব্যবসায়েরও উত্তরোত্তর হ্রাস হইয়া শেষ হইতে লাগিল; কলতঃ অধিকাংশ বন্ধুবান্ধবের সহিত তুল্য ব্যবসায়ে সপত্ত হওয়া আমার মনঃস্পীতিকর হইত না। এই হেতু আমি আপন স্ত্রী ও অন্যান্য স্বজনের সহিত পরামর্শ করিয়া পুনর্বার সমুদ্রযাত্রায় মনন করত অনুক্রমে দুই জাহাজে চিকিৎসকের পদে নিযুক্ত হইয়া ছয় বৎসরের জন্য ভারতবর্ষে ও পশ্চিম-ইণ্ডিয়া প্রদেশে ভ্রমণ করিয়াছিলাম; তাহাতে আমার ধনেরও কিঞ্চিৎ বৃদ্ধি হয়। তথায় সর্বদা উত্তমোত্তম পুস্তক পাইবার সম্ভাবনা ছিল, তাহাতে প্রাচীন বা অর্ধাচীন গুহু লইয়া পাঠ করত আমার সাবকাশ কাল আনন্দে যাপন হইত। তীরে উঠিলে তত্রস্থ লোকদিগের রীতি চরিত্র আহার ব্যবহার শারীরিক ও মানসিক ভাব এবং ভাষা শিখিতে নিযুক্ত হইতাম; সে সকল কথা আমার মনে আরণ হইলে অদ্যাপি আমি যৎপরোনাস্তি সুখী হইয়া থাকি।

এই কএক যাত্রার শেষটা শুভযাত্রা হয় নাই, তাহাতে আমি অতিশয় বিরক্ত হইয়া স্ত্রীপুত্র প্রভৃতি পরিজনের সহিত গৃহে অবস্থান করিতেই মনস্থ করিয়াছিলাম। নাবিকগণের চিকিৎসা করিবার প্রত্যাশায় আমি ওল্ডজুরী হইতে আপন বাস উঠাইয়া ফেটর নামক গলীতে ও তথাহইতে বাপিং নামক স্থানে লইয়া গেলাম; পরন্তু সে সকল বার্তা বিবরণ-যোগ্য নহে। তিন বৎসর কাল অপেক্ষা করিয়া থাকিতে ২ সে বিষয়ে পূর্বাপে-

ক্ষয় কিঞ্চিৎ উত্তম ফল ফলিল। এন্টিলোপ জাহাজের কাপ্তেন উইলিয়ম প্রিচার্ড সাহেব তৎকালে দক্ষিণ সমুদ্রে যাইতেছিলেন; তিনি আমাকে এক শুভ কর্মের ভার দিয়া আপনার সমভিব্যাহারী করিলেন। ইং ১৬৯৯ সালের ৪টা মে মাসে আমরা বিষ্টল হইতে জাহাজ লইয়া যাত্রা করি, ও পুথমাবস্থায় আমাদের যথেষ্ট লাভও হইতে লাগিল। পরন্তু আমাদের সমুদ্রে ভ্রমণ বিষয়ের সবিস্তার বর্ণনে পাঠকগণের শ্রম ও বিরক্তি জন্মান কোন ক্রমেই উচিত হয় না; কেবল তাঁহাদিগকে এই মাত্র জানাইলেই যথেষ্ট হইতে পারে, যে আমাদের বস্থানহইতে ভারতবর্ষে যাইবার সময়ে পশ্চিমবঙ্গে এক পুচুত্তর বাত্যা আসিয়া আমাদের জাহাজ শুদ্ধ ব্যান্ডিমান্ ভূমি নামক দ্বীপে উত্তরপশ্চিমদিকে লইয়া ফেলিল। অবধানপূর্বক নিরীক্ষণ করিয়া দেখিলাম যে আমরা পৃথীর নিরক্ষবৃত্তহইতে ৩০ অংশ ২ কলা দক্ষিণে রহিয়াছি। দুর্দৈব সময়ে অপরিমিত পরিশ্রম ও কদর্য্য বস্তু আহার করিয়া আমাদের দ্বাদশ জন নাবিক মরিয়া গেল; অবশিষ্টলোক অতি দুর্বল অবস্থায় রহিল। এমত সময়ে নবেম্বর মাসের ৫ই তারিখে নাবিকেরা জাহাজের অর্ধ রজ্জু অন্তরে জলমগ্ন পর্বত দেখিতে পাইল; কিন্তু তৎসময়ে ঝড় এতাদৃশ প্রবল ছিল, যে তদৃষ্টিতে কোন ফল হইল না। আমাদের পোতের সহিত তাহার উপরি পড়িতে হইল, এবং পতনমাত্রই জাহাজের তল স্ফুট হইয়া গেল। আমরা ৬ জন নাবিক একত্র হইয়া জাহাজহইতে সমুদ্রে পোতাবতরণের তরি খানি নামাইয়া তদারোহণ পূর্বক ও ঐ জাহাজ ও মণাগরি হইতে দূরে যাইবার জন্য শীঘ্র ২ দাঁড় বাহিতে লাগিলাম। আমার গণনানুসারে বোধ হয় সাড়ে চারি ক্রোশ ঐ ঝপে বাহিয়া গিয়াছিলাম, তৎ-



(গলিবর ভগ্ন-ওরিহইতে পলায়ন করিতেছে।)

পরে আর বাহিবার ক্ষমতা রহিল না, কারণ তৎপূর্বেই অণবপোতে যৎপরোনাস্তি পরিশ্রম করিতে হইয়াছিল, তাহাতে আর শান্তির ইয়ত্তা কি? এতদবস্থায় সমুদ্রের তরঙ্গে নির্ভর করা এক মাত্র উপায়, এবং আধঘণ্টা কাল তদবলম্বনে থাকিতে না থাকিতে উত্তরদিগহইতে হঠাৎ এক প্রবল ঝাপটা আসিয়া নৌকাখানি জলমাৎ করিলেক। তদনন্তর নৌকাহু সঞ্জিগণ ও পোতহইতে যাহারা পর্বতে উঠিয়াছিল, এবং যাহারা ঐ ভগ্ন পোতে ছিল তাহাদের কাহার কি ঘটনা হইল কিছুই বলিতে পারি না; কিন্তু নিশ্চয় বোধ হইতেছে তাহাদিগের কাহারই প্রাণ রক্ষা হয় নাই। আমি কেবল আমার বিষয়ই কহিতে পারি। নৌকাচ্যুত হইয়া পুথমতঃ সন্তরণ অবলম্বন করিতে হইল, এবং সোতাঃ ও

বায়ুর সাহায্যেও বহু দূর অণুবর্তী হইতে লাগিলাম। মধ্যে ২ পদদ্বারা তলের অনুসন্ধান করিয়াছিলাম, কিন্তু কোন ফল হয় নাই; অবশেষে যখন নিরতিশয় পরিশ্রমে মৃত প্রায় হইলাম, তখনি বোধ হইল যেন তল স্পর্শ করিয়াছি; তৎকালে ঝড়েরও লাঘব হইয়াছিল। তৎস্থানে সমুদ্রের ঢালু এতাদৃশ অণপ যে আমি তীর পাইবার পূর্বে প্রায় অর্ধ ক্রোশ গমন করিয়াছিলাম। অনুভব হয়, তীর প্রাপ্তির সময় রাত্রি অষ্ট ঘণ্টা হইয়া থাকিবেক। অনন্তর এক পাদ ক্রোশ স্থান গমন করিলাম, কিন্তু কাহারো বাটা বা বসতির কোন চিহ্নও দৃষ্টিগোচর হইল না; ফলতঃ তৎকালে আমি এতাদৃশ পরিশ্রান্ত ছিলাম যে হয়ত সে সকল আমার নয়নপথে বর্তমান ছিল; কিন্তু আমি দেখিতেই পাই নাই। একেত আমি

নিতান্ত ক্লান্ত, তাহাতে আবার গুণ্যকাল, তৃতীয়তঃ পোত-ত্যাগ-করণ-সময়ে অর্ধ বোতল বাণ্ডি মদ পান করিয়াছিলাম, একারণ আমাকে অঘোর নিদ্রা আকর্ষণ করিতে লাগিল; ও তথায় কোন ঘানের উপরি শয়ন করিবামাত্র এমন সুযুগ্মি নিদ্রা উপস্থিত হইল যে আমার জীবনকালের মধ্যে আর তাদৃশ নিদ্রা হইয়াছে কি না তাহা স্মরণ হয় না। গণনায় বোধ হয় নয় ঘণ্টা নিদ্রিত ছিলাম, কেননা নিদ্রাভঙ্গ কালে প্রভাত হইয়াছিল। অতঃপর উঠিতে চেষ্টা করিয়া দেখি লাড়িবার সমর্থ নাই, ও অতি কষ্টে পাশ্ব ফিরিয়া দেখিলাম যে আমার উভয় হস্ত পাদ দৃঢ়রূপে বদ্ধ হইয়াছে, এবং আমার দীর্ঘকেশও তক্রপ বাঁধা রহিয়াছে। ততঃপর আমি আরো বোধ করিলাম যে আমার বাহুমূলহইতে উর্ধ্বদেশ পর্যন্ত শরীরেও অনেক অশক্ত বন্ধন রহিয়াছে। কেবল উপর দিকে সূর্যের তেজে দৃষ্টি-ক্লেপ করিতে আমার ক্ষমতা ছিল, তাহাতে কেবল আমার নয়নেন্দ্রিয়ের পীড়া বৃদ্ধি হইতে লাগিল। দেহের চতুর্দিকেই কোলাহল শব্দ হইতেছিল; কিন্তু তদবস্থায় আকাশ ব্যতীত আমার আর কিছুই দৃষ্টিগোচর হইল না।

কর্ণকৈর মধ্যে বোধ হইল যেন কতকগুলি সজীব প্রাণী আমার বাম পাদে লড়িতেছে; পরে ক্রমে ২ তাহারা আমার বক্ষ দেশে আইলে আমি যথাসক্তি নীচে নিরীক্ষণ করিয়া দেখিলাম যে দীর্ঘে প্রায় ছয়-অঙ্গুলী-পরিমাণ ধনুর্বাণ-ধারী কতকগুলি মনুষ্যাকার প্রাণী তথায় ভূমণ করিতেছে। ইতিমধ্যে বোধ হইল, ৪০ জনেরও অধিক ঐ রূপ মনুষ্য এক জন অগুণ্যমী প্রধান ব্যক্তির পশ্চাৎ ২ যাইতেছে। এই সকল অদ্ভুত ব্যাপার দর্শনে আমি অত্যন্ত বিস্ময়া-

পন্ন হইয়া উচ্চৈঃস্বরে চীৎকার করিলাম। তচ্ছবণে তাহারা সকলে ভয়ে ইতস্ততঃ পলায়ন করিল; এবং পরে শুনিয়াছিলাম তাহাদের কয়েক জন আমার শরীরের দুই পার্শ্ব দিয়া ভূমিতে লাফাইয়া পড়াতে অত্যন্ত বেদনা পাইয়াছিল। যাহা হউক, তাহারা অবিলম্বেই ফিরিয়া আইল, এবং তন্মধ্যে এক জন নিরতিশয় সাহসপূর্বক আমার মুখের পুতি দৃষ্টিপাত করিয়া বিস্ময়জ্ঞাপক ভাবে হস্ত উত্তোলনপূর্বক উত্তুলিত নয়নে বধীর-কর উচ্চৈঃস্বরে চীৎকার করত “হেকিনা দিগল্” এই মাত্র শব্দ স্পষ্ট-রূপে উচ্চারণ করিল। অপরাপরেরাও সেই শব্দ বারম্বার করিতে লাগিল; কিন্তু তাহারা কি বলিল তাহা আমি কিছুই জানিতে পারিলাম না। আমি তখন-পর্যন্তও ভূমিতে পড়িয়াছিলাম পাঠকেরা অনায়াসেই অনুমান করিতে পারিবেন। অবশেষে মুক্ত হইবার চেষ্টা করিতে ২ ভাগ্যক্রমে সেই সকল বন্ধনরজ্জু ছিঁড়িতে আমার সামর্থ্য হইল, এবং যে সকল ক্ষুদ্র ২ শব্দ ভূমিতে প্রোথিত করিয়া আমার বাম হস্ত তাহার সহিত বন্ধন করিয়া রাখিয়াছিল, সে সকল উৎপাটন করিয়া ঐ হস্ত আপন মুখের দিকে আনয়ন পূর্বক তাহারা যে রূপে আমাকে বাধিয়াছিল, তাহা জানিতে পারিলাম, এবং তৎক্রমেই বলপূর্বক টানাটানি ও শরীর চালনা করাতে অতিশয় বেদনা বোধ হইল; কিন্তু যে সকল দড়িতে আমার বামদিগের কেশ নীচ করিয়া ভূমিতে বাঁধা ছিল, তাহা খুলিয়া গেলে আমি তখনই আঙ্গুল দুই মাথা লাড়িতে পারিয়াছিলাম। কিন্তু ঐ প্রাণীদিগকে ধরিবার পূর্বে তাহারা পুনর্বার পলাইতে লাগিল। তাহাতে তাহাদের পূর্ববৎ চীৎকার ও গোল হইয়া-

ছিল। ঐ শব্দ শুদ্ধ হইলে পর শুনা গেল, যে তাহাদের এক জন উচ্চৈঃস্বরে “তলগো ফোনেক্” এই শব্দ করিতেছে। তৎপরে মূর্ত্তৈকৈর মধ্যে আঙ্গুল বাম হাতে যেন শত ২ সূচী কটাইতেছে বোধ করিয়া দেখিলাম, যে সূচিকা প্রমাণ প্রায়ঃ এক শত বাণ আমার ঐ হস্তে বিদ্ধ রহিয়াছে; ইহা ব্যতীত তাহারা বোমের মত আরো কতকগুলি দ্রব্য আকাশেও উৎক্ষিপ্ত করিয়াছিল। অনুমান হয় তাহারও অনেকগুলি আমার গাত্রে পড়িয়া থাকিবেক, কিন্তু তাহাতে আমি জ্ঞানপূর্ণ করি নাই। কএকটা আমার মুখে পড়িতে আইলে আমি বাম হাত দিয়া তাহা ঢাকিয়া রাখিয়াছিলাম। যখন এই বাণ-বর্ষণ শেষ হইল, তখন আমি দুঃখ ও যাতনায় গোঙ্গারাইতে লাগিলাম, এবং পুনর্বার বাঁধন ছাড়াইতে চেষ্টা করাতে তাহারা পূর্বাপেক্ষায় অধিক শর-বৃষ্টি করিতে লাগিল। তন্মধ্যে কএক জন ত্রিশূল লইয়া আমার আশে পাশে বিধিবার চেষ্টায় ছিল, কিন্তু ক্রপালক্রমে আমার গায়ে সে দিন মাহিষ-চন্দ্রনির্মিত একটা কুর্ভি থাকায় তাহা তাহারা বিধিতে পারে নাই। আমি তখন পর্যন্ত স্থির হইয়া থাকা বুদ্ধির কার্য বিবেচনা করিয়া, যাবৎ রাত্রি না হয় তাবৎ সেই ভাবে থাকিতেই ইচ্ছুক হইলাম, কেননা মনস্ত করিয়াছিলাম যে রাত্রিকালে আমার বাম হস্ত মুক্ত থাকিলে আমি আপনাকে অনায়াসেই মুক্তবন্ধন করিব। তাহাদিগকে দেখিয়া আমার এমত হৃৎপুত্র হইয়াছিল, যে যাহাদিগকে আমি তখন দেখিলাম, তাহাদের মত যদি সে স্থানের সকলে হয়, ও সেই সকলে যদি এক প্রকাণ্ড সেনাদল সাজিয়া আমার বিরুদ্ধে আইসে তাহা হইলেও আমি একাকীই সেই সকলের সমান হইতে পারিব, কিন্তু আমার ভাগ্যে তাহার বিপরীত ফল ঘটিয়াছিল। আমাকে সুস্থির থাকিতে দেখিয়া

তাহারা বাণ-নিষ্ক্ষেপ করিতে ক্লান্ত হইল বটে; কিন্তু গোলমাল শুনিয়া জানিতে পারিলাম যে তাহারা অনেকে একত্র হইয়াছে। ৭।৮ অঙ্গুলি দূরে আমার দক্ষিণ কর্ণের নিকটে ক্রমাগত প্রায়ঃ এক ঘণ্টা ঠক ২ শব্দ শুনিত পাইলাম, তাহাতে বোধ হইল যে তাহারা কোন কর্ম করিতেছে; সেই-রূপ বন্ধন-দশায় থাকিয়া আমি যথাসক্তি কিছু দূর পর্যন্ত ষাড় ফিরাইয়া দেখিলাম, যে তাহারা ভূমি-ছাড়া এক হস্ত উচ্চ এক মঞ্চ পুস্তক করিয়া রাখিয়াছে। তাহাতে তাহাদের চারি জন লোক ধরিতে পারে, অপর তদুপরি উঠিবার জন্য দুই তিন খানা কাষ্ঠের সোপানও লাগান আছে। পরে তাহাদের এক জন বৃদ্ধ ব্যক্তি সেই মঞ্চে দাঁড়াইয়া কিছু বক্তৃতা করিতে লাগিল, কিন্তু আমি তাহার এক বর্ণও বুঝিতে পারিলাম না। বক্তৃতার তিনটি বর্ণ-মাত্র আমার স্মরণে আছে। সেই প্রধান ব্যক্তি, আপন বক্তৃতা করণের পূর্বে “লেঙ্গো, দেহল, সন্” এই বাক্য তিন বার উচ্চৈঃস্বরে কহিয়াছিল। পরে তাহারা তৎকালের ও পূর্বকার কথাগুলি আমার নিকট পুনরুক্ত করিয়া ব্যাখ্যা করিয়াছিল। এই শেষোক্ত বাক্য শুবণমাত্র তাহাদের ৫০ জন লোক তৎক্রমে আমার মস্তকের বামদিগের বন্ধন কাটিয়া দিল, তাহাতে আমি দক্ষিণ পার্শ্ব ফিরিয়া সেই বক্তার আকার প্রকার দেখিতে সমর্থ হইলাম। বোধ হইল সে মধ্যবয়স্ক ও সেই মঞ্চস্থ নিজ সহচর অন্য তিন জনহইতে দায্যাকার। তাহাদের এক জনকে ঐ প্রধানের পরিচ্ছদের ভূমিপতিত-প্রান্ত-ভাগ ধরিয়া থাকিতে দেখিয়া বোধ হইল সে তাহার বড় ঘনিষ্ঠ, তাহার দৈহিক দীর্ঘতা পরিমাণ আমার মধ্যমা অঙ্গুলীহইতে কিছু বড়। অপর দুই জন উহার দুই পার্শ্বে অবলম্বনের ন্যায় দাঁড়াইয়াছিল। বক্তা হইলে যত ২ অভিনয় অর্থাৎ অঙ্গভঙ্গি করি-

তে হয় সে তাহা সমুদায় করিতে লাগিল; তাহাতে আমার স্পষ্টই প্রতীতি হইল যে সে কখন ভয়-প্রদর্শন কখন কিছু অঙ্গীকার কখন বা খেদ ও দয়া প্রকাশ করিতেছে। আমিও তখন বাম হস্ত উত্তোলন ও সূর্য্যদিকে দৃষ্টিপাত করত যেন তাঁহাকে সাক্ষী মানিতেছি, এমনি ভাবে অধীনের ন্যায় গুটিকত কথা কহিয়াছিলাম। একে আমি জাহাজ ছাড়িবার এক বস্তু পূর্ব অবধি কিছু মাত্র আহা করি নাই, তাহাতে আবার স্বভাবপরবশ, সুতরাং ক্ষুধায় শুষ্ক প্রায় ও বিকল হইয়া কিছু খাইবার ইচ্ছা জানাইবার জন্য বারম্বার আপন অঙ্গুলী মুখে দিয়া অকর্তব্য অধৈর্য্য প্রকাশে সহিষ্ণু হইতে পারিলাম না।

হরগো আমার ইঙ্গিত ভালমতে বুঝিয়াছিল (পরে জানিতে পারিলাম তাহারা প্রধান কর্তাকে হরগো বলিয়া ডাকিত) সে মাচাইতে নামিয়া কএকখানা সিঁড়ি আমার পার্শ্বে লাগাইতে আদেশ করিলে তাহারা তাহা করিল। পরে তদ্বারা আমার উপরি প্রায় এক শত জন উঠিয়া আমার মুখের দিকে চলিয়া আসিতে লাগিল। তাহাদের রাজা আমার বিষয়ে প্রথম সংবাদ পাইবামাত্র রাজধানীহইতে কএকটি ছোট ২ চুপড়ি মিষ্টানে পরিপূর্ণ করিয়া আমার জন্য পাঠাইয়া দিয়াছিলেন, আগমনকালীন সে সকল তাহাদের হস্তে দেখিতে পাইলাম। কএকটা পাত্র নানাবিধ পশুমাংসে পরিপূর্ণ ছিল, কিন্তু সে সকল কোন পশুর মাংস তাহা আমি আশ্বাদন করিয়া কিছুই ইতরবিশেষ করিতে পারিলাম না। উপস্থিত সমুদায় সামগ্ৰী দুই তিন গুণসেই নিঃশেষ হইল; এক ২ বারে আমি তিন চারিটা করিয়া মিষ্টানের পিণ্ড গুণ্য করিতে লাগিলাম, সে সকল পিণ্ড প্রায় বন্দুকের ছিটাগুলির মত। তা-

হারা যথাশক্তি শীঘ্র ২ আমার মুখে আহা যোগাইতে লাগিল, কিন্তু ভাবে বুঝিলাম আমার আকার ও ক্ষুধার প্রাদুর্ভাব-দর্শনে তাহাদের নিতান্ত বিস্ময় হইয়াছিল। অনন্তর আমি ইঙ্গিত-দ্বারা পানেচ্ছা ব্যক্ত করিলে পর তাহারা আমার আহারের আতিশয্য-দর্শনে যৎকিঞ্চিৎ পানীয়ে কিছু হইবেক না বিবেচনা করিয়া সাবধান-পূর্বক একটা মদপূর্ণ ক্ষুদু পিঁপা নাংগড়াইয়া আনিল। পরে তাহার ঢাকনি খুলিয়া আমার হাতের কাছে রাখিলে তত্রস্থ জল আমি এক নিঃশ্বাসেই অন্যায়সে পান করিয়া শেষ করিলাম। কারণ সে পাত্রে আধ বতল পানীয় দ্রব্য হইতে অধিক ধরিতে পারিত না। আশ্বাদনে যেন বর্গাণ্ডি দেশের অপকৃষ্ট মদিরা এমনি বোধ হইল, কিন্তু তদপেক্ষায় কিছু স্বাদুতর। দ্বিতীয়বার আনিলে তাহাও সেই রূপে পান করিয়া পুনর্বার অধিক প্রার্থনার ইঙ্গিত করিলাম। কিন্তু তাহাদের ঐ দ্রব্য আর কিছু মাত্র ছিল না। আমার এতাদৃশ অস্তুত ব্যাপার নয়নগোচর করিয়া তাহারা জয়ধ্বনি করত আমার বুকের উপরি পূর্ববৎ “হেকিমা দিগল বারম্বার” বলিয়া নৃত্য করিতে লাগিল। তাহারা আমাকে সঙ্কেতদ্বারা ঐ দুই পিঁপা দূরে ছুড়িয়া ফেলিতে কহিল, কিন্তু ইতিপূর্বে “বোরেক মিবোলা” এই বাক্যদ্বারা সকল লোকেই নীচে নামিতে সতর্ক হইয়াছিল। তাহারা শূন্য পথে ঐ দুইটা পাত্র ফেলিতে দেখিয়া এককালে “হেকিমা ডেরল” বলিয়া উচ্চৈঃস্বরে চীৎকার করিতে লাগিল। যাহারা আমার শরীরের উপর দিয়া যাতায়াত করিতেছিল, ও আয়ত্তের মধ্যে ছিল, তাহাদের ৪০৫০ জনকে ধরিয়া ভূমিতে ফেলিয়া দিবার জন্য তাহারা আমাকে বারম্বার প্ররোচনা দিতে লাগিল; কিন্তু মনে ২

ভাবিয়া দেখিলাম, যে তাহারা আমাকে যে ক্রোশে ফেলিয়াছে, তাহা তাহারা যত করিতে পারিত তত নহে, অধিকন্তু সম্মান করণাভিপ্রায়ে তাহাদের প্রতি আমি অধীনতার ভাবও প্রকাশ করিয়াছিলাম, ইহাতে সুতরাং আমাকে ঐ কম্পনাহইতে রহিত হইতে হইল। আরো বিবেচনা করিয়া দেখিলাম যে তাহাদের এ রূপ সমারোহ ও ব্যয়স-পূর্বক আমার আতিথ্য করণে আমাকে তাহাদের নিকট বাধ্য হইতে হয়। সে যাহা হউক ঐ সকল ক্ষুদু মানবালী আমার মুক্তিক-হস্ত-যুক্ত-প্রকাণ্ড-দেহ অবলোকন করিবামাত্র যে বিনা হুকম্পে অকৃতোভয়ে তাহাতে আরোহণ-পূর্বক গমনাগমন করিয়া বীরতা প্রকাশ করিয়াছিল, তদর্শনে আমার তৎকালীন বিস্ময়ের আর ইয়ত্তা ছিল না।

রা. না. বি.

### তমলুকের কুঠিতে লবণ-প্রস্তুত-করণের প্রথা।

বিবিধার্থের প্রথম ও দ্বিতীয় পর্বে নীল, আফিম, রেশমাদি এতদেশীয় প্রধান ২ বাণিজ্য দ্রব্য প্রস্তুত-করণের বিবরণ প্রকটিত করা গিয়াছে; এই পর্বে লবণ, সোরা, চিনি, লাক্ষা প্রভৃতি অপরাপর কএক পদার্থের উৎপাদন-বিষয়ক সঙ্ক্ষেপ-বিবরণ লিপিবদ্ধ করিতে সঙ্কল্প করিয়া উপস্থিত খণ্ডে লবণ প্রস্তুত করণের প্রথা বিবরণ করিতেছি।

লবণের বাণিজ্য ইংরাজ রাজপুরুষেরা আপন হস্তে রাখিয়াছেন; তাহাদিগের অনুমতি ভিন্ন কেহ ঐ পদার্থ প্রস্তুত করিলে তৎক্ষণাৎ সে রাজদ্বারে দণ্ডনীয় হয়। অপর বঙ্গদেশে যে সকল লবণ

প্রস্তুত হইয়া থাকে, তৎসমুদায় কোম্পানি ক্রয় করিয়া লন, ও তৎপরে অষ্ট বা ততোধিক-গুণ মূল্যে তাহা প্রজাদিগের ব্যবহারার্থে বিক্রয় করেন। এই একচেটিয়া বাণিজ্য বার্ষিক ৩ কোটি টাকা কোম্পানির লভ্য হইয়া থাকে, এবং তৎকার্য্য-সম্পাদনার্থে তাহারা বিপুল-ব্যয়-সহকারে বহু-সঙ্খ্যক কার্য্যালয় সংস্থাপিত ও অনেক কর্মচারী নিযুক্ত করিয়াছেন, এবং তাহাদের সুশাসনার্থে স্থানে ২ নিয়ামক কর্তৃবর্গও নিযুক্ত আছে। বঙ্গদেশে যে সকল লবণ-প্রস্তুতের কার্য্যালয় আছে, তাহার নিয়ামক সাহেবেরা কলিকাতায় অবস্থিত করেন; এবং তাহাদিগের বৈঠক “সাল্ট-বোর্ড” নামে বিখ্যাত। ঐ বোর্ডের অধীনস্থ সমস্ত কার্য্যালয়ে এক নিয়মে কর্ম সম্পন্ন হইয়া থাকে, তাহার একের বিবরণে সকলেরই বিবরণ ব্যক্ত হয়, অতএব প্রস্তাব-সঙ্ক্ষেপ-করণাভিপ্রায়ে এস্থলে কেবল তমলুকের কুঠিতে যে প্রকারে লবণ-প্রস্তুত-করণ কার্য্য সম্পন্ন হইয়া থাকে, তাহারই বর্ণন করিব।

তমলুক নগর কলিকাতাহইতে ২২ ক্রোশ অন্তরে রূপনারায়ণ নদীতে স্থিত। পূর্বকালে তাহা সম্পন্ন ও বাণিজ্য-বিষয়ে সুন্দররূপে বিখ্যাত ছিল; অধুনা সে খ্যাতি লুপ্ত প্রায় হইয়াছে, কেবল নাম মাত্র অবশিষ্ট আছে। পরন্তু লবণ সম্বন্ধে এই নগর সামান্য নহে। ইহাতে যে কুঠি আছে, তাহাহইতে প্রতি বৎসর ২১০ লক্ষ মৌন লবণ প্রস্তুত, তথা কোম্পানির ২৫ লক্ষ টাকা লাভ, হইয়া থাকে।

তমলুকের সদরকুঠীর অধীনে পাঁচটি কার্য্যালয় নির্দিষ্ট আছে, তন্মধ্যে তমলুক, মৈনাদল, জলামুটা, আওরঙ্গাবাদ এবং ডুমগড়, এই কার্য্যালয়-সকল আড়ঙ্গ নামে বিখ্যাত; এবং



তাহার প্রত্যেক আড়ঙ্গ যথোপযুক্ত ক্ষুদ্র কার্য্যালয়ে বিভক্ত আছে। ক্ষুদ্র কার্য্যালয়ের নাম “হুদা”। এই সকল কার্য্যালয়ে দারোগা, মোহরর, আদলদার, জেলাদার প্রভৃতি ভিন্ন ২ নামবিশিষ্ট অনেক কর্মকর্তা নিযুক্ত আছে; তাহারা কার্তিক মাস অবধি বর্ষার প্রারম্ভ পর্যন্ত লবণ প্ৰস্তুতকরণ কার্যে নিযুক্ত থাকে। কার্তিক-মাসের প্রারম্ভে লবণ সমাজের (সাল্ট-বোর্ডের) সাহেবেরা কোন আড়ঙ্গে কত লবণ প্ৰস্তুত করা কর্তব্য তাহার পরিমাণ নির্দিষ্ট করিয়া দেন। সেই পরিমাণের নাম “তায়দাদ”। এ তায়দাদানুসারে প্রত্যেক হুদার কর্মকারকেরা আপন ২ হুদার অন্তর্গত প্রজাদিগকে ডাকাইয়া কে কত পরিমাণে লবণ প্ৰস্তুত করিবে, ও কি প্রকারে মূল্য লইবেক তাহা নির্দ্ধারিত করে, ও তদ্বিবরণ এক ২ ছাপা কাগজে লিখিয়া দেয়। এই নির্দ্ধারণ-ক্রিয়ার নাম “সৌদাপত্র,” ও যে কাগজে তাহা লিখিত হয় তাহার নাম “হাতচিঠা,” ও যে সকল ব্যক্তির এ বম্পুকারে সৌদাপত্র স্থির করিয়া হাতচিঠা প্রাপ্ত হয় তাহারা “মলঙ্গী” নামে খ্যাত। লবণ-প্ৰস্তুতকরণ-কার্যে অত্যন্ত লাভ, সুতরাং কেবল এই কার্যে কেহই দিনপাত করিতে পারে না, মলঙ্গী-মাত্রেই লবণ প্ৰস্তুত করা ব্যতীত কৃষিকার্যে দিনযাপনের উপায় অর্জন করে, পরন্তু এ উভয় কর্মেও তাহাদের দারিদ্র্য দূর হয় না, সকলেই বিপুল ঋণগুস্ত ও অত্যন্ত দরিদ্র।

তমলুকের লবণ তত্ত্ব ভাগীরথী, হুদী, টেঙ্গ-রাখালী, রায়খালী, প্রভৃতি কয়েক নদীর জলে প্ৰস্তুত হয়, সুতরাং লবণ-প্ৰস্তুত-করণের কার্য্যালয় সকল এ নদীতেই নির্দ্ধিত আছে। মলঙ্গীরা যথোপযুক্ত স্থান নির্দ্ধিত-করণ পূর্বক তাহা চারি অংশে বিভাগ করে। তাহার প্রথমাংশের নাম

“চাতর”; তাহা সর্বাণেকায় বৃহৎ, এবং তাহাতে লবণের মৃত্তিকা প্ৰস্তুত হয়; দ্বিতীয়াংশের নাম “জুরি” অর্থাৎ কুণ্ড; লবণাক্ত জল রাখিবার জন্য তাহা আবশ্যিক; তৃতীয়াংশের নাম “মাদা” অর্থাৎ লবণ ছাঁকিবার স্থান; চতুর্থ “ভূঁরি ঘর” অর্থাৎ লবণ পাক করিবার গৃহ। এই অংশ-চতুষ্টির সমষ্টির নাম “খালাড়ি” বা “মলঙ্গ”; এই রূপ এক ২ খালাড়ির নিমিত্তে দুই তিন বিঘা ভূমির প্রয়োজন হইয়া থাকে।

পূর্বেই উক্ত হইয়াছে, খালাড়ির অন্যান্য অংশ-হইতে চাতর বৃহৎ; তদর্থে এক বিঘা বা ততোধিক স্থান আবশ্যিক হয়। মলঙ্গীরা তাহা অতি সাবধানে পরিষ্কার করে, তথাহইতে কএক অঙ্কুলী পরিমিত মৃত্তিকা খনন করিয়া তাহার মধ্যে ২ ও চতুর্দিকে বাঁধ দিয়া তাহা তিন অংশে বিভাগ করে। তৎপরে এ ক্ষেত্রত্রয় খনন করিয়া তদুপরি মই দিয়া ভূমি চোরস করা যায়। এ চোরস-করা ভূমি ৮-১০ দিবস-রৌদ্রে শুষ্ক করিলে তাহার উপরিভাগের মৃত্তিকা, ইষ্টক-প্রাচীরে লোনা লাগিলে যে প্রকার চূর্ণ জন্মে তদ্রূপে, চূর্ণ হইয়া যায়। চূর্ণ প্ৰস্তুত হইলে তদুপরি পাঁচ ছয় জন মনুষ্য ইতস্ততঃ ভ্রমণ করিয়া তত্ত্বাবৎ উত্তম-রূপে দলিত \* করে, ও তৎপরে এক সপ্তাহ তাহা রৌদ্রে শুষ্ক হইলে এ চূর্ণ খুরপুদ্বারা চাঁচিয়া একত্র করা যায়। কটালের জলে চাতর সিক্ত থাকিলে ও রৌদ্রের সাহায্য হইলে লবণ-মৃত্তিকা উত্তমরূপে উৎপন্ন হয়। অপর বন্যার জলে চাতর খৌত হইলে তথা কার্তিক বা অগস্ত্য মাসে অত্যন্ত বর্ষায় বা কোয়াসায় অথবা মেঘেনভোভাগ সর্বদা আচ্ছন্ন থাকিলে লবণোৎ-

\* পরিভাষায় তাহার নাম “চাপা করণ”।

পত্তির হানি জন্মে। পৌষ ও মাঘ মাসে জোয়ারের জলে জুরি-নামক কুণ্ড-সকল পরিপূর্ণ না হইলেও লবণ প্ৰস্তুত কার্যের হানি সম্ভাবনা।

জুরি নির্দ্ধারণার্থে চারিকাঠা ভূমি আবশ্যিক। এ ভূমিতে ৫১৬ হস্ত গভীর এক কুণ্ড খনন করত এক পয়োনালদ্বারা তাহা কোন নদীর সহিত সংযুক্ত করিলেই জুরি প্ৰস্তুত হইল। কটালের দিবস উক্ত নাল দিয়া নদীর লবণাশ্বতে জুরি পরিপূর্ণ হইলে, মলঙ্গীরা নাল বন্ধ করিয়া লবণ প্ৰস্তুত করণার্থে সময়ে এ জল রক্ষা করে। বর্ষাকালে জুরি বৃষ্টির জলে পরিপূর্ণ হইয়া থাকে; কার্তিক-মাসে সেই জল সিঞ্চন-পূর্বক জুরি পরিষ্কার করত, কটালের লবণাশ্বদ্বারা তাহা পূরণ করা লবণ-প্ৰস্তুত-করণ-কার্যের এক প্রধান কর্ম; সাবধানে তাহা সম্পন্ন না হইলে সকল শুম বিফল হইবার সম্ভাবনা।

চাতর জোয়ারের জলে সিক্ত করিয়া খনন ও রৌদ্রে শুষ্ক করণের নাম “সাজন”। কার্তিক মাসে তদ্রূপে চাতর প্ৰস্তুত করিলে ক্রমাগত তিন মাস তাহাতে লবণ-মৃত্তিকা জন্মিতে পারে, তৎপরে মাঘের শেষে বা ফাল্গুণের প্রারম্ভে তাহা পুনঃ জোয়ারের জলে সিক্ত করিয়া খনন না করিলে ও তদুপরি ভস্ম ও মাদার অকর্মণ্য মৃত্তিকা না ছড়াইয়া দিলে তাহাতে লবণ-মৃত্তিকা উত্তমরূপে জন্মে না।

খালাড়ির তৃতীয়াংশের নাম মাদা; তন্নির্দ্ধারণার্থে মলঙ্গীরা দ্বাদশ হস্ত পরিধি, ও ৪১০ হস্ত উচ্চ এক মৃৎস্তূপ প্ৰস্তুত করত তদুপরি ১১০ হস্ত গভীর ও ৫ হস্ত পরিমিত মালসাবয়ব এক গর্ত খনিত করিয়া মৃত্তিকা, ভস্ম, বালুকা দ্বারা তাহার তল সুদৃঢ় ও জলের অভেদ্য করে। তদনন্তর তাহার তলে “কুঁড়ি” নামক একটি মৃৎপাত্র স্থাপন করত এক বংশ-নল দ্বারা তাহার সহিত স্তুপের সন্নিকটস্থ

এক প্রকাণ্ড জালার সংযোগ করিয়া দেয়। এ জালার নাম “নাদ”, এবং তাহাতে ৩০-৩২ কলস জল ধরিতে পারে।

চাতরে লবণ-মৃত্তিকা প্ৰস্তুত হইলেই মলঙ্গীরা পূর্বোক্ত কুঁড়ির উপর বংশ-নির্মিত এক খানি ছাকনি ও তদুপরি কিঞ্চিৎ খড় রাখিয়া এ মৃত্তিকায় মাদার গর্ত পরিপূর্ণ করত পাদদ্বারা তাহা উত্তমরূপে চাপিয়া দেয়, ও জুরিহইতে ৮০ কলস লবণ-জল তদুপরি ঢালিতে থাকে। এ জল লবণ মৃত্তিকা খৌত করিয়া ক্রমশঃ বংশনলদ্বারা নাদে আসিয়া পতিত হয়। কিন্তু তৎসমুদায় জল লবণ-মৃত্তিকা হইতে পৃথক হয় না; ৮০ কলস জলের ৩০-৩২ কলসমাত্র নাদে আসিয়া পড়ে, অবশিষ্ট জল এ মৃত্তিকার সহিত সংলগ্ন থাকে। নাদে জল-পড়া রহিত হইলে মলঙ্গীরা এ লবণ-জল এক পৃথক কলসে লইয়া রাখে, এবং মাদার খৌত মৃত্তিকা চাতরে নিক্ষেপ করণাভিপ্রায়ে স্থানান্তর করত মাদায় নূতন লবণ-মৃত্তিকা দিয়া তাহা ছাঁকিতে প্ৰবৃত্ত হয়।

লবণ জাল দিবার ঘরের নাম ভূঁরি ঘর; তাহা চাতরের সন্নিকটেই নির্দ্ধিত হয়। তাহার দৈর্ঘ্য পরিমাণ ২৫-২৬ হস্ত, এবং প্রস্থ ৭ বা ৮ হস্ত। মলঙ্গীমাত্রেই এ ঘর উত্তর দক্ষিণে দীর্ঘ, এবং তাহার দক্ষিণ ভাগাণেকায় উত্তর ভাগ অধিক উচ্চ করিয়া নির্দ্ধারণ করে; তৎকারণ এই যে দক্ষিণ ভাগ তাহাদিগের আবাসস্থান, তাহা অধিক উচ্চ করিবার প্রয়োজন নাই, কিন্তু উত্তর-ভাগে লবণ-জালের উন্নয়ন নির্দ্ধারণ করিতে হয়; তজ্জাত-ধূম-নির্গমনের নিমিত্ত গৃহ উচ্চ না করিলে তন্মধ্যে অবস্থিতি করা কঠিন হইয়া উঠে। উক্ত উন্নয়ন মৃত্তিকাদ্বারা নির্দ্ধিত হয়; তাহা তিন হস্ত উচ্চ। এ উন্নয়নের উপরিভাগে কদম দিয়া তদুপরি দুই

শত বা দুই শত পাঁচশটি মিশুর কুন্দাকার ছোট ২ মূৎপাত্র স্থাপিত করিতে হয়; ঐ পাত্রের নাম “কুঁড়ি”, ও তাহার প্রত্যেকটার আয়তন ডেড় সের। তৎসমুদায় কৰ্দমে প্রোথিত করিয়া উনুনের উপর স্থাপিত করিলে যে অবয়ব হয় তাহা পার্শ্বে প্রদর্শিত হইল; মলঞ্জীরা তাহাকে “ঝাঁট”, এবং যে মূৎপিণ্ডের উপর তাহা স্থাপিত করে, তাহা “ঝাঁটচক্র” শব্দে কহে।

উনুনে অগ্নি প্রজ্জ্বলিত করিলে কৰ্দম শুষ্ক হইয়া তত্রস্থ সমস্ত কুঁড়ি-পাত্রের এক পিণ্ড হইয়া উঠে। চারি পাঁচ বা ছয় ঘণ্টা কাল তাহাতে নাদের লবণ-জল পাক করিলে দুই ঝোড়া লবণ প্রস্তুত হয়। ঐ ঝোড়া

V  
VV  
VVV  
VVVV  
VVVVV  
VVVVVV  
VVVVVVV  
VVVVVVVV  
ঝাঁট।

উনুনের পার্শ্বে স্থাপিত থাকে, এবং তাহাইতে যে জল নিঃসৃত হয়, তাহা ঝোড়ার নিম্নস্থ তৃণের উপর পড়িয়া লবণের স্তূল-পিণ্ডরূপে পরিণত হয়। ঐ লবণ-পিণ্ডের নাম “গাছা-লবণ”; অন্য লবণাপেক্ষায় তাহা বিশেষ নির্মল; কিন্তু মলঞ্জীরা তাহা কোম্পানিকে না দিয়া অনায়ামে গোপনে অন্যকে বিক্রয় করিতে পারে বলিয়া গাছা-লবণ প্রস্তুত করণের নিষেধ আছে।

লবণ-পাক-করণের পরিভাষা “পোক্তান”। দুই ঝোড়া লবণ পোক্তান হইলে আদলদার, নামক কোম্পানির এক জন কর্মকারক আসিয়া ঐ লবণোপরি এক কাষ্ঠ মুদুর চিহ্ন করে; ঐ মুদুর নাম “আদল”, এবং তাহাইতে ঐ মুদুরের নাম উৎপন্ন হইয়াছে।

লবণ মুদুরিত হইলে পর মলঞ্জীর ভাণ্ডারে (খাটিতে) স্থাপিত হয়; তথায় এক দিবরাত্র তাহা বুদ্ধিতে থাকিয়া প্রায়ঃ শুষ্ক হইলে পর

গোলা-ঘরের ভূমুপরি স্তূপাকারে রাখা যায়। দশ বার দিবস লবণ গোলা-ঘরে রাখিয়া পরে তাহা গোলাহইতে বাহির করত গোলায় দ্বার-নিকটে স্তূপ করিয়া রাখিতে হয়। ঐ স্তূপের নাম “বাহির কাঁড়ি”; ১০।১৫ দিবস ঐ কাঁড়ি শুষ্ক হইলে পর কোম্পানির “পোক্তান-দারোগা” নামক কর্মকারী তাহা মলঞ্জীর নিকটহইতে তোলিত করিয়া লয়, এবং যে পরিমাণে লবণ প্রাপ্ত তাহা মলঞ্জীর হাতচিঠায় লিখিয়া দেয়। লবণ-তুল-করণ-সময়ে তুলকারী (কয়াল) অনবরত এক বিশেষ পদ উচ্চারণ করিয়া থাকে, তাহা এস্থলে উদ্ধৃত করিলে বোধ হয় কেহই বিরক্ত হইবেন না। তৎপদ যথা,

“রামগোপালে পঞ্জুড়ে।  
মাল দিতে হবে পঞ্জুড়ে ॥  
জলিদ চলো ভইয়া রে।  
এক পাও দিতে হবে পঞ্জুড়ে” ॥

পোক্তান-দারোগা-কর্তৃক লবণ তোলিত হইলেই তাহা কোম্পানির পদার্থ হইল। তাহারা ঐ লবণ ঘটনারায়ণপুরে আনয়ন করিয়া আপনাদিগের গোলা পূর্ণ করেন; ও অবকাশমতে তাহা লবণবিক্রেতাদিগকে আপনাদিগের নিদিষ্ট-মূল্যে বিক্রয় করিয়া থাকেন। মলঞ্জীরা কোম্পানির নিকটে লবণের মূল্য আড়ঙ্গ ভেদে মোন করা ১০ বা ১০।১০ করিয়া প্রাপ্ত হইয়া থাকে; পরে কোম্পানি ঐ লবণ ৩০।১১১১ করিয়া বিক্রয় করেন; সুতরাং ক্রয় বিক্রয়ের মূল্য কর্ম-কর্তাদিগের বেতন ও অন্যান্য সমস্ত ব্যয় ব্যতীত তাহারা মোন করা অম্পতঃ ২।।০ টাকা লভ্য করিয়া থাকেন।

হস্তির বিবরণ।

২২ মধ্যক বিবিধার্থ-সঙ্গ্রহে বন্যহস্তী ধরিবার প্রথা উল্লিখিত হইয়াছে; অধুনা সাধারণরূপে ঐ পশু-শ্রেণীর প্রাকৃতিক-বিবরণ প্রকাশ করা যাইতেছে।

ইদানীন্তনের সর্ব প্রকার ভূচর পশু অপেক্ষা হস্তী অতি বৃহদাকৃতিমান জন্তু; ইহার গভীর-পাংগুল-বর্ণ-বিশিষ্ট-শরীরের উচ্চতা প্রায়ঃ ৮ হস্ত; এবং ইহার ভার প্রায় ৮-৮ মোন পরিমিত হইয়া থাকে। এই গুরুতর-ভার-ধারণ-নিমিত্ত হস্তির স্তম্ভতূল্য সুদৃঢ় পদচতুষ্টয় সম্যক উপযুক্ত; পদচতুষ্টয়ের অগুভাগ পঞ্চ নখবিশিষ্ট।

হস্তির স্কন্ধদেশ অত্যন্ত হৃদয়; সুতরাং অন্যান্য জন্তুর ন্যায় তাহারা মস্তক সঞ্চালন করিতে পারে না। তাহার মস্তক ও দশনদ্বয় যে প্রকার বৃহৎ, তাহাতে স্কন্ধের হৃদয়তাই আবশ্যিক। কিন্তু পরমেশ্বর ঐ দোষাপূন্যনার্থে হস্তিকে এক সুদীর্ঘ শৃগু প্রদান করিয়াছেন; মনুষ্যের পক্ষে হস্ত ষাদৃশ উপকারী, হস্তির পক্ষে শৃগুও তদ্রূপ। এই প্রত্যঙ্গের অগুভাগ এমত আশ্চর্যরূপে নির্মিত, যে তৎসহকারে হস্তী কি অত্যন্ত গুরু কি অতি সূক্ষ্ম পদার্থ অনায়ামে প্রতীতি করিতে পারে।

হস্তির শুবণবৃত্তির উৎকর্ষ উত্তমরূপে প্রতীত হইয়াছে; কিন্তু তাহার ক্ষুদ্র চক্ষুদ্বয় এক প্রকার বিষদৃশ বলিলেই হয়; পরন্তু তাহাতেও বিশ্ব-সৃষ্টার আশ্চর্যজ্ঞান প্রকাশ পাইতেছে। আহা-রাধেষণে গহন-কাননে প্রবেশ করিলে কি জানি কোন প্রকার কণ্টক অথবা কাট তাহার চক্ষুতে প্রবিষ্ট হইয়া ব্যাঘাত জন্মায়, এই আশঙ্কা নিবারণার্থে পরমেশ্বর হস্তিকে এক আশ্চর্য ত্রিগু-

শিষ্ট ক্ষুদ্র চক্ষুঃ প্রদান করিয়াছেন; ইহা কোন মতে তাহার পক্ষে হানিজনক নহে।


এই চতুষ্পদের শরীরস্থ স্বভাবসিদ্ধ অস্ত্র তাহার সুদৃঢ় দন্তদ্বয়; এই ভয়ানক অস্ত্রের সাহায্যে সে ক্ষুদ্রবৃক্ষ সকলকে উন্মূলিত করিয়া ফেলে। এতদ্বারা একবার মাত্র আঘাত করিলে সিংহ ব্যাঘু গণ্ডারাদি ভীষণ-জন্তুও বিনষ্ট হইয়া যায়। হস্তীর চর্বণ দন্তশ্রেণি শতবর্ষ-পর্যন্ত ভগ্ন হয় না; এবং পরে উন্মূলিত হইলে পুনর্বার নূতন দন্ত উৎথিত হয়।

হস্তিনী বিংশতি মাস এবং অষ্টাদশ দিন একটি মাত্র করভকে গর্ভে ধারণ করে। এ করভের জন্ম-কালীন উচ্চতা প্রায় ২ হস্ত। সে মুখের দ্বারা স্তন্যপান করিয়া থাকে। তিন বর্ষ পরে তাহার দশন উৎপন্ন হয়, এবং ত্রিংশদ্বর্ষ বয়স্ক হইলে সে পূর্ণাবয়ব হইয়া উঠে। যদিও যথার্থরূপে হস্তীর পরমায়ু-কাল নির্ণীত হয় নাই, তথাপি ত্রিংশদধিক শতবর্ষ বয়স্ক হস্তীও দৃষ্ট হইয়াছে।

হস্তী-সকল সদা স্নানপ্রিয়, এবং সন্তুরণ কার্যে অতিশয় তৎপর।

এই জন্তুর তিন প্রকার ভিন্ন ভিন্ন স্বর। এক প্রকার আহ্বাদসূচক; তাহা শৃগু উচ্চ করিয়া তুরীর ন্যায় শব্দ করিলেই জানা যায়। অন্য প্রকার অভাব প্রকাশক; তাহা মুখকৃত অনুদাত্ত স্বরেই প্রতীত করিয়া দেয়। অপর এক প্রকার ক্রোধজ্ঞাপক; তাহা কণ্ঠদেশোৎপন্ন ভীষণ শব্দ-দ্বারা অভিব্যক্ত করিয়া থাকে।

ইহা বড় সুখের বিষয় বলিতে হইবে যে এই প্রকাণ্ড জন্তু মনুষ্যের অধীন হয়। অতি প্রাচীন কালাবধি ভারতবর্ষীয় নৃপতিগণ এবং অন্যান্য ধনবান ব্যক্তির হস্তি-পৃষ্ঠে আরোহণ করিতে সর্বদা অনুরক্ত হইয়া থাকিতেন। ইহার সুস্বিঞ্চ



(করভের স্তনপান-প্রথা।)

স্বভাবমাত্র এবিষয়ের কেবল অনুকূল হইয়াছে পালন করিলে ইহার স্বকীয় রক্ষকের সম্পূর্ণ আত্মকারী হইয়া শীঘ্রই রক্ষককে সুস্থ করে; এবং তাহার বিশেষ সঙ্কেত এবং বিশেষ শব্দ বুঝিয়া থাকে। হস্তিপের আত্মা-সকল কদাচিৎ অবহেলিত হইতে দেখা যায়—হস্তী অতি ব্যগুতার সহিত তাহা পালন করে। মনুষ্যদিগকে পৃষ্ঠ-দেশে গৃহণ করিবার নিমিত্ত সে উপবিষ্ট হইয়া থাকে। শিক্ষা দিলে দ্বার উদ্ঘাটন ও বন্ধ করণ প্রভৃতি নানা প্রকার কার্যেও তাহাকে তৎপর দেখা যায়। তাহাকে চালাইবার নিমিত্ত কদাচিৎ অঙ্কুশদণ্ড ব্যবহার করিতে হয়।

অনেকে বিবেচনা করিয়াছেন, যে ছয় ঘণ্টার কৰ্ম এক হস্তিদ্বারা সম্পন্ন হয়; কিন্তু তাহার পালনে সমাধিক যত্ন করা এবং বহু পরিমিত আহার প্রদান করা অত্যাবশ্যিক। তাহাকে প্রত্যহ ১ মোন তণ্ডুল এবং ৩।। মোন পানীয় দিতে হয়।

হস্তীর মানসিক গুণ-সকল অতি আশ্চর্য্য; এবিষয়ে অনেকে অনেক প্রকার উদাহরণ দিয়া-

ছেন; তন্মধ্যে আমরা নিম্নে দুইটি আশ্চর্য্য বিষয় গৃহণ করিতেছি।


একদা লক্ষ্মী প্রদেশের কোন নবাব মৃগয়ায় ইচ্ছা করিয়া স্বকীয় প্রিয়তম হস্তীর উপর আরোহণ করিয়াছিলেন; একটি অপ্ৰশস্ত বস্ত্র দিয়া তাহাকে গমন করিতে হইয়াছিল। ঐ পথমধ্যে কতিপয় পীড়ার্ত্ত ব্যক্তি পরিকৃত বায়ু ও সূর্যের রশ্মি সেবনাথ শয়ান ছিল। তাহাদের অনুচরেরা বহু জন পরিবৃত্ত নবাবকে নিকটস্থ দেখিয়া পলায়ন করিল। নবাব সেই দুর্ভাগ ব্যক্তিদিগকে হস্তিপদ দ্বারা মর্দন করিতে ইচ্ছা করিয়া হস্তির পুতি অঙ্কুশাঘাত করিতে আদেশ করিলেন। হস্তী কিয়দ্দূর গমন করিয়া রোগীদের নিতান্ত সমাধিস্থ হইলে আর এক পাদমাত্রও গমন করিলেক না। হস্তিপ বৃথা তাহাকে পুনঃ পুনঃ আঘাত করিতে লাগিল। নবাব কহিলেন, “ইহার কর্ণদেশে আঘাত কর”। তক্রপ করিলেও দয়াশীল হস্তী সেই নিরাশ্রয় ব্যক্তিদের সম্মুখে স্থির-তরুপে দণ্ডায়মান রহিল। পরে যখন দেখিলেক, যে তাহাদের সাহায্যার্থ কেহই আসিল

না, তখন শুণ্ডাদ্বারা অতি সাবধানে একে একে সকলকেই স্থানান্তরিত করিয়া পথ পরিষ্কার করিল। এই মহা-জন্তু উপরোক্ত মানবাকার-বিশিষ্ট নিদ্রয় জন্তুকে স্বেচ্ছা বহন করিবার কত অর্নিপযুক্ত!

বক্ষ্যমাণ আখ্যানদ্বারা হস্তির কৃতজ্ঞতা-গুণ প্রকাশিত হইতেছে।

কোন এক ভদ্র লোক একদা হস্তীপৃষ্ঠে আরোহণ-পূর্বক মৃগানুসরণক্রমে গমন করিয়াছিলেন; অরণ্য-মধ্যে এক সিংহকে মারিবার উপক্রম-সময়ে

দৈব আনারি ভয় হইয়া হঠাৎ হস্তিপৃষ্ঠহইতে ভূমিতলে পতিত হইবামাত্র সিংহদ্বারা তৎক্ষণাত আক্রান্ত হইলেন। কিন্তু হস্তির কৃতজ্ঞতা দেখ; সে নিকটস্থ একটি তরু শাখা তৎক্ষণমাত্র শুণ্ডা-দ্বারা ধারণপূর্বক সন্নত করিয়া বলপূর্বক এ প্রকার ভাবে সিংহের পৃষ্ঠোপরি স্থাপিত করিল, যে তদুপায়ে সিংহকে আপন প্রাণ ও শীকার পরিত্যাগ করিতে হইল। এই ব্যাপার নিম্নস্থ চিত্রে সুন্দররূপে প্রতীত হইবেক।



(হস্তির কৃতজ্ঞতার সিংহের দশনহইতে মনুষ্যের রক্ষা।)

আমরা যে পশুর সঙ্ক্ষেপ বিবরণ প্রকাশ করিলাম, হিন্দুস্থান, ব্রহ্ম, সিংহল প্রভৃতি দেশে তাহা উৎপন্ন হয়। তদ্ব্যতীত আফ্রিকা দেশে এক প্রকার হস্তী আছে; প্রাণিতত্ত্বজ্ঞেরা তাহাদিগকে এক ভিন্নবর্গ বলিয়া গণ্য করিয়াছেন। ভারতবর্ষীয় হস্তী অপেক্ষা তাহাদের

মস্তক ক্ষুদ্রতর, গোল, এবং সুশ্রী; তাহাদের কর্ণ দ্বিগুণ বৃহত্তর, এবং লাজুল অন্ধক ক্ষুদ্রতর; তাহাদের আকৃতিও অপেক্ষাকৃত কিঞ্চিৎ বৃহৎ। আফ্রিকা দেশের লোকেরা গর্ত্ত খনন করিয়া হস্তী ধরিয়া থাকে; প্রসিদ্ধ রোমদেশীয় প্রাণিতত্ত্বজ্ঞ প্লিনি সাহেব লিখিয়াছেন, যে কোন হস্তী গর্ত্তে

পতিত হইলে তদীয় সঙ্গীরা তন্মধ্যে বৃক্ষ-সকল ও মৃত্তিকা-সুপ ক্ষেপণ করিয়া তাহার পলায়ন-সুবিধা করিয়া দেয়। যদিও পশুর নিকট হইতে এবম্পকার বুদ্ধির কার্য প্রতীক্ষা করা যায় না, তথাপি কিয়ৎকাল-পূর্বে প্রিজল সাহেব আফ্রিকা দেশে ভ্রমণ করিয়া উপরোক্ত বিবরণ প্রত্যক্ষ করিয়াছেন। \*—\*

### কুকি জাতির বিবরণ।

কুকি নামক অসভ্য জাতির নাম এতদেশীয় অনেক লোকেই শ্রুত আছে; তাহারা চট্টগ্রামের পূর্বোত্তর দিকস্থ পর্বতে বাস করে। বোধ হয়, কুকিরা পূর্বাঞ্চলীয় মনুষ্য-মধ্যে অতীব বর্ধর। তাহারা অপরাপর পার্বত্য লোকের ন্যায় খর্বকায়, দুটিষ্ঠ, বলিষ্ঠ, ও পরিশ্রমী, এবং পূর্ব-দেশীয় অন্যান্য লোকবৎ নতনাসিকা, ক্ষুদ্রচক্ষু, ও বর্তুল-সদৃশ মুখবিশিষ্ট।

কুকিদের মধ্যে এক উপাখ্যান প্রচলিত আছে, যে এক পিতার পত্নীদ্বয়ের মধ্যে কনিষ্ঠার গর্ভে তাহাদের উৎপত্তি, এবং জ্যেষ্ঠার গর্ভে মঘজাতির জন্ম হয়। এই জাতিদ্বয়ের সমতা-দৃষ্টে একপ বিবরণ অসম্ভব বোধ হয় না।

কুকিরা স্বভাবতঃ মৃগয়াসক্ত, ও যুযুৎসু, ও ক্ষুদ্র নানা স্বতন্ত্র শ্রেণিতে বিভক্ত আছে; তথাপি সকলেই রাজবিশেষের নিকট অধীনতা স্বীকার করে। রাজারা ক্রমাঙ্কয়ে লোকদের উপর কর্তৃত্ব করেন, এবং সম্মান-চিহ্নস্বরূপ এক কৃষ্ণবর্ণ উত্তরীয় বস্ত্র পরিধান, ও কেশ সমুদায়কে গুচ্ছরূপে মস্তকের পুরোভাগে বন্ধন, করেন।

প্রজাদের নিকট হইতে কর গৃহণ, ও বিপৎকালে যোদ্ধাদিগের উপর কর্তৃত্ব করা রাজার অধিকার; কিন্তু প্রত্যেক শ্রেণীর অধিপতি, কি সন্ধি কি বিগৃহ, সকল সময়েই আপনাদের আত্মস্বরূপ ব্যবস্থা প্রচলিত করিতে পারেন। অধিপতিত্ব পদ সামান্য রাজপদের ন্যায় পারস্পর্য্য নহে; প্রজারা মনোনীত-পূর্বক উপযুক্ত ব্যক্তিকে অধিপতিত্বপদে বরণ করে।

তীর, ধনুঃ, পরিষ, দাত্র, প্রভৃতি অস্ত্র কুকিদের ব্যবহার্য্য; এবং গবয় (গয়াল) চর্ম্মনির্ম্মিত ফলকও তাহারা ব্যবহার করিয়া থাকে। তাহারা পর্বতমধ্যে অতীব দুর্গম স্থানে বসতি করে; সেই স্থান পাড়া নামে উক্ত হয়। প্রত্যেক পাড়ায় অনূ্যন পঞ্চশত, কুত্রাপি বা দ্বিসহস্র ব্যক্ত্যধিকেরও বসতি আছে। পাড়া-সকলকে সম্যক নিরাপদ-করণ-মানসে তাহারা তাহা সুনিবিড় বংশদ্বারা পরিবেষ্টিত করে; আর দ্বারদেশে নিয়তই প্রহরিতা করিয়া থাকে। এই সকল বিষয় এবং তাহাদের পর্ণশালা-নির্ম্মানের নিয়ম-দৃষ্টে বোধ হয় যে তাহারা কদাপি নির্ভয় নিশ্চিত চিত্তে কালযাপন করিতে পারে না।

কুকিরা কদাপি সম্মুখ যুদ্ধ করে না; প্রত্যুত রাত্রিকালে নিঃশব্দ পদচারণ দ্বারা শত্রুদল-নিকটে আসিয়া প্রত্যুবে তাহাদিগকে আক্রমণ করে। জয়ী হইলে শত্রুপক্ষের ছিন্ন-মস্তক-সকল লইয়া তাহারা জয়ধ্বনি-পূর্বক আপন ২ পাড়া মধ্যে প্রবিষ্ট হয়, এবং নিহত ব্যক্তিদের সম্মানদিগকে লইয়া দাসবৎ প্রতিপালন করে। শত্রুদ্বারা অভিভূত হওয়া মহা অবমানজনক; ও অবমানিত ব্যক্তি যাবৎ কোন বীরত্ব প্রকাশ করিতে না পারে, তাবৎ সমাদর-ভাজন হয় না।

পূর্বকালে স্পার্টা-দেশীয় লোকদের মধ্যে

চৌর্য্যবৃত্তি যে প্রকার প্রশংসনীয় ছিল, ইহাদিগের মধ্যেও তদ্রূপ; ইহারা তস্কর-ক্রিয়ায় ধৃত হইলেই অবমানিত হয়, এবং হত দুব্য অধিকারিকে প্রতিদান করিতে বাধ্য হয়।

কুকিদের বৈরনির্ঘাতন প্রবৃত্তি অতি চমৎকার। ব্যাঘ্রদ্বারা যদি কোন ব্যক্তি নিহত হয়, তবে তাহার জ্ঞাতিরা যাবৎ সেই ব্যাঘ্রকে বা তদভাবে অনৈক শাদ্দুলকে বিনাশপূর্বক প্রতিবাসিদিগকে ভোজ দিতে না পারে, তাবৎ অবজ্ঞাত থাকে। অপর কেহ একটা বৃক্ষহইতে পতিত হইলে সেই বৃক্ষকে খণ্ড ২ না করিয়া ক্ষান্ত হয় না।

পূর্বোক্ত বিবরণ শুবণে অনুমান হয়, যে বুঝি তাহারা কেবল মৃগয়া মাত্র করিয়া জীবন যাপন করে; ফলতঃ তাহা নহে। কৃষিকর্ম্ম ও পশুপালনাদি কর্ম্মও তাহাদের মধ্যে প্রচলিত আছে; পরন্তু তৎতাবৎ ক্রিয়া অতি অসভ্য ভাবে নিষ্পন্ন হয়।

উদাহ ক্রিয়ায় কুকিদের বিশেষ প্রথা এই যে বরকর্ত্তা কন্যাকর্ত্তার নিকট স্বকীয় পুত্রের সাহস, সঙ্গামপ্রিয়তা, এবং চৌর্য্যনৈপুণ্যের পরিচয় দেয়।

কোন কুকির মৃত্যু হইলে তাহার জ্ঞাতিরা এক অদ্ভুত ব্যবহার করে। বৎসরের যে কোন দিবসে মৃত্যু হউক না কেন, মহাবিশুব সঙ্ক্রান্তির পূর্বদিবস-পর্য্যন্ত মৃতব্যক্তির সৎকার হয় না। তাহারা ঐ শব বেগ্নহইতে কিয়দূরবর্ত্তি এক মঞ্চোপরি রক্ষা করে, এবং পরিবারের কেহ না কেহ অহর্নিশ তাহার নিকট বাসিয়া থাকে। অনন্তর বৈশাখের সঙ্ক্রান্তি-দিবস উপস্থিত হইলে সমস্ত জ্ঞাতি কুটুম্ব একত্রিত হওত সেই মৃত ব্যক্তিকে চিতারোহিত করিয়া দক্ষ করে; পরে একত্রে ভোজনে রত হয়।

বর্ত্তমান সাহেব স্বকীয়-ভ্রমণ-সময়ে উত্তর-অমরিকার আদিম প্রজাদিগের মধ্যে এই রূপ ব্যবহার দর্শন করিয়াছিলেন। পরস্পর অতি দূরবর্ত্তি এই দুই অসভ্য জাতির ঈদৃশী ব্যবহার-সমতা অতি আশ্চর্য্য বলিতে হইবে।

কুকিদের পরলোকে বিশ্বাস আছে। তাহাদের মতে ঈশ্বরের অনুগৃহোৎপাদন কিছতেই তত হয় না, যত শত্রু-বিনাশদ্বারা সম্ভবে। ঈশ্বরকে তাহারা সর্বসুখী এবং সর্বাধিপতি বলিয়া বিবেচনা করে, এবং তাহাকে “থোজীন্ পুতি-আঙ্ক” নামে বক্ত করে। যীমসাক নামে অপেক্ষাকৃত অল্প ক্ষমতাবিশিষ্ট অপর এক দেবতা আছে; তিনি ঈশ্বর ও কুকিদিগের মধ্যস্থস্বরূপ। মনুষ্য যত অসভ্য হয়, ততই ঈশ্বর বিষয়ে অস্পষ্ট অনুভব রাখে। কুকিরা পুতীআঙ্কের-প্ৰীত্যর্থ গবয় পশু বলিদান দেয়; আর যীমসাককে ছাগ প্রদান করে। কুকিদিগের প্রত্যেক পাড়ায় যীমসাকের এক জঘন্য প্রতিমূর্ত্তি থাকে; তাহাকে কুকিরা পূজা করে।

রঞ্জানিয়া এবং অরঙ্গাবাদবাসী বাঙ্গালিদিগকে কুকিরা অত্যন্ত উন্মত্ত করে; কেবল মস্তক এবং লবণ গৃহণ করা মাত্র তাহাদের উদ্দেশ্য।

কুকি-ভাষার কতিপয় শব্দ এই; মাপা (মনুষ্য), নুনাও (মানবা), মাপানাউঠি (বালক), নুনাউঠি (বালিকা), কা (পিতা), নু (মাতা), চো-পুই (ভ্রাতা), চানু (ভগিনী), কু (পিতামহ), ফি (পিতামহী)।

১ আশ্বিন, ১৭৭৫।

## উৎস ও নদীর বিবরণ।

সমুদ্র জলের আকর। সূর্য্য-কিরনে এই জল সর্বদাই বাষ্পরূপে পরিণত হইয়া অন্ত-রীক্ষে উৎক্ষেপিত হয়; ও তথায় কিয়ৎকাল থাকিয়া পরে বায়ুর ক্রমে এবং পৃথিবী ও সূর্য্যের পরস্পর অন্তরতার হ্রাস-বৃদ্ধ্যানুসারে কোয়ামা শিশির হিমাদী বা বৃষ্টিরূপে পৃথিব্যুপরি বর্ষিত হইয়া থাকে। এই বর্ষিত বারির কিয়দংশ মৃত্তিকা মধ্যে প্রবিষ্ট হইয়া যায়, ও অপরাংশ নদীরূপে পরিণত হয়। যে জল ভূমিসাৎ হয়, তদ্বারা মৃত্তিকা সিক্ত থাকিয়া পৃথিবীকে ফলবতী ও প্রাণীর বাসোপযুক্ত করে। অপর পুষ্করিণ্যাদির খনন করিলে এই জল উৎক্ষেপিত হইয়া তাহা পূর্ণ করিয়া থাকে।

তরল পদার্থের এক প্রধান ধর্ম, এই যে তাহার সর্বত্র সমোচ্চ থাকে, কদাপি তাহার কোন অংশ উচ্চ, ও অপরাংশ নিম্ন হয় না; কোন কারণ বশতঃ সমোচ্চতার হানি হইলে তৎক্ষণাৎ এই জল আন্দোলিত হইয়া সমোচ্চতা রক্ষার চেষ্টা করে। এই কারণ-বশতঃ উচ্চ স্থানের কোন ছিদ্র বা ফাটালে বৃষ্টির জল প্রবিষ্ট হইলে এই ছিদ্র বা ফাটালের তল দিয়া তাহা নিম্ন স্থানে আনিয়া তথাকার কোন ছিদ্রদ্বারা অতি বেগে উৎক্ষেপিত হইতে থাকে। এই জলোৎক্ষেপণের নাম “উৎস” বা “ফোয়ারা”; এবং পৃথিবীর অনেক স্থানে তাহা বর্তমান আছে। অনুভূত হইয়াছে যে সমুদ্র-জল ও কোন স্থানে মৃত্তিকা ভেদ করিয়া উৎসরূপে উৎক্ষেপিত হইয়া থাকে; অপর ইহাও স্থিরীকৃত হইয়াছে, যে পৃথিবীর অন্তর্ভাগে স্বভাব-সিদ্ধ জল আছে, সেই স্থান স্ফুটিত করিয়া দিলে তাহা সমবেগে ক্রমাগত উৎক্ষেপিত হইতে থাকে, বৃষ্টি-জলজাত উৎসের ন্যায় কদাপি তাহার বেগের হ্রাস বৃদ্ধি বা মধ্যে ২ বিশ্রাম হয় না। এই উৎসের নাম “অন্তর্জলোৎস”। স্থানভেদে তাহার অবয়বের নানা ভেদ হইয়া থাকে। কোন স্থানে তাহা প্রকৃত উৎসের (ফোয়ারার) ন্যায় দৃষ্ট হয়; কোথাও তাহা কুণ্ডরূপে পরিণত আছে; তথায় তাহার উৎক্ষেপণ প্রত্যক্ষ হয় না, অথচ তাহা যে প্রকৃত উৎস বটে, তাহার প্রমাণ এই যে রৌদ্রে বা বৃষ্টিতে তাহার বিশেষ হ্রাস-বৃদ্ধি হয় না। অপর উদ্ভাগমন-সময়ে কোন ২ উৎসের জল ভূগর্ভস্থ গন্ধক লৌহাদি

পদার্থ মিশ্র করিয়া তৎপদার্থবিশিষ্ট ও উত্তপ্ত হইয়া উঠে। সীতাকুণ্ড নামে বিখ্যাত এতদেশীয় উৎসোৎস-সকল এই প্রকারে উদ্ভূত হয়। আইসলণ্ড দ্বীপে এই প্রকার কএকটা অত্যশ্চর্য্য উৎস আছে। তাহার জল এতাদৃশ উষ্ণ যে তত্রত্য লোকেরা তাহাতে অনায়াসে মাংস পাক করিয়া লয়। উক্ত দেশে এই উৎস-সকল “গয়সর” নামে বিখ্যাত। তত্ত্ববোধিনী পত্রিকায় এই উৎসের মূচাক বিবরণ প্রচারিত আছে; পাঠকদিগের মূলভার্থে তাহাই হইতে কয়েক পঙ্ক্তি নিম্নে উদ্ধৃত করিলাম।

“তথায় মৃত্তিকাময় বেষ্টিত পরিবেষ্টিত এক বৃহৎ কুণ্ড আছে। যখন স্থির থাকে, তখন তাহার জল বিলক্ষণ উষ্ণ ও কাচের ন্যায় নিম্নল, এবং সর্বদা জলীয় বাষ্প ও অল্প অল্প বুদ্ধু উঠে। কুণ্ডের বেষ্টিত ন্যূনাধিক “১০০ হস্ত, কিন্তু তাহার জল অধিক গভীর নহে। যখন পরিপূর্ণ থাকে, তখনও ৩ হাতের অপেক্ষা অধিক জল থাকে না। তাহার মধ্যস্থলে ন্যূনাধিক ৫৪ হস্ত গভীর একটা কুণ্ড আছে, তাহার ব্যাস প্রায়ঃ ৬ হস্ত, কিন্তু মুখের নিকট ক্রমে প্রশস্ত হইয়া কুণ্ডের সহিত মিলিত হইয়াছে।

“মধ্যে মধ্যে আশ্রয় গিরির যেরূপ অগ্ন্যুৎপাত হয়, সেই রূপ এই প্রবল প্রসুধন \* হইতেও অকস্মাৎ উষ্ণ জল ও বাষ্পাদি প্রচণ্ড বেগে নির্গত হইয়া থাকে। প্রথমে ঘন ঘন কামানের শব্দের ন্যায় ঘোরতর গভীর গর্জন শ্রবণ করা যায়, তৎক্ষণাৎ ভূমিকম্প উপস্থিত হয়, পর-ক্ষণেই কুণ্ডের জল উত্তরোত্তর প্রবলরূপে ফুটিতে থাকে, অবশেষে জল ও বাষ্পাদি সহসা উথিত হইয়া চতুর্দিকে বিক্ষিপ্ত হইয়া পড়ে। সেই সমস্ত বাষ্প “এত উর্দ্ধে উঠে, যে প্রায়ঃ আট ক্রোশ হইতে দৃষ্টি করা যায়। বারম্বার এইরূপ জল ও বাষ্প নির্গত হইবার পর একটা প্রকাণ্ড জল-প্রবাহ প্রভূত-বাষ্প-রাশিতে পরিবেষ্টিত হইয়া অত্যন্ত উর্দ্ধগামী হয়। এই প্রবাহের জলীয় ভাগ চতুর্দিকে বাষ্পেতে এ রূপ আবৃত থাকে, যে তাহার অধিকাংশ দৃষ্টিগোচর হয় না। সে সময়কার অত্যন্ত মহদ্যাপার দৃষ্টি করিলে বিস্ময়াপন্ন হইতে হয়। ভূরি ভূরি বাষ্প-রাশি উপর্যুপরি ঘূর্ণিত

\* উর্দ্ধহইতে স্রোতোজলের নিম্নে নিপতনের নাম “প্রসুধন”; ও পৃথিবীর অন্তর্ভাগ হইতে জলের উর্দ্ধ-বিনিগতের নাম “উৎস”। পত্রিকায় উৎস-শব্দার্থে প্রসুধন-শব্দ ব্যবহৃত হইয়াছে।

“হইতে হইতে উথিত হইয়া গগণ মণ্ডল আচ্ছাদিত করে, তাহার মধ্যবর্ত্তি উর্দ্ধগামী জল-প্রবাহ-সকল কল্পিত হইতে হইতে ফেনাকার হইয়া চতুর্দিকে বিকীর্ণ হয়, এবং সেই জলের কিয়দংশ বাষ্প হইয়া অবশিষ্ট সমুদায় ভাগ ফেন-রূপে পতিত হইয়া অপূর্ণ-ফেন-বর্ষণ প্রদর্শন করে। ইহার অপেক্ষায় সুদৃশ্য আশ্চর্য্য ব্যাপার আর কি আছে? কুণ্ড হইতে জল নির্গত হইবার সময়ে নানা প্রকার বর্ণ ধারণ করে; কখন কখন উৎকৃষ্ট নীলবর্ণে, কখন কখন উজ্জ্বল হরিৎ বর্ণে, এবং অধিক দূর উথিত হইলে শুদ্ধ শ্বেত বর্ণে শোভা পায়। উর্দ্ধগামী-প্রবাহ-সমুদায় নানা ভাগে বিভক্ত হইয়া সহস্র সহস্র পরম শোভাকর শুভ্র বর্ণ জলধারা উৎপন্ন হয়। তন্মধ্যে কতক ধারা ঠিক সরল ভাবে উথিত হয়, আর কতকগুলি ধারা সুন্দর রূপ বক্র ভাবে পতিত হইয়া অপূর্ণ শোভা প্রকাশ করে। ইহার অপেক্ষায় রমণীয় ব্যাপার আর কি আছে? এই সকল জল-ধারার এ প্রকার প্রখর বেগ, যে তাহার উপরি প্রস্তর নিক্ষেপ করিলে, মধ্য না হইয়া জলের তেজে অনেক দূর উর্দ্ধগামী হয়। কিয়ৎকাল এইরূপ জল-ধারা নির্গত হইয়া পরে নিবৃত্ত হয়, তখন সে জল-কুণ্ড একেবারে শুষ্ক হইয়া যায়, পরে আবার জল উঠিয়া পূর্ববৎ স্থির থাকে।

“এ কুণ্ডের জল এমন তপ্ত, যে পার্শ্ববর্ত্তি লোকে তাহাতে মাংস পাক করিয়া খায়। তাহার একটা পাত্রে শীতল জল পুরিয়া তাহাতে মাংস রাখে, পরে এই কুণ্ডের উষ্ণ জলে সেই পাত্র স্থাপন করে। ইহাতেই মাংস পাক হয়, আর অগ্নি আবশ্যিক করে না\*”।

যে সকল উৎসে প্রভূত জল নির্গত হয়, তাহা কুণ্ডরূপে পরিণত থাকা সম্ভবে না; জলস্রোতো-রূপে প্রবাহিত হইয়া থাকে। এই প্রকার দুই তিন বা ততোধিক পার্শ্বত্যা স্রোতঃ একত্র মিলিত হইয়া নদীর সৃষ্টি করে; পরন্তু কেবল উৎস-জলে নদী পূর্ণ হয় না। তজ্জলের অধিকাংশ দুবীভূত পার্শ্বত্যা বরফ হইতেই উৎপন্ন হয়। অপর বৃষ্টি-জলও তৎপূরণের পোষক বটে; ফলতঃ নদী-সকল পৃথিবীর নর্দমা স্বরূপ; সামান্য বাঢ়ী বা নগরের পয়ঃপ্রণালী যে প্রকারে তত্রত্য সমস্ত অনাবশ্যক জল দূরে অপনয়ন করে, নদী-সকলও সেই

\* তত্ত্ববোধিনী পত্রিকা, ১৭৭৪ শক ৩৪ পৃষ্ঠ।

রূপে পৃথিবী পরিষ্কার রাখিতে নিয়োজিত আছে। অপর সামান্য পয়ঃপ্রণালীতে কেবল অপরিষ্কার অনাবশ্যক জল বহির্গত হয়; তটিনী নিষ্কয়োজনীয় পদার্থ লইয়া যায়, অথচ জীবমাত্রের জীবনোপায় সকলের গৃহদ্বারে আনয়ন করে; অধিকন্তু নদী-সকলকে পৃথিবীর স্বভাবসিদ্ধ রাজ-পথ বলিলেও বলা যায়, তাহাদ্বারা মনুষ্যেরা অনায়াসে দূর-দেশে গমনাগমন ও বাণিজ্য করিতে সক্ষম হয়।

যে স্থানে এই উৎসের প্রারম্ভ তাহাই নদীর উৎপত্তি স্থান। তথাহইতে নদী-সকল পর্ষতের নিম্ন দিগে অগ্নগামী হয়; এই প্রযুক্তই নদীর অপরাভিধান “নিম্নগা”। এই গমন-সময়ে তাহারা পশ্চিমমধ্যে অপরাপর নদী বা স্রোতের \* সহিত মিশ্রিত হইয়া যদবধি কোন মাগর বা অন্য নদী বা হ্রদে নিপতিত না হয়, তদবধি ক্রমশঃ বৃদ্ধিশীল হইতে থাকে; এই কারণে নদীর সঙ্গম-স্থান সর্বাধিকায় স্থূল, ও তথাহইতে উৎপত্ত্যভিমুখে যত অগ্ন-বর্ত্তী হওয়া যায়, ততই সঙ্কীর্ণ বোধ হয়।

পর্ষতহইতে অবতরণ সময়ে নদী যাদৃশ বেগবতী থাকে, সরল ভূমিতে তাদৃশ থাকে না। অপর এই অব-তরণ-সময়ে স্থান-বিশেষে পর্ষতের ঢালুপ্রযুক্ত কোন ২ নদী হঠাৎ অতি উচ্চ হইতে নিম্নে পতিত হয়; এই পতনের নাম “প্রসুধন” “জল প্রপাত” বা “ঝরণা”; তাহা দেখিতে অতি আশ্চর্য্য রমণীয়; কিন্তু অধুনা এই স্থলে উর্দ্ধগনের অবকাশ নাই; অতএব তৎসম্বন্ধে অনুরাগি পাঠকগণকে অনুরোধ করি ১৭৭৪ শকের তত্ত্ববোধিনী পত্রিকার ৩১ পৃষ্ঠে অবলোকন করেন; তথায় তাহারা তদ্বিষয়ক এক সুপাঠ্যপ্রস্তাব দেখিতে পাইবেন।

নদী-সকলের উৎপত্তি স্থান অতি উচ্চ; তথাহইতে তাহারা সন্নিহিত নিম্নস্থান দিয়া গমন করে। সুতরাং কোন পর্ষতশিখরের মধ্যভাগে দুই উৎস উঠিলে তাহাদের জল এই পর্ষতের উভয় পার্শ্ব দিয়া প্রবাহিত হইয়া থাকে, তথা এক স্থানের উৎপন্ন নদীদ্বয় বিপরীতভিমুখ হয়। পর্ষত বৃহৎ হইলে তাহার চতুর্দিকেই বৃহৎ নদী প্রবাহিত হইয়া থাকে। এই নদী-সকলের উৎপত্তি স্থানের মধ্যে যে ব্যবধান থাকে তাহার প্রত্যেকদিকে তদ্বিকৃষ্ট নদীর “জলকর-ভূমি” নামে খ্যাত।

নদীমাত্রই উচ্চ স্থানে উৎপন্ন হইয়া সাগর বা বৃহৎ \* পুরাণানুসারে যে সকল স্বভাবসিদ্ধ জলস্রোতঃ এক সহস্র অষ্ট ধনুঃ অপেক্ষায় অধিক দূর ভ্রমণ করে, তাহাদিগের নাম “নদী”।

হুদের অভিমুখে গমন করে; কিন্তু সকলেই সাগর পর্যন্ত উত্তীর্ণ হইতে পারে না; পশ্চিমধ্যে অন্য নদীর সহিত মিশ্রিত হইয়া যায়। যে সকল নদী আপন গন্তব্য সাগর বা হুদ পর্যন্ত গমন করে, তাহারা “প্রধানা” বা “সাগরগা”, ও যে সকল নদী ঐ প্রধানার গর্ভে আসিয়া নিপতিত হয়, তাহারা তাহার “অধীনা” বা “নদী-বাহিনী” নামে খ্যাত।

গঙ্গা হিমালয়ে উৎপন্ন হইয়া সমুদ্র পর্যন্ত বিস্তৃত, প্রযুক্ত তাহা প্রধানা নদী নামে খ্যাত; যমুনা, সোন, গণ্ডক চম্বল প্রভৃতি নদী সকল গঙ্গায় নিপতিত হয়, সুতরাং তাহারা গঙ্গার অধীনা। ঐ অধীনা নদী-সকল আপনাদিগের জল প্রধানা নদীতে নমর্পণ করে, এই হেতু লোকে তাহাদিগকে “করপ্রদায়িনী নদী” শব্দেও বর্ণন করিয়া থাকে। ঐ করপ্রদায়িনী ও প্রধানা নদী-সকল যে স্থান দিয়া ভ্রমণ করে, তৎসমুদায়কে ঐ প্রধানা নদীর “প্রদেশ” শব্দে আখ্যান করি। উক্ত প্রদেশে বৃষ্টিদ্বারা যে জল পতিত হয়, তৎসমুদায় এ প্রধানা নদী-দ্বারা সমুদ্রে নিত হইয়া থাকে; সুতরাং ঋতু ও কালানুসারে তাহার বেগ ও গভীরতার অন্যথা হয়; বর্ষাকালে নদীতে যে পরিমাণে জল থাকা সম্ভাবনা, অন্য সময়ে তাহা হইতে পারে না। ঐ জল-বৃষ্টির অপর এক কারণ আছে। গুণ্ধের শেষে প্রথর-তপন-তাপে পর্বতের তরফ গলিয়া পুত্ত জল উৎপন্ন হয়; সেই জল নদীতে নিপতিত হইয়া তাহার আয়তন ও বেগের বৃদ্ধি করে। কোন ২ গুহ্কার লেখেন, যে নদীর উৎপত্তি স্থান যত উচ্চ, তাহার আয়তনও তদনুসারে অধিক হয়; একথা একাংশে সত্য, ফলতঃ নদীর করপ্রদায়িনীগণের সঙখ্যা, ও প্রদেশের বিস্তার, ও তথাকার বৃষ্টির প্রাচুর্য, ও বায়ু ও মৃত্তিকার শীকরাদুতানুসারে আয়তন বৃদ্ধি হয়; যে দেশের মৃত্তিকা সর্ষদা আর্দু থাকে, ও বায়ু বাষ্প-পূর্ণ থাকে, যথাকার পর্বত-সকল অতি উচ্চ, যথায় প্রচুর বৃষ্টি নিপতিত হয় ও অনেক স্বভাবসিক উৎস আছে, তথাকার নদী অন্যাপেক্ষায় বৃহৎ হইবেক, ইহা অনায়াসেই সম্ভবে। দক্ষিণ-আমরিকার পর্বত-সকল অতি উচ্চ, তথাকার ভূমি অতি নিম্ন, ও সর্ষদা জলে আর্দু থাকে, ও বায়ু প্রচুর বাষ্প পরিপূর্ণ, তথায় অনেক স্বভাবসিক উৎস আছে, ও সর্ষদা পুত্ত বৃষ্টি নিপতিত হইয়া থাকে, অপর তথাকার নদী-সকলের প্রদেশভূমিও বিস্তৃত, এই

প্রযুক্ত তদদেশে যে প্রকার বৃহৎ নদী উৎপন্ন হইয়াছে, তাদৃশ নদী পৃথিবীর আর কুত্রাপি দৃষ্ট হয় না। ইউরোপ-খণ্ড অতি ক্ষুদ্র, তাহাতে বৃহৎনদীর স্থান নাই। আফরিকা শুষ্কমরুভূমিতে পরিপূর্ণ, ও আসিয়ার মধ্যভাগে অতি বৃহৎ পর্বত ও স্থানে ২ বৃহৎ হুদ থাকতে, ও তথাকার বায়ু তাদৃশ আর্দু না হওয়াতে, তৎখণ্ডেও অত্যন্ত বৃহৎনদী হইবার সম্ভাবনা নাই।

পর্বত-শিখরহইতে নিপতন-সময়ে নদ্যস্থ যে বেগ প্রাপ্ত হয়, সমভূমিতে আইলেও তাহার শেষ হয় না; সেই বেগের সাহায্যে নদী-সকল বহু দূর পর্যন্ত অনায়াসে পরিভ্রমণ করিয়া থাকে। মার্কিন দেশীয় আমাজন নামী মহানদী যে গর্ভ দিয়া গমন করে, তাহার ১৮,০০০ হস্ত দৈর্ঘ্য ভূমিতে এক বুরুল মাত্র চালু আছে। পুসিক বেগবতী রীণ নদীর প্রতি কোশ দীর্ঘে ২।০ হস্ত মাত্র চালু।

কোন ২ নদী পশ্চিমধ্যে নিম্নে কোমল-মৃত্তিকা-বিশিষ্ট অতি-দৃঢ় পর্বত-খণ্ড প্রাপ্ত হইলে ঐ গিরির নিম্নভাগের কোমল মৃত্তিকা ধৌত করিয়া তৎস্থান দিয়া প্রবাহিত হয়। এই আশ্চর্য ব্যাপার এতদেশীয় প্রাচীন মনুষ্যেরা অজ্ঞাত ছিলেন না; তাহারা ইহাকে “অন্তঃসলিলবাহিনী” শব্দে আখ্যান করিতেন। কথিত আছে, সরস্বতী-নদীর কোন স্থান এই প্রকার গুপ্তভাবে প্রবাহিত হয়, কিন্তু আমরা তাহার বিশেষ বিবরণ জ্ঞাত নহি। ইউরোপ-খণ্ডে সিসেল ও লেকলিউস গ্রামের মধ্যবর্তী স্থানে রোন নদী উক্ত প্রকারে অন্তঃসলিল বাহিত হইয়া থাকে। অপর কোন ২ স্থানে বালুকার প্রাচুর্য থাকিলেও নদী প্রায়ঃ অপত্যক্ষ হইয়া থাকে; গয়াধামের নিকট ফল্গু নদী তদ্বিষয়ের এক দৃষ্টান্ত স্থল।

নদীর বিশেষ বর্ণনের নিমিত্ত ভূগোলবেত্তারা তাহার গতি তিন অংশে বিভাগ করেন; প্রথম পার্বত্যাংশ; তাহা শৈলতটে বেষ্টিতা, ও সর্ষাপেক্ষায় বেগবতী; দ্বিতীয়, মধ্যাংশ; তাহার বেগ মধ্যম, গম্য-স্থান সমভূমি, এবং ধারা সর্গতির ন্যায় বক্র। তৃতীয়, সঙ্গমাংশ, তাহার বেগ অত্যন্ত লঘু নদীর গম্য স্থান কোমল মৃত্তিকাবিশিষ্ট হওয়াতে নদী-সকল ঐ স্থানে প্রায় বহু ধারায় বিভক্ত হইয়া, ত্রিকোণমণ্ডল-ভূমি উৎপন্ন করে। পরন্তু সকল নদীই এই প্রকারে বহুধারা নহে, শৈলতট দিয়া যে নদী সমুদ্র সঙ্গম করে, তাহা বহু ধারা হয় না। আমাজন নামী মহানদী এক ধারে সমুদ্রে নিপতিত হয়।

ত্রিকোণমণ্ডল ভূমির বিবরণ পূর্বেই উক্ত হইয়াছে, পরন্তু তথায় তাহার অবস্থা-ভেদে নাম-ভেদের উল্লেখ হয় নাই। এক নদীর অপর নদীতে পতন সময়ে যে ত্রিকোণ মণ্ডল উৎপন্ন হয়, তাহার নাম “নাদেয় ত্রিকোণমণ্ডল”; যে মণ্ডল হুদের পার্শ্বে উৎপন্ন হয়, তাহার নাম ‘হুদীয় ত্রিকোণমণ্ডল,’ ও যে মণ্ডল সমুদ্র তটে উৎপন্ন হয়, তাহার নাম “সামুদ্রিক ত্রিকোণমণ্ডল।”

নদী-সকলের গতি সরল নহে; যে ভূমি দিয়া বাহিত হয়, তাহার দৃঢ়তানুসারে তাহা সর্গতির ন্যায় বক্র হয়। ঐ বক্রতায় নদীর বেগের হ্রাসতা জন্মায়; তাহা না থাকিলে আরম্ভাবধি শেষ-পর্যন্ত সরল নদীতে জলস্রোতের বেগের এতাদৃশ বৃদ্ধি হইত, যে তাহাতে সমস্ত ধ্বংস হইত। গঙ্গা প্রারম্ভাবধি শেষপর্যন্ত ঋতু হইলে, বোধ হয়, তাহার জল ১ ঘণ্টার দুই শত কোশ স্থান ভ্রমণ করিত। নদীর বক্রতায় ঐ বেগের লাঘব হইয়া সরল ভূমিতে কুত্রাপি দুই তিন কোশের অধিক হয় না। অপর এই বক্রতায় নদীর দৈর্ঘ্য বৃদ্ধি করিয়া এক নদীদ্বারা অনেক স্থান সিক্ত করিবার উপায় করে।

### উড্ডীয়মান মৎস্য।

অনেকের আশু বোধ হইতে পারে যে যে জীব-সকল নিয়ত জলে বাস করে ও তীরে উঠিলে তৎক্ষণে পঞ্চত্ব প্রাপ্ত হয় তাহারা কদাপি আকাশে ভ্রমণ করিতে সক্ষম হইবেক না; কিন্তু ফলতঃ সে ভ্রমমাত্র। বিশ্ব-সৃষ্টার বর্ণনাতীত কোশলে অনেক স্তন্য-জীবী পশু সমুদ্রে বসতি করিতেছে, কোন ২ বিহঙ্গম পশুর ন্যায় সর্ষদা ভূমিতে দিনযাপন করিতেছে, কদাপি আকাশে উঠিতে সক্ষম নহে, ও কোন ২ মৎস্য খেচরের ন্যায় অনায়াসে আকাশমাণে বিরাজ করিয়া থাকে। বর্তমান পুস্তাবে শেষোক্ত-মৎস্য-বিশেষের বিবরণ বক্তব্য। ঐ মৎস্যের দেহ বাটা মৎস্যের ন্যায়। তাহার দেহ অস্থূল ও দীর্ঘাকার, তাহার চক্ষুঃ অতি

বৃহৎ। তাহার উভয় পার্শ্বের ডানা এমৎ লম্বা চোড়া যে তদবলম্বনে সে অনায়াসেই উড়িতে সক্ষম হয়। ঐ ডানাতে যে সে কেবল উড়িতেই পারে তাহা নহে; তদ্বারা জলেতেও নিরতিশয়-বেগ-সহকারে তাহারা সাঁতার দিতে পারে। বন্দুকের গুলি যত দূর উঠিয়া থাকে তত দূর পর্যন্ত এই মৎস্য জল ছাড়িয়া এতদ্যমে উঠিতে সমর্থ হয়, ও তাহাতে শ্মান্ত হইলে একবার জলে পাড়িয়া সন্তরণ দিয়া শ্মান্তি দূর করত, পুনর্বার অন্তরীক্ষে উড্ডীন হয়। ডলফিন নামক এক জাতীয় বৃহদাকার সমুদ্র মৎস্য ইহাকে খাইবার জন্য অত্যন্ত দ্রুতবেগে ইহার পশ্চাৎ হতাড়াতাড়ি করিয়া থাকে; কিন্তু ইহা কেবল এই পক্ষবলে তাহার করালগুণে না পাড়িয়া আত্মপ্রাণ রক্ষা করে। উপরিভাগে উড্ডীন হইবার সময়ে কখন ২ বৃহৎ পক্ষিতে তাড়া দেয়, তাহা হইলে তাহারা তৎক্ষণাৎ জল মধ্যে সন্তরণ দিতে প্রবৃত্ত হয়। এই জাতীয়ের মৎস্যের প্রধান বাসস্থান ভূমধ্যসাগর, পরন্তু গুণ্যকালে অন্যান্য সমুদ্রেও ইহা কখন ২ দৃষ্টিগোচর হয়।

### কৌতুক কণা।

গণকের মাহাত্ম্য।

ক বাদশাহ কোন গণককে জিজ্ঞাসিতেন, “আমার অন্তকালের কত দিন বক্রি আছে”? সে কহিল, “দশ বৎসর”। তৎশ্রবণে বাদশাহ নিরতিশয় ভাবিত ও তদুপলক্ষে পীড়িত হইয়া শয্যাগত হইলেন। এক জন সুবুদ্ধি অমাত্য এই দুর্দৈবের সদুপায় করণাভিপ্রায়ে ঐ গণককে বাদশাহ-নাম্বানে ডাকিয়া জিজ্ঞাসিলেন; “তোমার জীবনের আর কত কাল অবশিষ্ট আছে”? সে গণনা করি-

য়া উত্তর করিল; “বিশংতি বৎসর”। রাজমন্ত্রী তৎক্ষণাৎ তলবারদ্বারা তাহার মস্তকচ্ছেদন করিয়া কহিলেন, “মহারাজ, ইহার গণনার ষ্ট্রৈর্ঘ্য দেখুন”। বাদশাহ তাহাতে সম্ভ্রষ্ট হইয়া উজীরের বুদ্ধিকৌশলের প্রশংসা করিতে লাগিলেন, এবং তদবধি গণকের ব্যক্তি আস্থা করিতে ক্ষান্ত হইলেন।

এক দিন এক দুরাত্মা বাদশাহ একাকী আপন নগরহইতে বাহির হইয়া এক ব্যক্তিকে গাছতলায় বসিয়া থাকিতে দেখিয়া তাহাকে জিজ্ঞাসিলেন; “এ রাজ্যের রাজা কি প্রকার, দুরাত্মা কি সুবিচারক”? সে উত্তর করিল; “নিরতিশয় দুরাত্মা”। বাদশাহ জিজ্ঞাসিলেন; “আনাকে চিনিস্”? সে কহিল; “না”। বাদশাহ কহিলেন, “আমি এ দেশের রাজা”। ঐ ব্যক্তি ভীত হইয়া জিজ্ঞাসিল; “আপনি আমাকে জানেন”? বাদশাহ কহিলেন; “না”। সে কহিল; “আমি অমুক সওদাগরের পুত্র। প্রত্যেক মাসে আমি তিন দিন করিয়া পাগল হইয়া থাকি, আজি ঐ তিন দিনের এক দিন”। ইহা শুনিয়া বাদশাহ ঈষৎ হাস্যবদনে স্বস্থানে প্রস্থান করিলেন।

মনুষ্যের উপার্জিত ধন কি প্রকারে ব্যয় হয়।

এক ব্যক্তি প্রত্যহ ছয় খানি ক্রয় করিত। একদা কোন ফকির তাহাকে জিজ্ঞাসিল, “তুমি প্রতি দিন ছয় খানি করিয়া ক্রয় কেন কর”? সে উত্তর করিল, “এক খানি সযত্নে রক্ষা করিয়া থাকি, আর এক খানি ব্যর্থ নিক্ষেপ করি, দুই খানি পূর্বের ধার শোধি, ও অপর দুই খানি ধার দেই”। ফকির ঐ বাক্যের ভাব বুঝিতে না পারিয়া ব্যক্তরূপে কহিতে কহিলে, সে কহিল; “এক খানি ভিক্ষুককে দান করি, এক আপনি খাই, দুই খানি পিতা মাতাকে, অবশিষ্ট দুই খানি দুই

পুত্রকে প্রদান করি”। ইহা শুনিয়া ফকির হাস্য করত নিবৃত্ত হইল।

সরাইহইতে রাজভবনের প্রবেশ কি?

এক জন সন্ন্যাসী ভারত দেশে ভ্রমণ করিতে বালু নগরে উপস্থিত হইয়া সরাইভূমে এক রাজার প্রাসাদে প্রবেশ করিল; ও ইতস্ততঃ ক্রমিক অবলোকন করিয়া রাজার সন্তোষাগারে প্রবিষ্ট হইল, এবং তথা মহামূল্যসনে উপবেশন পূর্বক বিশ্রাম করিতে লাগিল। ইতিমধ্যে রক্ষকেরা তাহাকে দেখিতে পাইয়া জিজ্ঞাসিল, “তুমি এখানে কি জন্য আসিয়াছ”? সন্ন্যাসী কহিল, “আমি এই চটিতে রাজিষাপন করিতে মনস্থ করিয়াছি”। চৌকিদারেরা ক্রোধপূর্বক তাহাকে কহিল, “এ চটি নহে, রাজভবন”। এমত সময়ে রাজাও সেখান দিয়া যান; তিনি তাহাকে দেখিয়া মহাসম্বদনে জিজ্ঞাসিলেন, “সন্ন্যাসিন্ তুমি এ রাজভবন কি সরাই ইহা বুঝিতে পার না”? সন্ন্যাসী নিবেদিল, “মহারাজ, দুই একটি প্রশ্ন করিতে বাসনা করি, অনুমতি করিতে আজ্ঞা হউক”। রাজাজ্ঞা প্রাপ্ত হইয়া অনন্তর জিজ্ঞাসিল, “মহারাজ, যখন এ বাটী নির্মিত হয়, তখন ইহাতে কে বাস করিয়াছিল”? রাজা কহিলেন, “আমার পূর্বপুরুষেরা”। পরে সে জিজ্ঞাসিল, “শেষে কে বাস করিয়াছিল”? রাজা কহিলেন, “আমার পিতা”। সন্ন্যাসী জিজ্ঞাসিল, “একণে কে বাস করিতেছে”? রাজা কহিলেন “আমি”। অনন্তর সে জিজ্ঞাসিল, “পরে কে বাস করিবেক”? রাজা কহিলেন, “আমার উত্তরাধিকারী”। সন্ন্যাসী কহিল, “মহারাজ! যে স্থলে সময়ে ২ এত লোক বাস করে, এবং অনুক্রমে যাহাতে এত অধিক অতিথি বাস করিবেক, তাহাকে রাজভবন বলা যায় না; সরাইই বলিতে হয়”।

## বিবিধার্থ-সঙ্গ্রহ,


অর্থাৎ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

৩ পর্ব]

শকাব্দ ১৭৭৬, বৈশাখ।

[২৬ খণ্ড।



(পারস্য নগর।)

### পারস্য জাতির বিবরণ।

যদিও কলিকাতা-নগরে পারস্য-জাতীয় শত শত ব্যক্তি সর্বদা দৃষ্ট হয়, কিন্তু তাহাদের লৌকিক রীতি ব্যবহার এবং ধর্মের বিষয় এতদেশীয় অতি অল্প লোকে

অবগত আছেন! প্রাচীনকালে হিন্দু ও পারস্য জাতির পরস্পর অতি নৈকট্য সম্বন্ধ ছিল; কোন কোন সংস্কৃত গুরুকার পারস্য-দেশকে আর্ধ্যাবর্তের অন্তর্ভুক্তি বলিয়া গণ্য করিয়াছেন; ও পারস্যীদের মধ্যে এমত অনেক ব্যবহার আছে, যাহার সহিত প্রাচীন বৈদিক মতের অনেকাংশে সমতা প্রত্যক্ষ হয়। তাহাদিগের প্রাচীন ধর্ম-গুরু সংস্কৃতের অপভ্রংশ ভাষায়

রচিত, অতএব উক্ত বিবরণ অনেকের পক্ষে মনঃ-  
প্রসাদক বোধ হইতে পারে, সন্দেহ নাই।

পারস্য দেশ এই জাতির নিবাস-ভূমি। অতি  
প্রাচীন-কালাবধি মুসলমান-ধর্মের প্রারম্ভ-পর্যন্ত  
তাহারা বিখ্যাত <sup>মুসলমান</sup> অগুণ্য রূপে তদ্দেশে  
বাস করিয়াছিল; শেষোক্ত সময়ে তথায় মুসল-  
মান-ধর্ম প্রচারিত হইলে শুদ্ধাবান পারসী-  
রা স্বদেশ-ত্যাগপূর্বক ভারতবর্ষে আগমন ক-  
রেন; অধুনা ভারতবর্ষের পশ্চিমাঞ্চলে অনেক  
পারসীর অবস্থিতি আছে। তাহারা বহুকাল এই  
উষ্ণ দেশে থাকিয়াও আপনাদের স্বাভাবিক  
সূত্রীতা ও পরাক্রমশালিতাহইতে বিচ্ছিন্ন হয়  
নাই। মনের বীর্ষ্য, বুদ্ধিমত্তা এবং উদ্যমশী-  
লতা-বিষয়েও তাহারা কাহার পশ্চাদ্বর্তী নহে।  
বাণিজ্য তাহাদের সাধারণ-বৃত্তি; তৎসহকারে তা-  
হারা বিপুল অর্থসম্পত্তি সঞ্চয় করিয়া থাকে।

পারসীরা যে সকল নিকেতনে বাস করে,  
তাহা অতি অপ্ৰশস্ত, ও অপরিষ্কৃত; গৃহের তল-  
দেশে স্ত্রী, পুত্র, প্রভু, ভৃত্য, সকলেই অব্যাহিত  
রূপে শয়ন করে, কিন্তু তাহাদের প্রমোদালয়-  
সকল সুদৃশ্য ও সুসজ্জীভূত হইয়া থাকে। ঐ  
সমস্ত অটালিকাতে তাহারা বর্তমান ইউরোপীয়-  
প্রথানুক্রমে পান ভোজন করিয়া থাকে। পক্ষী,  
মৃগস্নাকারী পশু, কুকুর ও শশক ব্যতীত প্রায়ঃ  
সর্বপ্রকার জন্তুর মাংস তাহাদের খাদ্য; কিন্তু  
তাহারা ভিন্ন-ধর্মাবলম্বী লোকদের সহিত আ-  
হার করে না।

পারসীদের সন্তান জন্ম গৃহণ করিলে নাম-  
করণরূপ একটি ক্রিয়ার অনুষ্ঠান করিতে হয়।  
সাত বর্ষ বয়সের পর, এবং ত্রিমাসাধিক চতুর্দশ  
বৎসরের মধ্যে পারসী বালক “কস্তি” (যজ্ঞোপ-  
বীত) ধারণ করে; ঐ উপবীত ৭২ গাছি উষ্ট্র-

কেশে নির্মিত হয়। উপনয়নের সময়ে তাহারা  
“সদু” নামক একটি পবিত্র অঙ্গরক্ষিণীও ধারণ  
করিয়া থাকে; এবং এই সকল পবিত্র পদার্থকে  
কদাপি পরিত্যাগ করা অনুচিত জ্ঞান করে;  
কেবল জীর্ণ হইলে পরিবর্ত করিবার বিধি  
আছে।

পারসীদিগের বোধে বিবাহ অতি মহৎ  
কর্ম; পূর্বে তাহা সম্পন্ন-করণার্থ কোন কাল-  
বিচারের অপেক্ষা ছিল না; কিন্তু অধুনা বো-  
ম্বাই অঞ্চলের পারসীরা হিন্দু-গণকের পরাম-  
র্শানুসারে বিবাহের শুভ দিন স্থির করে। পারসী  
যাজকেরা যজমানদের কন্যাদিগকে সহধর্মিণী  
করিতে পারে, কিন্তু যজমানেরা যাজকদের কুমা-  
রীগণের পাণিগ্রহণ করিতে পারে না। এক্ষণে  
বোম্বাই প্রদেশস্থ পারসীরা এ নিয়মকে অ-  
গৃহ্য করিয়া যাজকদিগকে কন্যা দান করে  
না। বহু-বিবাহ তাহাদের শাস্ত্রে বিপ্রতিসিদ্ধ;  
কিন্তু বাল্য-বিবাহ প্রচলিত আছে। তাহারা  
হিন্দুদিগকে অনুকরণ করিয়া পুত্রদিগের উদ্বাহ-  
কালে বহুল পরিমাণে অর্থ ব্যয় করে। পারসী  
স্ত্রীরা অবিবাহিতরূপে অন্তঃপুরহইতে বহির্দেশে  
যাতায়াত করিয়া থাকে।

পারসীদের বিবেচনানুসারে বৃক্ষরোপণ এক  
উত্তম কর্ম; এবং ফলবান বৃক্ষ-ছেদ করা কর্তব্য  
নহে। এই নিমিত্ত কৃষকের বা উদ্যানপালের  
কার্যে তাহারা কদাপি প্রবৃত্ত হয় না।

পুত্র্যক পদার্থের মধ্যে বিশেষরূপে তাহারা  
অগ্নির অর্চনা করিয়া থাকে। জ্যোতিঃপদার্থ  
নিরাকার পরমেশ্বরের অতি শ্রেষ্ঠ প্রতিক্রম বলিয়া  
বিবেচিত হয়, সূতরাং সূর্য, চন্দ্র, গুহ, নক্ষত্র  
সকলও সম্মানযোগ্য। সূর্যের উদয় কালে পার-  
সীরা তাহার স্তব পাঠ করিয়া থাকে।

পারসীরা অগ্নি-চয়ন করিয়া মন্দির মধ্যে রক্ষা  
করে; ক্রমিক পোষণদ্বারা সেই অগ্নি চিরকাল প-  
র্যন্ত প্রজ্বলিত থাকে। ভারতবর্ষে দুই প্রকার অগ্নি  
আছে; বহুাম্ ও আদিরান্। উদয়পুর, নৌসরি,  
এবং বোম্বাই এই তিন স্থানে বহুাম্-অগ্নি-রক্ষার  
মন্দির আছে; আদিরান্ অগ্নি উক্ত প্রদেশে অন্য-  
ন্য অনেক স্থানে স্থাপিত আছে। পারসীদের বিবা-  
হাদি মহৎক্রিয়াকলাপ-সকল অগ্নিমন্দির মধ্যে  
সম্পন্ন হয়। ক্রিয়াকলাপ-অনুষ্ঠান-কালে তাহারা  
“হোম” (সোম?) অর্থাৎ পারস্য দেশজাত  
লতা-বিশেষের রসকে অতি পবিত্র জানিয়া র্যব-  
হার করিয়া থাকে। গোমুত্রও তাহাদের বিবেচ-  
নায় শুদ্ধ পদার্থ, এই প্রযুক্ত তাহারা আদৌ গো-  
মুত্রে গাত্র দ্বৌত করত পরে শুদ্ধ জলে স্নান করে।  
তাহারা উপায়ান্তর সত্ত্বে জলে বা অগ্নিতে কদাপি  
অশুদ্ধ দ্রব্য ক্ষেপ করে না, এবং পারতপক্ষে  
অগ্নি-নির্ধানে প্রবৃত্ত হয় না।

পারসীদের শাস্ত্রে পুরোহিতকে অর্থ-দানদ্বারা  
প্রায়শ্চিত্ত করিবার বিধান আছে; কিন্তু উপ-  
বাস করা পারসী-ধর্মের অঙ্গ নহে।

পারসীদের মধ্যে যাজকেরা একটি পৃথক্ জাতি;  
তাহারা পরম্পরাক্রমে যাজকতা-কর্মে নিযুক্ত  
থাকে। যাহারা স্মৃতিশাস্ত্র-ব্যবসায়ী, তাহাদের  
উপাধি “দস্তুর”; আর যাহারা পৌরহিত্য-কর্ম  
করিয়া থাকে তাহাদের নাম “মোবেদ”; তা-  
হাদের কোন নির্দিষ্ট বেতন নাই; কর্মানুসারে  
দক্ষিণা প্রাপ্ত হয়। এক্ষণে মোবেদেরা যজমান-  
কর্তৃক অবজ্ঞাত হইয়া দরিদ্র হইয়া পড়িয়াছে;  
তন্নিমিত্ত অনেককে বৈষয়িক কার্যে প্রবৃত্ত হইতে  
হইয়াছে।

আবেস্তা নামক গুহ্য পারসীদের ধর্মপুস্তক।  
ঐ গুহ্য সংস্কৃত মূলীয় জৈন্দ ভাষায় লিখিত,  
এবং অতি প্রাচীন বলিয়া কথিত হইয়াছে।

পারসীরা কহেন, গুস্তাস্প নামক রাজার সময়ে  
মহাত্মা জর্তমৎ দৈবানুগৃহে তাহা প্রচার করি-  
য়াছিলেন; কিন্তু ইদানীন্তনের কোন পুরাবৃত্তা-  
নুসন্ধ্যায়ী পণ্ডিত অনুমান করেন, যে পারস্য-  
দেশীয় আর্দাবির বাবেগান্ নামক রাজার সময়ে  
জৈন্দাবেস্তা গুহ্য কোন ভিন্ন ব্যক্তি কর্তৃক সঙ্কলিত  
হইয়াছিল। পারসীদিগের মতে প্রস্তাবিত গুহ্য  
পূর্বে বিংশতি কাণ্ডে বিভক্ত ছিল; তন্মধ্যে অধুনা  
বেন্দাদ নামক একটি মাত্র সম্পূর্ণ কাণ্ড প্রাপ্ত  
হওয়া যায়। যেসংসাদেহ, যেসতে বিম্পারেদ  
ইজিসা এবং খর্দাবেস্তা নামক অপরাপর কাণ্ডের  
কিঞ্চিৎ অংশও প্রাপ্তব্য আছে। এই গুহ্য  
ব্যতীত বন্দেহেব্ নামক পুস্তকেও পারসীরা  
বিশ্বাস রাখে। ঐ গুহ্যচয়ে ধর্মের আদিভূত  
কতকগুলি সত্য বাক্য অবশ্য নিবদ্ধ আছে;  
কিন্তু অবশিষ্ট ভাগ মনঃকল্পিত নানাপ্রকার  
উপাখ্যানে পরিপূর্ণ। সেই সকল কাণ্ডনিক বিষ-  
য়ের বিবরণ বাহুল্য করিতে আমাদের অভিপ্ৰা-  
নাই; স্তূলতঃ বক্তব্য এই যে পারসীরা মঙ্গল ও  
অমঙ্গলের প্রাবর্তক স্বরূপ একটি দেবতা ও একটি  
দৈত্যের অস্তিত্ব স্বীকার করে; তাহাদের নাম  
ওর্মজ্দ্ এবং অহিমাণ। ওর্মজ্দ্ জগতের সৃজন ও  
জীবদিগের সুখ বিধান করেন; অহিমান্ নিরন্তর  
তাহার বিরুদ্ধ চেষ্টায় প্রবৃত্ত থাকে। ওর্মজ্দ্ জী-  
বদিগের রক্ষার্থ “করোহর” (দিকপাল) সকলের  
সৃষ্টি করিয়াছেন; অহিমান্ তদ্বিকল্পে “দিব”  
(দৈত্য) গণকে উৎপাদন করিয়াছে। প্রাণিগণের  
হিত নিমিত্ত করোহর-সকল যেমত যতুবান্,  
অশুভ সাধনার্থ দিবেরা তদ্রূপ তৎপর। ওর্মজ্দ্  
অনুকূল হইয়া মনুষ্যবর্গকে ধর্মপথে রাখিবার  
জন্য হোম, জম্বেদ, এবং জরতমৎ প্রভৃতি



মহাত্মাদিগকে পৃথিবীতে প্রেরণ করেন; তাঁ-  
হারা যাহা উপদেশ করিয়া যান, তাহাই পারসী-  
দের ধর্মবিষয়ক শাস্ত্র। ওর্মজদকে সকল মঙ্গলালয়  
জানিয়া উপাসনা করা; মন, বাক্য, ও কর্মকে  
পরিশুদ্ধ রাখা; দিকপাল ও অপরাপর শ্রেষ্ঠ  
পদার্থকে অর্চনা করা; প্রত্যেক পারসীর অবশ্য  
কর্তব্য কর্ম।

জেন্দাবেস্তায় কয়োমেস্ নামা এক ব্যক্তি মনুষ্য-  
বংশের আদিপুরুষ বলিয়া উক্ত হইয়াছেন; এবং  
বন্দেহেব্ গুহে মর্দকপাদারী অহুমানের পরানর্শে  
মানব-বংশের জনক জননী বিপথ গমন, ও এক  
জলপ্লাবনের বিষয় অভিহিত হইয়াছে।

পারসীদিগের মতে দ্বাদশ সৌরমাসে বৎসর,  
ও তিন সহস্র বৎসরে এক যুগ হয়।

কোন ব্যক্তি মৃত হইলে পাছে কোন দৈত্য  
আমিয়া তাহার শরীরকে আক্রমণ করে, এই  
আশঙ্কা-নিবারণার্থ পারসীরা মৃত ব্যক্তির নিকট  
ঈশ্বর স্তোত্র পাঠ করে, ও তাহার চতুর্দিকে  
কুকুর-সকলকে পরিবেষ্টিত করিয়া রাখে। মৃত  
শরীর প্রোথিত বা দখল করা হয় না; শ্মশান  
ভূমিতে অনাবৃতরূপে রক্ষিত হয়। যদি তাহার  
দক্ষিণ চক্ষুঃ প্রথমতঃ গৃধুদ্বারা গৃহীত হয়, তবে  
তাহা অতি শুভ চিহ্ন। মৃত্যুর দিবস-চতুষ্টয়-  
পরে “সরিওষ” নামক দূত মনুষ্যের আত্মাকে  
“বিনেবাদ” নামক স্বর্গীয় সেতু দিয়া লইয়া যায়;  
তথায় রথের যৎ আমক দূত জীবাত্মার কার্য-  
সকলের পরিমাণ করে; পুণ্যের ভাগ অধিক  
হইলে স্বর্গদ্বারস্থ কুকুর তাহাকে প্রতিরোধ করে  
না; গাপাত্মা ব্যক্তিকে নরক কূপে নিপতিত  
হইতে হয়। নরকের যন্ত্রণা অতি ভয়ানক;  
কিন্তু তাহা নিত্যস্থায়ী নহে। ওর্মজদ যুগ-পরি-  
বর্তন-দ্বারা এমত এক সময় প্রেরণ করিবেন,

যখন অহুমান স্বদল-সহ ধর্মপথে প্রবৃত্ত হইবে,  
যখন পৃথিবীহইতে ভয়, শোক, দুঃখ, অপনীত  
হইবে, এবং উপস্থিত পৃথিবীই আনন্দপূর্ণ স্বর্গ-  
ধামের স্বরূপ ধারণ করিবে।

### গলিবরের ভ্রমণ-বৃত্তান্ত।

( ২৫ খণ্ডের ১১ পত্রহইতে ক্রমাগত )

অনন্তর যখন তাহারা দেখিল, যে আমি  
আর কিছুই খাইতে চাহি না, তখন  
তাহাদের মধ্যে প্রধান এক জন উচ্চ-  
পদস্থ ব্যক্তি স্বস্থানহইতে আমার নিকটে আ-  
মিয়া উপস্থিত হইল। সে দ্বাদশ জন পারিষদ  
সমভিব্যাহারে লইয়া আমার দক্ষিণ পাদ বহিয়া  
একখানি মূখের দিকে অগুসারী হইয়া এক-  
খানি রাজদত্ত তন্নামাঙ্কিত ক্ষমতা-পত্র আ-  
মার চক্ষুর নিকটে ধরিয়া রাগসূচক ব্যতীত  
অপরাপর হাবভাব জ্ঞাপক অঙ্গভঙ্গীর সহিত  
প্রায়ঃ অর্ধ দণ্ড কাল কিছু বলিতে লাগিল। ভাবে  
বোধ হইল, যে প্রকৃত প্রস্তাবে কোন প্রতিজ্ঞা  
করিতেছে; বার ২ সন্মুখের দিগে অঙ্গুলীদ্বারা  
নির্দেশ করিতে লাগিলে পর জানিতে পারি-  
লাম, যে তথাহইতে একপাদক্রোশ দূরে রাজ-  
ধানীর দিকেই নির্দেশ করিতেছিল,এ দেশের রাজা  
তথায় আমাকে লইয়া যাইতে নিতান্ত মনন করি-  
য়াছিল। আপাততঃ আমি বাক্যদ্বারা কিছু কহি-  
তে লাগিলাম, কিন্তু কিছুই ফল দর্শিল না। পরে  
আমি সেই মুক্ত হস্ত খানি দিয়া, তাহার মস্তক  
স্পর্শ-পুরঃসর তাহা আপন শিরে ও শরীরে প্রদান  
করত সঙ্কতদ্বারা আমাকে বন্ধনহইতে মুক্ত করিয়া  
দিতে প্রার্থনা করিয়াছিলাম। বোধ হইল আ-  
মার মনোগত অভিপ্রায় বিশিষ্ট প্রকারেই রাজার  
হৃদয়ঙ্গম হইয়াছিল, কেননা সে আপন শির-

শচালন দ্বারা এবিষয়ে অসম্মতি, এবং স্বহস্তে  
হস্ত ধরিয়া এমনি ভাব প্রকাশ করিল, যেন সে  
আমাকে অবশ্যই অবরুদ্ধ করিয়া লইয়া যাই-  
বেক। যাহা হউক সে আরো কয়েক ইঞ্জিত-  
দ্বারা আমাকে জানাইল, যে তথায় গেলে যথেষ্ট  
খাদ্য ও পেয় এবং বিশেষ আতিথিসংকার  
পাইতে পারিবে। সমনন্তর আমি পুনর্বার সেই  
বন্ধন ছেদনের উদ্যম করিয়াছিলাম, কিন্তু আ-  
মার মূখে ও হস্ত পাদাদিতে তাহাদের বাণ-  
বেধনের বেদনা বোধ ও ভূরি ২ বাণ তখন  
পর্যন্তও তাহাতে বিদ্ধ হইয়া থাকিতে, এবং তা-  
দৃশ বৈরি সঙ্খ্যার বৃদ্ধি হইতে দেখিয়া, সঙ্কত-  
দ্বারা “আমাকে লইয়া যথেষ্ট করহ” এই কথা  
তাহাদিগকে জানাইলাম। ইহাতে ঐ হরগো স্বস-  
জ্জিগণে পরিবৃত্ত হইয়া সভ্যতা-পূর্বক পরমানন্দে  
প্রস্থান করিল। ক্ষণকাল বিলম্বে শুনিতে পাই-  
লাম, যে তাহারা সর্বসাধারণে “পেপলাম সে-  
লান” এই শব্দ ভূয়োভূয়ঃ পুনরুক্তি এবং  
আমার উভয় পার্শ্বের বন্ধন কিঞ্চিৎ শিথিল  
করিয়া এক প্রকার সুগন্ধি অনুলেপন লইয়া  
আমার গাত্রে মর্দন করিতেছে, তাহাতে অবি-  
লম্বেই আমার গাত্রহইতে সেই সকল বাণ-বুণ-  
বেদনা এক কালে দূর হইয়া গেল। একে তা-  
হাদের খাদ্য ও পেয় বস্তুর ভোজন ও পানে  
তৎকালীন আমার যৎপরোনাস্তি স্বাস্থ্য বোধ  
হইয়াছিল, তাহাতে আবার তাদৃশ বেদনোপশমে  
তাহার আরো আতিশয্য বোধ হওয়াতে আমি  
অবিলম্বেই নিদ্রাভিত্ত হইয়া পড়িলাম। পরে জানা  
গেল, আমি আট ঘণ্টা নিদ্রিত ছিলাম; আশ্চর্য্যই  
বা কি? এমনিও হইতে পারে, যে হয়ত রাজাজ্ঞায়  
কোন বৈদ্য আমার পানার্থে প্রেরিত পানীয়ে কিছু  
স্বাপক ঔষধের মাত্রা মিসাইয়া দিয়া থাকিবেক।

বোধ হইতেছে, উক্ত রূপে স্থল প্রাপ্তির পরে  
আমাকে ভূমি শয়নে দেখিবামাত্র তাহারা অগ্রে  
রাজসমীপে এবিষয়ের সংবাদ দেয়; তাহাতে  
রাজা অমাত্যবর্গে পরিবৃত্ত হইয়া সভা মণ্ডপে  
বসিয়াই আমাকে তাদৃশ বন্ধনে রাখিতে মনস্থ  
করেন; ইহাতেই তাহারা রজনীযোগে আমাকে  
নিদ্রাবস্থায় সেই রূপ করে, পরে তাহারই অনু-  
মতিতে তাহারা ঐ সময়ে নানাবিধ ভক্ষ্য ভোজ্য  
পেয় প্রভৃতি দ্রব্য সামগ্ৰী প্রস্তুত করিয়া আমার  
নিমিত্ত আনে; এবং আমাকে রাজধানীতে লইয়া  
যাইবার জন্য এক যন্ত্রও নির্মাণ করে।

এতাদৃশ দৃঢ় প্রতিজ্ঞা অতি সাহসিক ও  
আপদীয় বলিতে হইবেক, প্রতীতি হইতেছে, যে  
তৎকালে ইউরোপে কোন রাজপুত্র আমার  
তুল্য হইতে পারেন নাই। সে যাহা হউক এ  
বড় বহুদর্শী ও বদান্যের কার্য্য করা হইয়াছিল  
বোধ হয়, কেননা ঐ সকল লোকেরা আমাকে  
নিদ্রাবস্থায় শেল ও বাণদ্বারা বিদ্ধ করিয়া মা-  
রিয়া ফেলিতে চেষ্টা করিয়াছিল, তদ্ব্যতিরিক্ত বে-  
দনা প্রথমতঃ উপলব্ধি হইবামাত্র আমার নিদ্রা  
ভঙ্গ হইয়াছিল; অধিকন্তু তাহাতে আমার  
ক্রোধ ও বল এত বৃদ্ধি করিতে পারিত, যে  
আমি তদবলম্বনে অনায়াসেই সেই সকল বন্ধন  
ছেদন করিতে পারিতাম, তাহা হইলে তাহারা  
কোন ক্রমেই আর আমার অনিষ্ট করিতে পা-  
রিত না, সুতরাং আমার দয়া পাইবারও তাহা-  
দের আর কোন আশা থাকিত না।

এই সকল লোক গণিত বিদ্যায় নিতান্ত পার-  
দর্শী, এবং সুপুসিদ্ধ শিক্ষা-সহায় সম্রাটের উৎ-  
সাহ ও সাহায্যে শিষ্যাদি শাস্ত্রে যৎপরোনাস্তি  
বুৎপন্ন। এই রাজার বৃক্ষ প্রভৃতি ভারী ২ পদার্থ  
বহিয়া আনিবার জন্য অনেক চক্রোপরি নির্মিত

নানাবিধ শকটাকার যন্ত্র প্রস্তুত করা আছে। এই রাজা সর্বদা শাল প্রভৃতি বন মধ্যে বড় ২ সংগামের যোগ্য পোত নির্মাণ করান, তন্মধ্যে কোন ২ খানা উর্দ্ধ সঙখ্যায় নয় ফুট বা ছয় হাত লম্বা ও হইয়া থাকে, প্রস্তুত হইলে সে সকল এই যন্ত্র দিয়া সমুদ্র পর্য্যন্ত ৩৪ শত গজ ভূমি টানিয়া আনা যায়। এই বহন যন্ত্র নির্মাণ করিবার সময়ে ৫০০ শত সূত্রধর এবং কারিকর লাগিয়াছিল। তাহা কেবল এক কাষ্টময় অবয়ব ভিন্ন আর কিছু মাত্র নহে, ভূমি ছাড়া তিন ইঞ্চি অবধি প্রায় উর্দ্ধে সাত ফুট লম্বা ও বিস্তারে চারি ফুট, দ্বাবিংশতি চক্রের উপরে চলে। এই যন্ত্র উপস্থিতি হইবামাত্র তাহাদের মহা কোলাহল ধ্বনি আমার কর্ণকূহরে প্রবিষ্ট হইল, বোধ হয় তাহা আমার তথায় পৌঁছিবার চারি ঘণ্টা পরে আসিতে আরম্ভ হইয়া থাকিবেক। আমি ত পড়িয়াছিলাম, তাহা আমার সমান ২ স্থানে আনীত হইয়া স্থাপিত হইল, কিন্তু আমাকে তুলিয়া এই যানে রাখা তাহাদের পক্ষে বিজাতীয় কঠিন ব্যাপার হইয়া উঠিল। এক ২ ফুট লম্বা এমন আশী জন লোক এই কার্য সাধিতে প্রস্তুত হইয়া সুতুলির মত শক্ত রজ্জুতে বাঁড়শাকৃতি ছক বাঁধিয়া কারিকরকে দিয়া আমার গলা হাত পাদ শরীর বিশিষ্টরূপে বাঁধাইল। পরে নয় শত বলবান লোক এই দাঁড়ি ধরিয়া আমাকে টানিতে নিযুক্ত হইয়া ইতস্ততঃ অনেক ২ কপিকলে টানা বাঁধিয়া অবিশ্রান্তে তিন ঘণ্টা পরিশ্রমে ফিঙ্গা করিয়া আমাকে সেই যন্ত্রে তুলিয়া সহরে তথায় আমাকে বাঁধিয়া ফেলিল। এ সমস্ত বিষয় তাহারা পরে আমাকে জানাইয়াছিল; ইতিপূর্বে আমাকে সেই পেয় দুব্য পান করিতে দিবার কালীন তাহাতে কিঞ্চিৎ নিদ্রাজনক কোন ঔষধ মিশ্রিত করিয়া দিয়া থাকিবেক,

কেননা বোধ হয়, তাহাতে আমাকে বন্ধন করিবার সময়ে সুযুগ্ম করিয়া রাখিয়াছিল। অনন্তর প্রায় সার্ক চতুষ্টিয় অঙ্গুলী উচ্চ, ১৫০০ পনের শত রাজকীয় ঘোটক আনিয়া এই শকটে যোজনা পূর্বক রাজধানীর অভিমুখে আমাকে টানিয়া লইয়া গেল। পূর্বেই বলা গিয়াছে, এই স্থান হইতে রাজধানী এক পাদ ক্রোশ পথ দূর।

আমরা রাজধানীর অভিমুখে চলিতে আরম্ভ করিবার ৪ চারি ঘণ্টা পরে এক অত্যন্ত হাস্যজনক আকস্মিক ঘটনায় আমার নিদ্রা ভঙ্গ হয়। যৎকালীন রাজধানীতে উত্তীর্ণ হই, তখন নিদ্রিতাবস্থায় আমাকে কেমন দেখায় এই কুতূহল দেখিবার জন্য তত্রপাকারের দুই তিন জন যুবক লোক আসিয়া এই শকট যন্ত্র দাঁড় করাইয়া তাহাতে বহিয়া উঠিতে এবং ক্রমে ২ আমার মুখের দিকে চলিয়া আসিতে লাগিল। তন্মধ্যে রক্ষক পদাভিষিক্ত এক ব্যক্তি আপন হস্তের শূলান্ত্রের ধারাল অগুভাগ আমার নাসিকারন্ধ্রে প্রবিষ্ট করিয়া দিলে, নাসিকায় তৎ দিলে যেমন বোধ হয়, তেমনি বোধ হওয়াতে আমাকে হাঁচিতে হইল, তৎশব্দ শ্রবণে তাহারা কে কোথায় পলায়ন করিল তাহার কিছুই স্থির করিতে পারি না। এত হঠাৎ জাগরিত হইবার কারণ আমি তিন সপ্তাহ পরে জানিতে পারিলাম। অনন্তর সন্ধ্যা হইবার কিছু অবশিষ্ট থাকিতে ২ আমরা তথাহইতে গেলাম, এবং রাত্রিকালে আমার দুই পাশ্বে পাঁচ শত রক্ষক অর্ধেক লোক হাতে মসাল ও অপরাধ হস্তে ধনুর্বাণ লইয়া পাছে লাড়ি বা সরিয়া কোথায়ও যাই, এই ভয়ে চোকা দিতে লাগিল। পর দিন প্রাতঃকালে সূর্যোদয় হইলে আমরা পুনর্বার চলিতে আরম্ভ করিলাম। নগরের দ্বার তথাহইতে ১০১২ বিঘা পথ দূরে ছিল, কিন্তু উত্তীর্ণ

হইতে দুই প্রহর অতীত হইল। তত্রত্য সমুট সভ্যগণে পরিবৃত্ত হইয়া আমাদিগকে দেখিতে বাহিরে আইলেন, কিন্তু আমার শরীরে আরোহণ করিয়া পাছে তাহার দৈহিক কোন শান্তির ব্যাঘাত জন্মে একারণ তাহার প্রধান ২ কর্মচারিরা ব্যস্ত হইতে লাগিল।

যেখানে আমাকে বহিবার শকট যন্ত্র স্থগিত রহিল, তথায় একটা প্রাচীন মন্দির ছিল, রাজ্যের সর্বাধিপত্য সেই টা অতি বৃহৎ; কয়েক বৎসর পূর্বে তথায় একটা আকস্মিক হত্যা হওয়াতে তাহা অপবিত্র রূপে গণ্য হইয়াছিল। প্রজাবর্গের আগুহানুসারে ইহা এক অশুদ্ধ পদার্থের নিদর্শন স্থল স্বরূপে পরিগণিত; সুতরাং তথাহইতে অলঙ্কার ও বহু মূল্য দুব্য সামগ্গী স্থানান্তর নীত হইয়াছিল, কেবল সেই মন্দিরটি মাত্র সামান্য ব্যবহারেই নিযুক্ত ছিল।

এই মন্দির মধ্যে আমার বাসা দেওয়ার কল্পনা স্থির হইয়াছিল। ইহার উত্তরদিকের প্রধান দ্বার ২১০ হাত উচ্চ, ও প্রস্থ পরিমাণে প্রায় ১০ হাত, তাহা দিয়া আমি অনায়াসে সঙ্কুচিত হইয়া প্রবেশিতে পারিতাম। দ্বারের দুই পাশ্বে ভূমি ছাড়া ছয় অঙ্গুলি উর্দ্ধে দুই ক্ষুদ্র গবাক্ষের বামদিকের গবাক্ষ দিয়া প্রায় শতাবধি সূক্ষ্ম ২ ক্ষুদ্র শৃঙ্খলে আমার বাম পাদ বাঁধিয়া ৩৬ টা তালা বন্ধ করিয়া রাখিয়াছিল। এই মন্দিরের বিপরীত দিগে প্রধান রাজপথের পাশ্বে ১২১৩ হাত দূরে এক উচ্চ গুম্বজ ছিল, অন্ততঃ তাহার উচ্চতা প্রায় ৩০ হস্ত হইবেক। দৃষ্টিগোচর হয় নাই, কিন্তু পরে শুনিতে পাইলাম, তত্রত্য সমুট নিজ সভাস্থ অনেক ২ প্রধান ব্যক্তিকে সমভিব্যাহারে লইয়া আমাকে দর্শন করিবার মানসে এই গুম্বজের উপরি আরোহণ করিয়াছি-


লেন। এতদ্ব্যতীত আমার উপস্থানের বার্তা শ্রবণমাত্র অতিমাত্র ব্যগুতা সহকারে সেই নগর নিবাসী এক লক্ষ প্রজা আমাকে দেখিবার মানসেই বাহিরে আসিয়াছিল। বিশেষতঃ সাবধানতা সহকারে আমাকে রক্ষা করিবার জন্য বোধ হয় অনূন দশ সহস্র লোক নিযুক্ত হইয়া থাকিবেক, এবং উহার সোপান সহযোগে আমার দেহের উপরি আরোহণ করিত; কিন্তু অবিলম্বেই তাহাদিগকে এতাদৃশ মরণ যাতনা দানে বিরত করিবার মানসে ঘোষণা বাহির হইয়াছিল।

কর্ম্মকারেরা আমাকে তাদৃশ বন্ধন ক্ষেদনে অসমর্থ বুঝিয়া ত্বরায় সে সকল রজ্জু কাটিয়া ফেলিল। তাহাতে তখন আমি এতাদৃশ বিষণ্ণ ও অসুস্থভাবে গাত্রোথান করিয়াছিলাম, যে জন্মাবচ্ছিন্নে আমার তেমনটি আর কখন হয় নাই। গাত্রোথান পূরণের আমাকে বেড়াইতে দেখিয়া উপস্থিত প্রজাবর্গের যে রূপ কোলাহল ও চমৎকার বোধ হইয়াছিল, তাহা বচনাতীত। যে শৃঙ্খলে আমার বাম পাদ বন্ধ ছিল, তাহা প্রায় চারি হাত লম্বা সুতরাং তাহাতে যে আমি অর্দ্ধচন্দ্রাকারে অগু পশ্চাৎ গমনাগমন করিতে পারিতাম এমত নহে, কিন্তু সঙ্কুচিত হইয়া অনায়াসে মন্দির মধ্যে প্রবেশ ও তাহার মধ্যে বিস্তৃত শরীরে শয়ন করিতেও সমর্থ হইয়াছিলাম।

ইতি প্রথমধ্যায় সমাপ্ত। রা. না. বি.

### সঙ্গীত-মর্ম্ম।

ধ্বনি দুই প্রকার, অকৃতি ও সুকৃতি। যে ধ্বনির উৎপত্তিতে কেবল শব্দ মাত্র কর্ণগোচর হয়, ও কোন অর্থ প্রকাশ পায় না, তাহার নাম “অকৃতি”, যথা আঘাতে বা পতনে



একদেবীর গায়ক।

উৎপন্ন ধ্বনি। অপর যে ধ্বনিদ্বারা বস্তু নির্দেশিত, বা কোন ক্রিয়া বা অন্তর্ভাবাদি অর্থ বিজ্ঞাত হয়, তাহার নাম সুকৃতি; শাস্ত্রে ঐ সুকৃতি ধ্বনিকে বর্ণাত্মক ধ্বনি বা ভাষা শব্দে বিধান করে।

অকৃতি ধ্বনি স্বরের ও কালের অনিয়মে উৎপন্ন হইলে “নার্থ” হয়, ও স্বর ও কালের বিশেষ নিয়মে শব্দিত হইলে গীতবাদ্যাদিরাপে পরিণত হইয়া সঙ্গীত উৎপন্ন করে। ঐ সুস্বরবিশিষ্ট অকৃতি ধ্বনিতে মনোরঞ্জন হয় বলিয়া সঙ্গীত শাস্ত্রে তাহাকে “সার্থ” শব্দে কহে। “দ্রুম্ তানা নানা দেরে না” এই কয়েকটি শব্দ এক-স্বরে অনিয়মিতকাল-ব্যবধানে ক্রমশঃ দ্রুম্—তা—না—না—না ইত্যাদি রাপে উচ্চারণ করিলে কোন সঙ্গীত-রসের উদয় হয় না; পরন্তু স্বর ও কাল নিয়মের সাহায্যে তাহাই উত্তম সঙ্গীত হইতে পারে। অতএব স্বর ও কাল নিয়মই গীতের মূল, তন্নিহ্ন গীত সম্ভবে না।

কণ্ঠহইতে যে ২-স্বর নির্গত হয় তাহার লক্ষণ বিবেচনা করিলে তাহাকে সাত প্রকারে বিভাগ করা যাইতে পারে। গীত-পুসঙ্গে যে স্বর আয়াস ব্যতীত অস্বত্রে নির্গত হয় প্রাধান্যার্থে তাহাকে “প্রথম স্বর”, এবং তদপভ্রুংসে “সুর” ও কদাপি “প্রথম” শব্দে বলা যায়। ময়ূর বা গর্দভের সহিত ঐ স্বরের তুলনা হইয়া থাকে। ইহা “ষড়্জ” নামেও বিখ্যাত আছে। তদনন্তর দ্বিতীয় স্বর; তাহা বৃষ-ধ্বনির তুল্য পুষ্পক “ঋষভ” নামে বিখ্যাত। ভেক বা চাতক রবের সহিতও তাহার তুলনা হইয়া থাকে। তৃতীয় স্বরের নাম “গান্ধার”; তাহা ধেনু বা অজার ধ্বনি সদৃশ। চতুর্থের নাম “মধ্যম”; এবং কোকিল বা ক্রৌঞ্চ স্বর তাহার তুলনা স্থান। তদনন্তর কুমুম-কালের কোকিল-কাকলী-তুল্য যে স্বর তাহার নাম

“পঞ্চম”। ষষ্ঠ স্বর অশ্ব-স্বনের তুল্য, এবং “ধৈবত” নামে বিখ্যাত। সপ্তম কুঞ্জর-ধ্বনি সদৃশ, ও “নিষাদ” নামে খ্যাত। এই সপ্ত স্বরের সমষ্টি নাম “স্বরগাম”। কথিত আছে যে সঙ্গীত-শাস্ত্র-বিশারদ সোমেশ্বর নামা কোন পণ্ডিত উক্ত সপ্ত স্বরের নিয়ম নিরূপণ করেন।

গভীর ও মানুসাগিক শব্দে এই স্বরগাম ত্রিগুণী কৃত হয়, তদ্যথা “ষড়্জ গাম”, “মধ্যম গাম” এবং “গান্ধার গাম”। মনুষ্যে ঐ সমস্ত তিন গাম উচ্চারণ করিতে পারে না। স্ত্রীলোকের কণ্ঠে মধ্যম ও গান্ধার গাম, ও পুরুষের কণ্ঠে ষড়্জ ও মধ্যম গাম উচ্চারিত হইয়া থাকে। এই স্বর-গামের সুবোধার্থে বীণা বা সেতার যন্ত্রের আলোচনা আবশ্যিক। শেষোক্ত যন্ত্রের দণ্ডে শোড়ষ থানি “পরদা” নামে বিখ্যাত ধাতুময় শলাকা থাকে, তাহার মধ্যস্থ সপ্ত থানিহইতে মধ্য-গামের সপ্ত স্বর ধ্বনিত হয়, নিম্নস্থ পাঁচ থানিতে গান্ধার গামের প্রথম পঞ্চ স্বর, ও উর্দ্ধের চারি থানিতে ষড়্জ-গামের শেষ চারি স্বর আলাপিত হইয়া থাকে।

এই পরদা-সকল যে ২ স্থানে নিবদ্ধ হয় তাহার মধ্যগত স্থানে অপর পরদা বান্ধিয়া ধ্বনি করিলে উল্লেখিত সপ্ত-স্বর ব্যতীত অন্য স্বর উৎপন্ন হইবে, ইহা অবশ্যই সম্ভবে। ঐ সকল স্বর প্রধান সপ্ত স্বরের অধীন; অতএব রূপক বর্ণনায় তাহা স্বরের স্ত্রী নামে বিখ্যাত হয়। ষড়্জ ও ঋষভ পরদার মধ্যবর্ত্তি স্থানে অপর চারিটি পরদা বান্ধিয়া চারিটি অধীন স্বরের উৎপাদন করিয়া থাকে, এই হেতুক শাস্ত্রে ষড়্জের চারি স্ত্রীর নির্দেশ আছে। এই রাপে ঋষভের তিন স্ত্রী, গান্ধারের দুই, মধ্যমের চারি, পঞ্চমের চারি, ধৈবতের তিন, এবং নিষাদের

দুই \* স্ত্রী নিকৃপিত হয়। এই দ্বাবিংশতি অধীন স্বরের সমষ্টির নাম “শ্রুতি”। কদাপি ইহা-দিগকে “অর্ধ-স্বর” শব্দেও কহা যায়। গ্ৰাম-ভেদে এই শ্রুতির নিয়ম অন্যথা হইয়া থাকে। মধ্যম-গ্ৰামে পঞ্চমের শেষ শ্রুতি ঐধবতের অধীন হয়; পরন্তু তাহার বিশেষ লক্ষণ সুশি-ক্ষিত গায়ক ভিন্ন অন্যের অনায়াসে বোধগম্য হইবে না। অতএব, তদ্বিষয়ের বিবরণে কাল-ক্ষেপ করা অনাবশ্যক।

স্বর-গ্ৰামের আলাপনে যে স্থানে এক স্বরের বিরাম হইয়া তৎপর স্বরের আরম্ভ হয়, তাহার নাম মুচ্ছনা। কোন ২ সঙ্গীত-শাস্ত্রানুসারে মুচ্ছনা স্বরের আরোহ অবরোহে যে স্বরে রাগনিষ্পন্ন হয় তাহাকেও মুচ্ছনা শব্দে কহে। সপ্ত-স্বরে ঐ মুচ্ছনা সপ্তবার হইয়া থাকে, ও তিন গ্ৰামে তাহার সঙ্খ্যা একবিংশতি নিকৃপিত হয়।†

ভারতবর্ষীয় গণ্ডিতমাত্রেরূপক-প্রিয়; বিশেষতঃ যে সকল আচার্য্যেরা ধর্ম্মগুহুও ভূরি ২ রূপক-বর্ণনে পরিপূর্ণ করিয়াছেন, তাহারা যে প্রমোদাম্পদ-সঙ্গীত-শাস্ত্রের সর্বাঙ্গ রূপকাল-কারে বিভূষিত করিবেন, ইহাতে আশ্চর্য্য কি? সেই বর্ণনা সকল অত্যন্ত মনোহর; তদ্বারা এতদেশীয় জনগণের মনঃ এতাদৃশ মুগ্ধ আছে, যে তাহার যাথার্থ্য অধুনা জনগণের মনে প্রক-টিত করাই কাঠন। পূর্বেই উক্ত হইয়াছে, স্বর-

\* ঐ স্ত্রীগণের নাম যথা,

কামোদতী, মন্দা, ছন্দবতী, দ্রাবতী, রঞ্জনী, রতিকা, রত্না। ক্রোধা, বীজরেখা, প্রসারিণী, পার্শ্বতী, মাজ্জনী, রতী, রক্তা। সন্দীপনী, আলাপনী, মন্দতী, তবররা, রোহিণী, রমেয়া, ক্ষো-ভনী, উগ্না।

† মুচ্ছনাদিগের নাম যথা,

ষড়্জ গ্ৰামের মুচ্ছনা ললিতা, মধ্যমা, চিত্রা, রোহিণী, মতঙ্গজা, সৌবীরী, ষণ্ডমধ্যা। মধ্যম গ্ৰামের মুচ্ছনা পঞ্চমা, মৎসরী, যু-মধ্যা, শুদ্ধা, অস্তা, কলাবতী, তীব্রা। গান্ধার গ্ৰামের মুচ্ছনা রৌদ্রী, ব্রাহ্মী, বৈষ্ণবী, স্বৈরী, সুরা, নাদাবতী, বিশালা।

সকল পুরুষরূপে ও তদীয় শ্রুতি-সকল স্ত্রীরূপে বর্ণিত হয়। অপর সেই স্ত্রীপুরুষদিগের অপ-তেরও নির্দেশ আছে; তাহারা “রাগ” নামে বিখ্যাত। ষড়্জের পুত্র ভৈরব রাগ, ঋষভের পুত্র মালকৌশল, গান্ধারের পুত্র হিন্দোল, মধ্য-মের পুত্র দীপক রাগ, পঞ্চমের পুত্র মেঘ রাগ, এবং ঐধবতের পুত্র স্ত্রীরাগ, কেবল নিষাদ নিঃসন্তান। অপর ঐ রাগ-সকলের স্ত্রীপুত্রাদি পরিবারের প্রচুর বর্ণন আছে। ফলতঃ, যে সকল সঙ্গীত এক ধর্ম্মাক্রান্ত ও এক প্রধান স্বর-মণ্ডলীর অনুযায়ী তাহারা সেই প্রধানের পরিবার নামে বিখ্যাত হয়; ও পরস্পর সমধর্ম্মতার নৈকট্যা-নুসারে স্ত্রী, পুত্র, পুত্রবধূ, সহচরী প্রভৃতি নামে নির্দিষ্ট হয়। এই সমধর্ম্মতা, অর্থাৎ কোন ২ রাগ কাহার সহিত কোন ২ লক্ষণে তুল্য তাহা, নিকৃপণ করা অত্যন্ত কাঠন, এবং অনেক রাগ সম্বন্ধে তন্নিকৃপণ কেবল কল্পনা মাত্র; সুতরাং এবিষয়ে সকল গুহুকারের মত এক হইতে পারে না। অঙ্ক-বিদ্যা-প্রণেতা শুভঙ্কর ছয় রাগের ছত্রিশ রাগিণী নির্দেশ করিয়াছেন; কিন্তু হনু-মান-ভরতাদি অপর প্রাচীন-গুহুকারেরা তাহার অন্যথায় কোন রাগের পাঁচ স্ত্রী, কোন রাগের ছয়, কোন রাগের সপ্ত বা অষ্ট স্ত্রী বর্ণন করেন। সোমেশ্বর ভৈরবরাগের পাঁচ স্ত্রী নির্দেশ করি-য়াছেন, অথচ কুত্রাপি তাহার সাত স্ত্রীরও উক্তি আছে। অপর ঐ স্ত্রীদিগের নামেরও নিশ্চয় নাই। ভৈরবী অতিপ্রসিদ্ধা রাগিণী; অনেক গুহুকারের মতে ও নাম ব্যুৎপত্তিতে ইহা স্পষ্টই ভৈরবের স্ত্রী ব্যক্ত আছে; অথচ গুহুস্তর-মতে ইহা মালকৌশলের স্ত্রী বলিয়া বর্ণিত হইয়াছে। অপ-রাপর রাগ রাগিণী ও অনুরাগাদির বিষয়ে এই রূপ অস্থিরতা দৃষ্ট হয়।

গুহুকারেরা এই রাগ-সকলকে তিন বর্গে বি-ভাগ করেন। প্রথম, যে সকল রাগের আলাপনে সমস্ত স্বরের উচ্চারণ হয়, তাহাদিগের নাম “সম্পূর্ণ” রাগ; দ্বিতীয়, যে সকল রাগের আ-লাপনে ছয় খানি স্বর উচ্চারিত হয়, তাহার নাম “ষাডব”; তৃতীয়, ও যে সকল রাগে পঞ্চ স্বর ধ্বনিত হয়, তাহার নাম “ঔডব”। এই রাগ-সমূহের ধ্যান ও আলাপনের কাল নির্দিষ্ট আছে, কিন্তু প্রস্তাব-বাহুল্য হইবার ভয়ে এই স্থলে তাহার উল্লেখ করিতে স্পৃহা হইতেছে না।

সঙ্গীতের মূল স্বর এবং কালের নিয়ম। তন্মধ্যে স্বরের স্থূল বিবরণ উক্ত হইল, এই ক্ষণে কাল নিয়মের লক্ষণ বক্তব্য। তানাদেহে ইত্যাদি প্রদত্ত দৃষ্টান্তে প্রদর্শিত হইয়াছে, যে কাল নিয়ম না থাকিলে কদাপি সঙ্গীত রসের উদ্ভেদ হইতে পারে না। স্বর শ্রুতি মুচ্ছনার আলাপন অতি সুচারু রূপে হইলেও সঙ্গীত রসের সার্থকতার নিমিত্ত কাল-নিয়মের অত্যন্ত প্রয়োজন রাখে। ষড়্জ ঋষভ গান্ধার মধ্যমাদির প্রত্যেকের উচ্চা-রণে তুল্য কাল আবশ্যিক; তদন্থায় রসের হানি হয়। এই কাল নিয়মের নাম “তাল”। ঐ তালের মর্ম্ম এই যে নৃত্য-সম্বন্ধে পাদ বি-ক্ষেপ, বাদ্য-সম্বন্ধে শব্দ (বোল) ও গীত-সম্বন্ধে বাক্য, নির্দিষ্ট-কালে নির্দিষ্ট-সঙ্খ্যায় প্রয়োজিত হইবেক। এক মুহূর্ত্তে যদ্যপি চারিটি বাক্য উচ্চারিত হয়, তৎপর মুহূর্ত্তেও সেই চারিটি বা তদ্বিগুণ বা তদ্ব্যেক অথবা তদ্ব্যতীত বাক্য উচ্চারিত হওয়া আবশ্যিক; কদাপি তন্নিয়মের অন্যথা হইলেই তালের হানি হয়। বাদ্য ও গীতের তালমিলনের নাম “লয়”; এবং যে স্থানে বিরাম করা যায় তাহার নাম “মান”। এই মান দুই প্রকার, গীতের মধ্যে ২ যে যতি রাখা যায়,

তাহার নাম “অন্তর্গত মান” বা “সম”; ও পাদ সম্পূর্ণ হইলে যে বিরাম হয়, তাহার নাম “পূর্ণ মান”।

পূর্বকালে ভারতবর্ষীয় সঙ্গীতবেত্তারা স্বর-সকল অনায়াসে লিপিবদ্ধ করিয়া রাখিতেন; কিন্তু ইদা-নীন্তনের গায়কেরা সঙ্গীত বিদ্যার সাধন না করি-য়া কেবল স্বর-সাধন করেন, এই প্রযুক্ত সে বিদ্যার একেবারে লোপ হইয়াছে। এই ক্ষণে কাগজে সুর লিখিবার উল্লেখ করিলেও উপহা-সাম্পদ হইতে হয়; অথচ ইউরোপ খণ্ডে সর্ব-দাই এক দেশের নূতন স্বর-বিন্যাস (সুর) লিপি-বদ্ধ হইয়া অন্য দেশে প্রেরিত হইতেছে; এবং ঐ লিপি-দৃষ্টে স্বর-সাধন করিলে কোন মতে আদিম গায়কের স্বর হইতে পৃথক হয় না। এতদেশে বিদ্যার পুনরাবির্ভাবে ভরসা করি এই লুপ্ত বিদ্যারও উদ্ধার হইবেক।

### হুদের বিবরণ।

উৎস জল কি প্রকারে নদী ও কুণ্ড রূপে পরিণত হয়, তাহার বিবরণ পূর্বেই উক্ত হইয়াছে। ঐ উৎস-জলনদুত কুণ্ড অতি বৃহৎ হইলে “হুদ” নামে বিখ্যাত হয়। সেই হুদ চারি প্রকার; প্রথম যাহার জল সোতো-রূপে বহির্গত না হয়, ও যাহাতে সোতো-জল নিপ-তিত না হয়। দ্বিতীয়, যাহাহইতে সোতাঃ উৎপন্ন হয়। তৃতীয়, যে হুদ সোতাঃ উৎপাদন করে, ও সোতো-জল প্রাপ্ত হয়। চতুর্থ, যাহাতে অন্যত্রের সোতো-জল আ-সিয়া নিপতিত হয়, অথচ তাহাহইতে কোন সোতাঃ নির্গত হয় না।

প্রথম প্রকার হুদ বৃহৎ কুণ্ড মাত্র; কোন প্রশস্তায়তন নিম্ন-স্থানে উৎস জল সঙ্গীত হইলেই তাহার উৎপত্তি হয়। ঐ উৎস-জল নিম্ন স্থান পরিপূর্ণ করত উদ্ভব হই-লে সোতের সৃষ্টি হয়, এবং তাহাই দ্বিতীয় প্রকার

হুদ; এই হুদের নিকটবর্তী কোন উচ্চ স্থানহইতে আগত কোন স্রোতঃ তাহাতে নিপতিত হইলে তৃতীয় প্রকার হুদ প্রস্তুত হয়। উত্তর-আমরিকায় এবলুকার অতি বৃহৎ হুদ অনেক আছে; তাহাতে অনেক নদী আসিয়া নিপতিত হয়, এবং অবশেষে তৎসমুদায়ের জল সেন্টলুরেন্স-নদী দিয়া আটলান্টিক মহাসমুদ্রে অপসৃত হয়। আসিয়া-খণ্ডের উত্তরাঞ্চলস্থ বৈকাল হুদও এই প্রকার।

চতুর্থ প্রকার হুদ অতি আশ্চর্য্য, তাহাতে প্রকাণ্ড নদীর জল আসিয়া পড়ে, অথচ তাহাহইতে নির্গত কোন স্রোতঃ প্রত্যক্ষ হয় না। আরাল এবং কাস্পীয় হুদ এই প্রকার হুদের এক দৃষ্টান্ত স্থল। কর, উরাল, বল্গা প্রভৃতি কয়েকটা প্রকাণ্ড নদীহইতে প্রভূত জল আসিয়া নিয়ত কাস্পীয় হুদে নিপতিত হইতেছে, এবং এই হুদহইতে তাহার নির্গমনের কোন পথ নাই, অথচ তদ্বারা এই হুদের গভীরতার বৃদ্ধি না হইয়া বরং ক্রমশঃ তাহার হ্রাসই হইতেছে। এই আশ্চর্য্য ব্যাপারের কারণ নিরূপণার্থে অনেকে অনেক মত ব্যক্ত করিয়াছেন। আমাদের বোধে সূর্য্যকিরণই তাহার প্রধান কারণ; তদ্বারাই নদ্যাগত সমস্ত জল শুষ্ক হইয়া যায়।

কাস্পীয় ও আরাল হুদের জল লবণাক্ত, এবং তাহার গর্ভ অনেক যাদোগণের আবান। প্রতীতি হইতেছে যে তদহুদদ্বয় কোন না কোন কালে সমুদ্রের এক অংশ ছিল। ফলতঃ কৃষ্ণসমুদ্র ও কাস্পীয় হুদের মধ্যবর্তী ভূমি আধুনিক, তন্ এবং বল্গানদীকর্তৃক আনীত মৃত্তিকাপ্রচয়ে তাহা উৎপন্ন হইয়াছে; তদুৎপাদনের পূর্বে আরাল ও কাস্পীয় হুদ ও কৃষ্ণসমুদ্র একত্র মিলিত থাকিয়া মহাসমুদ্রের অংশরূপে পরিগণিত ছিল।

কতকগুলি হুদ কোন ২ সময়ে শুষ্ক হইয়া পুনরায় জল-পূর্ণ হইয়া থাকে; বৃষ্টিই এই ঘটনার প্রধান কারণ, কিন্তু বর্ষাভাব-ব্যতিরেকেও কখন ২ হুদোৎপাদক জলের উৎসের লায়ব-বশতঃ হুদের লোপাপত্তি সম্ভাবনা। ইলিরিয়া দেশের সর্কিনিট্জ হুদ এই প্রকারে উৎসের নিবৃত্তিতেই মধ্যে ২ শুষ্ক হয়।

কোন ২ হুদ নির্বাত সময়েও অত্যন্ত আন্দোলিত হয়। স্কটলণ্ড-দেশের লমণ্ড-হুদের এই প্রকার স্বভাব। ইহার কারণ অদ্যাপিও নিশ্চিত হয় নাই। বোধ হয় ভূগর্ভোথ দৈব বায়ুই এই আন্দোলন উপস্থিত করে।

কোন ২ হুদে দ্বীপবৎ ভূমিখণ্ড বাহ্যমানহইতে দৃষ্ট হয়; তৃত্তবেত্তারা অনুমান করিয়াছেন যে বোদমৃত্তিকাবৎ এক প্রকার লঘুমৃত্তিকাখণ্ড তটহইতে বিচ্ছিন্ন হইয়া হুদোপরি ভাসিয়া থাকে। ফ্রিসিয়া-দেশে গর্ড-হুদে এক বাহ্যমান দ্বীপ আছে, যাহাতে অনায়াসে শতাধিক ধেনু চরন করিয়া থাকে।

### বায়ুর বিবরণ।

পৃথিবীর চতুর্দিগে ৪০ জ্যোতিষী ক্রোশ অন্তর পর্য্যন্ত সর্বত্র বায়ুতে পরিপূর্ণ; এই বায়ুর গতিতে জগতের অনেক ইচ্ছা সাধিত হইয়া থাকে। বেদে ইহাকে “পাবক” অর্থাৎ পবিত্রকারী শব্দে বিধান করে, কারণ দুর্গন্ধরূপ ক্লেদের দূরী করণার্থে বায়ুই এক মাত্র উপায়।

যে নিয়মে তরল পদার্থের গতি নিষ্কাশ হইয়া থাকে, বায়ুও সেই নিয়মের অধীন; ফলতঃ বায়ু এক প্রকার তরল পদার্থ, সুতরাং সর্ব প্রকারের তাহাদের ধর্ম ইহাতে বর্তমান আছে; এই মাত্র বিশেষ যে তরল পদার্থের অন্তরাকর্ষণ অপেক্ষাকৃত দৃঢ় বলিয়া তাহা অনায়াসে স্ফীত হয় না; বায়ুর অন্তরাকর্ষণ শক্তি অত্যন্ত লঘু এই প্রযুক্ত বায়ু অনায়াসেই স্ফীত হইতে পারে।

পূর্বেই উক্ত হইয়াছে তরল পদার্থের এক প্রধান ধর্ম এই যে তাহার সর্বত্র সমোচ্চ থাকে, কদাপি তাহার কোন অংশ উচ্চ ও অপরাংশ নিম্ন হয় না; কোন কারণবশতঃ সমোচ্চতার হানি হইলে তৎক্রমাৎ এই পদার্থ আন্দোলিত হইয়া সমোচ্চতা-রক্ষার চেষ্টা করে।

অপর এক নিয়ম এই যে বস্তু মাত্রই উষ্ণতায় স্ফীত এবং শীতে শঙ্কুচিত হয়; স্থূল শুষ্ক সকল পদার্থ এই নিয়মের অধীন; কেহই ইহাহইতে স্বতন্ত্র নহে, শীতকালে যে লৌহ-খণ্ড টিক এক হস্ত দীর্ঘ থাকে, গ্রীষ্মে তাহা এক হস্তহইতে কিঞ্চিৎ অধিক দীর্ঘ হয়; অপর তাহা অধিতে উত্তপ্ত করিলে তদপেক্ষায় আরও দীর্ঘ হয়। স্বর্ণ রজত প্রস্তরাদি অপর সকল পদার্থও এই প্রকার। দৃঢ় পদার্থাপেক্ষায় তরল পদার্থ উষ্ণতায় অধিক বৃদ্ধি হয়; বায়ু তরল পদার্থ মধ্যে সর্বাপেক্ষায় অধিক সূক্ষ্ম, সুতরাং তাহা গ্রীষ্মে অত্যন্ত স্ফীত হয়।

বায়ু স্বভাবতঃ সর্বত্র স্থিরভাবে থাকে, পরন্তু কোন এক প্রদেশে সূর্য্যোত্তাপ অধিক হইলে, বা দাবানল বা অন্য কোন কারণে বায়ু উত্তপ্ত হইলে, পূর্বেক্ত দ্বিতীয় নিয়মানুসারে তাহা তৎক্রমাৎ স্ফীত ও অন্য বায়ুর অপেক্ষায় লঘু হয়। এই লঘু বায়ুর ধর্ম উর্দ্ধে গমন; এবং এই বায়ু যখন উর্দ্ধে গমন করিতে থাকে তৎকালে প্রথমোক্ত নিয়মপ্রযুক্ত তাহার অপর দিকস্থ শীতল স্থূল বায়ু তৎপরিত্যক্ত-স্থান পূরণার্থে তদ্বিগে ধাবমান হয়; তথা এই দুই নিয়মপ্রযুক্তই স্থির বায়ু সঞ্চালিত হইয়া থাকে; মন্দ-বায়ু, ঘূর্ণ বায়ু, ঝড় প্রভৃতি সকলই এই কারণহইতে উৎপন্ন হয়।

যে বায়ু প্রতিঘণ্টায় অর্ধ-ক্রোশ-মাত্র ভ্রমণ করে তাহা প্রায়ঃ সহস্রা আমাদিগের বোধগম্য হয় না; যে বায়ু প্রতিঘণ্টায় ২ বা ২।১০ ক্রোশ স্থান ভ্রমণ করে তাহা “মন্দ-বায়ু” নামে খ্যাত। চতুরসু একহস্তস্থানে তাহা যে বেগে আহত হয়, এক ছটাকের যে ভার তাহা তদনুরূপ হইবে। প্রতি ঘণ্টায় যে বায়ু ৫।৭ ক্রোশ ভ্রমণ করে তাহাকে “তেজো-বায়ু” শব্দে কহা যায়; তাহা বিশেষ তেজোবন্ত হইলে প্রতি ঘণ্টায় ১০।১৫ ক্রোশ স্থান অগুণগমন করে। তাহার বেগের পরিমাণ প্রতিচতুরসু হস্তে ৩।৪ সের হইবেক। সামান্য ঝড় প্রতিঘণ্টায় ২৫।৩০ ক্রোশ স্থান ভ্রমণ করে, এবং তাহার বেগের পরিমাণ ১০। ১২ সের; পরন্তু সকল ঝড় সমবেগে হয় না, এই প্রযুক্ত তৎসময়ে কোন সাধারণ নিয়ম নিরূপণ করা অসাধ্য। যাহা উক্ত হইল তাহা সামান্য ঝড় পক্ষেও স্থূল অনুমান মাত্র।

পৃথিবীর সূর্য্য ও কুমেরু কেন্দ্রে অত্যন্ত শীতল, তথাহইতে যত নিরক্ষ-বৃত্তের নিকট অগুসর হওয়া যায় তত গ্রীষ্মের বৃদ্ধি হয়, এই কারণ বশতঃ দুই কেন্দ্রহইতে নিরক্ষ-বৃত্তাভিমুখে নিয়ত দুই বায়ু-প্রবাহ আসিতেছে; কদাপি-তাহার নিবৃত্তি নাই। অপর নিরক্ষ-বৃত্তের নিকটহইতে যে উত্তপ্ত বায়ু উর্দ্ধে গমন করে তাহা কিয়দূর উর্দ্ধে উঠিলে তথাকার শীতল বায়ুর সংলগ্নে শীতল হইয়া কেন্দ্রহইতে আগত বায়ুর স্থান পূরণার্থে কেন্দ্রাভিমুখে গমন করে; তথা পৃথিবীর সন্নিকটে যে প্রকার বায়ুপ্রবাহ কেন্দ্রহইতে নিরক্ষ-বৃত্তাভিমুখে আসিতেছে, আকাশের উর্দ্ধদেশে তদ্রূপ বায়ুপ্রবাহ নিয়ত কেন্দ্রাভিমুখে গমন করিতেছে। এই বায়ুপ্রবাহ-চতুষ্টিয়ের

কদাপি নিবৃত্তি নাই, এই প্রযুক্ত তাহাকে “নিয়ত বায়ু” শব্দে কহা যাইতে পারে। এই নিয়ত-বায়ুর যে প্রবাহ সূর্য্য কেন্দ্রহইতে আইনে তাহার স্বাভাবিক গতি দক্ষিণাভিমুখ, ও যে প্রবাহ কুমেরু-কেন্দ্রহইতে আইনে তাহার গতি উত্তরাভিমুখ; কিন্তু প্রত্যক্ষ তাহা প্রতীত হয় না; তদন্যথায় এই বায়ু ইশান কোণ ও অধি কোণহইতে আসিয়া থাকে; তাহার কারণ এই, পৃথিবী নিয়ত পূর্বাভিমুখে অত্যন্ত-ভয়ানক-বেগে প্রতি-ঘণ্টায় এক সহস্র-জ্যোতিষী-ক্রোশ-ব্যাপ্ত স্থান ভ্রমণ করে; বায়ু অপরিপূর্ণ ঝড় হইলেও এক ঘণ্টায় শত বা এক শত পঁচিশ ক্রোশের অধিক স্থান ভ্রমণ করিতে পারে না; অতএব উত্তর বা দক্ষিণ দিগহইতে ঝড় আসিলেও পৃথিবীসম্বন্ধে তাহার গতি ঋজু থাকিতে পারে না, এবং নিরক্ষ-বৃত্তের নিকটস্থ মনুষ্যকে সেই ঝড় ইশান বা অধি কোণহইতে আগত বোধ হয়। পূর্বেক্ত নিয়ত-বায়ুর বেগ ঝড়ের বেগহইতে অনেক লঘু; সুতরাং তাহা ইশান ও অধি কোণাগত হইয়া থাকে। এই বায়ুতে জাহাজ গমনাগমনের বিশেষ সাহায্য হয় বলিয়া নাবিকেরা ইহাকে “বাণিজ্য-বায়ু” শব্দে কহে।

সূর্য্যোত্তাপে জল অপেক্ষায় স্থূল অধিক উত্তপ্ত হয়, অতএব পৃথিবীর যে অংশে অধিক স্থূল আছে তাহা জলাধিক্য অংশহইতে অধিক উষ্ণ থাকে। দ্বিতীয়-প্রকারে উক্ত হইয়াছে নিরক্ষ-বৃত্তের দক্ষিণাপেক্ষায় উত্তর-দিগে অধিক স্থূল আছে। এই প্রযুক্ত নিরক্ষ-বৃত্তস্থ স্থান অত্যন্ত উষ্ণ না হইয়া তাহার সাত অংশ উত্তরে অত্যন্ত উষ্ণতা প্রত্যক্ষ হয়। এই স্থানের উত্তর পার্শ্বে প্রায়ঃ পাঁচ অংশ স্থানের বায়ু উত্তপ্ত হইয়া উর্দ্ধগমন করে, এবং এই স্থান পূরণার্থে পূর্বেক্ত বাণিজ্য-বায়ু প্রবাহিত হয়; কিন্তু পৃথিবীর গতিতে তাহার গতির বক্রতা ঘটয়া এই স্থানে তাহা প্রত্যক্ষ হয় না। নিরক্ষ বৃত্তের উপরে দশ অংশহইতে ২৫ অংশ পর্য্যন্ত পৃথিবীর উত্তর-ভাগের বাণিজ্য-বায়ু প্রবাহিত হয়; ও দক্ষিণ-ভাগের বাণিজ্য-বায়ু নিরক্ষ-বৃত্তের উত্তরে দ্বিতীয় অংশহইতে দক্ষিণে ২৩ অংশ পর্য্যন্ত স্থানে প্রবাহিত হয়। এই দুই বায়ু-মণ্ডলের মধ্যবর্তী স্থানে বায়ু উর্দ্ধগমন করে, কিন্তু পৃথিবীর সন্নিকটে তাহা অনায়াসে অনুভূত হয় না; সর্বদা প্রায়ঃ নির্বাত বোধ হয়; মধ্যে ২ এই স্থানে অত্যন্ত ঝড় হইয়া থাকে; এই প্রযুক্ত নাবি-

করা ইহাকে “নির্ঝাত ও অস্থির-বায়ু-মণ্ডল” শব্দে কহে।

পৃথিবীর সর্বত্র যদ্যপি জলময় হইত তাহা হইলে বাণিজ্য-বায়ুও সর্বত্র সমান বোধ হইত; কিন্তু ভূভাগের উষ্ণতা ও পর্যায়ের বাধা প্রযুক্ত তাহা ভূভাগে অনুভূত হয় না, কেবল মহাসমুদ্রের গর্ভে তাহার প্রচার আছে। ভারত-সমুদ্রের উত্তর, পশ্চিম ও পূর্বভাগ ভূমি দ্বারা বেষ্টিত, বিশেষতঃ মহাপ্রাচীরস্বরূপ হিমালয়পর্বতে তাহার অধিকাংশ আবৃত; উত্তরভাগের বাণিজ্য-বায়ু ঐ প্রাচীর লঙ্ঘন করিয়া আসিতে পারে না; সুতরাং ভারত-সমুদ্রে ঐ বাণিজ্যবায়ুর প্রচার নাই; তথায় তৎপরিবর্তে অপর একপ্রকার বায়ু বহিয়া থাকে; তাহা প্রথম ছয় মাস অধিকোণহইতে ও অপর ছয় মাস বায়ুকোণহইতে প্রবাহিত হয় বলিয়া “মৌসুমি বায়ু” নামে খ্যাত। কার্তিক অবধি চৈত্র-পর্যন্ত “আগ্নেয়-বায়ু” ও বৈশাখ অবধি আশ্বিন পর্যন্ত “বায়ব্য বায়ু” বহিয়া থাকে। সমুদ্রে এই বায়ু অনুভূত হইবার পূর্বেই ইহার ভূভাগে প্রচার হয়; এই প্রযুক্ত আগ্নেয় মৌসুম আরম্ভ হইবার অনেক পূর্বে ফাল্গুন-মাসেই আমরা মলয়ানিল সন্তোষ করিয়া থাকি। প্রত্যেক মৌসুম আরম্ভ হইবার সময় বিপাকগত বায়ুপ্রবাহের সংহননে প্রায়ঃ অত্যন্ত ঝড় বৃষ্টি তুফান হইয়া থাকে। নিরক্ষ-বৃত্তের দক্ষিণে দশ অংশ পর্যন্ত মৌসুমি-বায়ু শীতকালে বায়ুকোণহইতে ও গীষ্মে অধিকোণহইতে প্রবাহিত হয়।

উত্তর-বাণিজ্য-বায়ুর যে মণ্ডল নির্দিষ্ট হইল তাহার উত্তরে বায়ু সর্বদা নৈঋত হইতে প্রবাহিত হয়, এ প্রযুক্ত তত্তত তাবৎ স্থান “নৈঋত বায়ুর মণ্ডল”; ও দক্ষিণ-বাণিজ্য-বায়ু-মণ্ডলের দক্ষিণে বায়ু সর্বদা বায়ুকোণহইতে প্রবাহিত হয় বলিয়া “বায়ব্য-বায়ুর মণ্ডল” নামে বিখ্যাত।

বায়ুসম্বন্ধে যাহা উক্ত হইল তাহা বায়ুর সাধারণ নিয়ম; কেবল মহাসমুদ্রে ইহা প্রত্যক্ষ হয়; পর্বত, মরু-ভূমি, বন, উপত্যকা, নগরাদির বাধা বা সাহায্যে স্থান-বিশেষে ইহার অনেক অন্যথা হইয়া থাকে; কিন্তু এ স্থলে তাহার বর্ণন লেখা বাহুল্য। আরব দেশের সিমুম নামক প্রাণ-সঙ্ঘাতক উত্তম বায়ুর বিবরণ বিবিধার্থের দ্বিতীয় পর্বে উক্ত হইয়াছে; ঐ রূপ বায়ু অন্যত্র বালুকাময় মরু-ভূমিতেও উৎপন্ন হইয়া থাকে।

সমুদ্রতটে দিবাভাগে বায়ু নিয়ত সমুদ্রহইতে ভূমিভি-

মুখে ও রাত্রিতে ভূমিহইতে সমুদ্রভূমি মুখে বহিয়া থাকে। এই প্রকরণের এ পর্য্যন্ত যাহারা মনোযোগপূর্বক পাঠ করিয়াছেন তাহারাই এই ঘটনার কারণ অনায়াসে বুঝিতে পারিবেন। সূর্য্যোদয় অবধি জল অপেক্ষায় ভূমি শীঘ্র উত্তপ্ত হইতে থাকে, সুতরাং ভূমির বায়ু উত্তপ্ত হইয়া উর্দ্ধে উঠিতে থাকে; ও সমুদ্রের বায়ু আকর্ষণ করিয়া ভূভাগে আনয়ন করে। রজনীতে জল অপেক্ষায় ভূমি শীঘ্র শীতল হয়, তথা দিবসের বিপরীতে রাত্রিতে ভূভাগের বায়ু সমুদ্রভূমি মুখে যাইতে থাকে। এই বায়ু প্রবাহের নাম “সমুদ্রবায়ু” ও “ভূমিবায়ু”। ইহা কেবল সমুদ্রতটে সন্নিহিতই অনুভূত হয়।

যে কারণ প্রযুক্ত কোন স্থল পদার্থোপরি লোষ্ট্র-ঘাত করিলে ঐ লোষ্ট্র স্থল পদার্থহইতে প্রত্যাবর্তন করে, বায়ুও সেই কারণের অধীন; এই প্রযুক্ত বায়ু-প্রবাহ পর্বত বা প্রাচীরাদি কোন পদার্থে আহত হইলে সেই পদার্থহইতে প্রত্যাবর্তন করত, আদৌ যে দিগে ভ্রমণ করিতে থাকে তাহাহইতে অন্য দিগে যায়। বিপাকভূমি দুই বায়ুপ্রবাহ পরস্পর আহত হইলেও এই ঘটনা সম্ভবে, এবং তাহাতে প্রায়ঃ ঘূর্ণিবায়ুর উৎপত্তি করে। কোন এক স্থান হঠাৎ বায়ু-শূন্য হইলে তৎস্থান-পূরণার্থে চতুর্দিগহইতে যে বায়ু ধাবমান হয়, তাহাতেও ঘূর্ণিবায়ু উৎপন্ন হয়। ঘূর্ণিবায়ুর উৎপাদনার্থে আকাশমণ্ডলে বিদ্যুৎসম্বন্ধীয় অন্যান্য কারণও থাকিতে পারে; কিন্তু তাহা অদ্যাপি উদ্ভাবিত হয় নাই। এই ঘূর্ণিবায়ু অল্প পরিসর হইলে “ধূলিধ্বজ” নামে বিখ্যাত হয়। “ঝুটে” বা “ভূত” নামেও ইহা প্রসিদ্ধ আছে। এতদেশীয় সামান্য লোকে ইহা স্পর্শ করিলে পরিধেয়-বস্ত্র-পরিবর্তনের বিধি দিয়া থাকে। সে যাহা হউক জলে যে প্রকারে আবর্তন বা কলঙ্কুর জন্মে, বায়ুতে সেই রূপে ঘূর্ণিবায়ু জন্মে। প্রবলবায়ু-সঞ্চলন-সময়ে অনাবৃত স্থানে ধূলিরাশি ও শুষ্ক পত্রাদি লইয়া স্তম্ভাকারে আকাশে উত্থান করিতে এই বায়ুকে অনেকে দেখিয়াছেন। গীষ্মকালে পঞ্জাব-দেশে এই প্রকারে ধূলিঝড় প্রায়ঃ প্রত্যহ হইয়া থাকে।

এই ঘূর্ণিবায়ু ঘূর্ণন করিতে ২ কদাপি উর্দ্ধে কদাপি বা অগ্নে গমন করে। ইহার ঘূর্ণন-মণ্ডলের পরিসর অধিক হইলে প্রায়ঃ অগ্নি-গমনই সম্ভবে, এবং তদ্বারা অনেক বিস্ময়জনক ঘটনাও ঘটয়া থাকে। প্রস্তাব লেখক একদা দেখিয়াছিলেন, এক অল্পায়তন-ঘূর্ণিবায়ু এক রজকের

ক্ষেত্র-প্রসারিত-কতকগুলি বস্ত্র লইয়া সহস্রাধিক হস্তান্তরে নিষ্কোপ করে। বিলাতে ক্রয়ডন নামক স্থানে এই বায়ুকর্ষক একদা এক হাস্যজনক ব্যাপার ঘটিয়াছিল; তথায় এক বিস্তীর্ণ ক্ষেত্রে এক জন রজক অনেক বস্ত্র শুষ্ক-করিবার নিমিত্তে প্রসারিত করিয়া দিয়াছিল, এমত সময়ে এক ঘূর্ণিবায়ু আসিয়া ঐ সমস্ত বস্ত্র উত্তোলন করত ক্ষেত্র-নিকটস্থ এক গিরিজার চূড়ায় বেষ্টিত করিয়া দিলেক।

সামান্যতঃ এই বায়ুর বেগ অত্যন্ত গরিষ্ঠ বোধ হয় না; পরন্তু ইহার ক্ষমতা কোনমতে সামান্য নহে। পশ্চিম ইণ্ডিস দেশে এই বায়ু এক ২ সময়ে এমত ভয়ানক হয়, যে তাহার মনন করিতে হইলেও শরীরে লোমাঞ্চ হইয়া উঠে। কথিত আছে, যে এই বায়ু নগরোপরি দিয়া ভ্রমণ-করিবার সময়ে যে দিগ দিয়া প্রবাহিত হয়, সেই সারীর সমস্ত ইষ্টক কাষ্ঠাদি নিষ্কিত অটালিকা সমূলে উৎপাটন করিয়া শতাব্দিক হস্ত প্রস্তুত ও বহুকোশ দীর্ঘ সমভূম এক বস্তু নির্মাণ করিয়া দিয়া যায়। এই আখ্যান-শ্রবণান্তর ঘূর্ণিবায়ু-কর্ষক পুঙ্ক-রিণীর ঘাট-উৎপাটন-বিষয়ক এতদেশে যে গল্প প্রচার আছে তাহা নিতান্ত অসম্ভব বোধ হয় না। এই বায়ু-সহকারে বর্মুডা-দ্বীপে দুর্গের বপুহইতে অনেকবার প্রকাণ্ড ২ কামান উড়িয়া গিয়াছে।


বান্দালা ১২৪৪ অব্দে এই প্রকার ঘূর্ণিবায়ু ধাপা বেলিয়াঘাটাহইতে আরম্ভ হইয়া দক্ষিণ-দেশস্থ বেগিয়া-পুকুর পর্য্যন্ত প্রায়ঃ আট কোশ পথ প্রস্থে অর্ধ-পোয়ার মধ্যে ঘর দ্বার বৃক্ষ পুত্ৰতি যে কোন বস্তু ছিল, তৎসবতের সমূলে উন্মূলন ও ধ্বংস করিয়াছিল। তৎকর্তৃক পিন্সেপ সাহেবের লবণের কুচিহইতে কয়েকটা বিংশতাব্দিক মন ভারি লৌহ কটা হ উড়িয়া গিয়াছিল, এবং ইষ্টক নিষ্কিত প্রকাণ্ড স্তম্ভ তথ্য হইয়া দুই তিন শত হস্তাবধি দূরে নিষ্কিপ্ত হইয়াছিল।

এই ঘূর্ণিবায়ুর মণ্ডল শতাব্দিক-ক্রোশ পরিসরবান হইলে প্রকৃত “ঝড়” নামে বিখ্যাত হয়; ফলতঃ ঝড় মাত্রেরই ঘূর্ণিবায়ু, কদাপি কোন ঝড় তাঁরের ন্যায় ঋজু ভাবে এক দিগে গমন করে না; সকলেই ঘূর্ণন করিতে ২ অগ্নি-সর হয়; তৎসময়ে যে কিছু পদার্থ তন্মধ্যে পড়ে তাহারও গতি ঐ ঝড়ের ন্যায় ঘটে। ঘূর্ণনের মণ্ডল ছোট বড় হইতে পারে; কিন্তু সকল ঝড়ের স্থূলগতি ঐ


প্রকার হয়। এই প্রযুক্ত ইহার ধর্মজ্ঞাপক নাম রাখিতে হইলে ইহাকে “বাতাবর্ত” বলা যাইতে পারে। পাঠকবৃন্দের মনে আশ্চর্য উদয় হইতে পারে, যে এই ঝড় অনিয়মে যে দিগে ইচ্ছা সেই দিগে হইতে পারে; কিন্তু তাহা ভ্রম মাত্র; চন্দ্র-সূর্য্যের গতি যে প্রকার স্থির নিয়মে নিষ্কাশিত হয়, ঝড়ও সেই প্রকার অখণ্ডনীয় নিয়মের অধীন; কদাপি তাহার অন্যথা হয় না। নিরক্ষ-বৃত্তের উত্তরের তাবৎ ঝড় পূর্বহইতে উত্তর ও পশ্চিম দিয়া ঘূর্ণন করিতে ২ উত্তরাভিমুখে অগ্নিসর হয়, ও নিরক্ষ-বৃত্তের দক্ষিণে যে সকল ঝড় হয় তাহা পশ্চিমহইতে উত্তর ও পূর্ব দিয়া ঘূর্ণন করিতে ২ দক্ষিণে প্রস্থান করত; কোন ২ ঝড় এই প্রকারে কিয়দূর অগ্নিগমন করত মণ্ডলাকারে প্রত্যাবর্তন করে; কিন্তু এ পর্য্যন্ত যত ঝড় দৃষ্ট হইয়াছে, তাহার কোনটায় ইহার অন্যমত অনুভূত হয় নাই। অপর পৃষ্ঠে যে চিত্রদ্বয় মুদ্রিত হইল, তাহাতে এই গতির বিষয় স্পষ্ট বোধ হইবেক। শর-সকলের অগ্নিভাগ যে দিগে বায়ুর গতি সেই দিগে কল্পিত হইয়াছে।

এই নিয়ম জ্ঞাত থাকিলে নাবিকদিগের পক্ষে অত্যন্ত উপকার দর্শে; তদ্বারা তাহারাই অনায়াসে ঝড়হইতে পলায়ন করত পোত ও আত্ম-রক্ষা করিতে পারে। অনেক নাবিক এই বিদ্যার সাহায্যে ঝড়ে জলমগ্ন না হইয়া বহু-দিবস-সাধ্য পথ অতি অল্প দিনের মধ্যে ভ্রমণ করিয়াছেন। অবিতর্কেরা অনায়াসেই কহিয়া থাকে, ঝড় কি প্রকারে ভ্রমণ করে তাহার জ্ঞানে ফল কি? কিন্তু ঝড়ের সময়ে সমুদ্র-মধ্যে তাহার পোতস্থ থাকিলে এ প্রশ্নের সমুদ্র-তর তাহাদিগেরই নিকটহইতে পাওয়া যাইতে পারে। বাণিজ্যার্থে ন্যূনাধিক ২০,০০০ জাহাজ দিবারাত্রি সমুদ্রে-ভ্রমণ করিতেছে; তাহার প্রত্যেকে গড়ে ৫০ জন মনুষ্য আছে; যে বিদ্যায় তাহাদের রক্ষার উপায় চেষ্টা করে তাহা যে মহোপকারি ও শিথিবীর যোগ্য তাহা পাঠকবর্গ অবশ্যই স্বীকার করিবেন।

রথ চক্রের ঘূর্ণন-সময়ে তাহার পরিধি অত্যন্ত বেগে ঘূর্ণন করে, তদ্রূপ ঝড়গতি তাহার নাভিতে দৃষ্ট হয় না; ফলতঃ নাভির মধ্যভাগ স্থির থাকে। বায়ুর ঘূর্ণন-সময়ে তদ্বিপরিত ঘটনা প্রত্যক্ষ হয়; ঝড়মণ্ডলের পরিধি যে বেগে ঘূর্ণন করে, তাহার মধ্যভাগে তদপেক্ষায় গুরুতর বেগ বোধ হয়। এই প্রযুক্ত ঝড়ের সময়ে স্থানে ঝড়মণ্ডলের মধ্যভাগ আসিয়া উপস্থিত



পৃথিবীর উত্তর খণ্ডে ঝড়ের গতি। বায়ু পূর্ব-ইহতে উত্তর ও পশ্চিম দিয়া ঘূর্ণন করিতেছে।



পৃথিবীর দক্ষিণ খণ্ডে ঝড়ের গতি। বায়ু পশ্চিম-ইহতে উত্তর ও পূর্ব দিয়া ঘূর্ণন করিতেছে।

হয় তখন ভয়ঙ্কর উপদ্রব ঘটে; তদনন্তর ঝড়মণ্ডলের শেষভাগ আইলে; প্রথমে যে দিগ্‌ইহতে বায়ু আইলে তাহার বিপরীত দিগ্‌ইহতে বায়ু প্রবাহ হয়।

বাতাবর্তের ব্যাস সর্বত্র সমান হয় না। পশ্চিম-ইণ্ডিস প্রদেশে ৭৮ শত কদাপি দশ শত জ্যোতিষী কোশ ব্যাস নিরূপিত হইয়াছে। ভারত সমুদ্রে ৪৫ শত কোশ

ব্যাস সর্বত্র সমান ঘটে। চীন সমুদ্রে এই ব্যাস সঙ্কীর্ণ হইয়া ১ শত বা ১১০ শত কোশ হয়।

বাতাবর্তের গতি বিষয়েও অস্থিরতা আছে। তাহা প্রতি ঘণ্টায় ৭ অবধি ৫০ জ্যোতিষী কোশ স্থান ভ্রমণ করিতে পারে।

ঝড় ভূভাগে প্রবাহিত হইলে পর্যন্ত বৃক্ষ বাটীপ্রাচীরাদি দ্বারা অবরোধিত, বিপথে গত ও ত্বরায় নিস্ক্রম হয়; সমুদ্রে তদ্রূপ কোন বাধা না থাকিতে, অনায়াসে বহু দূর পর্যন্ত ভ্রমণ করে; এবং তথায় আপন ধর্ম ও লক্ষণ উত্তমরূপে প্রচারিত করিয়া থাকে। এই প্রযুক্ত ঝড়ের ধর্ম-নিরূপণার্থে নাবিকেরা যাদৃশ অবকাশ প্রাপ্ত হয়, স্থলস্থ মনুষ্যের তাদৃশ সম্ভবে না; অধিকন্তু এ বিষয়ের পরিজ্ঞান নাবিকদিগের যাদৃশ প্রয়োজনীয় স্থলস্থদিগের তাদৃশ নহে, সুতরাং উক্ত বিদ্যাঙ্গনে উভয়ে সমোৎসাহসী না হওয়াতে উভয়ে তুল্য পারদর্শী হইতে পারে না। রেডফিল্ড, রীড, পিডিংটন এবং মরি সাহেবেরা এ বিষয়ের প্রধান আচার্য্য, ইহাদিগের পূর্বে কেহ বাতাবর্তের ধর্ম নিরূপণে কৃতকার্য্য হইয়া নাই।

সমুদ্রের যে ভাগ দিয়া বাতাবর্ত প্রবাহিত হয়, তথাকার জল উত্তীর্ণ হইয়া অন্যত্রাপেক্ষায় ২০।২৫।৫০ হাত কদাপি তদ্বিগুণ বা তিন গুণ উচ্চ হইয়া ঝড়ের সহিত ভ্রমণ করে; এই উত্তীর্ণতার নাম “বাতাবর্ত-কল্লোল”। জাহাজের পক্ষে ইহা অত্যন্ত অনিষ্টকর। ৩০ মালের ঝড়ে অনেক জাহাজ এই কল্লোলে আরোহণ করিয়া সমুদ্র ত্যাগ করত গঙ্গা সাগর-দ্বীপের মধ্যস্থ বৃক্ষাণ্ডে উপস্থিত হইয়াছিল।

ইহার চতুর্দিকে যে তরঙ্গায়িত জলের সোতাঃ উৎপন্ন হয়, তাহাকে “বাতাবর্ত-সোতাঃ” শব্দে কহি। নাবিকদিগের পক্ষে তাহার স্বভাব জ্ঞাত থাকা অত্যন্ত আবশ্যিক; পরন্তু এস্থলে তাহার বাহ্য বর্ণন করা অভিসন্দেহ নহে।

বাতাবর্তের সময়ে মূলমূলঃ মেঘ-গর্জম বিদ্যুৎ-বিকাশ ও প্রচুর বারিবর্ষণ হইয়া থাকে, ইহাতে বোধ হয় বিদ্যুতের সহিত বাতাবর্তের কোন বিশেষ সম্বন্ধ থাকিবে।

পৃথিবীর সর্বত্রই বাতাবর্ত হইয়া থাকে; কিন্তু বঙ্গোপসাগর, মরিচ-দ্বীপের নিকটস্থ ভারত-সমুদ্র, চীনসমুদ্র, এবং কারিবি-সমুদ্রে ইহা যে প্রকার বেগবিশিষ্ট হয়, অন্যত্র তদ্রূপ হয় না; এই প্রযুক্ত উক্ত কয় স্থানকে ভূগোলবেত্তারা “বাতাবর্ত মণ্ডল” নামে বিধান করেন।

যে ঘূর্ণিবায়ুতে ধূলিধ্বজ উৎপন্ন হয়, তাহা সমুদ্রে প্রবাহিত হইলে উর্দ্ধে জলাকর্ষণ করত জল-সম্ভ উৎপন্ন করে। ১১২ নংখ্যক তত্ত্ববোধিনী পত্রিকায় এতদ্বিষয়ের একটি সুচারু প্রস্তাব প্রকটিত আছে, পাঠকদিগের সুগোচরার্থে নিম্নে মুদ্রিত কতিপয় পংক্তি তাহাইহতে উদ্ধৃত করিলাম।

“সমুদ্রের যে স্থানে জলসম্ভ উৎপন্ন হয়, তাহার উপ-রিভাগে মেঘ থাকে। প্রথমে পুনঃ ঘূর্ণিবায়ু উপস্থিত হইয়া তথাকার জল অত্যন্ত আন্দোলিত হয়, এবং চারি পার্শ্বের তরঙ্গ সমুদায় সেই স্থানের মধ্য ভাগে ক্রম বেগে আগমন করিতে থাকে। প্রভূত জল ও জলীয় বাষ্প অবিলম্বে রাশীকৃত হইয়া উঠে, এবং বাষ্পময় একটা গুণ্ডাকার সম্ভ উৎপন্ন হইয়া উর্দ্ধ দিকে উত্তীর্ণ হয়, এবং মেঘ হইতেও ঐ রূপ আর একটা গুণ্ড অবতীর্ণ হইয়া তাহার সহিত সংযুক্ত হয়। যে স্থানে উভয় গুণ্ডের সংযোগ হয়, সে স্থানের বিস্তার ২।৩ ফুট মাত্র। শ্রবণ করাগিয়াছে, যৎকালে জলসম্ভ উৎপন্ন হয়, তখন এক প্রকার গম্ভীর শব্দ শ্রুত হইতে থাকে।

“সকল জলসম্ভ সমান দীর্ঘ নহে; এক একটার দৈর্ঘ্য ন্যূনাত্মক ১৭৫০ হাত পর্যন্ত হইয়া থাকে। উহার পার্শ্বদেশ যেমন ঘোরাল দেখায়, মধ্যভাগ সেরূপ নহে। ইহাতে বোধ হয়, উহা শূন্য-গর্ত্ত অর্থাৎ ফাঁপা। (এই সম্ভ) সতত এক স্থানেই স্থির থাকে এমত নহে; যে দিকে বায়ু বহে, সেই দিকে চলিয়া যায়; কিন্তু বায়ু না বহিলেও ইতস্ততঃ চলিতে দেখা যায়। সতত একরূপ ঘটনাও ঘটয়া থাকে, যে উর্দ্ধ ও অধোভাগের বেগ সমান না থাকিতে, ক্রমে ক্রমে হেলিয়া পড়ে এবং ছিন্ন ভিন্ন হইয়া যায়। তাহাতে যে বাষ্প রাশি থাকে, তাহা বিচ্ছিন্ন হইয়া বায়ুর সহিত মিলিত হয়, অথবা সমুদ্রের উপর বৃষ্টি হইয়া পড়ে। ছলসম্ভ কতকণ থাকে তাহার নিশ্চয় নাই। কোন কোন টা উৎপন্ন হইবার অব্যবহিত পরক্ষণেই অন্তর্হিত হয়, কোন কোন টা প্রায়ঃ এক ঘণ্টা কাল পর্যন্ত নষ্ট হয় না। আবার কোন কোন টা উৎপন্ন হইয়া কিঞ্চিৎকাল দৃষ্টিগোচর থাকে, পরে আপনাই তিরোহিত হয়, এবং পুনর্বার আবির্ভূত হয়। এইরূপ তাহার বারম্বার আবির্ভাব ও তিরোভাব দেখিতে পাওয়া যায়।

## উৎকল দেশের বিবরণ।

উৎকল দেশের দক্ষিণে উৎকল নামক এক প্রসিদ্ধ দেশ আছে; তাহার পশ্চিমে গোণ্ডোআনা প্রভৃতি দেশ, দক্ষিণে খাষিকুল্যা নদী, এবং পূর্বে সমুদ্র এবং জঙ্গল। তথাকার বায়ু এমত কদর্য যে প্রায়ঃ তদেশবাসী মাত্রেই কুষ্ঠ, শূল, ও কম্পজরের মধ্যে কোন না কোন রোগে আক্রান্ত থাকে। ইহার পশ্চিমাংশ পর্বতে বেষ্টিত; কেবল মধ্যস্থ মোগল বন্দি নামক দেশ জনাকীর্ণ। উৎকল-দেশের ভূমি কুত্রাপি বালুকাময়; এবং কোন ২ স্থানে রাঢ় দেশের ন্যায় এক প্রকার হরিদাভ কাঠন মৃত্তিকা বিশিষ্ট। এস্থানের প্রস্তরদ্বারা যে ভোজন পাত্র সকল প্রস্তুত হয়, তাহা সাধারণ লোকের সুবিদিত আছে; এক প্রকার প্রস্তর-হইতে লৌহ উৎপন্ন হইয়া থাকে। লৌহ ব্যতীত অন্য কোন ধাতু উৎকল দেশে জন্মে না; লোক প্রবাদ আছে যে পূর্বে সুবর্ণরেখা নদীতে বালুকা-বৎ স্বর্ণধূলি প্রাপ্ত হইত। যদিও এখানে অনেকা-নেক নদীর সহিত সাক্ষাৎ হয়, তথাপি সে সকল সর্বদাই প্রায় পরিষ্কৃত থাকে; তত্রস্থ কতিপয় প্রধান ২ নদীর নাম এই;—সুবর্ণরেখা, বৈতরণী, বুদ্ধগী, মহানদী, কুশভদ্রা, দয়া, ভার্গবী, চিত্তোৎপলা, কাঁশবাঁশ, কাঁশাই।

বঙ্গদেশ-সাধারণ নানাবিধ শস্য এখানে উৎপন্ন হয় বটে, কিন্তু উর্বরতা বিষয়ে ইহা কদাপি বঙ্গ-দেশের তুল্য নহে। এখানকার ইতর জন্তু সকলও বঙ্গ দেশের সদৃশ; কেবল কুচিলাখারী নামক একটি বিশেষ পক্ষির বিষয় অরণ হইতেছে; এই পক্ষির ভাব প্রায় বাজ পক্ষির ন্যায়; কেবল ইহার চঞ্চল সরল। উৎ-

কলেরা কহে যে কুচিলাখারী মাংস আহার করিলে বাতরোগের শান্তি হয়। প্রস্তাবলেখক কর্তৃক ইহার মাংস অভ্যবহৃত হইয়াছে; কিন্তু তাহা কোন মতে সুস্বাদু বোধ হয় নাই।

উড়িশ্যা দেশের মধ্যে তিনটি প্রধান নগর আছে; বালেশ্বর, কটক, এবং জগন্নাথ পুরী। বালেশ্বর কলিকাতাহইতে প্রায় ৭০ ক্রোশ অন্তর; তথায় ৮১২ সহস্র মনুষ্য বসতি করে। তত্রত্য বণিকেরা স্বদেশ নির্মিত অর্ণবপোত সহকারে কলিকাতায় বাণিজ্য করিয়া থাকে। নৈকট্য প্রযুক্ত পূর্বে এই স্থান ইউরোপীয়দিগের প্রসিদ্ধ বাণিজ্য স্থল ছিল। বালেশ্বরহইতে নীলগিরি নামক পর্বতশ্রেণি এত নিকট, যে পর্বতোৎপন্ন দাবানল অনেকবার প্রস্তাবলেখক কর্তৃক দৃষ্ট হইয়াছে, সমুদ্রও তথাহইতে কিছু অন্তর নহে; সুতরাং বাঙ্গালিদের পক্ষে বালেশ্বর অস্বাস্থ্যকর স্থান বলা যায়না।

বালেশ্বরহইতে কটক প্রায় ৫২ ক্রোশ দূর; ইহা পূর্বে উড়িশ্যার রাজধানী ছিল। কটকের উভয় পার্শ্ব নদীমাতৃক, মধ্যভাগে প্রস্তর নির্মিত অনেক পুরাতন অউালিকা দৃষ্ট হয়। কটকের বর্তমান গৃহ সঙ্খ্যা ন্যূনাধিক ৬,৫০০ এবং লোক সঙ্খ্যা প্রায় ৪,০০০। এখানে বারবাটী নামক এক প্রাচীন দুর্গ আছে; তাহা কোন হিন্দু রাজা কর্তৃক নির্মিত হইয়াছিল। মুসলমান রাজাদের চিহ্নরূপ কদম্বরসুল নামক একটি বাটী দৃষ্ট হয়; তাহা এক সুরম্য উদ্যানের মধ্য বর্তী; তথায় নবাব সুজা উদ্দীনের পুত্র মহম্মদ তকী খাঁর সমাজ আছে।

জগন্নাথ পুরী বা পুরুষোত্তমক্ষেত্র কলিকাতাহইতে প্রায় ১৫৫ ক্রোশ পথ অন্তর। তথাকার গৃহ সঙ্খ্যা ন্যূনাধিক ৫৭৫০ বাস্ত ভূমি মাত্রেই

নিষ্কর; কারণ নিবাসী মাত্রেই জগন্নাথ দেবের কোন না কোন প্রকার সেবক। এস্থলে অনেক মঠ ও সরোবর দৃষ্ট হয়; সরোবরের মধ্যে চন্দন, ইন্দুদ্যুগ্ন, এবং মার্কেপ্তেশ্বর প্রভৃতি কতিপয়ই অতি প্রসিদ্ধ; কিন্তু যাত্রীগণের পুনঃ পুনঃ স্নানাদি দ্বারা তত্তাবতের জল অতি কদর্য হইয়া গিয়াছে। পূর্বে ক্ষেত্রে গমন করা কষ্টজনক ছিল; কিন্তু ১৭৩২ শকে কলিকাতাহ রাজা সুখময় রায় বর্মা নির্মাণার্থ ১,৫০,০০০ টাকা প্রদান করিয়া সেই দুঃখ দূর করিয়াছেন।

উপরোক্ত তিনটি প্রধান নগর ব্যতীত উড়িশ্যাদেশে বাজপুর, সোরো, ভদুক, কন্দুপাড়ী প্রভৃতি \* কতিপয় বৃহৎ গ্রাম আছে।

উৎকল দেশে জাতিভেদ বঙ্গ দেশের ন্যায়। কেবল কপ্তা, পাইন, গোখা প্রভৃতি নূতন নাম ধারী কতিপয় নীচ বর্ণ মাত্র অতিরিক্ত। তথাকার খণ্ডাইতেরা আপনাদিগকে ক্ষত্রিয় সন্তান বলিয়া পরিচয় দেয়। হালিয়া ব্রাহ্মণেরা ব্রাহ্মণের অবশ্য কর্তব্য কর্ম পরিচ্যাগ করিয়া কৃষি কার্য অবলম্বন করিয়াছে।

এই দেশে সর্বশুদ্ধ প্রায় ১২,৯৬,৩০০ লোক বসতি করে। তাহাদের চরিত্র আপাততঃ এক প্রকার বিদিতই আছে। তাহারা নির্বীৰ্য্য, বুদ্ধিহীন, এবং ধূর্ত; স্বদেশে কোন বিশ্বস্ত উচ্চ পদ পায় না, ভিন্ন দেশীয় লোকদিগ দ্বারাই সেই সকল পদ গৃহীত হয়। হিন্দুদের মধ্যে এমত অপরিস্কৃত জাতি অতি অল্পই দেখা যায়; তাহাদের গৃহ মধ্যে এক অসহ্য ন্যাকারজনক দুর্গন্ধ স্বভাবতই উৎপন্ন হয়। তথাকার স্ত্রীলো-

\* পুরীর নিকট সত্যবাদী নামে একটি গ্রাম আছে; তাহা ভারতবর্ষের মানচিত্রে অনবধানতা প্রযুক্ত সাতবাড়ী নামে লিখিত হইয়াছে।


কেরা কি রূপ বিকৃপ অলঙ্কার প্রিয়, তাহা বক্ষ্যমাণ আখ্যান দ্বারা প্রতীত হইতেছে।

কোন আত্মীয়ের মুখে শুনিয়াছি, তিনি একদা কোন প্রয়োজনানুরোধে কন্দুপাড়ী গুমে এক উড়িশ্যার আনয়ে কিয়দিবস অবস্থিতি করিয়াছিলেন; এক দিন অন্তঃপুর মধ্যে ক্রন্দন ধ্বনি আকর্ষণ পূর্বক জিজ্ঞাসিয়া প্রতীত হইলেন যে তাহাদের দুইটা বধু আছে; তন্মধ্যে কনিষ্ঠা ৭ মের পরিমিত পিতল নির্মিত হস্তাভরণ প্রাপ্ত হইয়াছে, জ্যেষ্ঠার ভাগ্যে এক পোয়া ন্যূন হইবাতে সে অভিমান প্রকাশ করিতেছে। ৫১৬ নাম পরে পুনর্বার তথায় আনিয়া তিনি তখনও সেই জ্যেষ্ঠা বধুকে তন্নির্মিত রোদন করিতে শুনিয়াছিলেন। এই গল্পে অবিশ্বাস করিবার কোন কারণ দেখি না।

উৎকল ভাষা ও বর্ণমালা সংস্কৃত হইতে উৎপন্ন; কিন্তু বাঙ্গলার ন্যায় তাহাতে অনেক স্বতন্ত্র শব্দ পাওয়া যায়। উৎকলদের উচ্চারণ অতি অপকৃষ্ট। তাহারা তালপত্রে কণ্ঠকবৎ লৌহময়ী লেখনী সহকারে লিখিয়া থাকে; সুতরাং অক্ষর সকলের সর্বাঙ্গবয়ই সমানরূপে সূক্ষ্ম হয়। এই ভাষায় কাওহীকবিরী এবং কতিপয় বংশাবলী পুস্তক ব্যতীত দেশমূলক গুহু অতি অল্পই আছে। গঙ্গাভক্তিতরঙ্গিনী প্রভৃতি কতকগুলি পুস্তক সংস্কৃতহইতে অনুবাদিত হইয়াছে।

উৎকলের বিবরণ আমরা এই স্থলেই শেষ করিতেছি। সময়ান্তর এই দেশের ইতিহাস ও তীর্থ স্থান সকলের বর্ণনা করিতে যত্ন করা যাইতে পারে। \*—\*





### কাতলা মৎস্য।

উপরে যে চিত্র মুদ্রিত হইল, তাহার বিবরণার্থে প্রস্তাব বাহুল্য করা কোন মতে বিবেচনা সিদ্ধ নহে। কাতলা মৎস্য কে না জানেন? তাহার বৃহৎ মস্তক, সুস্বাদু দেহ, কুড়া পুয়তা, তড়াগ-নিম্নে নিবাসে দ্রেষ, ইত্যাদি বিষয় আবাল-বৃদ্ধবানিতা সকলেরই বিদিত আছে, অতএব তদাখ্যানে কাল-ক্ষেপ অবশ্যই অকর্তব্য স্বীকার করিতে হইবে; বিশেষতঃ পাঠদশায় আমরা গুনিয়াছিলাম, “এক যষ্টির এক দিকে চার ও অপর দিকে এক পাগল” এই বলিয়া কোন পণ্ডিত মৎস্যধারির লক্ষণ করিয়াছেন, এবং তদবধি মৎস্য-ধৃত-করণাভিপ্রায়ে ভ্রমেও আমরা তড়াগের নিকটবর্তীও হই নাই, ও রোহিত কাতলার স্বভাব ও

ধর্ম বিচারার্থে ভোজন-সময়-ব্যতীত কদাপি মনোযোগ না করাতে তদ্বিষয়ে অজ্ঞ আছি; সুতরাং কাতলা-ধৃত-করণার্থে কুড়া ও যোড়কা উত্তম, কি মেথি-ভাজা, কি পচা পনির, কি মদের চোস্তা শুরুঃ, ও সৰু দুখে কেঁচো, কি পিঠালি, কি ঘটাক্ত ময়দার চার ঝটিতি উপকারি, তাহা নির্দেশ করিতে ক্ষান্ত থাকিতে হইল। কেহ কহিতে পারেন, “তবে ঐ ছবি মুদ্রিত করিবার আবশ্যিক কি”? তাহাদিগকে এই পত্রের নাম স্মরণ করাইলেই তদুত্তর হইবে। বিবিধার্থের পাঠক-মণ্ডলী-মধ্যে চিত্রার্থী অনেকে আছেন, তাহাদিগের সন্তোষ করা অম্পক্ষে অনিষ্ট নহে। অপর উপরে-মুদ্রিত-কাতলার দ্রেষী-মহাশয়েরা বিবিধার্থের মূল্য বিবেচনা করিলে জানিতে পারিবেন, প্রস্তাবিত চিত্রের নিমিত্ত তাহাদের নিকি পয়সার অধিক ব্যয় হইবেক না; ঐ মূল্যে কি উক্ত চিত্র মহার্ঘ্য হইতেছে?

### কাব্যিক-সৌন্দর্য-বিষয়ে জাতিভেদে মত-ভেদ।

নবীনযৌবনা ললনারাই সৌন্দর্যের শ্রেষ্ঠাধার, এই কথা বলিলে বোধ হয় পাঠকবৃন্দের কেহই আমাদিগের বিপক্ষ হইবেন না; অথচ তাহাতে আমরা যে নিতান্ত বিপক্ষহীন থাকিব এমত নহে। উত্তরামরিকা-খণ্ডের প্রাচীন জাতি-বিশেষের সম্মুখে এ কথা বলিলে গলদেশে ছুরিকাঘাত পাইবার পূর্ণ সম্ভাবনা আছে; সুতরাং যে স্থলে আধার-বিষয়ে এতাদৃশ সঙ্কট, সে স্থলে অঙ্গ-প্রত্যঙ্গের সম্বন্ধে আমাদিগের মত-প্রকাশে যে অনেকের সহিত বিবাদী হইতে হইবে, ইহাতে কোন সন্দেহ নাই; অতএব আমরা এই প্রস্তাবে স্বকীয় অভিপ্রায় স্বীয়-ব্যবহারার্থে রাখিয়া যথা-বকাশ কেবল অন্যের মত সঙ্কলন করিব। বস্তুতঃ এবিষয়ে মীমাংসা করিবার আবশ্যিক নাই, পরের অভিপ্রায় জানিলেই যথেষ্ট।

বদনের আকৃতি অগ্ৰাকার হইলেই অনেক সভ্য জাতির মনঃপ্রসন্ন হয়, কিন্তু চীন-দেশীয়েরা তাহাকে “ঘোড়ামুখী” কহিয়া খর্ব বদনের প্রশংসা করে, ও এশ্বিন জাতীয়েরা ঐ ভাবের বিস্তার করিয়া ঞ্জাঙ্গাকার-গোল-বদন-বিহীনাকে সুন্দরীর মধ্যে গণ্য করে না।

প্রাচীন-গ্রীস-দেশীয় মহাকবি হোমর ইন্দ্রাণীর বর্ণন-সময়ে “বৃষাক্ষিণী” শব্দে তাহার নয়নের প্রশংসা করিয়াছেন; কিন্তু চীন-ভাষায় উক্ত কাব্য অনুবাদ করিতে হইলে বৃষাক্ষিণীর পরিবর্তে শূকরাক্ষিণী বলিতে হয়, নচেৎ হোমরের কবিত্বের হানি হইবার সম্ভাবনা,—কারণ চীন-দেশীয়দিগের মধ্যে ক্ষুদ্র অক্ষিই বিশেষ প্রশংসনীয়; যে

বিলাসিনীর নয়ন এমত ক্ষুদ্র যে তাহা বিকসিত আছে, কি মুদ্রিত আছে, তাহা শীঘ্র নিপকণ করা যায় না, তাহাকে তাহারা পরমা সুন্দরী জ্ঞান করে। স্কটল্যান্ড-দেশে “সহাস্যনেত্রেরই” মাহাত্ম্য অধিক; পারস্য-দেশে অলসাবেসিত নয়নই প্রশংসনীয়, ভারতবর্ষের কবিরা “মাখা-মৃগাক্ষিণী” কর, কি “নিন্দিত-ইন্দ্রাণী” কি “সফরী-যুগল”, কি “কমল-দল-সদৃশ” নয়ন পাইলেই সন্তুষ্ট হন। দেশ-ভেদে নয়নের পুত্তলী কৃষ্ণ, নীল ও কটাবর্ণ প্রশংসিত হইয়াছে। এত দেশীয় পাঠকেরা কি কেহ পিঙ্গল চক্ষুঃ কমনীয় জ্ঞান করেন?

ইন্দুধনুবৎ বা ভ্রমরাবলিবৎ স্থূল যুগল-জ্ঞ এতদেশে অনেকের চিত্তচকোর সংহরণ করিয়াছে, কিন্তু তিন-শত-বৎসর-পূর্বে ইটালি-দেশে তদ্রূপ জবিশিষ্টা কেহ লোকের সমাদরণীয়া হইবার বাঞ্ছা করিলে সোন্না দ্বারা জ্ঞ উৎপাটন করিতে বাধ্য হইতেন। তৎকালে প্রায়ঃ অদৃশ্য রেখাবৎ সূক্ষ্ম জই তথাকার মনোহারি ছিল।

প্রাচীন সংস্কৃত কবিরা “বিশ্বোষ্টি” ও “বিদ্র-মোষ্টি” তথা “মুক্তা-দন্ত” ও “কুন্দ-দন্তের” মহিমা বর্ণনে গদ্যদ্বিত্ত হইতেন; ইদানীন্তনীয় বিলাসবতীদিগের মিসি-ঘর্ষিত ভ্রমর-গঞ্জক নিবিড়-কৃষ্ণোষ্টি ও দন্ত দেখিলে তাহাদের মনে সৌন্দর্যের কি ব্যাঘাত হইত? আরব-দেশীয়া ললনারা নীল ওষ্ঠের অনুরাগিণী। কাফরী-রমণীরা স্থূল ওষ্ঠের লালসায় সর্বদা অধর টানিয়া লোলাইত করেন। উখাদ্বারা দন্ত ঘর্ষণ করত ক্ষুদ্রাকার করণ পোলিনেসিয়া-দ্বীপ-বিহারিণীদিগের রীতি; ও যাপান-দেশীয়া বেশ-বিহারিণীরা আপন ২ দন্ত সুবর্ণে মণ্ডিত করা কমনীয় বোধ করেন।

কথিত আছে, যে যৎপরো নাস্তি সুন্দর বয়ান-

ও নাসিকা বিহীনে ব্যর্থ হয়, কিন্তু কাফরি স্ত্রীরা এবম্পুকার বক্তাকে তিরস্কার-ভাজন জ্ঞান করেন। তাঁহাদের বোধে স্বভাবসিদ্ধ নাসিকা কদর্য উচ্চ, তাহাকে দাবন করিয়া যত নিম্ন করা যায়, ততই সৌন্দর্যের বৃদ্ধি সম্ভবে। এই প্রযুক্ত, আমাদিগের খাজীরা যে প্রযত্নে নাসিকা টিপিয়া “টিকাল” করিতে চেষ্টা করে, তাহারা তদনুরূপ যত্নে ঘ্রাণেন্দ্রিয়ের উচ্চতার হ্রাস করিতে আগৃহিত থাকে। নূতন জিলঙ-দ্বীপের মনোহারিণীরা প্রায়ঃ নাসাবিহীনা বোধ হয়। আমাদিগের পূর্বপুরুষেরা তথা পারসিরা শুক চঞ্চুর ন্যায় বক্র নাসিকার প্রিয় ছিলেন, কিন্তু এই ক্ষণে এ দেশে সে ভাবের ভাবুক দুস্পাপ।

কোন প্রকার ললাট অনেকের প্রিয় তাহা স্থির করা কঠিন; গোল, চেপ্টা, উচ্চ, নিম্ন, বৃহৎ, ক্ষুদ্র, প্রশস্ত, অপ্ৰশস্ত, সকল প্রকার ললাটেরই অনুরাগী বর্তমান আছে। মন্টেন সাহেব লেখেন তাঁহার সময়ে ফ্রান্স-দেশীয়া বনিতারা উচ্চ ললাটের প্রাপ্ত্যর্থ শিরঃপুরভোগের কেশ উৎপাটন করিতেন; বিলাতেও এ প্রকার ললাট অনেকের প্রিয়; কিন্তু বঙ্গ-দেশে “উচ্চ-কপালী” শব্দ অত্যন্ত কটুক্তির মধ্যে গণ্য হইয়াছে। মেক্সিকো-দেশীয়া বিলাসিনীরা নানাবিধ-তৈলাদি-সেবন-দ্বারা যাহাতে ললাটে জ্ব-পর্যন্ত কেশ জন্মে এমনত চেষ্টায় নিয়ত তৎপর। অসাগি জাতীয়েরা বৃহৎ-কপাল-প্রাপ্তির নিমিত্ত বাল্যকালে মস্তক দাবনকরত ললাট বিকৃতাকার বৃহৎ করে। মার্কিন-দেশের অপর এক জাতি চেপ্টা কপালের লোভে ক্ষুদ্র বালিকাদিগের মস্তকোপরি কাষ্ঠ ফলক (তক্তা) বাধিয়া অভীষ্ট-মাধনের উদযোগা হয়।

বাতান্দোলিত কৃষ্ণ-কুন্তল অধুনা কলিকাতার

প্রিয়, এবং পূর্বে কবিদিগেরও মনোহারী ছিল; কিন্তু পল্লীগামের বেড়া-বিউনি ও পেটে-পাড়ন অনায়াসে ঝাপটাকে পরাস্ত করিতে পারে। অপর শুভ্রকান্তিমতীদিগের রক্ত, কটা, ও পিঙ্গল কেশের মাহাত্ম্য ইউরোপ-খণ্ডের সমস্ত মহাকবিরা প্রেম পূর্ণ-চিত্তে মুক্ত-কণ্ঠে গান করিয়া থাকেন। বেকুরানা-স্ত্রীরা কেশের সুক্ষ্ম সূঁটি বানাইয়া মস্তকের চারি-দিগে দোলারমান রাখে, এবং বোধ করে নায়কের মনোমোহনার্থে এ সূঁটি অব্যর্থ বুদ্ধি। নাটালের অঙ্গনারা মছিষ-মেদাদি দ্বারা সমস্ত-কেশের এক বৃহৎ পিণ্ড বানাইয়া মস্তক আবৃত রাখে; এ পিণ্ড প্রস্তুত করা বহু কাল-সাধ্য; কিন্তু একবার প্রস্তুত হইলে মৃত্যু-পর্যন্ত তাহার শোভার শেষ হয় না।

মিলোদ্বীপের যুবতীরা স্থূল পদ উত্তম জ্ঞান করেন, ও উৎসব-দিনে সুন্দরীর এ বিশেষ-লক্ষণ-প্রাপ্তির নিমিত্ত সাধ্যানুসারে যত মোজা প্রাপ্ত হন, তৎসমুদয়-দ্বারা পদাবরণ করেন। বিলাতে ও বঙ্গ-দেশে ছোট পদ প্রশস্ত, এবং চীন-দেশী-য়েরা সর্বমত্যন্তগর্হিতং এ বাক্যের প্রমাণ-সাধনার্থে স্ত্রীদিগকে সীসক-পাদুকা ধারণ করাইয়া তাহাদের পদকে পাঁচ ছয় অঙ্গুলীর অধিক দীর্ঘ হইতে দেয় না।

শরীরের অপর অঙ্গ-প্রত্যঙ্গ বিষয়েও এই প্রকার অনেক মত আছে, কিন্তু স্থানাভাব-প্রযুক্ত অধুনা তাহার আন্দোলনে ক্লান্ত হইতে হইল।

### অনুরাধাপুরের ইতিহাস।

অনুরাধাপুর পূর্বকালে লক্ষাদ্বীপের রাজধানী ছিল। বিজয়-রাজ যৎকালে লক্ষাদ্বীপ জয় করেন, তাহার কিয়ৎকাল পরে (বিক্রমাদিত্য সংবৎসরের ৮৪৪ বৎসর পূর্বে)

অনুরাধা নামে তদীয় জনৈক পার্শ্বদ কর্তৃক এ নগর স্থাপিত হয়। মহাবংশে লিখিত আছে, যে তাহা প্রথমতঃ কদম্বা-নদী-তীরস্থ একটি পল্লীগামমাত্র ছিল। এক-শত-বর্ষ-পূর্বে তাহার কিছুই প্রসিদ্ধি ছিল না। তৎপর পাণ্ডুকভয় নামক এক ব্যক্তিদ্বারা তাহার সমৃদ্ধি হইয়াছিল। বিক্রমাদিত্য অঙ্কের ৩৮১ বৎসর পূর্বে তিনি এ স্থানে লক্ষার রাজপাট স্থাপন করেন। তিনি অনুরাধাপুরকে ভাগ চতুষ্টয়ে বিভক্ত করিয়া প্রত্যেক-ভাগে একজন তত্ত্বাবধারক নিযুক্ত করিয়াছিলেন; তৎকালে চণ্ডাল জাতীয় ৫০০ ব্যক্তি পথপরিষ্কারক, ২০০০ প্রহরী, ১৫০ শববাহক, ও ১৫০ শ্মশানরক্ষক নিযুক্ত ছিল; এই চণ্ডালেরা নগরের পশ্চিমোত্তর-দিগে এক পৃথক্ গুমে বাস করিত। অনুরাধাপুর এ সময়ে যে প্রকার উন্নতি প্রাপ্ত হইয়াছিল, তাহা এই বিবরণ-দ্বারা বিলক্ষণ প্রতীতি হইতেছে।

তিস্ম-নামক রাজার রাজত্ব কালে এই নগরের সৌষ্ঠব সর্বতোভাবে বৃদ্ধি হয়; সংবৎ আরঙ্কের ২৫১ বৎসর পূর্বে তিনি বুদ্ধদেবপ্রিয় পবিত্র বটবৃক্ষ, গঙ্গাতীরস্থ হইতে লক্ষাদ্বীপে আনয়ন করিয়া অনুরাধাপুরের সনীপস্থ মহাবিহারে স্থাপিত করেন; তাহার প্রসঙ্গে অনুরাধাপুরের কিঞ্চিৎ বিবরণ বিবৃত আছে। সৈংহল-পুরা-বৃত্তবেত্তারা লেখেন, “যখন বর্ষা সকল ছায়াবৃত হইল, তখন মহারাজা (তিস্ম) প্রণাম করিতে করিতে উত্তর দ্বার দিয়া সেই পরম শোভাকর নগরে প্রবিষ্ট হইলেন। তৎপর সমারোহ-পূর্বক দক্ষিণদ্বার দিয়া বহির্গত হইয়া মহাময়োদ্যানে প্রবেশ করিলেন; ও চারি জন বৌদ্ধ দ্বারা তাহার প্রতিষ্ঠা করিলেন; এবং তিনি ষোড়শ জন রাজকুমারের সহিত এ বটবৃক্ষের শাখা

যথাস্থানে নিহিত করিলেন।” এতদ্বারা বোধ হইতেছে যে তৎকালে মহাবিহার নগরের বহির্ভূত ছিল; কিন্তু উত্তর-কালে তাহা নগরের অন্তঃপাতি হয়।

বাস্তবিক, বিক্রমাদিত্যের ২৫০ বৎসর পূর্বহইতে ৩৫০ বৎসর পর পর্যন্ত, অনুরাধাপুরের অবস্থা অতি উজ্জ্বল ছিল। তৎকালিক মহতী মহতী অটালিকার ভগ্নাবশেষ-সকল দেখিলে বিশ্বাস-নিত হইতে হয়। এ প্রাচীন নগরের প্রাচীর, যাহা ১১৬ সংবৎসরে গুণিত হয়, তাহার অবশিষ্ট চিহ্ন দেখিয়া নগরের বিস্তৃত আয়তন প্রতীত হইতে পারে। প্রাচীরের পরিমাণ চতুর্দিকে ৮ ক্রোশ; সুতরাং ১২৮ চতুরসু ক্রোশ পরিমিত ভূমি তাহার অন্তর্ভুক্তি ছিল।

মহাসেন নামক এক অস্থিরচিত্ত রাজার সময়ে এই নগরের সৌভাগ্য-ভঙ্গের উপক্রম হইল। তিনি বিক্রমাদিত্যের তিনশত বর্ষেরও পরে বর্তমান ছিলেন। প্রথমতঃ বৌদ্ধ ধর্মের বিকল্প মতানুগামী হইয়া তিনি অনেক বৃহৎ বৃহৎ অটালিকা ভগ্ন করেন; কিন্তু উত্তরকালে তাঁহার মত পরিবর্ত হইবাতে ভগ্ন অটালিকা-সকল পুনর্বার নির্মাণ করিতে সচেষ্ট হইয়াছিলেন। সংবৎ ষষ্ঠশতাব্দীতে ইহার সৌভাগ্যোন্নতির প্রতীতি আরও ব্যাঘাত জন্মিয়াছিল। এই সময়ে অনুরাধাপুরস্থ রাজবংশের সহিত মলয়বার লোকদের যুদ্ধ হইতে লাগিল; চতুর্বিংশতি-বর্ষ-পর্যন্ত যুদ্ধ শেষ হয় নাই; ইহার মধ্যে প্রস্তাবিত নগর কখন রাজবংশের অধীন, কখন বা আক্রমণকারীদের ইস্তগত হইত। ইহাতে তাহা যে বিচ্ছিন্ন হইয়া যাইবে, তাহা কদাপি আশ্চর্য নহে। ৮২৫ সংবৎসরে রাজবংশেরা এক কালে অনুরাধাপুরকে পরিত্যাগ করেন। দ্বাদশশতা-

দীতে এক জন সিংহল-দেশীয় রাজা তাহার পুনরুদ্ধারার্থে চেষ্টা করিয়া কৃতকার্য হইলেন নাই।

অনুরাধাপুরে যে সকল পুরাতন অট্টালিকার ভগ্নাবশেষ পতিত আছে, তাহা দেখিয়া লক্ষা-দ্বীপের প্রাচীন উন্নতাবস্থা কেহই অস্বীকার করিতে পারেন না। থুফরময়া, লোবামহাপয়া, জৈত-বনরাময়া প্রভৃতি প্রকাণ্ড ইন্দ্র-সকল পাথিকের মন-অবশ্যই আকর্ষণ করে। বিক্রমাদিত্যের ২৫১ বৎসর-পূর্বে তিস্স নৃপতি থুফরময়া অট্টালিকা নির্মাণ করাইয়া ছিলেন; তথায় গৌতম দেবের কণ্ঠস্থি প্রোথিত থাকিবার প্রবাদ আছে। তাহার নিকটে যে সকল চিত্রিত প্রস্তর-ময় স্তম্ভ ও বৃষ ও সিংহের মূর্তি দৃষ্ট হয়, তাহার সঙ্খ্যা করা কেশকর। কয়েকটি বস্ত্র প্রকাশিত হইয়াছে; পারি বা লগুনের অতি প্রসারিত পথও তাহার তুল্য হয় কি না সন্দেহ। লোবামহাপয়া নামী বাটিকা অতি বৃহৎ; তাহা ক্ষতগামিন নামক রাজাকর্তৃক সংবৎসর-২৪ বৎসর-পূর্বে গুপ্তিত হয়। এই বেশ্য এক শত চতুরসু হস্ত পরিমিত স্থানে স্থিত ছিল; ইহার উচ্চতা এক-শত-হস্ত; এবং ১৬০০ প্রস্তরময় স্তম্ভ ইহার মূলাধার। অট্টালিকার মধ্যস্থলে এক হস্তিদন্ত-বিনির্মিত সিংহাসন, তাহার এক-ভাগে স্বর্ণ-রচিত সূর্যের ও অপর-ভাগে রৌপ্য-নির্মিত চন্দ্রের প্রতিমূর্তি, এবং উর্দ্ধভাগে মুক্তা-খচিত অনেক নক্ষত্র মূর্তি দ্বারা অপূর্ব-শোভা সম্পাদিত ছিল। এই অট্টালিকা-বিষয়ে মহাবংশে বাহা লিখিত আছে, চীন দেশীয় বৌদ্ধ তীর্থযাত্রীদের বাক্য দ্বারা তাহা সপ্রমাণ হইয়াছে।

\*—\*

### পুশোত্তরাষ্টক।

পুশু। আহ্লাদ কি? উত্তর। জীবনের মধু, অল্প-পানে তাহা স্বাস্থ্য ও আনন্দজনক হয়; কিন্তু বহু-পানে গাত্রদাহ উৎপন্ন করে।

২। মস্তোষ কি? সুখে দেহ-যাত্রার মছৌষধি; কিন্তু অনায়াসে প্রাপ্য বলিয়া লোকে ইহাকে সমাদর করে না।

৩। সুখ কি? প্রজাপতি-বিশেষ; পৃথিবী-কণ-উদ্যানস্থ-সকলেই বালক-বৎ তাহার পশ্চাদ-ধাবমান হয়; কিন্তু তাহার চঞ্চলতা ও বহু-বিষয়-পুষ্পে ভ্রমণ-প্রিয়তা-প্রযুক্ত কেহই তা-হাকে আয়ত্ত করিতে পারে না।

৪। ভাগ্য কি? অবিবেকিনী রমণী, যে তাহার অত্যন্ত উপাসনাকারীকে পরিত্যাগ করিয়া তাহার গুণানভিজ্ঞের নিকট উপায়চিকা হইয়া সহবান করে।

৫। পরিহাস কি? মদ্য-বিশেষ; পরের ব্যয়ে তৎপান করিলে অত্যন্ত মনঃপ্রসাদকর ও হাস্য জনক, নিজ-ব্যয়ে আনীত হইলে তিক্ত ও অসহ্য বোধ হয়।

৬। বিচার কি? মনুষ্যের দোষ গুণ নিকাপনের তুল্য মন্ত্র। ইহলোকে ধনী ও পরাক্রমীরা ইহার প্রকৃত ঢক চুরি করিয়া অনেক মোকি চালাইয়া থাকে।

৭। উন্নতীচ্ছা কি? দুর্দর্শ্য অশ্ব। সাবধানে তদারোহন করিলে ইষ্ট সিদ্ধ হইতে পারে, কিন্তু পড়িবার ভয় অনেক।

৮। আলস্য কি? টাকশাল-বিশেষ, তাহাতে দুর্ষক্রিয়া পরনিন্দাদি-রূপ অনেক টাকা মুদ্রিত হইয়া দেশ চলন হয়।

## বিবিধার্থ-সঙ্গ্রহ,

অর্থঃ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

৩ পর্ব]

শকাব্দ ১৭৭৬, জ্যৈষ্ঠ।

[২৭ খণ্ড।



রোহিলাদিগের প্রতিমূর্তি।

### রোহিলাদিগের ইতিহাস।

মোগল-জাতীয় দিল্ল্যধিপতিদিগের ভগ্নদশায় তাহাদিগের অধীন সুবাদারেরা সকলেই স্বাধীন-হই-বার উপক্রম করিয়াছিলেন, এবং যদিও অনেকে ঐ অভিপ্রায় বাচনিক-ঘোষণায়

প্রচার করিতে সাহসাস্বিত হন নাই, তথাপি কলতঃ প্রায়ঃ কেহই দিল্ল্যধিপতিদিগের যথার্থ বশীভূত ছিলেন না; বরং অনেকেই আপনাদিগের ক্ষম-তার আধিক্য-জ্ঞাপনার্থে পাদশাহদিগের আজ্ঞা প্রকাশ্যরূপে অবহেলা করিতেন, ও সাধারণসূত্রে তদ্বিপক্ষে অস্ত্র ধরিতেও ত্রুটি করিতেন না। বস্তুতঃ

সুবাদারদিগের রাজবিদ্রোহই মোগল-রাজ্যের উৎসাদন হইবার এক প্রধান কারণ। রোহিলাদিগের ইতিহাস এবিষয়ের এক দৃষ্টান্ত স্থল।

উক্ত জাতীয়েরা আফগান বা পাঠান বংশ-জাত। ভারতবর্ষের বায়ুকোণস্থ হিন্দুকুশ-গোর প্রভৃতি পর্বতবাসী পাঠান-বংশই তাহাদের আ-কর। গজননধিপতি মহম্মদ পাদশাহের লোকা-ন্তর-হওনের পর উক্ত পাঠান-বংশীয়েরা পুনঃ ভারতবর্ষ আক্রমণ করিয়াছিল, এবং অবশেষে তৎকালীন শাহাবুদ্দিন নামা এক ব্যক্তি দিল্লীর রাজসিংহাসনে আরোহণ করে। তৎপরে ক্রমা-বশে প্রায়ঃ চারি শত বৎসর কাল পাঠানেরা ভারতবর্ষে রাজ্য করিয়াছিল। ১৫৮-২ সংবৎসরে মোগল-জাতীয় বাবর শাহ পাঠানদিগের হস্তহইতে ভারতবর্ষ অপহরণ করেন। তদবধি দিল্লীরাজ্য মোগলদিগের হস্তগত হয়; কেবল মধ্যে একবার পাঠান-জাতীয় মোহাম্মদ-ফরীদ-শের-শাহ হুমা-য়ুন পাদশাহের নিকটহইতে দিল্লীর রাজমুকুট প্র-ত্যপহরণ করিয়া লইয়াছিলেন, কিন্তু তাহা অল্প-কাল-মধ্যেই তাহার হস্তহইতে অপসৃত হয়। ঐ কাল অবধি পাঠানেরা ভারতবর্ষে সম্পূর্ণরূপে স্বা-ধীনতা সস্তোগ করিতে পারে নাই। পরন্তু তাহার। সর্বদা প্রধানের মধ্যে গণ্য ছিল, এবং ভারত-বর্ষের অনেক-স্থানে সুবাদারি বা ক্ষুদ্র ২ রাজ্য স্থাপন করিয়াছিল। ঐ সকলের মধ্যে সর্ব-শে-ষে রোহিলখণ্ড-রাজ্য স্থাপিত হয়। পূর্বে ঐ প্রদেশের নাম কুটাহের ছিল। তাহার স্থিতি অযোধ্যার পশ্চিম, গঙ্গানদীর পূর্ব এবং কুমায়ুন পর্বতের দক্ষিণ। এই সীমান্তগত ভূমিক্রিকোণা-কার, এবং প্রচুর-শস্যশালিনী; তাহাতে মোরা-দাবাদ, বেরেলী, রামপুর, ঔলা প্রভৃতি অনেক বৃহৎগর আছে।

মোগল সম্রাটদিগের ভগ্নদশায় যে সকল বিদেশীয় যবনেরা ধনলালসায় ভারতবর্ষে সমা-গত হয়, তন্মধ্যে অনেক কহি বা কহিল জা-তীয় পাঠান ছিল; কুটাহের প্রদেশে তাহাদের বাস হওয়াতে ক্রমশঃ ঐ প্রদেশের নাম পরিবর্ত হইয়া রোহিলখণ্ড-শব্দে প্রচারিত হয়। এই সকল কহি বা রোহিলা পাঠানদিগের মধ্যে শাহ-আ-লম্ এবং হোসেন খাঁ নামা দুই ভ্রাতা ১৭২২ সং-বৎসরে কুটাহের প্রদেশে আনিয়া বসতি করে। তাহারা সামান্য ব্যক্তি ছিল, ও সামান্য কর্মে দিনপাত করিত। হোসেনের তিন পুত্র, ডুণ্ডি খাঁ, নিয়ামৎ খাঁ, এবং সিলাবৎ খাঁ; তন্মধ্যে জ্যেষ্ঠ পুত্রই প্রসিদ্ধ হইয়াছিল। শাহ-আলমের দুই পুত্র, দায়ুদ খাঁ এবং রহমৎ খাঁ। এই উভয়ের মধ্যে রহমৎ বাণিজ্য-ব্যবসারে নিযুক্ত হন; ও দায়ুদ কতকগুলি সমরপ্রিয় সহচর সঙ্গ্রহ করিয়া দিল্লী-ধিপতির আশ্রয়ের (উজিরের) সৈন্য-মধ্যে পরিগণিত হইয়া মহারাষ্ট্রীয়দিগের বিরুদ্ধে যুদ্ধ যাত্রা করেন, এবং ঐ যুদ্ধে আপন বীর্য ও সমর-কুশলতার অনেক উৎকৃষ্ট প্রমাণ প্রদর্শন করেন, ও তৎপূরস্কার-স্বরূপে উজিরের নিকটহইতে বুদা-উন্ প্রদেশটি প্রাপ্ত হন। তদনন্তর তিনি কুমায়ুন প্রদেশীয় রাজার সেনাপতি-পদে বৃত থাকিয়া প্রচুর-সম্পত্তি সঞ্চয় করিয়াছিলেন। তাহার দুই পুত্র, মোহাম্মদ, এবং আলীমোহাম্মদ। তন্মধ্যে দা-য়ুদ কনিষ্ঠকে অত্যন্ত প্রিয় মানিতেন, ও তাহাকে যুদ্ধ-বিগুহাদি-ব্যাপারে উত্তম-শিক্ষা দিয়াছি-লেন। তাহার মৃত্যুর পর আলীমোহাম্মদ পিতৃ-দৃষ্টান্তানুসারে স্বজন-সমভিব্যাহারে যুদ্ধ-যাত্রায় প্রবৃত্ত হন।

তৎকালে আজমৎ-উল্লা খাঁ-নামা এক ব্যক্তি মোরাদাবাদ-প্রদেশের ফৌজদারী-পদে অভি-

যুক্ত ছিল; সে আলীমোহাম্মদকে আপন-সৈন্য-মধ্যে নিযুক্ত করিয়া নিজাধীনস্থ কোন প্রদে-শের কর সঙ্গ্রহ করিতে তাহাকে প্রেরণ করিয়া-ছিল, এবং তাহার কর্ম-কুশলতায় সন্তুষ্ট হইয়া কিয়দিন-পরে দিল্লীর পাদশাহের নিকটহইতে কোন পরগণার তহশীলদারী-কর্মের এক সনন্দ-পত্র আনাইয়া তাহাকে দেয়। এই ঘটনার অল্প দিনানন্তর আজমৎ-উল্লা খাঁ কর্মচ্যুত হয়; ইত্য-বকাশে আলীমোহাম্মদ রাজকর-প্রদানে বিরত হইয়া সেই অর্থে স্বজাতীয়-সৈন্য-সামন্ত-সঙ্গ্রহে প্রবৃত্ত হইয়াছিল; মধ্যে ২ পাদশাহের সভায় প্র-ধান ২ কর্মচারিদিগের মুখে উৎকোচ-সম্বূদা-নেও ভ্রুটি করে নাই; কলতঃ দিল্লীস্থর তৎকালে এমত নির্বীর্য হইয়াছিলেন, এবং তাহার সভা-সদেরাও এতাদৃশ দুষ্কিয়াবিত হইয়াছিল, যে রাজবিদ্রোহিরাও উৎকোচসাহায্যে অনায়াসে নিষ্কৃতি পাইত। আলীমোহাম্মদ এ অবস্থা অজ্ঞাত ছিল না; বরং তদুপরি নির্ভর করিয়া সে দিল্লীধি-পতির “মির বকসি,” অর্থাৎ সৈন্যদিগের বেতন-দাতা ওমদৎ-উলমুল্ক নামা জনৈকের প্রতিনি-ধির সহিত যুদ্ধ করিয়া তাহার সমস্ত ভূমি সম্পত্তি ও কামান-প্রভৃতি যুদ্ধ-সজ্জা অপহরণ করিয়া লইয়াছিল। ওমদৎ-উলমুল্ক এই বার্তা পাদশাহের কর্ণগোচর করিয়া বিচার প্রার্থনার ভ্রুটি করে নাই, কিন্তু প্রধান মন্ত্রী কমরুদ্দীন আলীমোহাম্মদের পক্ষ হইয়া তাহার সমস্ত চেষ্টা ব্যর্থ করিয়াছিল। কিয়ৎকাল পরে, কারা প্রদেশের সৈয়দউদ্দীন নামা এক জন রাজ-বিদ্রোহী জমিদারের প্রাণ-বিনাশ করাতে অপহৃত সমস্ত প্রদেশের জায়গিরি-সনন্দ-পত্র ও সন্মান-সূচক পুরস্কার তিনি আলীর নামে প্রদান করান। রাজবিদ্রোহির এতাদৃশ পুরস্কার দৃষ্টে সকলেই

চমৎকৃত হইল; এবং পাঠান মাতেই ঐ উৎসাহ-পূর্ণ-সেনানায়কের অধীনে যুদ্ধ করিতে আগ্রহা-স্থিত হইল। আলীমোহাম্মদও তদ্বিষয়ে নিরুদ্যম ছিল না। সে স্বজাতীয়দিগকে অধিকৃত-ভূমি-সকল বিভাগ করিয়া দিয়া ও অর্থাদি-প্রদান-প্রলোভনে আপন-বসে আনিতে কোনমতে ভ্রুটি করিলেক না।

এই সময়ে অপর এক ঘটনা হয়, তাহাতে তাহার সমাগ্ররূপে সৌভাগ্য-বৃদ্ধি হইয়াছিল; তদ্বিশেষ এই, মোরাদাবাদ-প্রদেশের কিয়দংশ রাজমন্ত্রির নিজ-বিষয়ের মধ্যে গণ্য ছিল; তাহার কর-সঙ্গ্রহ-করণার্থে তিনি হীরানন্দ নামা জনৈ-ককে কতকগুলি সেনা-সমভিব্যাহারে প্রেরণ করি-য়াছিলেন। সে ব্যক্তি মোরাদাবাদে আসিবামাত্র আলীমোহাম্মদের সহিত আপন প্রভুর অধিকারের সীমা বিষয়ক বিবাদ উপস্থিত করিয়া যুদ্ধে পরাস্ত ও গুপ্তহস্তার হস্তে হত-প্রাণ হয়। প্রধান মন্ত্রী কমরুদ্দীন এই বার্তা শুনিয়া মহাবল-পরা-ক্রান্ত-সেনা-সমভিব্যাহারে আপন পুত্র মীর-মল্লকে পাঠাইয়াছিলেন; কিন্তু সূচতুর আলী-মোহাম্মদ তাহার পুত্রের সহিত আপন কন্যার বিবাহ দিয়া অনায়াসে আপদহইতে মুক্ত হইয়া-ছিল; অধিকন্তু রাজমন্ত্রির সহিত বৈবাহিক-সম্বন্ধ সংস্থাপন করিয়া আপন-ক্রমতা সম্যক বৃদ্ধি-মতী করিলেক।

এই প্রকারে মোগলদিগের হস্তহইতে সমস্ত রো-হিলখণ্ড-দেশ অর্জন করিয়া আলীমোহাম্মদ স্বপ্রতি-বাসী কুমায়ুন-দেশাধিপতির বিরুদ্ধে সঙ্গ্রামার্থে অস্ত্রধারণ করেন। ঐ রাজা অতি নির্বীর্য ও শান্ত-স্বভাব ছিলেন; দুর্দান্ত রোহিলাদিগের আক্রমণে অত্যন্ত ভীত হইয়া স্বদেশ-পরিত্যাগ-পূর্বক পলায়ন-পর হইলেন। তাহার সেনাপতির। সা-ধ্যানুসারে সমর-সজ্জা করিয়াছিল বটে, কিন্তু

রোহিলাদিগকে দমন করিতে অক্ষম হইয়া অবশেষে আপন প্রভুর দৃষ্টান্তানুগামী হইল। আলীমোহম্মদ অবাধে কুমায়ুন-প্রদেশ-লুণ্ঠন-পূর্বক প্রচুর সম্পত্তি সঞ্চয় করত স্বরাজ্যে প্রত্যগমন-সময়ে কুমায়ুনাধিপতির সহিত সন্ধি করিয়া বার্ষিক তিন লক্ষ টাকা কর নির্ধারণ করিয়া আইসেন।

অতঃপর কিয়দ্দিনের নিমিত্ত আলীর এক ভয়ানক বিপদ ঘটয়াছিল। অযোধ্যার নবাব সফদর-জঙ্গ রোহিলখণ্ডের নিকটস্থ অরণ্যহইতে কিঞ্চিৎ শাল-কাঠ আনয়নের নিমিত্ত কএক জন লোক পাঠাইয়াছিলেন; তাহারা প্রভুর আজ্ঞা প্রতিপালনার্থে অরণ্যে আসিবামাত্র আলীমোহম্মদের সহিত তুমুল বিবাদ উপস্থিত হইয়া সর্বস্ব হত হয়। অযোধ্যাধিপতি এই অপমানে অত্যন্ত কষ্ট হইয়া তৎক্ষণাৎ পাদশাহের আশ্রয় প্রার্থনা করিলেন। এই সময়ে আলী আপন বীর্যমদে মত্ত হইয়া কোশলচেষ্টার ত্রুটি করিতে, দিল্লীর পাদশাহ সৈন্যে আসিয়া তাঁহাকে পরাস্ত ও বন্দী করিয়া আপন রাজপাটে লইয়া যান।

আলী দিল্লী-নগরে কিয়দ্দিন বাস করিতে ২ একদা তাঁহার অনুচরবর্গ কএক মহসু রোহিলা জাতীয় ব্যক্তি রাজদ্বারে আসিয়া আলীমোহম্মদের মূক্তির নিমিত্ত অত্যন্ত গোলযোগ উপস্থিত করিলেক; তৎকালে পাদশাহের সৈন্য-সকল বিদেশে প্রেরিত হইয়াছিল; বিশেষতঃ কাবুলাধিপতি আহমদশাহ আব্দালী ভাতরবর্ষ আক্রমণ করিতে আসিবেন, এই জনরব হওয়াতে পাদশাহের সৈন্যের প্রায়ঃ অনেকেই পঞ্জাবদেশে উপস্থিত ছিল; কেহই দিল্লী-নগরে বর্তমান ছিল না; অতএব বহুসঙ্খ্যক সমরপ্রিয় রোহিলাদিগকে রাজদ্বারে দেখিয়া অমাত্যবর্গ সকলেই আ-

গৃহাতিশয়ে আলীমোহম্মদকে মুক্ত করিয়া দিতে পাদশাহকে পরামর্শ দিতে লাগিলেন। রাজাও বর্তমান শঙ্কটহইতে মূক্তির কোন সুলভ উপায় না পাইয়া তাহাতে সন্মত হইতে বাধ্য হইলেন; কিন্তু রাজবিদ্রোহী আলীমোহম্মদকে পুনরায় রোহিলখণ্ডে না পাঠাইয়া সরহিন্দ-দেশের কর সঙ্গ্রহার্থে প্রেরণ করিলেন।

আলী সরহিন্দ-দেশে অতি অল্প দিন মাত্র ছিলেন। তদেবে তাঁহার যাত্রা করিবার সময়েই আহমদশাহ-আব্দালী ভারতবর্ষে আগমন করেন; ও তদ্বিকল্পে সমরসজ্জায় রাজমন্ত্রী ও সৈন্য সামন্ত সকলের ব্যগৃতা থাকাতে তিনি অনায়াসে সরহিন্দের সমস্ত কর সঙ্গ্রহ করত তৎসহ স্বদেশে প্রস্থান করিতে সক্ষম হইলেন। অপর ঐ অর্থে তিনি অনেক সৈন্য ও যুদ্ধসজ্জা সঙ্গ্রহ করিয়া তৎসাহায্যে রোহিলখণ্ডের নিকটস্থ সকল ভূম্যধিকারিদিগের সম্পত্তি অপহরণ করিয়া উৎকৃষ্ট ধনাঢ্য হইয়া উঠিলেন।

দিল্ল্যাধিপতি মোহম্মদ-শাহের মন্ত্রী কমর উদ্দীন আহমদশাহ-আব্দালীর সহিত যুদ্ধে নিহত হইয়াছিলেন, ও তৎশোকে মোহম্মদ শাহও ত্রয় পরলোক যাত্রা করেন। এই অবকাশে আলীমোহম্মদ নির্বিঘ্নে রোহিলখণ্ডে পুনঃস্থাপিত হইয়া প্রতিবানী হিন্দু-রাজন্যবর্গকে দেশচ্যুত করত তাহাদিগের অধিকার আপন সহচরদিগকে প্রদান করিলেন; প্রজাপালনের ও কর-সঙ্গ্রহের বিহিত নিয়ম নির্ধারিত করিলেন; অমাত্য-বন্ধু-বান্ধবদিগের মঞ্জলার্থে যথা-বিহিত নিষ্কর ভূমি ও বার্ষিক কিছু ২ অবধারিত করিয়া দিলেন; ফলতঃ সর্ব-প্রকারে আপন ক্ষমতাবৃদ্ধির চেষ্টায় নিযুক্ত ছিলেন। অপর আপনার লোকান্তর-গমনের পর পাছে

অপত্যেরা পৈত্রিক স্বত্ত্ব লইয়া বিবাদ বিসংবাদ করে এ নিমিত্ত তিনি আপন পিতৃব্য রহমৎ খাঁকে পুত্রদিগের “হাকিজ” অর্থাৎ রক্ষক, এবং পিতৃব্যপুত্র ডুপ্তিখাঁকে সেনাধ্যক্ষ পদে নিযুক্ত করিলেন, ও অন্যান্য প্রধান স্বজাতীয় ব্যক্তিবর্গকে যথাযোগ্য রাজকার্যে নিযুক্ত করিয়া দিলেন। এই সকল ও এবম্প্রকার অন্যান্য অনেক সন্নিয়ম সংস্থাপনে অল্প দিন-মধ্যে রোহিলখণ্ডদেশ অতি মান্য ও গৌরবান্বিত হইয়া উঠিল; এবং রোহিলাদিগের নাম ভারতবর্ষের সর্বত্র অধ্বষ্য হইল; সকলে তন্মাম শ্রবণমাত্রেই কম্পিত কলেবর হইত। কিন্তু এই প্রকৃষ্ট রাজ্য সংস্থান করত আলী বহুকাল তাহা সম্ভোগ করিতে পারেন নাই। ১৮০৫ সং-বৎসরে তাঁহার মৃত্যু হয়। তৎকালে তাঁহার ছয় পুত্র বর্তমান ছিল। তাহারা সকলেই অপৌ-গণ্ড, অতএব হাকিজ রহমৎ খাঁ স্বয়ং বালকদিগের নামে রাজকার্য সম্পাদন করিতে লাগিলেন। তৎকার্যেও তিনি বিশেষ পারদর্শী ছিলেন; কিন্তু কলহপ্রিয় রোহিলারা তাঁহার কর্তৃত্বে সন্তুষ্ট না হইয়া সর্বদা বিবাদ বিসংবাদ উপস্থিত করিত; এই প্রযুক্ত কিয়ৎকাল পরে তিনি রোহিলখণ্ড-রাজ্যের প্রধান অংশ আপন অধীনে রাখিয়া অবশিষ্ট ভ্রাতৃপুত্রদিগকে বিভাগ করিয়া দিলেন; পরন্তু তাহাতেও বিবাদের শেষ হয় নাই; মধ্যে ২ গৃহ বিচ্ছেদ ও পরস্পর যুদ্ধও পুনঃ ২ ঘটিল। অধিকন্তু অযোধ্যার নবাব সুজাউদৌলা ও মহারাষ্ট্রীয় রাজারাও তাহাদিগের বিকল্পে অস্ত্র ধারণ করিতে ত্রুটি করেন নাই; কিন্তু হাকিজ রহমতের সমর নৈপুণ্যে সকলেই পরাস্তম্নন ছিলেন।

একদা মহারাষ্ট্রীয়দিগের দমনার্থে হাকিজ রহ-

মৎ সুজাউদৌলাকে ৪০ লক্ষ টাকা পারিতোষিক দিতে স্বীকৃত হইয়া তাঁহার সাহায্য লইয়াছিলেন; কিন্তু পরে অভীষ্ট সিদ্ধ হইলে আপন প্রতি-শ্রুতি রক্ষায় অবহেলা করেন। সুজাউদৌলা এই প্রকারে বঞ্চিত হওয়াতে অত্যন্ত কষ্ট হইয়াছিলেন, কিন্তু স্বয়ং রোহিলাদিগের বিকল্পে অস্ত্র ধারণ করিতে ক্ষমতাভাব জানিয়া স্তব্ধ থাকেন। পরন্তু সে ঘটনা তাঁহার মনহইতে বিস্মৃত হয় নাই; ১৮২৮ সং-বৎসরে ইংরাজদিগের সহিত তাঁহার এক সন্ধি হয়; সুজা ইত্যবকাশে ইং-রাজদিগকে ৪০ লক্ষ টাকা পুরস্কার ও যে পর্য্যন্ত যুদ্ধ উপস্থিত থাকিবেক তৎকাল পর্য্যন্ত মাসিক ২।। লক্ষ টাকা দিতে স্বীকৃত হইয়া রোহিলাদিগের দমনার্থে সাহায্য প্রার্থনা করিলেন। তৎকালে ইংরাজেরা ধন লোভে অত্যন্ত মুগ্ধ ছিল অতএব অনায়াসে কএক দল সৈন্য দিয়া সাহায্য করিতে প্রবৃত্ত হইল।

এই সন্ধানুসারে সং-বৎ ১৮৩০ ইংরাজ ও অযোধ্যার সৈন্য মহাসমারোহে রোহিলখণ্ডে যাত্রা করিল; হাকিজ রহমৎও তাহাদিগের বিকল্পে সাধ্যানুসারে সৈন্য-সামন্ত প্রস্তুত করিয়া কুটারনগরে তাহাদিগের প্রতীক্ষা করিতে লাগিলেন। অবশেষে ২০ মে আশ্রয় দিবসে উভয় সৈন্যের সাক্ষাৎ হইল; এবং উভয়েই সমর সাধনে ত্রুটি করিলেক না, কিন্তু দৈবাৎ হাকিজ গুলির আঘাতে নিপতিত হইলেন; এবং তদৃষ্টে তাহার সৈন্যদল হতাশ হইয়া পলায়নপর হইল।

আলীমোহম্মদের তৃতীয় পুত্র ফৈজুল্লা খাঁ এই যুদ্ধে উপস্থিত ছিলেন, এবং সাধ্যানুসারে শত্রু সংহারে ত্রুটি করেন নাই; কিন্তু হাকিজের পতনে সৈন্যদিগকে একত্র রাখিতে অশক্ত হইয়া অবশেষে পলায়ন করত পরিবার ও সম্পত্তি লইয়া

কুমাউন্ পর্বতোপরি লালডং নামক নগরের দুর্গে অবস্থান করিলেন। যে সকল রোহিলারা স্বদেশের স্বাধীনতা রক্ষার আশা রাখিত, তাহারাও সকলে ঐ স্থানে আসিয়া প্রায় ৫০,০০০ ব্যক্তি একত্র হইল।

এদিকে মিলিত ইংরাজ ও অযোধ্যার সৈন্যগণ অত্যন্ত নির্দয়তা পূর্বক রোহিলাদিগকে রোহিলখণ্ডহইতে উৎসন্ন করত লালডং আক্রমণ করিলেক, ও তথায় উভয় শত্রু প্রায় দুই মাস কাল পরস্পর সন্মুখ হইল। পর্যবসানে কৈজুল্লার অবশিষ্ট নগদ টাকা ও মণি মুক্তাদির অর্ধেক লইয়া অযোধ্যার নবাব রামপুর প্রদেশের নবাবী পদ ও দ্বাদশ লক্ষ টাকা বার্ষিক আয়োপযুক্ত ভূমি প্রদানপূর্বক তাহার সহিত সন্ধি করেন; কিন্তু তাহার সমভিব্যাহারি প্রায় বিংশতি সহস্র রোহিলাকে সপরিবারে রোহিলখণ্ড হইতে দূরী করণ করেন। তদবধি ভারতবর্ষে রোহিলাদিগের উৎসন্ন হয়, এবং আনানোহম্মদ কর্তৃক স্থাপিত রাজ্যের একেবারে লোপ হয়। রামপুর প্রদেশে কৈজুল্লার বংশীয় জর্নৈক নবাব অদ্যাপি বর্তমান আছেন, কিন্তু তাহার সৈন্যসামন্তাদি কিছু মাত্র নাই।

### উড়িষ্যার রাজাবলী।

গত মাসিক বিবিধার্থ-সঙ্গ্রহে উৎকল বা ওড়ুদেশের সীমা, সংস্থান, গুণাগুণ, প্রভৃতির বিবরণ করা গিয়াছে, এক্ষণে তদেশের রাজ্যশাসনাদি-বিষয়ক ইতিহাসের বিশেষ লেখা যাইতেছে।

উৎকলের ইতিহাস লেখকেরা কহেন কলিযুগের প্রারম্ভাবধি বিক্রমাদিত্যের রাজ্যবসান

পর্যন্ত ভারতবর্ষে ক্রমান্বয়ে ১৩ জন রাজা রাজত্ব করিয়া গিয়াছেন। তাহাদের নামোল্লেখ করা এস্থলে অপ্ৰস্তুতাভিধান হইলেও পাঠকগণের পরিচয় জন্ম উল্লিখিত করিতে হইল। যথা,

যুধিষ্ঠির দেব, .. .. .	১২	বৎসর
পারিক্ষিৎ দেব, .. .. .	৭৫৭	..
জনমেজয় দেব, .. .. .	৫১৬	..
সম্বর-বা-শঙ্কর দেব, .. .. .	৪১০	..
গৌতম দেব, .. .. .	৩৭৩	..
মহীন্দ্র দেব, .. .. .	২১৫	..
অস্তি দেব, .. .. .	১৩৪	..
সেবক-বা অশোক দেব, .. .. .	১৫০	..
বজ্রনাথ, .. .. .	১০৭	..
শরশঙ্খ, .. .. .	১১৫	..
হংস, .. .. .	১২২	..
ভোজ, .. .. .	১২৭	..
বিক্রমাদিত্য, .. .. .	১৩৫	..

সমুদায় রাজত্ব কাল সঙ্খ্যা .. ৩১৭৩ বৎসর।  
রাজচরিত্র নামক উৎকল গুপ্তের মতে এই রাজবর্গের শেষোক্ত বিক্রমাদিত্য লোকান্তর গমন কালে এক পুত্র রাখিয়া যান। তাহার নাম কর্মজিৎ বা ক্রমাদিত্য। ইনি ক্রিয়ৎকাল উড়িষ্যাদেশ শাসন করত, শ্রীমান পুরুষোত্তম জগন্নাথ দেবের উপাসক হইয়া ৫৬ শকে পরলোক যাত্রা করেন। তদনন্তর বট-কেশরী, ত্রিভুবন দেব, নির্মল দেব, ভীম দেব নামক চারি জন রাজা অননুক্রমে রাজত্ব করিয়াছিলেন। ইহাদের রাজ্য শাসন কালে যবনেরা আসিয়া আক্রমণ করিয়াছিল; একারণ ইহাদের নাম এখানে উল্লেখ করিতে হইল, অপরাপর নাম প্রয়োজনাভাব প্রযুক্ত বন্ধ করণে অনাবশ্যক। এই উড়ুরাজাবলির অন্তিম রাজার

নাম শোভন দেব। তিনি ৩১৮ সংবৎসরে উড়ুরাজ সিংহাসন অধিকার করেন। ঐ ব্যক্তি কোন বংশোদ্ভব কে ছিলেন, তাহার কিছুই স্থৈর্য্য নাই। কিম্বদন্তী আছে তাহার রাজ্যকালে যবনেরা ওড়ুদেশ আক্রমণ করিয়াছিল। তদ্বিশেষ এই রক্তবাহু নামক এক জন উদাসীন বা যবন উৎকলদেশ আক্রমণের অভিসন্ধিতে বহুসঙ্খ্যক-সেনা সঙ্গ্রহ-পূর্বক অগণনীয় হস্ত্যশ্ব সমভিব্যাহারে লইয়া অর্ণবয়ানে আরোহণ করাইয়া জগন্নাথ দেবের ক্ষেত্রের কিয়দূর অন্তরে সমুদুতট-সমীপবর্তীস্থানে নঙ্গর করিয়া অবকাশ প্রতীক্ষা করিতে লাগিল। ঐ সকল হাতি ঘোড়ার বিষ্ঠা ও তৃণাদি ভূরি ২ প্রবাহিত হইয়া তটগত হইতে দর্শন করিবামাত্র কতিপয় নগর নিবাসি লোক তৎক্ষণাত্ তত্রস্থ নরপতি সন্নিধানে অনিয়ত কালে উপস্থান পূর্বক সবিনয়ে এই সমাবেদন করিল; “মহারাজ, অনুমান হয়, আপনার রাজ্য আক্রমণ করণাভিলাষে কোন বিপক্ষ নসৈন্যসামন্ত নিকটস্থ হইয়াছে, সন্দেহ নাই”। এই দুর্ভাগ্য করণপথগামিনী হইবামাত্র ভূপাল অতিমাত্র ভীত হইয়া শ্রীমন্দিরহইতে দেবাদিদেব শ্রীমজ্জগন্নাথ দেবের শ্রীমূর্তি নানাবিধ বহুমূল্য স্বর্ণরত্নালঙ্কার ও তাম্র পিত্তলময় পূজোপযোগি পাত্রাদি সহিত এক বস্ত্রাবৃত শকটে আরোপণ করাইয়া তৎসমভিব্যাহারে শোণপুর-গোপল্লী নামক নগরে প্রচ্ছন্ন বেশে প্রস্থান করিলেন। ঐ স্থান তাহার রাজ্যের পশ্চিম সীমাস্থ। এদিকে ঐ যবন তটস্থ হইয়া এবং রাজাকে দেখিতে না পাইয়া সমন্দির-নগর লুণ্ঠন করত তথায় মহা উপদ্রব উপস্থিত করিল। আক্রামকগণের অত্যাচার শ্রবণ করিয়া রাজা সেই শ্রীমূর্তি মৃত্তিকা মধ্যে প্রোথিত করিয়া তদুপরি এক বট বৃক্ষ রোপণ করিয়া

রাখিলেন, এবং স্বয়ং দূরবর্তী নিবিড় অরণ্য-মধ্যে পলায়ন করিয়া গেলেন।

যবন দল তত্তাবতের কিছুমাত্র অনুসন্ধান না পাইয়া তত্রত্য প্রজাবর্গকে জিজ্ঞাসিবাতে সমুদু তীরবাসী কতিপয় ইতর জাতীয় লোক, যে পথ দিয়া গেলেন তাহার উদ্দেশ্য পাওয়া যায় তাহা জানাইয়া দিল। রক্তবাহু এতাদৃশ গোপনের অপেক্ষাশে সমুদুর প্রুতি নিতান্ত রাগান্বিত হইয়া ভয় প্রদর্শন জন্য নিজ সৈন্য সামন্তকে ইহার জল ভাঙনা করিতে আজ্ঞা প্রদান করিল। সমুদু এতাদৃশ ঘোরতর যবনাক্রমণ ব্যাপার নয়নগোচর করিয়া তৎস্থানহইতে প্রায় এক ক্রোশ দূরে পলায়ন করিল, অবোধ যবনেরাও ক্রোধভরে তাহার প্রুতি দ্রুতবেগে ধাবমান হইতে লাগিল। অনন্তর উত্তালতরঙ্গমালাসঙ্কুল মহাঘোর গভীর নিনাদ ভয়ানক পয়োরামি প্রবাহবৃহৎ-সমভিব্যাহারে পুনর্বার প্রত্যাবৃত্ত হইলে তাহার করাল গুণে সেই মহতী সেনার অধিকাংশ পতিত হইল, এবং মহাবিস্তৃত দেশ সমুদায় এক কালে জলপ্লাবিত হইয়া গেল। বন্য খুর্দার বরোঠৈন পর্বত পর্যন্ত অগুসর হইয়া স্ববাহিত বালুকায় তত্তাবৎস্থান বালুকাময় করিয়া গেল। ঐ সময়েই সামুদ্রিক জলের পরিষ্কৃত ভাগে চিল্কা-হ্রদের সৃষ্টি হয়। এখানে রাজা অনতিবিলম্বেই জঙ্গল মধ্যে প্রাণ হারাইলেন। অনন্তর তাহার পুত্র ইন্দুদেব রাজসিংহাসনাধিকাট হইলে আক্রমকেরা তাহার প্রাণ সংহার করিয়া ফেলিল। তদবধি ক্রমাগত ১৪৬ বৎসর পর্যন্ত যবন বংশ ওড়ু রাজ্য শাসন করে। পরে ৩৯৬ শকাব্দে ঐ শাসনের পর্যবসান হয়।

এই গণ্ডপ পাঠে বোধ হয় চোর মণ্ডল বা সিংহলদ্বীপহইতে আগত কোন অসভ্য শত্রু-

কোন বিশেষ দেবীর উপাসনা পর ছিলেন। তাহার নাম ও গুণ এবং রাজশাসনের উৎকর্ষিত পুরীর একাংশে চুরঙ্গসৈ নামক এক সরোবরে অদ্যাপি সংরক্ষিত আছে। লোক প্রবাদ এই, “যে শরলম্বর ও কটক চৌদ্বারে যে প্রাসাদ ও দুর্গ আছে তদুভয় ইহারি নির্মিত”।

১২০৭ সংবৎসরে তাঁহার পুত্র গজেশ্বর দেব গঙ্গাবধি গোদাবরী পর্যন্ত বিস্তৃত রাজ্যের পৈত্রিক অধিকার প্রাপ্ত হন। তৎপরে আর দুই জন রাজত্ব করেন, তাহাদের নামাদির উল্লেখ করা আবশ্যিক নাই। অনন্তর গাঙ্গবংশপ্রধান অনঙ্গভীম ১২৩০ সংবৎসরে সিংহাসন অধিকার করেন। দূরদৃষ্ট ক্রমে তৎকর্তৃক এক বৃক্ষ বধ হওয়াতে তৎপাপক্ষালনার্থক প্রায়শ্চিত্তস্বরূপ অনেক দেবালয় নির্মাণ পূর্বক তন্মধ্যে নানা দেবতার প্রতিমূর্তি প্রতিষ্ঠাপিত হয়। কিম্বদন্তী আছে ঐ রাজা ৩০ টা পাষাণময় মন্দির, ১০ সেতু, ৪০ কূপ, এবং ১৫০ বাট নির্মাণ করিয়াছিলেন। বিশেষতঃ ৪৫০ নূতন গুম প্রস্তুত করিয়া তাহাতে কেবল ব্রাহ্মণ সংস্থাপন করিয়াছিলেন। এতদ্ব্যতীত বহু-সঙ্খ্যক, জানান্য গম্পে কহে, কোটি সরোবর খাত করান; এবং জগন্নাথক্ষেত্রের সর্বাংশ মঠমন্দিরাদি দ্বারা সুশোভিত করেন। জগন্নাথ দেবের বর্তমান মন্দির তাঁহার আজ্ঞায় ১১১৯ শকাব্দে পরম হংস বাজপেয়ী নামা এক ব্যক্তি নির্মাণ করে\*। এই কার্যে তাঁহার প্রায় কোটি মুদ্রা ব্যয় হইয়াছিল। এই সময়েই তিনি অপর ১৫ জন ব্রাহ্মণ ও ১৫ জন শূদ্র সেবক বা পরিচারক শ্রীদেবের সেবাকার্যে নিযুক্ত করিয়া

\* উক্ত শক মন্দির মধ্যে শ্রীমূর্তির পশ্চাতে খোদিত শ্লোকে নির্দেহিত আছে; তৎশ্লোক যথা;

শকাব্দে রক্ত শূভ্রাংস্ত রূপ নক্ষত্রনারকে।  
প্রাসাদং কারয়ামাসানঙ্গভীমেন ধীমতা ॥

ব্যয় বাহুল্য করেন; এবং তদানীং নিত্যসেবায় নানা জাতীয় ভোগ ও সময়ে যাত্রা এবং মহোৎসব করিবার নূতন সৃষ্টি হয়। এই পুবল বংশাভিমানী বর্তমান খুদারাজ ব্যবহৃত মুদ্রাদি পূর্বে অনঙ্গভীমরাজ কর্তৃকই সৃষ্টি হয়, তাহাতে এই লেখা আছে, “বীর শ্রীগজপতি গোড়েশ্বর নবকোটি “কর্ণাটোৎকলবর্যেশ্বরধিরাই ভূতভৈরবদেব “সাধুশাসনোৎকরণ-রাবতরাই অতুলবলপরা- “ক্রমসঙ্কামসহস্রবাহু ক্ষত্রিয়কুলধর্মকেতু”।

আধুনিক উৎকল দেশীয় ব্যক্তিদিগের, সাবেক, মঙ্গরাজ, বরজেন্না, পৎসহনি, বড় পণ্ডা প্রভৃতি যে সকল উপাধি শুনা যায় তাহা উক্ত রাজার রাজত্ব কালীন দত্ত।

অনঙ্গভীমের পুত্র রাজেশ্বর দেব। তিনি ৩৫ বৎসর রাজত্ব করিলে পর ১২৯২ সংবৎসরে রাজা নৃসিংহ দেব তাঁহার অধিকার প্রাপ্ত হন। ইহার উপাধি লঙ্করা। ইহাকে অতি বিখ্যাত রাজা বলিয়া উড়িষ্যা ইতিহাসে বর্ণনা করিয়াছে।

মেজর প্লুবার্ট সাহেব স্বপুণ্ডিত বাঙ্গালার ইতিহাস গুহে লেখেন, যে “এই রাজার রাজত্ব কালীন ১২৯৯ সংবৎসরে বঙ্গদেশীয় মুসলমান রাজা কর্তৃক উড়িষ্যার আক্রমণ হয়”; কিন্তু এ ঘটনার বিষয়ে ওড়ু দেশীয় কোন গুহে কিছু মাত্র উল্লেখ নাই।

ইহার রাজ্যাবসানে নরসিংহ নামধারী ৫ জন রাজা ও ভানুপাধিক ৩ জন রাজা বিক্রমাদিত্যের ১৫০৭ বৎসর পর্যন্ত উড়িষ্যায় রাজত্ব করেন। শোষোক্তেরাই সূর্যবংশীয় বলিয়া খ্যাত ছিল। গঙ্গাবংশের সহিত ও ইহাদের চলনাদি ছিল। এই সকল কীর্তি মধ্যে পুরী প্রবেশ পথে আঠার নানা নামক যে সেতু আছে তাহা ১৩০০ শকাব্দে রাজা কবির নরসিংহ দেব কর্তৃক নির্মিত হয়।

ভানুপাধিক শেষ রাজা সন্তানাসত্ত্বে স্বোত্তরাধিকারী স্বরূপ সূর্যবংশীয় রাজপুত্র কুলোদ্ভব কপিলশত্রু নামক এক বালককে দত্তক করিয়া যান। তাহার খ্যাতিতে কপিলেন্দুদেবোপাধি হয়। ১৫০৭ সংবৎসরে তিনি রাজসিংহাসনে আকট হন। সেতুবন্ধ রামেশ্বর পর্যন্ত তিনি পরাজয় করেন। তাঁহার উত্তরাধিকারির নাম পুরুষোত্তম দেব। তিনি কঞ্জিবিরাম প্রদেশের রাজার কন্যা পদ্মাবতীকে বিবাহ করেন। তাঁহার গর্ভে প্রতাপজনমুনি বা প্রতাপকদুদেব নামে এক তনয় জন্মে। পঞ্চবিংশতি বৎসর রাজত্ব করিয়া ১৫৫৯ সংবৎসরে পুরুষোত্তম দেবের লোকান্তর প্রাপ্তি হইলে প্রতাপকদু পৈতৃক সিংহাসনে আরোহণ করেন।

এই ভূপতি মহাপ্রভু চৈতন্য দেবের প্রিয়পাত্র ছিলেন। ১৫৮০ বৎসর পরে তিনি ২১ বৎসর রাজত্ব করিয়া ৩২ পুত্র রাখিয়া পরলোক যাত্রা করেন। সর্ষজ্যেষ্ঠ পুত্র পৈতৃক রাজ্য ৫ বৎসর শাসন করিয়া গোবিন্দ বিদ্যাধর নামক এক জন পুবল প্রতাপশালী মন্ত্রীকর্তৃক হত হইলেন। অনন্তর দ্বিতীয় পুত্র উত্তরাধিকার করে। সেও অন্য ৩০ জন ভ্রাতার সহিত মধু-শ্রীচন্দ্র নামক মন্ত্রিপুত্রের হস্তে বিনষ্ট হয়। তৎপরে ঐ মন্ত্রী ১৫৮৯ সংবৎসরে সিংহাসনাক্রম হইয়া রাজা গোবিন্দদেব নামে বিখ্যাত হয়। ইহার সময়ে মুকুন্দ-হরিচন্দন ও জনার্দন বিদ্যাধর নামক দুই জন খ্যাত্যাপন্ন ব্যক্তি হইয়াছিল। অবশেষে এই আদিম ব্যক্তিই এই দেশে স্বাধীন হয়। অন্তিম ব্যক্তি যদ্যপি স্বয়ং এদেশের রাজা হইতে পারে নাই তথাপি তৎপুত্র পোণ্ডাদিরী পরে রাজা হইয়াছিল। রাজা গোবিন্দদেব আপন রাজত্বের সপ্তম বৎসরে দশাশ্বমেধের ঘাটে প্রাণ পরিত্যাগ করেন। তৎপরে জনার্দন

বিদ্যাধর মন্ত্রির কৌশলে প্রতাপচক্রদেব রাজসিংহাসন প্রাপ্ত হন। তিনি বড় দুরাত্মা ছিলেন। অষ্টবর্ষ রাজ্য করিয়া হঠাৎ মৃত্যুগুণে পতিত হন। এ রাজার কোন উত্তরাধিকারী না থাকায় নরসিংহজেনানামা এক ব্যক্তি নিরতিশয় সাহসাবলম্বনে তাহার শূন্য সিংহাসনে অধিক্রম হইলেন। ইহার রাজ্যাবসানে মুকুন্দ-হরিচন্দন তৈলিঙ্গ মুকুন্দদেব নামে প্রসিদ্ধ হইয়া ১৬০৬ সংবৎসরে তাহার সিংহাসন আরোহণ করে। দেশীয় ইতিহাস লেখকেরা কহেন “যে ইহার সাহস ও ক্ষমতা বিজাতীয় ছিল”।

টিফেন্থলর সাহেব নিজ গুহে লেখেন; “মুকুন্দদেব উড়িষ্যার শেষ স্বাধীন রাজা। তিনি অতি সুশীল ও শান্ত স্বভাব ছিলেন এবং তাহার চারি শত ভোগ্য স্ত্রী ছিল”। বঙ্গরাজ্যের শাসনকর্তা শোলেমান গুর্জনি নামক আফগান রাজা অসংখ্য সৈন্যসামন্ত সংগৃহপূর্বক উড়িষ্যা দেশ আক্রমণ করিতে আসেন। তদুপলক্ষে তত্রত্য রাজা এক দৃঢ় দুর্গ নির্মাণ করিয়া আত্ম পরিত্রাণে সুসিদ্ধ হইলেন। পরে বঙ্গদেশীয় সেনাপতি কালাপাহাড় আসিয়া উড়িষ্যা পরাজয় ও শ্রীমূর্তি লইয়া সমুদ্রে নিক্ষেপ করিয়া অনেক উপদ্রব করে। এই বিষয়ে ইতিহাস লেখকেরা অনেক অনেক প্রকার কহেন তাহা পাঠক-বর্গেরও অবিদিত নহে বাহুল্যভয়ে বিবিধার্থে প্রকাশ করিলাম না। পুরীবংশাবলীতে লিখিত আছে, রাজা কোন কার্য বশতঃ খুদায় ব্যস্ত থাকন সময়ে সহসা আফগান সেনা কটকরাজ্য আক্রমণার্থ অগুনর হইয়া আসিয়া প্রদেশাধিপ (গবর্নর) গোপীসাবন্ত সিংহারকে পরাজয় ও তত্রত্য প্রাসাদধনাগারাদি লুণ্ঠন করিতে আরম্ভ করিলে, রাজা মুকুন্দদেব তৎসমাচার প্রাপ্তে তথাহইতে


পলায়ন করিয়া অনতিবিলম্বে দিল্লীশ্বরের রাজ্য মধ্যে গিয়া প্রাণ পরিত্যাগ করিলেন। ঔৎকল ইতিহাস লেখকেরা কহে, “যে এই রাজার মরণান্তে মোসলমানেরা এই প্রকারে উড়িষ্যা রাজ্য প্রাপ্ত হইলে পর তদীয় সেনাপতি রাজা মানসিংহ উক্ত মন্ত্রিবর দনায়ী বিদ্যাধরের পুত্র বলাই-রাওকে রামচন্দ্র দেব উপাধি দিয়া উড়িষ্যার রাজসিংহাসনে উপবেশন করান। তিনিই পুনর্বার নিম্বকাষ্ঠে জগন্নাথ দেবের শ্রীমূর্তি নির্মাণ-পূর্বক যথাসম্ভব প্রতিষ্ঠাদিপূর্বক মন্দিরস্থ সিংহাসনে আরোপণ করান”। কেহ ২ কহে রামচন্দ্র উক্ত মৃতরাজার জ্যেষ্ঠ পুত্র।

সে যাহা হউক তাহারই বংশ খুদার রাজা নামে বিখ্যাত হইয়া যখনদিগের অধীনতা স্বীকার করিয়া ১৮৫০ সংবৎসর পর্যন্ত রাজ্য করিয়াছিল। তাহাদিগের কোন বিশেষ গৌরব ছিল না, অতএব কেবল তাহাদের নাম ও রাজ্য-রস্তের বর্ষ নিম্নে লেখা যাইতেছে।

রামচন্দ্র দেব..	..	..	..	সংবৎ	১৩৩৩
পুরুষোত্তম দেব ..	..	..	..	”	১৩৩৫
নরসিংহ দেব..	..	..	..	”	১৩৮৩
গঙ্গাধর দেব..	..	..	..	”	১৭১১
মুকুন্দ দেব ..	..	..	..	”	১৭১২
দুর্ভাসিংহ দেব..	..	..	..	”	১৭২২
কৃষ্ণ বা হরকৃষ্ণ দেব ..	..	..	..	”	১৭৪৮
গোপীনাথ দেব..	..	..	..	”	১৭৬৯
রামচন্দ্র দেব..	..	..	..	”	১৭৭৩
বীরকিশোর দেব ..	..	..	..	”	১৭৯৯
দুর্ভাসিংহ দেব ..	..	..	..	”	১৮৪২
মুকুন্দ দেব ..	..	..	..	”	১৮৫৪

### টার্মিগান্ পক্ষী।

মৃগয়ানুরাগ-বিষয়ে ইংরাজেরা যে অত্যন্ত তৎপর অধুনা তাহার বর্ণনা করাই বাহুল্য; ব্যাঘ্র-বরাহাদির মৃগয়া-বিষয়ক-প্রস্তাবে তাহার যথাবিহিত উল্লেখ হইয়াছে। অপিচ এতদেশে তাহারা যে সকল জীব মৃগয়া করিয়া থাকে, তদ্রূপ কোন জীব তাহাদিগের স্বদেশে নাই। ব্যাঘ্র-বরাহাদির পরিবর্তে তথায় হরিণ ও খেঁকশৃগাল-প্রভৃতি পশুপরি নির্ভর করিতে হয়। অপর সেই হরিণ-শৃগালও সুপ্রাপ্য নহে; অনেককে সূর্যোদয় অবধি সূর্যাস্ত পর্যন্ত পরিশ্রম করিয়া একটি খেঁকশৃগাল মারিয়া গৃহে প্রত্যগমন করাও দুর্ঘট হয়; হরিণ-শিকার-বিষয়ে ততোধিক পরিশ্রম। এই প্রযুক্ত বিলাতীয় ধনবান ব্যক্তির আশ্রয় অধিকার মধ্যে কতক ভূমি অরণ্যরূপে রাখিয়া তাহাতে বহুসংখ্যক হরিণ প্রতীপালন করিয়া রাখেন, ও স্বচ্ছন্দত তাহাই শিকার করেন। পরন্তু সামান্যতঃ এ প্রকার শিকার অন্যায়সে প্রাপ্য নহে, সুতরাং অধিকাংশ ব্যক্তির পক্ষে পক্ষি-মৃগয়া করাই এক মাত্র গতি, ও তদর্থ তিব্রির, বটের, বক, কাদাখোঁচা প্রভৃতি বিবিধ সুখাদ্য পক্ষীও বিলাতে অন্যায়স-প্রাপ্য আছে। অপরপৃষ্ঠে যে পক্ষীর প্রতী মূর্তি মুদ্রিত হইল, তাহা তিব্রির-জাতিজাত; পরন্তু তিব্রির অপেক্ষায় অত্যন্ত সুস্বাদু। তাহার অবয়বও অতি সুন্দর। তাহার পরিমাণ পুচ্ছহইতে চঞ্চু-পর্যন্ত ১৪ বুরুল দীর্ঘ; তন্মধ্যে পুচ্ছ ৪ বুরুল। তাহার বর্ণ সর্ষদা সম থাকে না; গীষ্মকালে তাহার দেহ পীতাক্ত-ইষ্টকবৎ রক্তবর্ণ, ও তদুপরি কৃষ্ণ-বর্ণের অসম রেখা থাকে, কিন্তু শীতকালে তৎ পরিবর্তে সমস্ত দেহ শুকুবর্ণ বোধ হয়। গীষ্ম



টার্মিগান্ পক্ষী।

কালে কেবল পক্ষিপারি কিঞ্চিৎ শুকুবর্ণ থাকে। নয়নোপরিস্থ বৃক পালক-হীন ও উজ্জ্বল-রক্ত-বর্ণ-বিশিষ্ট। স্ত্রী টার্মিগানের বর্ণ পুংপক্ষিহইতে অধিক পীতাক্ত ও ফিকা বোধ হয়।

স্বভাবতঃ টার্মিগান্ পক্ষিরা পার্বত্য-স্থানে বাস করিতে প্রিয়; কিন্তু নিকটে জলা বা শস্য-ক্ষেত্র প্রাপ্ত হইলে তাহাই শ্রেয়ঃ বোধ করে, ও তৎস্থান প্রাতঃকালে তথা অপরাহ্নে আপনাদিগের কাকলীতে পূর্ণ করিয়া রাখে।

টার্মিগান্ পক্ষিরা স্ত্রীপুঙ্কবে একত্রে বাস করে। স্ত্রী টার্মিগান্ চৈত্র মাসে ১৩১৮ বা ২০ টি অণ্ড প্রসব করত মাসাবধি স্ত্রী পুঙ্কব উভয়ে তদুপরি তা দিয়া অপত্য উৎপাদন করে। এক প্রকার

উড়কাক শিশু-টার্মিগানের বিশেষ শত্রু, কিন্তু স্বভাবতঃ ভীত হইলেও অত্যন্ত বাৎসল্য ভাব-প্রযুক্ত বৃদ্ধ টার্মিগানেরা অপত্য রক্ষার্থে শত্রু-দিগের সহিত যুদ্ধ করিতে ত্রুটি করে না। কথিত আছে, কোন মনুষ্য তাহাদিগের নীড়ের নিকট আইলে টার্মিগান্ পক্ষী ভৎস-পক্ষ বা খঞ্জের ন্যায় হইয়া তাহার সম্মুখে আসিয়া পড়ে, ও সে ব্যক্তি তাহাকে ধরিবার নিমিত্তে অগুনর হইলে তথাহইতে লক্ষ্য দিয়া স্থানান্তরে পড়ে; এবং পুনঃ ২ এই প্রকার ভণ্ডতা করত তাহাকে আপন নীড়হইতে অত্যন্ত দূরে লইয়া গিয়া উড়্ভীয়মান হইয়া স্বস্থানে প্রত্যগমন করে। নির্জন-বাদা-নিবাসী বা পার্বত্য টার্মি-



গণেরা মনুষ্যকে দৈবাৎ দেখিলে ভীত হয় না; কিন্তু যে স্থানে মনুষ্যেরা টার্মিগান্ শিকার করিতে সর্বদা যাতায়াত করে, তথাকার পক্ষিরা অত্যন্ত ভীত, এবং মনুষ্য দেখিবামাত্র বহুদূরে প্রস্থান করে, অথবা জঙ্গল-মধ্যে লুক্কায়িত হয়; এই প্রযুক্ত কুকুরের সাহায্য-ভিন্ন এ পক্ষিদিগকে শিকার করা কঠিন। প্রস্তাবিত-পক্ষিরা সর্বদাই সুস্বাদু, পরন্তু আশ্বিন-মাসের প্রারম্ভে তাহার স্বাদুতার বিশেষ উৎকর্ষ জন্মে, তজ্জন্য ইংরাজেরা এ সময়ে মহা-সমারোহ-পূর্বক টার্মিগান্-শিকারে যাত্রা করিয়া থাকেন। কথিত আছে, কোন বিশেষ কৰ্ম্মানুরোধে ইংরাজদিগের মহাসভা পার্লিয়ামেন্টের বৈঠক ভাদু-মাসে শেষ না হইয়া আশ্বিন-পর্যন্ত ক্রমাগত হইলে অনেক সভ্যেরা সভায় উপস্থিত থাকিয়া দেশের হিতাহিত বিচার ও সদুপায় করা অপেক্ষা টার্মিগান্-মৃগয়া শ্রেয়ঃ মানিয়া তদর্থ পল্লীগামে প্রস্থান করেন।

### ভারতচন্দ্র রায় ।

বাল্য কবিদিগের মধ্যে ভারতচন্দ্র রায় প্রণীত কাব্যের বিচার বিশেষ সার্থক বোধ হইতে পারে, কিন্তু ইহা অতি দুর্লভ ব্যাপার। রায়-গুণাকরের প্রতি লোকের যে প্রকার অনুরাগ ও শ্রদ্ধা, তাহার প্রতি প্রতিবাদ প্রকাশ করিলে লেখকের প্রতি লোকে সহজেই বিপক্ষ হইবেন; এবং তাহার যশো-বর্ণন কালীন বিচারকর্তার অত্যন্ত সাবধান ও সতর্ক হওয়া বিধেয়। বর্তমান কাল কবিকুলের প্রতি অনুকূল না হইয়া বরঞ্চ কাব্যের বিচারের সময় এক প্রকার বলিলেও বলা যাইতে পারে,

অতএব এ সময়ে এতদ্বিষয়ে লেখনী ধারণ করা-তে লোক-সকল অবশ্যই ইহাতে নয়নান্তঃপাত করিতে পারেন।

এ দেশের কবিদিগের জীবন-চরিত প্রাপ্ত হওয়া অতি কঠিন, অতএব রায় গুণাকরের বিশেষ বৃত্তান্ত আমরা লিখিতে পারিলাম না। তাহার পৌত্র শ্রীযুক্ত তারকনাথ রায় মহাশয় অধুনা মুলাজোড়-গামে বাস করিতেছেন, তাহার সহিত অসম্বাদির আলাপ থাকিলেও রায় গুণাকরের জীবনের কোন অংশ বর্ণন করিতে পারিতাম। এক্ষণে কেবল তাহার স্বকরকমলা-কিত-বচন-রচনার প্রমাণ ও যথাক্রমত কিঞ্চদন্তী অনুযায়ী এ বিষয়ে কিঞ্চিৎ লিখিতে সঙ্কল্প করিতেছি।

ভূরিশিটি পরগণায় ভারতচন্দ্র রায়ের নিবাস ছিল; তাহা বর্জমানের পশ্চিম অনুমান বিংশতি ক্রোশ অন্তর হইবে। তাহার পিতার নাম নরেন্দ্রচন্দ্র রায়; লোক সমাজে তিনি রাজা নরেন্দ্র রায় নামে প্রসিদ্ধ ছিলেন। তাহার কৌলিক উপাধি মুখ্যোপাধ্যায়; ইহা রায় গুণাকর স্বপ্নীত-গুহে স্পষ্টই পরিচয় দিয়াছেন,

“ভূরিশিটে মহাকায়, ভূপতি নরেন্দ্র রায়,  
মুখটি বিখ্যাত দেশে দেশে ।  
ভারত তনয় তার, অন্নদা মঙ্গল সার,  
কহে কৃষ্ণচন্দ্রের আদেশে ॥”

মুরলিদ্বাদেদের নবাব আলিবর্দির সময়ে রাজা নরেন্দ্র রায় বর্তমান ছিলেন। তিনি বার্ষিক তিন লক্ষ-মুদ্রা রাজস্ব প্রাপ্ত হইতেন; এসময়ের চলনানুসারে বোধ হয় তাহা নব লক্ষ হইতে পারিত। রায় গুণাকর এই অতুল ঐশ্বর্যের অধিকারী হইয়াও তাহা ভোগ করিতে পারেন নাই।

কীর্তিচন্দ্ররায় বল-প্রকাশ-পূর্বক তাহাকে রাজ্য-চ্যুত করেন, এবং তন্নিমিত্তেই তিনি মহারাজা কৃষ্ণচন্দ্র রায়ের আশ্রয়ে বাস করিয়াছিলেন। নবদ্বীপাধিপতির রাজ্যের প্রতিও কীর্তিচন্দ্র রায়ের বিলক্ষণ দৃষ্টি ছিল, কিন্তু চতুর চুড়ামণি কৃষ্ণচন্দ্র আত্মীয়তা-পূর্বক তাহার করাল-গুস-হইতে রাজ্যাধিকার রক্ষা করিয়াছিলেন।

রায় গুণাকর, কৃষ্ণচন্দ্র ভূপতির অতি আত্মীয় মধ্যে গণ্য ছিলেন; এ কারণ তিনি তাহাকে যথেষ্ট সমাদর করিতেন। ভারতচন্দ্র রায়ের অপর এক ভ্রাতা ছিলেন, তাহার পৌত্র শান্তিপূরের সান্নিধ্য বৃহীছা-নামক-গামে অধুনা বাস করিতেছেন; তৎকালে তিনি কি রূপ অবস্থায় কোথায় অবস্থান করিয়াছিলেন, তাহা আমরা বলিতে পারি না; কিন্তু রাজ্য-ভ্রষ্ট হওয়াতে তাহার সমস্ত পরিবার ছিন্ন ভিন্ন হইয়া নানা স্থানে বাস করিয়াছিলেন, ইহাতে সন্দেহ নাই। কবিদিগের দারিদ্র্য চিরকাল প্রসিদ্ধই আছে, অতএব রায় গুণাকর রাজকুমার হইয়াও অবশেষে পরান্ন ভোজনে জীবন-যাপন করিয়াছিলেন।

এ রূপ কিঞ্চদন্তী আছে, যে বিষমাগ্নি \* রোগে তিনি পরলোক প্রাপ্ত হইলেন। মহারাজ তাহাকে রোগমুক্ত-করণ-নিমিত্ত পরম-যত্ন-প্রকাশ করিয়াছিলেন, কিন্তু কোন প্রকারেই তাহাকে কালের করাল-গুস-হইতে রক্ষা করিতে পারেন নাই।

রায় গুণাকরের জন্মপত্রিকা প্রাপ্য হওয়া কঠিন, এবং তাহার পুত্র জীবিত থাকিলেও বার্ষিক ক্রিয়াদ্বারা মৃত্যুর দিবস স্থির হইতে পারিত। অতএব তাহার পৃথিবীতে অবতরণ ও তাহা হইতে লীলা-সম্বরণের সময় আমরা স্থির

\* (১) বৈদ্যক শাস্ত্রমতে উদরাগ্নি ও প্রকার, যথা, মন্দাগ্নি, সমাগ্নি, ও বিষমাগ্নি।

করিতে নিতান্ত অক্ষম; এই মাত্র বলা যাইতে পারে, যে তিনি ১৬৭৪ শকে প্রসিদ্ধ অন্নদা-মঙ্গল সমাপ্ত করেন, + গণনায় তাহা পলাসির যুদ্ধের তিন বৎসর পূর্ব হইবে, এবং অধুনা এক শত বৎসর অতীত হইয়াছে।

এই গুহু দুই খণ্ডে বিভক্ত, প্রথম খণ্ড “অন্নদা-মঙ্গল,” দ্বিতীয় খণ্ড “বিদ্যাসুন্দর ও মানসিংহ;” কলতঃ সমস্ত-গুহের নামই অন্নদামঙ্গল। কেহ ২ মানসিংহের বিনিময়ে প্রতাপাদিত্য স্থির করিয়াছেন; কিন্তু প্রতাপাদিত্যের অপেক্ষা ইহাতে মানসিংহের বৃত্তান্ত বিস্তীর্ণরূপে লিখিত হইয়াছে, অতএব মানসিংহই প্রকৃত-গুহের সংজ্ঞা হইতে পারে। অধুনা পূর্ণচন্দ্রোদয় ও চৈতন্যচন্দ্রোদয় যন্ত্রে মুদ্রিত পুস্তকে চোর পঞ্চাশত নামে এক খানা পুস্তক অন্নদামঙ্গলের মধ্যে প্রবেশিত হইয়াছে। এ দেশের লোকের রচনার গুণ-দোষ-বিচার-শক্তির অভাবে তাহাকেও অনেকে ভারতচন্দ্র কর্তৃক প্রণীত বলিয়া কল্পনা করেন, কিন্তু রায় গুণাকর চোর পঞ্চাশত কাব্যের কতিপয় শ্লোক মাত্র অনুবাদ করেন, এবং তাহাও একার্থক মাত্র।

“দুই পক্ষে কহিবারে পুথি বেড়ে যায়।  
বুঝিবে পণ্ডিত চোর পঞ্চাশী টীকায় ॥”  
বিদ্যাসুন্দর।

কেহ ২ বলেন চোরপঞ্চাশত কাব্য সুন্দর কর্তৃক প্রণীত; তাহার এক নাম চোর কবি, এ কারণ তাহার রচিত কাব্য চোরপঞ্চাশত-নামে প্রসিদ্ধ হইয়াছে; এ বিষয়ে এক প্রাচীন প্রমাণ আছে;

“কবিরমরুঃ কবিরমরঃ কবিচোরময়ুরকৌ।”

কবি অনক, অনরশতক কর্তা বলিয়া কেহ ২

+ বেদ লয়ে ঋষিরসে বুঝা নিরুপমা।  
সেই শকে এই গীত ভারত রচিল।

কম্পনা করেন, কিন্তু এ রূপ কিম্বদন্তী আছে, যে অমর নামে রাজা ছিলেন, তাঁহার সমক্ষে শঙ্করাচার্য্য এই পুস্তক প্রস্তুত করেন। কবি অমর, সম্ভবতঃ অমরসিংহ, তাঁহার কৃত অভিধান সর্বত্রই প্রসিদ্ধ আছে; তিনি নবরত্নের মধ্যে এক রত্ন ছিলেন। কবিচোর 'সুন্দর, এবং কবিসম্মুর, বোধ হয়, রাজা ময়ূর বর্মা হইবেন। ময়ূর বর্মা চরিত্রে যাহার বৃত্তান্ত বিবৃত হইয়াছে, তাঁহার অপর নাম শিখিবর্মা।

“চিরকালে গতে তত্র শিখিবর্মাসুতঃ সুধীঃ।  
চন্দ্রাগদ ইতিখ্যাতো বিচারমকরোত্তমঃ ॥”  
উত্তর মহাভাষ্যে।

অমরশতকের বাঙ্গালা অনুবাদ এ পর্য্যন্ত প্রকাশ হয় নাই; শতক-সমূহ-মধ্যে কেবল শান্তিন্দ্রশতকের ভাষান্তর দৃষ্ট হয়। অমর-কৃতাভিধানের দুই খানা অনুবাদ দেখিতে পাই; প্রথম “শব্দসিদ্ধি,” দ্বিতীয় “শব্দকম্পলিতিকা”। তন্মধ্যে শেষোক্ত গুহু শ্রীযুক্তজগন্নাথ প্রসাদ মল্লিকের কৃত। চোরপঞ্চাশত কাব্য, নন্দ কুমার কবিরত্ন বাঙ্গালা ভাষায় পদ্যচ্ছন্দে অনুবাদ করেন, যাহা অধুনা পূর্ণচন্দ্রোদয় ও চৈতন্যচন্দ্রোদয় যন্ত্রে মুদ্রিত অন্নদামঙ্গলের মধ্যে প্রবিষ্ট হইয়াছে। কবিরত্ন-কৃত চোরপঞ্চাশত কাব্য বহুকাল মুদ্রিত প্রযুক্ত এক্ষণে অপ্রাপ্য হইয়া উঠিয়াছে, কিন্তু যাহা-দিগের রচনার দোষগুণবিচার করিবার ক্ষমতা আছে, তাঁহাদের কবিরত্ন “প্ৰণীত-কালী-কৈবল্য-দায়িনী” “ও শুক-বিলাস” প্রভৃতি গুহুর রচনার সহিত একত্র করিলেই ইহার গুণাগুণ হৃদয়ঙ্গম হইবে। যাহা হউক, চোরপঞ্চাশত কাব্যের বাঙ্গালা অনুবাদ রায় গুণাকর প্রণীত নহে। অন্নদামঙ্গল ব্যতিরিক্ত তিনি রসমঞ্জরী ও সত্য নারায়ণের কথা রচনা করেন, কিন্তু শেষোক্ত গুহুর নাম

প্রায়ঃ অনেকেই অবগত নহেন, যেহেতু সচরাচর সত্য নারায়ণের কথা যাহা শ্রবণ করা যায়, তাহা ভারতচন্দ্রীয় নহে।

. ১ ফারগুণ। ১৭৭৫ শক।

শ্রীহরিমোহন সেন গুপ্ত।

### দেশীয় প্রাকৃত সৌষ্টব।

শীতবেশে যে প্রকার স্বাস্থ্য সম্ভোগ হয়, কলিকাতায় তদ্রূপ সুস্থতার প্রত্যাশা করা যাইতে পারে না; ও কলিকাতার সুস্থতার উৎপত্তি নাই। অপর কলিকাতার মলিন-কটে যে সকল পশু, পক্ষী, শস্য, ফল, পুষ্পাদি জন্মে, তত্তাবৎ কাশীতে সম্ভবে না; ও কাশীর পশু, পক্ষী, শস্য, ফল, পুষ্প, কাবুলের তুল্য নহে। এই প্রকারে উৎপত্তি ও সুস্থতা বিষয়ে প্রত্যেক দেশের আবাস্তরিক ভেদ আছে। এই ইতর-ভেদ-বিষয়ক দেশের অসাধারণ ধর্ম্ম জ্ঞাপনার্থে “প্রাকৃত সৌষ্টব” শব্দ ব্যবহৃত হইল। দেশ-ভেদে প্রাকৃত সৌষ্টবের ভিন্নতা হওয়াতে পৃথিবীর পরমোকার সিদ্ধ হইয়াছে। যদ্যপি করুণাময় পরম-পিতা সমস্ত পৃথিবীর প্রাকৃত সৌষ্টব সমান করিতেন, তাহা হইলে এই ক্ষণে যে প্রকার নানাজাতীয় ফল পুষ্পাদি সম্ভোগ করিয়া থাকি, তাহা কদাপি সম্ভব হইত না। এতদেশীয়-ব্যক্তিদিগের মতে এই প্রাকৃত সৌষ্টব জল ও বায়ুর প্রতি নির্ভর করে; এই প্রযুক্ত সামান্য কথায় কোন দেশের সুস্থতা গুণ বর্ণন করিতে হইলে, লোকে তাহার জল “বাতাস (আধ হাওয়া) ভাল” কহিয়া থাকে। জল-বায়ুর ক্রমে যে দেশের প্রাকৃত সৌষ্টবের ভেদ হয়, ইহা অবশ্য স্বীকার করিতে হইবে, কিন্তু ইহা স্মর্তব্য, যে দেশের অবস্থা-ভেদে জল-বায়ুর অন্যথা হয়, অতএব সেই অবস্থাই প্রাকৃত-সৌষ্টব-ভেদের আদিকারণ, জল বায়ু লক্ষণ মাত্র। পরস্পরোপরিস্থিত দেশ অবশ্যই অন্যত্রহইতে পৃথক হইবে ইহা উল্লেখ করাই বাহুল্য। পদার্থবিদ্যায় পারদর্শী মহাশয়েরা দেশীয় প্রাকৃত-সৌষ্টব-ভেদের অষ্ট কারণ নির্ণয় করিয়াছেন, তদ্বারা; ১, সূর্য্যোত্তাপ; ২, সমুদ্র-জলসীমাহইতে উচ্চতা; ৩, সমুদ্র-নৈকট্য; ৪, দিগ্ভেদে ঢালুতা; ৫, পার্বত্য; ৬, মৃত্তিকা; ৭, চাস; ৮, বায়ুর বিশেষ গতি।

১। সূর্য্যোত্তাপ-ভেদে দেশের প্রাকৃত-বৃত্তের অন্যথা হয়, ইহা অনায়াসে সম্ভবে; গ্রীষ্মমণ্ডলের রৌদ্রে ও শীত-মণ্ডলের হিম ও দীর্ঘ রাত্রিতে তরু, পুষ্প, পশাদির সমতা হইবে, ইহা কোন মতে বিশ্বাস যোগ্য নহে। সূর্য্য-কিরণ সূর্য্যহইতে ঋজুভাবে বিকীর্ণ হয়; ঠিক মস্তকোদ্ধ-হইতে আগত এই ঋজুকিরণ-স্পর্শে পৃথিবী বিশেষ উত্তপ্ত হয়, সুতরাং যে সকল স্থান উক্ত ঋজুকিরণ প্রাপ্ত হয়, তাহা অন্যত্রাপেক্ষায় উষ্ণ হইয়া থাকে। বুগের নামা এক ব্যক্তি ফরাসী পণ্ডিত গণনা করিয়া স্থির করিয়াছেন, যে মধ্যাহ্ন-সময়ে সূর্য্য যে স্থানে ঠিক মস্তকোপরি থাকে, তদ্দিগে ১০,০০০ কিরণ সূর্য্যহইতে আগত হইলে তাহার ৮-১২৩ টি কিরণ তথায় উপনীত হয়, অবশিষ্ট কিরণ বায়ুতে লুপ্ত হয়। সূর্য্য মস্তকোপরি না হইয়া ৫০ অংশ ঢালু থাকিলে সেই স্থানে ৭০২৪ টি কিরণ-মাত্র আগমন করে; সূর্য্য ৭ অংশ ঢালু হইলে ২৮৩১ টি কিরণ তথায় আইসে, ও সূর্য্য সেই স্থানের চক্রবালে থাকিলে ২২২৫ টি কিরণ ব্যর্থ হইয়া কেবল অবশিষ্ট পাঁচটি কিরণ তৎস্থানে সমাগত হয়। অয়নান্ত-বৃত্তদ্বয়-মধ্যস্থ সকল স্থান বৎসরে দুইবার করিয়া সূর্য্যদেবকে ঠিক মস্তকোপরি প্রাপ্ত হয়, অপর সূর্য্য অত্যন্ত ঢালু হইলেও এই ঢালুতা ৬০ অংশের ন্যূন হয় না, এই প্রযুক্ত পৃথক্কারণানুসারে এই বৃত্তদ্বয়ের মধ্যস্থ স্থান সর্বাপেক্ষায় উষ্ণ থাকে। উক্ত বৃত্তদ্বয়ের বহির্দেশে সূর্য্যদেব কদাপি ঠিক মস্তকোপরি হন না, সর্বদা ঢালু থাকেন, সুতরাং তত্তদেশ কোন কালে-ও অয়নান্ত-বৃত্ত-মধ্যস্থ-স্থানের তুল্য উষ্ণ হয় না। অপর নিরক্ষবৃত্তহইতে দেশ-সকল যত দূর হয়, এই ঢালুতার ততই বৃদ্ধি হয়, অতএব এই ঢালুতানুসারে তত্তদেশের উষ্ণতার হ্রাস হয়। সূর্য্যদেব সর্বদা নিরক্ষবৃত্তের ঠিক উপরিভাগে ভ্রমণ করিলে এই নিয়মানুসারে কেন্দ্র-নিকটস্থ স্থান-সকল এমত শীতল হইত, যে তথায় মনুষ্য বাস করিতে পারিত না। এই দোষের নিরাকরণার্থে সূর্য্যের অয়ন হইয়া থাকে, তদ্বারা কেন্দ্র-নিকটস্থ স্থান উত্তপ্ত হইয়া মনুষ্যবাসের যোগ্য হয়। যে সময়ে সূর্য্য উত্তরায়ণান্ত-বৃত্তোপরি আইসেন, তৎকালে উত্তর-কেন্দ্র-নিকটস্থ-স্থানে দিবামান অধিক, ও রাত্রিমান অল্প হয়। এই দিবাভাগে পৃথিবী যে পরিমাণে সূর্য্যোত্তাপ সঙ্গ্রহ করে, অল্পমান-রাত্রিতে তত্তাবৎ শীতল হইতে

পারে না, সুতরাং প্রত্যহ গ্রীষ্মের মধ্য বৃদ্ধি হইতে থাকে, ও তৎসাহায্যে শস্যাদি উৎপন্ন হয়। ৭০ অংশস্থ-স্থানেনারোয়ে প্রদেশে এই প্রকারে গ্রীষ্মকালে তাপমান যন্ত্রের ৮০ তাপাংশ গ্রীষ্ম হইয়া থাকে। অপর সূর্য্য দক্ষিণায়নে যাত্রা করিলে ক্রমশঃ দিবামান অল্প, ও রাত্রিমান অধিক হইতে থাকে, তথা এই রাত্রিতে সমুহীত শীতলতা অল্পমান-দিবসের উষ্ণতার অনায়াসে ধ্বংস করিয়া শীতের বৃদ্ধি করিয়া থাকে। শীতগ্রীষ্মের এই কারণ; এবং এই কারণেই সর্বত্র ঋতুর ভেদ হয়।

২। দেশের প্রাকৃত সৌষ্টব ভেদের দ্বিতীয় কারণ, সমুদ্র-জলসীমাহইতে তাহার উচ্চতা। যে দেশ সমুদ্র-জলসীমাহইতে যত উচ্চ তাহার উষ্ণতাও তদনুসারে হ্রাস হয়, সুতরাং তাহার প্রাকৃত সৌষ্টবেরও ভেদ হয়। নিরূপিত হইয়াছে, গ্রীষ্মমণ্ডলে, যেখানে সূর্য্যোত্তাপ অত্যন্ত প্রখর, তথায় সমুদ্র-জলসীমাহইতে ১০,০০০ হস্ত উচ্চস্থান এতদৃশ শীতল যে তাহাতে প্রায়ঃ চিরকাল বরফ থাকে।

৩। সমুদ্র অতিশীঘ্র শীতল বা উষ্ণ হয় না; উষ্ণ-বায়ু তদুপরিভাগ দিয়া প্রবাহ হইলে জলহিল্লোল-স্পর্শে শীঘ্র শীতল হইয়া যায়, তথা শীত বায়ু তৎস্পর্শে এই জলের উষ্ণতা প্রাপ্ত হইয়া স্বয়ং উষ্ণ হয়, কিন্তু জলকে অস্তু উষ্ণ বা শীতল করিতে পারে না। হিল্লোলে সমস্ত জল আন্দোলিত থাকিতে শীত বায়ু তাহার একাংশ বহুকাল স্পর্শ করিয়া থাকিতে পারে না, কারণ প্রতিক্ষণে নূতন উষ্ণ জল উঠিয়া বায়ুর শীতলতা হরণ করে। ভূমি সর্বদা আন্দোলিত হয় না, বারিার ন্যায় উষ্ণতা চালনেও অশক্ত নহে, সুতরাং তদুপরি বায়ু-গমন-সময়ে সেই ভূমি অনায়াসে তাহার ধর্ম্ম অপহরণ করে। এই প্রযুক্ত সমস্তে স্থিত দুই প্রদেশের যে স্থান ভূমিতে বেষ্টিত তাহাতে যে প্রকার অত্যন্ত শীত ও গ্রীষ্ম ঘটয়া থাকে, সমুদ্র-বেষ্টিত স্থানে তাদৃশ অত্যন্ত ঘটে না; ক্ষুদ্রদ্বীপ গ্রীষ্মকালে কদাপি অত্যন্ত উষ্ণ, বা শীতকালে অত্যন্ত শীতল, হয় না; সর্বদা অন্যত্রাপেক্ষায় সমভাবে থাকে। কলিকাতা ও আফরিকার মধ্যদেশ উভয়েই সমস্তে আছে, কিন্তু কলিকাতার নিকটে সমুদ্র থাকিতে আফরিকার মধ্যদেশে যাদৃশ গ্রীষ্মের প্রখরতা ইহাতে তাদৃশ প্রখরতা অনুভূত হয় না। সমুদ্র-বায়ু শীতল হইবার যে কারণ উক্ত হইল, তন্নিম্ন অপর এক কারণ আছে। উক্ত বায়ু সমুদ্র দিয়া আদিবার সময়ে বাষ্পের সহিত মিশ্রিত হওত শীতল হইয়া আইসে; শুষ্ক

দেশভেদে যে প্রকারে জীবজাতির ভিন্নতা হয়, উচ্চতা ভেদেও তদ্রূপ ঘটয়া থাকে। মাংসাদ পক্ষী-সকল প্রায়ঃ অতি উচ্চ স্থানে বসতি করে। দক্ষিণামরিকায় কণ্ডোর-শকুনি ১১,০০০ হস্ত উচ্চ স্থানে ভ্রমণ করিয়া থাকে। তথাকার অন্যান্য শকুনি ও বাজও প্রায়ঃ তদ্রূপ। ইউরোপ এবং আশিয়া খণ্ডে অনেক মাংসাদ পক্ষী উচ্চ পর্বতে বাস করে। হংসেরা জনপ্রিয়, সুতরাং অতি উচ্চে তাহাদের গমন নাই। তৃণজীবী পশুमध्ये মেঘ, ছাগ, এবং চমরি-গো অতি উচ্চ পর্বতবাসী। শেষোক্ত পশু প্রায়ঃ চিরনীহারারূত স্থানে বাস করিয়া থাকে; ঈষদ্-উষ্ণস্থানে আনীত হইলেই তৎক্ষণাৎ মরিয়া যায়। দক্ষিণামরিকায় লামা পশুও পর্বতপ্রিয়, এবং গৃষ্মকালে তাহারা আণ্ডিস পর্বতের চিরনীহারের নীমার নিকট নিবাস করে। উষ্ণ মরুভূমিতে স্বচ্ছন্দে কাল-যাপন করিয়া থাকে; তৃণপূর্ণ নদীমুখাগ্রস্থভূমিতে নীত হইলে পদীড়িত হয়। অন্যান্য পশুপক্ষি-সম্বন্ধেও স্বদেশ বিদেশের নিয়ম উক্তরূপে প্রচারিত আছে; ফলতঃ জগৎ-পিতা প্রত্যেক-দেশের প্রাকৃত-ধর্ম্মানুসারে বিশেষ ২ জীব নির্দিষ্ট করিয়াছেন। তদেব বা তদনুরূপ প্রাকৃত ধর্ম্মাবিশিষ্ট দেশ ভিন্ন অন্যত্র তত্তৎ জীব নির্দিষ্টে দেহ-যাত্রা নির্বাহ করিতে পারে না।

আদৌ জীব সকল এক স্থানে উৎপন্ন হইয়া, পরে পৃথিবীর সর্বত্র ব্যাপিয়াছে, অথবা এক কালে অনেক স্থানে উৎপন্ন হইয়াছিল, এবিষয়ে প্রাণিতত্ত্বজ্ঞেরা অনেক তর্কবিতর্ক করিয়া থাকেন, কিন্তু এই গুণে তাহার বাহ্য প্রচার করায় ফলাভাব। বৃক্ষের প্রচার-বিষয়ে যে মীমাংসা হইয়াছে, \* বোধ হয়, জীব-বিষয়েও তাহাই সম্ভাবনীয়। এক ২ দেশে এক ২ বিশেষ পশুর প্রচার দৃষ্টে ইহার অন্যথা মনোনীত না।

অধুনা পৃথিবীর স্থানে ২ যে সকল পশু নির্দিষ্ট আছে পূর্বে তাহার অন্যথা ছিল। অনেক শীতল স্থানে হস্তাদি গৃষ্ম-মণ্ডলীয় পশুর অস্থি প্রাপ্ত হওয়া গিয়াছে; তদৃষ্টে স্লষ্ট বোধ হয় যে পূর্বেকালে ঐ সকল স্থান অতি উষ্ণ ছিল, অথবা ঐ পশুরা তৎকালে অনায়াসে অত্যন্ত শীত সহ্য করিতে পারিত। ঐ অস্থি সকল এইরূপে পাষণ হইয়া গিয়াছে; তদৃষ্টে অনুভব হয় ঐ প্রস্তরীভূত অস্থি-পূর্বে যুগে কোন জীবদেহের অবয়বীভূত ছিল।

\* এই খণ্ডের ১৩৪ পৃষ্ঠে দেখ।

প্রধান ২ জীব-জাতির সমষ্টি-সঙ্খ্যা ও কোন দেশে কি সঙ্খ্যায় প্রচার আছে তাহার বিবরণ নিম্নে নির্দিষ্ট হইল।

জীবের নাম।	প্রাচীন পৃথ্বী।						নূতন পৃথ্বী।	সর্ব-ময় ক্রি।
	আসিয়া,	ইউরোপ,	আফ্রিকা,	আমেরিকা,	পসিফিক,	আসিয়া-প্রাচীন।		
লাঙ্গুলবিশিষ্ট বানর; হনুমান্ প্রভৃতি।	জাতি, ৫৬	”	৪০	”	”	”	২৬	
লাঙ্গুলহীনবানর উল্লুক, বনমানুষ প্রভৃতি।	২১	”	৪১	”	”	”	৬২	
মাপাজু ও সাজুই বানর।	”	”	”	”	”	”	২২	
দ্বিগভ পশু; কঙ্গারু অ-পোজয় প্রভৃতি।	*	”	”	১৫	”	২৭	১২৭	
দন্তহীন পশু; বজ্রকীট পিপীলিকা-ভুক প্রভৃতি	২	”	৩	৩	”	৩৫	৪৬	
শূলচর্মা হস্তী;	২	”	১	”	”	”	৩	
খড়্গী।	৩	”	৪	”	”	”	৭	
শূকর-শ্রেণীস্থ পশু।	৮	১	৫	”	”	”	১৪	
অশ্ব ও গর্দভ।	†	”	৩	”	”	”	২	
হিপপটেমস্।	”	”	২	”	”	”	২	
টেপর্।	”	”	”	”	”	”	৩	
পিকারি।	”	”	”	”	”	”	৪	
বাদুড় (কীটাদ)।	৬২	৪২	৩১	২	২	”	১৫৩	
বাদুড় (ফলাদ)।	২৩	”	১০	১	১৩	৬৬	১১৬	
মাংসাদ পশু, ব্যাঘ্র, ভল্লুক, কুক্কর, ভোঁদড়, নে-উল, চুচা, প্রভৃতি।	২২৭	১১২	১৩০	৪	২৭	১২৮	৫১৪	
উষ্ণ।	২	”	২	”	”	”	২	
লামা।	”	”	”	”	”	”	৪	
ছাগ।	৩	৩	৩	”	”	”	১৪	
গো।	৭	১	২	”	”	”	১৩	
মেঘ।	১৫	৪	৩	”	”	”	২১	
হরিণ।	২১	৭	১	”	”	”	৩৮	
সার।	৭	২	৩৮	”	”	”	৪৮	

\* ভারত-দ্বীপবৃহৎ, মালাকা।

† ইউরোপ-খণ্ডে অনেক অশ্ব ও গর্দভ আছে, কিন্তু তাহা আসিয়া-খণ্ডীয় অশ্বের অপত্য।

এক ২ জাতীয় পশু দুই তিন প্রদেশে প্রচলিত থাকতে পূর্বে-পৃষ্ঠস্থ নির্দেশ পত্রের প্রত্যেক স্তম্ভে যে সকল জাতির নির্দেশ আছে, তৎসমুদায়ের সমষ্টি করিলে সর্ব-সমষ্টির স্তম্ভে যে অঙ্ক আছে তাহাই হইতে অধিক হয়; কিন্তু আমরা তাহা না করিয়া শেষ স্তম্ভে যে সকল পৃথক জাতীয়পশু মনুষ্যের গোচর হইয়াছে কেবল তাহারই সঙ্খ্যা করিয়াছি। পত্র-বাহ্য-হইবার ভয়ে এই নির্দেশন পত্র অতিসঙ্ক্ষেপে শেষ করিতে হইল।

### কৃষি-রাজ্যের ইতিহাস।

কিয়দিন হইল কৃষিাধিপতি তুর্কদেশের পরাজয়-কল্পে অস্ত্র ধারণ করেন। ঐ অত্যাচারের শাসনার্থে সম্রাট ইংরাজ করাসিস্ ও তুর্ক দেশীয়েরা সমজ্জ হইয়া উক্ত কৃষিাধিপতির সহিত তুমুল সঙ্গ্রামে প্রবৃত্ত হইয়াছেন। অধুনা কলিকাতাস্থ সকলেই ঐ সঙ্গ্রামের আলোচনা করিতেছেন, অতএব এমত সময়ে অজ্ঞাত কৃষদেশের ইতিহাস অনেকের পক্ষে আনন্দজনক হইবে বোধে এই প্রস্তাব উপদেশক-পত্রহইতে উদ্ধৃত ও সংস্কৃত করা হইল।

এই বর্তমান-কালে পৃথিবীস্থ তাবৎ রাজ্যের মধ্যে কৃষি-নামক রাজ্য সর্বাপেক্ষায় বিস্তৃত; ফলতঃ ইউরোপ ও আশিয়া নামক দুই মহাদ্বীপের প্রায়ঃ সমস্ত উত্তরাংশ তাহার সীমান্তবর্তী; কিন্তু সেই অঞ্চলে অতিশয়-শীতপ্রযুক্ত অত্যাশ্রয় মনুষ্য বাস করে। সেই রাজ্যের প্রজা সর্বশুদ্ধ ন্যূনাধিক ছয় কোটি মনুষ্য; তাহার মধ্যে ন্যূনাধিক চারি কোটি প্রকৃত কৃষীয় লোক; অবশিষ্ট দুই কোটি যুদ্ধে পরাজিত পোলণ্ড-প্রভৃতি নানা-দেশ-নিবাসি লোক।

অতিপূর্বকালে কৃষি-লোকেরা অতি অসভ্য ছিল; প্রায়ঃ একসহস্র বৎসর হইল খৃষ্টিয়ান নামধারি গৃহ লোকদের ধর্ম্ম তাহাদের মধ্যে প্রচলিত হইতে আরম্ভ হয়। খৃষ্টিয়ান মাতা মরিয়ম প্রভৃতি প্রকৃত ও কল্পিত সাধুগণের ছবি

পূজা এবং উপবাসাদি বাহ্য ধর্ম্মকর্ম্ম সেই মতের সার। তদবলম্বি-লোকদের অধিকাংশ খৃষ্টিধর্ম্ম-বিষয়ে অতি অজ্ঞ; কৃষি-দেশীয় গৃহনিবাসি পুরোহিতগণেরাও এই অপবাদের পাত্র; বিশেষতঃ তাহাদের অনেকে মদ্যপানে এমত আসক্ত যে তাহাদের প্রতিবাসি কৃষকেরা পাছে সেই দিনেও মদ খাইয়া পরদিন রবিবারে গুঁজা-ঘরের প্রার্থনা প্রভৃতি আরাধনা করিতে অপারক হয়, এই ভয়ে পুতি শনিবারে প্রাতঃকালাবধি তাহাদিগকে আপন ২ গৃহমধ্যে বদ্ধ করিয়া রাখে।

এই বর্তমান-কালেও ঐ রাজ্যের সামান্য-লোক-সকল অতি অজ্ঞ! জমিদার-লোকদের কেবল ভূমিতে অধিকার আছে এমত নহে, কিন্তু আপন ২ ভূমির সীমান্তবর্তী কৃষক-লোকদিগেতেও অধিকার আছে; ফলতঃ কৃষকেরা কৃতদাসের মধ্যে গণ্য; তাহাদের মধ্যে কোন কৃষক জমিদারের অনুমতি-ব্যতিরেকে স্থানান্তরে গিয়া বসতি করিতে পারে না; এবং সেই অনুমতি পাইলে যদি কোন প্রকার ব্যবসায় করে, তবে যথা সম্ভব লাভানুসারে প্রতিবৎসর ঐ অনুমতির নিমিত্তে উক্ত জমিদারকে নিয়মিত পারিতোষিক দিতে হয়; তাহা না দিলে কিম্বা অন্য কোন প্রকারে জমিদারের অসন্তোষ জন্মাইলে সেই ব্যবসায় ত্যাগ করিয়া পূর্বে-বাসস্থানে পুনরায় কৃষিকর্ম্ম করিতে তাহারা বাধ্য হয়।

ডেড় শত বৎসরব্যধি কৃষি-রাজ্যের নিত্য উন্নতি হইতেছে। সেই উন্নতির আদিকর্তা পিতর নামক রাজা। তিনি ইংরাজি ১৬৭২ শালে জন্মিয়াছিলেন। তাহার জ্যেষ্ঠ ভ্রাতা কিয়দর মরিলে পর ইউয়ান বা যোহন-নামক তাহার দ্বিতীয় ভ্রাতা রাজ্যের অধিকারী হইল; কিন্তু সেই ব্যক্তি জড়মতি হওয়াপ্রযুক্ত রাজ্যের কুলী-

হইতেছে, কাহার বোধে, পার্থিব উষ্ণতা ক্রমশঃ বৃদ্ধি হইতেছে, কিন্তু ঐ বাক্য-দ্বয়ের কোন বিশ্বসনীয় প্রমাণ নাই। তাপমানযন্ত্র একশত বৎসরাবধি মাত্র প্রচার হইয়াছে, এই প্রযুক্ত তদ্বারা অদ্যাপি কিছু স্থির করা যাইতে পারে নাই। ক্রমাগত সহস্র বৎসর তাপমান-যন্ত্রদ্বারা পরীক্ষা করিলে এ বিষয়ের স্মিতাংশ হইতে পারিবে।

দেশীয় প্রাকৃতমৌষ্ঠব-পুস্তকে ঋতু-ভেদের উল্লেখ অবশ্য সম্ভবে, কিন্তু পৃথিবীর গতি বিষয়ে অনেক বর্ণন না করিলে তাহা অনায়াসে বোধগম্য হইবে না। ফলতঃ সে বিষয় গণিতভূগোলে বিচার্য; অতএব এস্থলে তদুল্লেখে সীমিত থাকিতে হইল। এ প্রকরণ-সমূহে পাঠকদিগের এই মাত্র স্মরণ রাখা কর্তব্য, যে পৃথিবীর উত্তরার্দ্ধে শীতকাল হইলে দক্ষিণার্দ্ধে গ্রীষ্মের প্রাদুর্ভাব হয়, ও দক্ষিণার্দ্ধে শীতের উৎকর্ষ হইলে উত্তরার্দ্ধে গ্রীষ্মের সমুদ্ভব হয়; নচেৎ উত্তরার্দ্ধের শীত গ্রীষ্মের তুলনাকরণ-সময়ে ভ্রম হইতে পারে।

### জিরাফার বিবরণ।

বিবিধার্থ-পুকাশ-করণের উপক্রম-সন-বিষয়ে তদ্বিজ্ঞাপন-পত্রে যে চিত্র মুদ্রিত হইয়াছিল, তাহার বিবরণ প্রকটিত হয় নাই; অধুনা সেই অভিপ্রায় সিদ্ধ করা ননো-নীত হইয়াছে। ঐ চিত্র জিরাফা-নামক-পশু-বিশেষের প্রতিমূর্তি। ভ্রমগুণে যে সকল পশু সম্প্রতি বর্তমান আছে, তন্মধ্যে ঐ পশু সর্বা-পেক্ষায় উচ্চ। উষ্ট্রের পদ ও গুঁবার সহিত এই পশুর পদ ও গুঁবার তুলনা হইতে পারে; কিন্তু ইহার ত্রুগাচ্ছাদিত শৃঙ্গদ্বয় জলাধারবিহীন পাক-স্থলী ও অন্যান্য অন্তরিন্দ্রিয়ের অবয়ব উষ্ট্রবৎ না হইয়া হরিণের শৃঙ্গ পাকস্থলী ও অন্তরিন্দ্রিয়ের তুল্য বোধ হয়; এই প্রযুক্ত প্রাণিতত্ত্বজ্ঞেরা ইহাকে হরিণ ও কালসারের মধ্যে এক পৃথগ-বর্গে পরিগণিত করিয়াছেন।

ইহার জন্ম-স্থান আফরিকা-খণ্ড, অন্যত্র কুত্র-

পি ইহা প্রাপ্য নহে। উক্ত-খণ্ডে আরব্য-ভাষায় ইহার নাম “জিরাফা” বা “জোরাফা” বা “জেরাফে” বা “জেরাফেৎ”। ইহার উষ্ট্রবৎ অবয়ব এবং ব্যাঘ্রবৎ চিত্রিতবর্ণ দৃষ্টে কোন ইংরাজ ইহাকে “কামেল লেপড্”, অর্থাৎ উষ্ট্র-ব্যাঘ্র শব্দে বিধান করিয়াছেন।

জিরাফার অবয়ব-দৃষ্টে অনেকে বোধ করেন, যে ইহার পাশ্চাত্য পদহইতে পুরঃপদ দীর্ঘ, কিন্তু সে ভ্রম-মাত্র, কলতঃ অন্যান্য-পশু-পদের ন্যায় ইহারও পুরঃপদ অপেক্ষায় পাশ্চাত্য পদ দীর্ঘ, কেবল স্বল্পের উচ্চতা প্রযুক্ত তাহার দীর্ঘতা আশু প্রত্যক্ষ হয় না। উষ্ট্রের পদতলে যে প্রকার মাংসপিণ্ড হইয়া থাকে \* জিরাফার পদতলে তদ্রূপ কোন মাংস-পিণ্ড নাই; কেবল হরিণ-খুরের ন্যায় দুই খানি খুর আছে। উষ্ট্রের উদর-মধ্যে যে প্রকার জল-রাখিবার স্থান থাকে, জিরাফার উদরে তাদৃশ কোন স্থান দৃষ্ট হয় না; অপর উষ্ট্রের ভারবহন-শীলতাও ইহাতে প্রাপ্য নহে। শৃঙ্গ-বিষয়ে প্রস্তাবিতপশুর এক অসাধারণ লক্ষণ আছে। অন্য-সশৃঙ্গ-পশুর ন্যায় ইহার মস্তকো-পরি দুই শৃঙ্গ ব্যতীত ললাটের পুরোভাগে এক তৃতীয় শৃঙ্গের মূল আছে। জীবিত-পশুতে তাহা কেবল উচ্চ মাত্র বোধ হয়, কিন্তু স্বগ্ৰবিমোচন করিলেই স্পষ্ট প্রত্যক্ষ হয়, যে ঐ উচ্চতা ললাট-স্থিহইতে পৃথক এক খণ্ড অস্থি দ্বারা জন্মে; অন্য পশুতে ঐ অস্থির সদৃশ কোন অস্থি নাই। মস্তকোপরিস্থ শৃঙ্গের অগুণাগ স্কুল-কেশে মণ্ডিত।

জিরাফার জিহ্বা অতি আশ্চর্য্য। তাহা অনায়াসে প্রসারিত বা সঙ্কুচিত হইয়া থাকে; এবং প্রসারিত হইলে মুখহইতে এক হস্ত বহি-গত হইয়া পড়ে। তাহার উপরি কতকগুলি

\* বিবিধার্থের ২ খণ্ডে ২০ পৃষ্ঠে দেখ।



জিরাফা পশু।

কণ্টক থাকে, তাহাও স্বেচ্ছানুসারে নত বা উন্নত হইতে পারে। হস্তবৎ ঐ প্রসারিত জিহ্বা দ্বারা জিরাফারা অনায়াসে শাখাগু ভগ্ন করিয়া ভক্ষণ করিতে সক্ষম হয়।

প্রস্তাবিত পশুর চক্ষুঃ বৃহৎ, এবং তাহার কিয়-দংশ চক্ষুকোটরহইতে বহিগত; এই প্রযুক্ত শিরশ্চালন না করিয়া এই পশু অনায়াসে তা-হার পশ্চাতে স্থিত পদার্থ দেখিতে পারে।

ইহার বর্ণ পাত, এবং তদুপরি কৃষ্ণবর্ণের চিত্র হয়। পুংপশু অপেক্ষায় স্ত্রীর বর্ণ কিকা এবং তাহার বদনের চিত্র কটাবর্ণ।

ইহাদের দন্ত-সঙ্খ্যা ৩২; তন্মধ্যে চর্ষণ-দন্ত ২৪, এবং ছেদন-দন্ত ৮; ঐ ছেদন-দন্ত-সমস্ত হনুদেশে স্থিত; উপরের মাড়ীতে তাহার একটিও জন্মে না, ফলতঃ গোছাগাদিবৎ ইহাদের উপর-মাড়ীর পুরোভাগে দন্ত নাই।

বিধাতা প্রস্তাবিত-পশুদিগকে শাখাগু ভক্ষ করিয়া ভক্ষণ করিতে সৃষ্টি করিয়াছেন, সুতরাং তদ-থেই ইহার প্রস্তুত। ইহার আফরিকা খণ্ডস্থ বা-বলা-বৃক্ষ ভক্ষণ করিয়া দিনপাত করে; তৃণক্ষেত্রে চরণ করিতে হইলে ইহাদিগকে অত্যন্ত কেশ পা-ইতে হয়, কারণ পুরোবর্তিপদদ্বয় অত্যন্ত প্রসা-রিত অথবা জানুদ্বয় ভূমিতে আরোপিত না করিলে তাহাদের বদন ভূমি-স্পর্শ করিতে পারে না।

জিরাফা পশু দলবদ্ধ হইয়া বাস করে; এবং আপদহইতে পলায়ন করিয়া প্রাণ রক্ষা করা শ্রেয়-স্কর বোধ করে; পরন্তু শত্রু নিকটবর্তী হইলে পলায়ন-সময়ে তাহাকে ভয়ানক-বেগের সহিত পদাঘাত করিতে ত্রুটি করে না। স্বভাবতঃ ইহার ধীর, এবং বাল্যকালাবধি গৃহে প্রতি-পালিত হইলে অনায়াসে মনুষ্যের বশ্য হয়। এতৎপশু-দর্শনাভিলাষিরা লার্ড সাহেবের চান-কের উদ্যানে অথবা কলিকাতাহু শ্রীযুক্ত বাবু রাজেন্দ্র মল্লিক মহাশয়ের সুচাক বিহঙ্গমশালায় গিয়া আপন অভীষ্ট সিদ্ধ করিতে পারেন; পরন্তু ইহা স্মর্তব্য, যে উক্ত স্থানস্থ পশু প্রাপ্ত-বয়স্ক নহে; প্রাপ্ত বয়স্ক পশু সাদৃশ্য হস্ত উচ্চ হয়।

## গলিবরের ভ্রমণ বৃত্তান্ত।

দ্বিতীয়াধ্যায় প্রারম্ভ।

লিলিপট দেশীয় সম্রাটের সভ্যসমাজে পরিবৃত্ত হইয়া গৃহকর্তাকে বন্ধনাবস্থায় দেখিতে আসা, ও তাঁহার আ-কার প্রকার বর্ণনা। গৃহকারকে তদদেশীয় ভাষা শিক্ষা করাইতে নিপুণতর পণ্ডিত শিক্ষক নিযুক্ত হওন; মুশীলতা নিবন্ধন গৃহকারের রাজানুগ্রহপ্রাপ্তি; পরিচ্ছদাদি অশ্বে-ষণপূর্বক গৃহকারের নিকটহইতে তলবার ও বন্দুক কাড়িয়া লওন।

তদ্রূপে মুক্তবন্ধন হইয়া চতুর্দিক নিরী-ক্ষণ করত বোধ করিলাম, আমি এমন আশ্চর্য্য ব্যাপার আর কখন নয়ন-গোচর করি নাই। সমুদয় দেশ একটা উদ্যানের ন্যায় বোধ হইল। তনিকটবর্তি প্রান্তর ভূমি সকল উর্দ্ধ সঙ্খ্যায় চল্লিশফিট চতুরসু ক্রোশের অধিক হইবেক না, সে সকল বোধ হইল যেন চল্লিশটা পুষ্পের চৌকার ন্যায়। ঐ সকল ক্ষেত্রের মধ্যস্থ উদ্যান ৭৮ ফিট প্রশস্ত হইবেক। আর তত্রত্য উচ্চতম বৃক্ষের দীর্ঘতা পরিমাণ প্রায় ৭ ফিট। বামদিকে অবলোকন করিয়া দেখিলাম, তথাকার প্রধান নগর চিত্রপটে লিখিত কোন নগরের ন্যায়।

কিয়ৎকাল পরে তত্রত্য নরপাল নিজ প্রাসাদ-হইতে অবতীর্ণ হইয়া অস্বারোহণ পুরঃসর আমা-দিকে অগুসর হইয়া আসিতে লাগিলেন। কিন্তু তাদৃশ সমাগম তাঁহার পক্ষে বড় সুসাদ্য বোধ হয় নাই। কারণ তাঁহার আরোহণের অশ্বটি সুশি-ক্ষিত ছিল বটে; কিন্তু তাহার জন্মাবস্থিও এতাদৃশ মাদৃশ বিকটাকার প্রাণী দর্শন হয় নাই, সুতরাং আমার আকৃতি জঙ্গমশৈলের ন্যায় তাহার দৃষ্টি পথে পতিত হইবামাত্র সে তৎক্ষণাৎ চমকিত

হইয়া বারম্বার অগ্নিম পাদদ্বয় উত্তোলন করিতে লাগিল, কিন্তু সম্রাট অস্বারোহণে অতি নিপুণ ছিলেন; একারণ আসনচ্যুত হইয়া পড়িলেন না। তদবসরে তাঁহার পারিষদগণও তাহার সমীপস্থ হইয়া ঘোটকের রশ্মি ধারণ করিলে ভূপাল তা-হাহইতে অনায়াসেই ভূমিতে অবরোহণ করি-লেন। অনন্তর তিনি বিস্ময়রসে নিমগ্ন হইয়া বার-ম্বার আমার বৃদ্ধাকার নিরীক্ষণ করিতে লাগি-লেন; কিন্তু আমার বন্ধন শৃঙ্খলের অগম্য স্থানেই দণ্ডায়মান রহিলেন। ক্ষণকাল বিলম্বে তদাজ্ঞায় পা-চক ও পরিচারকবর্গ অল্প ব্যঞ্জন ও বিবিধ পানীয় দ্রব্য এবং ফলমূল প্রভৃতি আমাকে অভ্যবহার করা-ইবার জন্য প্রস্তুত করিয়া শকটযন্ত্রে সমারোপিত করিয়া আমি হস্ত প্রসারিলে পাইতে পারি এমন স্থানে আনিয়া রাখিল। আমিও তথাহইতে ভক্ষ্য ভোজ্য পানীয় দ্রব্য পূরিত পাত্রাদি লইয়া অবিল-ম্বেই শূন্য করিলাম। তন্মধ্যে বিংশতিটা পাত্র মাংসপূর্ণ ও দশটা রুদ্র্য পূর্ণ ছিল। মাংসের বিংশ-শতিটা পাত্র তিন গুন্সে খাইয়া ১০ পাত্র মদ্য এক এক ঢোকে পান পুরঃসর নিঃশেষ করিলাম। অব-শিষ্ট যাহা ছিল তাহাও এতদ্রূপে উদরস্থ হইল। রাজ্যেরা এবং যুবতী রাজকুমারীরা বহুসঙ্খ্যক প্রিয় বয়স্গা সখী সমভিব্যাহারে আসিয়া আমার কি-ঞ্চিৎ দূরে স্ব ২ আসনে উপবেশন করিল। পরে অকস্মাৎ সম্রাটের অশ্ব কোন ঔদ্ধত্য প্রকাশ করি-য়াছিল ইহাতে ঐ সকল স্ত্রীলোক নিরতিশয় ভীত হইয়া যে রূপে সম্রাটের সন্নিধানে উপস্থিত হইতে লাগিল; তদ্বিষয়ে আমি কিঞ্চিৎ বর্ণনা করিতেছি। সম্রাটের দেহদৈর্ঘ্য আমার বৃদ্ধাঙ্গুষ্ঠ হইতে কিছু অধিক। কিন্তু ততুল্য দীর্ঘাকার তৎ-সভায় আর কেহই ছিল না। তাহার আকার দর্শন করিবামাত্র দর্শকের মনে ভয় ও বিস্ময়ের

উদেক হইত। তৎকালীন রাজার বয়স ২৮ বৎসর ছিল, তন্মধ্যে প্রায়ঃ সাত বৎসর নানা দিগিজয় করিয়া মহতী শান্তি প্রাপ্ত হইয়াছিলেন। তাহার আকার প্রকার সুচাক্রুপে দর্শন করিবার মানসে আমি পার্শ্ব ফিরিয়া শয়ন করিলে রাজা আমা-হইতে ৫৬ হাত দূরে দণ্ডায়মান রহিলেন। যাহা হউক আমি অনেকবার তাহাকে হাতে পা-ইয়াছিলাম; সুতরাং তাহার বেশভূষাদির বর্ণনে কিছু মাত্র ত্রুটি করিব না। তাঁহার পরিচ্ছদ অতি পরিষ্কার ও সহজ, না আসিয়াদেশীয় রাজবস্ত্রের মত অলঙ্কার বিভূষিত না ইউরোপদেশীয় ভূপা-লদিগের পরিচ্ছন্ন পরিচ্ছদ ন্যায় আভরণ হীন বোধ হয় কিন্তু উভয়ের মাঝামাঝি বসিতে পারা যায়। আবার তাঁহার মস্তকে নানা রত্ন সুশোভিত এক সুবর্ণময় ক্রীট ছিল। তাহার চূড়ায় কোন উৎ-কৃষ্ট পক্ষির পুচ্ছ। দৈবাৎ বিমুক্তশৃঙ্খলাবন্ধন হইয়া পাছে আমি অত্যাচার করি, এই ভয়ে সম্রাট স্বহস্তে একখানি নিক্ষেপ অসি ধারণ করিয়াছিলেন; তাহার দৈর্ঘ্যপরিমাণ প্রায় তিন বুকুল হইবেক। তাহার তরু ও কোষ হীরক খচিত হাটকময়। ঐ রাজার স্বর অতি সূক্ষ্ম, কিন্তু সুস্পষ্ট এবং অভিব্যক্ত বর্ণাত্মক। এমন কি দণ্ডায়মান হই-লেও তাহা আমার কর্ণকুহরে স্পষ্টরূপে পুবিষ্ট হই-য়াছিল। রাজবংশীয় ও অমাত্য বংশীয় স্ত্রীলোকেরা সুচাক্রুপে পরিচ্ছন্ন হইয়া কৌতুক দর্শনার্থ তথায় উপস্থিত ছিল। তাহাদের অবস্থানের স্থান দশনে বোধ হইল যেন একখানি উৎকৃষ্ট সাটোন বস্ত্র মণ্ডিত ভূমি ও তদুপরি কলধৌত ও রজত নির্মিত পুতলিকাবৎ সুচীদ্বারা কোন শিম্পী কিছু চিত্রণ কর্ম করিয়া রাখিয়াছে। ঐ মহারাজ ভূয়ো-ভূয়ঃ আমার প্রতি বাক্য প্রয়োগ করিতে লাগি-লেন; আমিও উত্তর দিলাম; কিন্তু ইহার মধ্যে

কে কি কছিল উভয়ের মধ্যে কাহারো তর্ক বোধও হইল না।

অধিকন্তু আর কতিপয় ব্যক্তি তথায় উপস্থিত ছিল, তাহাদের রীতি নীতি ধারা প্রভৃতির ভাব দেখিয়া বোধ হইল এক জন পুরোহিত ও অপরেরা ব্যবস্থাপক কেবল আত্মপরিচয় প্রদান মানসে আমার সমীপাগত হইল। ডচ, ল্যাটিন, ফরাসিস্ স্প্যানীয়, ইটালিয়ান প্রভৃতি যে কএকটা ভাষায় আমার কিছু ২ অভিজ্ঞতা ছিল, তৎসমুদায়েতেই আমি কথা কহিয়া দেখিলাম; কিন্তু কোন ফল দর্শিল না। সে বাহা হউক এই কাপে দুই ঘণ্টা থাকিয়া সভা ভঙ্গ হইল। অনন্তর মদর্শনাভিলাষি সমাগত ইতর লোকেরা যথামা- হসে আমাকে বেঞ্জন করিয়া দাঁড়াইলে পাছে আমি তাহাদের উপরি কোন প্রকার অত্যাচার বা স্বয়ং কিছু দুষ্টতা করি, এই ভয়ে রাজা আমাকে অনেক রক্ষকের হস্তে সমর্পণ করিয়া গেলেন। তন্মধ্যে পরিদেবনাশূন্য কএক ব্যক্তি ছিল, তাহারা আমি সেই গৃহদ্বারে উপবিষ্ট হইবামাত্র আমার গাত্রে বাণ বর্ষণ করিতে লাগিল; তাহার একটায় আমার বামচক্ষুর কিঞ্চিৎমাত্র হানি হইয়াছিল। এই উপ- লক্ষে তাহাদের সেনানায়ক (কর্নেল) তন্মধ্যস্থিতে দুই ২ লোক ধরিয়া বাঁধিতেও তাহাদিগকে আ- মার করালকরে সমর্পণ করিতে আদেশ করিলেন।

তদনুসারে সেনারাও তাহাদিগকে বন্ধনপূর্বক আ- পন ২ ভল্লাস্ত্র (বল্লম) দিয়া ঠেলিতে ২ আমি হাতে পাই এমন স্থলে আমার সম্মুখে আনিয়া উপ- স্থিত করিল; আমি ও তৎক্রমে দক্ষিণ হস্ত দিয়া তাহাদের সব কএক জনকে ধরিয়া ৫ টা আপন পরিচ্ছদের জেবের মধ্যে রাখিলাম ও যথেষ্ট প্রতি এমনি মুখ ভঙ্গী দেখাইলাম, যে সে বোধ করিল যেন আমি তাহাকে জীবদবস্থায়ই গুলি করিব, ইহা দেখিয়া ঐ নিকপায়ব্যক্তি অত্যন্ত ভয়ে চীৎ- কার করিয়া উঠিল। তাহাতে সৈন্য সেনাপতির ও যৎপরোনাস্তি মনঃকোভ হইয়াছিল। বিশেষতঃ আমাকে আপন জেবহইতে ছুরিকা বাহির করিতে দেখিয়া সে তাহার জীবনের আশায় এককালে জ- লাঞ্জলিই দিল। কিন্তু আমি অবিলম্বেই তাহাদিগকে নির্ভয় করিলাম। কারণ আমি সদয় ভাবে তাহার বন্ধন রজ্জুচ্ছেদন করিয়া তাহাকে ভূমিতে ছাড়িয়া দিলাম, সেও তৎক্রমে পলায়ন করিয়া গেল। এই কাপে অবশিষ্ট পাঁচ জনের এক ২ টিকে বাহির করিয়া বন্ধনচ্ছেদন ও মুক্ত করিয়া দিলাম। ইহাতে তত্রত্য সৈন্যসামন্ত ও সমাগত ইতর লোক সকল আমার দয়াদুর্চিত্ততা দর্শনে নিতান্ত হৃষ্টভাবে সন্তোষ প্রকাশ করিতে লাগিল। অনন্তর তাহারা বাহুল্যক্রমে স্বভ্য রাজার কর্ণগোচরও করিয়া- ছিল।

## বিবিধার্থ-সঙ্গ্রহ,


অর্থাৎ

পুরাবৃত্তেতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

৩ পর্ষ]

শকাৎ ১৭৭৬, আষাঢ়।

[২৮ খণ্ড।



মোগল-জাতির আবাস।

### মোগল-জাতির বিবরণ।



হিলাদিগের প্রসঙ্গে মোগলদি- গের পুনঃ ২ উল্লেখ হওয়াতে অনেকে তজ্জাতীয়-বিষয়ে জি- জ্ঞাসু হইয়াছেন; এতৎ প্রযুক্ত

অধুনা সেই অভিলাষ সিদ্ধ করিবার প্রযত্ন করা যাইতেছে।

আসিয়া-খণ্ডের মধ্য-প্রদেশে যে সকল মনুষ্য বসতি করে, তাহারা তিব্বত, তঙ্গুসু, তাতার, এবং মোগল, এই জাতি চতুষ্টয়ে বিভক্ত আছে; তন্ম- ধ্যে যে সকল মনুষ্যেরা নেপাল-দেশের উত্তরে

বসতি করে, তাহারা তিব্বত নামে প্রসিদ্ধ, এবং তাহাদের নামহইতে তাহাদিগের নিবাস ভূমির নামও তিব্বত হইয়াছে। কাঙ্গীয়-হুদের পূর্বে গোবি-মক্ভূমি-পর্যন্ত প্রদেশ তাতার-জাতীয়দিগের বাসস্থান। গোবির উত্তরে মাঞ্চুরিয়া-পর্যন্ত সমস্ত জনপদ যে সকল মনুষ্য সমাকীর্ণ তাহারা মোগল বা মোঙ্গল নামে বিখ্যাত। অপর এই জাতি-ত্রয়ের নিবাস-ভূমির স্থানে ২ অন্য এক জাতীয় মনুষ্য থাকে, তাহাদের নাম তঙ্গুস।

পূর্বকালে মোঙ্গল ও তাতার জাতির মধ্যে কোন বিশেষ প্রভেদ ছিল না; উভয়েই তাতার-নামে বিখ্যাত ছিল। অনেকে কহে তাহারা গগ ও মেগগ নামা দুই সহোদর তাতার সম্ভান; ফলতঃ কাঙ্গীয়-হুদহইতে চীন-দেশের উত্তর-ভাগ-পর্যন্ত সমস্ত-প্রদেশবাসিনা এক জাতীয়, বহুকাল দলভেদ হওয়াতেই তাহাদের জাত্যংশে ভেদ হইয়াছে। রযীদউদ্দীন-নামা প্রসিদ্ধ পারস্য-ইতিহাসবেত্তা লেখেন, সাড়ে আট শত বৎসর হইল আলজোয়ারা-নামী প্রসিদ্ধা রমণীর পরাক্রমশালী পুত্রেরা আপনাদিগের বীর্য প্রকাশ-করণার্থে বীর্যজ্ঞাপক মোঙ্গল-উপাধি ধারণ করিয়াছিল; এবং ক্রমশঃ তাহাদের বংশ ও পরে তাহাদের দলবল সকলেই ঐ উপাধি ধারণ করিয়া মোঙ্গল-জাতির সৃষ্টি করে।

আলজোয়ার জ্যেষ্ঠপুত্রের নাম বদান্তজার; তিনি বিশিষ্ট ক্ষমতা-সম্পন্ন ছিলেন, এবং তাহার রাজ্য মাঞ্চুরিয়াহইতে গোবিমক্ভূমির পশ্চিম পার-পর্যন্ত বিস্তৃত ছিল; তৎপুত্র উক্ত স্থান অদ্যপি মোঙ্গোলিয়া নামে বিখ্যাত আছে।

মোঙ্গলদিগের কার্যিক সৌষ্ঠব উত্তম নহে। প্রধানতঃ নিরামিষ ভোজিপুঞ্জ মোগলেরা পশ্চিম দেশীয় আমিষ-প্রিয় তাতারদিগের অপেক্ষায়

খর্বকায়, এবং লঘু। তাহাদের জঙ্ঘা অতি খর্ব, এবং তৎপুত্র সমস্ত দেহ খর্ব বোধ হয়। অশ্রু-প্রচুর নহে, কিন্তু মস্তকের কেশ চিক্ণ কৃষ্ণবর্ণ ও দীর্ঘ, মোগলেরা ঐ কেশের একটি বেণী করিয়া পৃষ্ঠদেশে লম্বমান করিয়া রাখে। নয়নদ্বয় পরস্পর অতি অন্তর ও তীর্যগ-ভাবে স্থিত, নাসিকা ক্ষুদ্র ও খর্ব, এবং কপোল উচ্চ। ইহাদিগের হনু দীর্ঘ, কিন্তু তত্রত্যদন্তপাক্তি উদ্ধ মাড়ির দন্তপাক্তি হইতে পশ্চাৎ স্থিত, ফলতঃ অনেকের দন্ত অধরোপরি স্থাপিত। বর্ণ উত্তম গৌরাজ (চম্পক-বর্ণ) বটে, কিন্তু অবয়ব তাদৃশ সুশ্রী নহে। বল-বীর্য-চপলতা দিগুণ ইহাদিগের ঐকান্তিক সম্পত্তি-মধ্যে গণ্য, কেহই তাহাতে বঞ্চিত নাই।

চীনদেশীয়দিগের সহিত সংশুব হইবার পূর্বে মোঙ্গলেরা অদম্য, জুর, এবং বিবাদ-তৎপর ছিল, কিন্তু অধুনা শান্ত, সরল, এবং আতিথ্য-প্রিয় হইয়াছে, পরন্তু অদ্যপি এমৎ রিপূপবশ আছে যে দৈব রাগাধিত হইলে অদ্যপি তাহারা ক্ষিপ্তপ্রায় হইয়া থাকে।

কৃষিকার্য-সম্পাদনে মোগলেরা নিতান্ত বিমুখ; কেহই তৎকর্মে প্রবৃত্ত হয় না; প্রায়ঃ ভারতবর্ষের তুল্য বিস্তীর্ণ মোঙ্গলিয়া-প্রদেশে এক সহস্র কৃষক প্রাপ্ত হওয়া কঠিন। তত্রত্য সকলেই মেঘ, মর্ষিষ, ছাগ বা অশ্ব চারণ করিয়া দিনপাত করে। অপর তাহারা অচল গৃহাদি নির্মাণেও তৎপর নহে। তাহাদিগের দেশে ইষ্টক নির্মিত বাটী প্রায়ঃ নাই; হংসাদি-আচ্ছাদন করিবার টাপার ন্যায় কাষ্ঠ-নির্মিত ঠাটে মেঘনোম-নির্মিত মলিদার ন্যায় এক প্রকার স্থূল বস্ত্র আচ্ছাদিত করিলেই তাহাদের গৃহ প্রস্তুত হয়। ঐ গৃহের নাম “যের;” ৭৩ পৃষ্ঠে তাহার চিত্র মুদ্রিত হইয়াছে। গীষ্মকালে ঐ গৃহ দুই-হারা-লোমজ-

বস্ত্রদ্বারা আচ্ছাদিত থাকে; কিন্তু শীতকালে ঐ আচ্ছাদনের দ্বৈগুণ্য না করিলে দিনপাত করা দুষ্কর হয়। এই যের-নামক গৃহের মধ্যভাগে এক পাতে প্রজ্জলিত অগ্নি রাখে; এবং তজ্জাত-ধূম-নির্গমের নিমিত্ত গৃহোদ্ধভাগে এক ছিদ্র থাকে। মোঙ্গলিয়া-প্রদেশের কোন ২ স্থান অত্যন্ত শীতল; শীতকালে তথায় বাস-করা দুঃসাধ্য; এই পুঞ্জ মোগলেরা গীষ্মকালে তথায় বসতি করিয়া শীতের প্রারম্ভে তথাহইতে অন্যত্র প্রস্থান করে। অপর মোগলদিগের সম্পত্তি-মধ্যে অশ্ব, উষ্ট্র, ছাগ ও মেঘই প্রধান; তাহাদিগের চরণ-করণেতে এক স্থানের ক্ষেত্র তৃণ-শূন্য হইলে, সুতরাং অন্যত্র প্রয়াণ করিতে হয়, এই কারণবশতঃও মোগলেরা বহুকাল একস্থানে বাস করিতে পারে না; সর্বদা স্থানে ২ ভ্রমণ করিতে বাধ্য হয়, এবং তন্নিমিত্তে বাদশ গৃহ অনায়াসে স্থানান্তরিত হইতে পারে, তাদৃশই প্রস্তুত করে, ও গৃহ-সজ্জার সামগ্ৰী অধিক সঙ্গ্রহ করে না।

পূর্বে উক্ত হইয়াছে, মোগলেরা নিরামিষ ভোজী, পরন্তু তাহারা অন্ততঃ যে মাংস-ভক্ষণ করে না এমত নহে, মধ্যে ২ মেঘ মাংস ব্যবহার করিয়া থাকে। পরন্তু দুগ্ধই তাহাদিগের প্রধান আহার, এবং তাহা নানাপ্রকারে প্রস্তুত করিয়া গৃহণ করে। দুগ্ধে বা চার জলে যবের শঙ্কু সিদ্ধ করিয়া ভক্ষণ করাই প্রসিদ্ধ রীতি। তাহারা অশ্বিনী-দুগ্ধ অতি-প্রিয় জ্ঞান করে; এবং তদুগ্ধের তক্রে এক প্রকার মদ্য প্রস্তুত করিয়া পান করিয়া থাকে। শুদ্ধজল পান করা মোগলদিগের রীতি নহে। জলে চার-ইষ্টক নামা চা-বিশেষ সিদ্ধ করিয়া পান করাই ব্যবহার-সিদ্ধ। অনেকে ঐ চার জলে দুগ্ধ, লবণ ও নবনীত মিশ্রিত করিয়া তাহার স্বাদুতা-বৃদ্ধি করে; কদাপি ঘূতে ময়দা ভাজিয়া তাহাও ঐ

চার জলে মিশ্রিত করে। ঐ চা পান করিবার নিমিত্ত মোগলমাত্রেই আপন ২ বক্ষঃপ্রদেশে কাষ্ঠনির্মিত চাপান-পাত্র ধারণ করিয়া থাকে।

অশ্বারোহণে মোগলেরা অত্যন্ত তৎপর; তৎকর্মে তজ্জাতীয় কেহই অক্ষম নহে, এবং অতি বৃদ্ধেরাও প্রত্যহ বহু-ক্রোশ-পরিমিত-স্থান অশ্বারোহণে ভ্রমণ করিয়া থাকে। তাতার-জাতীয়েরা মাংসালী-পুঞ্জ মোগলহইতে স্থূলকায়, এবং বলিষ্ঠ, কিন্তু লঘুকায় মোগলের তুল্য অশ্বারোহণে কুশল হইতে পারে না।

পূর্বকালে মোগলদিগের আদিপুরুষেরা নানা-বিধ দেবদেবীর উপাসনা করিত। বিশেষতঃ বৈকাল নামক হুদ তাহাদের অত্যন্ত মান্য ছিল। ডেডু-সহসু বৎসরাবধি ইদানীন্তন মোগলেরা ঐ দেব-দেবীর বিনিময়ে বুদ্ধদেবের সেবায় তৎপর হইয়াছে; কিন্তু বৈকাল-হুদের মান্যতার লাভব হয় নাই; অদ্যপি সকলে তাহাকে যৎপরোনাস্তি মান্য করিয়া থাকে। তাহারা কহে “ঐ হুদের সমুদ্রাভিমান আছে; কোন নরাধম তদগর্ভে নৌকারোহণ করিয়া ঐ জলাশয়কে ‘দালাই’ অর্থাৎ সমুদ্র নামে সম্বোধন না করিয়া ‘ওসেরা’ অর্থাৎ হুদ শব্দে আবেদন করিলে তৎক্ষণাৎ সে মহাশঙ্কটে নিপতিত হয়; কারণ ঐ কুপিত হুদ তাহার শাস্তির নিমিত্ত ঝড় বৃষ্টি তরঙ্গ উৎপাদন করিয়া তাহাকে প্রাণে বিনষ্ট করে”। পরন্তু, শ্রুত আছে, এক জন সাহসপূর্ণ কবীয় মনুষ্য এবিষয়ের যথার্থ্য নিরূপণার্থে ঐ হুদের মধ্যভাগে আপন তরিরমধ্যে দণ্ডায়মান হইয়া ঐ হুদকে নিন্দাসূচক ওষেরা শব্দে সম্বোধন করিয়া তদুপরি এক গেলান মদ্য ঢালিয়া দিয়াছিল; কিন্তু ঐ হুদ তাহাকে কিছুমাত্র শাস্তি দেয় নাই। বোধ হয় বিদেশী বলিয়া হুদ তাহাকে ক্ষমা করিয়া থাকিবেক।

মোগলেরা যুদ্ধবিগুহে অপ্রসিদ্ধ নহে; পূর্বোক্ত বদান্তজার সমরনৈপুণ্যে সামান্য ছিলেন না। তাঁহাইতে দশম পুরুষ জঘনিস্থা আশিয়া-খণ্ডের অধিকাংশ জয় করিয়াছিলেন; ও তাঁহার পুত্র পোত্র বাবরশাহ ভারতবর্ষে মোগল-রাজ্য সংস্থাপন করেন। অপর এই মোগল-রাজবংশে আতিনা-পুত্রিত অনেক সুপ্রসিদ্ধ মহীপাল জন্মগুহণ করিয়া পারস, তুর্ক, চীন, ভারতবর্ষ, ও ইউরোপের কএক প্রদেশ জয় করিয়াছিলেন।

### গলিবরের ভ্রমণ বৃত্তান্ত।

আমি যে ঘরে থাকিতাম তথায় ভূমিশয়্য অবলম্বন করায় রাত্রিকালে আমার বড় ক্লেশ হইত। করি কি, ক্রমাগত এই ক্লেশে এক পক্ষ যাপন করিতে হইল। অনন্তর রাজাজ্ঞায় আমার জন্য এক শয়্যা প্রস্তুত হইয়াছিল। তাহার আপনাদের ব্যবহারের মত ছয় শত শয়্যা একত্রে এক শুকট বোঝাই করিয়া আনিলাম, এবং ঐ গৃহ মধ্যে প্রস্তুত করাইল। তন্মধ্যে দেড় শত শয়্যা দীর্ঘ প্রস্থে যুড়িয়া ও উপর্যুপরি চারিতল করিয়া সীবন হইল। যাহা ইচ্ছা তাহাই হউক, আমি তৎকালে সেই প্রস্তরময় মেজিয়ারূপ-শয়্যার কাঠিন্য জনিত যাতনাইতে মুক্ত হইলাম। উক্ত সঙ্খ্যানরূপ তাহার আমার জন্য চাদর, কস্বল, পর্য্যক্লচ্ছদ প্রভৃতি অপর্যাপর ব্যবহার্য বস্ত্রাদিও প্রস্তুত করিয়া দিয়াছিল। ফলতঃ এত দিন ক্লেশে কালহরণ করিয়া এই কএকখানা বস্তুর সাহায্যে ও যথেষ্ট বলিয়া মানিতে হইবেক।

রাজ্যমধ্যে আমার উপস্থিতির সংবাদ প্রচার

হইবামাত্র কি ধনী, কি অলস, কি কুতূহলী, সকলেই আমাকে দেখিবার জন্য আসিয়াছিল। বলিতে কি, গুম সকল শূন্যপ্রায় হইয়াছিল।

যদি রাজা তৎকালে রাজ্য মধ্যে ঘোষণাদ্বারা নিবারণ করিয়া না পাঠাইতেন, তাহা হইলে কৃষাদি ও সাংসারিক ব্যাপারের মহাশৈথিল্য হইয়া উঠিত। রাজা যাহারা আমাকে দেখিয়াছিল, তাহাদের সকলকেই বাটীতে ফিরিয়া যাইতে, এবং সভার বিনা অনুমতিতে আমার গৃহের নিকটস্থ শতহস্তের মধ্যে কাহাকেও না আসিতে দিতে, আজ্ঞা করিয়া পাঠাইয়াছিলেন। এই উপলক্ষে অধ্যক্ষেরা যৎপরোনাস্তি লাভ করিয়াছিল।

এদিকে রাজা সশঙ্ক হইয়া ভ্রয়োভয়ঃ সভ্যদিগকে আশ্বাসন করিয়া নানা উপলক্ষে আমার বিষয়ে বাদানুবাদাদি করিতে লাগিলেন। পরিণামে এক জন সদাশয় নিগূঢ়তত্ত্বজ্ঞ মহাত্মা বন্ধুর প্রমুখ্যে অবগত হইলাম; যে সমস্ত রাজা আমাঘটিত বিষয়ালোচনাজনিত-মহাক্লেশে দিনযামিনী যাপন করিতেছেন। আদৌ সভ্যেরা রাজাকে আমার বন্ধনোন্মোচন-করণের সুযুক্তি দিয়াছিল; কারণ দিন ২ আমার আহাৰাদি দ্রব্য যোগাইতে যাদৃশ ব্যয় হইতেছিল, তাহা যদি তদ্রূপে কিছু কাল হয়, তবে রাজ্যমধ্যে এককালে দুর্ভিক্ষ উপস্থিত হইবার সম্ভাবনা। কখন ২ বা তাহার এমনি পরামর্শ করিতে লাগিল, যে আমাকে কিছু আহাৰ না দিয়া অনাহারে শুষ্ক করিয়া মারিয়া ফেলে। কোন ২ সময়ে বিষমিশ্রিত-বাণে আমার মুখ নানিকা হস্ত পাদাদি সর্বাঙ্গ বিদ্ধ করিয়া সংহার করিতে উদ্যত হয়; কিন্তু পাছে আমার মৃতদেহের পুতিগন্ধ রাজ্য মধ্যে বিস্তৃত হইয়া রাজধানী কিম্বা সম্ভবতঃ সমুদায় রাজ্যমধ্যে মহামারী উপস্থিত কবে, এই আশঙ্কাই

তাহাদের তৎকরণের প্রতিবন্ধক হইয়াছিল। এ সমস্ত নানাপ্রকার পরামর্শ হইতেছে, এমৎ-সময়ে কএক জন সৈনিক সভাগৃহদ্বারে উপস্থিত হইল। তন্মধ্যে দুই জন আমার পক্ষ হইয়া সবিনয়ে নিবেদন করিল, “মহারাজ! এই মহাবীর আমাদের ছয় জন দোষিকে ধরিয়া মোচন করিয়াছে, এ বড় সদাশয়”। এই কথা শুনিবামাত্র সমস্ত-রাজার মনে এমনি সন্দাব উদয় হইল, যে তিনি তৎক্ষণাৎ ঘোষণাদ্বারা অষ্টাদশশত হস্তবৃত্ত ঐ নগরে ও তদুপান্তিমগুমসমুদয়ে এই আদেশে ডিগ্গিম প্রচার করিয়া দিলেন, যে “আমার আহাৰার্থে গুমস্থ সমস্ত লোকদিগকে অনুক্রমে প্রতিদিন প্রাতঃকালে ৩ টি গো ৪০ টি মেঘ ও তদুপযুক্ত অন্যান্য খাদ্য ও পের দ্রব্যাদি পাঠাইতে হইবেক, এবং যাহা তাহার উপযুক্ত মূল্য তাহা রাজভাণ্ডারহইতে প্রদত্ত হইবেক”। কারণ তথাকার এই প্রথা যে রাজার সংসারযাত্রা নির্বাহ একপ্রকার নিষ্কর ভূমির উপস্থিত হইতেই হইত, কোন দৈব প্রয়োজন উপস্থিত হইলে রাজ্যস্থ প্রজাবর্গ একবাক্যে যৎকিঞ্চিৎ ২ প্রদান পূর্বক তৎকার্য সমাধা করিত। সে যাহা হউক আমার দৈনন্দিন পরিচর্যা সমাধানার্থ রাজা ৩০০ লোক বিনাবেতনে কেবল আহাৰ দানপণে নিযুক্ত করিয়া দিলেন। আমার গৃহদ্বারের উভয়-পার্শ্বে তাহাদের শিবির সংস্থাপিত হইল। অপর তদেশপ্রচলিত পরিচ্ছদের ন্যায় আমার বেশোপযুক্ত-পরিচ্ছদ-প্রস্তুত-করণার্থ তিন শত সুচীজীবা, এবং তদেশীয়ভাষা-শিক্ষা প্রদানার্থ ৩ জন উপযুক্ত সুশিক্ষক, নিযুক্ত হইল। পরে রাজকীয় অশ্ব ও দেশীয় মান্য লোক এবং রক্ষার্থ নিযুক্ত সৈন্যসামন্তাদি সকলেই আমার সম্মুখে নিঃশঙ্কায় যাতায়াত করণের অনু-

শীলন করিতে লাগিল। ফলতঃ ইত্যাদি ব্যাপার সকল রাজাজ্ঞানুসারে বিশিষ্ট-প্রকারে চলিতে ত্রুটি হইল না। তিন-সপ্তাহের মধ্যে আমার তদেশীয় ভাষার যথেষ্ট শিক্ষা হইল! তদানীং রাজাও সশরীরে আসিয়া যৎপরোনাস্তি সন্মান সহকারে আমার তত্ত্বাবধারণ করিতেন; এবং আমার শিক্ষার্থ শিক্ষকদিগকে সাহায্য করিতে মহা সন্তুষ্ট হইতেন।

এখন তাঁহার সহিত আমি এক প্রকার কথা কহিতে আরম্ভ করিলাম, আমার বন্ধন মুক্তি বিষয়ক কথাবাত্তাই প্রথম শিক্ষা হয়। রাজা আমার নিকট আগমন করিবামাত্র আমি প্রতিদিন ভূমিপাতিত-জানু হইয়া ঐ কথাই বার বার কহিতাম। তৎশ্রবণে তিনিও উত্তর দিতেন “হাঁ, কাল সহকারে তুমি মুক্তবন্ধন হইবে; কিন্তু আপাততঃ সভাসদগণের সহিত একমত্যে পরামর্শ করা, বিশেষতঃ আমার রাজ্যের শান্তিভঙ্গের অকরণ-বিষয়ে তোমার শপথ করা ব্যতীত তুমি মুক্তি পাইতে পার না।” সে যাহা হউক রাজা আমার প্রতি সর্বতোভাবে দয়া প্রকাশ করিতে লাগিলেন। মধ্যে ২ রাজা ধৈর্য ও গান্ধীর্ঘ্য সহকারে প্রজাবর্গের ও তাঁহার অনুরাগ-ভাজন হইতে আমাকে ভ্রয়োভয়ঃ অনুরোধ করিতে লাগিলেন, আরো রাজার মনের এই অভিপ্রায় বোধ হইল, “যে একেত এ এতাদৃশ বৃহৎকায় তাহাতে আপনকার উপযুক্ত অস্ত্র শস্ত্র রাখিলেও রাখিতে পারে, যদি ইহার উপরি আবার অস্ত্রাদি রাখিয়া থাকে, তবেত যাহার পর নাই ভয় ও বিপদ ঘটনার সম্ভাবনা, অতএব আশঙ্কাপ্রযুক্ত যদি তিনি কতিপয় সেনা পাঠাইয়া আমার শরীর ও বস্ত্রাদিতে গুপ্ত ধৃত-অস্ত্র শস্ত্র অনুসন্ধান



করান, তাহাতে আমি মনে ২ বিষয় বা ক্রুদ্ধ না হই।” রাজার এতাদৃশ অভিপ্রায় অবগত হইয়া আমি কহিলাম, “আমি তোমার সম্মুখে নগ্ন হইয়া সর্বাঙ্গ ও পরিধিত পরিচ্ছদাদি দেখাইতেছি, আপনি নির্ভয় ও সন্তুষ্ট হউন।” এই সমস্ত বিষয় আমি তাঁহাকে কতক কথায় কতক বা ইঙ্গিতদ্বারা অবগত করাইলাম। ইহাতে তিনি উত্তর করিলেন, “রাজ্য পুচলিত-ব্যবস্থানুসারে আমার দুই জন সৈনিক যাইয়া তোমার বস্ত্রাদি অন্বেষণ করিবেক; কিন্তু তাহাতে তোমার অনুমতি ও সাহায্য ব্যতীত তাহা কদাচ সুসম্পন্ন হওয়া সম্ভবে না।” দয়া ও সদ্ভিচার প্রভৃতি গুণে আমার প্রতি রাজার যে প্রকার বিশ্বাস জন্মিয়াছিল, তাহাতে তিনি অন্যায়সে এককালে নিঃশঙ্ক হইয়া আমার হস্তে আপন সমস্ত লোকদিগকেই সমর্পণ করিতে পারিতেন। আর তাহারা যে ২ দ্রব্য আমাহইতে লইয়াছিল, ঐ নগরহইতে প্রত্যগমন-কালীন আমাকে সে সমস্তই তাহারা প্রতীদান করিয়াছিল। যাহা প্রত্যর্পণীয় বোধ হয় নাই, তাহার যে মূল্য আমি নির্দিষ্ট করিলাম, তদনুসারে তাহার সেই মূল্য তাহারা আমাকে দিয়াছিল।

সেই সকল দ্রব্য অন্বেষণার্থ উপস্থিত দুই জন সৈনিককে আমি হস্তে করিয়া তুলিয়া প্রথমতঃ আমার কুর্তির জেবের ভিতরে রাখিলাম, পরে ক্রমে ২ তাহাদিগকে এক জেবহইতে অন্য জেবে প্রবেশ করাইতে লাগিলাম, কিন্তু আমার ঘটকারকণের দুইটি জেব ও অন্য একটা গুপ্ত জেবের মধ্যে অনর্থক বোধে তাহাদিগকে প্রবেশ করাইলাম না, কারণ সামান্য ২ প্রয়োজন হইলে তাহাতে অসাধারণরূপে আমারই ব্যবহারে থাকে, অন্যের কিছুমাত্র সংশুব থাকিবার সম্ভাবনা নাই।

ঘড়ি-রাখিবার দুই জেবের একটাতে আমার একটা রূপার ঘড়ি, অপরেতে এক চীরখণ্ড-পুটিত কএক সুবর্ণ মুদ্রা ছিল। এই দুই জন ভদ্র সৈনিক কালী, কলম, কাগজ লইয়া আমার পরিচ্ছদের যেখানে যাহা অন্বেষণ করিয়া দেখিতে পাইল, তৎসমুদায়ই অবিকলরূপে পত্রাক্রম করিল। তত্ত্ব লওয়া শেষ হইলে তাহারা ঐ পত্র সমুদায়ের সুগোচর-করণ-মানসে আপনাদিগকে জেবহইতে নামাইয়া দিতে আমাকে অনুরোধ করিল। ঐ তালিকা-পত্র-লিখিত তাবদ্বিষয়ের একটি ২ কথা ধরিয়া নিজ-ভাষায় অনুবাদ করিলাম, যথা।

“মহারাজ! আদৌ আমরা এই নরশৈলের (কুইনবসকেপ্তিনের) কুর্তির দক্ষিণ জেব অনুসন্ধান করিয়া কেবল এক খানি প্রকাণ্ড স্থূল বস্ত্রখণ্ড দেখিতে পাইলাম; ইহাতে অন্যায়সে আপনার রাজ্যের প্রধানালয়ের মধ্যভাগ আবৃত হইতে পারে। বামদিকের জেবে একটা বৃহৎ রজতময় নিন্দুক বা করণ্ড (পেটার) প্রাপ্ত হইল, মাদৃশ অন্বেষণকারীদের পক্ষে তাহা উত্তোলন করা সুদূরপরাহত। আমরা ইহা অনাবৃত করিয়া দেখাইতে বাসনা করাতে তাহাই হইল; পরে আমরা তন্মধ্যে নামিয়া দেখিলাম, যে এক প্রকার ধুলির মধ্যে আমাদের আজানু পদ মগ্ন হইয়া গিয়াছে; আর তাহার অণুবৎ কিয়দংশ আমাদের উভয়ের মুখনানিকারন্ধ্রে প্রবিষ্ট হইতে আমরা অনবরতই হাঁচিতে লাগিলাম। ইহার ফতুয়ের দক্ষিণ জেবে দেখি যে শাদা ২ পাতলা কোন দ্রব্য উপর্যুপরিভাবে সাজান বড় এক গাছা কাছি দিয়া বাঁধা কাল ২ অক্ষরবৎ চিহ্নে চিহ্নিত তাহার প্রত্যেক চিহ্ন অক্ষরীয় অর্ধহস্ততল ন্যায়। ইহার বাম জেবে এক খানা

কোন যন্ত্রের মত এক বস্তু, মূলহইতে লম্বা ২ হস্ত কুড়িটা ষষ্টিবৎ পদার্থে সুসজ্জিত, অবিকল যেন মহারাজের সভামণ্ডপের সম্মুখস্থ কাঠগড়া বোধ হয়, নরশৈল তাহা দিয়া আপন মস্তকের কেশ বিন্যাস করিয়া থাকে, ইহার তথ্য জানিবার জন্য তাহাকে জিজ্ঞাসিয়া বিরক্ত করিলাম না; ফলতঃ বলিতে কি আমাদের কথা তাহাকে অবগত করান বড় সহজ ব্যাপার নহে। পায়জামার (রেনফুলোর) দক্ষিণদিকের বড় জেবের ভিতর একটা নৌহময় ভিতর কাঁপা কোন স্তম্ভবৎ পদার্থ দেখিলাম, সেটা এখানকার মানুষের মত লম্বা, তাহা হইতেও বড় এক খানা কড়িকাঠের ন্যায় শক্ত কাষ্ঠ তাহাতে বাঁধা, উহার এক দিকের উপরি দিয়া একটা প্রকাণ্ড নৌখণ্ড বাহির হইয়া রহিয়াছে, তাহা আবার এক প্রকার করিয়া কাটা; উহাদ্বারা কি ব্যবহার সিদ্ধ হয় তাহার কিছুই আমরা জানি না। উহার বাম জেবে ঐরূপ অপেক্ষা আর এক যন্ত্র রহিয়াছে! দক্ষিণের ক্ষুদ্রজেবে দেখি কতকগুলি গোল ২ চেপটা শ্বেত ও রক্তবর্ণ ধাতুনির্মিত খণ্ডবৎ বস্তু। তন্মধ্যে সাদাগুলিন রজতের বোধ হইল। বৃহৎ ও ভারীর কথা কি কহিব, তাহা সঞ্চালন করিতে আমাদের উভয়ের ক্ষমতা হইল না। বামদিকের জেবের মধ্যে অনিয়তগঠনের দুইটা ক্ষুণ্ণবর্ণ-স্তম্ভ দেখিলাম, ঐ জেবের তলে দণ্ডায়মান হইয়াও তাহার অগুভাগ স্পর্শ করিতে পারিলাম না। তাহার একটা আবৃত থাকায় কোন অখণ্ড পদার্থের ন্যায় বোধ হইল, কিন্তু অপরটার উদ্ধভাগে দেখা গেল যেন আমাদের মস্তকের দ্বিগুণ বড় শ্বেতবর্ণ গোলাকার কোন পদার্থ রহিয়াছে। এতাদৃশ ভয়ঙ্কর যন্ত্র দর্শনে শঙ্কিত-মনে তাহা দেখাইতে অকিঞ্চন করিবায় নরশৈলকে তাহা দেখাইতে হইল।

তিনি উভয় বস্তু নিক্ষেপ করিয়া আমাদিগকে জানাইলেন, যে উহার একের দ্বারা তিনি স্বদেশে আপন শ্মশ্রুকৌর ও অপর দিয়া ভোজন কালে মাংস কর্ভন করিতেন। অনন্তর আর দুইটা ক্ষুদ্র জেব ছিল, কিন্তু তন্মধ্যে আমরা প্রবেশ করিতে পারি নাই। দেখিলাম ইহার দক্ষিণ বগলি-হইতে এক গাছা রৌপ্য-শৃঙ্গল বাহির হইয়া রহিয়াছে। তাহার তলে এক আশ্চর্য যন্ত্র ছিল। আমাদের প্রার্থনানুসারে বাহির করিলে পর সেটা বোধ হইল, যেন বর্জুলাকার ও অর্ধেক রজতময় ও অর্ধেক কোন স্বচ্ছধাতু নির্মিত দ্রব্য বিশেষ। নরশৈল সেই যন্ত্রটি আমাদের কর্ণের কাছে ধরিলে বোধ হইল, যেন ইহাতে জলযন্ত্রবৎ অবিরতই ধ্বনি হইতেছে। মনে ২ করিলাম হয় তাহা কোন অজ্ঞাত পশু, নয় সেই নরশৈলের উপাস্য দেবতা হইতে পারে। আমরা ব্যগুতাসহকারে ইহার তত্ত্ব জিজ্ঞাসু হইলে তিনি আমাদিগকে এই বিজ্ঞাপন করিলেন, “যে ইহার সহিত এক মত না হইয়া আমি কোন কর্ম কখন করি না”, এই অস্পষ্ট কথার মর্ম যদি আমরা যথার্থরূপে বুঝিয়া থাকি তাহা হইলে আমাদিগকে তাহার উপাস্য দেবতাই বোধ করিতে হয়। বিশেষতঃ ইহা নরশৈলের জীবদশার তাবৎকার্যের সাধনোপযোগি সময় কহিয়া দেয়, একারণ তিনি ইহাকে দৈবভাষী বলিতেন। অপর বামদিকের বগলি বা ক্ষুদ্রজেবহইতে তিনি এক খানা জালবৎ দ্রব্য বাহির করিলেন, তাহা এত বড় যে তাহাতে অন্যায়সে ধীরদের কার্য-সাধন হইতে পারে, কিন্তু তাহা থলির ন্যায় বিস্তৃত ও সংকুচিত করা যায়, ও তাহা তদ্রূপে ব্যবহার করিতেও দেখিলাম। কএক খণ্ড পীতবর্ণ ধাতু তাহাতে

ছিল, যদি তাহা যথার্থ সুবর্ণ হয় তাহা হইলে তাহা বহুমূল্য হইবেক সন্দেহ নাই ।

“মহারাজ, আপনার আজ্ঞা শিরোধার্য করিয়া নিরতিশয় যত্নসহকারে তন্নকরণপূর্বক নরশৈলের পরিষ্কৃত পরিচ্ছদের জেব সকল অনুসন্ধান করিয়া দেখিলাম । অপর যে এক পুকাণ্ড পশুর চর্ম্মে নিম্নিত কটিবন্ধনে তাহার কটিদেশ বাঁধা রহিয়াছে, তাহাতে পাঁচ মানুষ লম্বা এক খানি আমি তাহার বাম ভাগে লম্বমান আছে, অপরদিকে দুই মুখে একটা থৈলী, তাহার এক ২ টা মুখে আপনার সমুদায় প্রজা অনায়াসে ধরিতে পারে । ইহারি একাংশে অক্ষদাড়ির মস্তকবৎ বর্জুলাকার গুটিকান্যায় অতিশয় ভারী ধাতুময় কোন পদার্থ, তাহা তুলিতে হইলে বড় বলবানের আবশ্যিক হয় । থৈলীর অপর ভাগে রাশীকৃত কৃষ্ণবর্ণ বালুকাবৎ বস্তু আছে, তাহা নিতান্ত গুরুতর নহে; আমরাও করতলে অকেশে ৫০ টা লইতে পারি ।

“নরশৈলের অঙ্গ প্রত্যঙ্গ অব্বেষিয়া যাহা ২ আমাদের নয়নগোচর হইল তৎসমুদায় অবিকল পত্রাক্রম করিলাম । শৈল মহাশয় আপনার আদেশ যৎপরোনাস্তি মান্য করিয়া আমাদের প্রতি বিশিষ্টরূপে ভদ্রতা প্রকাশ করিয়াছেন ইতি । এই পত্র আপনার শুভ রাজ্যের উন্নয়নবতিতম চান্দ্রমাসীয় শুক্ল চতুর্থীতে স্বাক্ষরিত হইয়া ক্লেফরিন্ ফেলক্, মারসি ফেলক্ এই বাক্য মধ্য মুদ্রায় মুদ্রাঙ্কিত হইল ইতি ” ।

ভূপাল সন্নিধানে যথাবিধানে এই নিষর্গট বা তালিকাপত্র পাঠ সমাপ্ত হইলে পর তিনি সাতিশয়-পুয়ত্ন-সহকারে আমাকে ঐ সকল রক্ষিত বস্তু সমর্পণ করিতে আদেশ করিয়া সর্বাঙ্গে তলবারের কথাই উল্লেখ করিলেন; তাহাতে

আমি তৎক্ষণাৎ সেই সকোষ অস্ত্রখানি ও অন্যান্য বস্তু সকল জেবহইতে বাহির করিলাম । ইতিমধ্যে তিনি রক্ষা-করণার্থে নিজ-সমীপস্থ মনোনীত প্রধান ২ তিন সহস্র সেনাকে কিয়দূরে আমাকে ঘেরিয়া দাঁড়াইতে আদেশ করিয়াছিলেন, তাহারাও তদনুসারে ধনুর্বাণ লইয়া সতর্কতা-পূর্বক সসজ্জ ও প্রস্তুত হইয়া রহিয়াছিল; কিন্তু সর্বতোভাবে রাজার প্রতি স্থিরদৃষ্টি হইবাতে সে সকল আমার দৃষ্টি পথে পতিত হয় নাই । ভূপতি অস্ত্রখানি নিষ্কোষ করাইবার অভিপ্রায় প্রকাশ করিবামাত্র আমি তাহা করিলাম । সমুদু জল লাগিয়া তাহার স্থানে ২ কিছু ২ নরিচা পড়িয়াছিল, কিন্তু অধিকাংশই উজ্জ্বল ছিল । ঐ সতেজ অস্ত্র করে করিয়া খেলিবার মত ইতস্ততঃ সঞ্চালন-করিবার-সময়ে সূর্যের তেজোবিশ্ব তাহাতে প্রতিবিম্বিত হইবামাত্র তাদৃশ চাকচক্য-শালী প্রতিকলিততেজে তাহাদের চক্ষু সকল দধ্ব বা বিদ্বপ্তায় হওয়াতে তাহারা সমুপজাতভয়ে ভীত ও বিম্মিত হইয়া উদ্বেগে চীৎকার শব্দ করিয়া উঠিল । রাজার মনোবৃত্তি নিরতিশয় দৃঢ় ছিল বলিয়া তাহার যত পরিমাণে ভয়হইতে পারিত অনুমান হয় তদপেক্ষায় অনেক ন্যূন হইয়াছিল । অনন্তর রাজা আমাকে তাহা পুনর্বার কোষমধ্যগত করিয়া যৎপরোনাস্তি অনুগত ভাবে আমার বন্ধনশৃঙ্খলার অনধিক চারি হস্ত বাহিরে ভূমিক্ষিপ্ত করিতে আদেশ করিলেন । দ্বিতীয় আদেশে আমাকে সেই কাল-চোঙ্গার মত দুইটা উক্ত অস্ত্রশূন্য লৌহ-স্তম্ভবৎ পদার্থ বাহির করিতে কহেন, তিনি যুক্তিবলে স্থির করিয়াছিলেন, ইহা আমার পিস্তল । যাহা হউক তাহারি মতে আমি যত্ন সহকারে তাহা বাহির করিয়া তাহা যে কার্যে লাগে

তাহার সবিশেষ অবগত করাইলাম; এবং বাক-দগুলাল শুদ্ধ তাহা তাহার নিকটে রাখিলাম; বগলির মধ্যে বিশিষ্টরূপে বদ্ধ রক্ষিত থাকাতে তাহা সমুদ্রের জলে ভিজে নাই; সামুদ্রিক নাবিকমাত্রই প্রায়ঃ এ দ্রব্যরক্ষার্থ সতর্কতা-পূর্বক বিশেষ যত্ন করিয়া থাকে । আমি নির্ভয় হইবার জন্য রাজাকে ভূয়োভূয়ঃ সাহস-প্রদান করত সতর্ক হইতে কহিয়া শূন্যমার্গে সেই পিস্তলের শব্দ করিলাম । তাহাতে রাজার বিস্ময় পূর্বাপেক্ষায় প্রবলতর হইয়াছিল । উপস্থিত শত ২ লোক শব্দ-শ্রবণে আহতমৃতবৎ তৎক্ষণমাত্র ভূমিপতিত হইল; এবং আপন স্থানে দগুয়মান থাকিয়া স্বয়ং রাজাকেও কিয়ৎকাল অচেতনবৎ থাকিতে হইয়াছিল । পরিশেষে পিস্তল দুইটি ও বাকদগুলির বগলী পূর্ববৎ তাহার অগ্রে নিক্ষেপ করিলাম, এবং জানাইয়া দিলাম; “দেখিও, সর্বদা সাবধান, এক ক্ষুণ্ণিঙ্গ মাত্র অগ্নিও যেন ইহাতে না লাগে, তাহা হইলে ইহার তেজে এক কালে মহারাজের অউালিকাটি সকল বস্তু আকাশে উড়ীন হইয়া যাইবেক ” ।

এই রূপে আমি ঘড়িটাও রাজার নিকটে দিলাম, তিনি তদর্শনে কুতূহলী হইয়া দুই জন দীর্ঘাকার সেনা-নায়ককে ইংলণ্ডে যেমন শাকটিকেরা এল-নামক অদিরার পিপা বহন করে, তক্রূপে তাহা স্বাক্ষ-দিয়া স্কন্ধে বহিয়া আনিতে আজ্ঞা প্রদান করিলেন । এই যন্ত্র অনবরত শব্দায়মান দেখিবামাত্র রাজা বিস্ময়রসে নিমগ্ন হইলেন । বিশেষতঃ ঘণ্টার কাঁটাইতে মিনিটের কাঁটার মণ্ডলাকারে ক্ষতগতি-বিষয়ে নৈপুণ্য নিরীক্ষণ করিয়া বারংবার তাহার তত্ত্বানুসন্ধান করিতে লাগিলেন । পরন্তু অলৌকিক বোধে তৎপার্শ্বস্থ সুবুদ্ধি লোকদিগের অভিপ্রায় জিজ্ঞাসা

করিলেন । এবিষয়ে তাহাদের মত সকল নানা প্রকার ও মহদন্তর, তত্ত্বাবতের বিনা উল্লেখ পাঠকবর্গের অনায়াসেই অনুভব গম্য হওয়া অসম্ভব; পরন্তু বলিতে কি, সে সকল আপন বোধ ভূমিতে সুচারুরূপে আনিতে পারি নাই ! অনন্তর আমি রৌপ্য ও তাম্র মুদ্রা, বড় ২ নয় খণ্ড ও ছোট কএক খানা স্বর্ণ সহিত বগলী টি, ছুরিকা, ও ক্ষুর, কঙ্কতিকা, ও রজতের নস্যাদার, এবং ক-মাল ও হিনাবের বহি এই সকল দ্রব্য পরিত্যাগ করিলাম । তন্মধ্যে আমার তলবার, পিস্তলদ্বয় এবং বাকদের থৈলী শকটে বোঝাই করাইয়া রাজভাণ্ডারে প্রবেশিত হইল; অবশিষ্ট দ্রব্য-জাত আমি পুনঃ প্রাপ্ত হইলাম ।


উল্লিখিত জেবের মধ্যে একটা জেব অনুসন্ধান-কালীন তাহাদের হাতে পড়ে নাই । তন্মধ্যে এক খানা দিব্যচক্ষু ছিল, দৃষ্টিশক্তির ন্যূনতা হইলে সময়ে ২ আমি তাহা ব্যবহার করিতাম । এতদ্ব্যতীত একটা ক্ষুদ্র দূরবীক্ষণ যন্ত্র ও অন্যান্য যৎসামান্য বস্তুও ছিল, তাহাতে রাজার কিছু মাত্র অভীষ্টসিদ্ধি হইতে পারিত না । অতএব সে সকল বস্তু বাহির করিয়া দেখান যুক্তিসিদ্ধ বোধ করিলাম না, বরং ভাবিয়া দেখিলাম এ সকল দ্রব্য পরহস্তগত করিলেই হয় অপহৃত নয় নষ্ট অবশ্যই হইবেক ।

রা. লা. বি.

ইতি দ্বিতীয়াধ্যায় সমাপ্ত ।

টেপার-পশু ।

র-পৃষ্ঠে যে পশুর চিত্র মুদ্রিত হইল, তাহার নাম টেপার । দক্ষিণ-আম-রিকা-দেশ ইহার জন্মভূমি, তথায় এই পশু অতিসুলভ; প্রাচীন-পৃথি-



টেপার-পশু।

থণ্ডে কেবল সুমাত্রা-দ্বীপে ইহার আবাস আছে; তন্নিম্ন অন্যত্র ইহা দৃষ্ট হয় না। উক্ত-দ্বীপে ইহা “কুডোএয়ার,” “সালোডা,” ও “গিগুলা” নামে প্রসিদ্ধ; বেকুলন-নগরে ইহার নাম “বাবি-আলু”; এবং মালাকা-প্রদেশে “টেলু”। ইহার দেহ শূকরাকার, ৪১।০ হস্ত দীর্ঘ, এবং ২১।০ হস্ত উচ্চ। শূকরপেঙ্কায় ইহার শুণ্ড বৃহৎ ও বলবান, ও পরিমাণে প্রায়ঃ অর্দ্ধহস্ত। ইহার লাজুল অতি খর্ব, ও প্রায়ঃ লোমবিহীন। ইহার পদ-চতুষ্টয়ও খর্ব এবং স্থূল, তন্মধ্যে পুরঃপদদ্বয়ে চারিটি করিয়া, এবং পাশ্চাত্য-পাদদ্বয়ে তিনটি করিয়া নখ থাকে। এই পশুদিগের ছেদন-দন্ত-সঙ্খ্যা প্রতি মাড়িতে ৬, এবং চর্ষণদন্ত-সঙ্খ্যা উপর মাড়ির প্রতি পাশ্বে ৭, ও হনুর প্রতিপাশ্বে

৬; সকলের সমষ্টি ৪২ টা। আমরিকা-দেশীয় টেপারের স্কন্ধে এক কেশশেণী হইয়া থাকে; কিন্তু সুমাত্রা-দ্বীপের টেপারে তাহা দৃষ্ট হয় না। এই দেশীয় পশুর বর্ণগতও কিঞ্চিৎ ভেদ আছে; দক্ষিণ-আমরিকার টেপার কৃষ্ণাঙ্ক-ধুমুবাণ; সুমাত্রা-দ্বীপের টেপার চিকণকৃষ্ণবর্ণ; এবং তাহার পৃষ্ঠ ও পার্শ্বভাগ শুক্ল।

টেপার অতিবলবান পশু; কথিত আছে, মন্ত-বৃষাপেঙ্কায় ইহার বেগ অসহ্য। বনমধ্যে যে দিগ-দিয়া এই পশুরা ধাবমান হয়, তত্রত্য সমস্ত ক্ষুদ্রতরু-গুল্মাদি ভঞ্জন হইয়া এক নবীন পথ প্রস্তুত হইয়া যায়। কিংবদন্তী আছে যে ব্যাঘ্র ইহাদের পৃষ্ঠোপরি আক্রমণ করিলে ইহারা নিবিড়-বন-মধ্যে এতাদৃশ-বেগে ধাবমান হয়, যে বৃক্ষ-শাখার

ঘর্ষণে ব্যাঘ্র বিনষ্ট হইয়া যায়, তথাপি টেপারের কিছু অনিষ্ট হয় না।

ইহারা স্বভাবতঃ শান্ত, মনুষ্য দেখিলেই পলায়ন করে, এবং দিবসে নিদ্রিত থাকিয়া রজনী-যোগে আদৌ কোন জলাশয়ে উত্তনভাবে স্নান করত নবীন-তরু-গুল্মাদির অন্বেষণে বন-পর্যটন করিয়া থাকে। কোন দৃব্যই ইহাদিগের পক্ষে অখাদ্য নহে। অস্থি, মৃত্তিকা, কাষ্ঠ, প্রস্তরখণ্ড যাহা কিছু নিকটে প্রাপ্ত হয়, তাহাই গলাধঃকরণে ত্রুটি করে না। ভাজারী-নানক এক জন সাহেব একটা টেপার-পশুকে একটা রজতনির্মিত নস্য-দান দিয়াছিলেন, সে তাহা তৎক্ষণাৎ চর্ষণ করিয়া নির্গিলিত করিয়াছিল।

ইংরাজেরা কহে, টেপার-পশুর মাংস শুষ্ক এবং কঠিন, কিন্তু আমরিকা-দেশবাসিনরা তাহা সুস্বাদু জানিয়া এই পশুবিনাশে প্রবৃত্ত হইয়া থাকে; পরন্তু বিনাশের রীতি সর্বত্র তুল্য নহে; কোন স্থানে শিকারিরা বিষাক্ত শরদ্বারা টেপার-বিনাশ করে, কত্ৰাপি কুকুরের সাহায্যে স্বাভীষ্টসিদ্ধ করে; কত্ৰাপি বা বন্দুকই টেপার-সংহারের অস্ত্র বলিয়া গণ্য আছে। কুকুরদ্বারা আক্রান্ত হইলে টেপার মাতকদিগের সহিত ভয়ানকরূপে যুদ্ধ করিয়া থাকে; এবং অনেককে বিনষ্ট না করিয়া স্বয়ং প্রাণত্যাগ করে না, ও নিকটে কোন জলাশয় পাইলে তন্মধ্যে দণ্ডায়মান থাকিয়া অনায়াসে শত্রুহইতে নিষ্কৃতি পায়।

বদ্ধ হইলে টেপারেরা অত্য্পেকাল-মধ্যেই বন্ধনকারীর বশীভূত হয়। সোনি নি সাহেব লিখিয়াছেন, দক্ষিণ-আমেরিকার রাজপথে অনেক পোষা টেপার ভ্রমণ করিয়া থাকে; তাহারা প্লাতে বনে প্রয়াণ করিয়া অপরাহ্নে প্রভুর বাটীতে প্রত্যগমন করে। ইহাদিগের বল, ধৈর্য, এবং

শান্তস্বভাব দৃষ্টে বোধ হয় চেষ্টা করিলে ঐ সকল গুণ মনুষ্যের ব্যবহারে প্রয়োগ হইতে পারে; ভারবহনার্থে ঐ সকল গুণ বিশেষ প্রয়োজনীয়।

### ডেবিড্ হেয়ার সাহেবের গুণবর্ণন।

(মৃত ডেবিড্ হেয়ার সাহেবের মৃত্যু-দিবসীয়-বার্ষিক-সভা-সমীপে পঠিত হয়।)

অদ্য মৃত মহাত্মা হেয়ার সাহেবের অরণীয় দিবন উগাহিত; সংবৎস-রাতে পুনরায় অদ্য আমরা এ-স্থলে একত্র উপবিষ্ট হইয়া সেই মহানুভাব পুরুষের গুণকীর্তন করিতে প্রবৃত্ত হইয়াছি। অদ্য তাঁহার গুণ অরণ করিয়া ভক্তি ও কৃতজ্ঞতা-রসে মনঃ আর্দ্র হইতেছে। কি রূপে কি প্রকারে তাঁহার গুণানুবাদ করিব হির করিতে পারি না। তাঁহার গুণ সকল অসাধারণ ও আশ্চর্য। এমৎ দয়াশীল মানব—এমৎ পরহিতৈষী বাহুব—এই বঙ্গদেশে কখনই দেখিতে পাই নাই। বিদেশীয় হইয়া ভিন্ন-জাতির কল্যাণার্থে এতাদৃশ-কঠোর-তর-পরিশ্রম-কর্তা অতি-দুস্প্রাপ্য; তিনি আমাদিগের মঙ্গল-সম্পাদনার্থ ও মানসিক-উন্নতি-সাধনার্থ যে কত পরিশ্রম—কত ব্যয়—করিয়া গিয়াছেন, তাহা বর্ণন করা যায় না; সে সমস্ত আলোচনা করিলে আমাদিগের অন্তঃকরণে তাঁহার প্রতি প্রীতি ও ভক্তির উদয় হয়। আমরা তজ্জন্য যে তাঁহার নিকটে এক গুরুতর ঋণ-পাশে বদ্ধ আছি, সম্পূর্ণরূপে কি তাহাই-তে কখন পরিমুক্ত হইতে পারিব? কখনই নহে। আমরা এস্থলে আমাদিগের আন্তরিক কৃতজ্ঞতার চিহ্ন প্রকাশ করিতেছি মাত্র।

এ দেশের অবস্থা অরণ করিলে সর্বাপেক্ষে হে-

য়ার সাহেবই স্মৃতিপথাকাট হইলেন; তাঁহার মনো-  
হর মূর্তি আমাদের মানসপটে জাজ্জল্যমান-  
রূপে প্রকটিত হয়। কি বিদ্যা-বিষয়ে, কি জ্ঞান-  
বিষয়ে, কি ধর্ম-বিষয়ে, যে কোন প্রকারে এত-  
দেশীয় লোকের জীবদ্ধি হইয়া থাকুক, হে-  
য়ার সাহেবই তাহার অদ্বিতীয় কারণ। তিনিই  
আপনার যত্ন ও পরিশ্রমদ্বারা তাহা নিষ্পন্ন  
করিয়াছেন। যখন দেখি এতদেশীয় কোন ব্যক্তি  
কোন সভা-বিশেষে উপস্থিত হইয়া সুযুক্তি-  
যুক্ত-বচনাবলি দ্বারা এদেশের মঙ্গল-সম্পাদনার্থে  
বক্তৃতা করিতেছেন, তখন হেয়ার সাহেবকেই  
সেই মঙ্গলোদ্দেশ্যের প্রধান কারণ বলিয়া বোধ  
হয়। যখন দেখি দেশীয়-ভ্রাতৃগণ একত্র হইয়া  
জীলোকদিগের মূর্খতা-নিরাকরণ-জন্য কল্পনা  
করিতেছেন, বা চিরবিরহিণী-বিধবাদিগের সু-  
দারুণ-বৈধব্য-যন্ত্রণা-দৃষ্টে কাতর হইয়া তাহা  
মুক্ত করিবার উপায় চেষ্টা করিতেছেন, তখন  
হেয়ার সাহেবকেই তাহার প্রধান কারণ বলিয়া  
বোধ হয়। ফলতঃ যখন দেখি হিন্দু যুবকেরা  
জননী-জন্মভূমির রোগ-প্রতিকারের নিমিত্ত মনঃ-  
সমর্পণ করিয়াছেন, তখন হেয়ার সাহেবকেই  
তাহার প্রধান কারণ বলিয়া বোধ হয়। যখন  
দেখি এতদেশস্থ কোন কৃতবিদ্য ব্যক্তি চি-  
কিৎসা-বিদ্যা-বিশারদ হইয়া বহু-প্রাণীর প্রাণ-  
রক্ষণ করিতেছেন, তখন হেয়ার সাহেবকেই তা-  
হার প্রধান কারণ বলিয়া বোধ হয়। বাস্তবিক  
দেশস্থ ভ্রাতৃগণকে যখন যে স্থলে যে কিছু বিদ্যা  
বুদ্ধির পরিচয়-প্রদান করিতে দেখি হেয়ার সা-  
হেবকেই তাহার প্রধান কারণ বলিয়া বোধ  
হয়, সন্দেহ নাই।

ভারতবর্ষের পূর্বতন অবস্থা ক্ষণমাত্র স্মরণ করি-  
য়া দেখিলে কি এক আশ্চর্য পরিবর্তন প্রতীত

হয়! কিন্তু এই পরিবর্তনের মূল-কারণ হেয়ার  
সাহেবকেই কহিতে হইবেক। এই বঙ্গদেশ এক-  
কালীন নিবিড়-অজ্ঞানারূপে নিষ্কিঞ্চ ছিল।  
চিরমূর্খতা এদেশে আধিপত্য করিত, বঙ্গ-সন্তা-  
নেরা কুসংস্কার-পাশে বদ্ধ থাকিয়া নিতান্ত  
অমানববৎ ব্যবহার করিতেন। ককণাকর হে-  
য়ার সাহেব আমাদের তাদৃশ হীনাবস্থা দে-  
খিয়া অতিশয়-দুঃখে সন্তপ্ত হইয়া তাহা দূর-করি-  
বার নিমিত্ত তৎপর হইয়াছিলেন। বিশেষ-  
পরিশ্রম-পূর্বক তিনি এই হিন্দুকালেজ সংস্থা-  
পন করেন। মেডিকেলকালেজ যদ্বারা সহস্র  
প্রাণীর প্রাণ-রক্ষা হইতেছে, তাহার উন্নতি-সা-  
ধনেও তাঁহার অতিমাত্র সাহায্য ছিল। তাঁ-  
হার প্রণীত বিদ্যালয়, যাহা অদ্যাপি তাঁহার  
নামদ্বারা আখ্যাত আছে, তাহাতে তাঁহার কত  
পরিশ্রম ও ব্যয় হইয়াছে! বঙ্গভাষার অনুশী-  
লন-নিমিত্ত যে একটি পাঠশালা সংস্থাপিত হয়,  
তিনিই তাহারও সূত্র-পাত করেন। এই বিদ্যা-  
লয়সমূহে যে কত শত ব্যক্তি সুশিক্ষিত হইয়া-  
ছেন, এবং হইতেছেন, তাহা গণিয়া শেষ করা  
যায় না!

হেয়ার সাহেবের অনাধারণ দয়ার কথা কি  
কহিব? তিনি আপন বিদ্যালয়ে দরিদ্র দুঃখী  
এবং অন্যান্য বালকদিগকে বিনা বেতনে বি-  
দ্যা-দান করিতেন; তাহাদিগকে পুস্তকাদি ও  
অন্যান্য প্রয়োজনীয় বস্তু প্রদান করিতেন, এবং  
সময়ে ২ অর্থ সাহায্য করিতেও বিরত ছিলেন  
না। তিনি বঙ্গদেশস্থ দুঃখী বালকগণের পিতা-  
স্বরূপ ছিলেন। তাঁহার মৃত্যুতে কত শত পি-  
তৃমাতৃহীন বালকেরা পুনরায় পিতৃহীন হইয়া  
অনাথ হইয়াছে! তাঁহার যত্নে প্রতিপালিত ও  
শিক্ষিত হইয়া কত শত ব্যক্তি ধন মান যশঃ ও

সৌভাগ্যাদি সঞ্চয় করিয়াছেন! এতদেশীয় অনেক  
ব্যক্তি তাঁহার সুহ ও ককণা রসের আশ্বাদন  
করিয়াছেন; এই সভায় উপস্থিত অনেক মহা-  
শয়েরা হেয়ার সাহেবের ছাত্র। তিনি এতদেশস্থ  
লোকদিগের যে কি এক প্রিয়বন্ধু ছিলেন, তাহা  
বচনাভীত। যাহাতে আমাদের বিদ্যা বুদ্ধি  
সভ্যতা বৃদ্ধি হয়, আমরা মনুষ্য সমাজে মান্য  
ও গৌরবান্বিত হই, এবং সর্ব-প্রকার-সুখে সুখী  
হই, হেয়ার সাহেব যাবজ্জীবন তাহারই চেষ্টা  
করিয়াছিলেন। তাঁহার অর্থ সাহায্য আমাদেরই  
কল্যাণার্থে সমর্পিত হইয়াছিল। বোধ হয় তিনি  
কেবল আমাদেরই মঙ্গলসাধনে জন্মগৃহণ করি-  
য়াছিলেন। কিন্তু হায়! আক্ষেপের বিষয় এই  
যে তিনি কিছু কাল জীবিত থাকিয়া আপনার  
পরিশ্রমের সাফল্যানুভব করিতে পারিলেন না  
যে তাঁহাদ্বারা কি প্রযুক্ত এদেশের বর্তমান  
সৌভাগ্যভিবৃদ্ধি স্বচক্ষুদ্বারা দর্শন করিতে পা-  
রিলেন না। হা বন্ধো হেয়ার সাহেব! তুমি  
এক্ষণে জীবিত থাকিলে আমাদের সুখ সৌ-  
ভাগ্য যে কতগুণে বৃদ্ধ হইত, তাহা বলিয়া  
প্রকাশ করা যায় না। হা মাতঃ বঙ্গভূমি! যা-  
হারা তোমার মূর্খ-বস্তার-প্রতিকারের নিমিত্তে  
যত্নযুক্ত হয়, তুমি কি তাহাদের ভারবহনে অস-  
মর্থ? হায়! এক্ষণে রামমোহন রায়, যাহাকে  
পুসব করিয়া তুমি জগৎ-মধ্যে ধন্য হইয়া  
ছিলে, সে মহাত্মা এখন কোথায়? বিদেশীয়  
সাধুলোকেরা যাহারা তোমার পোষ্য-সন্তানের  
ন্যায় হইয়া তোমাকে মাতৃবৎ জ্ঞানে তোমার  
সেবা গুণ্ণা করিতে অতীব তৎপর ছিলেন,  
তাঁহারা কি এখন কোথায়? কি আশ্চর্য  
যাহারা তোমার কল্যাণ-পথ চিন্তা করেন,  
তাঁহারা কি অগ্রে তোমার অঙ্কহইতে অপ-

হত হইয়া কৃতান্ত মন্দিরের অঙ্কবৃদ্ধি করিতে  
গমন করেন! হায়! তাঁহারা সকলেই বিলুপ্ত,  
সকলেই অন্তর্হিত হইয়া গিয়াছেন। এক্ষণে তো-  
মার আত্ম-সন্তান বা পোষ্য-সন্তানগণের মধ্যে  
তোমার প্রতি যথার্থ প্রেমিক ব্যক্তি না দে-  
খিতে পাইয়া আমার চিত্ত ব্যাকুল হইতেছে।  
কবে ভয়ঙ্কর জাত্যভিমান, বিষময় কৌলীন্য-  
প্রথা, কুৎসিত সামাজিক রীতি নীতি, যাহা  
তোমার হৃদয় বিদীর্ণ করিতেছে, কবে কি প্রকারে  
কাহার চেষ্টাদ্বারা তুমি তাহাদের হস্তহইতে  
পরিভ্রাণ পাইবে, কবে বিদ্যা বুদ্ধি সভ্যতা স্বা-  
ধীনতা জ্ঞান ও ধর্মের আলোক চতুর্দিকে পরি-  
ব্যাপ্ত হইয়া তোমার অন্তঃকরণ প্রফুল্ল হইবে,  
তোমার মুখশ্রী উজ্জ্বল হইবে, কবে তোমার  
পূর্ব-গৌরব পুনঃ স্থাপিত হইয়া তুমি ধরাতলে  
পুনরায় মান্য ও গণ্য হইবে? \*

যিনি আমাদের এমৎ প্রিয় মহোপকারী  
বন্ধু ছিলেন, আমাদের কল্যাণ-সাধন যাঁ-  
হার জীবনের এক মাত্র বৃত্ত ছিল, ও যে বৃত্ত  
উদ্যাপনের-নিমিত্তে তিনি যত্ন, ধন, ও শারীরিক  
ক্লেশ, বিন্দুমাত্র বক্রী রাখেন নাই। অদ্য তাঁ-  
হার বিরহে চতুর্দিক শূন্য দেখিতেছি, মনঃ আ-  
কুল শোকমাগরে নিমগ্ন হইয়া কোনরূপেই আর  
শান্ত্যনা প্লাপ্ত হইতেছে না। তাঁহার অভাবে  
আমাদিগের সুখলালসা চরিতার্থ হইতেছে না।  
তাঁহার মৃত্যুর সঙ্গে সঙ্গেই আমাদের সুখ-  
নদীর গতি খর্ব হইয়াছে। যদিও আমরা অর্থ-  
ব্যয় ও শারীরিক ও মানসিক আয়াসদ্বারা আ-  
মাদিগের অবস্থা উন্নত করিবার জন্য বিবিধ  
উপায় ও চেষ্টা করিতেছি, তথাচ তাহা সুসিদ্ধ

\* যে সকল প্রবন্ধ পরিশেষে লেখকের স্বাক্ষর বা চিহ্ন থাকে,  
এতৎপত্রের সম্পাদক তদুক্ত অভিপ্রায়ের দায়ী নহেন। বি. স. স.

হইতেছে না; যেহেতুক আমরাদিগের চেষ্টার প্রতি-  
পোষক হয়, এমৎ বন্ধু অতিবিরল! স্বার্থ-  
শূন্য হইয়া পরজাতির মঙ্গল অন্বেষণ করেন,  
এতাদৃশ মনুষ্য এক্ষণে দুস্প্রাপ্য। যাঁহারা আ-  
মাঁদিগের বন্ধু বলিয়া পরিচয় দেন, তাঁহাদিগের  
আন্তরিক অনুরাগ সে প্রকার নহে; সুতরাং  
তাঁহাদের যত্নপূর্ণ ও আগ্রহ প্রকাশ করা  
উচিত, তাহা না করাতেই আমরাদিগের মনো-  
রথ কিছুই পূর্ণ হইতেছে না। উপস্থিত চার্টার-  
পরিবর্তনের সময়ে হেয়ার সাহেবের বিরহ আ-  
মাঁদিগের সন্তুষ্টি-হৃদয়ে পুনরুদ্বোধিত হইয়াছে।  
তিনি যদি এমৎ সময়ে বর্তমান থাকিতেন, তবে  
কি আমরাদিগকে আর কিছু আক্ষেপ করিতে  
হইত? তবে কি আমরাদিগের কিছু অকল্যাণ  
থাকিত? তিনি আমরাদিগের দেশীয়-ভ্রাতৃগণের  
সহযোগী হইয়া যাঁহাতে আমরাদিগের সমস্ত দুঃখ  
দূর হয়, এবং যাঁহাতে আমরা সম্পদের পদে  
সংস্থাপিত হই, তাহা অবশ্যই করিতেন। তাঁহার  
উদার স্বভাব ইহা না করিয়া কখন নিবৃত্ত হইত  
না; কিন্তু হতভাগ্য ভারতবর্ষের বুঝি একরূপ  
মঙ্গল কখন উপস্থিত হইবে না। আমরা বুঝি  
চিরকাল আক্ষেপ করিয়া জীবন হরণ করিতে  
জন্মগৃহণ করিয়াছি।

যিনি এতদেশস্থ লোকদিগের বিদ্যা বুদ্ধি ও  
সভ্যতা বৃদ্ধির নিমিত্ত এত পরিশ্রম ও ব্যয় করিয়া  
গিয়াছেন, অত্রত্য জীলোকবর্গও বিদ্যাবতী হয়  
ইহা তাঁহার অভিপ্রায় ছিল, সন্দেহ নাই।  
তবে যে তিনি তাহার বিশেষ অনুষ্ঠানে প্রবৃত্ত  
হয়েন নাই, তাহার অনেক কারণ ছিল। প্রকা-  
শরূপে অবলাদিগকে বিদ্যা-শিক্ষা দেওয়া  
হয়, ভারতবর্ষের তাদৃশ সময় তখন হয় নাই।  
এক্ষণে তিনি জীবিত থাকিলে তাঁহার মহদ-

ভীষ্ট অবশ্যই সিদ্ধ করিতেন। আমরা যে এক্ষণে  
নানাপ্রকার সাংসারিক রীতি নীতি এবং কুপুথ্য  
সকল পরিবর্তন-করিবার চেষ্টা করিতেছি, এবং  
ক্রমশঃ সভ্যতা সোপানে আরুঢ় হইবার উপায়  
দেখিতেছি, হেয়ার সাহেব এতদৃষ্টে অতিশয়  
আহ্লাদিত হইতেন, এবং যাঁহাতে আমরা কৃত-  
কার্য হই, তাহার বিলক্ষণ সহযোগিতা করি-  
তেন। তিনি জীবিত থাকিলে বঙ্গভাষার অনেক  
উন্নতি হইত, এবং বিদ্যা-প্রচারের সুন্দর প্রণালী  
সংস্থাপিত হইত।—বলিতে কি আমরা সর্বপ্রকা-  
রে সুখী হইতাম।

আর কি বলিব, কতই বা আক্ষেপ করিব,  
কতই তাঁহার গুণ স্মরিব। যতই তাঁহার গুণ  
স্মরণ করি, ততই বিচ্ছেদানল পুনরুদ্বোধিত হয়।  
মনের কি মহীয়সী শক্তি বলিতে ২ বোধ হইল,  
যেন হেয়ার সাহেব এই সভা-গৃহে প্রবেশ করি-  
লেন, এবং প্রবিষ্ট হইয়া যেন তিনি আমরাদি-  
গকে সমুদয়-বচনে জ্ঞানোপদেশ-প্রদান করিতে  
লাগিলেন।

ত্রিপ্রতি মুখোপাধায়।

কলিকাতা।

১লা জুন, ১৮৫৪ শাল।

বলী ও যবদ্বীপে হিন্দুধর্ম-প্রচারের বিষয়।

তদেশীয় লোকদিগের সংস্কার আছে  
এ যে ভারতবর্ষ পরিত্যাগ করিয়া ভিন্ন  
দেশে গমন করিলে জাতিভ্রষ্ট হইতে  
হয়; কিন্তু পুরাবৃত্তানুসন্ধানদ্বারা তত্ত্বোপধিনি  
পত্রিকায় ইহা স্পষ্ট প্রতীত হইতেছে, যে পূর্ব-  
তনকালে হিন্দুরা অনায়াসে অপর-দেশে গমন  
করিতেন, এবং প্রয়োজনমতে বসতিও করি-

য়াছেন। অদ্যাপি বহু দূর-দেশে হিন্দুসন্তা-  
নেরা অবস্থিতি করিতেছেন; \* যাঁহারা ইহা  
অবগত নহেন, তাঁহাদিগকে অবগত করিবার  
নিমিত্ত আমরা বলী ও যবদ্বীপের প্রসঙ্গ উত্থা-  
পন করিলাম।

বলীদ্বীপস্থ হিন্দুদিগের সহিত ভারতবর্ষীয়  
লোকদের এত সাদৃশ্য—ব্রাহ্মণক্সত্রিয়াদি-বর্ণবি-  
ভাগ—তাঁহাদের উৎপত্তি-বিবরণ—ব্রাহ্মণদিগের  
অসামান্য-সম্মান, এবং শিখা রাখিবার বিশেষ  
পুথ্য—সমান-বর্ণের সহিত বিবাহ—অসম-বিবা-  
হে বর্ণসঙ্করের উৎপত্তি—চণ্ডালজাতি—গোবধ-  
পুতিষেধ—মৃত-পতির অনুগমন—মৃতশরীর-দাহ  
—ব্যবস্থা-প্রচার-বিষয়ে ব্রাহ্মণের অধিকার—  
নানাবিধ-ছন্দের নাম—বেদ, রামায়ণ, মহাভা-  
রত, ব্রহ্মাণ্ড-পুরাণাদি গুহ্য—সময়-বিভাগ—বা-  
রাদির নাম—অক্ষশাস্ত্র—এই সকল-বিষয়ে উভ-  
য়জাতি এত সমভাবাপন্ন, যে বলীদ্বীপ-সম্প-  
র্কীয় তত্ত্ববিষয়ের বিস্তারিত বিবরণ হিন্দু পাঠক-  
দিগের পক্ষে বাহুল্য বোধ হইতে পারে।

ধর্মবিষয়ে তথায় এখানকার ন্যায় নানাপ্রকার  
মত প্রচলিত নাই। শৈবধর্ম বলীদ্বীপস্থ লোকদি-  
গের স্বজাতীয় ধর্ম; তথাকার বৌদ্ধদিগের সঙ্খ্য  
অতি অল্প। ইহা অতি আশ্চর্য্য তথাকার ব্রাহ্ম-  
ণেরা উপবীত ধারণ করেন না। ইহার কারণ কি?  
তাঁহারা কি পবিত্র-ব্রাহ্মণবংশীয় নহেন? অথবা  
তাঁহারা তথায় গমন-পূর্বক আদিম নিবাসী-  
দের সহিত উদ্বাহাদি করিয়া কি উপবীত ত্যাগ  
করিয়াছেন? এই সকল প্রশ্নের উত্তরদানে আ-  
মরা সমর্থ নহি। ব্রাহ্মণেরা কহেন, তাঁহারা পুত্র-  
লিকার পূজা করেন না; কিন্তু বলীদ্বীপের মধ্য-  
দেশে দেবমন্দির বর্তমান আছে। প্রতিগুণে যে

\* তত্ত্বোপধিনি পত্রিকায় এতদ্বিষয়ক কয়েক সূচক প্রস্তাব আছে।

এক এক উপাসনা-স্থান থাকে, তাহাতে কোন  
দেবপুতিমা নাই। তথায় এখানকার ন্যায় সন্ন্যাসী-  
সকল দৃষ্ট হয় না। ব্রাহ্মণদিগের খাদ্য-মধ্যে  
কেবল উদ্ভিজ্জই প্রস্তুত। পূর্বে অভিহিত হই-  
য়াছে যে বলীদ্বীপে গোবধ প্রতিষিদ্ধ আছে;  
কিন্তু ব্রাহ্মণব্যতীত অপরাপর জাতি গো ভিন্ন  
অন্য কোন পশুর বিচার না করিয়া প্রায়ঃ সর্ব-  
প্রকার জন্তুর মাংস অবাধে ব্যবহার করে।

বলীদ্বীপে কবি \* নামে এক ভাষা আছে;  
তাহা সংস্কৃতেরই তুল্য। কিন্তু অধুনা সামান্য  
কথোপকথনে তাহার ব্যবহার নাই। পাঠকদি-  
গের সুবোধ-জন্য উক্ত ভাষায় রচিত ভারত-  
যুধ (ভারতযুদ্ধ) নামক গুহ্যহইতে একটি শ্লো-  
কার্ক উদ্ধৃত করা যাইতেছে।

‘পিতরাকুলং সুবেঃ নুপতিকর্নে মুলুৎসুরিণো।

ইরিকা গটোৎকচ হনুমান্ নস্তিয়া স কিং গগণ।’

কবি-ভাষায় রামায়ণ, নীতিশাস্ত্র, অর্জুনবিজয়,  
এবং নানাবিধ আগম-গুহ্য লিপিবদ্ধ আছে।

পূর্বাঞ্চলস্থ-দ্বীপবাসীরা একবাক্য হইয়া কহে,  
যে ক্লিঙ্ক (কলিঙ্ক) দেশহইতে তাঁহাদের দেশে  
সভ্যতা, ধর্ম, এবং ব্যবস্থা আনীত হইয়াছে।  
পুথ্যমতঃ যবদ্বীপেই সে সকল আনীত হয়, তথা-  
হইতে চতুর্দিকে পরিব্যাপ্ত হইয়াছে। ভারতবর্ষীয়  
লোকেরা শস্যচ্যুতাপ্রযুক্ত যবদ্বীপকে শ্রেষ্ঠ জ্ঞান  
করিয়াছিলেন। ১ শকাব্দে ত্রিতুষ্টি নামক এক জন  
ব্রাহ্মণ বহুলোক সমভিব্যাহারে যবদ্বীপে গমন  
করেন। তাঁহারা দ্বীপের দক্ষিণতটে উত্তীর্ণ হইয়া  
মেক-নামক পর্বতমূলে পুথ্যমতঃ বসতি করিয়াছি-  
লেন। যবদ্বীপে অধুনা যে শক প্রচলিত আছে

\* ভাষার নাম “কবি” অতি আশ্চর্য্য নহে; প্রাচীন বৌদ্ধ-  
দিগের ভাষার নাম “গাথা”; প্রাচীন বৈদিক-সংস্কৃতের নাম  
“হুন্দম্”, এবং তাঁহাদের অপভ্রংশে পারসিদিগের ভাষা “জেন্দ”  
নামে বিখ্যাত আছে। বি. স. স.

তাহা ত্রিতুষ্টি নামা এক প্রাচীন রাজা স্থাপন করেন, তজ্জন্য ঐ শক অজিশক-নামে প্রসিদ্ধ আছে। যবদ্বীপের বর্তমান শক ১৭৭৬। যবদ্বীপে আদিম হিন্দু ঔপনিবেশিকদিগের সঙ্খ্য কত ছিল, তাহা বলিবার সময় যবদ্বীপবাসী ব্যক্তি সকল এক-বাক্য নহেন; কিন্তু ১৯০ পরিবারের অপেক্ষা অধিক বলিয়া কদাপি কেহই কহেন না। ইহা আশ্চর্যের বিষয় বটে, যে ঔপনিবেশিকদের মধ্যে অনেক স্ত্রী ও শিশু ছিল। ত্রিতুষ্টি স্বকীয় স্ত্রীপুত্রদিগকে সম্ভাব্যহারী করিয়াছিলেন; তাঁহার সহধর্মিণীর নাম বুদ্ধাণী-কালী, পুত্রদের নাম মনুমানস এবং মনুমা দেব। ক্রাকর্ড সাহেব অনুমান করিয়াছেন, যে যখন তাহারা স্ত্রী-পুত্র-পরিবার লইয়া যবদ্বীপে প্রস্থান করে, তখন তাহাদের বোধ হওয়াই সম্ভব। কিন্তু তদ্রূপ করিবার বিশেষ বলবৎ প্রমাণ দেখিল। তিনি ও তাঁহার অপত্যেরা কিয়ৎকাল তথায় রাজত্ব করিয়াছিলেন।

৩৫০ শক-পর্যন্ত যবদ্বীপে অনেক ঔপনিবেশিকের সমাগম হয়। কতিপয় বিখ্যাত ব্যক্তির নাম এই; যথা,

শেলপুবত, .....	১০০	শকে	গমন	করেন।
ঘোটক, .....	২০০	”	”	”
সুবিল, .....	৩১০	”	”	”
হুতম, .....	৩৩১	”	”	”
ত্রিসদী ও তৎপুত্র দশবাহু	৩৫০	”	”	”


৪৮০ শকে কতকগুলীন পণ্ডিত (শৈব?) যবদ্বীপে গমন করিয়াছিলেন; কিন্তু তাঁহাদের মতের সহিত যবদ্বীপবাসীদের মতের বিভিন্নতা হইবাত্তে তাঁহারা দূরীভূত হইয়া তথাকার রাজা শুতদামের শরণ-গৃহণ করেন। শুতদাম তাঁহাদের মতাবলম্বী হইয়াছিলেন।

যবদ্বীপবাসীদের মুসলমান-ধর্ম-গৃহণ-করিবার কিয়ৎকাল-পূর্বে কতকগুলীন শৈব তথায় গমন করিয়া মজপহিৎ শমক-স্থানের শেষ রাজা বুবিজয়ের আশ্রয় প্রাপ্ত হইলেন। মজপহিৎ রাজ্য বিচ্ছিন্ন হইলে তাঁহারা বলদ্বীপে পলায়ন করেন; তাঁহাদের অধিপতির নাম চাহুরাহ। বলদ্বীপে এক্ষণে ১৭৭১ শক চলিতেছে।

\*—\*

### সর্পের বিবরণ।

বান্দে দেশে প্রচলিত ভিন্ন ২ জাতীয় ধর্মশাস্ত্র-দর্শনে ইহা সুস্পষ্টরূপে প্রকাশ হইতেছে যে ভিন্ন ২ দেশীয় ও জাতীয়েরা মৃত্যু-প্রদ অতিভয়ানক ব্যাপার-সম্পাদক সর্পদিগের সম্বন্ধে বিশেষ শুদ্ধায়ুক্ত হইয়া তাহাদিগকে দেবতাবোধে প্রাণানুরোধে পূজাদি করিয়া থাকে, এবং তদগুণ-বিষয়ে নানামত-প্রযুক্ত ইহাদিগকে কেহ ২ মঙ্গল-সমূহের, কেহবা পৃথিবীস্থ যাবদীয় অমঙ্গলের, মূল জ্ঞান করে। মিসর-দেশে সর্প-জাতি অত্যন্ত মান্য ছিল। তথাকার লোকেরা মন্দির-মধ্যে-পুতিষ্ঠিত দেব-মূর্তির সমীপে সর্পদিগকে সর্বদা সংস্থাপিত করিয়া উত্তম ২ ভোজ্য-পেয়াদি দ্রব্য ভোগদান করিত; এবং রাজা, পুরোহিত ও বশীকরণ-বেত্তাদিগের স্বীয় ২ পদে অভিষেক-কালিক মহামহোৎসবে ঐ সর্পের পূজা করিত; তথা তাহারা সর্পকে প্রচুর শুভ ফলের চিহ্ন ও পৃথিবীর নিদান করিয়া জানিত। চিকিৎসা-বিদ্যাও এই “বকঃ পরমধার্মিকঃ” বংশদ্বারা লক্ষিত হইয়াছে। সর্পের পুচ্ছ তাহাদের বদনে বৃত্তাকারে সংলগ্ন করিলে যাদৃশ চক্রাকৃতি গঠন



সর্প নর্তক।

নিষ্কাশন হয় তাহা তাহারা সৌরপরিধি অর্থাৎ চক্রাকৃতি সূর্য-মণ্ডল এবং অনাদি অনন্ত পার-মেশ্বরী নিত্যতার অনুরূপ বোধ করিত। অম্বদা-দির শাস্ত্রেও এই প্রকার উক্তি আছে, এবং, বোধ হয়, তদ্ব্যতিক্রমই অনন্তদেব সর্পাকারে বর্ণিত হন। যে ২ প্রকার বিরোধ বিসম্বাদাদির ঘটনা সম্ভব হয় সে সকলের প্রবর্তক সর্পগণ ইহা ঐ মিসর-জাতীয়েরা কহিত, অপর তাহাদের বোধ ছিল যে ফিউরিস্ নামী বিবাদাধিষ্ঠাত্রী-দেবী-ত্রয়-সর্প লই-য়া কশাক্রমে ব্যবহার করিত।

টিগিস্-নদী-তীরস্থ প্রাচীন কালীয় জাতীয়রা সর্পাপেক্ষা অগ্রে এই চক্রগণের উপাসনার বি-ধান প্রকটিও করে; তদনন্তর তদৃষ্টান্তে অদ্ভুত প্রতিমোপাসক উক্ত মিসরদেশীয়েরা তৎপ্র-চার পূর্বক পল্লবিত করে; পরিণামে আশিয়া ও আফ্রিকার যে ২ স্থানে ঐ দেশের বাণিজ্য-বি-ষয়ে সংসর্গ ছিল তথায় অনেকানেক অংশে ইহা প্রচলিত হইয়া ফলপুষ্পাদিক্রমে ব্যাপ্ত হইয়াছে, বিশেষতঃ ভারতবর্ষে ইহার প্রচার দর্শন বাহুল্য। বোধ হয় যে এতাবৎ এবং অত্রত্য অন্যান্য অবৈধ কুসংস্কার ও মিথ্যা-জ্ঞানের আকর স্থান মিসর দেশ, কিন্তু এত-দ্বিষয়ে যুক্তি-সহ-অনুমান-ব্যতীত আর কোন প্রকার প্রমাণ পাওয়া সুকঠিন। এই হেতু ঐ সকল মত এই ক্ষেত্রে ভারতবর্ষীয় রূপে বিখ্যাত আছে। মিসরদেশীয়দিগের ন্যায় এই ভারতবর্ষে সর্প বিদ্যাবোভা অর্থাৎ সাপুড়ে অনেক আছে; তাহারা আপনাদিগকে অন্যান্যরূপে জাতি ক-রিয়া বোধ করিয়া থাকে। তাহাদের এতাদৃশ অভিমান আছে যে বশীকরণ-শাস্ত্রোক্ত সর্পমন্ত্রের এমত মোহিনী শক্তি আছে যে সেই মন্ত্রোচ্চারণ-মাত্রই সর্পেরা বশীভূত হইয়া এক কালে জড়াব-

স্থায় পরিণত হয়; এবং তদবলম্বনে তাহারা উহা-দিগকে নৃত্য করায়; যাহা কেবল অভ্যাস-মূলকই বোধ হয়। অধিকন্তু তাহারা কহিয়া থাকে যে যাদৃশ বিষধারী সর্প হউক তদংশন ফল হইতে তাহারা প্রাণ রক্ষা করিতে পারে, এবং ঐ সকল সর্পকে কিছু মাত্র ভয় করে না। ইহা সর্ব-সাধারণ বিদিত আছে যে এই ব্যালগাহিরা বনহইতে সর্প গৃহণ করিয়া তাহার বিষ-দন্ত-সকল সম্ম-লোৎপাটন-পূর্বক ইতস্তত ক্রীড়া করায়। অতএব ঐ দন্ত-হীন-সর্প-শরীরে হস্তার্পণ করায় দোষ নাই, কিন্তু ইহা সপ্রমাণ আছে যে অতিনির্ভয় সর্পগৃহীও অগ্রে সর্পের বিষ-দন্ত ভগ্ন করিয়া তৎপুনঃস্থিতি না জানিয়া হঠাৎ তৎসর্প-দংশ-নে প্রাণে বিনষ্ট হইয়াছে। সর্পের দন্ত ভগ্ন করিলে পুনশ্চ পাঁচ ছয় বার সে স্থানে দন্ত হয়, তাহা অরণ রাখিয়া তদমূলনে যত্ন করিতে হয়, নচেৎ প্রাণ-সংশয়ের সম্ভাবনা; আমরা এত-জ্ঞান্য পাঠক মহাশয়দিগকে অনুরোধ করি যে তন্নর্ভকদিগের বাক্যে বিশ্বাস না করিয়া সর্প-স্পর্শ-বিষয়ে তাহারা যথা সাধ্য সাবধান থাকেন।

অন্যান্য-দেশের ন্যায় ভারত-খণ্ডেও অলৌ-কিক সর্পের ইতিহাস শুনা গিয়া থাকে; এবং এতদ্রূপ অদ্ভুত ইতিহাস অনেক প্রাপ্ত আছে। কিন্তু তাহাদের স্পষ্ট-ব্যক্ত-অলৌকিক লক্ষণসম্বন্ধেও যে তদ্বিষয়ে অনেকের বিশ্বাস হয় ইহা পরমা-শ্চর্য। অনেকে কহিয়া থাকেন যে তাহারা স্ব-চক্ষুতে রাজসর্প দেখিয়াছেন; তাহার রাজবৎ ব্যবহার ও রাজ চিহ্নে চিহ্নিত গাত্র এবং রাজ মুকটোপশোভিত মস্তক। উহা অপর-সর্পগণের সাহিত বিচারামনে বসিয়া বিচার করে, এবং রাজ-বদনুমতি করে। তৎপ্রজাবর্গ তাহাকে আহা-র-দান করে, তাহা উপস্থিত না করিতে পারিলে

আপনাদিগের এক জনাকে তাহার ভোজনার্থে বলি রূপে প্রদান করে। আমরিকা ও অন্যান্য খণ্ডে অনেক-সর্পের মোহিনী-শক্তি আছে, অর্থাৎ তাহারা যে প্রাণির প্রতি দৃষ্টিপাত করে সেই প্রাণী তৎক্ষণাৎ উহার দিকে আকর্ষিত হয়, তত্র-ত্য লোকেরা এমত বিশ্বাস করে; কিন্তু অত্রত্যেরা অনেকেই তাহা স্বীকার করেন না, এবং বহু সুবিজ্ঞ পণ্ডিত যাহারা অনেক সর্প দেখিয়াছেন তাহারা কহেন যে ইহা সম্পূর্ণ অমূলক।

সর্পগণ প্রায়ঃ পৃথিবীর সর্বাংশেই প্রাপ্ত হওয়া যায়, কিন্তু দেশ-ভেদে ন্যূনাধিক ও জাতি-ভেদ হয় এই মাত্র বিশেষ।

শিগেল-নামক গুহুকর্তা সর্পজাতি নিরূপণ-বিষয়ক স্বীয় গুহু সর্পগণকে সবিষ নির্বিষ ভেদে দুই বর্গেতে প্রথমতঃ বিভক্ত করেন। অনন্তর নির্বিষ-বর্গকে ছয় শ্রেণীতে বিভক্ত করেন, এবং তাহাদের অবান্তর-ভেদে দুই শত ছয় প্রকার জাতি হয়। সবিষ-বর্গকে তিন শ্রেণীতে ভিন্ন করিয়া অবান্তর-ভেদসহকারে তাহাদিগের অষ্ট-পঞ্চাশৎ জাতি নির্ধার্য করিয়াছেন। অতএব উভয়-বর্গের জাতি সমুদায়ে দুই শত চতু-ষষ্টি-প্রকার হইল। সর্পজাতি জল ও স্থল উভয় স্থানে বাস করে, একারণ ইহাকে ভূজল-চর কহা যায়; কিন্তু ইহাদের সকলেই উভ-য় ভ্রমস্বপ্ন-সত্ত্বেও ইহাদিগকে স্থলজ ও জলজ এই দুই প্রকার ভিন্ন ২ করিয়া বিভাগ করা যায়। অপর ইহাদিগের পরিমাণের যথেষ্ট ভেদ আছে। কেহ ২ অতিদীর্ঘ এবং বলবান, কেহ বা হ্রস্ব এবং প্রাপ্তকদিগের সহিত তুলনায় প্রায়ঃ বলহীন।

উরগেরা অত্যপ্যায়াম বিশিষ্ট দীর্ঘাকার হইয়া থাকে, একারণ তাহাই উহাদের সাধা-

রণ লক্ষণ বলা যায়। মৎস্য জাতির ন্যায় এই জাতি সশল্ক। ইহারা প্রত্যঙ্গ হীন; এবং পঞ্জর মাত্রই ইহাদের দেহের অবলম্বন। এই পঞ্জর বহু-সঙ্খ্যক, এবং মেকদণ্ডের সহিত অসাধারণ-রূপে সংলগ্ন থাকে। এই জাতির গতি উন্মিবৎ; তদ্বারা তাহারা অত্যন্ত বি-ষম-ধরাতল এবং বন-মধ্যে সমবেগে চলিতে পারে। ভিন্ন ২ জাতীয় সর্পসূপগণের অন্তরি-ন্দ্রিয়ের যথেষ্ট বৈলক্ষণ্য আছে; কিন্তু বাহ্যে-ন্দ্রিয়ের বহুংশে সমতা দৃষ্ট হয়। অপর জা-তিভেদে মেকদণ্ডীয় খর্বাস্থির অনেক ন্যূনাতি-রেক দেখা যায়, এবং এক জাতির মধ্যে ব্য-ক্তিভেদে ৩০ বা ৪০ খণ্ডের ন্যূনাতিরেক হয়। মেকদণ্ডের আকৃতি-পৃষ্ঠ-পর্যন্ত সমুদায় স্থির সঙ্খ্যায় ১০০ অবধি ৩০০ পর্যন্ত অবধারিত হই-য়াছে, পরন্তু শতের ন্যূন ও ৩০০ শতের অতিরিক্ত প্রায়ঃ হয় না। পৃচ্ছদেশীয় মেকদণ্ডের খর্বাস্থি-বিষয়েও উক্ত ভিন্নতা দৃষ্ট হয়। কোন সর্পের কেবল পাঁচ খণ্ড মাত্র আছে কাহার বা সাত-শত-সঙ্খ্যাবধি দুই শত-সঙ্খ্যায় পর্যন্ত নির্ণীত হইয়াছে।

পূর্বে উক্ত হইয়াছে যে সর্পদিগের দৈহিক পরিমাপে দীর্ঘতা সর্বতোভাবে বৃহৎ। অধি-কন্তু তাহাদিগের শারীরিক-গঠনে এতাদৃশ কো-শল আছে যে তাহারা স্বঘদেহের ভিন্ন ২ ভাগ অনায়াসেই স্বেচ্ছাক্রমে স্ফীত করিতে পারে, সুতরাং তাহারা স্বাপেক্ষা বৃহৎ বস্তু-সকল সহ-জেই গ্ৰাস করিতে সমর্থ হয়। এই কোশল সর্প-মাত্রেরই মস্তকে বিশেষ রূপে দৃষ্ট হয়। অন্য-প্রাণিদিগের মস্তকের অস্থি-সকল পরস্প-রের সহিত দৃঢ়তররূপে বদ্ধ থাকে, কিন্তু সর্প-দিগের তদ্রূপ না হইয়া কয়েক মস্তকাস্থাদিক

অস্থি ব্যতীত সকলই নমনীয়-শিরা-দ্বারা মিলিত হয় তাহাতে তাহারা অনায়াসেই আপনাপন দেহ প্রসারণাক্ষম করিতে পারে। হনুর সন্ধি নম্য-মাংসপেশীর কব্জার ন্যায় হওয়াতে বিস্তার কাপে মুখব্যাদান হয়। কঠ এবং দেহের মাংস-পেশীর বিপুলত্ব ও তাহাদের শিরা সকলের দীর্ঘত্ব-প্রযুক্ত সর্পাদিগের বিশেষতঃ সবিষদিগের তত্ত্ব স্থান অপ্রয়াসে প্রসারিত হয়।

উরগজাতির ঘ্রাণেন্দ্রিয় বলবান্ নহে; তাহাদের নামিকার উপলক্ষি প্রায়ঃ হয় না। চক্ষু অতিক্রম হইলেও পরিষ্কার উজ্জ্বল ও অতিতীক্ষ্ণ হয়, এবং জাতিভেদে তাহার অবস্থানেরও ভেদ দৃষ্ট হয়। সর্পদিগের হৃৎপিণ্ড তাহাদের মস্তকের নিকট থাকে, তথা তাহারা অতি চতুরতার সহিত কুণ্ডলী-ভূত হইয়া অন্তঃকরণকে বিবিধ-বিপদ-গ্ৰামহইতে রক্ষা করে। তাহাদিগের জিহ্বা অতি মাংসল ও সূক্ষ্ম তথা দ্বিভাগীভূত। ঐ জিহ্বাকে তাহারা সর্বদাই বহির্নিষ্ক্ষেপ করে, বিশেষতঃ ক্রোধ-বিষ্ট হইলে অনবরতই এবং অতি মত্তরে তাহাকে বহিঃপ্রয়োগ করায়। সর্পজাতির স্বভাবানভিজ্ঞ অনেকেই তাহাদের জিহ্বা দেখিয়া ভীত হন, এবং বোধ করেন যে উহাই বিষময় এবং বিষাকর, কিন্তু বস্তৃতঃ তাহাতে কোন আপদ নাই। তাহাদের জিহ্বার গঠন এমনত যে তদ্বারা নি-র্গিলনের সহকারে কিম্বা আশ্বাদগুহ কিছু মাত্র হয় না; কেবল স্পর্শেন্দ্রিয়ের কর্ম নিষ্পন্ন হয়, এবং তন্নিমিত্তই তাহা সর্বদা সঞ্চালিত হয়। অনেক জাতীয় সর্পগণের জিহ্বা মূল পৃথক্ বোধ হয়, কিন্তু সকলেরই জিহ্বা গলদেশীয় অতি নম্য এবং দীর্ঘ শিরাদ্বারা সংলগ্ন থাকে যদ্বারা ঐ যন্ত্রের সঞ্চালনে বিশেষ কৌশল জন্মে।

সর্পজাতির দন্ত ঈষদক্র এবং তীক্ষ্ণ, এবং

প্রত্যেক-দন্তের কিয়দংশ কোঁপরা অপর ভাগ নিরেট। কিন্তু ইহা চর্চন কর্ত্তে নিষ্পয়োজনীয়। সর্পদন্ত তাহাদের অবয়ব ও স্থিতির কৌশ-ল-ক্রমে দংশন, ও দংশিত-বস্তুর ধারণ, তথা তৎসহকারে কপোলস্থ গুহ্রিহইতে নিঃসৃত ল-লদ্বারা ভোজ্য দ্রব্য লেপিত হওত গলাধঃ-করণোপযোগি হয়। পূর্বোক্ত-দন্ত-ব্যতীত সর্প-জাতির চতুর্থাংশের এক প্রকার বিষদন্ত হয়, যদ্বারা দংশিত ক্ষত-মধ্যে এই বিষধর-জাতি তাহাদের অনির্বার্য্য বিষ নিষ্ক্ষেপ করে। এই ভয়ানক-অস্ত্রের সঙ্খ্যা দুই, এবং ইহার প্রত্যেকের মধ্যে এক ছিদ্র থাকে যদ্বারা বিষ নিঃসৃত হয়। ইহাদের স্থান উর্দ্ধ-মাড়ির প্রাক-পার্শ্ব-ভাগ, এবং তন্নিম্নেতেই বিষাধার গুহ্রি থাকে। এই দন্তের পঙ্কিতে অন্য-দন্ত হয় না, এবং ইহাদিগকে কনের মাড়িতে কোষের ন্যায় আবর্তন করে। কিন্তু তদ্বারা অন্য দন্তের ন্যায় ইহার রক্ষিত না হওয়াতে কোন কারণ বশতঃ ভগ্ন হইলে পরম কাৰ্ণনিক পরমেশ্বরেচ্ছায় পুনঃ এক স্থানে ছয় বার বিষদন্ত উঠিয়া থাকে।

এই ক্ষণে দন্তের লক্ষণদ্বারা সবিষ নির্বিষ সর্প নিরূপণোপায়-বিষয়ে উরগপরীক্ষক ডাক্তার রসল সাহেবের রচিত উপদেশ উদ্ধৃত করিয়া উপসংহার করিতেছি। রসল সাহেব কহেন যে, “ইহা স্মরণে রাখা কর্ত্তব্য যে অহিংসক সর্পগণের উপর মাড়িতে তিন পঙ্কি সামান্য দন্ত থাকে, তন্মধ্যে এক পঙ্কি বহিঃস্থিত ও অপর দুই পঙ্কি তালুকাত্তরবর্ত্তী। সবিষ সর্পের বাহঃ-স্থিত দন্ত পঙ্কি নাই। যখন উপর-মাড়িতে বাহ্য দন্ত পঙ্কি পাওয়া যায় তখন আর বিষ-দন্তের অন্বেষণ করিবার আবশ্যিক নাই। যে স্থলে অভ্যন্তরস্থ-দন্ত-পঙ্কিদ্বয় দৃষ্ট হয় সে স্থলে বিষ-

দন্ত যদি স্পষ্টও না দেখা যায় (কারণ কখন ২ মাংস-ছেদ না করিলে বিষদন্ত দৃষ্টিগোচর হয় না) তথাপি অবশ্যই জ্ঞাতব্য যে সে জাতি হিংসক সর্প, ইহাতে কোন সন্দেহ নাই”।

ইংরাজি ১৮-৫০ অব্দের সতর্গণবহইতে উদ্ধৃত।

### বৃষ্টির বিবরণ।

সূর্যোত্তাপে যে ২ প্রকারে দেশীয় প্রাকৃত-ধর্মের ভেদ হয় তাহা পূর্বেই বর্ণিত হই-য়াছে, পরন্তু তদ্বারা কি প্রকারে জল বাষ্প-রূপে পরিণত হইয়া নভোভাগে উত্থান করে, ও পরে কি নিয়মেই বা তাহা পুনঃ একত্র হইয়া হিম-শিশির-বর্ষাদিরূপে পৃথিব্যুপরি বর্ষিত হয়, তাহার উল্লেখ হয় নাই। এই প্রকরণে তাহার সঙ্ক্ষেপে বিব-রণ লিখিতব্য।

তাপদ্বারা সকল পদার্থই ক্রমশঃ স্ফীত বা প্রসারিত হই-তে থাকে, ও তদভাবে সঙ্কুচিত হয়; পরন্তু সকল পদার্থ সমভাবে স্ফীত হয় না। কঠিন-পদার্থাপেক্ষায় তরল-পদার্থ অধিক স্ফীত হয়, ও তদপেক্ষায় বায়ু অধিক। কঠিন পদার্থ ক্রমশঃ তাপাধিক্যে দ্রব হইয়া যায়, তদনন্তর তাপের বৃদ্ধি হইলে বাষ্পরূপে তাহার পরিণত-হইবার সম্ভাবনা। সাধারণতঃ তরল পদার্থ কঠিন-পদার্থাপেক্ষায় শীঘ্র বা-ষ্পরূপে পরিণত হয়। এই বাষ্প-হওনের তাপ-পরিমাণ নির্দিষ্ট আছে, সেই নির্দিষ্ট-পরিমাণে উত্তপ্ত না হইলে কোন পদার্থ বাষ্পীভূত হয় না। পরন্তু কোন ২ পদা-র্থের এক বিশেষ ধর্ম আছে, যৎকর্ত্তুক তাহার উপরি-ভাগের পরমাণু-সকল স্ফীতভাগের পরমাণুর তাপ-সমা-হরণ-করত, বিশেষতঃ নিকটস্থ উত্তপ্ত বায়ুর তাপ-সমাহরণ-করত, বাষ্প-হওনোপযুক্ত তাপসঙ্কুহ করিয়া স্বয়ং বাষ্প হইয়া যায়। এই প্রযুক্ত মদ্য, কর্পূর, আতর প্রভৃতি কয়েক পদার্থ সর্বদাই বাষ্পীভূত হইয়া থাকে। জলও এই প্রকারে বাষ্পীভূত হয়। প্রাতঃকালে কোন প্রশস্ত অগভীর পাত্রে কিঞ্চিৎ পরিমিত জল রাখিলে বৈকালে তাহার সমস্ত পাওয়া যায় না; কিয়দংশ বাষ্প হইয়া বায়ুতে মিশ্রিত হয়। বায়ুতে আদ্রবস্ত্র শুষ্ক-হইবার এই মাত্র কারণ। সমুদ্রাদি-জলাশয়হইতে এই প্রকারে যে পরিমাণে জল প্রত্যহ বাষ্প হইয়া আকাশে উত্থিত হয়, তাহা মনন

করিতে হইলে বিস্ময়াপন্ন হইতে হয়। অনুমিত হইয়াছে, প্রতিবর্ষে ২,০৫,২০,০০,০০,০০,০০০ দুই শত পঞ্চ নি-খর্ষ দুই খর্ষ মন জল আকাশহইতে বৃষ্টি হইয়া পৃথি-ব্যুপরি নিপতিত হয়, এতদ্ভিন্ন কোটি ২ মন জল হিম-শিশির-শিলা-কোয়ামা-প্রভৃতি নানাবয়বে আকাশহই-তে পড়িয়া থাকে; তৎসমুদায়ের আদিকারণ বাষ্প। আদৌ ভূমিহইতে আকাশে বাষ্পরূপে জল না উঠিলে তাহার কিছুমাত্র উৎপন্ন হইবার সম্ভাবনা নাই। অত-এব ইহা স্মৃতি প্রতীত হইতেছে যে প্রত্যহ পৃথিবীহই-তে ১০,০০,০০,০০,০০০ এক নিখর্ষ মন, তথা প্রতি-ঘণ্টায় ৪,১৬,৬৬,৬৬,৬৬৬ চারি অঙ্ক মোড়শ কোটি ছেষটি লক্ষ ছেষটি সহস্র ছয় শত ছেষটি মন জল বাষ্প হইয়া উঠিয়া থাকে; তন্নিম্ন নিয়মিত-পরিমাণে বৃষ্টি হইত না। এই বিস্ময়জনক পরিমিত-জলের কিয়দংশ প্রাণিদিগের প্রাণসহইতে তথা বৃক্ষাদির পত্রহইতে \* ও দক্ষ-হওন-সময়ে কাষ্ঠাদিহইতে নির্গত হয়, অবশিষ্ট সকল জল রৌদ্রদ্বারা আকর্ষিত হইয়া থাকে।

হিম-শিশির-বর্ষাদি আকাশাগত বারিমাত্রের কারণ বাষ্প; তন্নিম্ন তাহার কিছুই উৎপন্ন হয় না, সুতরাং যে সকল কারণে বাষ্পের বৃদ্ধি হয় তাহাতে বৃষ্টিাদিরও আ-ধিক্য হয়। ঐ বাষ্প আবৃত-স্থানাপেক্ষায় অনাবৃত-স্থানে অধিক জন্মে, ও যে জল বাষ্প হইবে, তৎচতুর্দিকবর্ত্তি বায়ু ঐ জলাপেক্ষায় উষ্ণ থাকিলে বাষ্প শীঘ্র উৎপন্ন হয়। গভীর-পাত্রাপেক্ষায় অগভীর-পাত্রে ও বায়ুর সাহায্যে বাষ্প সত্ত্বরে উত্থিত হইতে থাকে। এই প্রযুক্ত উষ্ণ দূর্ধ্ব ঋষ্টি শীতল করিতে হইলে এতদেশীয়া গেছি-মীরা তাহা গভীর বাটীহইতে অগভীর পরালিতে চালিয়া থাকেন, তদভিপ্রায় এই যে গভীর-পাত্রে দুধের যে অংশ শীতল-বায়ুর সহিত সংস্কৃত হয়; অগভীর-পাত্রে তদপেক্ষায় অধিকাংশ বায়ু স্পর্শ করিয়া শীঘ্র শীতল হইবে; ঐ পরালির উপর বাতাস করিলে দুধের আ-ন্দোলন হইয়া তাহার সর্বত্র বায়ু স্পর্শ করে, তথা শীতকার্য্যও শীঘ্র সম্ভব হয়।

অপর জল ও বায়ুর উষ্ণতা তুল্য হইলে, তথা জল অপেক্ষায় বায়ু ১৫ তাপাংশহইতে অধিক শীতল হইলে

\* বৃক্ষদিগের নিশ্বাস প্রাণস আছে; তাহা পত্রদ্বারা অন্তর্গত নির্গত হয়; এবং প্রথম সময়ে বায়ুর সহিত কিঞ্চিৎ বাষ্প নির্গত হইয়া থাকে।



বাক্ষোপস্থিতির অত্যন্ত লাঘব হয়। বায়ু-বাক্ষে পূর্ণসিক্ত \* হইলেও বাক্ষ জন্মিবার হানি হয়; এই প্রযুক্ত বর্ষাকালে অত্যন্ত বাক্ষ জন্মিয়া থাকে।

বায়ুস্থ বাক্ষের ও বৃষ্টি-পতনের পরিমাণ-করণার্থে পদার্থবিদ্যা-বিশারদ পণ্ডিতেরা নানা উপায় স্থির করিয়াছেন। এতদ্দেশে আড়ার পরিমাণ প্রসিদ্ধ; বিলাতে তৎপরিবর্তে অন্যান্য যন্ত্রদ্বারা বাক্ষ ও বৃষ্টি নিরূপিত হয়। কোন দেশে নিপতিত বৃষ্টি মৃত্তিকাদ্বারা শোষিত ও তড়াগাদিতে সঞ্চিত না হইয়া যদ্যপি উক্ত দেশের উপরে সর্বত্র সমভাবে বিস্তৃত থাকিত, ও তদ্বারা ঐ বৃষ্টিজলের যে গভীরতা হইতে পারে, উল্লেখিত বৃষ্টিমান-যন্ত্রে তাহা অনায়াসে নিরূপিত হয়। এই প্রকার বাক্ষমান-যন্ত্রও প্রচারিত আছে, তদ্বারা যে পরিমিত জল বাক্ষরূপে পরিণত হয়, তাহার গভীরতা নিরূপণ করা যায়। ঐ যন্ত্র-দৃষ্টান্তানুসারে কোন স্থানে ২৫ কি ৩০ বুরুল বৃষ্টি হইয়াছে বলিলে এই জাতব্য যে উক্ত স্থানে যে বৃষ্টি পড়িয়াছে তাহার জল মৃত্তিকাদ্বারা শোষিত বা নদীদ্বারা প্রবাহিত বা তড়াগাদিতে সঞ্চিত না হইলে, তৎস্থানের সর্বত্র ২৫ কি ৩০ বুরুল গভীর হইয়া সঞ্চিত থাকিত। ৩০ বুরুল বাক্ষ হইয়াছে, বলিলে ৩০ বুরুল গভীর জল বাক্ষরূপে পরিণত হইয়াছে, ইহাই জাতব্য।

শীতকালে বায়ু অত্যন্ত শুষ্ক থাকে; এই প্রযুক্ত তৎকালে প্রচুর বাক্ষ জন্মিয়া থাকে; গ্রীষ্ম-বায়ুর উষ্ণতায়ও অধিক বাক্ষ হওনের উপায় হয়; কিন্তু তৎকালিক বায়ুকে শীতকালজাত বাক্ষ সিক্ত রাখিয়া ততোধিক বাক্ষ হইতে দেয় না, এই কারণবশতঃ শীতকালে যে পরিমাণে তড়াগাদি শুষ্ক হয়, গ্রীষ্মে তদ্রূপ হয় না। পরে শীত ও গ্রীষ্ম উভয়-ঋতুজাত বাক্ষে বায়ু পূর্ণসিক্ত হইলে, বাক্ষ-হওন-কার্য প্রায়ঃ স্থগিত হয়, ও বায়ু-মিশ্রিত বাক্ষ বৃষ্টিরূপে পড়িতে আরম্ভ করে।

যে স্থানহইতে যে পরিমাণে বাক্ষ উত্থান করে তথায় তদমুরূপ বৃষ্টি নিপতিত হয়; সুতরাং গ্রীষ্মমণ্ডলে যে পরিমাণে বৃষ্টি হয়, সমমণ্ডলে তাদৃশ হয় না, ও সমমণ্ডলের বৃষ্টি হিমমণ্ডলের বৃষ্টিহইতে অনেক অধিক। অনুমিত হইয়াছে, গ্রীষ্মমণ্ডলে গড়ে প্রতিবর্ষে ৮০ বুরুল গভীর জল বাক্ষ হয়; ও তথাকার বৃষ্টির বার্ষিক গড় ১০০ বা

\* যাহাহইতে অধিক সিক্ত হইতে পারে না তদবস্থার পূর্ণসিক্তাবস্থা।

১১০ বুরুল; উত্তর-সমমণ্ডলের বাক্ষ-পরিমাণ ৩০ বুরুল, বৃষ্টি-পরিমাণ ৩৪ বা ৩৫ বুরুল হইবেক।

প্রত্যেক মণ্ডলের সর্বত্র সমপরিমাণে বারি পতিত হয় না। ক্ষেত্রাদি-নিম্ন-স্থানাপেক্ষায় উচ্চ-স্থানে বৃষ্টি অল্প, কিন্তু ক্ষেত্রাদি সমভূমিহইতে পর্বতের ঢালে, বিশেষতঃ ঐ ঢাল অসম অতি উচ্চ পর্বতের পার্শ্বে স্থিত হইলে, বৃষ্টির আধিক্য হয়;—কারণ বাক্ষপূর্ণ বায়ু পর্বতাভিমুখে গমন-সময়ে তৎপার্শ্বে শীতল হওত বৃষ্টিরূপে নিপতিত হইয়া থাকে; এই প্রযুক্ত হিমালয়ের ঢালু স্থানে বৃষ্টি অধিক। অধিত্যকায় বৃষ্টি অল্প, এবং উপত্যকায় অধিক; তদ্রূপে ইরান দেশ; তথায় প্রায়ঃ কদাপি মেঘ দৃষ্ট হয় না, তথ্যচ তন্নিকটস্থ মাজেন্দান-প্রদেশে প্রচুর বৃষ্টি হইয়া থাকে। সমুদ্রতটে বাক্ষ অধিক, তথা বৃষ্টিও অধিক। বৃহভূমিখণ্ডের মধ্যভাগে অধিক বাক্ষের সম্ভাবনা নাই; সুতরাং বৃষ্টি অল্প; কিন্তু স্থানভেদে এই নিয়মের অনেক অন্যথা হইয়া থাকে। সম-মণ্ডলে ভূমির পশ্চিম-পার্শ্বে অধিক বৃষ্টি হয়, ও গ্রীষ্ম-মণ্ডলে ভূমির পূর্ব-পার্শ্বে অধিক; ইহার কারণ, উক্ত মণ্ডল-দ্বয়ের বায়ু; গ্রীষ্মমণ্ডলে বাণিজ্যবায়ুর সাহায্যে বাক্ষপূর্ণ বায়ু আসিয়া পূর্ব-তটে উৎক্রিষ্ট হয়, সমমণ্ডলে বায়ুর গতি তাদৃশ নহে, সুতরাং বৃষ্টিরও অন্যথা ঘটে।

স্থানভেদে বৃষ্টি-হইবার কালের অনেক ভিন্নতা হইয়া থাকে; কোন স্থানে বারমাসই কিঞ্চিৎ বৃষ্টি হয়; কোথাও বর্ষের সমস্ত বৃষ্টি দুই তিন বা চারি মাসের মধ্যে নিপতিত হইয়া যায়; কোথায় শীতকালে বৃষ্টি হয়; কোথায় গ্রীষ্মে, কোথায় হেমন্তে, কোথায় বা নিয়মিত বর্ষাকালে বারি বৃষ্টি হয়। গ্রীষ্মমণ্ডলে নিরক্ষবৃত্তের উত্তর-ভাগে উত্তরায়ণ-সময়ে, ও তদক্ষিণে দক্ষিণায়ন-সময়ে বৃষ্টি হয়; ফলতঃ পৃথিবীর স্থানে ২ যে নিয়মে বৃষ্টি হয়, তদ্রূপে বর্ষাকালকে ঋতুর মধ্যে গণ্য করা শ্রেয়ঃ বোধ হয় না। শীত গ্রীষ্মই ঋতুর প্রধান, অপর-সকল তাহার সন্ধিস্থানমাত্র। স্পেন, পর্তুগাল, এবং ইটালি-দেশ-সকলের দক্ষিণভাগে, তথা সিসিলি ও মেদেরো দ্বীপে, ও আফ্রিকার উত্তরভাগে, তথা গ্রীস-দেশের সর্বত্র, ও আসিয়াখণ্ডের উত্তর-পশ্চিমাঞ্চলে, শীতকালে বৃষ্টি হইয়া থাকে; অতএব ঐ সকল স্থানকে, “শীতকালিক বৃষ্টির মণ্ডল” বলিলে বলা যায়। আঙ্গল-পর্বতের উত্তরভাগস্থ জর্মানি-দেশ, ফ্রান্সদেশের পূর্বভাগ, নিদরলও প্রদেশ, সুই-

জর্লও-দেশের উত্তরভাগ ডেনমার্ক এবং উরাল পর্বতের পূর্ব সিবিরিয়া দেশ পর্যন্ত সকল স্থান গ্রীষ্মকালে বৃষ্টি প্রাপ্ত হয়। অতএব তাহা “গ্রীষ্মকালিক-বৃষ্টিমণ্ডল” নামে বর্ণিতব্য। তথায় শীতকালে প্রায়ঃ কিছুমাত্র বারি বর্ষিত হয় না। ইউরোপাখণ্ডের পশ্চিম-পার্শ্বস্থ সমস্ত দেশ তথা ব্রিটন আদি তত্রত্য দ্বীপ-সকলে বর্ষাকালেই বৃষ্টিপাত হয়, সুতরাং তত্রদেশ “প্রাবিট বৃষ্টিমণ্ডল”। আফ্রিকার দক্ষিণ-ভাগে ও অস্ট্রেলিয়া-দ্বীপে বর্ষা ও শীতকাল বৃষ্টিপাতের সময়; পরন্তু প্রতিদ্বাদশবর্ষান্তে ক্রমাগত তিন বৎসর তথায় কিছু মাত্র বৃষ্টি না হইয়া অকাল উপস্থিত হয়।

পূর্বে উক্ত হইয়াছে গ্রীষ্মমণ্ডলে সর্বাপেক্ষায় অধিক বৃষ্টি হয়; কিন্তু ঐ বৃষ্টি পড়িতে অধিককাল আবশ্যিক হয় না; তথায় দুই মাস-মধ্যে যে বৃষ্টি নিপতিত হয়, হিমমণ্ডলে দুই বৎসরেও তাহা সম্ভব নহে। জটলগের নিকট সিটকা-নামক-দ্বীপে বর্ষের ৪০ দিবস পরিষ্কার থাকে, অপর প্রত্যহ বৃষ্টি হইয়া থাকে, অথচ কলিকাতায় বর্ষে যে পরিমিত বৃষ্টি হইয়া থাকে, তাহার চতুর্থাংশ-পরিমিত বারিও তথায় নিপতিত হয় না। চেরাপুঞ্জি-প্রদেশে যে প্রকার প্রচুর বৃষ্টি হয়, ভূমণ্ডলের আর কুত্রাপি তাদৃশ বৃষ্টি ঘটে না; তথায় ৮০। ৮৫ দিবসের মধ্যে ৪৫০—৫৫০ বুরুল বৃষ্টি প্রপতিত হয়, অথচ তথায় বর্ষের ২৮০ দিবস পরিষ্কার থাকে, কোন মেঘ বা বৃষ্টি দৃষ্টিগোচর হয় না। সেন্টপিটার্গর্গ-নগরে প্রতি সপ্তাহে কিঞ্চিৎ বৃষ্টি পড়িয়া বর্ষের ১৬৯ দিবসে ১৭ বুরুল বৃষ্টি প্রপতিত হয়। অন্যত্রও এই প্রকার অনেক ভেদ আছে, এবং তদ্রূপে ভূগোলবেত্তারা গ্রীষ্ম-মণ্ডলকে “সাময়িক বৃষ্টিমণ্ডল”, ও তাহার উভয় পার্শ্বস্থ স্থানকে, “চিরবৃষ্টিমণ্ডল” শব্দে বিধান করেন।

সাময়িক-বৃষ্টিমণ্ডলে ক্রমাগত দুই তিন বা চারি মাস মধ্যে ২ বৃষ্টি হইয়া ৫০—৬০—১০০ বা ততোধিক বারি বর্ষিত হয়; অবশিষ্ট কাল অনাবৃষ্টি থাকে। চিরবৃষ্টি-মণ্ডলে বৃষ্টি অল্প, কিন্তু তাহা বর্ষের সর্ব সময়েই কিঞ্চিৎ ২ পড়িয়া থাকে।

ভারতবর্ষে মৌসুমি বায়ুর প্রাদুর্ভাব-প্রযুক্ত তথায় বৃষ্টির পূর্বোক্ত নিয়ম রক্ষা পায় না, অয়নভেদে তথায় বৃষ্টি না হইয়া মৌসুমানুসারে বৃষ্টি হয়। অগ্নিকোণীয় মৌসুম-সময়ে, মঙ্গবার তটে ও ইশান-কোণীয় মৌসুম-সময়ে চোরমণ্ডল-তটে বর্ষার প্রাদুর্ভাব হইয়া থাকে।

ঘাটপর্বতের বাধায় সমুদ্রের বাক্ষপূর্ণবায়ু দক্ষিণদেশের সর্বত্র প্রবাহ হইতে পারে না বলিয়া তথায়ও অতি-ভিন্ন ২ ঋতুতে বারি বর্ষিত হইয়া থাকে।

গ্রীষ্মমণ্ডল-সমমণ্ডলাদিতে যে প্রকার বৃষ্টির ভেদ বর্ণিত হইল, উক্ত প্রত্যেক মণ্ডলের প্রত্যেক স্থানে প্রায়ঃ তদ্রূপ ভেদ আছে; অতএব স্মর্তব্য যে পূর্বোক্ত বর্ণনা কেবল স্থূল জ্ঞানের নিমিত্ত লিপিবদ্ধ হইয়াছে। সূক্ষ্ম বোধের নিমিত্ত প্রত্যেক স্থানের বৃষ্টির পরিমাণ জ্ঞাত হওয়া আবশ্যিক। কয়েক প্রধান স্থানের বৃষ্টির পরিমাণ নিম্নে নির্দিষ্ট হইল।

স্থানের নাম,	বার্ষিক গড়।
চেরাপুঞ্জি, .....	৫০০ বুরুল,
আরাকান, .....	১৫০ ”
দার্জিলিঙ, .....	১২৫ ”
বোম্বাই, .....	৮০ ”
মান্দ্রাজ, .....	১৪৮ ”
কাশী, .....	৪৩ ”
মথুরা, .....	২৭১ ”
কলিকাতা, .....	৬৫ ”
দিল্লী, .....	২৩ ”
সান লুই মারানহো, .....	২৮০ ”
সেন্টডোমিঙ্গো দ্বীপ, .....	১২০ ”
গ্রেগাডা দ্বীপ, .....	১১২ ”
রোম, .....	৩৬ ”
লিবরপুল, .....	৩৪ ”
লণ্ডন, .....	২৪ ”
পারি, .....	২১ ”
সেন্টপিটার্গর্গ, .....	১৭ ”
অপ্সল, .....	১৬ ”

কোন ২ দেশকে ভূগোলবেত্তারা “নির্বর্ষ” বা “বর্ষা-বিহীন” দেশশব্দে বর্ণন করেন, কারণ তত্রদেশে বৃষ্টির প্রচার নাই। তিব্বতদেশের অধিত্যকা, পারস্য-দেশের মধ্যভাগ, মেঙ্গোলিয়া, গোবি-মরুভূমি, আরবদেশের উত্তর ও মধ্যভাগ, মিসরদেশ, সাহার-মরুভূমি প্রভৃতি স্থান এই প্রকার; তথায় বৃষ্টি নাই, এবং প্রায়ঃ নভো-ভাগ মেঘাচ্ছন্ন হয় না; তন্মধ্যে কোন ২ স্থানে ২০।৩০ বৎসরের মধ্যে দুই এক পসলা বৃষ্টি হইয়া থাকে, কোথায় বা বর্ষে দুই চারি পসলা হয়; অপর কোন ২

স্থানে কদাপি বৃষ্টি হয় না। মিসর-দেশে বৃষ্টি নাই; তদ্বিনিময়ে শস্যোৎপাদনার্থে বর্ষে ২ মীল-নদীর বন্যা হইয়া থাকে; ঐ বন্যার জলে ভূমি সিক্তা হইয়া শস্য-শালিনী হয়। উত্তরামরিকায় মেক্সিকোর অধিত্যকা, গোয়টিমালা এবং ক্যালিফোর্নিয়া প্রদেশে বৃষ্টি নাই। দক্ষিণামরিকার পশ্চিম-পার্শ্বে বৃষ্টির এতাদৃশ অভাব যে আমাদিগের দেশে ৩০ শালের বন্যা কি ৭৬ মন্বন্তর যজ্ঞপ চিরস্মরণীয়, তথায় মেঘগর্জন ও বৃষ্টিপাত তদ্রূপ আশ্চর্য স্মরণীয় পদার্থের মধ্যে গণ্য আছে। লাই-সা-প্রদেশের লোকেরা কহে, ইংরাজি ১৬৫২ অব্দের ১৩ই জুলাই দিবসে প্রাতে ৮টার সময়ে, পরে ১৭২০ অব্দে, তৎপরে ১৭৪৭ অব্দে, এবং তৎপরে ১৮০৩ অব্দের ১২সে আপ্রেল দিবসে মেঘগর্জন হইয়াছিল। পিরুদেশের নিম্নভাগস্থ মনুষ্যেরা মধ্যে ২ বিদ্যুৎ দেখিতে পায়, কিন্তু মেঘগর্জন কাহাকে বলে তাহা তাহাদের প্রায়ঃ বোধ নাই, কারণ শতবর্ষের মধ্যে তাহাদের দেশে দুই একবার বৃষ্টি হয়। ঝড় বৃষ্টি নাই বলিয়া তাহারা কাগজের ঘরের ন্যায় এতাদৃশ ক্ষণভঙ্গুর গৃহ নির্মিত করে যে তাহা দুই এক পসলা বৃষ্টিতেই বিনষ্ট হয়; এই প্রযুক্ত ৩০।৪০ বা ৫০ বৎসরান্তে দৈবাৎ দুই চারি দিন বৃষ্টি হইলে, তদ্ব্যবস্থায় ভয়ানক উপদ্রব ঘটয়া থাকে। পরন্তু বৃষ্টির পরিবর্তে তথায় গরুরা নামক এক প্রকার কোয়াসা আছে; কোন ২ দিবস পূর্বাঙ্কে তাহা সমস্ত নভোমণ্ডল আচ্ছন্ন করিয়া রাখে, তৎকালে সূর্য্যদেব চন্দ্রের ন্যায় বোধ হয়। পরে রজনীযোগে ঐ কোয়াসা প্রচুর শিশিররূপে তদদেশোপরি নিপতিত হয়।

পূর্বেই উক্ত হইয়াছে গুীম্মাপেক্ষায় শীতকালে অধিক বাষ্প উত্থান করে। ঐ বাষ্পের কিয়দংশ মেঘরূপে

পরিণত হয়। অপরাংশ নভোভাগে শীত-বায়ুর সং-স্পর্শে ঘনীভূত হইয়া শিশির বা কোয়াসারূপে ভূমিতে নিপতিত হয়; শীতের প্রাথমিক হইলে তাহা হিম বা তুষার রূপ ধারণ করে। দেশীয় উষ্ণতার বর্ণন-সময়ে উক্ত হইয়াছে, গুীম্মমণ্ডলই সর্বাপেক্ষায় উষ্ণ, তথাহইতে যত কেন্দ্রাভিমুখে অগুবর্তি হওয়া যায়, ততই শীতের বৃদ্ধি হয়, সুতরাং ইহা অনায়াসেই অনুভূত হইতে পারিবেক, যে ঐ শীতপ্রধানদেশে শিশির পতন-সময়ে শীতাতিক্রমে হিম \* রূপে পরিণত হইবেক। ঐ হিম হওনের সীমা পৃথিবীর উত্তরভাগে ৩০ অক্ষাংশ, তাহার দক্ষিণে হিম পড়ে না। পৃথিবীর দক্ষিণভাগে হিমসীমা ৪৮ অক্ষাংশ তাহার উত্তরে হিম পড়িতে দেখা যায় নাই।

পরন্তু এই নিয়ম সমভূমির সমুদ্রেই প্রমাণীকৃত হয়, পরন্তু ইহার অনেক অন্যথা প্রত্যক্ষ হইয়া থাকে; তদ্বিবরণ পরে বক্তব্য।

বাষ্প শীত-ক্রমে ঘনীভূত হইয়া বৃষ্টিরূপে নিপতিত হয়; ও কখন ২ ঐ পতন-সময়ে শীতাতিক্রম হইলে অত্যন্ত ঘন অর্থাৎ দৃঢ় হইয়া যায়, এবং তাহা শিলা-নামে প্রসিদ্ধ। ঐ দৈব শিলা-হওনের কারণ বিদ্যুৎ; তাহার সাহায্য ভিন্ন শিলা হইবার সম্ভাবনা নাই।

\* হিম শব্দের প্রকৃত অর্থ আকাশাগত “বরফ”; কিন্তু অনভিজ্ঞতা-দোষে তাহা শিশির-জ্ঞাপনার্থেও ব্যবহৃত হইয়া থাকে; এই গুণে আমরা ঐ শব্দ প্রকৃত অর্থে ব্যবহৃত করিলাম। তড়াগাদির জল জমিয়া যে দৃঢ় পদার্থ হয়, তাহা বরফ শব্দে জ্ঞাপন করিব। ফরাসিঃ ইংরাজি “আইস্” ও “স্নো” শব্দে যে ভেদ, আমরা হিম ও বরফ শব্দে সেই ভেদ নির্দিষ্ট করিলাম। হিমের পর্য্যায় “নীহার” ও “তুষার”; ইহার অন্যতম শব্দ স্নেহামতে ব্যবহৃত হইবেক।

## বিবিধার্থ-সঙ্গ্ৰহ,


অর্থাৎ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

৩ পর্ব ]

শকাব্দ ১৭৭৩, শ্রাবণ।

[২৯ খণ্ড।



(সিদ্ধি আশীর্ষক।)

সিক্ক-দেশীয়দিগের উপাখ্যান।

সিক্ক-দেশের উভয়-তটস্থ ভূমি সিক্ক-দেশ নামে বিখ্যাত। আটক-নগরহইতে সমুদ্র-পর্য্যন্ত তাহার বিস্তার, এবং রাজবারা ও বে-

লুচিভান্ দেশের অভ্যন্তরস্থ সমস্ত ভূমি তাহার অন্তর্গত।

এই প্রদেশের প্রাকৃত-ধর্ম সর্বত্র তুল্য নহে; টাটা করাচি প্রভৃতি সমুদ্র-নিকটস্থ ভূমি শিলা ও বালুকাময়, প্রায়ঃ তৃণবৃক্ষাদি বর্জিত এবং

অস্বাস্থ্যজনক। সিন্ধু-দেশীয় লোকেরা এই স্থানের “নার” নাম বিধান করে।

নার-প্রদেশের উত্তরে হাইদরাবাদের চতুর্দিগ-বর্ত্তি স্থান “বিচোলো” নামে প্রসিদ্ধ। তা-হাতে শস্যাদি অনেক উৎপন্ন হয়, এবং বৃক্ষা-দিরও অভাব নাই; তথায় অনেক বিখ্যাত নগরাদিও আছে। এই খণ্ডে বহুকাল সিন্ধু-দে-শের রাজপাট ছিল, এবং অধুনা ইংরাজদিগের তদদেশ-শাসনকর্ত্তা রাজপুত্রেরা তথায় বাস করে, এই প্রযুক্ত অন্য ভাগাপেক্ষায় তাহার সৌষ্ঠব অধিক। সিন্ধু-নদের বন্যায় তথায় মধ্যে ২ অনেক অনিষ্ট ঘটিয়া থাকে, কিন্তু এ বন্যায় দেশের শস্যসম্পত্তি এ প্রকারে বৃদ্ধি করে যে লোকে তজ্জনিত অনিষ্ট অনিষ্টই জ্ঞান করে না।

বিচোলোর উত্তরস্থ মেহবান্ নাখান্ খয়েরপুর প্রভৃতি স্থানের সমষ্টি নাম “সিরো”। তথায় সমুদ্র-বায়ুর প্রচার নাই, সুতরাং বর্ষের নয় মাস ক্রমাগত অসহ্য গুম্বের প্রাদুর্ভাব থাকে; অধিকন্তু বেলুচিস্তান্ ও ভাওলপুরের মক্ভূম্যা-গত সিমূম-নামক প্রাণসংহারক উষ্ণ বায়ু আ-সিয়া অনেক উপদ্রুত ঘটাইয়া থাকে, তৎকালে পজ্জন্য-বর্ষণ হইলেই কিঞ্চিৎ ইষ্ট, নচেৎ অ-ত্যন্ত ক্রেশ সহ্য করিতে হয়। অপর সিন্ধু-দেশে অধিক বৃষ্টি হয় না, তৎপ্রযুক্ত মধ্যে ২ কিঞ্চিৎ হইলে জনগণে তাহাকে অত্যন্ত প্রিয় জ্ঞান করে। সিরো-প্রদেশে সিন্ধু-নদের তটস্থ ভূমি উর্বরা এবং অনেক উদ্যানাদিতে পরিশো-ভিত, কিন্তু তন্নিম্ন সকল স্থান মক্ভূমি-প্রায়ঃ; কোন স্থানে কেবল ঝাউবন, কোন স্থান বালু-কাময়; কোথাও বা তৃণ-হীন শিলাময় পর্বত, তন্নিম্ন আর কিছুই দৃষ্ট হয় না। পরন্তু সিরো-

প্রদেশে প্রসিদ্ধ নগর অনেক আছে; এবং তা-হাতে পুজারও অভাব নাই। বক্কর, সক্কর, রোহার, নাখানা খয়েরপুর প্রভৃতি নগর-সকল সিন্ধু-দেশের এই প্রদেশে স্থিত। শেযোক্ত স্থান অদ্যাপি স্বাধীন আছে; ইংরাজকর্ত্তক সিন্ধু-দেশীয়দিগের পরাজয়-সময়ে তাহার পরাজয় হয় নাই। তালপুর-বংশীয় মীর আলি-মোরাদ্ অধুনা এই স্থানের সাম্রাজ্য করিতেছেন।

সিন্ধু-দেশের প্রধান অঙ্গ সিন্ধু-নদ; তাহা উক্ত-দেশ-সম্বন্ধে রাজপথ, জনদাতা এবং শস্য-দাতা; তরী-সকল বাণিজ্য-সাধনার্থে তাহার গর্ভদিয়া ভ্রমণ করিতেছে, দূরদেশস্থ বন্ধু পর-স্পর-সন্দর্শনোপায় তাহাই হইতে প্রাপ্ত হইতে-ছে; তাহার বন্যায় ভূমি শস্যশালিনী হই-তেছে; তথাকার প্রাণি সকল তজ্জলে জীবন-ধারণ করিতেছে। চৈত্র অবধি ভাদু পর্য্যন্ত মধ্যে ২ সিন্ধু-নদের বন্যা হইয়া থাকে; তন্ম-ধ্যে চৈত্র ও ভাদুর শেষে যে বন্যা হয় তা-হাই অত্যন্ত ব্যাপক।

প্ৰস্তাবিত দেশের আদিম পুজারা হিন্দুধর্মা-বলম্বী ছিল; কিন্তু বহুকাল যবন-সংসর্গে তাহা-দিগের ধর্ম চ্যুত হইয়াছে। এইক্ষণে তাহাদিগের অধিকাংশ মোসলমান্; এবং বর্ণনকর মনু-ষ্যেরা যে প্রকার দুর্বৃদ্ধি হইয়া থাকে তজ্জপ অধম। পরন্তু তত্রত্য বেলুচ-জাতীয় ব্যক্তির এই নিন্দার ভাজন নহে; তাহাদের অনেকে পর্বতে বাস করত যথাযোগ্য-ব্যায়াম-সহকারে আ-পন ২ কার্যিক-সৌষ্ঠব সুচাঞ্চল্যে বাড়াইয়া থাকে; এবং মৃগয়া-যুদ্ধ-বিগৃহে কোন মতে সামান্য নহে। ইংরাজকর্ত্তক সিন্ধু-রাজ্যের অপ-হরণ-সময়ে যে যুদ্ধ-বিগৃহাদি হইয়াছিল, তা-হার প্ৰশংসা বেলুচ-জাতিদিগকেই অর্শে; কথিত

আছে তজ্জাতীয় তাবৎ লোকেরা যুদ্ধ-সজ্জায় উপযুক্ত কাল পাইলে ইংরাজদিগের পক্ষে সিন্ধু-রাজ্য গৃহণ-করা কঠিন হইত।

মোসলমান্ সংসর্গে সিন্ধুদিগের বর্ণ যে প্রকার সঙ্কর; তৎকারণ তাহাদিগের ভাষাও সেই প্রকার সঙ্কর হইয়াছে। উক্ত ভাষার মূল সংস্কৃত; ব্যবহার-দোষে সংস্কৃতের পরিবর্তন হইয়া যে প্রকারে প্রাকৃতাদি-ভাষার সৃষ্টি হই-য়াছে, ইহার ও উৎপত্তি তদনুরূপ।

সিন্ধুদিগের আহার ব্যবহার প্রায়ঃ অন্যান্য মোসলমান্দিগের তুল্য। যে কোন অংশে পা-র্থক্য আছে তাহার সমুদায় বর্ণন করিবার অবকাশ এই পত্রে সম্ভবে না; অতএব তদ্বিসয়ক কতি-পয় প্রধান লক্ষণের উল্লেখ করিয়া এই প্ৰস্তা-বের উপসংহার করিতে হইবে।

হিন্দুদিগের ন্যায় সিন্ধুরা কন্যা অপেক্ষায় পুত্রকে প্রিয় জ্ঞান করে, এবং বেলুচ জাতীয় প্রভৃতি কোন ২ জাতীয়েরা রাজপুত্রদিগের অধম-প্ৰধানুগামী হইয়া জন্মিবামাত্র কন্যাকে অহি-ক্ষেণ নির্গলিত করাইয়া অথবা দুখে নিমগ্ন করাইয়া বিনষ্ট করে। পরন্তু প্ৰস্তাবিত দেশে কন্যা-বিনাশের রীতি বলবৎ নহে; এবং কন্যা-জন্মকালে তৎপুত্রি অবহেলা করাও ব্যবহারসিদ্ধ নহে। পুত্র কন্যা উভয়ের জন্ম-সময়ে প্ৰসূতি-কার আত্মীয় কুটুম্বেরা তুল্য-আনন্দ-প্রকাশ-পূর্বক তাহার গৃহে গীত-বাদ্যাদি আনন্দসূচক ব্যাপার-শ্রবণাবলোকনে তৎপর হয়, এবং গৃহকর্ত্তাও যথাসাধ্য দুগ্ধ মিষ্টান্ন ও তবাকু দিয়া আতিথ্য-সাধন করিয়া থাকেন। প্ৰসূতিকার আত্মীয়া ও কুটুম্বিনীরা তদর্শনার্থে আগমন-সময়ে নব-প্ৰসূ-তের নিমিত্ত কিঞ্চিৎ ২ দুগ্ধ আনয়ন করা বি-হিত জ্ঞান করে; তদন্যায় অসভ্যাপবাদের

সম্ভাবনা। এই জন্মোৎসব ক্রমাগত পাঁচ দিন থাকে; তদনন্তর ষষ্ঠ দিবসে নব-প্ৰসূতের নাম-করণ-সংস্কার বিহিত হয়। তাহার কোন বিশেষ লক্ষণ নাই, অতএব এইক্ষণে আমরা তদীয় দ্বিতীয় সংস্কারের উল্লেখ করিতেছি।

দ্বিতীয় সংস্কারের নাম “আকিকো” অর্থাৎ চূড়াকরণ; জন্মানন্তর তিন মাস অবধি এক বৎসরের মধ্যে এই সংস্কার করা বিধেয়। তদর্থে একটি সুলক্ষণ মেঘকে মোসলমান্দিগের প্ৰচলিত বিধির অনুসারে বধ করিয়া তাহার মাংসহইতে চর্ম, ও পরে অস্থিহইতে মাংস, পৃথক করিতে হয়; এবং তৎকালে অস্থি যাহাতে আহত বা ভগ্ন না হয় তদর্থে বিশেষ সাবধান হওয়া কর্ত্তব্য; কারণ এ ব্যাঘাত হইলে পরে অনিষ্ট হইবার সম্ভাবনা। পৃথক-কৃত মাংস আত্মীয়-কুটুম্বদিগের ব্যবহারার্থ পাকশালায় প্রেরিত হয়, ও বালকের মস্তক মুণ্ডিত হইলে মুণ্ডিত কেশ ও পূর্বোক্ত মেঘাস্থি মেঘকে আবৃত করিয়া গৃহদ্বারে অথবা সন্মাদি-স্থানে (গোরস্থানে), প্রোথিত করিয়া রাখে। সিন্ধুদিগের ধর্মশাস্ত্র-মতে স্বর্গে গমনের পথে বৈতরিনী নদীর স্থানা-পন্ন। এলসিরৎ নাম্নী এক ভয়ঙ্করী নদী আছে; এক অতিসূক্ষ্ম-সূত্রের সেতুদিয়া তাহা পার হইতে হয়; এ সূত্রোপরি অতি সাবধানে পদ নিষ্ক্ষেপ না করিলে তন্নিম্নে নরকে পড়িবার সম্ভাবনা। কিন্তু আকিকো সংস্কার যথাবিহিত সিদ্ধ হইলে এই আপদের নিরাকরণ হয়, কারণ এই নদী-পার-হওন-দিবসে পূর্বাঙ্ক মেঘাস্থি ও চর্ম সুন্দর অশ্বাবয়ব ধারণ করত যৎ-সম্বন্ধে আকিকো সংস্কার বিহিত হয়, তাহাকে পৃষ্ঠে লইয়া স্বচ্ছন্দে নৃত্য করিতে ২ নদ্যবতরণ করত স্বর্গারোহণ করে।

সিন্ধুদিগের তৃতীয় সংস্কার বিদ্যারস্ত, ও চতুর্থ সংস্কার সূত্র। তদনন্তর বিবাহের উদ্যোগ হইয়া থাকে। ধনবান্ সিন্ধুরা হিন্দুদিগের কদর্য রীত্যানুসারে বিংশতি-বৎসরের মধ্যেই উদ্বাহ বন্ধনে নিবদ্ধ হয়; কিন্তু মধ্যবিত্ত গৃহস্থেরা ২৫-৩০ বৎসরের পূর্বে বিবাহের উদ্যোগ করে না। সিন্ধুদিগের ঘটক “উকীল” নামে বিখ্যাত; তাহারা বাকপটুতায় তাহাদিগের বঙ্গীয়-ভ্রাতাদিগহইতে কোন মতে ন্যূন নহে। উভয় দেশেই তাহারা পাত্র-কন্যার প্রশংসায় গদগদচিত্ত, ও প্রলোভ-দর্শনে তুল্য কুশল; এবং তাহাদিগের বাক্যের বায়ু-তুল্য দার্ঢ্যতা উভয়-স্থানেই সমান। বিবাহের কল্পনা হইলে প্রথমতঃ ঘটককৃত পুস্তাব শুভমাত্র বিবাহ দিতে স্বীকার করা সিন্ধুদিগের বোধে সৎপ্রথা নহে; এই প্রযুক্ত উদ্বাহ-পুস্তাব শুনিলেই সিন্ধু-কন্যাকর্তারা অস্বীকার করিয়া ঝটিতি ঘটককে বিদায় করেন। তদনন্তর এক মাস অতীত হইলে ঘটক কন্যাকর্তার নিকটে দ্বিতীয় বার আগমন-পূর্বক নানাবিধ ভূমিকার পর পুনরায় বিবাহের প্রসঙ্গ করে; তাহাতে কন্যাকর্তার বিরাগ থাকিলে তিনি সে বিষয়ের প্রসঙ্গ করিতে নিষেধ করেন; নতুবা আপন সম্মতি-প্রকাশ-করণার্থে অর্দ্ধ-সম্মতিসূচক কোন বাক্য কহিয়া থাকেন। এ বিষয়ের এক প্রচলিত বাক্য এই; “ঈশ্বরের নিবন্ধন খণ্ডাইবার নহে; কিন্তু এইক্ষণে আমাদিগের কন্যা-দানে অভিকটি নাই”। এই প্রকারে আশ্বাসিত হইলে বরকর্তা ও তৎপরিবার পুনঃ ২ ভাবি কুটুম্বদিগের সহিত সাক্ষাৎ করিতে যায়। এ ভাবি কুটুম্বেরাও আপন সভ্যতা-প্রদর্শনার্থে তাহাদের বাটী সর্বদা যাতায়াত করে। এই সময়ে প্রতিবাসিরা বরযাত্রীর-ভোজের লোভে

পাত্রকন্যার প্রশংসায় বিরত হয় না, সুতরাং অল্পকাল-মধ্যেই বিবাহের কল্পনা স্থিরীকৃত হইয়া উঠে।

অতঃপর বিবাহের দিন স্থির করা আবশ্যিক; তন্নিমিত্ত আমাদিগের ন্যায় কোন পত্র লিখিবার প্রয়োজন হয় না। বরকর্তা সপরিবারে যথাসাধ্য বস্ত্রালঙ্কার ও কিঞ্চিৎ পিষ্ট মেহদিপত্র লইয়া মহাসমারোহে কন্যাকর্তার বাটী আগমন করেন; তথায় স্ত্রীপুরুষেরা পৃথক ২ সভা করিয়া আগত স্ত্রীদিগকে স্ত্রীর সভায় ও পুরুষদিগকে বর্হিবাটীতে সমাদর-পূর্বক উপবেশন করায়। ভারতবর্ষের সর্বত্রই বিবাহ-সম্বন্ধে নাপিত ও নাপিৎনী প্রধান অঙ্গ; তাহাদিগের অনুপস্থিতিতে বিবাহ টোপর-বিহীন-বিবাহের ন্যায় বোধ হয়। সিন্ধুদেশে নাপিত অপেক্ষায় নাপিৎনী প্রধান; সে পত্রের দিবস, পাত্রের বাটীহইতে তৈল-হরিদ্রার প্রতিনিধি বস্ত্রালঙ্কার-মেহদি-প্রভৃতি আনয়ন-পূর্বক কন্যাকে সুসজ্জীভূতা করত স্ত্রীদিগের সভা-মধ্যে উপবিষ্ট করায়; ও তদনন্তর এক বৃহৎ-পাত্রে কিঞ্চিৎ দুগ্ধ লইয়া বর্হিবাটীতে বরকর্তার সম্মুখে তাহা সংস্থাপিত করে।

বরকর্তা স্ত্রীভাষীঃপুরুঃসর এ দুগ্ধ সভাস্থ সকলের সহিত পানকরণপূর্বক উপস্থিত মিষ্টান্ন সেবন করত অবশিষ্ট মিষ্টান্ন স্ত্রীদিগের সভায় প্রেরণ করেন। অতঃপর কন্যাকর্তা বিবাহের দিন স্থির করিলেই সভা ভঙ্গ হয়।

বিবাহের পূর্বে পাত্র কন্যার সাক্ষাৎ হওয়া প্রসিদ্ধ রীতি নহে; পরন্তু আকগানদিগের ন্যায় অনেকে গোপনে ভাবিস্ত্রীর সাক্ষাৎ করিয়া থাকে; এবং কখন ২ বিবাহের পূর্বে কন্যা অন্তঃসত্ত্বা হইতে দৃষ্ট হইয়াছে।

সিন্ধু-দেশে গাত্রহরিদ্রার ব্যাপার সামান্য নহে; কন্যাকর্তার গৃহে বিবাহের মাসাধিক কাল-হইতে ঐ উৎসব প্রারম্ভ হয়, এবং তৎকাল যাবৎ পুত্র্য মহাসমারোহে ভোজ হইতে থাকে। নাপিৎনী সাধ্যানুসারে যৎপরোনাস্তি পরিশুদ্ধ-পূর্বক কন্যার রূপ-লাবণ্যেৎপাদনার্থে সেবায় তৎপর।—গাত্র উপটন, মস্তকে মাথাঘসা, নয়নে কজ্জল, বয়ানের স্থানে ২ মৃগনাভির চিহ্ন, কেশের বেণী-নির্মাণ, গাত্রের লোম-বিমোচন, হস্ত-পদে মেহদি, ওষ্ঠে অলঙ্করণ, কপোলে অভ্রু-চূর্ণ, কেশে সুগন্ধি তৈল ইত্যাদি দ্বারা কন্যার রূপলাবণ্যের বৃদ্ধি করিতে কোনমতে ত্রুটি করে না। পাত্রের গাত্রহরিদ্রা বিবাহের দুই তিন দিবস পূর্বে আরম্ভ হয়, কারণ তাহার অঙ্গুরাগে অধিক কালের আবশ্যিক নাই।

বিবাহের দিবসে সিন্ধুরা কোন বিশেষ যজ্ঞাদি করে না; সমস্ত দিবসাবধি রাত্রি দুই পুহর পর্যন্ত কেবল অঙ্গুরাগ স্বাভীষ্টানুরূপ সাধনে নিযুক্ত থাকে। বেশভূষা হইলে পর পাত্রের গৃহহইতে দুই ব্যক্তি কন্যার নিকট গিয়া এক জন তৎপক্ষীয় কর্মকর্তা (প্রতিনিধি) নিযুক্ত করিতে তাহাকে অনুরোধ করে। স্ত্রীজাতি স্বভাবতঃ লজ্জাবতী; বিশেষতঃ উদ্বাহ-দিবসে অত্যন্ত লজ্জায় সঙ্কুচিতা থাকে; সুতরাং প্রতিনিধি-নিয়োগের অনেক বিলম্ব হয়। অবশেষে তাহার পিতা কি ভ্রাতা কি অন্য কোন আত্মীয় তৎপদে নিযুক্ত হইলে পূর্বোক্ত দুই ব্যক্তি পাত্রের গৃহে সমাগত মোল্লা প্রভৃতি সভাস্থ সকলের সম্মুখে সাক্ষিতা দিয়া কহে, “কুঁয়ার (কন্যা) অমুককে প্রতিনিধি নিযুক্ত করিয়াছেন”। এই প্রকারে প্রতিনিধি নিযুক্ত হইলে পর মোল্লা ঐ প্রতিনিধিকে তিনবার জিজ্ঞাসা করেন; তুমি অমুক অমুকের কন্যা, অমুকের পৌত্রী

অমুককে, অমুকের পুত্র, অমুকের পৌত্র, অমুককে দান করিতে স্বীকৃত আছ? ও সে স্বীকৃত হইলে পূর্বোক্ত বাক্যানুরূপ বাক্যে পাত্রকে জিজ্ঞাসা করেন, ও সে বিবাহ করিতে স্বীকৃত হইলেই বিবাহ সিদ্ধ হইল। তৎপরে কন্যা স্ত্রীধন-স্বরূপে (দেয়ন—মোহর) কত টাকা প্রাপ্ত হইবে, অলঙ্কারাদিতে তাহার স্বত্ব হইবে কি না, ইত্যাদি বাক্যের চুক্তিপত্র লিখিত হয়, ও তদনন্তর মোল্লা উদ্বাহের মাহাত্ম্যসূচক \* অনেক-বক্তৃতা-করণপূর্বক আশীর্বাদ করত বিবাহ সুসম্পন্ন করেন। তৎপরে স্ত্রীআচার-ব্যাপার; তদুল্লেখ্যে অনেকে কুতূহলী হইতে পারেন, কিন্তু এই পত্রে তদ্বর্ণনের স্থানাভাব।

সিন্ধুদিগের শেষকার্য্য অন্তেষ্টিক্রিয়া, তাহা মোসলমানদিগের প্রচলিত-রীত্যানুসারেই সম্পন্ন হইয়া থাকে। অতএব তাহার বিস্তার-করণ বাহুল্য।

পূর্বেই উক্ত হইয়াছে, সিন্ধুরা মোসলমান, অতএব তদ্বিষয়ের ব্যাখ্যান করায়ও প্রয়োজন নাই; পরন্তু ধর্মবিষয়ে তাহাদিগের এক আশ্চর্য্য বিশ্বাস আছে, তাহার প্রসঙ্গ করা কর্তব্য। তাহারা কহে, ঈশ্বরানুগৃহ-প্রাপ্ত ধার্মিক ব্যক্তি জনগণের যে প্রকার উপকার করিতে পারে, তাহার গোরহইতেও সেই রূপ উপকার সম্ভবে। এই প্রযুক্ত বিদেশীয় কোন ধার্মিক ব্যক্তি তাহাদিগের দেশে আগত হইলে, তাহাকে বধ করিয়া স্বদেশে গোর দিয়া রাখিবার চেষ্টায় সাধ্যানুসারে ত্রুটি করে না। মিমোহরি নামা এক ব্যক্তি মুলতানি ফকীরকে এই অভিপ্রায়ে বধ করিবার উদ্যোগে কয়েক জন সিন্ধু রজনীযোগে তাহার অনুপস্থিতিতে তাহার শিষ্যকে বধ করিয়াছিল।

\* বিবিধার্থের ১ খণ্ডে ১২৮ পৃষ্ঠে ইহার কিঞ্চিৎ উল্লেখ আছে।

## হাইদর আলি।

(দ্বিতীয় পর্বে ২০৩ পৃষ্ঠাহইতে ক্রমাগত।)

হাইদর আলি রাজদিগের সহিত এই গুরুতর-সঙ্গ্রাম-পারিশেব-করণের কিয়ৎকাল পরে হাইদর হররাজাপেক্ষা আর এক প্রবল শত্রুর সহিত সঙ্গ্রামে প্ৰবৃত্ত হন। মহারাষ্ট্রীয়েরা মাধোরাও ও অন্যান্য যুদ্ধবিশারদ সেনানীর অধীনে হাইদরের সৈন্যের দ্বিগুণ সংখ্যক এক দল সৈন্য লইয়া তাঁহার রাজ্যে প্রবেশ করিল। হাইদর পূর্ববৎ স্বীয় নগরাদি বিধ্বস্ত করিয়া তাহাদিগের দূরীকরণে বহুবিধ যত্ন পাইলেন, কিন্তু কিছুতেই কৃতকার্য হইতে পারিলেন না। দুর্দান্ত মহারাষ্ট্রীয়েরা একে ২ তাঁহার সমুদয় সুরক্ষিত দুর্গ ও নগর আক্রমণ-পূর্বক আপনাদিগের কর-গত করিতে লাগিল; ও বিজাতীয়-নিষ্ঠুরাচরণ-প্ৰদর্শনদ্বারা সকলের হৃৎকম্প করিতে লাগিল। কোন দুর্গস্থিত সৈন্য তাহাদিগের সহিত ঘোরতর যুদ্ধ করাতে মহারাষ্ট্রীয় সৈন্যাদ্যক্ষ তৎপ্ৰতিকল-স্বরূপ তাহাদিগের নাসিকা ও কণ্ঠচ্ছেদন করাইলেন, পরে দুর্গ-রক্ষক সেনাপতিকে ডাকিয়া জিজ্ঞাসা করিলেন, “তুমিও এই রূপ শাস্তির যোগ্য, ইহা তোমার বোধ হইয়াছে কি না”? সে উত্তর করিল, “তাহাতে আমার অঙ্গ-হানি মাত্র, কিন্তু তোমার সম্পূর্ণ অপযশ,”। এই সদুত্তরের অভিপ্ৰায় নিষ্ঠুর মহারাষ্ট্রীয় সেনানীর হৃদয়ে প্ৰবেশ করিল, ও সে সেনাপতির প্ৰতি হস্তোত্তোলন না করিয়া তাহাকে সুস্থ-শরীরে গমন করিতে অনুমতি দিল। অতঃপর মাধোরাও পাড়া প্ৰযুক্ত যুদ্ধে অশক্ত হওয়াতে ত্ৰ্যম্বকমামাকে সেনাপতিপদে নিযুক্ত করিয়া স্বয়ং অবসৃত হইলেন।

হাইদর স্বীয় রাজধানীতে এই অভিনব সেনাপতির প্ৰবেশ অবরোধ করিবার নিমিত্ত কতিপয় পার্শ্ব পথে আপন সেনা লইয়া দণ্ডায়মান রহিলেন, কিন্তু কিছুতেই তাঁহাকে বিমুখ করিতে পারিলেন না। অবশেষে রজনীযোগে সেনাসহ রাজপাটে পুস্থানার্থে যাত্রা করিবার উদ্দেশ্য করিলেন। এই সময়ে তাঁহার এক জন সৈন্যাদ্যক্ষ দুর্বুদ্ধিবশতঃ একটা বন্দুক ধনি করাতে তদাকর্ষণ মাত্র শত্রুরা তাহার সৈন্যের পলায়ন-ব্যাপার অবগত হইয়া তাহাদের উপর আক্রমণ করিল। হাইদর প্ৰতিদিন নিশাযোগে যে রূপ মাদক দ্রব্য সেবন করিতেন, এই রাত্রিতে ভয়ানক বিপদাপন্ন হইয়াও তাহা গৃহণ করিতে ত্রুটি করেন নাই; অর্থাৎ তিনি সুরাপানে বিলক্ষণ উন্মত্ত হইয়াছিলেন, সুতরাং স্বয়ং সৈন্যদিগকে রক্ষা করিতে অপারক হইলেন; অপর তিনি তৎকালে বিবেকশূন্য হইয়া আপন পুত্র টিপুকে যৎপরোনাস্তি তিরস্কার ও তাহার গৃষ্ঠে অতিশয়-বল-পূর্বক বেত্রাঘাত করিলেন; তাহাতে টিপু রাগান্বিত হইয়া শপথ করিলেন, যে তিনি নে রাত্রিতে শত্রুবিক্কে কদাপি অস্ত্রধারণ করিবেন না। হাইদরের সৈন্যেরা এই রূপে সেনাপতি বিহীন হইয়া শত্রুকর্তৃক অনায়াসে ইতস্ততঃ তাড়িত হইল।

পরে যখন মহারাষ্ট্রীয়েরা তাঁহার দুব্যাদি লুণ্ঠন করণে ব্যস্ত ছিল, সেই সুযোগে হাইদর এক দ্রুত-গামী অশ্বোপরি আরোহণ করিয়া শ্রীরঙ্গপত্তনে সন্মাগত হইলেন। টিপুও এক ভিক্কুকের বেশ ধারণ করিয়া শত্রুদলের মধ্য দিয়া অপরিচিতরূপে প্ৰয়াণ করিলেন। এক্ষণে ত্ৰ্যম্বকমামা মহীসূরের রাজপাটে প্ৰবেশ করিয়া এই নগরকে আপনাদের

করতলে আনয়ন করিতে পারিলেই হাইদরকে রাজ্য-চ্যুত করিতে পারিতেন, কিন্তু তিনি এই বৃহৎ কার্যোপযোগী বুদ্ধি-কৌশল সম্পন্ন ছিলেন না। তিনি সম্মুখ যুদ্ধে তাজ্জীল্য করিয়া প্রায়ঃ মাসাবধি অনর্থক কয়েক কালহরণ করিতে লাগিলেন; এই অবকাশে হাইদর সৈন্য-সঙ্গ্রহ ও যুদ্ধের অন্যান্য উপকরণ পুস্তত করিতে সচেষ্ট হইলেন। পরে আপনাকে পূর্ণ ক্ষমতাবান দেখিয়া শত্রুদিগের তাড়না করিতে লাগিলেন। এই প্ৰকারে প্রায়ঃ সাত্বৎসর গত হইলে হাইদর মহারাষ্ট্রীয়দিগকে স্বীয়-রাজ্যের উত্তরাংশের অনেক ভাগ ও নগদ ১৫ লক্ষ টাকা দিয়া পরে আরও ১৫ লক্ষ মুদ্রা দিতে স্বীকৃত হইয়া তাহাদের সহিত সন্ধি করিলেন।

এই যুদ্ধে ইংরাজেরা পূর্ব-সন্ধ্যানুসারে হাইদরকে কিছুই সাহায্য করেন নাই। কারণ এই যুদ্ধারম্ভ-কালে কোম্পানীর প্ৰধান কর্তৃপক্ষীয়েরা মান্দ্রাজস্থ সমাজের প্ৰতি একুপ আত্মা দিয়াছিলেন, তাহারা কণাটস্থ যুদ্ধবিগুহে কোন প্ৰকার সংশুব না রাখেন, বিশেষতঃ হাইদর বা অন্য কোন প্ৰদেশস্থ রাজার পক্ষে কিছুমাত্র সহায়তা না করেন; সুতরাং হাইদর যথাসাধ্য মহারাষ্ট্রীয়দিগের হস্তহইতে নিষ্ফ্ৰতি পাইয়া আপন প্ৰজাদিগকে বশীভূত করণে উদ্যুক্ত হইলেন। প্ৰথমে তিনি মল্লবার প্ৰদেশে প্ৰবেশ জন্য তদঞ্চলের দ্বারস্বরূপ কুর্গদেশ আক্রমণ করেন। এই স্থান সম্পূর্ণ অরক্ষিত ছিল, সুতরাং তাহা অনায়াসেই তাঁহার হস্তগত হইল। হাইদর তথায় আপন জয়পতাকা উড্ডীয়মানা করিয়া আপন জঘন্য নিষ্ঠুরস্বভাবের এক দৃষ্টান্ত প্ৰদর্শন করিয়াছিলেন। তিনি তত্রত্য প্ৰজাদিগের উৎসাদনকম্পে তাঁহার নিকট যে কেহ নরমুণ্ড আনয়ন করিবে তাহাকে

প্ৰত্যেক মুণ্ডের ৫ টাকা পারিতোষিক দিবেন বলিয়া আপন সৈন্যদিগকে তাহাদের সংহারার্থে উৎসাহ প্ৰদান করেন, ও স্বয়ং রাজাসনে উপবিষ্ট হইয়া ছিন্নমুণ্ড-সকল গৃহণপূর্বক যথানিয়মে তাহার নিদ্রিষ্ট, গুরকার বিতরণ করিতে লাগিলেন। এই প্ৰকারে ৭০০ মনুষ্যের প্ৰাণ-নাশ করিলে পর তিনি একুপ পরম সুন্দর মুখশ্রীবিশিষ্ট দুই মস্তক দেখিলেন, যে তদর্শনে তাঁহার পাষণ্ড অপেক্ষাও কঠিনতর হৃদয়ে অভূতপূর্ব কাঞ্চন্যসের সঞ্চারণ হইল। তখন তিনি নরহত্যাতে ক্ৰান্ত হইতে অনুমতি করিলেন।

কুর্গের পর হাইদর কালিকুউ অধিকৃত করেন। তৎপরে তিনি মহারাষ্ট্রীয়দিগকে আপন রাজ্যের যে খণ্ড দিয়াছিলেন, তাহার পুনরুদ্ধারার্থে সচেষ্ট হন। তদভিপ্ৰায় সুসিদ্ধ করণার্থে তাঁহার অনেক সুবীথী হইয়াছিল। ১৮২৯ সংবৎসরে মাধোরাওর মৃত্যু হয়, ও রঘুনাথরাও (যিনি রাঘোবা বলিয়া খ্যাত ছিলেন,) মহারাষ্ট্রীয়দিগের প্ৰধান-সেনানী-পদে আক্ৰমণ করেন। কিন্তু মহারাষ্ট্রীয়েরা এক মত হইয়া তাঁহাকে ঐ পদে বরণ করিতে সন্মত হইল না। ইহাতে রাজ্যমধ্যে ঘোরতর বিবাদ বিন্যাদ উপস্থিত হয়। ঐ সুযোগে হাইদর আপন পূর্বাধিকারের অধিকাংশ প্ৰায়ঃ অবাধে গৃহণ করিলেন।

মহারাষ্ট্রীয়দিগের হস্তহইতে আপন রাজ্য উদ্ধার-করণান্তর হাইদর গুতি নামক এক প্ৰধান দুর্গ অবিলম্বে আক্রমণ করেন। এই দুর্গ মুরারীরাও নামা এক জন অতীব পরাক্রান্ত মহারাষ্ট্রীয় দস্যুকর্তৃক রক্ষিত ও কতিপয় গিরিমধ্য-স্থিত হওয়াতে দুর্ভেদ্য ও দুর্গম্যপ্ৰায়ঃ ছিল। দুর্গস্থ সৈন্যেরা

হাইদরের সহিত ব্যাপককাল যুদ্ধ করিয়া অবশেষে বহু সঙ্খ্যক-মুদ্রা-পুদানে অঙ্গীকার করিয়া সন্ধি প্রার্থনা করিল। হাইদর তাহাতে সন্মত হইয়া ঐ প্রতিজ্ঞা-পালনের প্রতিশ্রুতরূপ এক জন যুবা পুরুষকে স্বীয় শিবিরে লইয়া গেলেন। ঐ যুবাকে তিনি যথেষ্ট অভ্যর্থনাদি দ্বারা পরি-তুষ্ট করিয়া তাহার নিকট সন্ধি প্রার্থনার নিগূঢ় তাৎপর্য কৌশল-পূর্বক জিজ্ঞাসা করিলেন। সে তাঁহার কপটতা না বুঝিতে পারিয়া সরলভাবে ব্যক্ত করিল, যে দুর্গে ত্রিদিবসোপযোগি মাত্র পানীয় উদকের সঞ্চয় আছে, এই হেতুই দুর্গাধ্যক্ষ সন্ধি করিবার মানস করেন। হাইদর এই সন্ধান পাইবামাত্র অবিলম্বেই একটা ছল করিয়া পুনরায় যুদ্ধারম্ভ করিলেন। তাহাতে মুরারিরাও অগত্যা সম্পূর্ণরূপে পরাভূত হইয়া তাঁহার পদানত হইল।

ইংরাজেরা তাঁহাদের পূর্ব-প্রতিজ্ঞানুসারে হাইদর যখন মহারাষ্ট্রীয়দিগের কর্তৃত্বে আক্রান্ত হইলেন, তখন তাঁহাকে সৈন্যে রক্ষা করেন নাই; অতএব হাইদর বিবেচনা করিলেন, যে ইংরাজদিগের সহিত বন্ধুতা ভদ্র নহে। প্রত্যুত তিনি আপন সৌভাগ্যরূপ-উদ্যানে তাহাদিগকে বিষময়-কণ্টকবৃক্ষরূপে জ্ঞান করিয়া তাহাদিগের সমুলোৎপাটনে একাগ্রচিত্ত হইলেন। মহারাষ্ট্রীয়েরাও এই সময়ে হাইদরের সহিত পূর্ববৎ শত্রুতা-পরিহার-সহিত সৌহার্দ-শৃঙ্খলে বদ্ধ হইল; ও ইংরাজদিগের বিপক্ষে হাইদরের সহিত এক ষড়যন্ত্র করিল। এদিকে মান্দ্যাজস্থ রাজপুরুষেরা হাইদরের সহিত সন্ধ্যাব করণ-স্থির-করণার্থে তাঁহার সহিত পূর্ববৎ সন্ধি-স্থাপন জন্য এক দূত প্রেরণ করিলেন। হাইদর তাঁহাদের এই প্রস্তাবে অত্যন্ত কষ্ট হইয়া তাহা

তৃণবৎ অগ্রাহ্য করিলেন। তিনি বিবেচনা করিলেন, যে যখন ইংরাজদিগের সাহায্য তাঁহার অত্যন্ত প্রার্থনীয় ছিল, তখন তাহারা প্রতিশ্রুত থাকিয়াও তৎপুদানে সম্পূর্ণ কাৰ্ণণ্য করিয়াছে; এখন তাহাদের সহায়তা নিতান্ত নিষ্পয়োজন জানিয়াই তাহারা মুক্ত-হস্তে তাহা দিতে ব্যগ্ৰ হইয়াছে। অপর এই সময়ে ইংরাজ ও ফরাসীসদিগের মধ্যে বিলাতে সঙ্ঘাম উপস্থিত হওয়াতে ফরাসীসেরা ভারতবর্ষে ইংরাজদিগের ক্ষতি-করণাভিপ্রায়ে হাইদরের সহিত যোগ দেওনের মানস করিল; ও হাইদর তৎক্ষণাৎ তাহাদের সহিত ইংরাজদিগের বিরুদ্ধে এক সন্ধিপত্র স্থির করিলেন।

ইংরাজেরা ভারতবর্ষে ফরাসীসদিগের অধিকৃত সমুদয় স্থান ধ্বংস করিতে স্থির-প্রতিজ্ঞ হইল। প্রথমে তাহারা পাণ্ডিচরি হস্তগত করে। হাইদর তাহাতে কিছু আপত্তি করিলেন না, বরং মৌখিক আহ্বাদ প্রকাশ করিলেন। কিন্তু তৎপরেই যখন ইংরাজেরা মল্লারস্থ মহীদুর্গ আক্রমণের উদ্যোগ করিল, তখন তিনি ঐ স্থান নিজ-রাজ্যের অন্তর্গত বলিয়া তাহাদিগকে তৎপ্রতি হস্তনিক্ষেপ করিতে নিষেধ করিলেন; কিন্তু ইংরাজেরা ঐ দুর্গ ফরাসীসদিগের প্রতিষ্ঠাপিত জানিয়া তাঁহার বাক্যের প্রতি কর্ণপাত করিল না, ও অবিলম্বে তাহার বিনাশার্থে এক দল সৈন্য প্রেরণ করিল। হাইদর তাহার রক্ষার্থে সাধ্যমত চেষ্টা পাইয়াছিলেন, কিন্তু কৃতকার্য হইতে পারেন নাই। কথিত আছে, যে ইংরাজেরা ঐ দুর্গ লণ্ডনাবধি তাঁহাদের প্রতি হাইদরের অন্তঃকরণ অত্যন্ত জাতক্রোধ হইয়াছিল, কিন্তু ইংরাজেরা ভ্রমক্রমে তাঁহাহইতে কোন বিপদই আশঙ্কা করে নাই, প্রত্যুত

তাঁহার সহিত সন্ধি করণার্থে এক দূত প্রেরণ করিয়াছিল। হাইদর ঐ দূতের যথেষ্ট সমাদর করিয়া তাহার হস্তে এক খানি পত্র সমর্পণ পূর্বক বিদায় করিলেন। ঐ পত্রে ইংরাজেরা তাঁহার যে সকল অনিষ্টের প্রতি কারণ হইয়াছিল, তাহার আনুপূর্বিক লিখিয়া অবশেষে তিনি এইরূপ ভয় প্রদর্শন করেন যে “এখনও আমি ইহার প্রতিকার করি নাই, ভবিষ্যতে যাহা হয়”। ইংরাজেরা ইহাতে সন্ধির আশা পরিত্যাগ না করিয়া পুনরায় জনৈক সাহেবকে তাহার সমাধা-নিমিত্ত হাইদরের নিকট প্রেরণ করে; কিন্তু হাইদর ইংরাজদিগের শঠতা-অরণ-পূর্বক ক্রোধসহ্য করিতে না পারিয়া উপস্থিত ব্যক্তিকে এই বলিয়া বিদায় করিলেন, যে “আর সন্ধিতে কি ফল? ১৮৯০ সংবৎসরের যে সন্ধিপত্র স্থিরীকৃত হয়, ইংরাজেরা তাহার প্রত্যেক নিয়ম ভঙ্গ করিয়াছেন; তাহাদিগের প্রতিজ্ঞানুসারে আমার বিপক্ষ মহারাষ্ট্রীয়দিগকে দমন করা তাঁহাদিগের উচিত ছিল; তাহা না করাতেই আমি সর্বস্বান্ত হইয়াছিলাম, ইহার পর তাঁহাদের আর অন্যার্যো-ল্লেখ করা অপয়োজনীয়”।

সন্ধির কল্পনা এই প্রকারে ব্যর্থ হইলে হাইদর ইংরাজদিগের সহিত সঙ্ঘামার্থ এক বিপুল সৈন্য প্রস্তুত করিতে লাগিলেন। হাইদরবাদের নিজাম মহম্মদ আলি এতদ্বিষয় ইংরাজদিগকে জ্ঞাপন করিয়া উপস্থিত গুরুতর বিপদের ঝটিকি পরিত্রাণের উপায়-করণে তাহাদিগকে উত্তেজিত করিয়াছিলেন, কিন্তু ইংরাজদিগের উপায়্যাব ও রাজপুরুষদিগের পরম্পর মনান্তর থাকায় প্রযুক্ত কোন সদুপায়ের চেষ্টা হইল না। অপর তাহারা মনে করিল যে মহম্মদ আলি তাহা-

দিগকে বারম্বার বিপথগামী করিয়াছে, অতএব তাঁহার অমূলক কথা শুনিয়া হাইদরের সহিত পুনরায় বিরোধ করা কর্তব্য নহে। এদিকে হাইদর এক দল অনন্য-নবতি-সহস্র-সঙ্খ্যক সাহসিক সৈন্য, তদতিরিক্ত চারি শত-ইউরোপীয়-পদাতিক সমভিব্যাহারে শ্রীরঙ্গপত্তনহইতে চাঙ্গামা নামক স্থান-দিয়া কর্গাট-দেশে উপনীত হইলেন, ও আপন নিদারুণ-বিক্রম-প্রকাশ-পূর্বক তথাকার প্রজাদিগের সর্বনাশ করিতে লাগিলেন। ইংরাজেরা তখনও নিকটবর্তী বসিয়া ছিল; কিন্তু যখন হাইদরের সৈন্য কর্তৃক যে সকল গৃহ-দখল হইতেছিল, তাহার ধুম ও অগ্নিশিখা মান্দ্যাজ-নগরের চতুর্দিকে দেদীপ্যমান হইল, তখন দিব্য-চক্ষুদ্বারা আপনাদের সম্পূর্ণ বিপদ অবলোকন করিয়া সশব্দে তৎপ্রতীকারের উপায়-চিন্তনে নিযুক্ত হইল। প্রথমে তাহারা দুর্গ-সকল আপনাদের অধীনে আনিবার নিমিত্ত চেষ্টা পাইল, কিন্তু দুইটা দুর্গ ব্যতিরেকে অপর সকলই শত্রু সমাক্রান্ত হইয়াছিল। তৎকালে, ইংরাজদিগের সেনানায়ক সর্ হেক্টর মনরো সাহেবের অধীনে এক দল, ও কর্ণেল বেলির অধীনে অপর এক দল, এই দুই দলে সর্বশুদ্ধ ৫২০০ যোদ্ধা ছিল। ঐ উভয়ের সংযোগ হইলে ইংরাজদিগের পক্ষে মজল হইতে পারিত, কিন্তু হেক্টর সাহেব অবিবেচনা-পূর্বক বেলি-সেনাপতির সহিত সৈন্যে মিলিত না হইয়া তাঁহার সাহায্যার্থে ১,০০০ যোদ্ধামাত্র প্রেরণ করিলেন। অল্প সৈন্য লইয়া বেলি-সাহেব হাইদরের সহিত যুদ্ধে প্রাণপণ-চেষ্টা করিলেও পরাভূত হইবেন, ইহাতে বিচিত্র কি? হাইদর তাঁহার সৈন্যের অধিকাংশ বিনষ্ট করেন, ও অবশিষ্ট ২০০ ইউরোপীয় ও অপর কতকগুলি দেশীয় পদাতিককে

বন্ধন করিয়া স্ত্রীরঙ্গপত্নে লইয়া যান। তথায় তিনি ঐ বন্দীদিগকে যৎকিঞ্চিৎ কদম্ব আহার, অপকৃষ্ট বাস ও অন্যান্য শারীরিক ক্লেশ প্রদান করিয়াছিলেন; ও তদ্যাতনায় তাহারা অনেকেই সাংঘাতিক রোগে আক্রান্ত ও সেই রোগের কিছু-মাত্র চিকিৎসা না হওয়াতে অকালে মৃত্যুমুখে পতিত হইয়াছিল।

অতঃপর হাইদর ইংরাজদিগকে পরাজয় করিয়া অনার্যসেই আরকট দুর্গ অধিকৃত করত কর্ণাটস্থ অন্যান্য কতকগুলি অতি প্রধান ২ দুর্গ আক্রমণ করিলেন। ইতিমধ্যে কলিকাতা গবর্নর হেষ্টিংস সাহেব মান্দাজের উক্ত দুর্ঘটনার সংবাদ প্রাপ্ত হইয়া তাহার নিরাকরণ-নিমিত্ত ত্বরায় আইরকুট নামা এক জন বিখ্যাত সেনাপতিকে তথায় প্রেরণ করিলেন, ও যুদ্ধার্থে অন্যান্য উদ্যোগ করিতে লাগিলেন।

কুট সাহেব মান্দাজে আসিয়া যুদ্ধের কিছুই সুবীথী দেখিলেন না। তাহার অধীনে ৭,০০০ মাত্র যোদ্ধা ছিল, তন্মধ্যে সপ্তদশ-শতের অধিক ইউরোপীয় পদাতিক ছিল না। অধিকন্তু হাইদর মান্দাজের নিকটস্থ প্রদেশসকল মক্ভূমি-প্রায়ঃ করিয়া রাখিয়াছিলেন; তথায় কিছুমাত্র শস্য-প্রাপ্তির সম্ভাবনা ছিল না; ইহাতে ইংরাজ-সেনাপতিকে সৈন্যদিগের আহারীয়-সামগ্ৰী-প্রাপ্তির নিমিত্ত কেবল মান্দাজের উপর নির্ভর করিতে হইয়াছিল; সুতরাং পদে ২ দুর্ভিক্ষের সম্ভাবনা রহিল; কিন্তু সাহসিক কুট সাহেব এই সমস্ত ক্লেশ সহ্য করিয়াও শত্রুদমন-করণে আপন প্রাণপণ-চেষ্টা নিয়োগ করিলেন, ও শত্রু-হইতে ত্বরায় ওয়াস্তিওয়াস ও পরমেকলি নামক দুই দুর্গের পরিভ্রাণ করিলেন। পরে কডেনুর-নামক স্থানে হাইদরের সহিত তাঁহার এক যুদ্ধ হয়।

ঐ যুদ্ধে হাইদর সম্পূর্ণরূপে পরাভূত হইলেন, ও সেস্থান ত্যাগ করত স্থানান্তরে গমন করেন।

যুদ্ধের পর ইংরাজ-সেনাপতি ওয়াস্তিওয়াস ও বোলার নামক দুর্গ শত্রুদিগের হস্তহইতে উদ্ধৃত করেন। এই সকল লাভ সৌভাগ্যের চিহ্ন বটে, কিন্তু এক স্থলে হাইদরের কৌশল জালে পতিত হইয়া ইংরাজদের বিস্তর ক্ষতি হইয়াছিল। কর্ণেল বেথুওয়েট সাহেব ২,০০০ যোদ্ধা লইয়া টানজোর-প্রদেশে আধিপত্য স্থাপন করিতে প্রেরিত হইয়াছিলেন। ঐ প্রদেশে হাইদরের অধিকাংশ সৈন্য বর্তমান-থাকা প্রযুক্ত কর্ণেল সাহেবের তথায় অবস্থিতি করা অকর্তব্য ছিল; কিন্তু তিনি মান্দাজস্থ সাহেবদিগের অনুমতি ব্যতিরেকে তাহা পরিত্যাগ করিতে অশক্ত হইলেন। হাইদর ঐ অবকাশে আপন বেতনভুক্ত কতকগুলি লোককে মান্দাজহইতে আগত দূতবৎ সাজাইয়া ইংরাজ-সেনাপতিকে মিথ্যা-সংবাদদ্বারা ভয় প্রদান করিতে লাগিলেন। ইহাতে কর্ণেল সাহেব আপনাকে নিরাপদ জানিয়া স্বচ্ছন্দে বসিয়া রহিলেন। ইত্যবসরে হাইদরের সৈন্য তাঁহার চতুঃপার্শ্বে দাবানলের ন্যায় বেষ্টিত করিতে লাগিল। তথাকার এক জন প্রজাকর্তৃক সাহেব আপনার সম্পূর্ণ বিপদের বিষয় জ্ঞাত হইয়াও হাইদরের চরদ্বারা একপ বিভ্রান্ত ছিলেন, যে সেই সংবাদ অমূলক জ্ঞান করিলেন। অবশেষে তিনি আপন সৈন্যপেক্ষা দশগুণ বৃহৎ সৈন্যকর্তৃক আক্রান্ত হইয়া অচিরেই সৈন্যে হত হইলেন।

হাইদর এই যুদ্ধে জয় লাভ করিয়া আপন বিশেষ সৌভাগ্য-বোধে হৃষ্টচিত্ত না হইয়া ভাবি বিপদের আশঙ্কায় উদ্বিগ্ন হন। তিনি দেখিলেন, যে হেষ্টিংস সাহেবের ষড়যন্ত্রদ্বারা মহারাষ্ট্রীয়েরা তাঁহার পক্ষ পরিত্যাগ-পূর্বক ইং-

রাজদিগের সহায় হইবেক, ইহা প্রতিশ্রুত হইয়াছে। অপর কলবার-অঞ্চলে ইংরাজকর্তৃক তাঁহার এক দল সৈন্যের প্রতিঘাত হওয়াতে তিনি নিতান্ত ভয়ানক হইয়া কর্ণাট-পরিত্যাগ-করণোন্মুখ হইয়াছিলেন। এমনত সময়ে তিনি এক সহস্র ফরাসীস যোদ্ধার সাহায্য প্রাপ্ত হইয়া তদ্বিষয়ে ক্ষান্ত হইলেন। ফরাসীসেরা প্রথমে কডেনুর দুর্গ আক্রমণ করে। ঐ স্থান সম্যক রক্ষিত না হওয়াতে তাহা অস্পারানেই তাহাদের করতল হইল। তৎপরে ওয়াস্তিওয়াস-নামক প্রধান দুর্গে তাহাদের হস্তক্ষেপ হইবামাত্র কুট সাহেব তাহাদের সহিত সম্মুখ-সঙ্গ্রামে প্রস্তুত হইলেন, ও তাহাদের পশ্চাৎ ২ ধাবমান হইয়া আর্গি-নামক স্থানে তাহাদিগকে সম্পূর্ণরূপে পরাভূত করেন।

ইতঃপূর্বাধি হাইদরের অস্বাস্থ্য দিন ২ বৃদ্ধ হইতেছিল। এক্ষণে রাজবিস্ফোটক-নামক অসাধ্য ব্যাধিকর্তৃক पीড়িত হইয়া তিনি ১২৪১ সংবৎ-সরে অনূন-অশীতি-বর্ষ-বয়স্ক হইয়া মানবলীলা-সংবরণ করেন।

হাইদরের জন্মাবধি চরম পর্যন্ত অবস্থা বিবেচনা করিয়া দেখিলে চমৎকৃত হইতে হয়। তিনি কি নীচ-অবস্থা হইতে, যথা-কথঞ্চিৎ লেখন-পঠন-জ্ঞান-বর্জিত হইয়াও কি বিস্তীর্ণ রাজ্যের অধীশ্বর হইয়াছিলেন! অপর ঐ বিপুল রাজ্য অধিকার ও শাসন করণে তিনি কি অসামান্য-বুদ্ধিনিপুণতা ও কৌশল প্রদর্শন করেন! সমর-নৈপুণ্যে ও রাজ্য শাসনে, বোধ হয়, তাঁহার তুল্য বিচক্ষণ মনুষ্য তৎকালে কেহই দক্ষিণ-দেশে ছিল না। পুতারণা—কপটতা—বিশ্বাসঘাতকতা—বিজাতীয় নিষ্ঠুরতা—প্ৰভৃতি কুক্রিয়ায় তিনি বিরক্ত ছিলেন না বটে, কিন্তু তাঁহার আচরণ বিচার-করণ-সময়ে ইহা অরণ রাখা

কর্তব্য, যে তাঁহার ন্যায় হঠাৎ দারিদ্র্য-দশা-হইতে অসম্ভব ঐশ্বর্য ও একাধিপত্য প্রাপ্ত হইলে—বিশেষতঃ তদবস্থায় অমূল্য বিদ্যাজ্ঞান-বঞ্চিত হইলে—মনুষ্যের দোষ-সকল প্রবল হইয়া গুণ-গুণকে প্রচ্ছন্ন করিয়া রাখিবেক, ইহাতে আশ্চর্য কি? তাঁহার তুল্য অবস্থা প্রাপ্ত হইয়া অনেক সদিদান ব্যক্তিও বিষয়-মদে মুগ্ধ হইয়া তাঁহাহইতে অধিক দুষ্ক্রিয়ায় মগ্ন হইয়াছে। অতএব বিদ্যা-বিহীন হাইদরের পক্ষে দুষ্টাচার হওয়া অসম্ভব নহে, তিনি যে চৌকিদারের গৃহে জন্ম লইয়া পরে চৌকিদারি কর্মের যথাকথঞ্চিৎ শিক্ষা প্রাপ্ত হওত বৃহদ্রাজ্য উপার্জন ও সুচাক্ষুণ্ডে তচ্ছাসন করিয়াছিলেন ইহাই পরমাশ্চর্য।

দে. না. ঠা.  
পাথুরিয়াঘাটা।

### বিজয়নগরের ইতিহাস।

দক্ষিণ-দেশের পুরাতত্ত্বানুসন্ধান-বিষয়ে কর্ণেল মেকেঞ্জি নামা এক জন ইংরাজ অতি পুসিদ্ধ হইয়াছিলেন; তিনি ক্রমাগত ৩০ বৎসর তৎকর্ত্তে নিযুক্ত থাকিয়া বিপুল-ব্যয়সহকারে হিন্দুদিগের ধর্ম ইতিহাস ও সাহিত্যাদি বিষয়ক অনেক পুস্তক ও দেবদেবীর মূর্তি—তথা অট্টালিকা দেবভবন প্রভৃতি অনেক প্রাচীন পদার্থের চিত্র—সম্বহু করিয়াছিলেন। অপর তাঁহার অনুজায় ও পরিশ্রমে অনূন ৫০ খানি বৃহদাকার সংস্কৃত ও পারসি পুস্তক ইংরাজিতে অনুবাদিত হইয়াছিল। তাঁহার সহযোগি কাবেলি বেন্টক বোরিয়া নামা



কর্ণেল সাহেবের পণ্ডিত। কাবেলি বেণ্টক বোরিয়া। কর্ণেল মেকেঞ্জি।

এক জন ব্রাহ্মণ সপ্তশতী চণ্ডী ইংরাজিতে অনুবাদিত করেন; অপর এক জন ব্রাহ্মণ প্রাচীন তাম্রশাসন প্রভৃতি অনেক বীজক পাঠ করিয়া রাজাদিগের পূর্বকালীন বংশাবলী নিকপণ করেন। ঐ পুস্তিক পুরাবৃত্তানুসন্ধারিদিগের প্রতিরূপ পূর্বপৃষ্ঠে মুদ্রিত হইল; বোধ করি তাহা পাঠকদিগের দর্শনীয় হইবেক।

উক্ত মেকেঞ্জি সাহেব অনেক প্রাচীন-নগরের বর্ণন করিয়াছেন, তন্মধ্যে তুঙ্গভদ্রা-নদীর দক্ষিণতটস্থ একটি ধ্বংসাবশিষ্ট-নগরের উল্লেখ আছে; পূর্বকালে তাহা বিজয়নগর-নামে বিখ্যাত ছিল। ঐ নগরের উত্তরদিগে অনন্তনন্দ বা হস্তিহরী নামক উপনগর এই ক্ষণে নগর বলিয়া খ্যাত আছে। প্রকৃত বিজয়নগরের ভগ্নাবশেষ বন জঙ্গলে পরিপূর্ণ; অধুনা তাহা কেবল বানরের আবাস হইয়াছে। নদীতীরবর্ত্তি বহুতর পশ্চিমদিকে নগরের প্রধান-মন্দির-সকল স্থাপিত ছিল। তন্মধ্যে একটি মন্দিরে বিতলদেব নামে প্রতিষ্ঠিত বিষ্ণু-মূর্ত্তি বিশেষ আছে। ঐ মন্দিরের ছাদ পুস্তুর নির্মিত, এবং উত্তমরূপে খোদিত বিংশতি-হস্ত-উচ্চ স্তম্ভোপরি স্থাপিত। ঐ স্তম্ভ সকলের প্রত্যেকটি অখণ্ড-পুস্তুর। পম্পপতি-বিষ্ণুপাক্ষ-নামে একটি মনোহর মন্দির আছে, এক সুদীর্ঘ, সুপ্রশস্ত, স্তম্ভশ্রেণিদ্বারা সুশোভিত বর্জদিয়া তাহাতে প্রবেশ করিতে হয়। ইংরাজ রাজপুঙ্কবেরা সেই মন্দিরের জীর্ণোদ্ধার করিয়া থাকেন। বীরভদ্র ও গণেশের নামে প্রতিষ্ঠিত অপর দুইটি বিখ্যাত দেবায়তন প্রস্তাবিত নগরে বর্তমান আছে; তন্মধ্যে শেষোক্তের নিকটে ২০ হস্ত উচ্চ এক নরসিংহ মূর্ত্তি দৃষ্ট হয়। রাজার অট্টালিকা, হস্তিশালা, এবং তুঙ্গভদ্রা-নদীর উপর একটি সেতুর ভগ্নাবশেষও অদ্যাপি বর্তমান আছে।

১৪৩৮ শকে বর্বেশ-নামক এক জন ইউরোপীয় গুহ্ণকার বিজয়নগরকে সুবিস্তীর্ণ, বহুজনা-কীর্ণ, এবং ধনধান্য-পূর্ণ বলিয়া বর্ণনা করিয়া গিয়াছেন। তৎকালে তথায় দেশজাত হীরক, ভারত-সমুদ্রের মুক্তা, পোস্তুর পদ্মুরাগমণি, চীন ও সেকন্দ্রাবাদের পাউ ও কিম্বাথ; শ্বেষোক্ত স্থানের বনাৎ, নানা দেশের পারদ, অহিফেন, চন্দন, মুসব্বর, এবং কপূর; মলয়বারের মৃগনাভি ও মরিচ ইত্যাদি বিবিধ দ্রব্য উক্তনগরে বিক্রীত হইত। তত্রত্য রাজার ২০০ হস্তী, ২০,০০০ অশ্বারোহী, এবং বহুসংখ্যক পদাতি ছিল। রাজা এবং অমাত্যেরা পুস্তুরময় সুরম্য নিকেতনে বাস করিতেন; কিন্তু অপর লোক মৃত্তিকা-নির্মিত সামান্য গৃহে নিবসতি করিত। বর্বেশের লিপ্যনুসারে বোধ হয় তুলুব, কানারী, চোরমণ্ডল, তৈলঙ্গ, দুবিড় ইত্যাদি দেশ কোন সময়ে বিজয়নগরাধিপতির অধিকার-ভুক্ত ছিল।

বিজয়নগরের স্থাপন-বিষয়ে দাক্ষিণাত্যদিগের মধ্যে নানাবিধ কিংবদন্তী প্রচলিত আছে। কোন জনশ্রুত্যানুসারে মাধববিদ্যারণ্য-নামক এক ব্যক্তি দৈবানুকম্পায় ধনলাভপূর্বক বিদ্যা-নগর-নামা এক নগর স্থাপন করিয়া রাজত্ব করিয়াছিলেন; সেই নগরের নাম পরিবর্ত্ত হইয়া বিজয়নগর হইয়াছে। অপর প্রবাদদ্বারা জ্ঞাত হওয়া যায় যে মাধবাচার্য স্বয়ং রাজত্ব না করিয়া বুদ্ধ নামক-ব্যক্তিকে রাজপদে স্থাপন করিয়াছিলেন। সে যাহা হউক, এই সকল কিংবদন্তীদ্বারা বোধ হয় যে বিদ্যারণ্যের সাহায্যে বুদ্ধ ও হরিহর নামা ব্যক্তিদ্বয় বিজয়নগর স্থাপিত করিয়াছিলেন।

বিদ্যারণ্য মাধবাচার্য আমাদিগের শাস্ত্রে বিশেষ পুস্তিক আছেন; তিনি স্মৃতি-ব্যাকরণ—



ও অধ্যাত্মশাস্ত্র—বিষয়ে অনেক গুহ্য রচিত করেন। তাঁহার অপর নাম সায়নাচার্য্য। এই নামে তিনি বেদের ভাষ্যকর্তা বলিয়া বিখ্যাত আছেন। কথিত আছে যে মাধবাচার্য্য সঙ্গম-রাজার মন্ত্রী ছিলেন, ও সঙ্গমরাজার অধিকার দক্ষিণ-পশ্চিম ও পূর্ব-সমুদ্র-পর্য্যন্ত পরিব্যাপ্ত ছিল। সঙ্গমের পুত্র বুদ্ধ ও হরিহরের রাজত্ব সময়েও মাধবাচার্য্য অভিহিত পদে বৃত্ত ছিলেন।

সঙ্গম-রাজের বিস্তীর্ণ-রাজ্যের কথা কবির বর্ণনাতিশয়মাত্র বোধ হয়; সম্ভবতঃ তিনি কল্যাণ বা বেলাল রাজাদের অধীনস্থ এক জন যুদ্ধপ্রিয় ভূস্বামী ছিলেন। তাঁহাদের পতনের পর সঙ্গম কিম্বা তাঁহার পুত্রেরা ক্ষমতাসম্পন্ন হইয়া বিজয়নগরের সূত্রপাত করিয়া থাকিবেন। জনশ্রুত অনুসারে বোধ হয় ১২৫৮ শকে এই নগর সংস্থাপিত হইয়াছিল। তৎকালের কিঞ্চিৎ পূর্বে মুসলমান-কর্তৃক মহীশূর-প্রদেশীয় বেলাল-রাজাদের রাজধানী আক্রান্ত হয়, এবং অন্ধুরাজ্য বিনষ্ট হয়; অতএব তৎকালে বিজয়নগরের উন্নতি বিলক্ষণ সম্ভব হইয়াছিল ইহা বোধ হইতেছে।

পাষাণে খোদিত রাজানুশাসন-পত্রে বুদ্ধ-রাজের ও বিজয়নগরের প্রশংসা আছে। বুদ্ধ-শালিবাহনের চতুর্দশ শতাব্দের শেষ-ভাগে প্রাদুর্ভূত হইয়াছিলেন। তিনি এক উদ্যমশীল উৎসাহাশ্রিত নৃপতি ছিলেন, এবং বহু-দূর-পর্য্যন্ত আপনার ক্ষমতা প্রচার করেন। যুদ্ধবিগুহাদিতে সর্বদা তিনি অনুকূল থাকিতেন। বিশেষতঃ সর্ব-প্রকার ধর্মের প্রতি দৃষ্টিমান্যতা প্রবৃত্তি তিনি অনেক বিষয়ে লক্ষ্যমান হইয়াছিলেন। তাঁহার মন্ত্রী বিদ্যারণ্য শৈবাচারবিশিষ্ট, এবং ইকগুপু নামক এক জন সেনাপতি জৈনধর্মাবলম্বী ছিলেন।

পূর্বোল্লিখিত শাসনপত্রে দৃষ্ট হইয়াছে যে তিনি একবার এই বলিয়া জৈন ও বৈষ্ণবদের বিরোধে মধ্যস্থতা করেন, যে “এই দুই প্রকার ধর্মের কোন বিভিন্নতা নাই”।

বুদ্ধ-রাজের পর কতিপয় অপ্রসিদ্ধ রাজা বিজয়নগরে রাজ্য করেন। তদনন্তর তৈলঙ্গরাজ নরসিংহ নামক উৎকল দেশীয় রাজাকর্তৃক বিজয়নগরের রাজসিংহাসন অধিকৃত হয়। নরসিংহ বিজয়নগরের সম্রাট প্রীত্বি করিয়াছিলেন। তিনি দক্ষিণ-দেশের মুসলমান-রাজাদের বিরুদ্ধে অস্ত্রধারণ করিয়া দক্ষিণ-দেশের অনেক ভাগ স্বাধিকারস্থ করিয়াছিলেন। তিনি বীর-নরসিংহ ও কৃষ্ণদেব নামক দুইটি পুত্র রাখিয়া লোকান্তরিত হইলেন। কৃষ্ণদেব স্বকীয় ভ্রাতার অধীনে দেওয়ানী কর্ম করিতেন। বীর-নরসিংহের তিনটি পুত্র; অচ্যুত, সদাশিব, এবং ত্রিমল। ইহাদের শৈশবতাপ্রযুক্ত কৃষ্ণদেবকর্তৃক রাজকার্য্য নির্বাহ হইত। বস্তুতঃ বীরনরসিংহ জীবিত থাকিতেই কৃষ্ণদেব রাজকার্য্যের ভার গৃহণ করিয়াছিলেন।

কৃষ্ণ-রায়-চরিত্র-নামক গুহ্যানুসারে কৃষ্ণদেব এক বারবিলাসিনীর গর্ভে জন্মিয়াছিলেন। নরসিংহের পাণিগৃহীত্রী তিপুয়া, স্বকীয় পুত্র বীর-নরসিংহের রাজ্য-প্রাপ্তির প্রতি ব্যাঘাত জন্মিবে, এই আশঙ্কা-নিবারণার্থ, কৃষ্ণদেবের প্রাণ হনন করিতে স্বামিকে অনুরোধ করিয়াছিলেন; কিন্তু কৃষ্ণদেব অমাত্যদিগ দ্বারা রক্ষিত হইলেন। নরসিংহ আপন-মৃত্যুসময়ে কৃষ্ণদেবের জীবিত-থাকিবার বিষয় শ্রবণ করিয়া তাঁহাকেই উত্তরাধিকারী নিযুক্ত করেন; ইহাতে বীরনরসিংহ নৈরাশ্যশোকে কালের গুমে পতিত হইয়াছিলেন।

কৃষ্ণদেব বিজয়নগরধীন রাজ্য সুদৃঢ়রূপে

স্থাপিত করিয়াছিলেন। তিনি আদিলশাহী রাজা-দিগকে পরাজিত করিয়া কৃষ্ণানদীর দক্ষিণ-তীর-পর্য্যন্ত রাজ্য বিস্তৃত করেন; পূর্বদিগে কন্দবির ও বারাকুল প্রদেশ জয় করেন; এবং উত্তরে কটক-পর্য্যন্ত আদিলিয়া গজপতি-নৃপতির দুহিতার পাণি-গৃহণ করেন। দক্ষিণে খ্রীষ্টিয়পত্তন ও কামেশ্বর-নগর তাঁহার কর্মচারিগণেরা শাসিত হইত। পো-তুগীস-গুহ্যকর্তারা লেখে “যে সালসেট-দ্বীপস্থ রাচোল নামক স্থানও তাঁহার অধীন ছিল”। বোধ হইতেছে, মলবার দেশের রাজাও তাঁহার প্রাধান্য স্বীকার করিয়াছিলেন। কলতঃ কৃষ্ণরায়ের অধীনে বিজয়নগর-রাজ্যের সীমা ও ক্ষমতা যাদৃশ উন্নত হইয়াছিল তাদৃশ আর কখনই হয় নাই।

কৃষ্ণরায় বিদ্যার উন্নতি-পক্ষেও যত্নবান ছিলেন। তাঁহার সভাস্থ আট জন পণ্ডিত “দিগগজ” নামে প্রসিদ্ধ; তন্মধ্যে অনেকে তেলুগু-ভাষায় গুহ্য রচনা করেন; কেবল অপপায়্য দীক্ষিত-নামক এক জন সংস্কৃত-গুহ্যকর্তা ছিলেন।

পুস্তাবিত রাজা পরম বৈষ্ণব ছিলেন। তিনি উদয়গিরি-দুর্গ জয়-করণপূর্বক তথাহইতে এক কৃষ্ণপুতিমূর্ত্তি আনয়ন করিয়া কৃষ্ণপুরে স্থাপিত করেন; ও তাহার ব্যয়াদি-নির্বাহ-নিমিত্ত সাত-খানি গ্রাম প্রদান করিয়াছিলেন।

কৃষ্ণ রায়ের পুত্র ছিল না; এবং নিকটতম উত্তরাধিকারী অচ্যুত অনুপস্থিত থাকাতে স্বকীয় জামাতা রামরায়কে তত্ত্বাবধারকরূপে নিযুক্ত করিয়া সদাশিবকে রাজত্ব-প্রদান করেন। পরন্তু অচ্যুত প্রত্যাবর্তন-পূর্বক স্বকীয়-রাজ্য অধিকৃত করিয়াছিলেন; তাঁহার মৃত্যুর পর সদাশিব রামরায়ের সাহায্যে রাজত্ব করিতেন।

মুসলমান-ধর্মাবলম্বী আদিলশাহি-রাজাদি-গের সহিত যুদ্ধে রামরায়ের মৃত্যু হয়; এবং


তদবধি মুসলমানদিগের দৌরাভ্যে বিজয়নগর উৎসন্ন হইয়াছে। \*——\*

### কাঠবিড়াল।

প্রাণিতভুক্তেরা কতকগুলি পশুকে দ্বিদন্তী নামে বিখ্যাত করেন; কারণ তাহাদিগের মুখপুরোভাগের প্রত্যেক মাড়ীতে দুইটি করিয়া ছেদন-দন্ত থাকে। ইন্দুরদিগের ঐ সুতীক্ষ্ণ দন্ত প্রসিদ্ধ আছে; সজাক শশক ও কাঠবিড়ালেরাও ঐপ্রকার-দন্তবিশিষ্ট; এই প্রযুক্ত উল্লিখিত পশু-সকলকে এক বর্গান্ত-গত করা যায়। এতদ্ভিন্ন বিবর্পুভূতি অপর কতকগুলি পশুরও দুই ছেদন দন্ত-থাকে; অতএব তাহারাও এই দ্বিদন্তি-বর্গমধ্যে নির্ণীত হয়।

এই পশুদিগের এক প্রধান লক্ষণ এই যে ইহারা পাশ্চাত্য-পদদ্বয়োপরি উপবেশন করত পুরঃ-পদ-সহকারে অনায়াসে আহারাদি করিতে পারে। কাঠবিড়ালেরা এই অবস্থাবলম্বন করিতে অ-ত্যন্ত তৎপর, এবং আহার-করণ-সময়ে সর্বদা তা-হা ধারণ করিয়া থাকে। কেবল শল্লকী এইরূপে উপবেশনে পটু নহে; বোধ হয়, তাহাদিগের গাত্রস্থ শলাকাসকল ঐ অপটুতার কারণ হইবেক।

সমস্ত দ্বিদন্তি-পশুর বর্ণন এক প্রস্তাবের অভিসন্ধি নহে, অতএব এই খণ্ডে কেবল কাঠবি-ড়ালদিগের বিবরণ লেখা যাইতেছে। ঐ পশু-দিগের সরল গাত্র, চিত্রিতাজ্জ, কোমল-কেশ, ও ক্রোড়াৎপর চঞ্চল স্বভাবপ্রযুক্ত ইহারা অনেক প্রিয়। ইংলণ্ডদেশে অনেক বিলাসবহীরা এই পশুকে বিড়ালদিগের ন্যায় প্রীতিপাত্র-রূপে পুতিপালন করিয়া থাকেন। দেশব্যবহার-বশী-ভূতা এতদেশীয়া বনিতারা রন্ধনশালায় বিবুতা,



কাঠবিড়াল।

প্রিয়পশু-পালনের অবকাশ-বিহীনা, তত্রাপি কপোত-বিড়ালীদের প্রতি বিরক্তা নহেন, এবং প্রাপ্ত হইলে কাঠবিড়ালের প্রতিপালিকা হইবেন ইহাতে আশ্চর্য কি?

কাঠবিড়ালের অনেক জাতিভেদ আছে। কতগুলি কাঠবিড়াল ভূমিতে বাস করিয়া শশকা-দিবং মটর ছোলা প্রভৃতি ভূম্যুপরিস্থ উদ্ভিদ-পদার্থ সেবন করত জীবন-রক্ষা করে; তাহা-দিগকে “ভূচর-কাঠবিড়াল” শব্দে কহি। অপর কতগুলি সর্ষদা বৃক্ষোপরি কালবাগন করে, তাহারা সুতরাং ক্ষমচর; ও তন্নিমিত্তই কাঠবিড়াল মাত্রের নাম সংস্কৃত গুল্লে বৃক্ষমকটিকা বৃক্ষশা-য়িকা পর্ণমৃগ ইত্যাদি প্রদিক্ত আছে। এতদ্ভিন্ন

কতগুলি কাঠবিড়াল পক্ষবিশিষ্ট এবং তৎসহ-কারে উড়ডীন হইতে সক্ষম হয়। তাহারা “খেচর” মধ্য গণ্য। এই গণত্রয়ে প্রায়ঃ পঞ্চাশত জাতি নির্গত আছে; তন্মধ্যে ৩৩৫ জাতি কাঠবি-ড়াল ভারতবর্ষে দৃষ্ট হইয়া থাকে।

অবয়ব এবং বর্ণবিষয়েও কাঠবিড়ালের অনেক ভেদ আছে; রেখাচতুষ্টয়বিশিষ্ট সামান্য কাঠ-বিড়াল, অনেকের অপেক্ষায় ক্ষুদ্রকায় মেদনীপুর, আরাকান, দার্জিলিং প্রভৃতি স্থানে তাহাহইতে দশগুণ বৃহৎ,—প্রায়ঃ ঝুনি কুসুরের তুল্য—কায় কাঠবিড়াল অনেক আছে। অপর ক্ষুদ্র কাঠ-বিড়ালেরও অভাব নাই; নেওটি ইন্দুরের তুল্য কাঠবিড়াল দৃষ্ট হইয়াছে।

পুস্তাবিত-পশুদিগের বর্ণগত অনেক ভেদ আছে। কোন ২ পশু কৃষ্ণবর্ণ, কেহ বা শুক্লবর্ণ, কেহ ধূম্ববর্ণ, কেহ তাম্বুবর্ণ, কেহ শুক্ল-কৃষ্ণ-রেখা-বিশিষ্ট, কেহ ভাস্কুক, অথবা কৃষ্ণ ভাস্কু ইত্যাদি বর্ণের রেখাবিশিষ্ট। পরন্তু সকল বর্ণই রম্য বটে।

বৃক্ষমকটিকাদিগের পুচ্ছ অতি সুন্দর, এবং তাহার আকৃতিহইতে এই পশুদিগের নাম “চমর-পুচ্ছ” হইয়াছে। খেচরপর্ণমৃগদিগের পুরঃপদ ও পাশ্চাত্য-পদের মধ্যবর্ত্তি-স্থানে এক প্রকার ত্বক্ হইয়া থাকে, তৎসাহায্যে তাহারা অনা-য়াসে উড়ডীন হইতে পারে। ঐ ত্বগুপরি-কোন পালক নাই, এবং তাহার আকৃতিও পক্ষীর ডানার তুল্য নহে। এই পক্ষবিশিষ্ট পর্ণমৃগেরা নিশা-চর, অর্থাৎ দিবসে নিদ্রিত থাকিয়া রজনীযোগে আপন ২ খাদ্য অন্বেষণ করে।

স্বভাবতঃ এই পশুরা অত্যন্ত চঞ্চল, এবং সর্ষদা ধাবন উৎপন্ন ও ক্রীড়ায় তৎপর থাকে। নিকারিরা কহে, যে কাঠবিড়াল এতদূশ সত্ত্বে দৌড়িয়া থাকে, যে তাহার গমন-সময়ে তাহা-কে বন্ধুকদ্বারাও মারা অসাধ্য, ফলতঃ নয়নও তা-হার গতির অনুগামী হইতে পারে না। হোয়াইট সাহেব লেখেন, যে বিড়ালীরা কাঠবিড়াল-শা-বককে অত্যন্ত প্রিয়জ্ঞান করে, এবং প্রাপ্ত হইলে সযত্নে স্তন পান করাইয়া আপন-শাবকের ন্যায় তাহাদিগের পোষণ করে।

### মোহম্মদের জীবন চরিত।

৩০ রাজি ৫৭০ অব্দে ১০ই নবেম্বর বা কাহারো মতে ৫৭১ সালের ২১শে এপ্রিল দিবসে মোহম্মদ মক্কানগরে জন্ম পরিগৃহ করেন। তিনি পিতার একমাত্র পুত্র। তাহার পিতার নাম আবদুল্লা। বিখ্যাত হাসেম

বংশহইতে তাহার উৎপত্তি হয়। এই বংশ কুরেস জাতিরই এক শাখা। এই জাতীয়েরা আরব-জা-তীয়দের আদিপুরুষ ইম্মাইল হইতে আপনাদের উৎপত্তি কহিয়া থাকে। অন্যান্য ঘনিষ্ঠ-জাতি-দের উপরি ইহারাই কর্তৃত্ব-প্রকাশ করিয়াছিল। বহু বাণিজ্যব্যাপার কুশল কুরেস জাতীয়েরা ধনাঢ্যতা ও সভ্যতাবিষয়েই যে কেবল বিখ্যাত ছিল এমত নহে, কিন্তু তাহারা আরব-জাতির সাধারণ প্রাচীন উপাসনা স্থান কাবার নিকট বাস করত পুরুষানুক্রমে তথাকার তাবৎকার্যের সম্পাদক ও অভিভাবক হইয়াছিল। পোরোহি-ত্য-সম্বলিত মে স্থলের আধিপত্য দীর্ঘ-কাল-পর্যন্ত তাহাদের হস্তগত থাকাতাই তাহারা তথা-কার একপ্রকার সর্বপ্রধান হইয়া উঠিল।

মুসলমান গুল্লেখকারেরা ভূরি ২ অদ্ভুত ও অলৌ-কিক ঘটনাদ্বারা মোহম্মদের জন্ম সুশোভিত ক-রিতে সযত্ন আছেন। তাহারা কহিয়া থাকেন, “উহার জন্মকালীন পারসাহিত গৃঢ়ানল সহসা নির্বাণ হয়, এবং সর্বতোদেদীপ্যমান এক তেজো-রাশি দ্বারা সমুদায় আরবদেশ ব্যাপ্ত হয়”। সে যাহা হউক, আমরা এতদূশ লোকাভিত তদ-গত গুণগাম তাহার উন্মত্তবৎ শিব্যসম্প্রদায়ের ক্ষীণ-বিশ্বাসমাগরে বিসর্জন করিয়া চলিলাম। অতি শৈশবাবস্থাতে মোহম্মদের পিতৃমাতৃ বি-য়োগ হয়। মোহম্মদ দুই বৎসর বয়ঃক্রম হই-লে তাহার মাতা আমিনা লোকান্তর যাত্রা করেন। উক্ত কাবার প্রধান পুরোহিত নিজ বৃদ্ধ পিতামহ আবদুল মত্লিবকতক তিনি তৎকালে প্রতিপালিত হইয়াছিলেন। আবদু-লের মরণান্তে মোহম্মদ নিজ কনিষ্ঠ পিতৃব্যের অধীন হইলেন। তাহার নাম আবুতালিব। মো-হম্মদ ঐ পিতৃব্যের সহিত অনেক দেশ পরিভ্রমণ

বিশেষতঃ অর্গবয়ানেও কএক বার সুরিয়া ও দেমাস্কসের মেলায়, এবং বাগদাদ ও বসোরার নগরে যাতায়াত করিয়াছিলেন।

বিংশতি-বর্ষ-বয়ঃক্রমের সময় মোহাম্মদ মহা-তীর্থ মক্কা যাত্রিদিগের পাথেয়-বস্ত্র-লুণ্ঠন-লাল-সায় আডডায় ২ সমাগত অপহারক-জাতি-গণের প্রতিকূলে যাত্রা করেন। এইরূপ পরি-ভ্রমণ ও সমর করণে তাঁহার তত্ত্বকর্ম্মে নিরতি-শয় সাহস হইতে লাগিল; এবং তাহাই তাঁহার ভবিষ্যৎচিকীর্ষার একপ্রকার অঙ্কুর হইয়া-ছিল। ইত্যবকাশে বিশুাম ও ধর্ম্মচিন্তার নি-মিত্ত তাঁহার নিজের স্থান বাসের আবশ্যিক হয়; এবং তাঁহার মনে ২ এমৎ সঙ্কল্প উদয় হইয়াছিল, যে স্বসমকালীন উপাসকগণ মক্কায় গিয়া যাদূশ নিধুর-ভাবাপন্ন পৌত্তলিক-ধর্ম্ম ও অসম্ভব-কর্ম্ম-সকল করিয়া থাকেন, তাহার বিষয়ে বিশেষ তথ্য জানা তাঁহার মূখ্য উদ্দেশ্য ছিল। অনুরোধে পড়িয়া কাবার মন্দিরের পূর্নর্নবী করণ-সময়ে তাহার ভিত্তিতে প্রসিদ্ধ একখানি কৃষ্ণ পা-বাণ তাঁহাকে পুনঃ স্থাপিত করিতে হইয়াছিল।

বসোরার মঠাধ্যক্ষ বহেবিয়া-নামক এক জন নেপ্তোরীয় মতাবলম্বী পুথমতঃ যুবক মোহ-ম্মদের অলৌকিক বুদ্ধিমত্তার নিগূঢ়তত্ত্ব জানি-তে পারিয়াছিল। সে তাঁহার সঙ্গে ধর্ম্ম বিষ-য়ক কথোপকথন করিয়া তাঁহার পিতৃব্য আবু তালিবের নিকট যাইয়া এইরূপে ভাবি ঘটনা কহিয়া দিল যে যদি খাতুক যিহুদীদিগের বড়-যন্ত্র-মহাজালহইতে মোহাম্মদকে কৌশলক্রমে রক্ষা করা যায় তাহা হইলে এ ভবিষ্যতে এক মহামহিম ব্যক্তি হইয়া উঠিবেক, সন্দেহ নাই।

পঞ্চবিংশতি-বর্ষ-বয়ঃক্রম-সময়ে মোহাম্মদ খদী-জা-নাম্নী ধনবতী বিধবা যুবতীর সহিত পরিচিত

হইয়া কিছুকাল-বিলম্বে তাহার পাণিগৃহণ করেন। তৎপরে তিনি ক্রমাগত পঞ্চদশ-বৎসরকাল মনোগত-সাধনে সযত্ন হইয়া বারংবার অদূর-বর্ত্তি ভূধরের গুহাতে কখন বা সুরিয়া কদাচিৎ বা আরবের দক্ষিণাঞ্চলে গমনাগমন করিতেন। এই সকল পরিভ্রমণ-সময়ে আপন-অবস্থানুসারে যত হইতে পারে তৎপরিমাণে সর্ব-বিষয়ের সমা-চার লইতে তিনি ত্রুটি করিতেন না। কথিত আছে তিনি এক দিন কতিপয় সুবিজ্ঞ যিহুদী ও খৃষ্টি-য়ান-দিগের সহিত যৎপরোনাস্তি আনুগত্যভাবে কথোপকথন করিয়াছিলেন। তন্মধ্যে বিখ্যাত রবি আবদুল্লা ইবন সোল্লম, এবং তাহার শ্যালক পুত্র বরকের বিষয় বিশেষরূপে বিবরণ করা হই-য়াছে। উহাদের অন্তিমবরক্ আদৌ স্বজাতীয় নানা দেবোপাসনায় রত থাকিয়া তত্ত্বাগ পূর্বক যিহুদীয়-ধর্ম্মাবলম্বন করেন, পরিশেষে তাহাতেও অশুদ্ধা-পূর্বক খৃষ্টিধর্ম্মে সমাসক্ত হইয়া তদধর্ম্ম-পুস্তকের আদি ও অন্তভাগের সুচাকর্ম্মজ্ঞ হইলেন।

চত্বাবিংশদর্ষ-বয়সে মোহাম্মদ ভবিষ্যৎদ্রুভাবে আত্মীয়-স্বজন-জাতি-কুটুম্ববগের মধ্যে আপ-নার মত ও অভিপ্রায় প্রকাশ করিতে লাগি-লেন। তাঁহার পত্নী খদিজা, বরক্, আবুবেকর, তৎপিতৃব্যপুত্র আলীবিন্ আবু তলিব্ এবং অন্য-ন্য তৎপরিবারস্থ লোক-সকল অবিলম্বে তদ-ভ্রোপদেশকে ধর্ম্মোপদেশ এবং তাঁহাকে (আল্লার) ঈশ্বরের প্রেরিত দূত বলিয়া স্বীকার করে এবং তাহাতেই তাঁহার প্রাথমিক উদ্যমসকল সর্বতো-ভাবে সকল হইল।

মোহাম্মদ অতিঘনিষ্ঠ স্বসম্পর্কীয় বন্ধুবান্ধব-গণকে বিরলে এতাদৃশ ধর্ম্মোপদেশ-প্রদানে ক্রমাগত বর্ষত্রয় ব্যাপ্ত থাকিয়া একদা নি-জালয়ে হানেমবংশীয় মান্য ব্যক্তিদিগকে নিম-

ত্রণ করিয়া পাঠাইলেন; এবং একমাত্র অদি-তীয় পরাৎপর পরমেশ্বরের অকৃত্রিম উপাস-নার পুচার-করণ-মানসে নানা-দেবোপাসনাসূচক পৌত্তলিক-ধর্ম্ম-পরিত্যাগের মন্ত্রণা সম্প্রদানপূ-র্বক আপামরসাধারণ সকলকে ঘোষণাদ্বারা এই বিজ্ঞাপন করিলেন যে “জিবুল্ নামক একমাত্র পরমেশ্বরের দূত স্বর্গহইতে অবতীর্ণ হইয়া আমাকে এই পারমেশ্বরিক পুত্যাদেশ কহিয়া গিয়াছেন যে তুমি নিরতিশয় যত্নসহ-কারে স্বদেশীয়গণকে জগদীশ্বরের অমূল্য পু-সাদ বিতরণ করিবে; তাহাই তাহাদের কেবল পরম-কৈবল্যের নিদান হইবেক সন্দেহ নাই”। মোহাম্মদের মুখহইতে এই কথা শ্রবণমাত্র তৎ-স্থানোপস্থিতা জনতা-তাঁহার মত-গৃহণের কথা দূরে থাকুক এককালে সবিষ্ময় ঘৃণারসে নিমগ্ন হইল। কেবল আলী-নামক উন্মত্ত-পুত্র অপো-গণ্ড এক বালক মোহাম্মদের সমভিব্যাহারী হইবার জন্য তাঁহার পাদানত হইয়া পড়িল। তাহার পিতা আবুতালিব সহজে অতি ধীর ও মৃদুস্বভাব, করেন কি? অতি গভীরতাভাবে মোহাম্মদকে এই অদ্ভুত কম্পিত অভিপ্রায় হইতে ক্ষান্ত হইবার পরামর্শ দিলেন। মোহাম্মদ কি সে কথায় কাণ দেন? তিনি উত্তর করিলেন, “দেখ, চন্দ্র ও সূর্যকে স্বপথহইতে সরাইতে চাহিলে কি কেহ কৃতকার্য হয় বোধ কর?” অপর আত্মীয়-স্বজনের বাধায় ভীত না হইয়া, বরং তাহার ইচ্ছাবৃত্তি আরো উত্তেজ হইয়া উঠি-ল। ইহাতে তিনি সর্ব কর্ম্ম-পরিত্যাগ-পূর্বক প্রতিনিয়ত মক্কার প্রকাশ্য স্থানে যাতায়াত এবং জন-সমাজে জগদীশ্বরের একত্র-সংস্থাপনাসূচক বক্তৃতা করিতে ও তৎসমাপনান্তে তাহাদের কৃতপূর্ব পৌত্তলিক ধর্ম্মাবলম্বনে যৎপরোনাস্তি

অনুশয় করত তাহাদিগকে পরাৎপর পরমকাক-নিক পরমেশ্বরের অকৃত্রিম উপাসনায় প্রবর্ত্ত হই-বার পরামর্শ দিতে লাগিলেন; এবং কোরানের কোন ২ অংশ উদ্ধৃত করিয়া কাবার মন্দিরের দ্বারে খোদিত করিয়া রাখিলেন। কথিত আছে, তিনি মহাকবি লেবিদ্-নামক এক ব্যক্তিকে এইরূপে স্বমতে আনিয়া মহাসম্মত প্রাপ্ত হই-য়াছিলেন। ঐ ব্যক্তি তাঁহার বুদ্ধির মহো-ন্নতি ও ধর্ম্মকথা প্রচারে অত্যন্ত যত্নশীল ছিল। প্রজারা এই নীতিজ্ঞদের উপদেশ শুনিতে লা-গিল। এবং বক্তৃতাভলে মনে ২ আকৃষ্ট হইয়া তা-হাদের অত্যাগ্ন লোক পুরুষ-পরম্পরাগত চির-পুচলিত ধর্ম্ম ক্রিয়াকলাপাদি পরিত্যাগ পূর্বক অচিন্তনীয় অনির্বচনীয় আত্ম-ধর্ম্মাবলম্বনে মনস্ত-করিয়াছিল। মোহাম্মদের সন্নিধানে তাহার ভূয়ো-ভয়ঃ প্রার্থনা করিতে লাগিল, “আপনি এই দৈব-পুত্যাদেশ কোন ২ অদ্ভুত ঘটনায় সুদূঢ় করুন”। কিন্তু তিনি অতি বিজ্ঞতা-পূর্বক তদধ-র্ম্মের আন্তরিক গূঢ় সত্যতারই প্রকাশ করিতে লাগিলেন, এবং স্পষ্টাভিধানে কহিলেন, “আ-শ্চর্য-ঘটনা ও শুভ-লক্ষণ প্রভৃতি কেবল শুদ্ধা-বৃত্তির নূনতা-সম্পাদন করত নাস্তিকতাকেই সতেজ করিয়া তোলে।

মোহাম্মদ অনেকানেক অদ্ভুত কার্য করিতেন, তন্মধ্যে মক্কার মসজিদ হইতে যামিনীযোগে যি-কশালম্ নগরে যাত্রা ও চন্দ্রকে অস্ত্রদ্বারা দ্বিখণ্ড করা তাঁহার ভক্ত শিষ্যেরা প্রৌঢ়োক্তিতে বর্ণনা করিয়া থাকে। এই বিষয়ে তাহাদের যে অলীক কথন সে অতিঅসম্ভব, সুতরাং এই স্থলে তাহার উল্লেখ করণের আবশ্যিক নাই।

মোহাম্মদ নিজপত্নী খদিজার লোকান্তর-গম-নের পর আবুবেকরের একমাত্র দুহিতা আয়ে-

সা-নাম্মী যুবতীর প্রাণিগুহণ করেন। তদুপলক্ষে শ্বশুর জানাতায় অতিশয় প্রীতি জন্মে। ঐ আবুবেকরের পরামর্শ-বলে আবুওবেদা, হমজা, ওথমান, উম্মার প্রভৃতি কতিপয় প্রধান ২ ভদু সন্তান মোহাম্মদের মতেই মত নিয়োজনা করিল। তথাপি বর্ষদশেককাল মধ্যে এই নব-ধর্ম-প্রচারের কিছু উন্নতিই হয় নাই। ফলতঃ যদি কুরেশ্ জাতীয়েরা হাসেন্ বংশীয়মাত্রের প্রতি-কুল না হইত তাহা হইলে ইহার এক কালে লোপাপত্তি হইবারই সম্ভাবনা ছিল। মোহাম্মদের কএক জন অনুচর অতিশয় যাতনা ও তাড়নায় পীড়মান হইয়া আবিসিনিয়া-দেশে পলায়ন করিয়াছিল বটে, তথাপি তাহাদের মনে ঐ বিবাদানল প্রজ্জ্বলিত থাকিতে ক্ষান্ত হয় নাই। অবশেষে মক্কাহু সমস্ত লোক একবাক্যে মোহাম্মদের প্রাণ সংহারে কৃতনিশ্চয় হওয়াতে তিনি পুচ্ছন্ন বেশে যাতরেন নগরে পলায়ন করেন। পরে ঐ নগর ভব্যবক্তার নগর মেদিনা-নামে খ্যাত হয়। ইং ৬২২ সালের ১৬ ই জুলাই ও বিক্রমাদিত্যের ৬৭৮ সংবৎসরের শ্রাবণ মাসে এই ব্যাপার ঘটনা হয়। ঐ পলায়ন দিবস হইতেই মোহাম্মদের হিজরা নামক এক প্রচলিত হইয়া আসিতেছে। মক্কাহুতে পুত্যাভর্তমান যাত্রিগণ মেদিনা-বাসীদের বুদ্ধি-ভূমিতে অদ্বৈত-ধর্ম বীজ বপন করাতে তাহারা তৎক্ষণাৎ তাহা, মত-প্রচারকের পক্ষাবলম্বনরূপ জলাভিষেকে অক্লুরিত করিতে মনন করিল। ইতিপূর্বে বিশেষ ২ কার্যোপলক্ষে মোহাম্মদকে তাহারা নিমন্ত্রণ করিত এবং কহিত, “তোমার কাহারো প্রতি বৈরনির্যাতনের আবশ্যিকতা হইলে আমরা যথাসাধ্য সাহায্য করিতে ত্রুটি করিব না”। তাহারা এতাদৃশ পূর্বকৃত প্রতিজ্ঞানুসারে একদা ঐ নির্বাসিত

ভব্যবক্তার সন্নিধানে উপস্থিত হইয়া যথাসম্মানে বিজ্ঞাপন করিল, “আমরা আপনার এই অভিনব-ধর্মের প্রণালী বলপূর্বক প্রচার-করণে যৎপরোনাস্তি সাহায্য করিব, কোন মতেই ত্রুটি করিব না”। এবং প্রকার উৎসাহ প্রাণিমাত্র মোহাম্মদের মানাকাঙ্ক্ষা-বৃত্তি আরো পৃথীয়সী হইল। তাহার মনে স্বীয় দেববাণীর গুহ্যতা বিষয়ে অনেক আশ্বাস জন্মিল। ইহাতে তিনি ঐ উপস্থিত মেদিনাবাসিদিগকে উপদেশ দিয়া কহিলেন, “পৌত্তলিক ধর্মাবলম্বীদিগের বিরুদ্ধে অস্ত্রধারণ করা এই সনাতন ধর্মের অনুসারে যুক্তিযুক্ত; অতএব প্রতিজ্ঞা কর অদ্যাবধি আরবীয় ও অন্যান্য প্রতিবাসিনী জাতির। যাবৎ অদ্বৈতধর্মের অবলম্বন না করে, এবং আমাকে ঈশ্বরপ্রেমিত বলিয়া না মানে, তাবৎ পর্যন্ত তাহাদের শোণিতে স্ব ২ করবাল আরক্ত করিতে ত্রুটি করিব না”।

মোহাম্মদ এই প্রকার অধ্যবসায়াক্রম হইলে পর কুরেশ্ জাতির সহিত তাহার তিনবার যুদ্ধ হয়। উক্ত জাতির। আবু সোফিয়ানের অধীন; তিনি মোহাম্মদের ও হাসেন্ বংশের অত্যন্ত শত্রু। আবুতালিবের লোকান্তর গমনের পর মক্কার প্রধানতা তাহাতেই বর্তিয়াছিল। সুরিয়া দেশে যে সকল ধনাঢ্য বণিকেরা গমন করিত তাহাদের রক্ষা এবং মোহাম্মদের সাহসিক দলকে আক্রমণ করিবার অভিসন্ধিতে আবুসফিয়ান এক সহস্র সমরদক্ষ যোদ্ধা সঙ্গ্রহ করিয়া রাখিয়াছিলেন। মোহাম্মদ তৎকালে তিন শত যোদ্ধা লইয়া মেদিনা হইতে ত্রোশ-দশৈক পথ অন্তরে বেদর নামক এক পর্বতের গহ্বর মধ্যে শত্রুসমাগম্ প্রতীক্ষা করিতেছিলেন; পরে শত্রুগণকে সমুপাগত জানিয়া তাহা-দিগকে আক্রমণ করিলেন। তাহারা ক্রমেক

যুদ্ধ করণান্তর সর্বতোভাবে পরাজিত হইয়া স্ব ২ অর্থসম্পত্তি ফেলিয়া কে কোথায় পলায়ন করিল তাহার নির্ণয় হইল না। এই পরাজয়ে অপমানিত হইয়া পর বৎসর হিজরি ৩ অর্কে আবু সোফিয়ান তিন সহস্র যোদ্ধার এক দল সমভিব্যাহারে লইয়া যুদ্ধার্থ মেদিনার অভিমুখে যাত্রা করেন। তথায় উভয় পক্ষে ওহুদ পর্বতের নিকট এক তুমুল সঙ্গ্রাম হয়, তাহাতে মোহাম্মদ অত্যন্ত আহত হন। শত্রুপক্ষীয়েরা এ যাত্রায় জয়ী হইল, কিন্তু মোহাম্মদ অবিলম্বেই বিচ্ছিন্ন সৈন্য দলবদ্ধ করিয়া রণক্ষেত্রে পুনর্বার উপস্থাপিত করিলেন। এই তৃতীয় সঙ্গ্রাম কেবল মহাবল পরাজিত আলীরই বাহুবলে পর্যাবসিত হয়। এই সময়ে মেদিনা নগর ক্রমাগত দশ দিন শত্রুকর্তৃক আক্রান্ত থাকে। সমনস্তর উভয় পক্ষের একমতে দশ বৎসরকাল যুদ্ধ বিগুহ স্থগিত রাখাই নির্ধারিত হইল। ইত্যবকাশের মধ্যে মোহাম্মদ সকলের মত পুত্যাভর্তন করিতে কিম্বা কৈনকাও, কোরৈধা, নধির, কৈবার প্রভৃতি প্রধান ২ যিহুদীয় জাতিদিগকে পরাজয় করিতে প্রবৃত্ত ছিলেন।

সঙ্গ্রামানুপযুক্ত যিহুদীদিগের হস্তহইতে দুর্গ ও নগরাদি অক্লেই অপহৃত ও লুণ্ঠিত হইল। দুর্ভাগ্যবান্ প্রজারা জেতার নবধর্মাবলম্বনে অনিচ্ছুক হইবাতে অতি নিষ্ঠুরতাপূর্বক দেশহইতে দূরীকৃত, ও বিবিধ যাতনায় ক্লিষ্ট, এবং হত হইতে লাগিল। এই রূপে দেশীয় জাতি সকলের দমন হইবাতে মোহাম্মদের পরাক্রম ও প্রাবল্যের ইয়ত্তা রহিল না। কোরেশ জাতীয় প্রাচীন ধর্মাবলম্বীরা কিছকালের জন্য সমর স্থগিত রাখিবক কহিয়াছিল, কিন্তু পরে তৎপ্রতিজ্ঞা ভঙ্গে তাহারা ক্তো-দ্যম হইল; অতএব মোহাম্মদ তৎক্ষণাৎ দশ

সহস্র যোদ্ধা সঙ্গ্রহ পূর্বক হিজরি ৮ অর্কে মক্কাভিমুখে যাত্রা করিলেন। বিনা বাধায় নগর আক্রান্ত হইল। মোহাম্মদীয় অদ্বৈতধর্মের জয় পতাকা উত্তোলিত হইল, দেখিয়া প্রজারা যে ভব্যবক্তাকে ইতিপূর্বে পৈতৃক বাসস্থানহইতে নির্বাসন করিয়াছিল তাহাকেই একবাক্যে মক্কার অধীশ্বর বলিয়া তাহার শরণাগত হইল। মোহাম্মদও যাহাদের হইতে পূর্বে এত অপমানিত হইয়াছিলেন তাহাদিগকে নিজ মতাবলম্বী দেখিয়া তৎক্ষণাত্রেই মার্জনা করিতে ত্রুটি করিলেন না; পরে কাবার চতুর্দিকস্থ ৩৬০ খানি দেবপ্রতিমা ভঙ্গ ও চূর্ণ করণপূর্বক পৌত্তলিকধর্মের চিহ্নমাত্রও না দেখিতে পাওয়া যায় এমনি ভাবে সকল বস্তু নষ্ট করিয়া ফেলিলেন; এবং ঐ সকল স্থান এক অদ্বিতীয় পরাংপর পরমেশ্বরের ভজনালয়ে সুশোভিত করিয়া দিলেন। তদবধি ঐ স্থান মহাতীর্থ রূপে খ্যাত হইল। তথায় যাত্রিরা যে সমস্ত ধর্ম চর্চা ও ধর্ম কর্ম করিয়া আসিতেছে সে সকল তাহারি ভজনা ও উপাসনার দৃষ্টান্তরূপ।

মোহাম্মদকর্তৃক মক্কার পরাজয় ও তৈরফের দুর্দর্শ দুর্গের নিপাত দেখিয়া আরবীয় সমস্ত পৌত্তলিক ধর্মাবলম্বী জাতীয়েরা অবিলম্বে আসিয়া তাহার অধীন হইল। সমীপস্থ দেশবর্তী প্রধানেরাও তৎকালীন সমুপাগত হইয়া জয়শীল ভব্যবক্ত মোহাম্মদের নিকটে বিবিধ জাতীয় উপহার প্রদান পূর্বক অকপট বন্ধুত্ব সম্বলিত সন্ধি প্রার্থনা করিতে লাগিল। সন্তুষ্টিপূর্ণামদে মত্ত হইয়া মোহাম্মদ পারস্যরাজ খোশ্র পরবেজ্ ও আবিসিনিয়া-দেশের রাজা হিরাক্লিট্‌স্ ও বাইজানটিরমের নিকটে গস্তীররূপে ভয়প্রদর্শনপূর্বক এই বলিয়া দূত পাঠাইয়া দিলেন যে, “তোমরা হয় অদ্বৈতধর্মের অবলম্বন কর, নয় আমরা

সহিত যুদ্ধ করিতে প্রস্তুত হও”। এ দিকে তিন সহস্র মোশলেম যোদ্ধা সজ্জীত হইয়া পালাস্-টিনের পূর্বসীমা আক্রমণ করিল; এবং এই যাত্রায় পশ্চিমাঞ্চলের নানা দেশীয় বিবিধ-জাতিসকল স্বেচ্ছাপূর্বক আসিয়া মোহাম্মদের বশতা স্বীকার করিল। খৃষ্টিয়ানবর্গের উপরি দয়া প্রকাশ করিয়া মোহাম্মদ তাহাদিগের হইতে যৎকিঞ্চিৎ কর গ্রহণ করিয়াই ক্ষান্ত হইলেন। এই সকল যুদ্ধ যাত্রাহইতে প্রত্যাবর্তন করিয়া তিনি আর একবার জন্মের মত তীর্থচূড়ামণি মক্কাতে যাত্রা করিয়াছিলেন। অনন্তর তথাহইতে মোহাম্মদ মেদিনায় ফিরিয়া গেলেন, এবং তথায় দুই সপ্তাহকাল জ্বর রোগে पीড়িত হইয়া তত্রত্য শিষ্যগণকে মহাভয়সাগরে নিমগ্ন করিয়া পরলোক যাত্রা করিলেন। এই ব্যাপার ইং ৬৩২ অব্দের ৮ই জুনে ঘটনা হয়। তখন তাহার বয়ঃক্রম ৬৩ বৎসর ছিল। মোহাম্মদের মরণানন্তর তাহার উন্মত্তবৎ শিষ্যগণ সমভিব্যাহারী ওমরের মনে দৃঢ় প্রতীতি হইল যে মোহাম্মদের মরণ কদাচই হইতে পারে না। এতাদৃশ অসঙ্গত প্রত্যয় প্রত্যাখ্যান বিষয়ে ধীরস্বভাব সুবিজ্ঞ আবুব-করের যৎপরোনাস্তি প্রমাণ প্রয়োগ দর্শাইতে হইয়াছিল। তিনি তত্রস্থিত ক্ষিপ্তবৎ জনতাসন্নি-ধানে উচ্চৈঃস্বরে কহিতে লাগিলেন, “তোমরা যাহাকে উপাসনা করিয়া থাক তিনি কি মোহাম্মদ কিম্বা মোহাম্মদের ঈশ্বর? অবশ্যই বলিতে হইবেক তাহার ঈশ্বর; যিনি তাহার ঈশ্বর, তিনি কখন মরেন না; কিন্তু মোহাম্মদ তাহার প্রেরিত ব্যক্তি; তাহার মরণ ও জনন আমাদের ন্যায়ই হইবেক, ইহাতে সন্দেহ কি?”

মোহাম্মদের বুদ্ধিবৃত্তি অদ্ভুত ও তীক্ষ্ণ ছিল, ইতি এমত কৌশল করিয়াছিলেন, যে তৎপুণীত

ধর্মের গূঢ়মর্ম কি, তদ্বিষয়ে কেহ কোন তর্ক করিল না; তথাপি শতাব্দীর মধ্যে সমুদায় আরব, সুরিয়া, আসিয়ামাইনর, পারস, মিসর, এবং আফরিকার কিয়দংশের মধ্যে তাহার জয়-পতাকা উড্ডীয়মান হইল। বর্তমান সময়েও দেখা যাইতেছে বুরুপুত্রের তটাবধি আংলাস্তিক মহা-সাগর পর্য্যন্ত সর্বত্র এক শত কুড়ি লক্ষ মনুষ্য-রও অধিক ব্যক্তি তাহার মত গ্রহণ করিয়াছে।

মোহাম্মদ পুণীতধর্মের নাম অদ্বৈতধর্ম বা মো-স্লাম ধর্ম। কোরাণ নামক গুহ্যে ঐ ধর্ম সুব্যক্ত আছে। মোহাম্মদ স্বয়ং ঐ গুহ্য রচনা করিয়াছিলেন, এবং কহিতেন যে ঈশ্বরের দূত আসিয়া তাহাকে এক ২ দিন এক ২ অধ্যায়ের উপদেশ দিয়াছিল। এই ধর্মের দুই অঙ্গ, “ইমান” ও “দীন”। মত-প্রকাশকের প্রতি যে বিশ্বাস তাহার নাম ইমান; ও তৎপুণীত ধর্মের প্রতি শুদ্ধার নাম দীন। এই ধর্মের মর্ম এই যে পরমেশ্বর একমাত্র, অদ্বিতীয়, নিত্য, সর্বশক্তিমান, সর্বজ্ঞ, অন্তর্যামী, পরমকার-নিক। কেবল তাহারি উপসনাদিই শ্রেয়ঃসাধন ও সর্বতোভাবে কর্তব্য। তাহার মহিমা প্রতি-নয়িত দেবদূতে সর্বত্র ঘোষণা করিতেছে। এই পরিদর্শন্যান্ সচরাচর বিশ্বসংসারই তাহার সৃষ্ট ও নিয়ন্তৃত্বের একমাত্র নিদর্শন স্থল। তিনিই জগ-তের কর্তা, তিনিই জগতের পাতা, তিনিই জগতের শাস্তা, তিনিই জগতের ভাগ্যাভাগ্যের নিয়ন্তা, তা-হারি ঐশ্বরিক শক্তি ও আদেশে মানবাদি জাতি সকল জনন মরণাদি প্রাপ্ত হইতেছে। এই ধর্মাবল-ম্বিদিগের বীজমন্ত্র “লা ইলাহা ইল্লিল্লা মোহাম্মদ রসুল আলা” অর্থাৎ ঈশ্বর এক ব্যতীত দ্বিতীয় নাই, এবং মোহাম্মদ তাহার প্রেরিত। এই বাক্যে বিশ্বাস না করিলে কেহই মূলনমান হইতে পারে না।

রা. না. বি.

### হিম-বিবরণ।

বায়ুর উষ্ণতা-বিষয়ক-প্রকরণে উক্ত হইয়াছে পৃথিবীর উত্তরস্থ সপ্তম-অক্ষাংশ স্থান সর্বা-পেক্ষায় উষ্ণ; তাহাইহইতে উত্তর-দক্ষিণে ক্রমশঃ উষ্ণতার হ্রাস হইয়া কেন্দ্র-নিকটস্থ স্থান অত্যন্ত শীতল হয়। তাপমান-যন্ত্রদ্বারা ঐ উষ্ণতা-নিরূপণের উপায়ও তথায় বর্ণিত হইয়াছে। উক্ত যন্ত্রের ৩২ তা-পাংশ-পরিমিত উষ্ণতায় জল জমিয়া বরফ হয়; এই প্রযুক্ত যে সকল-স্থানে গ্ৰীষ্ম-পরিমাণ ৩২ তাপাংশ বা তন্মূন, তথায় জল বরফরূপে পরিণত থাকে। হিম-কেন্দ্রের সন্নিকটের উষ্ণতা ৩২ তাপাংশ হইতে অনেক নূন; তত্রত্য কোন ২ স্থানে গ্ৰীষ্মকালেও ঐ সঙ্খ্যা অতিক্রম করে না; তৎসত্ত্বে স্থানে তরল জল দৃষ্টি-গোচর হওয়া কঠিন; সমস্ত জল বার মাস বরফরূপ ধারণ করিয়া আছে। তথায় শিশির ও বৃষ্টির পরি-বর্তে নীহার পড়িয়া থাকে। অপর যে সকল স্থানে গ্ৰীষ্মকালে যথানিয়মে গ্ৰীষ্ম হইয়া শীতকালে বায়ু ৩২ তাপাংশ অপেক্ষায় শীতল হয়, তথায় জল শীতকালে বরফ রূপ ধারণ করত গ্ৰীষ্মে দুবীভূত হইয়া যায়। সম-মণ্ডলের অনেক স্থানে ও হিমমণ্ডলের সর্বত্র এই ঘটনা ঘটয়া থাকে। সমমণ্ডলের কোন ২ স্থানে শীতকালের দুই চারি দিন মাত্র ৩২ তাপাংশ পর্য্যন্ত উষ্ণতা হইয়া থাকে, তথায় বর্ষে ঐ অল্পকাল মাত্র জল জমিয়া থাকে। গ্ৰীষ্মমণ্ডলে শীতের লাঘব, তথা জল জমিবার অসম্ভাবনা। কলিকাতায় অত্যন্ত শীতের সময়েও বায়ুর উষ্ণতা ৫০ তাপাংশের নূন হয় না, সুতরাং এখানে কদাপি তুষার নিপতিত হয় না, এবং জল জমিয়া বরফ রূপ ধারণ করে না\*।

পৃথিবীর উত্তরস্থ সপ্তম অক্ষাংশের উভয় পার্শ্বে ক্রমশঃ যে প্রকার শীতের বৃদ্ধি হয়, সমভূমিহইতে উর্ধ্ব-দেশেও সেই প্রকার শৈত্যাধিক্য বোধ হয়; ফলতঃ প্রাকৃত-ধর্মবিষয়ে গ্ৰীষ্মমণ্ডলস্থ-পর্বতের মূলভাগ গ্ৰীষ্ম-মণ্ডলবৎ, তদূর্ধ্বে কিয়দংশ সমমণ্ডলবৎ, ও তদূর্ধ্বে হিম-

\* জগলী-প্রদেশে অগভীর-স্রুপাত্রে জল রাখিয়া শীতকালে বরফ প্রস্তুত করার রীতি ছিল; কিন্তু তাহাতে আমাদিগের উক্তির কোন বিবোধ হইবে না; কারণ ঐ বরফ প্রস্তুত করণের প্রথা স্বতন্ত্র, বায়ুর শীততা তাহার প্রধান কারণ নহে।

মণ্ডলবৎ। শম্যাদ্যুৎপত্তি, নীহার-পতন, কায়িক-সৌষ্ঠব, প্রভৃতি বিষয়ে পৃথিবীর মণ্ডল-ভেদে যে প্রকার ভেদ হয়, পর্বতের উচ্চতানুসারেও সেই প্রকার ভেদ ঘটয়া থাকে। গ্ৰীষ্মমণ্ডলস্থ-পর্বতের মূলভাগে বরফ জমে না, তদূর্ধ্বে শীতকালে তুষার পড়ে, গ্ৰীষ্মে তুষার বা বরফ থাকে না; তদূর্ধ্বে পর্বতাগুণে চিরকাল তুষার ও বরফ বর্তমান থাকে। সমমণ্ডলস্থ-পর্বতের মূলভাগ সমমণ্ডলবৎ, তদূর্ধ্বে তুষার, হিমমণ্ডলস্থ-পর্বতের সর্বত্রই হিমবিশিষ্ট। কুমেরুবর্ষে ইরিবস্-নামক দশ-সহস্র-হস্ত-উচ্চ এক আগ্নেয় পর্বত আছে, তাহা মধ্যে ২ দুবীভূত প্রস্তর ভয়ানক-বেগে উৎক্ষিপ্ত করিয়া থাকে, ও দিবা-রাত্রি ধুম উল্লীরণ করিতেছে; অথচ তাহার সর্বাঙ্গ অতিশূল হিমশিলায় মণ্ডিত, কুত্রাপি এক মুষ্টি মাত্র মৃত্তিকাও দৃষ্টিগোচর হয় না।

পূর্ব বর্ণনানুসারে বোধ হইতে পারে যে গ্ৰীষ্মমণ্ডলস্থ পর্বত মাত্রতেই তিন মণ্ডলের প্রাকৃত ধর্ম প্রত্যক্ষ হইবে, কিন্তু তাহা যথার্থ নহে। যে সকল পর্বত অত্যন্ত উচ্চ তাহাতেই ঐ ঘটনা দৃষ্টিগোচর হয়, নিম্ন পর্বতে তাহা অনুভূত হয় না। ফলতঃ নিরুক্তবৃত্তের নিকটহইতে কেন্দ্র পর্য্যন্ত যেমন ক্রমশঃ উষ্ণতার হ্রাস হয় পর্বতের উচ্চতানুসারে সেই মত ক্রমশঃ উত্তাপেরও লাঘব হইয়া থাকে। হিমালয় পর্বতের ৪—৫ সহস্র হস্তোর্ধ্ব পর্য্যন্ত তুষার দৃষ্ট হয় না, এবং তথাকার শীতও সমভূমির শীতের তুল্য; তদূর্ধ্বে ক্রমশঃ শীতের ও তুষারের বৃদ্ধি আছে, দশ সহস্র হস্ত উচ্চ স্থানে বর্ষের ৮-৯ মাস শীত ও নীহার থাকে, তদূর্ধ্বে আরও শীতের বৃদ্ধি হইয়া দ্বাদশ-সহস্র-হস্ত উচ্চ স্থানে শীত বা নীহারের বিশ্রাম হয় না, তৎস্থান অবধি হিমালয়ের অগুণ্ডাগ পর্য্যন্ত সর্বত্র চিরকাল নীহারাবৃত থাকে, গিরিরাজ ঐ শুক্ল টোপার কদাপি চ্যুত হন না। অপর মনুষ্যমস্তকে টোপার ধারণ করিলে যে প্রকারে মস্তক ও টোপারের মিলন স্থানে টোপারের সীমা জ্ঞাপক রেখা অনুভূত হয়, তেমনি ঐ গিরিশিখরে ও চিরনীহারের সীমানিরূপক রেখা নির্দিষ্ট আছে; গ্ৰীষ্ম-কালে সেই রেখার নিম্ন স্থানস্থ সকল নীহার গলিয়া যায়, কিন্তু সেই রেখার উর্ধ্বস্থ নীহার বিকৃত হয় না।

ঐ রেখাকে “চিরনীহারের সীমা” শব্দে কহি। পৃথি-বীর মণ্ডলভেদে ও পর্বতভেদে ঐ সীমার স্থানভেদ হইয়া থাকে। হিমালয় পর্বতের দক্ষিণ ভাগে ঐ সীমা দ্বাদশ


সহস্র হস্ত উচ্চে ও উত্তর ভাগে চতুর্দশ সহস্র হস্ত উচ্চে অবস্থিত। আল্পস পর্বতে তাহা নব সহস্র হস্ত উচ্চে ও উরাল পর্বতে পঞ্চ সহস্র হস্ত উচ্চে স্থিত। পুর্বোক্ত ইরিবস পর্বতের মূলেই এই চিরনীহার সীমা স্থিত আছে।

প্রস্তাবিত চিরনীহারসীমার নিম্নে চিরনীহারের বাহুস্বরূপ কোন ২ স্থানে বৃহদাকার নীহারের রাশি লক্ষ্যমান হইয়া থাকে; তাহা চিরনীহারবৎ বার মাস দৃঢ় থাকে, কদাপি দুব হয় না। এই লক্ষ্যমান নীহারবাহুর ইংরাজি নাম “গ্লাসিয়র্”। বঙ্গভাষায় তাহাকে “চিরনীহারবাহু” শব্দে বিধান করিব। পর্বতের ক্ষুদ্র উপত্যকা মধ্যে বা দুই গণ্ডশৈলের মধ্যস্থ নিম্ন স্থানেই প্রস্তাবিত চিরনীহারবাহু বর্তমান থাকে, সুতরাং এই নিম্ন স্থানের আকারানুসারে চিরনীহারবাহুর আকৃতির ভেদ হয়। কোন চিরনীহারবাহু অগাধ, কেহ দীর্ঘ নদীবৎ, কেহ বা তড়াগবৎ। এই সর্বপ্রকার চিরনীহারবাহুর উপরিভাগ বর্তুল, এবং ক্রমাগত তাহা অগুবর্তী হইতেছে। গ্রীষ্মকালে এই গতিধারা প্রত্যহ চিরনীহারবাহু ২।৩ হস্ত অগুসর হয়। শীতকালে এই গতির কিঞ্চিৎ হ্রাস হয়; কিন্তু কদাপি গমনে নিরস্ত হয় না। পরন্তু কোন ২ চিরনীহার বাহু ক্রমশঃ হ্রাস হইয়া লুপ্ত হইয়াছে, বিশেষতঃ যে সকল চিরনীহারবাহু অধিক ঢালু স্থানে স্থিত তাহা শীঘ্র বিনষ্ট হয়। পর্বত পার্শ্ব অত্যন্ত ঢালু হইলে তাহাতে চিরনীহারবাহু তিস্তিতে পারে না। এই প্রযুক্ত দক্ষিণ আমরিকার আন্দিস পর্বতে আশিয়ায় ককেশস পর্বতে, আলতাই পর্বতে ও উরাল পর্বতে চিরনীহারবাহু নাই। হিমালয়ের দক্ষিণ পার্শ্বেও কোন চিরনীহারবাহু দৃষ্ট হয় না। পরন্তু তাহার পশ্চিম ও উত্তর পার্শ্বে অনেক চিরনীহারবাহু বর্তমান আছে; কাশ্মীর প্রদেশে আরিগো গ্রামের নিকটে বাণ সাহেব এক বৃহৎ চিরনীহারবাহু দেখিয়াছিলেন; তাহা প্রায় অর্ধ ক্রোশ প্রশস্ত এবং শত পদ উচ্চ।

উপরে উক্ত হইল যে অত্যন্ত ঢালু স্থানে চিরনীহারবাহু থাকে না; তৎকারণ শীতকালে তৎস্থানে যে সকল নীহার সঙ্ঘীত হয়, গ্রীষ্মের প্রাদুর্ভাবে তাহার মূল ভাগ দুব হইয়া এই নীহারপিণ্ড স্থান হইতে উপত্যকা

মধ্যে আসিয়া পড়ে। এই প্রযুক্ত পার্শ্বত পথ বা সন্ধান উপত্যকা দিয়া ভ্রমণ করা অত্যন্ত ভয়ঙ্কর; তৎস্থানে বায়ুর যাতায়াত প্রায় থাকে না, সকলই স্তব্ধভাবে আছে; এই পথ দিয়া গমনসময়ে শব্দ বা গোলযোগ করা নিষিদ্ধ, কারণ তদ্বারা পতনোন্মুখ হিমশিলা-নকল শিখরাগুহীতে ছিন্ন হইয়া তৎক্ষণাৎ শব্দকারিদিগের মস্তকোপরি নিপতিত হয়। সামান্য লোকে এই ঘটনাকে দানবকীর্তি বলিয়া বর্ণন করিয়া থাকে। কিংবদন্তী আছে কাঙ্গরা দেশীয় এক জন রাজপুত্র মহীপাল পঞ্চ সহস্র স্বজাতীয় অকুতোভয় বলদল সমভিব্যাহারে কাশ্মীর দেশের পার্শ্বে পাঠানদিগের দমনার্থে যুদ্ধযাত্রা করিয়া পথি মধ্যে হিন্দুকুশ-পর্বতের এক গিরি-সঙ্কটের দ্বারে উপনীত হইলেন। তথায় তাঁহাকে লোকে কহিল যে এই গিরি-সঙ্কট এক জন দানবের অধীন; তাহার সম্মান রক্ষা করত নিম্নকৃতভাবে এই পার্শ্বতপথ-দিয়া গমন করাই তদু, নচেৎ এই দানব পর্বতাকার বৃহৎ হিমশিলা-প্রক্ষেপণ-পূর্বক সকলকে বিনষ্ট করিবেন। তিনি কহিলেন, “আমি রাজপুত্র, স্বয়ং দেবতা, আমি কোন্ দানবের ভয় করিব? রাজপুত্র শরীরে ভয় পদার্থ কদাপি বর্তে না, এবং আমিও জাতিধর্ম নষ্ট করিবার পাত্র নহি।” অপর এই অভিপ্রায়ানুসারে তোপ ও উচ্ছাস করিতে ২ তিনি পার্শ্বতপথ প্রবেশ করিলেন, এবং অনতিবিলম্বে হিমশিলার পতনে সৈন্য তন্মধ্যে প্রোথিত রহিলেন, এক ব্যক্তিও প্রত্যাগমন করত তদ্বর্তী কহিতে জীবিতবান রহিল না। এই ঘটনাই হইতে প্রস্তাবিত পর্বতের নাম হিন্দুকুশ অর্থাৎ হিন্দুহস্তা হইয়াছে। তিব্বত-দেশীয় পার্শ্বত পথে এই প্রকার ঘটনা সর্বদা ঘটয়া থাকে; এবং তত্রত্য লোকেরা তদ্বারা দানবের অস্তিত্ব প্রমাণ করে; বস্তুতঃ পতনোন্মুখ হিমশিলা সকল শব্দের বেগে কম্পিত হইয়াই পড়িয়া থাকে।

কোন ২ স্থানে এই পতনশীল হিমশিলার এক ২ খণ্ড দুই তিন সহস্র হস্ত বৃহৎ হইয়া থাকে, এবং তাহার পতন সময়ে পথি মধ্যে পর্বত শিখরাদি যাহা কিছু উপস্থিত থাকে, তৎসমুদায় ভগ্ন হইয়া পড়ে এবং তৎসময়ে ভয়ঙ্কর বজ্রবৎ শব্দ হইয়া থাকে।



## বিবিধার্থ-সঙ্গ্ৰহ,


অর্থাৎ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

৩ পর্ব]


শকাৎ ১৭৭৬, ভাদ্র।

[৩০ খণ্ড।



সাগুবিচ দ্বীপবাসীদের সহিত কাপ্তান কুকের সাক্ষাৎ।

### সাগুবিচ দ্বীপ।



নিরাখণ্ডের পূর্বত নন্দু “হির-সমুদ্র” নামে বিখ্যাত, কারণ অন্য সমুদ্রে জোয়ারের সময়ে যে রূপ জল উচ্ছসিত হইয়া

থাকে, উক্ত সমুদ্রে তাদৃশ জলের উচ্ছসিত হইয়া না, তথায় জল প্রায় সর্বদা সনভাবে থাকে। এই হির জলে প্রবাল-কীটেরা অনায়াসে নির্বিঘ্নে আপন ২ আবাস নির্মাণ করে, এবং এই আবাস-সকল ক্রমশঃ জলোচ্ছ্বাসে নিঃসৃত হইয়া দ্বীপ-কাপে পরিণত হয়। এই প্রকারে হির-সমুদ্রে

বহুসংখ্যক দ্বীপ উৎপন্ন হইয়াছে। ভূগোলের মানচিত্রে দৃষ্টি করিলে অনায়াসে ব্যক্ত হইবে, যে স্থির-সমুদ্রে যত দ্বীপ আছে, পৃথিবীর আর কত্ৰাপি তত নাই। ঐ সকল দ্বীপের অধিকাংশই অতিক্রম্য; তাহাদের ৫৭ টা বা ততোধিক দ্বীপ একত্রে মণ্ডলীভূত আছে, তন্মধ্যে যেটা প্রধান তাহারই নামে অপর দ্বীপ গুলিন বিখ্যাত হয়। ভূগোলগুণ্ডে ঐ সকল মণ্ডলীভূত দ্বীপ “দ্বীপসমষ্টি,” “দ্বীপবৃহৎ,” “দ্বীপমণ্ডল” বা “দ্বীপসঙ্গ্রহ” নামে নির্দিষ্ট আছে।

ঐ সকল দ্বীপের অনেকই নির্জন, এবং তন্মধ্যে অতিক্রম্যগুলিন তঞ্চলতাদিতেও বিহীন। ইহাদের মধ্যে যে সকল দ্বীপে মনুষ্যবাস আছে, তাহা পরস্পর অপেক্ষাকৃত বৃহৎ, এবং তাহাতে ফলপুষ্পাদিরও অভাব নাই। পরন্তু তত্রত্য মনুষ্যেরা অত্যন্ত অধম, এবং যৎপরোনাস্তি অসভ্য। লৌহাদি ধাতুনির্মিত অস্ত্র বা কাপাসবস্ত্র প্রস্তুত করিতে কেহই সক্ষম নহে; অনেকে বন্ধক ধারণ করিয়া পণকুটারে দিনযাপন করে; কেহ বা দিগন্তরাবলম্বন-পূর্বক বৃক্ষকোটরাদিতে কালক্ষেপ করিয়া থাকে। কৃষিকর্মে কেহই তৎপর নহে; সকলেই বন্য ফল মূল ও মৃগয়া দ্বারা জীবনোপায় উপার্জন করে।

পূর্বকালে এতদেশীয় ও ইউরোপীয় মনুষ্যেরা ঐ সকল দ্বীপের কোন বিবরণ জ্ঞাত ছিলেন না। অশীতি বর্ষ হইল কুকু-নামা এক জন অতি-প্রসিদ্ধ কাণ্ডান (পোতাধিপ) পৃথিবীপ্রদক্ষিণ করত স্থির-সমুদ্রের অনেক দ্বীপাদির বিবরণ জন-সনাজে প্রচারিত করেন। ঐ প্রসিদ্ধ নাবিক দুই বার স্থির-সমুদ্রে ভ্রমণ করিয়াছিলেন, এবং দ্বিতীয়বার তত্রত্য দ্বীপস্ব এক অসভ্য জাতীয় কর্তৃক বিহৃত হন। উল্লিখিত দ্বীপের নাম “হাও-

য়াই” বা “ওহিহি”। স্থিরসমুদ্রের মধ্যভাগে নিরক্ষবৃত্তের সন্নিকটে ১৫৭ পশ্চিম-মধ্যাহ্ন-রেখায় ঐ দ্বীপ বর্তমান আছে; তাহার চতুর্দিকে অপর দশ বার টি দ্বীপ আছে; তাহাদের সমষ্টির নাম “সাগুবিচ্ দ্বীপ”। ঐ দ্বীপসমষ্টিতে পুজার অভাব নাই; ১৮৮৯ সংবৎসরে পাদরি এলিস সাহেব অনুমান করিয়াছিলেন যে তথায় ১,৩০,০০০ ব্যক্তি পুজা আছে। যে সময়ে কাণ্ডান কুকু ঐ দ্বীপে গমন করেন, তৎকালে তথাকার মনুষ্যেরা তৎপ্রতিবাদি অন্য দ্বীপবাসী অপেক্ষায় সভ্য ছিল; তাহারা ভূমিকর্ষণ, বন্ধকের বস্ত্র নির্মাণ, মাদুরবুনন প্রভৃতি কার্যে তৎপর ছিল, এবং দেবোপাসনায়ও উৎসুক ছিল; পরন্তু নরবলি প্রদানে বিমুখ ছিল না, এবং শত্রু-পক্ষীয়-নরমাংস বিশেষ পর্বদিবসে ভক্ষণ করিত।

তৎকালে কুকুর শূকর ও ইন্দুর ভিন্ন অন্য কোন পশু তথায় ছিল না, এবং তাহারা সকলেরই খাদ্য মধ্যে গণ্য ছিল। লালআলু, নারিকেল, নানা প্রকার কদলী এবং ইক্ষুও প্রচুর ছিল। তারো এবং রোটিকাকল নামক অপর দুই প্রকার ফল প্রস্তাবিত দ্বীপে অনেক, এবং তদবলম্বনেই তত্রত্য লোকেরা জীবন ধারণ করিত।

কুকু সাহেবের বধ অবধি ১৮৫০ সংবৎসর-পর্যন্ত উক্ত দ্বীপে কেহ গমন করে নাই। শেষোক্ত বর্ষে বাঙ্কুবর্ সাহেব তথায় গমন করেন; এবং তদবধি বাণিজ্যানুরোধে অনেকে তথায় যাতায়াত করিতেছে; বিশেষতঃ আমরিকাহইতে চীনদেশে আগমন করিতে ঐ দ্বীপের পার্শ্বদিয়া গমন করিলে বিশেষ সুবিধা হয়; ঐ প্রযুক্ত মার্কিন-দেশীয় অনেক বণিক ঐ পথ দিয়া গমনাগমন করে; এবং আপনাদি-

গের সভ্যতা-প্রদর্শন-পূর্বক তাহাদিগের পূর্ব-অসভ্য-আচরণের অনেক পরিবর্তন করাইতেছে। অপর বিদেশীয় বণিকদিগের সংস্রবে দ্বীপবাসিদিগের যে প্রকার সভ্যতার উন্নতি হইতেছে, পাদরিদিগের পরিশ্রমে ধর্মবিষয়েও তদনুরূপ পরিবর্তন হইয়া উঠিয়াছে। তথায় বাঙ্কুবর্ সাহেবের গমনের পর বিংশতি বৎসর মধ্যে রিওরিও নামা এক জন তত্রত্য রাজা খ্রীষ্টিয়ান-ধর্ম গৃহণ-পূর্বক এক মহাসভায় আপন পূর্বধর্মের নিষিদ্ধ দ্রব্যাদি ভক্ষণ করত আপন জীদিগকে তাহা ভক্ষণ করান। পুজারা ঐ ধর্মত্যাগী রাজার শাসনার্থে বিদ্রোহাচরণ করিয়াছিল, কিন্তু ইংরাজদিগের সাহায্যপ্রযুক্ত কোনমতে তাহার অনিষ্ট করিতে পারে নাই। ঐ রাজা সস্ত্রীক হইয়া বিলাতে গমন করিয়াছিলেন; তথায় উভয়েই হাম রোগে আক্রান্ত হইয়া প্রাণ ত্যাগ করেন। উক্ত রাজার পিতা তামেহামেহা স্বদেশের অনেক উন্নতি সাধন করিয়াছিলেন। তাহার রাজত্বের পূর্বে সাগুবিচ্-দ্বীপ-সঙ্গ্রহের প্রত্যেক দ্বীপে এক ২ পৃথক ২ রাজা ছিল; তিনি তৎসমুদায়কে পরাভূত করিয়া আপন অধীনে আনয়ন করেন।

প্রস্তাবিত দ্বীপে অধুনা চন্দন-কাণ্ডাদি দ্রব্য-বহুলের বাণিজ্য আছে; এবং বিদেশীয় অনেক জাহাজ তথায় যাতায়াত করিয়া থাকে। ইংরাজ, করাসিস, এবং মার্কিন দেশীয় রাজারা তথাকার রাজার স্বাধীনতা স্বীকার করেন, এবং তাহার রাজসভায় আপন ২ দূত সংস্থাপিত রাখিয়াছেন। সম্প্রতি হাওয়াই-দ্বীপে হোনোলুলু নামক এক দুর্গ নির্মিত হইয়াছে, তাহার বন্দোপরি ষষ্টি তোপ আছে, এবং রাজার অধীনে ১২—১৪ থানা জাহাজ আছে। প্রধান-নগরে মুদ্রাঘত্র সংবাদ-পত্র এবং বিদ্যালয় অনেক

বর্তমান আছে। বিদ্যালয়ের সংখ্যা দুই শত; তাহাতে অনূন-চতুর্দশ-সহস্র বালক বিদ্যাভ্যাস করে। বাণিজ্যদ্বারা তত্রত্য পুজারা সমুচিত অর্থোপার্জন করিতেছে, এবং ধর্মার্থে অনায়াসে প্রতিবর্ষে ২০,০০০ টাকা ব্যয় করিয়া থাকে।

### মোহম্মদের মতবিবরণ।

মোহম্মদের মত এই যে মনুষ্যের আত্মা নিত্য। মরণান্তর মনুষ্যমাত্রেরই আত্মা পুনঃ ২ কক্ষানুসারে শুভাশুভ ফলের ভাগী হইবেক। পাপিরা, নাস্তিকেরাও পৌত্তলিকেরা অন্তে অন্ধতমসাবৃত ও প্রজ্বলিত-হৃতাশনপূর্ণ নরককুণ্ডে নিপাতিত হইবেক। ধর্মশালীরা অনন্ত-স্বর্গসুখভোগ, ও পাপাত্মারা অবিচ্ছিন্ন-নরকযাতনা সহন করিবেক। ঐ ধর্মনিষ্ঠ ইতিকর্তব্যতা কলাপের মধ্যে প্রতিদিন ৫ বার করিয়া মসজিদে উপাসনা করাই প্রধান ও মুখ্য কর্ম। উপাসনাস্থ পরমেশ্বরোপস্থানের অর্দেক পথ অতিক্রম, উপাসনাসে তাহার প্রাসাদের দ্বার প্রাপ্তি, সহস্রটি ব্যক্তিদিগের প্রতি দয়া ও বদান্যতা প্রকাশ করাই তাহার সামীপ্য লাভরূপে কোরাণে বর্ণিত আছে; এবং দেহশুদ্ধি ও ভূয়োভূয়ঃ আরাধনা দৃঢ়রূপে আক্রান্ত হইয়াছে। প্রতি শুক্রবারে মসজিদে যাইয়া ঈশ্বরোদ্দেশে কার্য করা বিধিবোধিত হইয়াছে। অষ্টম-ধর্মের জন্মভূমিক্রম মসজিদগরে অন্ততঃ জীবনের মধ্যে একবারও যাওয়া উচিত। লোকেরা নূন সংখ্যায় চারি বিবাহ করিতে পারিবেক। কোরাণে জ্ঞানকৃত বধ, লাম্পাট্য, পরাপবাদ, মিথ্যা-সাক্ষ্যদান, অসত্য-প্রমাণ, করাই নিরতিশয় পাপমধ্যে পরিগণিত হইয়াছে। কুসীদ গৃহণ, দ্যুত-

ক্রীড়া, মদ্যপান, ও শূকর-মাংস-ভোজনও অতি নিষিদ্ধ কর্ম। মোহম্মদ নিজে সপ্তদশ নারীর পাণিগৃহণ করিয়াছিলেন। তাহারা সকলেই বিধবা, কেবল একমাত্র আবুবেকরের কন্যা আয়েশাই পুনর্ভূ ছিল না।

মোহম্মদীয়েরা বিশ্বাস করে যে পৃথিবীর শেষ দিবসে পরমেশ্বর এক মহানভা করিয়া সমস্ত মনুষ্যকে সমাধিহইতে পুনরুত্থাপন এবং সকলের দোষ গুণ বিচার পূর্বক যথাবিহিত পুরস্কার ও দণ্ড প্রদান করিবেন। ঐ দিবসের নাম “চরমবিচারের দিন”। তাহাদের দৃঢ় বিশ্বাস আছে যে শব সমাধিত হইলে, সে পরমেশ্বর একমাত্র অদ্বিতীয়, ও মোহম্মদকে তৎপ্রেমিত দূত, বলিয়া মানিত কি না তাহা পরীক্ষা করিবার নিমিত্ত স্বর্গীয় আত্মা তাহার সমীপে দুই দেবদূত প্রেরণ করিয়া থাকেন। তাহারা গিয়া জিজ্ঞাসিলে যদি সে স্বীকার করে, তবে স্বর্গীয় সুখ স্বচ্ছন্দ সন্তোগ করিতে সমর্থ হয়, নচেৎ অন্তিমবিচারদিবস অবধি আপনার চরম বিচার পর্যন্ত তাহাকে মহানরকযাতনা সহ্য করিতে হয়। মুসলমানেরা কহে, মরণকালে মরণদূত (যম) আসিয়া মুমূর্ষুর দেহহইতে আত্মা পৃথক করিয়া লইয়া যায়। কিন্তু ভবিষ্যৎজন্মগণের আত্মা সন্দেহে স্বর্গে সংস্থাপিত হইয়া থাকে। তদ্ব্যতীত আত্মসমূহ ব্যক্তিদিগের কর্মানুসারে যাতনার তারতম্য সংরক্ষিত হয়।

কোন দিবস সমাধিহইতে জীবাত্মার উত্থান হইবে তাহার প্রচার নাই। মোহম্মদ শিষ্যদিগকে জানাইয়াছেন যে আমি পুনরুত্থান-বিষয়ে দেবদূত জিবরেলের সন্নিধানে প্রশ্ন করিলে পর তিনি ঐ বিষয় “জানি না” বলিয়া উত্তর দিয়াছেন। মুসলমানেরা বলে ঐ চরমবিচারের প্রাক্কালে

পশ্চিমদিকে সূর্যোদয়, ধূমাচ্ছন্ন পৃথিবী, মনুষ্য বাক্য ভাষি পশু-পক্ষী প্রভৃতি অনেক ২ অশুভ ভয়ানক চিহ্ন দৃষ্ট হইবেক; কিন্তু মোহম্মদের নিজের কথা এই, “পুনরুত্থান দিবসে এই দৃশ্যমান সমস্ত পৃথিবী পরমেশ্বরের এক মুষ্টিমূর্ত্তিকা ও স্বর্গ বর্ত্তুলাকারে তাহার দক্ষিণকরস্থিত হইবেক। তদানীং দেবদুন্দুভিধনি হইবেক, ভুলোক ও স্বলোকস্থ সমস্ত ব্যক্তি এককালে ধ্বংস হইয়া যাইবেক। অনন্তর দুন্দুভি পুনর্ধ্বাত হইলে সকলেই গাত্রোত্থান করিয়া স্বর্গ-দর্শন করিবেন। কোরাণে বলে “পরমেশ্বর আপনিই তাহাদের বিচার করিবেন; এবং যে শরীরের যে আত্মা সে তদনুসরণ পুরস্কার তাহাহইতে প্রাপ্ত হইবেক। নাস্তিকেরা একেবারে নরকগামী হইবেক। আস্তিকেরা স্বর্গ সুখভোগ করিবেন”।

কোরাণে অনেক প্রকার নরক বর্ণিত হইয়াছে। শিষ্য ভয় পূর্দর্শনার্থ মোহম্মদও পাপ-ভেদে নরকভেদ সংস্থাপন করিয়া গিয়াছেন। সকলের মধ্যে নূনশাস্তি পাদুকাবিহীনপাদ অগ্নিতে সংস্থাপন করা বিহিত। দধ-তৈল-পূর্ণ-কটাছে পুষ্কিণ্ড হইয়া তর্জিত হওয়া নাস্তিকদের দণ্ড। আগে নাস্তিক থাকিয়া পশ্চাৎ মোহম্মদীয়ধর্মাবলম্বন করিলে পর তাহাকে আগে প্রায়শ্চিত্তস্বরূপ নরক যাতনা ভোগ করিতে হয়, অনন্তর তাহাহইতে মুক্ত হইয়া স্বর্গে অধিষ্ঠাপিত হইয়া থাকে। উক্ত স্বর্গ ও নরক নামক সুখদুঃখালয়ের মধ্যস্থানে আরাক নামক এক লোক বিশেষ আছে। তাহাদের পাপ পুণ্য সমানাংশ তাহারা ঐ লোকে গিয়া অবস্থিত করিবেন। নরকের উপরি ভাগ দিয়া ‘পুলসেরত’ নামক এক সেতু আছে, তাহা কেশবৎ সূক্ষ্ম, ও ক্ষুরধারাপেক্ষাও অধিক

তীক্ষ্ণ। সকল মনুষ্যকে তাহা দিয়া গমন করিতে হইবে। যাহারা ধার্মিক ও সৎ তাহারা অবলীলাক্রমে চকিতের ন্যায় পার হইয়া যান; এবং যাহারা পাপিষ্ঠ ও অসৎ তাহারা যাইবার উদ্যম করিবামাত্র ঐ সেতুর নিম্নস্থ অতলম্পর্শ মহাযোর নরকে পতিত হয়।

মোহম্মদ স্বর্গ সপ্ততল বলিয়া ব্যবস্থাপিত করেন। তাহার উপরিস্থ সপ্তম তল নিরতিশয় সুখধান; তাহা মোহম্মদের আবাস স্থান। ইহার দ্বারে মোহম্মদবাণী-নামক এক জলের উৎস আছে। মোহম্মদীয়েরা বলে ‘যে ঐ বাণীর এক চমস জল পান করিলে জন্মের মত এককালে পিপাসা নিবৃত্ত হইয়া যায়’। স্বর্গীয় ভূমি কেবল কস্তুরী কুকুমময়। মুক্তা ও যাকুৎ মণি তথাকার প্রস্তরস্থানীয়। প্রাসাদের ভিত্তি সুবর্ণ তত্রত্য ও রজত বিনির্মিত। বৃক্ষসকলের স্কন্ধদেশ স্বর্ণময়। তন্মধ্যে প্রধান বৃক্ষের নাম “তুবা” অর্থাৎ সুখতরু। বোধ হয় অসম্ভাব্য শাক্তোক্ত কম্পতরু এই সুখতরুর আদর্শ স্বরূপ, তদ্বর্ণনা শুবনানন্তরই তাহার কম্পনা হইয়া থাকিবেন। ঐ তরু মোহম্মদের প্রাসাদ স্থিত। দাড়িম্ব খজুর, আঙ্গুর প্রভৃতি উত্তমোত্তম ফলভরে ঐ বৃক্ষের শাখা-সকল অবনত হইয়া মোহম্মদীয় ধর্মাবলম্বীদিগের প্রত্যেক ব্যক্তিরই বাসস্থল শোভিত করিয়া বিস্তৃত আছে। ঐ বৃক্ষের মূলাবধি অনন্তকোশ পর্যন্ত দুগ্ধ, মদ্য, মধুপ্রভৃতি সুপেয় দ্রব্যের হ্রদ-সকল প্রস্তুত হইয়া রহিয়াছে; ইহার স্রোতে মোহম্মদের বাণী পরিপূরিত হয়। নরকত হীরকাদি মণিদ্বারা ঐ হ্রদের সোপান-সকল নির্মিত হইয়াছে। যে সমস্ত স্বর্গীয় শোভা বর্ণনা করিলাম সে সমস্তই অপুত্রাদিগের শোভাহইতে অধরীকৃত। মোহম্মদের ধর্মবিশ্বাসীরা সেই সকল


অপুত্রোপগণের সহিত সুখ সন্তোগ করিয়া থাকে। মোহম্মদ স্বীয় ধর্ম অবলম্বন করাইবার জন্য শিষ্যদিগকে এই প্ররোচনা দিয়াছেন, যে এই ধর্ম বিশ্বাস করিলে অন্তে স্বর্গে গিয়া দুগ্ধ-ফেণন্যকৃত অপূর্ব শয্যায় শয়ন ও নানা জাতীয় অলৌকিক স্বাদুসম্পন্ন ফল ভোগ এবং অপুত্রোপগণের সহিত বিষয় সুখ সন্তোগ করিতে সমর্থ হইবে। কোরাণে বলে “অতি নিকৃষ্ট গুণ সম্পন্ন ধর্ম বিশ্বাসীও ৭২ জন স্বর্গের অপুত্রোপগণ নিমিত্ত প্রাপ্ত হয়। তদ্ব্যতীত তাহাদের মর্ত্যলৌকীয় বিবাহিতা স্ত্রীরা তথার উপস্থিত থাকে। সে বাসার্থ এক মণিময় আবাস ও ভক্ষণার্থে লোকাভীত সুস্বাদু ভোজ্য দ্রব্য প্রাপ্ত হইবেক। তাহার অবস্থার গতিকানুসারে তাহার পরিচ্ছদ ও গৃহালঙ্কার দ্রব্যজাত প্রস্তুত হইয়া থাকে। অপর সে ব্যক্তি এ সকল বিষয় রসের আশ্বাদন জন্য অপরিমিত ক্ষমতাশীল—অনন্তকালস্থায়িনী—যৌবন-দশা প্রাপ্ত হয়। তথায় প্রতি বিষয় কামনা করিবামাত্র তাহা তৎক্ষণাৎ পূর্ণ হইয়া থাকে।

মোহম্মদীয় স্বর্গ তাহার স্বকপোল কম্পিত নহে। ইহার অধিকাংশ যিহুদী, পারসি, ও হিন্দুদিগের এবং কিয়দংশ খ্রীষ্টীয়ানদের মত হইতে তৎকর্তৃক উদ্ভূত হইয়াছে। রা. না. বি.

সিয়াগোষ।

১৩ তীয়পর্বের ২০৭ পৃষ্ঠে আমরা বি-  
ডি ডালাদিপশু-শেণীর সাধারণ-লক্ষ-  
ণের বর্ণন করিয়াছি; তদালোচনা-  
দ্বারা পাঠকবর্গ অনায়াসে এই পশু-শেণীকে  
অন্য-পশুশেণীহইতে পৃথক করিতে সক্ষম হইবেন।  
উক্ত শেণীর প্রধান পশু সিংহ; তাহা দেশ





সিয়াগোষ।

ও বর্ণভেদে দুই দলে বিভক্ত আছে; ভারত-বর্ষীয় এবং অফরিকা-দেশজ। ভারতবর্ষীয় সিংহ পাতবর্ণ, ও অফরিকাদেশজ সিংহ কটাবর্ণ। উল্লিখিত-শৈলীস্থ দ্বিতীয় জাতির নাম “পুমা” অথবা “মার্কিন সিংহ”; ঐ জাতীয় পশুর অবয়ব সিংহের তুল্য, কিন্তু তাহার কেশরা হয় না। তদীয় তৃতীয় জাতির নাম ব্যাঘ্র,; চতুর্থের নাম চিতা; তদনন্তর পঞ্চমাবধি বিংশতিতম-পর্যন্ত জাতিতে মানাবিধ চিতাব্যাঘ্র নির্ণীত আছে। একবিংশতিতম অবধি কএক জাতিতে বিড়াল বনবিড়ালাদি কএক পশু নির্ণীত হয়; এবং তৎপশ্চাৎ “সিয়াগোষ” অর্থাৎ “কৃষ্ণকর্ণা” ঐ পশুমাত্রের কর্ণাগ্রে কৃষ্ণকেশের এক ২ গুচ্ছ হইয়া থাকে।

ঐ পশু দেহদৈর্ঘ্য, পুচ্ছাবয়ব কর্ণ গুচ্ছ, ও বর্ণাদিভেদে পাঁচ সাত দলে বিভক্ত আছে। উপরে মুদ্রিত-চিত্রে এতদেশপ্রসিদ্ধ সিয়াগোষের অবয়ব অঙ্কিত হইল। ঐ পশুর অবয়ব বৃহৎ-কুর্কীরাবয়বের তুল্য; ইহার দৈর্ঘ্য-পরিমাণ নাসাগুহইতে পুচ্ছমূলপর্যন্ত ১৬০ হস্ত; উচ্চতা ১ হস্ত। দেশ ও ঋতু-ভেদে ইহার বর্ণগত অনেক ভেদ হইয়া থাকে, অত্যন্ত-শীত-প্রধান-দেশে ইহাদের বর্ণ প্রায়ঃ শুকু, এবং দেহে এক প্রকার চিত্র সুস্পষ্ট বোধ হয়; কিন্তু গুয়ান্নদেশে ঐ বর্ণের গাঢ়তা জন্মিয়া শ্গালবৎ বা ততোধিক মলিন হইয়া যায়, এবং চিত্র-সকল অস্পষ্ট হয়; কেবল গলদেশ এবং বক্ষদেশে শুকু থাকে। ইহার

পুচ্ছ কটাবর্ণ এবং তাহার স্থানে ২ অঙ্গুরীয়কবৎ কৃষ্ণ রেখা দৃষ্ট হয়।

পূর্বকালে ঐ পশুবিষয়ে অনেক অলীক গল্প প্রচরিত ছিল। বিলাতীয় মনুষ্যদিগের বোধ ছিল যে সিয়াগোষ এমত সূক্ষ্মদর্শী যে সে পুস্তুরাদির ব্যবধান থাকিলেও তাহার অপর পারের বস্তু দেখিতে পায়। কেহ ২ কহিত যে ইহার মূত্রে মণিমুক্তাদি জন্মে। এতদেশীয় মনুষ্যেরা, বিশেষতঃ মুল্লমানেরা, কহে যে সিয়াগোষ হস্তীর মস্তিস্ক ভিন্ন অন্য কোন বস্তু ভক্ষণ করে না; এবং তৎপ্রাপ্ত্যর্থ হস্তীর মস্তকোপরি আরোহণ করত প্রথমতঃ তাহার নয়ন বিদীর্ণ করে, ও তদনন্তর মস্তক ভগ্ন করিয়া তদন্তর্গত মেরু ভক্ষণ করে। অধুনা বঙ্গদেশে জ্ঞানালোক এ প্রকার বিভাসিত হইয়াছে যে ঐ সকল বাক্য যে কেবল মাহাত্ম্যসূচক তাহা বর্ণন-করিবার আর প্রয়োজন নাই; পাঠকমহাশয়েরা ঐ বাক্য শ্রবণমাত্রই তাহা অনায়াসেই অনুভব করিতে পারেন।

বিড়াল-শৈলীস্থ পশুমাত্রেরই নয়ন অতি উজ্জ্বল। ঐ প্রযুক্ত একটা সামান্য প্রবাদ আছে যে, “রাত্রে বিড়ালের চক্ষু জলে।” সিয়াগোষের নয়ন বিড়ালদির নয়ন অপেক্ষাও বিশেষ উজ্জ্বল, বোধ হয়, অন্য কোন পশুর নয়ন এতাদৃশ উজ্জ্বল নহে, সুতরাং তদ্বর্ণনে যে অলীক গল্পের প্রচার হইবে ইহা কোন মতে আশ্চর্য্য নহে।

সিয়াগোষের স্বভাব বিড়ালবৎ দেখিতে মৃদু, কিন্তু ইহা উত্তমরূপে মনুষ্যের বশীভূত হয় না; কিঞ্চিৎ হিংস্রত্ব সর্বদাই তদাচরণে বর্তমান থাকে। বিড়ালদি পশু প্রায়ঃ সকলেই পূর্ণসাহসী, কেহই ভীত নহে; এবং সিয়াগোষ সাহসিকতায় কা-

হার কনিষ্ঠ নহে। ঐ পশু সিংহকে দেখিয়াও ভীত হয় না; অনায়াসে অকতোভয়ে তাহার নিকটে শিকারদ্বারা খাদ্যদ্রব্য আহরণ করে। বোধ হয় অকেশে বৃক্ষারোহণদ্বারা সিংহহইতে ত্রাণ পাইতে পারে বলিয়াই ঐ সাহস হইয়া থাকিবেক; কারণ বৃক্ষচর-চিতাকে সম্মুখে দেখিলে সিয়াগোষ তাদৃশ সাহসিকতা প্রকাশ করে না।

সিয়াগোষ শিকার করিয়া খাদ্যের-সঙ্গ্রহ করে, এবং তদর্থ্যে ব্যাঘ্রবিড়ালাদিবৎ রজনীযোগে বন-ভ্রমণ করিয়া থাকে। নকুল, বেঙ্গি, কাঠবিড়াল প্রভৃতি ক্ষুদ্র পশু ইহার প্রধান খাদ্য; তদাহরণার্থে সিয়াগোষ বৃক্ষে ২ ভ্রমণ করিতে অত্যন্ত পটু। ছাগ, মেঘ, হরিণ, শশকাদিও পুস্তাবিত পশুর অখাদ্য নহে, এবং হংস কুকুটাদি পক্ষীও তাহার সুখাদ্যমধ্যে গণ্য; কলতঃ সিয়াগোষ সুখাদ্য মাংস পাইলেই ভক্ষণ করে, কিছুই বর্জন করে না। অপর কা কথা অত্যন্ত ক্ষুধিত হইলে স্বজাতীয় পশুকেও পরিত্যাগ করে না। কথিত আছে যে মেঘমাংসার্থে ঐ পশু সুড়ঙ্গ খনন করিয়া মেঘগোষ্ঠে প্রবেশ করে; এবং বৃক্ষমূলতঃ ক্রতগামী পশুর ক্ষেত্র বৃক্ষহইতে নিপতিত হইয়া তাহার সংহার করে।

ঐ পশুরা অত্যন্ত শোণিতপিপাসু, এবং জীবহিংসা করিয়া আদৌ তাহার শোণিত পান করত পারে ক্ষুধার উদ্বেকানুসারে মাংস-ভক্ষণ করে; অত্যন্ত ক্ষুধিত না হইলে শোণিত-পানেই সন্তুষ্ট থাকে, মাংসাহারে উৎসুক হয় না। যে সকল দেশে সিংহের আধিক্য আছে তথাকার সিয়াগোষ স্বয়ং মৃগয়া না করিয়া সিংহের সাহচর্য্য করত তাহাকে খাদ্যসুপ্রাপ্য-স্থানে লইয়া যায়, এবং মৃগরাজের ভুক্তাবশেষ গৃহণ করিয়া

দিনযাপন করে; এই নিমিত্ত ইহার নাম “সিং-  
হের নেতো” প্রসিদ্ধ হইয়াছে।

সিয়াগোষের চর্ম এবং লোম অতি কোমল,  
বিশেষতঃ শীতলদেশবাসি-সিয়াগোষের লোম  
অত্যন্ত সুন্দর; ধনী ব্যক্তির তাহার পরি-  
চ্ছদ শীতকালে ব্যবহার করেন। এই কারণ  
অনেকে এই পশুর সংহারে নিযুক্ত আছে;  
এক হুডসন-উপসাগরের তটস্থিত প্রতিবর্ষে  
৮—৯ সহস্র সিয়াগোষ-স্বক্ বিক্রয়ার্থে আনীত  
হইয়া থাকে।

### গলিবরের ভ্রমণ বৃত্তান্ত।

তৃতীয়াদ্যায়।

গৃহকার কর্তৃক লিলিপট দেশীয় সামান্য-সমভ্য-  
সম্মুখকে মনোমীত পথহইতে আকর্ষণ করণ। তদন্ত  
সভার সমারোহ পুর্বক বিনোদ বর্ণন। কোন বিশেষ  
নিয়মে বন্ধ করিয়া গৃহকর্তাকে স্বাধীনতা প্রদানের বিবরণ।

সামান্য রাজা ও প্রজা সকলকেই  
আমার ভদ্রতা ও সাধুবৃত্ততা দর্শনে  
পরম পরিতুষ্ট দেখিয়া বোধ করি-  
লাম আমার অবিলম্বেই বন্ধন মোচন  
হইবেক, সন্দেহ নাই; কিন্তু এতাদৃশ অবস্থায়  
তাহাদের মনে দৃঢ় বিশ্বাস জন্মাইবার জন্য যথা-  
সম্ভব আর কএকটি প্রণালী ব্যবস্থাপন করিতেও  
ভ্রুটি করিলাম না। আদৌ তদ্দেশবাসিরা ক্রমশঃ  
দলবদ্ধ হইয়া আসিতে এবং নির্বিঘ্নে আমার  
নিকটস্থিত চলিয়া যাইতে লাগিল, কখন ২  
আমি ভূমিতে শয়ান হইলে তাহাদের পাঁচ ছয়  
জন আমার মস্তকে আরোহণ পূর্বক নৃত্যও  
করিত। পরিশেষে বালক বালিকারা ক্রীড়াহলে

আমার কেশজালে প্রবেশিয়া লুক্কায়িত হইতে  
লাগিল। তৎকালে আমি তাহাদের দেশীয় ভা-  
ষায় কথোপকথন বুঝিতে ও কহিতে এক প্র-  
কার পারক্ ছিলাম। ইতিমধ্যে এক দিবস রাজা  
আমাকে কোন দেশীয় কৌতুক দেখাইয়া সন্তুষ্ট  
করণের মানসে মহাসমারোহ করিয়াছিলেন, কিন্তু  
আমার মনে তাহার কিছুতেই পরি তুষ্টি হইল  
না। তন্মধ্যে এক প্রকার রজ্জুনৃত্যের ন্যায় কৌ-  
তুক হইয়াছিল। তাহা তাহারা ভূমিহইতে প্রায়ঃ  
সার্দ্ধ হস্ত উর্দ্ধে এক গাছে সঙ্কীর্ণ রজ্জু বিস্তার  
করিয়া সম্পন্ন করে। এ বিষয়ের বর্ণনায় গুস্তের  
কিঞ্চিৎ বাহুল্য করিতে মানস করি পাঠকবর্গ  
স্থিরচিত্তে পাঠ করিতে অবহেলা করিবেন না।

যাহারা এ রাজ সভায় বিশিষ্ট প্রকারে কৃপা-  
ভাজন হইয়া উচ্চ পদ প্রাপ্তির প্রার্থনা রাখিত  
তাহারাই এ সমস্ত ব্যাপার স্বহস্তে সম্পন্ন  
করিয়াছিল। বাল্যকালাবধি তাহারা এ বিদ্যায়  
সুশিক্ষিত হইয়া থাকিত। এ সকল ব্যক্তি প্রায়ঃ  
সদ্বংশজাত ও সদ্ভিদ্য হইত না। কোন রাজকীয়  
কার্যালয়ে কোন রাজকার্যচারির মরণ বা অপ-  
রাধ বিশেষ নিবন্ধন তৎপদ শূন্য হইলে এ  
সকল নর্তকেরা কার্যার্থীরাজসমীপে কর্ম প্রা-  
র্থনা করে; তাহাতে রাজা তাহাদের নৃত্য বিষয়ে  
পরীক্ষা লন। সর্বাপেক্ষায় যে ব্যক্তি অধিক উর্দ্ধে  
লাফাইতে পারে রাজাজায় সেই ব্যক্তি তৎপদে  
অভিষিক্ত হয়। পাছে ভুলিয়া থাকে এই আশ-  
ঙ্কায় প্রধানমাত্যেরা উক্ত বিষয়ে স্ব ২ নৈপুণ্য  
প্রদর্শন করিতে আদিষ্ট হইত, এবং তাহারা যে  
ভাবে পর্য্যন্তও তদ্বিষয় বিস্মত হয় নাই, ইহা  
রাজাকে সুবিদিত করিত। ফ্লিম্নাপ্ নামক কো-  
ষাধ্যক্ষের প্রতি এক সরল রজ্জু উল্লঙ্ঘন করিবার  
অনুমতি হয়, তদ্বিষয়ে রাজ্যের প্রত্যেক কুলিন

হইতে তাহার লক্ষ্য অন্ততঃ এক বুরুল অধিক দৃষ্ট  
হইল। আমি তাহাকে এক গাছা রজ্জুর উপরি  
দিয়া একোদ্যমে বারংবার মাতা ঘুরাইয়া পড়ি-  
তে স্বচক্ষে দেখিয়া আসিয়াছি। হয় পক্ষপাত  
হইবেক, বলিতে কি, আমার মতে প্রধান রাজ-  
কার্য্যাধ্যক্ষ আমার তত্রত্য এক জন বন্ধু রেলডে-  
সান্ এ বিষয়ে এ কোষাধ্যক্ষের নীচে হই-  
লেন। অবশিষ্ট প্রধান ২ অধ্যক্ষেরা তাহাহইতে  
উদ্বিগ্ন হইলেন।

এতাদৃশ কৌতুক করণ সময়ে কখন ২ আক-  
স্মিক বিপদও ঘটয়া থাকে। একদা আমি স্বচক্ষে  
দুই তিন জন তাদৃশ কৌতুকীকে তৎকরণ সময়ে  
হস্ত পদাদি ভাঙ্গিতে দেখিয়াছি। এতাদৃশ ব্যা-  
য়াম প্রদর্শনার্থ যখন অমাত্যবর্গের প্রতি অনু-  
মতি প্রদত্ত হয় তখন তাহাতে তাহাদের পক্ষে  
পূর্বাপেক্ষায় আরও অধিক বিপদ ঘটবার সম্ভা-  
বনা হইয়া উঠে। বিজিগীষাবৃত্তির বশীভূত হইয়া  
পরম্পর বিরোধ করত তাহারা এত দূর রজ্জু-  
লঙ্ঘন করে যে অন্ততঃ একবারমাত্র অধঃপতিত  
না হইয়া কেহই নিকৃতি পায় না, বরং ততোধিক  
হইয়াও থাকে। আমি নিশ্চয় অবগত হইয়া-  
ছিলাম আমারই উপস্থিতির দুই এক বৎসর  
পূর্বে ফ্লিম্নাপ্ নামক কোষাধ্যক্ষ এই ব্যা-  
পারে নীচে পড়িয়া গিয়াছিল, ভাগ্যে ২ রাজার  
শয়নের একটা গদি যদি ভূমিতে ফেলিয়া না  
দেওয়া যাইত, তাহা হইলে সে ভগ্নগীব হইয়া  
যাইত, সন্দেহ নাই।

তথায় আরো এক প্রকার খেলা আছে, তাহার  
কৌতুক কেবল সময় বিশেষে রাজা, রাজ্ঞী, এবং  
প্রধানমাত্যকেই দেখান যায়। তাহাতে রাজা  
মেজের উপরি নীল, হরিত, রক্ত এই তিন  
রঙের তিন গাছা সত্র রাখেন। যাহাকে ২ বি-

শেষ অনুগৃহ ভাজন করিয়া পুরস্কৃত করি-  
তে রাজা মনস্ক করেন, তাহাদিগের জন্যই  
এ সকল সূত্র প্রস্তুত করা যায়। এতাদৃশ মহতী  
ক্রিয়া রাজধানীর প্রধানালয়েই সম্পন্ন হইয়া  
থাকে। কার্যার্থীরা তথায় যাইয়া আপন ২  
গুণাগুণ বিষয়ে পরিক্ষিত হয়, তাহাতে কাহার  
কেমন ক্ষিপ্কারিতা তাহা সুব্যক্ত হইয়া উঠে।  
এ ব্যয়াম পূর্বাপেক্ষায় নিতান্ত বিভিন্ন। আমি  
ইহার একাংশগত তুল্যতা আর কোন ব্যয়ামে  
দেখি নাই। এ স্থানে রাজা স্বহস্তে এক যষ্টি  
ধারণ করিয়া থাকেন, তাহা দুই দিকে সমান  
ও সরল, কিছুমাত্র সৰু মোটা বোধ হয় না।  
পদপ্রার্থীর অগ্গুর হইয়া ক্রমে ২ কখন বা তাহা  
উল্লঙ্ঘন কখন বা তাহার নীচে দিয়া নক্কুচিত  
শরীরে ভূয়োভূয়ঃ অগ্গু পশ্চাৎ ভাগে যাতায়াত  
করে, লাটি গাচটি তুলিয়া নামাইয়া ধরিলেই  
তাহাদের উক্ত দুই প্রকার গতির অবলম্বন করিতে  
হয়। কখন ২ এ যষ্টি রাজা এক দিগে ও প্রধান  
মন্ত্রী অন্য দিকে ধারণ করেন। কখন বা তাহা  
অসাধারণরূপে মন্ত্রিহস্তেও থাকে। ইহাদের যে  
ব্যক্তি সতর্কতা পূর্বক এ কার্য সমাধা পর্য্যন্ত  
সেই যষ্টি ধারণ করিয়া থাকিতে পারে তাহার  
পুরস্কার উক্ত নীলবর্ণ সূত্র প্রদত্ত হয়। ও দ্বিতীয়কে  
রক্ত, এবং তৃতীয়কে হরিতবর্ণ সূত্র পারিতোষিক  
দেওয়া যায়। এ সকল সূত্র তাহারা কটিদেশে  
পরিধান করে। এই প্রধানসারে এ সভায় যা-  
হার কটিদেশ তাদৃশ সূত্রে সুশোভিত না ছিল  
এমৎ ব্যক্তিই অপ্ৰসিদ্ধ।

সৈন্যদের ও রাজমন্দিরার ঘোটক সকল প্রতি-  
নয়িত আমার সন্মুখে উপনীত হইবাত তাহারা  
ক্রমে ২ নিঃশঙ্ক হইয়া উঠিল। বলিতে কি আমার  
তাদৃশ পর্বতাকার দেহ সন্দর্শনে চমকিত না হইয়া

আমার পাদের নিকটে আসিতে লাগিল। যখন আমার হাত ভূমিতে পাতা থাকিত তখন প্রধান ২ অশ্বাবারেরা স্ব ২ অশ্বকে আমার সেই হাত লগুঘাইতে শিক্ষা দিত। একদা সম্মুখের এক জন শিকারী প্রকাণ্ড এক শিকারের ঘোড়া চড়িয়া পাজামা ও জুতাশুদ্ধ আমার জগ্ঘা ডিঙ্কাইয়া ছিল, ফলতঃ এ মহালক্ষ্য বলিতে হইবেক। সে যাহা হউক, আমিও এক দিন সৌভাগ্যক্রমে রাজাকে অতি অদ্ভুতরূপে সন্তুষ্ট করিয়াছিলাম। আদৌ আমি তাঁহাকে সামান্য বেতের মত মোটা দুই পাদ লম্বা কএক গাছা লাটি আনাইতে কহিলাম। তাহাতে তিনিও তদনুসারে বন্য লোকদিগকে তাহা আনিয়া উপস্থিত করিতে আদেশ করিলেন। পর দিন প্রভাতে ছয় জন বুনো লোক প্রত্যেকে আট ২ ঘোড়া যোতা এক ২ গাড়িতে সেই সকল বেত্র বোঝাই করিয়া আমার নিকটে লইয়া আইল। আমি তাহাইতে নয় গাছা যষ্টি লইলাম। এবং তৎসমুদায় আড়াই পাদ চতুরস্রাকারে সুদৃঢ়রূপে ভূমিতে প্রোথিত করিলাম। অনন্তর আর চারি গাছা লইয়া প্রোথিতপূর্ব লাটির ভূমি ছাড়া দুই পাদ উচ্চে আড়লির ন্যায় কোণে ২ সমভাবে বাঁধিয়া লম্বা পোতা এই নয় গাছা লাটিও আমার কমানের কিয়দংশ দিয়া বাঁধিলাম। পরে এই কমান তাহার উপরি সর্বত্র বিস্তারিয়া চাকের ছাদের মত আবরণ করিয়া দিলাম। আড়লি চারি গাছা যষ্টি এই কমানহইতে পাঁচ বুরুল উচ্চ হইবাতে চতুর্দিকে টিপি টিপি ন্যায় বোধ হইতে লাগিল। এই কর্ম সাজ হইলে পর আমি রাজার নিকট কহিলাম সশস্ত্র ২৪ জন উত্তম ২ অশ্বাকৃৎ সৈন্যকে তাহার ভিতর যাইয়া খেলা করিতে আদেশ করুন। তাহাতে রাজা

আমার মতে সম্মত হইলে পর আমি তাহা-দিগকে একে ২ হাতে করিয়া তুলিয়া লইলাম। তখন তাহার অশ্ব পৃষ্ঠে আকৃৎ এবং সায়ুধ ছিল। রীতিমত একত্র হইবামাত্র তাহার দুই দলে বিভক্ত হইয়া পরস্পর মিথ্যা ছড়াছড়ি করিতে ও ভেঁতা তীর ছুড়িতে এবং নিক্ষেপ অসি লইয়া কেহ পলায়ন কেহ কাহারো পশ্চা-দ্ধাবমান হইতে লাগিল। অনতিবিলম্বে তাহাদের যুদ্ধ বিষয়ে এতাদৃশ নৈপুণ্য প্রকাশ পাইল যে বুঝি তেমন আর কোথাও কখন না দেখিয়া থাকিব। গোছা ২ যষ্টি পুতিয়া মণ্ডলাকারে বৃত্তি দেওয়া গিয়াছিল বলিয়া তাহাদের স্ব ২ ঘোটক সহিত অধঃপতনহইতে নিস্তার হয়। এতাদৃশ অদ্ভুত ব্যাপার দর্শনে রাজার মনে ২ এমন আনন্দ জন্মিল, যে তিনি সেই উৎসব ক্রমাগত কিছু দিন চালাইতে আদেশ করিলেন; এবং পরম সন্তোষ পূর্বক এই আদেশের কথা নৈন্যদিগকে শুনাইবার জন্য আপনাকে বেড়ার উপরি তুলিয়া ধরিতে আমাকে কহিলেন, তথা যথা যৎকিঞ্চিৎরূপে রাজীকেও প্ররোচনা দিতে লাগিলেন; “তুমিও উহাকে দিয়া চৌকী শুদ্ধ ভোমাকে তুলিয়া ধরিতে দেও, হানি নাই; তাহা হইলে যাহা কিছু এ স্থলে হইতেছে সকলেই সর্বতোভাবে দেখিতে পাইবে”। কি আনন্দ! এতাদৃশ কুতূহলের সময়ে, যে কোন দুর্ঘটনা ঘটতেছে না সে আমার পরম সৌভাগ্য বলিয়া মানিতে হইবেক। কেবল একটি বার মাত্র এক জন কাপ্তেনের একটি সতেজ ঘোড়া অতিবেগে সেই বেড়ায় বেষ্টন করা আমার কমানে এক পদাঘাত করিয়াছিল। তাহাতে তৎক্ষণমাত্র তাহার পা তাহাতে বিদ্ধ হইবাতে অশ্বাবার সহিত ঘোটকটি উত্তানপাদ হইয়া পড়িয়া গেল।

আমি তাহাদের উভয়কেই অবিলম্বে তুলিয়া সুস্থ করিলাম। পরে সেই ছিদ্রটি এক হাত দিয়া আচ্ছাদন করিয়া সেনাদলকে অপর পথ দিয়া বাহির করিয়া দিলাম। রা. না. বি.

### প্রাকৃত-ভূগোল।

দেশভেদে উদ্ভিজ্জা-ভেদ।



গদীশ্বরীয় অতুল্য করুণার বর্ণনার্থে উদ্ভিজ্জ-বস্তুর আলোচনা বিশেষ ফলদায়িনী। এই বস্তুর প্রতি দৃষ্টিপাতমাত্র তাঁহার অনু-কল্পার কত বিস্ময়জনক প্রমাণ প্রতীত হয়! জীবের আহার-নিমিত্ত তিনি বসুকরাকে কি আশ্চর্য্য উৎপাদন-ক্ষমতা প্রদান করিয়াছেন! এই ক্ষমতা-প্ৰসাদে কত কোটিশঃ তরুলতাদি প্রত্যহ উৎপন্ন হইতেছে! যে স্থানে নয়ন-নিঃক্ষেপ করা যায় তথায়ই উদ্ভিজ্জ-পদার্থের দৃষ্টি হয়। গৃহ্ম-মণ্ডলের উত্তপ্তবায়ুহইতে হিম-মণ্ডলের চিরনীহার-পর্বত, তথা সমুদ্রের লোক পুনিক-অতলগর্শ-গর্ভ-হইতে, অতুল্য পর্বতের শিখরাগুপ্যন্ত, কোন স্থানে তরুলতাদির অভাব নাই। মেলিল-দ্বীপে, যথায় বর্ষের দশ মাস ভয়ানকশীতের প্রাদুর্ভাব থাকে এবং যত্রত্য বায়ব-উষ্ণতার বার্ষিক গড় ২ তাপাংশমাত্র, তথায়ও তৃণ, শৈবাল, মাদা, গোলালা প্রভৃতি অনেক তরু দৃষ্ট হইয়াছে; কাপ্তান পারি তথায় এক মপুষ্প রাগান-কুলস্ তরু দেখিয়াছিলেন। হঠাৎ বোধ হইতে পারে যে চিরনীহারবৃত-পর্বত-শিখরে কোন উদ্ভিজ্জ-পদার্থ নাই, কিন্তু সে ভ্রম মাত্র; সোস্মুর সাহেব সপ্রমাণ করিয়াছেন, যে চিরনীহারের উপরে এক প্রকার অতি সূক্ষ্ম শৈবাল জন্মিয়া থাকে, সামান্য নয়নে তাহা প্রত্যক্ষ হয় না, কিন্তু এই নীহার দাবিত করিলে তাহা পদ্ম-বর্ণবৎ ব্যক্ত হয়।

জ্যোতির অভাবে তরুলতাদির অভাব হয় না; খনি ও গুহার মধ্যে নানা প্রকার ছত্রাক (কৌড়ক ব্যা-দ্রের ছাতা) শ্রেণীজাত পদার্থ জন্মিয়া থাকে। দক্ষিণ অমরিকার কুমানা-প্রদেশে কারিপ-গুহার মধ্যে তদ্বার-

হইতে সহস্রাধিক হস্ত অন্তরে হম্বোল্ডট সাহেব ১১০ হস্ত উচ্চ কতকগুলি তরু দেখিয়াছিলেন, রক্ষাভাবে তা-হার পত্র-সকল শুক্লবর্ণ হইয়াছিল, এবং অবয়বেরও অন্যথা হইয়াছিল, কিন্তু তাহার উদ্ভেদিকা শক্তির বিশেষ হানি হয় নাই। জল-মধ্যে লতাদি জন্মিতে সকলেই দেখিয়াছেন, পরন্তু ইহা অতি আশ্চর্য্য যে কোন ২ এই জলজলতা ভূমিজ অতি বৃহৎ বৃক্ষাপেক্ষায়ও দীর্ঘ। আৎলাতিক মহাসমুদ্রের মধ্যভাগে এক প্রকার শৈবাল শতাবধিক ক্রোশ স্থান ব্যাপিয়া আছে; দূরহইতে তাহা জল প্লাবিত ক্ষেত্রের ন্যায় বোধ হয়। অনেক জলজলতা ১৫০ হস্ত জলের নিম্নে সুচারুরূপে জন্মিতেছে।

কেবল উষ্ণতায় বৃক্ষ জন্মিবার হানি হয় না। ভারতবর্ষে আইসলগু দ্বীপে তথা অন্যত্র অনেক উষ্ণ-প্রসুবণ (সীতাকুণ্ড) আছে, যাহার জল এমত উষ্ণ যে তাহা স্পর্শ করিলেই হস্ত দগ্ধ হইয়া যায়, এবং তা-হাতে তণ্ডুল নিঃক্ষেপ করিলে শীঘ্র অন্ত প্রস্ফুট হয়; অথচ তন্মধ্যে নানাবিধ লতা জন্মিতেছে। গন্ধকের গন্ধেও তরুর বিশেষ হানি হয় না। অনেক আশ্চর্য-পর্বতের গন্ধকপূর্ণগর্ভে কএক প্রকার তরু অনায়াসে জন্মিয়া থাকে। ফলতঃ প্রয়োজনানুরূপ জল পাইলে উদ্ভিজ্জ বস্তু সকল স্থানে জন্মিতে পারে; কেবল জলাভাবেই তাহার উৎপত্তির হানি হয়। সাহারা এবং গোবি মরুভূমিতে জলের অভাবতাব; তথায় বৃষ্টি, মেঘ, হিম, শিশির কিছুমাত্র দৃষ্ট হয় না; ক্রমাগত মারাত্মক উষ্ণ শুষ্ক বায়ু বহিতেছে, এবং তদ্বারা তত্রত্য অধিকগণবৎ বালুকা-সকল সঞ্চালিত হইয়া নকলেরই প্ৰাণ সংহরণ করিতেছে; জীব বা তরু কিছুই তথায় তিস্থিতে পারে না, সুতরাং তথায় উদ্ভিদ-পদার্থমাত্র নাই। অত্যন্ত লবণবিশিষ্ট দেশেও তরু জন্মে না। পরন্তু নির্বারি বালুকাপূর্ণ মরুভূমি ও লবণময়-দেশ ব্যতীত, বোধ হয়, সর্বত্রই উদ্ভিজ্জ-বস্তুর অবস্থিতি আছে।

পরন্তু সকল দেশে এক প্রকার তরুলতাদি জন্মে না। দেশীয়-প্রাকৃত-ধর্ম-প্রসঙ্গে উক্ত হইয়াছে, যে উৎপত্তি-বিষয়ে প্রত্যেক দেশের আবার্ত্তরিক ভেদ আছে; কোন দেশে বান্য, কোথাও গোম্বুম, কোথাও কানাবা-ফল, কোথাও রোটিকা-ফল, কোথাও দ্রাক্ষা, কোথাও খজুর, কোথাও কাওয়া, ইত্যাদি দেশভেদে বিবিধ বস্তু উৎপন্ন হয়। পরন্তু কোন এক দেশের দ্রব্য অন্যত্র স্বয়ং উৎপন্ন

হইতে দেখা যায় না। বঙ্গদেশে ধান্যই জীবনাদার, অথচ হিমপ্রধান উত্তরদেশে তাহার নামমাত্রও প্রচার নাই; স্থিরসমুদ্র-দ্বীপেও ধান্য প্রাপ্য নহে। সমগ্রভূমিতে দুষ্কাল-ফল প্রচুররূপে জন্মে, কিন্তু গ্রীষ্মমণ্ডলে তাহা কুত্রাপি দৃষ্টিগোচর হয় না। ফলতঃ যে সকল কারণে দেশের প্রাকৃত-ধর্মের ভেদ হয়, তাহাতে তত্রত্য বৃক্ষ-লতাদিরও সম্যগ্ ভেদ হইয়া থাকে।

প্রাকৃত-ধর্মভেদের প্রধান কারণ উষ্ণতা; সুতরাং উষ্ণতা উদ্ভিজ্জ-ভেদেরও প্রধান কারণ হইয়াছে। পূর্বে বর্ণিত হইয়াছে, যে ৭ উত্তরাক্ষাংশের উভয়পার্শ্বে যে প্রকার উষ্ণতার লাঘব হয়, সমুদ্র-জলসীমাহইতে উর্দ্ধেও উষ্ণতার সেই প্রকার লাঘব হইয়া থাকে, এবং ঐ প্রযুক্ত গ্রীষ্মমণ্ডলস্থ উচ্চপর্বতে সর্ব-মণ্ডলীয় শ্বতুর সম্ভোগ করা যাইতে পারে। ঐ উষ্ণতাভেদের আলোচনায় অনায়াসে অনুভূত হইতে পারে, তদ্বারা ফলপুষ্পাদিরও তত্রপ ভেদ হইবেক, ফলতঃ তাহাই বটে।

গ্রীষ্ম-মণ্ডলস্থ আণ্ডিস-পর্বতের মূলে কদলী এবং তাল-বৃক্ষের প্রদূর্ভাব; তদুর্দ্ধভাগে ওক, ফর, পাইন, প্রভৃতি ইউরোপ-খণ্ডের উত্তরভাগস্থ বৃক্ষ জন্মিয়া থাকে। নিরক্ষ-বৃত্তের নিকটে পর্বতের ৪ সহস্র হস্ত নিম্নে ওক-বৃক্ষ দৃষ্ট হয় না; তাহার জন্মবার স্থানের উর্দ্ধসীমা ৬৫০০ হস্তস্থ। তদুর্দ্ধে নানাবিধি দেবদারু (পাইন) শ্রেণী বৃক্ষের ও তৃণের প্রাদূর্ভাব; তদনন্তর ১০,০০০ হস্তোর্দ্ধ স্থানে কেবল শৈবাল মাত্র দৃষ্ট হয়; অন্য কোন উদ্ভিজ্জ বস্ত্র জন্মে না।

পর্বতভাগে এই ভিন্ন ২ তরুলতাদি শ্রেণীরূপে স্থাপিত থাকে; কেনেরি-দ্বীপের ভেনেরিফ-পর্বতে এই প্রকারে পৃথক ২ পঞ্চ শ্রেণী দৃষ্ট হয়; তাহার প্রথম শ্রেণিতে অঙ্গুর ফল। তদুর্দ্ধে দ্বিতীয়শ্রেণিতে দারুচীনি-জাতীয় বৃক্ষ; তদুর্দ্ধে তৃতীয়শ্রেণিতে দেবদারু-জাতীয় বৃক্ষ, তদুর্দ্ধে চতুর্থশ্রেণিতে রেতামা-নামক এক প্রকার ক্ষুদ্র তরু; তদুর্দ্ধে পঞ্চমশ্রেণিতে তৃণ। ভেনেরিফ পর্বত ৭৫০০ হস্ত উচ্চ; সুতরাং ইহাতে তৃণ অবধিই শেষ; ইহার উর্দ্ধতা অধিক হইলে তৃণের উপর লাইকেন-নামা শৈবাল দৃষ্ট হইত, এবং তদুর্দ্ধে চিরনীহারস্থ শৈবাল।

অয়নান্তবৃত্তদ্বয়-মধ্যস্থ-স্থানে উষ্ণতার বার্ষিক গড় অনুসারে বৃক্ষাদির ভেদ হয়; যে সকল স্থানের উষ্ণতার বার্ষিক গড় তুল্য, সে সকল স্থানের বৃক্ষলতাদিও

তুল্য; যথায় উষ্ণতার বার্ষিক-গড়ের অন্যথা আছে, তথায় বৃক্ষাদিরও ভেদ হয়। কিন্তু সমগ্রভূমিতে এই নিয়মের ব্যতিক্রম দৃষ্ট হইয়া থাকে। তথায় বার্ষিক উষ্ণতার পরিবর্তে গ্রীষ্মকালিক উষ্ণতানুসারে বৃক্ষাদির ভেদ হয়। লাপলণ্ড-প্রদেশে এনটেকিন-স্থানের উষ্ণতার বার্ষিক গড় ২৭ তাপাংশ, এবং তন্নিকটস্থ মাজিরো-দ্বীপের উষ্ণতার বার্ষিক গড় ৩২ তাপাংশ, অথচ এনটেকিন-দ্বীপে সুদীর্ঘ-বৃক্ষের বন আছে; এবং মাজিরো দ্বীপে পত্রপুষ্পবিহীন অতিক্রম আগাছা ভিন্ন কিছুই দৃষ্ট হয় না। তাহার কারণ এই যে গ্রীষ্মকালে এনটেকিন-প্রদেশে যে প্রকার উত্তাপ হইয়া থাকে, মাজিরো-দ্বীপে তত্রপ উত্তাপ হয় না; এনটেকিন-প্রদেশে গ্রীষ্মকালিক উষ্ণতার গড় ৫৯।০ তাপাংশ, এবং মাজিরো-দ্বীপের গ্রীষ্মকালিক উষ্ণতার গড় ৪৬।০ তাপাংশ। হিম-মণ্ডলের অত্যন্ত শীতল-স্থানে তরুলতাদির বিরল প্রচার; পরন্তু তথায় গ্রীষ্মকালে যত শীঘ্র উদ্ভিদ পদার্থ জন্মে অন্যত্র তত্রপ শীঘ্র জন্মে না। তথাকার উদ্ভিজ্জ-বস্ত্র প্রাধান্যতঃ পর্বতের দক্ষিণপার্শ্বেই জন্মিয়া থাকে; তত্রত্য বৃক্ষাদি অতি ক্ষুদ্রাবয়ব। তত্রত্য উদ্ভিজ্জের মধ্যে কএকপ্রকার শৈবাল, ও আগাছা, কত্রকপ্রকার লতা, এবং ক্ষুদ্র তরুই প্রধান; অন্য কিছুই জন্মে না; কেবল লাপলণ্ড-দেশে তাহার কিঞ্চিৎ অন্যথা আছে; তথায় রাই নামক শস্য এবং কএকপ্রকার সিম ধর্মিক শস্যও \* উৎপন্ন হইয়া থাকে।

সমগ্রভূমির অত্যন্তশীতলভাগে দেবদারুশ্রেণীস্থ বৃক্ষেরই বাহুল্য; তদনন্তর ওক, এলম ও বীচ, বৃক্ষ; তদনন্তর সৈদার, কাউ এবং কার্ক বৃক্ষ; শেষোক্ত স্থানে নাগীরঙ্গ প্রভৃতি উত্তম নিম্ন এবং ডুম্বরের ও প্রদূর্ভাব আছে। ৩০ অবধি ৫০ অক্ষাংশপর্যন্ত-স্থান দুষ্কাল জন্মভূমি; এবং গোধূম তথাকার প্রধান খাদ্য; পরন্তু গোধূম উত্তর-দক্ষিণে ৬০ অক্ষাংশপর্যন্ত বিস্তৃত আছে।

উদ্ভিজ্জ-বস্ত্রের প্রধান আকর গ্রীষ্মমণ্ডল; তথায় ধান্য, ইক্ষু, আম, কাওয়া, নারিকেল, খজুর, দারুচীনি, জয়ত্রি, মরিচ, কপূর প্রভৃতি বিবিধ উপাদেয় দ্রব্য উৎপন্ন হইয়া মনুষ্যের মুখ সৎবর্জন করিতেছে। তথায় কোন বৃক্ষ সুপেয়

\* যে সকল বৃক্ষের ফল সিমের ন্যায় অবয়ব তাহাকে “সিম-ধর্মিক” শব্দে কহি। মটরশুটি, সিম, অরহর দাল, গিলা প্রভৃতি অনেক বৃক্ষ এই শ্রেণিতে নির্ণীত আছে।

বারি-পুদান-পূর্ষক পিপাসুর তৃষ্ণা-নিবারণ করিতেছে; কোন বৃক্ষ পুষ্টিজনক-শস্য-পুদান-পুরঃসর ক্ষুধার শান্তি করিতেছে; কোন বৃক্ষ মধুর-ফলদ্বারা রসনা সন্তুষ্ট করিতেছে; কোন তরু কমলীয় পুষ্পদ্বারা নয়নেন্দ্রিয়ের—কেহ বা সুগন্ধদ্বারা যুগেন্দ্রিয়ের—স্বার্থ লাভন করিতেছে। অফরিকা-প্রদেশে কদলী-বৃক্ষানুরূপ একপ্রকার বৃক্ষ আছে, তাহার কাণ্ড ছিদ্রিত করিলে অনায়াসে এক-ঘণ্টাপরিমিত মুস্বাদু জল প্রাপ্ত হওয়া যায়। দক্ষিণ-আমরিকায় অপর একপ্রকার বৃক্ষ আছে, তাহা দেখিতে বটবৃক্ষের; তাহার পত্রসকল চর্ম্মের ন্যায় স্থূল; প্রস্তরোপরি তাহার জন্ম, এবং তাহার নিকটে অন্য কোন বৃক্ষ দৃষ্টিগোচর হয় না। গ্রীষ্মকালে ক্রমাগত বহুমানের অনাবৃষ্টিতে তাহার শাখা-সকল শুষ্ক-কাঠ-প্রায়ঃ বোধ হয়, অথচ তাহার কাণ্ডে ছিদ্র করিলে তদ্বারা প্রচুরপরিমাণে একপ্রকার দুগ্ধ নির্গত হয়; তাহা পুষ্টিজনক ও মুস্বাদু, এবং দেখিতে বটবৃক্ষের তুল্য। উক্ত স্থানের কাফরীরা এই বৃক্ষকে “গাভী-বৃক্ষ” কহে, এবং অনেকে প্রত্যহ প্রাতে পাত্র লইয়া এই দুগ্ধাহরণার্থে যাত্রা করিয়া থাকে। এই মণ্ডলে সম ও হিম মণ্ডলের বৃক্ষ লতাদিও দুষ্কাল্য নহে; তত্রত্য উচ্চপর্বতে তত্রাবৎ অনায়াসে প্রাপ্ত হওয়া যায়। সর্ব-পেক্ষায় দীর্ঘ—সর্বাপেক্ষায় স্থূল—সর্বাপেক্ষায় সুন্দর—সর্বোৎকৃষ্ট গুণবিশিষ্ট—উদ্ভিজ্জ বস্ত্র যাদৃশ প্রাচুর্য্যে এই মণ্ডলে জন্মিয়া থাকে, তাদৃশ আর কুত্রাপি দৃষ্টিগোচর হয় না।

উদ্ভিজ্জ-বিদ্যা-বিশারদ মহাশয়েরা অনুমান করেন, পৃথিবীতে দুই লক্ষ জাতীয় বৃক্ষ আছে; তন্মধ্যে তাঁহারা প্রায়ঃ এক লক্ষ জাতীয় বৃক্ষের বর্ণন করিয়াছেন। ঐ লক্ষ তরু ৮২৩৫ শ্রেণিতে বিভক্ত, এবং তাহার প্রায়ঃ অর্দ্ধাংশ গ্রীষ্মমণ্ডলে স্থিত।

পুনঃ ২ উক্ত হইয়াছে, যে দেশভেদে বৃক্ষাদির ভেদ হয়; কিন্তু ইহা স্মরণ রাখা কর্তব্য যে ঐ দেশ-শব্দে ব্যবহারসিদ্ধ-দেশের উল্লেখ হয় নাই; প্রাকৃত-ধর্ম-ভেদে যে সকল স্থানের পার্থক্য আছে, তাহাই আমা-দিগের উদ্দেশ্য। শোসুর-নামা এক জন প্রসিদ্ধ উদ্ভিদ-বিদ এই বিষয়ে ভূমনিরাকরণার্থে সমস্ত-পৃথিবীকে ২৫ উদ্ভিজ্জ-প্রদেশে বিভাগ করেন। ঐ প্রত্যেক প্রদেশের বিশেষ বিশেষ লক্ষণ আছে; দৃষ্টিমাত্রেই তাহা প্রত্যক্ষ হয়। যে

ব্যক্তি অনেক বন ভ্রমণ করিয়াছে সে কোন এক বিশেষ বন দেখিবামাত্র কহিতে পারে; “এই বনের লক্ষণ অমুক-দেশের বনের তুল্য”। ঐ লক্ষণ কোন এক বিশেষ বৃক্ষের বাহুল্যেই ঘটয়া থাকে। ভারতবর্ষের সমুদ্র-নিকটে নারিকেল তাল ও খজুরের আধিক্য; মধ্য-দেশে আমের বাহুল্য। মেয়েন-নামা এক সাহেব দেশীয়-উদ্ভিজ্জলক্ষণ বিংশতিপ্রকারে বিভক্ত করিয়া-ছেন। তাহার বর্ণনানুসারে কোন দেশ তৃণবহুল, অর্থাৎ তথায় ধান্যাদি তৃণ বা বংশের আধিক্য আছে। কোন দেশ কদলী-বহুল; অর্থাৎ তথায় কদলী আদা হরিদা আরোরট প্রভৃতি বৃক্ষের আধিক্য আছে। কোন দেশ কেয়া-বহুল। কোন দেশ আনারস-বহুল। কোন দেশ ঘৃতকুমারি-বহুল। কোন দেশ, তাল-বহুল। কোন দেশ মাদা-বহুল। কোন দেশ বাবলা-বহুল। ইত্যাদি।

পুষ্পলতাবৃক্ষাদি-বিষয়ে দেশ-ভেদে যে রূপ ভেদ হইয়া থাকে, খাদ্য-দ্রব্য-বিষয়েও তদনুরূপ ভেদ আছে। সুমেরু-মণ্ডলীয় স্থানের মনুষ্যবর্গের প্রধান খাদ্য-দ্রব্য রাই-নামক শস্য; তথায় ধান্যাদি কিছুই জন্মে না। তৎপার্শ্বে গোধূম; ফ্রান্স-দেশের দক্ষিণপার্শ্বস্থ সর্বত্র তাহাই মনুষ্যের জীব-নাবলম্বন। উক্ত স্থানের দক্ষিণে গোধূমের অপ্রাপ্তি হয় না, পরন্তু ফ্রান্স-দেশের দক্ষিণভাগস্থইতে অয়নান্তবৃত্ত-পর্যন্ত-স্থানে গোধূম মনুষ্যের একমাত্র খাদ্য নহে; যব, ভুট্টা, যই (ওট) এবং ধান্যও তথায় নৃবর্গের খাদ্য মধ্যে প্রধানরূপে গণ্য। ঐ সীমার দক্ষিণে দক্ষিণায়নান্ত-বৃত্ত-পর্যন্ত সমস্ত স্থান ধান্যের আলয়; তথায় অন্যান্যপ্রকার শস্য হইয়া থাকে; পরন্তু ধান্যই তথাকার প্রধান খাদ্য; সকলেই তদবলম্বনে দেহধারণ করে। ইক্ষু, কাওয়া, নারিকেল, খজুর আমাদি দ্রব্যও এই মণ্ডলের পদার্থ; এতদ্ভিন্ন অন্যত্র তাহা উত্তমরূপে জন্মে না। এলা, লবঙ্গ, দারুচীনি, জয়ফল, মরিচ, কপূরাদি সুগন্ধ-দ্রব্য ও মশালাসকল আসিয়া-খণ্ডের দক্ষিণ-ভাগে নিরক্ষ-বৃত্তের নিকটে বিশেষতঃ ভারত-সমুদ্রের উত্তরাক্ষলস্থ-দ্বীপবৃহৎ জন্মিয়া থাকে; তদন্যত্র কুত্রাপি উৎপন্ন হয় না। দক্ষিণামরিকায় এবং তন্নিকটস্থ কোন ২ দ্বীপে কোকোয়া-নামক এক প্রকার শুষ্ক ফল জন্মে, তাহাও অনেকের জীবনাবলম্বন বটে; পরন্তু তাহা ধান্যগোধূমাদির সহিত তুলনার যোগ্য নহে। জীবনাবলম্বনের মধ্যে ধান্যই প্রধান, তদনন্তর গোধূম,

তদনন্তর যব, তৎপশ্চাৎ ভূট্টা, তৎপশ্চাৎ রাই, তৎপশ্চাৎ কোকোয়া এবং তদনন্তর মাগু।

হিমালয়ের দক্ষিণপার্শ্বইহাতে চীন-দেশের শেষসীমা পর্যন্ত সর্বত্র চা-পত্রের দেশ, তৎসীমার বহির্ভাগে চা জন্মে না।

বৃক্ষদিগের জন্মস্থান-বিষয়ে যাহা কিছু উক্ত হইল তাহা কেবল তদীয় স্বভাব-সিদ্ধ-ধর্মজাপক; মনুষ্যকর্তৃক তাহাদের প্রতিপালন-বিষয়ের কোন উদ্দেশ্য তাহাতে নাই। এতদুপেক্ষিত-সীমার বহির্ভাগে অনেক স্থানে ধানের চাষ আছে, গুয়ামগুলের কদলী-বৃক্ষ ইংলণ্ডে অনেকের বাগানে সুপ্রাপ্য, এবং শীতপ্রধানদেশের পাইন-জাতীয় বৃক্ষ গুয়ামগুলো অপ্রাপ্য নহে; পরন্তু তৎসাবৎ মনুষ্যকর্তৃক রোপিত হইয়াছে; ঐ সকল বিভিন্ন স্থান প্রস্তাবিত বৃক্ষ-সকলের স্বভাবসিদ্ধ জন্মভূমি নহে।

কতকগুলিন উদ্ভিদ-পদার্থ একমাত্র দেশে বর্তমান আছে, অন্যত্র কুত্রাপি তাহার প্রাপ্তি হয় না। কোন ২ গুলিন অতি দূরস্থ দুই দেশে প্রাপ্য, তন্মধ্যে অন্য দেশে প্রাপ্তব্য নহে; অপর কতকগুলিন তিন চারি দেশে প্রাপ্য, অপর কতক গুলিন পৃথিবীর সকলস্থানে পাওয়া যায়। এই একদেশজায়মান, দ্বিদেশজায়মান, বা বহুদেশজায়মান বৃক্ষবর্গ কি প্রকারে ভূমণ্ডলে বিস্তৃত হইয়াছে পদার্থ-বিদ্যাশাস্ত্রের মহাশয়েরা এতদ্বিষয়ে অনেক তর্কবিতর্ক করিয়া তিন মত প্রচরিত করিয়াছেন। লিনিয়স সাহেব অনুমান করেন, যে আদৌ পৃথিবীর কোন এক দেশে সমস্ত প্রাণী ও বৃক্ষবর্গের নৃষ্টি হয়; তথাইহাতে ক্রমশঃ ভূমণ্ডলের সর্বত্র তাহাদের বিস্তৃতি হইয়া আসিতেছে। তাহার মতানুসারে ঐ অজ্ঞাত-দেশ গুয়াম-মণ্ডলস্থ; তাহার মধ্যে এক অত্যুচ্চ পর্বত আছে; সেই পর্বতের মূল্যবধি-অগুপর্ব্যন্ত উচ্চতার প্রভেদে স্তরে ২ প্রথমসৃষ্ট সমস্ত পদার্থ সংস্থাপিত হয়; পরে বায়ু জলস্রোতঃ এবং প্রাণিদিগের সাহায্যে তাহা স্থানান্তরিত হইয়া পৃথিবী ব্যাপিয়াছে। কোন ২ পণ্ডিতেরা কহেন, প্রথমতঃ প্রত্যেকজাতীয় বৃক্ষ অনেক স্থানে এক কালে জন্মিয়াছিল; পরে ঐ একাধিক স্থানে আকরহইতে অন্যত্র বিস্তৃত হয়। অপর কহেন যে যে স্থানে যে রূপ মৃত্তিকা ও জল ও উষ্ণতা তথায় তদনুরূপ বৃক্ষাদি জন্মিয়া ভূমণ্ডলের সর্বত্র এককালে তরুলতাদিতে সমাকীর্ণ করিয়াছে; এক ২ স্থানে এক ২

জাতীয় বৃক্ষ জন্মিয়া পরে বিস্তৃত হয় নাই। এই বিষয়ের অনুসন্ধান তাদৃশ ফলদায়ী নহে, পরন্তু দ্বিতীয়-মত-পোষণার্থে যে সকল প্রমাণ প্রযুক্ত হইয়া থাকে, তাহার কিঞ্চিৎ লেখায় পাঠকদিগের সন্তুষ্টি হইতে পারে।

যে সকল উদ্ভিদ-পদার্থের অবয়ব অতিসামান্য এবং অসম্পূর্ণ-অঙ্গ-পুত্রাঙ্গবিশিষ্ট তৎসাবৎ পৃথিবীর অনেক স্থানে ব্যাপ্ত আছে। অব্যক্ত পুষ্পক \* উদ্ভিদ-সকল, অর্থাৎ শৈবাল কৌড়ক (ছত্রক) প্রভৃতি বস্তু ভূমণ্ডলের অনেক স্থানে তুল্য। অস্ট্রেলিয়া-দ্বীপে যে সকল লাইকেন-নামা শৈবাল দৃষ্ট হইয়াছে, তাহার অধিকাংশ বিলাতে সুপ্রাপ্য। অপর ফরৎ-তরুর যে একশত-জাতি তথায় প্রচুর আছে, তন্মধ্যে ২৮ প্রকার তরু পৃথিবীর অন্যত্র অনায়াসে পাওয়া যায়।

এক পত্রোৎপত্তিক + বৃক্ষ বহুপ্রদেশ ব্যাপিয়া আছে। তৃণাদি ইউরোপ ও অস্ট্রেলিয়ায় প্রায়ঃ তুল্য। মার্কিন এবং ইউরোপ খণ্ডে ও তৃণ-বিষয়ে তুল্যতা আছে; ফলতঃ তৃণ প্রায়ঃ কৌড়কের (ছত্রকের) তুল্য সর্বত্র ব্যাপি। ব্রোণ-নামা এক জন উদ্ভিদবেত্তা অস্ট্রেলিয়া-প্রদেশে ৪০০ জাতীয় অব্যক্তপুষ্পক বৃক্ষ, ৮৬০ জাতীয় একপত্রোৎপত্তিক বৃক্ষ, এবং ২৯০০ জাতীয় দ্বিপত্রোৎপত্তিক বৃক্ষ দেখিয়াছিলেন। ঐ তরুলকলের মধ্যে ১২৫ প্রকার অব্যক্তপুষ্পক বৃক্ষ বিলাতে স্বতঃ জন্মিয়া থাকে; ৮৬০ জাতীয় একপত্রোৎপত্তিক বৃক্ষের মধ্যে ৩০ টি জাতি বিলাতে প্রাপ্য, এবং ২৯০০ জাতীয় দ্বিপত্রোৎপত্তিক বৃক্ষের কেবল ১৫ টি জাতি বিলাতে দৃষ্ট হয়; অপর সকলগুলি অস্ট্রেলিয়া দ্বীপে স্বতঃ সিদ্ধ। দক্ষিণামরিকার মধ্যভাগে যে সকল দ্বিপত্রোৎপত্তিক বৃক্ষ আছে, তৎসমুদায়ই তদ্দেশ-ভিন্ন অন্যত্র দৃষ্টিগোচর হয় না।

\* সমস্ত উদ্ভিদবর্গকে দুই অংশে বিভাগ করা যায়; প্রথম, যাহাদিগের পুষ্প অনায়াসে দৃষ্ট হয়; যথা, আমু বকলাদি; দ্বিতীয় যাহাদের পুষ্প দৃষ্টিগোচর হয় না, যথা, শৈবালাদি। ঐ প্রথমাংশের নাম "ব্যক্তপুষ্পক", ও দ্বিতীয়ের নাম "অব্যক্তপুষ্পক"।

+ কতকগুলিন বীজ প্রথম অঙ্কুরিত হইয়া এককালে দুইটা পত্র ধারণ করে, যথা, আমু, লিচ, পিচ, গোলাব, বেল, যুথি প্রভৃতি; তাহাদের নাম দ্বিপত্রোৎপত্তিক। অপর কতকগুলিন বৃক্ষের বীজহইতে আদৌ একটি পত্র অঙ্কুরিত হয় ও পরে এক ২ টি পত্র করিয়া প্রসারিত হয়। তাহাদের নাম এক পত্রোৎপত্তিক। নারিকেল খজুর তৃণ তাল কদলীত্যাদি এই বর্গের বৃক্ষ।

অফরিকার মধ্যভাগের তরু-সকলও তদনুরূপ। শে-যোক্তদেশের পূর্ব-তটে যে সকল বৃক্ষ আছে তাহা ভারতবর্ষের দক্ষিণ-তটেও সুপ্রাপ্য; দক্ষিণামরিকার পূর্ব-তটের বৃক্ষসকলের কতকগুলি অফরিকার পশ্চিমে জন্মিয়া থাকে।

স্থিরসমুদ্রের দ্বীপসকলের মধ্যে যে গুলিন আসিয়া-খণ্ডের নিকটস্থ তাহাতে আসিয়াদেশপ্রসিদ্ধ বৃক্ষই দৃষ্ট হয়, এবং যে গুলিন অমরিকার নিকটস্থ তাহাতে প্রধানতঃ অমরিকার বৃক্ষই জন্মিয়া থাকে। যে সকল দ্বীপ দুই মহাভূমিখণ্ডের মধ্যভাগে স্থিত, তাহার বৃক্ষলতাদি উভয়-খণ্ডের তুল্য। এইপ্রযুক্ত মাল্টা এবং সিসিলীদ্বীপে ইউরোপ এবং অফরিকা এই উভয় স্থানের বৃক্ষ প্রচরিত আছে।

সমুদ্র-তটস্থ-বৃক্ষের এই সাম্যত্ব-দৃষ্টে ব্লকটই পুস্তিত হয়, যে সমুদ্রস্রোতে এক-তটের বৃক্ষবীজ অপর-তটে নীত হইয়া ঐ সাম্যত্ব ঘটায়। তন্নিম্ন বায়ুসহকারেও অনেক বীজ একদেশহইতে অন্যদেশে নীত হয়। অপর মনুষ্য-পশু-পক্ষিদিগাও একদেশের বীজ অন্যত্র চালিত হইয়া থাকে। কাকের উদরে অস্থখ-বৃক্ষের বীজ কি প্রকারে চালিত হয় তাহা অনেকেই জ্ঞাত আছেন। মৃতন সমুদ্র দ্বীপে প্রথমতঃ শৈবাল জন্মে; তদনন্তর সমুদ্র-স্রোতে সমাগত বীজ অঙ্কুরিত হইয়া বৃক্ষাদি সম্ভবে; পরে এইরূপে ক্রমশঃ অন্যান্য বৃক্ষের উৎপত্তি হয়। অপিচু প্রায়ঃ অনেক দ্বীপে তাহার স্বতঃসিদ্ধ এক বা ততোধিক বৃক্ষ দৃষ্ট হইয়া থাকে; ইহাতে বোধ হয় প্রত্যেক স্থানের এক বা ততোধিক বিশেষ তরু নির্দিষ্ট থাকিবেক, পরন্তু অধুনা তাহার অধিক আলোচনায় স্ফূর্তি নাই।

### ইলেকট্রিক টেলিগ্ৰাফ অর্থাৎ তাড়িত-বার্তাবহ যন্ত্র।

পদার্থবিদ্যার আলোচনাদ্বারা যে সকল আশ্চর্য ও মহদুপকারি বস্তু উদ্ভাবিত হইয়াছে, তন্মধ্যে বাষ্প-যন্ত্র ও তাড়িতবার্তাবহ-যন্ত্র সর্ব-প্রধান। তৎসাহায্যে মনুষ্য অদ্ভুত দৈবশক্তি প্রাপ্ত হইয়া অসম্ভাবনীয়-কার্যসকলও অব-

হেলায় নিষ্পন্ন করিতেছেন। গম্পোক্ত বাষ্প-রথাদি দিব্যযান-পদার্থসকল বাষ্পযন্ত্রদ্বারা গতার্থ হইয়াছে। ক্রীতদাস অপেক্ষায়ও উত্তম আজ্ঞাবহ হইয়া উক্তযন্ত্র মনুষ্যের কোন কর্মই করিতে অস্বীকার করে না। বিলাতে বাষ্পীয় যন্ত্র জন তুলিতেছে, কাষ্ঠ কাটিতেছে, প্রভুকে স্বক্বে লইয়া দেশভ্রমণ করিতেছে, বস্ত্র বপন করিতেছে, তিনাদিমর্দন করিতেছে, ভূমি-করণ করিতেছে, খাত-খনন করিতেছে, জলনে-চন করিতেছে, খনিহইতে ধাতু উত্তোলন করিতেছে, লৌহাদি পিটিতেছে, শর্করা পুস্তিত করিতেছে, তরিন-সঞ্চালন করিতেছে; ফলতঃ এক বাষ্পযন্ত্রদ্বারা, সিবিকা-বাহক, নাবিক, তন্ত্রবায়, মোদক, কর্মকার, তৈলকার, কৃষাণ প্রভৃতি সকল ভূত্বের কর্ম সম্পন্ন হইয়া থাকে। তাড়িত-বার্তাবহ যন্ত্র বাষ্পীয়-যন্ত্রের তুল্য উপকারি নহে; পরন্তু যদ্বারা সহস্রকোশ-দূরস্থ-বন্ধুরা পুতি-ক্ষণে পরস্পর আপন ২ স্বাক্ষরিত পত্র আদান প্রদান করিতে পারেন তাহার ক্ষমতা সামান্য বলা যায় না। কলিকাতাহইতে আগরা এবং তথাইহতে বোম্বাই-পর্যন্ত একটি তাড়িতবার্তাবহ যন্ত্র সংস্থাপিত হইয়াছে, তদ্বারা একদণ্ডকাল-মধ্যে বোম্বাই-নগরের সংবাদ কলিকাতায় আসিতেছে। ঐ পরমাশ্চর্য-যন্ত্রের নড়েফণ-বিবরণ পরপর কতিপয় পঙ্ক্তিতে লিখিত হইল; পাঠকবৃন্দ মনোযোগপূর্বক তাহা পাঠ করিলে, বোধ করি, অনায়াসে এই অদ্ভুত যন্ত্রের লক্ষণ ও ধর্ম জ্ঞাত হইতে পারিবেন।

পদার্থবিদ্যানুসন্ধায়ীরা নির্ণয় করিয়াছেন যে "ভূমণ্ডল ও তদুপরিস্থিত বায়ুমণ্ডলের সর্বস্থানে একপ্রকার অতিসূক্ষ্ম পদার্থ আছে, তাহার নাম তাড়িত।

“এই পরমাশ্চর্য পদার্থ সচরাচর পুত্রক্ষ  
“হয় না, কিন্তু কখন কখন কোন কোন বস্তুহইতে  
“অতিশয় সূক্ষ্ম জ্যোতির্ময় পদার্থ স্বরূপে আ-  
“বিভূত হয়। বিদ্যুৎ ও বজ্র-ধ্বনি এই পদার্থের  
“কার্য। আর কাচ, রেশম, তৈলক্ষটিক, গন্ধক,  
“ধূনা, কয়েক প্রকার রত্ন ইত্যাদি কতক গুলি দ্রব্য  
“ঘর্ষণ করিয়া তাহা হইতে অপেক্ষাকৃত অল্প পু-  
“মাণ তাড়িত প্রকাশ করিতে পারা যায়।

“যদি কাচ অথবা লাক্ষা গুঁড় হস্তে অথবা  
“মোমজ বস্ত্রে ঘর্ষণ করিয়া কেশ, সূত্র, পালক,  
“কাগজ, অথবা অন্য কোন লঘু দ্রব্যের নিকট  
“ধরা যায়, তবে ঐ লঘু দ্রব্য সেই কাচ অথবা  
“লাক্ষা দ্বারা আকৃষ্ট হইয়া তাহাতে লগ্ন হইয়া  
“থাকে। কিন্তু অত্যল্প কাল সংযুক্ত থাকিয়াই  
“বিযুক্ত হইয়া পড়ে। এ উভয় ব্যাপারই ঐ  
“তাড়িত নামক পদার্থের গুণ; একারণ তাহার  
“যে গুণ দ্বারা লঘু বস্তু কাচ অথবা লাক্ষার  
“সহিত সংযুক্ত হইয়া থাকে, তাহাকে তাড়ি-  
“তাকর্ষণ বলে, এবং যে গুণ দ্বারা তাহা হইতে  
“বিযুক্ত হয়, তাহাকে তাড়িতবিযোজন (তা-  
“ড়িত প্রতিসরণ) কহে।

“তাড়িতের আর এক গুণ এই, যে যদি এক  
“স্থানে অধিক থাকে, এবং তাহার নিকটবর্তি  
“অন্য স্থানে অল্প থাকে, তবে প্রথমোক্ত স্থা-  
“নের কিয়দংশ শেষোক্ত স্থানে আসিয়া উভয়  
“স্থানে সমান হয়। যদি এক স্থান মেঘে অধিক পু-  
“মাণ তাড়িত থাকে, আর এক মেঘে অল্প পুমাণ  
“থাকে, তবে উভয় মেঘ পরস্পর নিকটবর্তি  
“হইবার সময়ে প্রথমোক্ত মেঘের কিয়ৎ পুমাণ  
“তাড়িত নির্গত হইয়া শেষোক্ত মেঘে প্রবিষ্ট হয়,  
“এই ভয়ঙ্কর ব্যাপার ঘটনার সময়ে অতি প্রখর  
“জ্যোতিঃ প্রকাশ ও ঘোরতর মেঘ গর্জন

“হয়; লোকে তাহাকেই বিদ্যুৎ ও বজ্র-ধ্বনি  
“কহিয়া থাকে। পৃথিবীহইতে মেঘে, অথবা  
“মেঘহইতে পৃথিবীতে তাড়িত প্রবেশ করিবার  
“সময়েও এইরূপ ঘটনা ঘটয়া থাকে।

“এই তাড়িত পদার্থ কোন কোন বস্তুদ্বারা  
“এক স্থানহইতে অন্য স্থানে দ্রুত বেগে সঞ্চা-  
“লিত হয়। এই সকল বস্তুকে তাড়িতপরিচা-  
“লক কহে। অন্য কতক গুলি বস্তুর পরিচাল-  
“কতা শক্তি এত অল্প, যে কোন স্থানে তা-  
“ড়িতের সঞ্চালন নিবারণ করিতে হইলে ঐ সকল  
“দ্রব্য-ব্যবহার করিতে হয়। এ সমস্ত বস্তুকে  
“অপরিচালক কহে।


“সমুদায় ধাতুই প্রবল পরিচালক। তন্মি  
“অঙ্গার, লবণাক্তজল প্রভৃতি আর কতক গুলি  
“দ্রব্য আছে, তাহারাও পরিচালক বটে, কিন্তু  
“ধাতুর ন্যায় নহে। কাচ, গন্ধক, ধূনা, পরি-  
“শুদ্ধ বায়ু, কাঁচ, কাগজ, কেশ, রেশম, পা-  
“লক, পশুলোম, এ সমুদায় সর্বতোভাবে অপ-  
“রিচালক”\*।

এই তাড়িত বা বৈদ্যুৎ-পদার্থ চুম্বকলৌহেতে  
সর্বদা বর্তমান আছে; এবং তাহাহইতেই উক্ত  
লৌহের আকর্ষণ-শক্তি উৎপন্ন হইয়া থাকে।  
দ্রব্যদ্বয় সম্পৃষ্ট থাকিয়া ন্যূনাধিক উত্তপ্ত হইলে  
অথবা দ্রাবকাদি-পদার্থে নিমজ্জিত থাকিলে ঐ  
তাড়িত-পদার্থের উৎপত্তি হইয়া থাকে। পরন্তু  
চুম্বক-লৌহের তাড়িত, (চৌম্বক তাড়িত) আকা-  
শাগত বা কাচাদি-ঘর্ষণদ্বারা উৎপন্ন তাড়িত  
(বৈদ্যুত তাড়িত) ও দ্রাবকাদি-দ্রব্যজাত তাড়িত  
(রাসায়ন-তাড়িত) এই তিনের কিঞ্চিৎ অবান্তর  
ভেদ আছে; অতএব ঐ তিন প্রকার তাড়িতই  
এক অভীষ্ট সাধনার্থ প্রযুক্ত হইতে পারে না।

\* তত্ত্ববোধিনী পত্রিকা। ১০২ সংখ্যা। ১৩৮ পৃষ্ঠা।

বার্তাবহ-যন্ত্রের নিমিত্ত রাসায়ন-তাড়িতেরই  
ব্যবহার হয়। ঐ তাড়িতের উৎপাদন করা অনা-  
য়াস-সাধ্য। এক কাচ বা মৃৎপাত্রে (টম্বল গ্লাসে)  
একাংশ গন্ধক-দ্রাবক ও দশাংশ জল মিশ্রিত  
করিয়া তন্মধ্যে এক খণ্ড দস্তা ও এক খণ্ড তামু ডুবা-  
ইলেই ঐ তাড়িত উৎপন্ন হয়। পরে ঐ ধাতুখণ্ড-  
দ্বয়ের সহিত লৌহ বা তামু বা অন্য কোন ধাতুর  
তার সংযুক্ত করিয়া অনায়াসে বহুদূর-পর্যন্ত  
ঐ তাড়িত লইয়া যাওয়া যাইতে পারে। প্রস্তাবিত  
যন্ত্রের ধাতুদ্বয়হইতে যে তাড়িত জন্মে তন্মধ্যে  
তামুজাত তাড়িত দস্তাজাত তাড়িতকে আকর্ষণ  
করে; এবং অন্য তামুখণ্ডজাত তাড়িতকে প্রতি-  
সৃত করে; ফলতঃ চুম্বক-লৌহের যে শক্তিতে  
এক ভাগ উত্তরদিগে ও অপর ভাগ দক্ষিণদিগে  
আকর্ষিত হয়, প্রস্তাবিত যন্ত্রজাত তাড়িত সেই  
শক্তিবিশিষ্ট; তাহার তামুজাত তাড়িত চুম্বকের  
উত্তর-ভাগের তুল্য, এবং দস্তাজাত তাড়িত তাহার  
দক্ষিণভাগের তুল্য। অতএব তামুজাত তাড়িত  
কোম্পাসের উত্তরভাগের নিকটে আনীত হই-  
লে উভয়ে পরস্পর প্রতিসৃত হয়; এবং দক্ষিণ-  
ভাগকে আকর্ষণ করে; তথা দস্তাজাত তাড়িত  
দক্ষিণভাগকে প্রতিসৃত করিয়া উত্তরভাগকে  
আকর্ষিত করে। প্রস্তাবিত-পাত্রে তামু ও দস্তা  
বৃহদাকার করিলে অথবা তদ্রূপ তিন চারি বা  
ততোধিক পাত্র একত্র করিলে এই আকর্ষণ-প্রতি-  
সরণ-শক্তির আধিক্য হয়। পরস্তু যে চিত্র  
মুদ্রিত হইল, তাহাতে তিনটি-পাত্রবিশিষ্ট-যন্ত্রের  
অবয়ব প্রদর্শিত হইয়াছে। ঐ চিত্রের ক, ক, ক,  
চিহ্নে দ্রাবক-পূর্ণ কাচপাত্র, ত, ত, ত, তামুপাত্র,  
এবং দ, দ, দ, দস্তার পাত্র। প্রত্যেক পাত্রের দস্তার  
পাত্র অপর-পাত্রের তামুপাত্রের সহিত পিতলের  
তারদ্বারা সংযুক্ত। এক পার্শ্বস্থ পাত্রের দস্তা খ


চিত্রিত তারদ্বারা অপর পার্শ্বস্থ পাত্রস্থ তামুপ-  
ত্রের গ, চিহ্নিত তারের সহিত মিলিত হইয়াছে।



তাড়িতোৎপাদক যন্ত্র।

এই যন্ত্রের তামু ও দস্তায় যে তাড়িত উৎপন্ন  
হয় তাহার পরস্পর আকর্ষণ-শক্তি অত্যন্ত বেগ-  
বতী, পরস্পরের মিলন-নিমিত্ত তাহা এক নিমেষ-  
মাত্রে সহস্র ২ ক্রোশ স্থান ভ্রমণ করিয়া থাকে।  
চিত্রের খ, এবং গ, চিহ্নিত তার যত দূরপর্যন্ত  
লইয়া যাওয়া যায়, তত দূরপর্যন্ত ঐ তাড়িত  
নিমেষমাত্রেই ভ্রমণ করিয়া থাকে, এবং ঐ  
ভ্রমণসময়ে ঐ সমস্ত তার চুম্বক-লৌহের ধর্ম  
প্রাপ্ত হয়; সুতরাং তৎকালে তাহার নিকটে  
কোম্পাসের কাঁটা থাকিলে তাহার উত্তর-দক্ষিণ-  
ভেদে আকর্ষিত বা প্রতিসৃত হইয়া থাকে।

নিম্নস্থ চিত্রে প্রস্তাবিত বিষয়ের বিশেষ পরি-  
জ্ঞান হইবে! এই চিত্রের নাম তাড়িতমান-যন্ত্র।



তাড়িতমান-যন্ত্র।

তাহার নির্মাণার্থে একটি তামুতারকে দীর্ঘচতু-  
রসূকারে বক্র করিয়া এক কাঁঠাসনে স্থাপিত



অপর তাড়িতবার্তাবহ-যন্ত্রচালকেরা অভ্যাস-বশতঃ সঙ্কেত-পাঠে এতাদৃশ পারগ হয় যে “আমি পাড়িত আছি” এই তিনটি পদ পাঠ করিতে অর্ধ পল কালও লাগায় না। উত্তম সঙ্কেত-পাঠকেরা এক মিনিট-কাল-মধ্যে বিংশতি টি পদ পাঠ করিতে পারে। অপর পূর্ব-বর্ণিত তাড়িতোৎপাদক-যন্ত্রের তারের পার্শ্ব-পরিবর্তন কার্য্য অনায়াসে সাধনার্থে এক প্রকার যন্ত্র প্রস্তুত হইয়াছে; তদ্বারা এক-বিপল-কাল-মধ্যে দুই তিন বার তারের পার্শ্ব-পরিবর্তন হইতে পারে।

পুস্তাবারম্ভে কথিত হইয়াছে যে লবণাক্ত জল, সিল্ক মৃত্তিকাদি বস্তু তাড়িত-পদার্থের পরিচালক; এ সকল বস্তু তাড়িত-সঞ্চালনের তার সংস্পর্শ করিলেই এ তারহইতে তাড়িত সং-হরণ করত অন্যত্র লইয়া যায়, সুতরাং বার্তা-বহনের ব্যাঘাত ঘটে। এই দোষ নিবারণের নিমিত্ত পুস্তাবিত যন্ত্র-নির্মাতারা এ তার সকল অপরিচালক পদার্থদ্বারা আবৃত করিয়া রাখেন, অথবা আকাশ-মার্গ-দিয়া এ তার বিস্তৃত করেন। অপরিচালক-পদার্থের মধ্যে ধূনা রে-সিন্ রবর্ এবং গটাপার্চা-নামক একপ্রকার বটদুগ্ধ সর্বপ্রধান; এ কোন পদার্থদ্বারা তার আবৃত করিলে তাহাহইতে তাড়িত অন্যত্র ঘাই-তে পারে না। এই প্রযুক্ত কলিকাতাহইতে বোম্বাই-পর্য্যন্ত যে তার বিস্তৃত আছে তাহা গটাপার্চাদ্বারা আবৃত।

কথিত হইয়াছে যে তাড়িত-যন্ত্রদ্বারা দূর-দেশস্থ ব্যক্তিদ্বয় অবিলম্বে পরস্পরকে আপন হস্তাক্ষর দেখাইতে পারেন; কিন্তু পুস্তাব-বা-হুল্য-ভয়ে অধুনা তাহার বিশেষ-বর্ণনায় বিরত হইতে হইল।

### পারস্য-দেশ-পুচলিত গোলেস্তান-নামক নীতি-শাস্ত্রের প্রসঙ্গ।

শেখ সাদি সীরাজ-নগরীতে জন্মপরিগ্রহণ করেন। বিবিধ-ছন্দোবন্ধের পদ্য ও ললিত গদ্যে শুবন-মনোহর রম-ণীয় উপাখ্যানদ্বারা স্বীয় গুণ্ড সুশোভিত করিয়া পারস্য রাজ্যে তিনি অতি প্রধান গুণ্ডকার বলিয়া প্রসিদ্ধ হইয়াছিলেন। তাহার শারীরিক বৃত্তান্ত সকল অতি অদ্ভুত ও ফলজনক হইলেও গোলে-স্তান পুশংসা-ছলে এ স্থলে উল্লেখ করিলাম না; উক্ত-গুণ্ডবিষয়ক কিঞ্চিৎ বিবরণ পাঠকবর্গকে অবগত করাই আমাদের উদ্দেশ্য।

গোলেস্তান গুণ্ড আট অধ্যায়ে বিভক্ত হই-য়াছে। তন্মধ্যে প্রথমাধ্যায়ে রাজনীতি, দ্বি-তীয়ে সন্যাসীদিগের নীতি, তৃতীয়ে সন্তোষের উৎকর্ষ, চতুর্থে মৌনবৃত্তের ফল, পঞ্চমে প্লেম ও যৌবন, ষষ্ঠে বিশীর্ণাবস্থা ও জরা, সপ্তমে বিদ্যার ফল, অষ্টমে অবস্থাভেদে জীবন-যা-পনের প্রথা বর্ণিত ও ব্যবস্থাপিত হইয়াছে। গো-লেস্তানের লিপিতাত্ত্বী বিবেচনা করিতে হইলে গুণ্ডকারের অসাধারণ রচনাশক্তি বিশিষ্টরূপেই প্রতীত হয়। রচনা-প্ৰণালী ভূরি ২ অলঙ্কারে সমলঙ্কৃত হইয়াও সুকুমারতা ও প্রসাদগুণ পরি-ত্যাগ করে নাই। পারস্য-প্রসিদ্ধ অন্যান্য অল-ঙ্কৃত কাব্য-সমূহের সহিত তুলনা করিয়া এক্ষণে পারস্যিকেরা ইহাকে সর্বোৎকৃষ্ট বলিয়া মানি-তেছে। এই গুণ্ড জনসমাজে এতাদৃশ প্রসিদ্ধ আছে, যে অধুনা তাহার দোষ গুণ বা লক্ষণ বর্ণন করায় মৎসরতার প্রকাশ হইতে পারে, অতএব কয়েকটি সন্নীত্যাগ্নক গল্প পাঠকবর্গের সুগোচরার্থ বঙ্গভাষায় অনুবাদ করিয়া বিবি-

ধার্থিক-দেশে পুচার করিতেছি; তাহার তৎ-পাঠে গুণ্ডকর্তার অভিপ্রায় ও নীতিনিষ্কার নিয়ম অনায়াসে জ্ঞাত হইতে পারিবেন।

সাধুসঙ্গের মাহাত্ম্য।

“এক দিবস সূন্যার্থ আমি সূন্যাগারে পুবিষ্ট আছি, এমত সময়ে এক বন্ধু আসিয়া একটি সৌরভময় আনন্ডপিণ্ড আমার হস্তে প্রদান করিলেন। আমিও তাহা সমাদরপূর্বক পরিগ্রহ করিয়া কহিতে লাগিলাম, “অহে মৃৎপিণ্ড! তুমি কস্তুরী কি অন্য কোন সুরভি পদার্থ? তো-মার সৌরভে আমোদিত হইয়া আমার চিত্ত মুখ-প্রায় হইতেছে”। ইহাতে মৃতপিণ্ড উত্তর করিল, “আমি অতি সামান্য অপকৃষ্ট মৃৎপিণ্ড, আমি কিছুকাল সৌরভপূর্ণ গোলাব-পুষ্পের সমভিব্য-হারে বাস করিয়াছিলাম, এ কারণ তাহার সৌ-রভ আমাতে সংক্রান্ত হইয়াছে। যদি আমার তাদৃশ সাধুসঙ্গলাভ না হইত, তাহা হইলে আ-মাকে সামান্য মৃত্তিকাই থাকিতে হইত”।

রাজদৃষ্টিান্তের মাহাত্ম্য।

“একদা রাজা নৌসেরবান্ মৃগয়া করিতে গিয়া বনমধ্যে শিবির সংস্থাপনপূর্বক তাহাতে পাচকদিগকে শীকার করা পশু পক্ষির মাংস পাক করিতে আদেশ করিয়াছিলেন। তথায় লবণের অভাব প্রযুক্ত রাজা ভৃত্যবর্গকে সন্নি-হিত গ্রামহইতে কিঞ্চিৎ লবণ আনিতে অনুমতি প্রদান করিলেন, এবং কহিয়া দিলেন; “লবণের যথার্থ মূল্য যাহা হইবেক, তাহা প্রদান করিতে কোন মতে ত্রুটি করিও না”। ভৃত্যেরা কৃতাজ্জিপুটে রাজসমক্ষে জিজ্ঞাসা করিল, “মহারাজ! এ তুচ্ছ বিষয়ের নিমিত্ত এতাদৃশ আশঙ্কা কেন হইতেছে? ইহাতে কি অনিষ্টই উৎপন্ন হইবেক?” রাজা উত্তর করিলেন, “অপকর্ম্মমাত্র অপে ২ আরদ্ধ হইয়া

এই বিস্তৃত জগতীমণ্ডলে বহুলপুচার হইয়া থাকে। প্রত্যেক নতন ২ দোষ কালসহকারে পরিণামে বন্ধ-মূল হইয়া উঠে। রাজা হইয়া স্বয়ং যদি কাহারো উদ্যানস্থ বৃক্ষহইতে অন্যায়ে কোন একটি ফল পাড়িয়া লন, তাহা হইলে তাহার ভৃত্যেরা তা-হার বৃক্ষ সমূলে উৎপাটন করিয়া ফেল। যদি রাজা ভৃত্যবর্গকে কোন প্রজার হংস কুকুটের পাঁচ ছয়টি ডিম্ব বলপূর্বক আনয়ন করিবার অনুমতি প্রদান করেন, তাহা হইলে কি তাহার তাহা-দের সমস্ত পক্ষি আনিয়া শৈল্যপক (কা-বাব) করিতে কালব্যাজ করে? দুরাশী রাজা কদাচ দীর্ঘকাল অবস্থিতি করে না। কিন্তু তা-হার কুকার্য্যজাত অকীর্্তি দিগিদগন্ত ব্যাপিনী হইয়া চিরস্থায়িনী থাকে”।

গুরু তর ভয় স্বল্পভয়ের নাশক।

এক রাজা এক জন বালক ভৃত্য সমভি-ব্যাহারে এক পোতে আরোহণ করিয়া বসিয়া আছেন। ভৃত্যটি জন্মাবচ্ছিন্নে সমুদু নয়নগোচর করে নাই; সুতরাং সে পোতাদির গুণাগুণও জা-নিত না। একারণ সে বালক রোদন ও পরীতাপ করিতে লাগিল এবং সমুদুের তরঙ্গদর্শনে ভয়ে কম্পমান হইতে লাগিল। রাজা তাহাকে যথেষ্ট সাহস ও যৎপরোনাস্তি সান্ত্বনা প্রদান করিলেও সে প্রবোধমানিল না। তাহার ক্রন্দনে রাজার কো-তুক-করণ-বিষয়ে মহা ব্যাঘাত হইতে লাগিল, কিন্তু তদ্বিষয়ে কোন উপায় দেখিতে পান না। এমত সময়ে এক জন পোতস্থ দার্শনিক স্পষ্টিত রা-জার নিকট নিবেদন করিলেন; “মহারাজ, যদি অনুমতি করেন তাহা হইলে আমি উহাকে সান্ত্বনা করিতে পারি”। রাজা কহিলেন, “ইহার পর আর দয়ার কর্ম্ম কি আছে?” দার্শনিক পো-তবাহদিগকে আশ্রিত করিলেন, “তোমরা এই বা-



লককে সমুদ্রের জলে ফেলিয়া দেও, উন্মজ্জন নিম-  
জ্জন হইতে যখন সে ডুবু হইবেক তখন তাহা-  
কে কেশে ধরিয়া পুনর্বার পোতে ঘর্ষণ করিয়া তুলি-  
ও'। তৎপরামর্শে তাহার। বালককে তদ্রূপ করিয়া  
তুলিলে পর সে পোতের এক কোণে গিয়া নিস্তক  
হইয়া বসিল। রাজা ইহাতে পরম সন্তুষ্ট হইলেন,  
এবং জিজ্ঞাসিলেন, “একি প্রকারে হইল?” দার্শ-  
নিক উত্তর করিলেন, “প্রথমতঃ এ বালক জলম-  
জ্জনজন্য বিপদ ঘটনা ও পোতাবলম্বনে তাহা-  
ইতে পরিভ্রাণ পাইবার বিষয় কিছুই অবগত ছিল  
না। এই ক্ষণে কেশে পতিত হইয়া পরে সুখজনক  
রসাস্বাদন করত অনায়াসে তজ্জনিত সুখ অনু-  
ভব করিতে সমর্থ হইয়াছে।

যে ব্যক্তির ক্ষুণ্ণবৃত্তি হইয়াছে তাহার যবশক্তু-  
তে স্পৃহা থাকিতে পারে না। পরন্তু যাহা তাহার  
দেখিতে অসুখকর আমার পক্ষে তাহা দর্শনমাত্র  
হৃদয় প্রফুল্ল হইয়া উঠে। স্বর্গীয় অপূরোগণের  
পক্ষে পাবনলোকও নরক তুল্য প্রতীয়মান হয়,  
কিন্তু নরকবাসিদিগকে জিজ্ঞাসিলে তাহার। কি  
সেই লোক স্বর্গতুল্য করিয়া জানায় না?”

পরনিন্দার নিন্দা।

“আমার অরণ হয়, আমি বাল্যবস্থায় বড় ধর্ম্মা-  
ত্মা ছিলাম। আমি প্রতিনিয়ত রাত্রিযোগে যথা  
সময়ে গাত্রোথান পুরঃসর জগদীশ্বরের উপাস-  
নাদি করিতাম। এক রাত্রি আমি পিতার সমীপে  
উপবিষ্ট ও বিনিদু হইয়া ধর্ম্মপুস্তক পাঠ করি-  
তেছিলাম, ভ্রমত সময়ে দেখিলাম অপরাপর স-  
মস্ত লোক আমাদের চতুর্দিকে শয়িত ও নিদ্রিত  
হইয়া রহিয়াছে। ইহাতে আমি পিতাকে কহি-  
তে লাগিলাম, ‘দেখুন ইহারা সকলেই নিদ্রায়  
অচেতন ও মৃতপ্রায় পড়িয়া আছে, উপাসনার্থ  
কাহাকেও ভূমিপাতিতজানু দেখিতে পাই না।’

এই কথা শুনিবামাত্র মৎপিতা উত্তর করি-  
লেন, “বাপু হে! এই রূপে পরকীয় দোষের  
উদ্ভাবন না করিয়া যদি তুমিও নিদ্রিত থা-  
কিতা তাহা হইলেও বড় ভাল হইত”। আত্মশ্লা-  
ঘী ব্যক্তি শ্লাঘার অবগুণ্ঠনে বদন আবরণ করিয়া  
আপনা ভিন্ন অন্য কিছু দেখিতে সমর্থ হয় না।  
যাহার দৃষ্টি পরমেশ্বরে সমর্পিত থাকে সে কি  
আপনাহইতে কাহাকেও অধিক দোষী বিবে-  
চনা করে?”

পরের নিকটে উপকারবশতা স্বীকার অপেক্ষা

কারিক শ্রম সহ্য করা শ্রেয়ঃ।

একদা কএক জন একত্র হইয়া হাতিমতা-  
ইকে জিজ্ঞাসা করিল, “আপনি কি কখন কা-  
হাকেও আপনহইতে অধিক সদাশয় দেখিয়া-  
ছেন?” তদুত্তরে তিনি কহিলেন, “এক দিবস  
আমি এক আরব-রাজমন্ত্রির সহিত কোন বনো-  
দ্দেশে গমন করিয়া দেখিলাম এক কাঠুরিয়া  
কতকগুলি কণ্টকযুক্ত ডালপালা একত্র করিয়া  
বোঝা বাঁধিতেছে। তাহাকে জিজ্ঞাসিলাম,  
কেন এত কেশ করিতেছ? হাতিমের অতি-  
খিশালার অনেক লোক গিয়া অনায়াসে আ-  
হার করিয়া আইমে; তুমি কেন তথায় গমন  
কর না?” সে উত্তর করিল “যাহারা পরিশ্রম  
করিয়া দিনপাত করিতে সমর্থ হয়, তাহার।  
কেন হাতিমের অধীনতা স্বীকারে স্বাধীনত্ব চ্যুত  
হইবেক?” আমার বিবেচনায় সেই ব্যক্তিকেই  
আমা অপেক্ষা সর্বতোভাবে শ্রেষ্ঠ বোধ হয়”।

মাতৃপ্রতি ভক্তি।

“একদা আমি যৌবনমদমত্ততায় অভী-  
ভূত হইয়া জননীর প্রতি কঠোর বাক্য প্রয়োগ  
করিয়াছিলাম; তাহাতে তিনি নিতান্ত খিদ্-  
মানা হইয়া গৃহের এক প্রান্তে বসিয়া রোদন

করত কহিতে লাগিলেন, “হাঁ রে তোকে যে  
এত ক্রোশে বাল্যবস্থায় পালন করিয়া এই তরু-  
ণতাবস্থা প্রাপ্ত করাইলাম, তাহার কি এই প্রতি-  
ফল দিলি? এতাদৃশ নিষ্ঠুরতা প্রকাশের কি আর  
পাত্র পাইলি না? হায়! সন্তান সিংহবৎ পরা-  
ক্রমশালী হইলে বৃদ্ধমাতার কথায় তাহার চিত্ত  
আকৃষ্ট হয় না; পরন্তু তোর নিকৃপায় শৈশবাব-  
স্থার কথা যদি ক্ষণকালের নিমিত্ত তোর মনে থা-  
কিত তাহা হইলে কি তুই আমাকে এতাদৃশ কঠিন  
বাক্য কহিতে পারিতিস? এখন তোর বল পরা-  
ক্রম সিংহের ন্যায় হইয়াছে, এবং আমারও এই  
শেষ অবস্থা।”

কর্ম্মানুসারে পরিচরক নিযুক্ত করা কর্তব্য, তদন্যথায়  
হানি হয়।

“এক ব্যক্তি নেত্ররোগী চক্ষুর যাতনায় এক  
অশ্বচিকিৎসকের নিকট ঔষধ লইতে গমন করি-  
য়াছিল। উক্ত চিকিৎসক পশুদিগকে যেক্রপ  
করিয়া থাকে তদ্রূপ তাহার চক্ষেও ঔষধাদি  
দিল। রোগী এ ঔষধপ্রভাবে একবারে অন্ধ  
হইয়া গেল, অধিকন্তু রাগান্বিত হইয়া বিচারকের নি-  
কটে তাহার নামে অভিযোগ করিল। বিচারপতি  
অনুমতি করিলেন, “তুমি দূরীভূত হও; তোমার  
এ হানির অভিযোগ গ্রাহ্য নহে। তুমি যদি  
স্বয়ং গদভ না হইতে তাহা হইলে কদাচ আপন  
নেত্ররোগের চিকিৎসা অশ্বচিকিৎসককে দিয়া  
করাইতে না”। এই গল্পের তাৎপর্য এই যে  
যে ব্যক্তি কঠিন কার্য নাধনে অপদর্শীকে নি-  
যুক্ত করে, এবং উত্তরকালীন পরীতাপ বিষয়ক  
চিন্তায় পরাঙ্মুগ্ন হয়, বিজ্ঞ পণ্ডিতের। তাহাকে  
এক প্রকার মূর্থ বলিয়াই গণ্য করেন। যে ব্যক্তি  
জ্ঞানী হয় সে কখন গুরুতর ব্যাপারের ভার কদাচ  
কোন সামান্য ব্যক্তির হস্তে সমর্পণ করে না।

যাহারা মাদুর বুনন করে, তাহাদিগকেও এক  
প্রকার তন্ত্রবাপ কহা যায়, কিন্তু তাহাদের হস্তে  
পটু বস্ত্র বপন করিবার ভার বিশ্বাস পূর্বক কে  
সমর্পণ করিয়া থাকে?”


হিতকারির আদম্ব কালে তাহার কথায় নির্ভর করা

শ্রেয়স্কর নহে।

ইহা বিশিষ্টরূপে পরিজ্ঞাত আছে, যদি  
এক বালককে এক প্রচুর ভারবাহী সুশিক্ষিত  
উষ্ট্র পৃষ্ঠে আরোহণ করাইয়া দেওয়া যায়। আর  
বালক যদি দুর্গম শঙ্কাজনক পথ দিয়া তাহা-  
কে লইয়া যাইতে চাহে; এবং দৈবাৎ যদি  
তাহার হস্তহইতে রাশরজ্জু সরিয়া পড়ে, তাহা  
হইলে এ উট তাহার চালান মানে না, কেননা  
বিপদের কাল উপস্থিত হইলে তখন হিতকারীও  
নিতান্ত অহিত হয়। রা. না. বি.

কৃত্রিম মুক্তা।

পর পৃষ্ঠে যে মৎস্যের চিত্র মুদ্রিত  
হইল, তাহা বিলাতে সুখাদ্য বলিয়া  
প্রসিদ্ধ আছে; এবং মৎস্যপ্রিয় ব্য-  
ক্তির। ইহাকে ধৃত করণার্থে অত্যন্ত ব্যগ্ন থাকে।  
জেসি নামা এক সাহেব লেখেন, যে “আমার  
প্রিয়পাত্র মধ্যে ব্রীক মৎস্য সর্বাপেক্ষায় বিশেষ  
ক্রীড়ালুক, এবং আনন্দপ্রদ। পৃথিবীমণ্ডলে ইহার  
অপেক্ষায় অধিক চঞ্চল মৎস্য আর কুত্রাপি  
নাই; অপরাহ্নে জল নিকটস্থ মক্ষিকা ও অপর  
কীট ধৃত করণে ইহার। যৎপরোনাস্তি তৎপর  
এবং সর্বদাই চঞ্চল এবং হর্ষযুক্ত থাকে।” পরন্তু  
এই মৎস্য সুখাদ্য বা তড়াগাদিতে দেখিতে  
সুন্দর বলিয়া তাদৃশ প্রসিদ্ধ নহে। ইহার শব্দের  
নিম্নে এক প্রকার রজত-চূর্ণবৎ অতি সুস্ব প-



রীক মৎস্য।

দার্থ থাকে, এবং তাহাই এই মৎস্যের মাহাত্ম্য-  
বৃদ্ধির প্রধান কারণ। ঐ পদার্থহইতে তাহার  
শল্ক-সকল রোপ্যবৎ চাকচক্যশালী বোধ হয়,  
এবং শিম্পকারেরা তদ্বারা এক প্রকার অতিসুন্দর  
কৃত্রিম মুক্তা প্রস্তুত করিয়া থাকে। এই পদার্থ-  
রোহিত জাতীয় সকল মৎস্যেই প্রাপ্ত হওয়া যায়,  
কিন্তু মুক্তা নির্মাণার্থে হোয়াইটবেট্ মৎস্যের  
শল্ক সর্বপ্রধান, তৎপশ্চাৎ ব্লীক মৎস্যের শল্ক,  
এবং তদনন্তর রোচ এবং ডেম্ \* মৎস্যের শল্ক।  
ধীবরেরা এই সকল মৎস্য ধৃত করত তাহার  
শল্ক-সকল মুক্ত করিয়া লয়, এবং মুক্তা-প্রস্তুত-  
কারিদিগকে বিক্রয় করে। মুক্তা-প্রস্তুতকারীরা  
ঐ শল্ক সাবধানে ধৌত করত জলে ভিজাইয়া  
রাখে। দুই তিন দিন জলে ভিজিয়া থাকিলে

\* এই মৎস্যদ্বয়ের চিত্র বিবিধার্থের দ্বিতীয় খণ্ডে মুদ্রিত আছে।

রজতবৎ চূর্ণ পদার্থ শল্কহইতে পৃথক্ হয়;  
ঐ পদার্থে কিঞ্চিৎ পরিষ্কার গঁদের জল বা  
শিরিস মিশ্রিত করত তাহাই তবলকির ভি-  
তরে বা উপরে লিপ্ত করত শুষ্ক করিলেই মুক্তা  
প্রস্তুত হয়। এই কৃত্রিম মুক্তা প্রস্তুত করণ-  
কার্যে অনেকে নিযুক্ত আছে, এবং এতদর্থে প্রস্তুত-  
বিত মৎস্যের শল্ক টাকায় ১ বা ১।।০ তোলাক  
পরিমাণে বিক্রীত হয়। রোহিত, কাতলা, বাটা  
প্রভৃতি মৎস্য ব্লীক, ডেম্ প্রভৃতির সহিত এক  
শ্রেণীভুক্ত বটে, বোধ হয় তাহাদের শল্কে যে  
রজতবৎ পদার্থ আছে, তাহাতেও মুক্তা প্রস্তুত  
হইতে পারে, অতএব তদ্বিবয়ের পরীক্ষা করা কর্ত-  
ব্য। যে ব্যক্তি এ বিষয়ে কৃতকার্য হইবেন তিনি  
অব্যর্থই প্রচুরার্থ উপার্জন করিতে পারিবেন।

## বিবিধার্থ-সঙ্গ্রহ,


অর্থাৎ

পুরাতত্ত্ব-ইতিহাস-প্রাণিবিদ্যা-শিম্প-সাহিত্যাদি-দ্যোতক মাসিক পত্র।


৩ পর্ব]

শকাব্দ ১৭৭৬, আশ্বিন।

[৩১ খণ্ড।



### নুটকা-জাতির বিবরণ।



ত্বেক-জীবের আবাস-নিমিত্ত  
পৃথিবীর বিশেষ ২ স্থান নি-  
র্দিষ্ট আছে। কোন জীব পর্বতে  
বাস করে, কেহ সমভূমিতে অ-  
বস্থান করে, কেহ বা গুহার মধ্যে থাকিলেই

নির্বিষে দেহযাত্রা নির্বাহ করিতে পারে। কেহ  
কেহ উষ্ণ-স্থান-প্রিয়, কেহ সাম্য-স্থান-প্রিয়, কেহ  
বা শীতপ্রধান-দেশে নিবাসের ইচ্ছক। দ্বীপ,  
উপত্যকা, অধিত্যকাদি ভেদেও তন্নিবাসি জী-  
বের ভেদ হয়। কেবল মনুষ্য এই নিয়মের অধীন  
নহে; নে পৃথিবীর সর্বত্র বাস করিতে সক্ষম;  
হিমমণ্ডলের অনহ্য শীত, বা নিরক্ষবৃত্তের নিকটস্থ

দুঃসহ গুম্ব, কিছুতেই তাহাকে ভীত করিতে পারে না। হিমমণ্ডলের স্থানে ২ এমত শীত যে তথায় বর্ষের নয় মাস ক্রমাগত জল জমিয়া থাকে, অথচ তাহা গলাইলে পানোপযুক্ত দুব জল পাওয়া ভার; অথচ তথায় স্বচ্ছন্দে মনুষ্য বাস করিতেছে। অপর সাহারা-মরুভূমিতে এমত গুম্ব যে মনুষ্য মরিলে রৌদ্রোত্তাপে তৎক্ষণাৎ শুষ্ক হইয়া যায়, পচিবীর অবকাশ থাকে না; কিন্তু সে স্থানও নির্জন নহে। এই প্রকারে সর্বত্র বানে সক্ষম বলিয়াই মনুষ্যের সাহায্য অনেক বর্দ্ধিত হইয়াছে; পরন্তু পৃথিবীর সর্বত্র মনুষ্য আপন কায়িক ও মানসিক ধর্ম সম-ভাবে রক্ষা করিতে পারে না। দেশভেদে মনুষ্যের অবয়ব ও বুদ্ধিগত অনেক ভেদ হইয়া থাকে। ককস্বম-পর্বত-নিকটস্থ অতুল্য সুন্দর বীরপুরুষ, আফরিকার কাফরি, সাপ্তবিচ্-দ্বীপের অসভ্য পুজা, মেদিনীপুরের ধাতু, এবং অস্ট্রেলিয়া-দ্বীপের অস্থিচর্ম্মার দীর্ঘকায় নৃ-অবয়ব, ইহাদিগের প্রতি দৃষ্টি করিলে তাহা অনা-য়াসেই সপ্রমাণ হইতে পারে।

উত্তরামরিকার পশ্চিম-ভাগে “নুটকা-কল-স্বীয়” নামা এক জাতি আছে; তাহারা এই প্রস্তাবের এক উত্তম প্রমাণ। তাহাদিগের আহাৰ ব্যবহার সকল মনুষ্য হইতে পৃথক। রকি-পর্ব-তের নিকটে অত্যন্ত শীতল স্থানে তাহাদিগের আবাস, অথচ বস্ত্রাদি-বপন-ক্রিয়ায় অক্ষম, সুতরাং তাহারা সর্বদা সলোম ভল্লকচর্ম্ম ধারণ করিয়া থাকে। ইহাদিগের অবয়ব খর্ব অথচ স্থূল, এবং বর্ণ প্রায়ঃ ইংরাজদিগের তুল্য গো-রাজ; পরন্তু দেশ-ব্যবহার-বশতঃ ইহারা দেহে সর্বদা নানা প্রকার মৃত্তিকা লিপ্ত করিয়া রাখে। ইহাদিগের মস্তকের প্রকৃত অবয়ব, অপরাপর

মনুষ্যের তুল্য বোধ হয়, তাহাদিগের এক কদর্য্য দেশ-ব্যবহারের বশতঃ তাহার নিক্রপণ করা কঠিন। অপত্য জন্মিবামাত্র তাহারা মস্তকের উভয়-পার্শ্বে দুই খানি কাষ্ঠফলক (তক্তা) এমত সবলে বান্ধিয়া রাখে, যে অস্পকাল-মধ্যেই বা-লকের মস্তক চিরকালের নিমিত্ত চেপটা হইয়া যায়; আশ্চর্য্যের বিষয় এই যে এবম্পকারে মস্তক বিকৃতাকার করায় তাহাদের বুদ্ধিবৃত্তির কোন হানি হয় না; সকলেই অসভ্যতানুরূপ সুচতুর ও কল্মঠ, এবং আপনাদিগের প্রয়োজন-মত গৃহ-নৌকা-নির্মাণে তৎপর।

ইংরাজেরা ইহাদিগকে “নুটকা-কলস্বীয়” নামে বিখ্যাত করিয়াছে, পরন্তু এই শব্দ ইহা-দিগের দেশে প্রচলিত নহে। দলভেদে ইহারা আপনাদিগকে চেনুক, কুটিসপ, গুয়াকাল, মুলট-লোমা বা কুমুথ নামে বিখ্যাত করে।

এই জাতীয়-মনুষ্যদিগের প্রধান খাদ্যদ্রব্য সামান্য মৎস্য। তদ্ধৃত-করণার্থে ইহারা সর্বদা ব্যগু, এবং শীতের প্রাক্কালে সকলেই এই মৎস্য ধরিয়। শীতকালে ভোজনের নিমিত্ত শুষ্ক করিয়া রাখে। এই মৎস্য-সঙ্গ্রহের শেষ হইলে পর সক-লেই আনন্দে মহামহোৎসব করিয়া থাকে; এবং তৎকালে কোন ২ দলপতি বনমধ্যে গিয়া অনা-হারে ঐন্দুজালিক মন্ত্র সাধন করিতে থাকে। এই তপস্বীদিগের নাম “তামিশ্”। নুটকাদিগের বিশ্বাস আছে যে তপস্য।-কালে এই দলপতির। “নোলোক” নামা এক দেবতার সহিত কথোপ-কথন করে, এবং তদনুগুহে দৈবশক্তি প্রাপ্ত হয়। সে যাহা হউক, হঠাৎ এক ২ দিবস এক ২ জন তামিশ্ দেহে কৃষ্ণকেশবিশিষ্ট চর্ম্ম আচ্ছাদন এবং মস্তকে বন্ধন-নির্মিত রক্তবর্ণ মুকুটাদি ধারণ করত গুম-মধ্যে প্রবেশ করে। তদৃষ্টে আবাল-বৃদ্ধ-

বনিতা সকলেই পলায়ন করিতে থাকে; কেবল সাহসিক বা সাহস-সুখ্যতির অভিনাবী কোন ২ পুরুষ তাহার সম্মুখে অগুসর হয়। তামিশ্ এমত ব্যক্তিকে দেখিবামাত্র তাহাকে ধৃত করত দস্তদ্বারা তাহার বাহুহইতে দুই তিন গুণ মাংস দংশন করিয়া লয়। এই দংশন-সময়ে ঐধর্ম্ম্যতাব-লম্বন-পূর্বক স্তম্ভ থাকাই প্রশংসনীয়; যে ব্যক্তি তাহাতে অক্ষম তাহার অত্যন্ত নিন্দা হয়; তা-মিশ্ অনায়াসে এবং শীঘ্র দংশন করিয়া মাংস না লইতে পারিলেই নিন্দা হইবার সম্ভাবনা। লোকে প্রচরিত আছে, যে নুটকারা নৃমাংসাশী; পরন্তু উল্লিখিত-প্রকারে যত মাংস ভোজন হই-য়া থাকে, তন্নিম্ন অন্য নৃমাংস ভক্ষণ করে না।

নুটকাদিগের ভাষার লক্ষণ বিবেচনা করিয়া দেখিলে বোধ হয়, তাহারা আজতেক \* জা-তির শাখা হইবেক। এই উভয় জাতির ভা-ষার অনেক বাক্য “এল্” বা “এলী” শব্দে শেষ হয়, এবং উভয়ই এক অর্থে ব্যবহৃত; তদ্যথা, “আপকুইকিল্”, আলিঙ্গন; “তো-মক্স্তিক্স্তিল্”, চুম্বন; “হিতল্ভজিল্”, জ-স্তন; “এজিল্ভজিল্”, পৃথিবী; “আগকো-য়াল্”, যুবতী, রমণী, ইত্যাদি।

ইহাদিগের আবাস কাষ্ঠনির্মিত, অত্যন্ত অপরি-ষ্কৃত, এবং মৎস্যগন্ধে পরিপূর্ণ। তন্মধ্যে কাষ্ঠে খোদা পুত্তলিকাদি অনেক থাকে। ১৪৫ পৃষ্ঠে মুদ্রিত চিত্রে দুইটি বৃহদাকার পুত্তলি দৃষ্ট হইবেক। কখন ২ মৎস্য ধরিবার সমস্ত ব্যাপার তাহাদের গৃহে অ-ঙ্কিত থাকে। ইহাদিগের আবাস যজ্ঞপ অসভ্য ইহাদিগের বস্ত্রও তদনুরূপ; কাপাস বস্ত্র নাই; বস্ত্র-বপন-কর্ম্মও তাহারা জ্ঞাত নহে, সক-লেই পাইনবৃক্ষের ছাল-নির্মিত এক-প্রকার মাদুর

\* বিবিধার্থের ২ খণ্ডে, ১২৩ পৃষ্ঠে এই জাতির বিবরণ আছে।

ধারণ করিয়া থাকে, এবং মৃগয়া দ্বারা প্রাপ্ত ভল্লক-চর্ম্ম কি অন্য কোন সলোমচর্ম্ম পাইলে তদ্বারা এই মাদুরের অন্তঃপৃষ্ঠ আবৃত করে। কেহ ২ মলি-দার ন্যায় এক-প্রকার কঞ্চল প্রস্তুত করিয়া থাকে। পূর্বেই উক্ত হইয়াছে, যে নুটকাদিগের প্রধান খাদ্য-দ্রব্য মৎস্য; এই দ্রব্যে তাহাদিগের গৃহ পরিপূর্ণ থাকে, এবং তদগন্ধে এই গৃহে প্রবেশ করাই কঠিন। নুটকারা এই মৎস্যের তৈল পান করে, তদগুদ্বারা এক-প্রকার রোটিকা প্রস্তুত করে; এবং শীতকালে শুষ্কমৎস্যের অবলম্বনে জীবন ধারণ করে।

নুটকারা অত্যন্ত অসভ্য, সুতরাং তাহাদিগের বুদ্ধিবৃত্তিও সুতীক্ষ্ণ নহে; মৃগয়া ও মৎস্য-ধরণ ভিন্ন অন্য কোন কর্ম্মে তাহারা নিযুক্ত থাকে না; এবং আচরণ-বিষয়ে রক্তবর্ণ ইগুয় নামা মার্কিন দেশীয় বিখ্যাত-জাতি হইতে সর্বতোভাবে অধম।

### কৌতুকবহ আপদ।

পলস-রাজ্যের প্রান্তভাগে আন্তো-নে নিও নামা এক জন ধনাঢ্য বণিক অশ্ব-বাণিজ্যে দিন-যাপন করিত; এবং তদ্বারা আপন সম্পত্তিরও বিশেষ প্রা-চর্য্য জন্মাইয়াছিল। তাহার পরলোক-প্রাপ্তি হইলে, তাহার এক মাত্র পুত্র গিগোরিও পৈত্রিক-ঐশ্বর্য্য-অধিকরণ-পূর্বক পিতৃব্যবসায় নিযুক্ত হইল। বাল্যাবস্থা বধি হয়-পরীক্ষা করা-তে তদ্বিদ্যায় সে উত্তম পারদর্শী হইয়াছিল, এবং সম্পত্তি ও সচ্চর্য্যের সাহায্যে সমস্ত-প্রতি-বাসির প্রদত্ত সমাদর সন্তোগ করিত।

তাহার পৈত্রিক-সম্পত্তি-প্রাপ্তির অস্পকাল পরে রোম-নগরে এক মহাযাত্রোৎসব হইয়াছিল;

তথায় অশ্ব-ক্রয়-বিক্রয়ভিলাষে অনেক হয়-  
বণিকের সমাগম হয়, এবং গিগোরিওও তথায়  
উপস্থিত ছিল। অশ্ব ক্রয় করাই তাহার এক-  
মাত্র অভিপ্রায়, অতএব সে এক সহস্র স্বর্ণমুদ্রা-  
সমভিব্যাহারে লইয়া তথায় আগমন করে;  
পরন্তু প্রথম-দিবসের হাটে কোন উত্তম অশ্ব  
উপস্থিত না-থাকা-প্ৰযুক্ত সে সকল অশ্বের পরী-  
ক্ষা করিয়াও কোন অশ্ব ক্রয় করিলেক না। ঐ  
পরীক্ষা-করণ-সময়ে হাটে সমস্ত অশ্বই মন্দ  
বলিয়া গিগোরিও মনেমনে উদ্ভিষ্ট হইতে লা-  
গিল, পাছে অশ্ব-বিক্রেতার। মনে করে যে  
এ ব্যক্তি ভণ্ড, হয়ক্রয় করিবার ধন নাই বলি-  
য়াই যাবদীয় অশ্বের নিন্দা করিতেছে; এবং  
ঐ অপবাদের নিরাকরণার্থে মধ্য ২ আপন  
কটিদেশস্থ মুদ্রার উপর এই প্রকারে হস্তক্ষেপ  
করিতে লাগিল, যাহাতে নিকটস্থ ব্যক্তির।  
অন্যায়নে জানিতে পারে যে তাহার কটিদেশে  
অনেক মুদ্রা আছে। ঐ সময়ে এক দুষ্টা স্ত্রী  
তথায় উপস্থিতা ছিল। বিমুগ্ধকারী মুদ্রাধনি  
তাহার কণ্ঠগোচর হইবামাত্র সে একেবারে  
অধৈর্য হইল; ঐ মুদ্রা না প্রাপ্ত হইলে কোন  
মতে তাহার মনঃ শান্ত হয় না, অতএব সে  
হাট ভাঙিবামাত্র গিগোরিওর পশ্চাৎ ২ গমন  
করত তাহার আবাসের নির্ণয় করিলেক; এবং  
তত্রত্য ভৃত্যদিগের নিকট তাহার নাম-ধামের  
পরিচয় লইয়া স্বাভিষ্ট-নিদ্ধি করিবার উপায়  
কল্পনা করিতে লাগিল।

অর্দ্ধদিবস হাটে বৃথাশ্রমে শান্ত হইয়া অপ-  
রাহ্নে গিগোরিও বাসায় শয়ন-পরায়ণ আছে,  
এমত সময়ে এক জন ভৃত্য আসিয়া কহিল;  
“মহাশয়ের সহোদরা আপনার দর্শনোৎসুক  
হইয়া সদাশীঃ-পূরঃসর আপনাকে আহ্বান করি-

তেছেন”। গিগোরিও কহিল; “আমার পি-  
তার আমি এক-মাত্র অপত্য, আমার সহোদরা  
কি প্রকারে সম্ভবে?” ভৃত্য কহিল; “স্বর্গবাসী  
আন্তোনিও মহাশয় এই নগরে বাসকরণ-কালীন  
আপনার মাতার পাণি-গৃহণ করণে, এবং তাঁহার  
গর্ভে প্রথম এক কন্যার পরে আপনার জন্ম হয়;  
আপনি ভূমিষ্ট হইবার পরেই আন্তোনিও মহা-  
শয় স্ত্রীর সহিত বিবাদ করত স্ত্রী-কন্যা-ত্যাগ-  
পূর্বক আপন অপোগণ্ড পুত্র লইয়া নেপলস্-  
রাজ্যে প্রস্থান করেন। আপনি সেই অপো-  
গণ্ড বালক, এবং আমি আপনার ভগিনীর  
ভৃত্য।” অতি শৈশবাবস্থাতেই গিগোরিওর মাতৃ-  
বিয়োগ হইয়াছিল, এবং সে আপন মাতৃ-বৃত্তা-  
ন্তও কিছুই জ্ঞাত ছিল না; অপর সে শ্রুত হই-  
য়াছিল যে তাহার পিতা কিয়ৎকাল রোম-নগরে  
বাস করিয়াছিল; অতএব ভৃত্যোক্ত এই ও এব-  
ল্পুকার অন্যান্য বিশ্বাসজনক বাক্যে মুগ্ধ হইয়া  
তাহার সহিত সহোদরা-দর্শনে যাত্রা করিল।

প্ৰস্তাবিত স্ত্রী এক প্রশস্ত অটালিকায় বাস  
করিত এবং তাহার গৃহে সুবেশা দাসী ও তৈজ  
সাদি দ্রব্য সামগ্ৰী কিছুই অপুতুল ছিল না।  
তদৃষ্টে গিগোরিও বোধ করিল, গৃহস্বামিনী  
অবশ্যই ভদ্র রমণী হইবেন, এবং তাহার সহিত  
বাক্যালাপে মুগ্ধ হইয়া পরম বিশ্বস্ত হইল  
যে সে অবশ্যই তাহার ভগিনী বটে, তাহাতে  
তিলান্ন সন্দেহ নাই। অপর ঐ শঠস্ত্রীও তা-  
হাকে মোহিত-করণার্থে আপন সমস্ত বাগ্জাল  
প্ৰসারণ করিতে ত্রুটি করে নাই। সে গিগো-  
রিওর দর্শনমাত্র সজলময়নে “হে ভ্রাতঃ, হে  
ভ্রাতঃ” এই সম্বোধন-পূর্বক তাহার গলদেশ  
ধারণ করত মস্তকের আঘাণ লইল, ও মাতৃ-পিতৃ-  
শোক পুনরুদ্দীপন হইয়াছে, বলিয়া ক্রন্দন করি-

তে লাগিল। অতঃপর যৎপরোনাস্তি সমাদর  
ও স্নেহ-বিষয়ক-নানাবিধ-বাক্যালাপে দিবাব-  
সান হইলে গিগোরিও বাসায় যাইবার মানস  
প্রকাশ করিল। কিন্তু ঐ স্ত্রী তাহাতে সম্মত  
না হইয়া কহিল; “আমি তোমার সহোদরা;  
আমার বাটীতে অদ্য আহার না করিয়া তুমি  
কি প্রকারে অন্যত্র যাইতে চাহ? ত্রিংশৎ-  
বৎসর-পরে ইষ্টদেবের কৃপায় অদ্য ভ্রাতার  
সহিত সাক্ষাৎ হইয়াছে; তাহার সহিত একত্রে  
ভোজন না করিয়া প্ৰাণ ধারণ করিতে পারিব  
না; অতএব তোমাকে অদ্য অবশ্যই আমার  
গৃহে ভোজন করিতে হইবেক।” গিগোরিও  
কহিল; “বাসায় সজ্জিরা আমার প্রতীক্ষা করি-  
তেছে; আমি যে পর্যন্ত না যাইব সে পর্যন্ত  
তাহারা আহার করিবে না; অতএব অদ্য আ-  
মাকে ক্ষমা কর, আমি কল্য আসিয়া এখানে  
ভোজন করিব।” ঐ বাক্য শ্রবণমাত্র বাকচাতুর্যে  
অত্যন্ত-কুশলা কম্পিতা ভগিনী অশ্রু-নিষ্ক্ষেপ  
করিতে ২ কহিল; “হে বিধাতঃ! আমার ভাগ্য  
এমত মন্দ! ভূমণ্ডলে আত্মীয়-মধ্যে এক-মাত্র  
ভ্রাতা, আমি তাহারও স্নেহপাত্র হইলাম না।  
ভাই, তুমি আমাকে পূর্বে জানিলে আমার গৃহ  
ত্যাগ করিয়া ভেটেরাথানায় যাইতে চাহিতে না।  
হায়! কি দুর্ভাগ্য! আমরা এক পিতার সন্তান,  
এক গর্ভে জাত, ও এক-মাতৃ-স্তনে প্রতিপালিত  
হইয়াও পরস্পর মর্চনিতে অক্ষম হইলাম।  
গিগোরিও, মা বর্তমান থাকিলে তুমি কি  
এমনি করিয়া আমার মনোবেদনা দিতে পা-  
রিতে?” এবং এই কথা বলিয়া অত্যন্ত ক্রন্দন  
করিতে লাগিল। গিগোরিও একান্তে অবসৃত  
হইতে না পারিয়া অবশেষে ছদ্মবেশিনী ভগিনীর  
নিকটে ভোজনার্থে রহিল।

দৈব বা কম্পিত ব্যাঘাতে ভোজন-সমাপনে  
প্ৰায়ঃ ৯ ঘণ্টা রাত্রি হইল; তৎপরে গিগোরিও  
বাসায় যাইবার প্ৰস্তাব করিতে তন্তুগিনী কহিল;  
“ভ্রাতঃ! আমি বড় দুঃখিত হইলাম যে আহার  
প্ৰস্তুত হইতে এত বিলম্ব হইয়াছে; কিন্তু এক্ষণে  
তোমার বাসায় যাওয়া কোন মতে উচিত নহে!  
তুমি বিদেশী; রোম-নগরের পথ ঘাট কিছুই  
জ্ঞাত নহ; এই অন্ধকার রাত্রিতে তুমি কো-  
থায় যাইতে কোথায় যাইবে তাহার স্বেচছ  
নাই; অধিকন্তু এ নগর দস্যুতে পরিপূর্ণ; স-  
ক্ষ্যার পর দ্বার-বহির্দেশে যাইতে হইলে প্ৰাণের  
আশা পরিত্যাগ করিতে হয়। আমি জানিয়া  
তোমাকে কি প্রকারে এমত সঙ্কটে প্রেরণ  
করিব? তুমি অদ্য এই খানে অবস্থান কর;  
কল্য প্ৰাতে বাসায় যাইবে।” গিগোরিও এই  
বাক্য উল্লঙ্ঘন করিয়া বাসায় যাইবার অনেক  
চেষ্টা করিল, কিন্তু কোন মতে মায়াবিনী ভগি-  
নীর অনুরোধ খণ্ডিতে পারিল না; অধিকন্তু  
চোরের ভয়ে স্বর্ণমুদ্রাগুলিন সর্বদা আপন কটি-  
দেশে বদ্ধ রাখিত, তাহা সঙ্গে লইয়া রজনী-  
যোগে দস্যুপূর্ণ-পথে ভ্রমণ-করা কোন মতে  
শ্রেয়ঃ নহে, বোধ করিল; সুতরাং সে রাত্রি  
তাহার তথায় বাস করাই স্থির হইল; এবং  
তাহার ভগিনী ঐ অবস্থানের বাস্তা তাহার বা-  
সায় পাঠাইতে উদ্যত হইল।

রাত্রি দশটার সময়ে গিগোরিওর ভগিনী তা-  
হাকে সুসজ্জীভূত এক ঘরে লইয়া গিয়া কহিল;  
“ভ্রাতঃ দুঃখিনীর এই গৃহে অদ্য শয়ন কর;  
রাত্রি-মধ্যে কোন দস্যুর প্রয়োজন হয় এই  
উপস্থিত ভৃত্যকে অনুমতি করিও।” এই কথা  
বলিয়া এক জন ভৃত্যকে সম্মুখে রাখিয়া সে  
আপন শয়নালয়ে প্ৰস্থান করিল।

গিগোরিও ঘরের চতুর্দিক বিলক্ষণ করিয়া নিরীক্ষণ করত, সকল দ্বার গবাক্ষ সহস্বে বদ্ধ করণ-পূর্বক দেহহইতে আপন বস্ত্রাদি বিমুক্ত করিয়া শয্যার উপর স্থাপন করিল, ও একবার বহির্দেশহইতে আসিয়া শয়ন করিবে মানসে ভৃত্যকে জিজ্ঞাসিল, “বহির্দেশ যাইবার স্থান কোথায়?” সে তদগৃহ-পার্শ্বেই এক কাঠের বারাগু দেখাইয়া দিলেক; কিন্তু গিগোরিও তথায় যাই-বামাত্র তাহার তল ভাঙ্গিয়া গেল, এবং গিগোরিও তন্নিম্নে এক মলকুণ্ডে নিপতিত হইল। ঐ সঙ্কটে সে পুনঃ ২ ভৃত্যকে ডাকিল, কিন্তু কেহ উত্তর দিলেক না; করে কি? বহুকষ্টে কুণ্ডহইতে উঠিয়া রাজপথে আইল, এবং ভগিনীর দ্বারে গিয়া উচ্চৈঃস্বরে তাহাকে ডাকিতে লাগিল; কিন্তু কেহই কোন উত্তর দেয় না; অবশেষে এক জন ভীষণাকার দস্যু গবাক্ষহইতে শিরঃপ্ৰসারণ করিয়া কহিলেক, “কে রে, দ্বারে এত রাত্রে গোল করিতেছে? চৌকিদার, এ বেটাকে দূর করিয়া দেহ।” গিগোরিও কহিল; “আমি এই গৃহ-স্বামিনীর ভ্রাতা; দৈবাৎ বারাগুহইতে পড়িয়া গিয়াছি; তাহাকে একবার ডাকিয়া দেহ”। দস্যু কহিল; “রাখ, শালা, তোর মাতলামি রাখ; শীঘ্র দূর হও, নহিলে ঈট ফেলিয়া তোর মাথা ভাঙ্গিব।” গিগোরিও নম্রভাবে অনেক মৃদু কথা কহিলেন; কিন্তু তদুত্তরে, কটুকাটব্য ভিন্ন আর কিছই উত্তর পাইলেন না; অধিকন্তু তাহাদের গোলে প্রতিবাসিরাও উঠিয়া অনেকে দুর্ভাগ্য কহিতে লাগিল। এমত সময়ে এক জন পথিক গিগোরিওর বিবরণ শুনিয়া কহিল; “তোমার ভাগ্য ভাল যে এই দস্যুণীর গৃহে প্রাণচ্যুত হও নাই; এ বেশ্যার পত্নী; এস্থানে এ অবস্থায় তোমার এমত সময়ে থাকা উচিত নহে।

যাহা হইবার তাহা হইয়াছে, এইকণে পলায়ন কর।” কলতঃ তত্রত্য লোকেরা যে প্রকার তর্জন গর্জন করিতে ছিল তাহাতে তথায় তিষ্ঠন ভার; সুতরাং গিগোরিও এক সহসু স্বর্ণমুদ্রা ও বস্ত্রাদি চ্যুত হইয়া-বিষ্টা পুলিষ্টাঙ্গে তথাহইতে প্রস্থান করিয়া মনে করিল নগর-সম্মুখস্থ নদীতে স্নান করিয়া বাসায় যাইবে; কিন্তু এই অভিপ্রায়ে কিয়দূর যাইতে না যাইতে দেখিল, অস্ত্রধারী দুই ব্যক্তি তাহার দিগে আসিতেছে, এবং তদৃষ্টে মনে করিল, যে তাহারা বুঝি প্রহরী হইবেক, তাহাকে ধরিতে আসিতেছে, সুতরাং অত্যন্তভয়ে পথপার্শ্বে এক নির্জন বাটার ভিতর লুক্কাইত হইল।

দৈবের এমনি ঘটনা ঐ ব্যক্তিদ্বয়ও ঐ বাটার মধ্যে প্রবেশ করিল, এবং দ্বারপ্রান্তে উপবিষ্ট হইয়া পরস্পর কথোপকথন করিতে ২ এক ব্যক্তি কহিল; “ভাই, এবাটাতে অদ্য বড় দুর্গন্ধ, বোধ হয়, পেওনীটেওনী কিছু আসিয়াছে”; অপর ব্যক্তি কহিল; “উহু, এ পেওনী নহে; এই-খানে কোথাও মল আছে; অথবা আমরা পথে বিষ্টা মাড়াইয়া থাকিব।” এই প্রকার কিঞ্চিৎ কথোপকথনের পরে উভয়ে আপন ২ কটিদেশ-হইতে লুক্কাইত দীপ বাহির করিয়া ঘরের সর্বত্র অন্বেষণ করিতে ২ দেখে, গিগোরিও মললিপ্ত হইয়া এক পার্শ্বে দণ্ডায়মান আছে। তাহাদের হস্তে ধরাপড়িবামাত্র গিগোরিও মুমূষুপ্রায় হইয়া তাহাদের চরণে পতিত হওত আপন দৌর্ভাগ্যের বিবরণ-বর্ণনপূর্বক পরিত্রাণ প্রার্থনা করিল। ঐ ব্যক্তিদ্বয় কহিল; “তোমার আর ভয় নাই, তুমি যে ঐ দুষ্টা স্ত্রীর হস্তহইতে প্রাণ লইয়া আসিয়াছ ইহাই পরম লাভ; এইকণে আমাদিগের সঙ্গে চল, তোমার মঙ্গল হইবে।

অদ্য এ দেশের রাজপুত্রের সমাধি হইয়াছে, তাহার অঙ্গে অনেক বহুমূল্য বস্ত্রালঙ্কার আছে; এক অঙ্গুরীয়কের মূল্যই সহসু স্বর্ণমুদ্রা; আমরা গোরহইতে শব তুলিয়া ঐ দুব্যাদি লই-বার মানসে যাইতেছি, তুমি আমাদিগের সা-হায্য করিলে কিঞ্চিৎ অংশ পাইতে পার”।

এই পরামর্শে তিন জনে গোরস্থানে চলিল; কিন্তু পথিমধ্যে এক জন তস্কর কহিল; “ভাই, আমাদের এ সঙ্গির দুর্গন্ধে বাঁচা ভার, চল কোথাও লইয়া গিয়া ইহার গাত্র ধৌত করিয়া দি।” তদনুসারে তাহারা নিকটস্থ এক কূপের কাছে গেল; এবং তথায় গিয়া কোন পাত্র না পাওয়াতে গিগোরিওর কটিদেশে রজ্জু বান্ধিয়া তাহাকে কূপমধ্যে নিক্ষেপ করিলেক; ও এই সঙ্কট নির্দিষ্ট হইল যে গাত্র প্রক্ষালনান্তর গিগোরিও রজ্জু নাড়িলেই তস্করেরা তাহাকে টানিয়া তুলিবেক। এই ব্যাপারের কিঞ্চিৎকাল পরে এক জন পিপাসু প্রহরির তথায় আসাতে তস্করেরা অবিলম্বে পলায়ন করিল, সুতরাং গিগোরিও কূপমধ্যেই নিমগ্ন রহিল, যত রজ্জু নাড়েন কিছুতেই কেহ তাহাকে উদ্ধার করে না। অন্ততঃ উক্ত প্রহরী আসিয়া কূপের রজ্জু তুলিতে ২ কহিতে লাগিল; “পাড়ার ছোঁড়ার কি দুষ্ট; পাতকুয়ার দড়ি গাছায় এত ঈট বাঁধিয়া জলে ফেলিয়া গিয়াছে যে তোলাই ভার; থাক, সব শালাকে, কাল থানায় লইয়া যাচ্ছি।” পরে রজ্জু তুলিয়া দেখে, ইষ্টকের পরিবর্তে এক দিগম্বর পুরুষ উঠিল, এবং তদৃষ্টে ভূত বোধে অত্যন্ত বেগে পলায়ন করিল; একবারনাত্রও ফিরে চাহিবার ভরসা হইল না।

গিগোরিও এই প্রকারে কূপহইতে মুক্ত হইয়া জগদীশ্বরের ধন্যবাদ করিতেছে, এমত সময়ে

পূর্বোক্ত তস্করেরা প্রত্যাবর্তন করত তাহাকে সকল বিবরণ ব্যক্ত করিলেক, ও আপনাদিগের কিয়ৎ বস্ত্র তাহাকে পরিধিত করাইয়া তিন জনে একত্রে গোরস্থানে গমন করিল।

রাজপুত্রের গোর ইষ্টকনির্মিত, অতিগভীর কুণ্ডাকার; তাহার অধোভাগে এক কাঠের সিন্দুক রাজপুত্র-শব সংস্থাপিত ছিল, এবং গোরের মুখ বৃহৎ এক পুস্তরদ্বারা আচ্ছাদিত ছিল। তস্করেরা আসিয়া তিন জনে অনেক-কেশে ঐ পুস্তরের এক দেশ কিঞ্চিৎ উচ্চ করত একটা কাঠের ঠেকুয়া দিলেক; পরে ঐ গোরের মধ্যে কে প্রবেশ করিবে, এই বিবাদ করিতে লাগিল; ভূতের ভয়ে কেহই তথায় যাইতে চাহে না। অবশেষে তস্করদ্বয় ভাঙনার ভয়-প্রদর্শন-পূর্বক গিগোরিওকে তন্মধ্যে প্রেরণ করিলেক। সে অগত্য তন্মধ্যে গিয়া শবের-বস্ত্রাভরণ হরণ করত সঙ্গি-দিগকে তুলিয়া দিতে লাগিল; এবং তৎনময়ে মনে করিল; “যে এ চোরেরাত আমাকে কোন অংশ দিবেক না, অতএব আমার অংশ এই খানে লওয়াই উচিত”। এই বোধে শবের অঙ্গুরীয়কটি লুক্কাইয়া অপর সকল দুব্য তস্করদিগকে দিল। তাহারা অঙ্গুরীয়কের নিমিত্তে পুনঃ ২ কহিতে লাগিল, কিন্তু গিগোরিও “যাহা কিছু ছিল, তৎতাবৎই দিয়াছি, আর কিছু নাই”, বলিয়া প্রতারণা করিতে লাগিল। অবশেষে তস্করেরা কষ্ট হইয়া গোরোচ্ছাদন-পুস্তরের ঠেকুয়া বিমুক্ত করত প্রস্থান করিল; সুতরাং জীবিত গিগোরিও শবের সহিত গোরের প্রোথিত হইলেন। তৎকালে তাহার মনোযাতনার আর ইয়ত্তা রহিল না; কোথায় অস্থ ক্রয় করিয়া আপনার সুখসম্পত্তি বৃদ্ধি করিবেন; কোথায় সর্ব্ব চ্যুত হইয়া প্রাণসত্ত্বে গোরস্থ হইলেন।


তখন ক্রন্দন বই আর গতি নাই, কিন্তু তদবস্থায় ক্রন্দনে কি মনোবেদনার শান্তি হয়? সকলই অন্ধকার; সম্মুখে শব; এবং গোরমধ্যে অনাহারে মৃত্যু উপস্থিত; ইহাহইতে ভয়ঙ্কর ব্যাপার আর কি হইতে পারে? পরন্তু কি করেন? তাঁহার এমত শক্তি ছিল না, যে একক প্রস্তুত ঠেলিয়া তুলিতে পারেন; অপর গোরমধ্যে শব্দ করিলে বাহিরে কেহ শুনিতে পায় না; আর গোরস্থানে শুনিবার লোকই বা কোথায়? অগত্যা মূমূষুপ্রায়ঃ হইয়া সজলনয়নে শবের উপর শয়ন করিলেন। তদবস্থায় প্রায়ঃ দুই ঘণ্টা কাল গত হইলে তাঁহার বোধ হইল যেন কেহ গোরের প্রস্তর সঞ্চালন করিতেছে; এবং তদবিলম্বে ঐ প্রস্তর উচ্চীকৃত হইল; এমত সময়ে এক জন কহিল, “ভাই, তোমরা কেহ গোরের অবতরণ কর; ইহার মধ্যে ভূত আছে, আমি তথায় যাইব না”। অপর এক জন কহিল; “তবে আমিও যাইব না, আর কেহ যাউক”; এই প্রকারে পাঁচ ছয় ব্যক্তি গোরের মুখনিকটে বিবাদ করিতে লাগিল; কেহই গোরের নামিতে স্বীকৃত হয় না; অবশেষে এক জন কহিল; “আচ্ছা, আমি যাইতেছি, চোরকে ভূতের ভয় কি? কিন্তু আজি যাহা লাভ হইবে তাহার বেসীভাগ আমাকে দিতে হইবেক”। এই কথা বলিয়া সেই ব্যক্তি গোরমধ্যে একটি পদ প্রবিষ্ট করিলেক, কিন্তু ঐ লগ্নেই গিগোরিও তাহার পদ ধরিয়া এক টান দিল; ঐ টানিবামাত্র প্রাণভয়ে কে কোথায় যে পলায়ন করিল তাহার কোন উদ্দেশ্য রহিল না; গোরের মুখ রোধ করিবার অবকাশ কোথায়? সুতরাং তাহাদিগের পলায়নান্তর গিগোরিও অনায়াসে গোরহইতে নিঃসৃত হইয়া সহস্র স্বর্ণমুদ্রার পরিবর্তে তন্মন্দের একটি অঙ্গুরীয়ক লইয়া স্বস্থানে

প্রস্থান করিল; এবং তাহাতেই আমাদিগের এই উপন্যাসেরও দক্ষিণান্ত হইল।

### কার্প বা বিলাতি রোহিত মৎস্য।

মৎস্য-ধৃত-করণার্থে বঙ্গদেশীয় মনুষ্যেরা যে প্রকার তৎপর বিলাতীয় মনুষ্যেরা তদপেক্ষায় ন্যূন নহে। তদ্দেশেও অনেকে জলে রৌদ্রে ও কন্দমে প্রায়ঃ অর্দ্ধ-দেহ-নিমগ্নাবস্থায় সমস্ত দিবস যাপন করত সন্ধ্যার সময়ে দুই একটি মৎস্য লইয়া, কদাপি যথেষ্ট মীনভারে পুলকিত হইয়া, কখন বা রিক্তহস্তে মূমূষুপ্রায়ঃ হইয়া, গৃহে প্রত্যাবর্তন করিয়া থাকে। ওয়াশটন নামা এই প্রকার এক জন মীনব্যাপ মৎস্য-ধরিবার উপায় ও হস্তব্য-মৎস্যের স্বভাব-বিষয়ক একখানি সুপাঠ্য গ্রন্থের রচনা করিয়া গিয়াছেন। তিনি রোহিত-সম্বন্ধে লেখেন, “এই মৎস্য নদী ও পুষ্করিণী বাসী; ইহার তুল্য আনন্দপ্রদ, সুচতুর, রসনা-বিমোহনকারী, আর কোন মৎস্য মনুষ্যের নয়নগোচর হয় নাই”। ফলতঃ মৎস্য-ব্যাপেরা যে রোহিতের প্রশংসা করিবেন, ইহা আশ্চর্য্য নহে, কারণ ছীপে ধরিবার উপযুক্ত মৎস্য রোহিতের তুল্য কেহই নহে।

ইংলণ্ডদেশীয় রোহিত মৎস্যের নাম “কার্প” পূর্বকালে তথায় কার্পমৎস্যের প্রচার ছিল না। প্রায়ঃ চারিশত বৎসর হইল, তাহা করানিস্-দেশহইতে বিলাতে নীত হয়; এবং তদবধি ইংলণ্ডের সর্বত্র ঐ মৎস্য ব্যাপ্ত হইয়াছে; অনেকে গণনা করিয়া দেখিয়াছেন, যে পাঁচ সের পরিমিত একটি কার্পমৎস্য সপ্তলক্ষ অণু প্রসব করিয়া থাকে, সুতরাং ইহা অল্পকাল মধ্যে



কার্প বা বিলাতি রোহিত মৎস্য।

যে পুষ্করিণ্যাди ব্যাপিয়া কেলিবেক, তাহা কোন মতে আশ্চর্য্য নহে। অপর এই মৎস্য অতি কষ্টসহ-প্রাণবিশিষ্ট (কাঠিন প্রাণী); অনায়াসে এক-মাসকাল স্থলে যাপন করিতে পারে। কথিত আছে, ওলন্দাজদিগের দেশে ধীবরেরা রোটিকা এবং দুগ্ধ খাওয়াইয়া এই মৎস্যকে শৈবাল আচ্ছাদন-পূর্বক মৎস্য তদুপরি কিঞ্চিৎ জল সিঞ্চন করত অনায়াসে ডেড় মাস কাল স্থলে রাখিয়া থাকে; সুতরাং মৎস্য পচিয়া ক্ষতি হইবার আশঙ্কায় তাহাদিগকে শঙ্কিত হইতে হয় না; যখন ইচ্ছা তখনই সজীব মৎস্য বিক্রয় করিতে পারে।

কার্প এবং রোহিত মৎস্য প্রত্যহ খাদ্য দ্রব্য

প্রাপ্ত হইলে অনায়াসে মনুষ্যের বশীভূত হইয়া থাকে। এই-প্রস্তাব-লেখক রোহিত-মৎস্যকে স্বহস্তেতে ময়দা খাইতে দেখিয়াছেন। প্রাচীন দেশীয় রাজ্যোদ্যানে এক তড়াগ আছে, তন্মিকটে ষণ্টাধনি করিলেই অনেক কার্প মৎস্য তটনিকটে একত্র হইয়া থাকে; এবং প্রত্যহ কিঞ্চিৎ খাদ্য দ্রব্য প্রাপ্ত হয়।

কার্প-মৎস্যের কায়িক লক্ষণ বর্ণন করিয়া বিফল; পাঠক মহাশয়েরা উপরে মুদ্রিতচিত্র-দৃষ্টে অনায়াসে তাহার অনুভব করিতে পারিবেন। এই মৎস্যের পরিমাণ ৫১৭ সের, বৃদ্ধ হইলে তদ্বিগুণ বা ত্রিগুণ হয়; কিন্তু প্রায়ঃ অর্দ্ধ মনোর অধিক হয় না।

## গলিবরের ভ্রমণবৃত্তান্ত।

তক্ষেপে অধঃপতিত হইবাতে অশ্ব-  
টির বামকক্ষে কিঞ্চিৎ আঘাত  
লাগিয়াছিল, কিন্তু ঘোটকাবৃন্দের  
গাত্রাদি ক্ষত হয় নাই। আমি তৎকালে সেই  
ছিল কমালখানি এক প্রকার সীবন করিয়া প্রস্তুত  
করিয়াছিলাম, কিন্তু তাহার দৃঢ়তাবিষয়ে আমার  
আস্থা হয় নাই, সুতরাং তদবলম্বনে এতাদৃশ  
ভয়ঙ্কর ব্যাপার সম্পাদন করা সুদূরপর্যন্ত  
হইয়া উঠিল।

মুক্ত হইবার প্রায় দুই তিন দিন পূর্বে যখন  
আমি রাজভবনে এ সকল আশ্চর্য্য ব্যাপার-  
দর্শনার্থ নীত হইয়াছিলাম, তখন রাজসম্মিধানে  
ক্রতবেগে এক দূত আসিয়া এই সংবাদ প্র-  
দান করিল, “মহারাজ! আপনকার রাজ্যের  
কএক জন অশ্বাকৃৎ প্রজা নগরপর্যটনবাস-  
নায় ইতস্ততঃ পরিভ্রমণ করিতে ২ পূর্বে যে  
স্থানে নরশৈল আনীত হইয়াছিল, তথায় ভূমি-  
পতিত এক প্রকাণ্ড কৃষ্ণবর্ণ পদার্থ দেখিতে  
পাইয়া অতিশয় চমৎকৃত হইয়াছে। ঐ দ্রব্য  
দেখিতে অতি কদাকার, এবং নম্রতায়ুক্ত মণ্ডলা-  
কার। তাহার পরিসর আপনকার শয়নাগারের  
তুল্য হইবেক। তাহার দীর্ঘতা মনুষ্যের সমান।  
ঐ প্রজারা ইহা ঘাসের উপরি স্পন্দনপতিত  
থাকিতে দেখিয়া নির্জীববস্তু বোধে বারম্বার  
ইহার চতুর্দিকে ভ্রমণ করিয়া বেড়াইয়াছে,  
এবং এক জনের স্কন্ধে এক জন তদুপরি আর  
এক জন আরোহণ পূর্বক তাহার উপরি উঠি-  
য়াও দেখিয়াছে, যে তাহার উপরিভাগ পরি-  
সরযুক্ত ও সমান। পা দিয়া চাপিয়া বেড়াইতে ২  
তাহাদের বোধ হইয়াছে তাহার ভিতর শূন্য।

ইহাতে তাহারা অনুমান করিয়াছে, এ অবশ্যই  
নরশৈলের কোন ব্যবহার্য্য বস্তু হইবেক, সন্দেহ  
নাই। যদি মহারাজ অনুমতি করেন, তাহা হইলে  
তাহাদিগ-দ্বারা পাঁচ অশ্বে বোঝাইয়া ঐ বস্তু  
রাজভবনে আনীত হইতে পারে”। এই সকল  
কথা শ্রবণমাত্র আমার তৎকালেই সেই বস্তুর  
তাৎপর্য্য বোধ হইল, এবং তৎসংবাদ পাওয়াতে  
আমার মনে মনেও যথেষ্ট আনন্দ জন্মিল।  
অনুমান হইল, আমাদের পোত ভগ্ন ও জলমগ্ন  
হইবার পরে আমার প্রথম তটস্পর্শ করণ সময়ে  
আমি এমনি অবসন্ন হইয়াছিলাম, যে আমার  
নিদ্ৰিত হইবার স্থানে উপস্থানের পূর্বে আমার  
টুপিটি কোনরূপে খুলিয়া পাড়িয়া থাকিবেক,  
তাহা জানিতে পারি নাই। তাহা ফিতার সহিত  
আমার মস্তকে দৃঢ়রূপে বদ্ধ ছিল, এবং সমুদ্রতরণ-  
সময়েও তাহা সর্বক্ষণ তরঙ্গে বাধিত হইয়া রহি-  
য়াছিল। অনুমান হয়, কোন কারণ-বশতঃ তাহার  
ঐ ফিতা ছিল হইয়া থাকিবেক, তাহা আমার  
জ্ঞাত হয় নাই, একারণ তাহা সমুদ্রেই পাড়ি-  
য়াছিল। যাহা হউক, তাহার উপযোগিতা ও  
স্থানের পরিচয় দিয়া রাজার নিকটে তাহা অবি-  
লম্বে আনাইবার অনুমতি প্রদান করিতে প্রার্থনা  
করিলে পর তিনি তাহাদিগকে ঐ বস্তু আন-  
য়ন করিতে আদেশ করিয়া পাঠাইলেন। পর-  
দিন শকটবানেরা সেই বস্তু আনিয়া রাজসভায়  
উপনীত করিলে দৃষ্ট হইল, তাহা তখন অতি  
দূরবস্তু হইয়াছে; তাহারা তাহার ধারহইতে তিন  
অঙ্গুলির মধ্যে দুই পার্শ্বে দুই ছিদ্র করিয়া তাহা-  
তে দুই হুক বাঁধিয়া রাখিয়াছে। ঐ দুই হুকে দুই  
গাছা লম্বা রজু বাঁধিয়া তাহা ঘোড়ার নাজের  
সঙ্গে শক্ত করিয়া বাঁধিয়াছিল। এই রূপে আমার  
সেই টুপিটি তাহাদিগ-কর্তৃক কিঞ্চিৎ নূনপাদ-

ক্রোশ পথ আনীত হইয়াছিল। যে সময়ে ধরা-  
তলে তাহা অবতরিত হইল, তখন তাহার সকলই  
পচিয়া গিয়াছিল।

এই ব্যাপারের দুই দিন পরে রাজা বি-  
নোদোম্মুথ হইয়া আপন রাজধানীহ চতুর্থাংশ  
সৈন্যকে প্রস্তুত হইতে আদেশ করিলেন;  
কারণ তিনি আমাকে যথাসাধ্য পাদদ্বয়ে  
নির্ভর করিয়া সরলভাবে দণ্ডায়মান দেখিতে  
নিতান্ত অভিলাষী হইয়াছিলেন। অনন্তর আমি  
দণ্ডায়মান হইলে তিনি সন্নিহিত মদেকসহায়  
আপন সেনানায়ককে অনুমতি করিলেন, “তুমি  
নরশৈলের পাদদ্বয়ের মধ্য দিয়া এই উপস্থিত  
সেনানী লইয়া গমন কর”, তাহাতে সেনাপতি  
তৎক্ষণাৎ তাহাই করিলেন। সমুদ্র সৈন্যের  
সঙ্খ্যা তিন সহস্র পদাতিক, ও সহস্র অশ্বা-  
কৃৎ। যৎকালে তাহারা আমার বঙ্কণের নীচে  
দিয়া চলিয়া যায়, তখন তাহাদের সবিস্ময়-  
হাস্যের আর ইয়ত্তা রহিল না।

এই রূপে আমি স্বাধীনতা প্রাপ্তির জন্য  
ভূরি ২ বিশ্বাসজনক ব্যাপার, ও সময়ে ২ সবি-  
নয়ে প্রার্থনা করিতে ২ পর্য্যবসানে রাজার তৃপ্তি  
জন্মাইলাম। তিনি সম্পূর্ণ মতা করিয়া তাহাতে  
আমার যাত্রার বিষয় প্রস্তাব করিলেন। সকলেরি  
মত হইল, কেবল আমার একমাত্র বোধোদ্যত  
শত্রু (স্কিরেস্ বানগোলাম্) সেই মতে মত প্রদান  
করিল না। ইহাতে তাহার উপরি সকল সভ্যের  
সহিত একবাক্য হইয়া রাজা অত্যন্ত বিরক্ততা  
প্রকাশ করিতে লাগিলেন। রাজমন্ত্রী বা প্রদেশা-  
ধ্যক্ষ [বানগোলাম্কে] প্রভুর নিতান্ত মতাবলম্বী  
এবং বিশেষরূপ কার্য্যজ্ঞ ব্যক্তি বলিলে ও বলা  
যায়, কিন্তু সে কঠোরচিত্ত, ও বিষদর্শন ছিল।  
যাহা হউক, পরিণামে সেও সম্মত হইল, কিন্তু

যে কথায় ও যে নিয়মে আমাকে শপথ করা-  
ইয়া মুক্ত করিতে মনস্থ করিলেন, তাহা সে  
স্বহস্তে লিখিয়া প্রস্তুত করিবার যত্ন করিতে লা-  
গিল। শপথ-করাওনের ধারা-সকল লিখিত হইয়া  
প্রস্তুত হইলে পর (স্কিরেস্ বানগোলাম্) দুই  
জন সহকারি অধ্যক্ষ ও অন্যান্য উচ্চপদস্থ কতি-  
পয় ব্যক্তিকে সমভিব্যাহারে লইয়া স্বয়ং শশ-  
রীরে সেই পত্রসহিত আমার নিকটে উপস্থিত  
হইল। আমার নিকটে তাহারা সেই পত্র পাঠ  
করিয়া শুনাইলে পর আমি তল্লিখিত সমুদয়  
বিষয় সম্পাদনে প্রতিশ্রুত হইয়া শপথ করিতে  
উদ্যত হইলাম। প্রথমতঃ আমার স্বদেশীয় রীত-  
নুসারে, অনন্তর তাহাদের ব্যবস্থাপিত প্রধান-  
সারে আমাকে শপথ করিতে হইল। তথাকার  
শপথকরণপুথ্য যে প্রকার তাহা পাঠকবর্গের  
সুগোচরকরণার্থ প্রকাশ করা যাইতেছে। অগ্রে  
আমাকে বামহস্ত দিয়া দক্ষিণপাদ ধরিতে  
এবং পরে দক্ষিণ হস্তের মধ্যমাঙ্গুলী দিয়া শি-  
রোভাগ ও তাহার বৃদ্ধাঙ্গুলীদ্বারা দক্ষিণকর্ণের  
উপরিভাগ স্পর্শ করিয়া থাকিতে হইল। তত্রত্য  
ব্যক্তিদিগের এই রীতি নীতি ব্যবহারাদি স্পষ্ট-  
রূপে জানাইবার অভিপ্রায়ে প্রতিজ্ঞাপত্রের  
লিখিত-নিয়ম-সকল অবিকল অনুবাদিত করিয়া  
প্রকাশ করা যাইতেছে, পাঠকবর্গ মনোনিবেশ-  
পূর্বক তত্তাবতের মর্ম্ম অবগত হইবেন।

“প্রবল-প্রভাপ, জগদানন্দভরভাজন, বট-  
ক্রোশবিস্তারিতসাম্রাজ্যধুরস্বররাজরাজ, দীর্ঘকায়-  
জিতপ্রজ, নিম্নমধ্যতলপ্রপদয়ুগল, নিকরদিন-  
করশিরা, সঙ্কেতমাত্রসম্মুখভূমিপাতিতজানু-রাজ-  
বর্গ, বসন্তবন্মনোহর, নিদাঘ-বৎ সন্তোষক,  
শরদ্বৎ কলভরসম্পন্ন, শীতবৎ সকল-চিত্তসং-  
কোচক, শ্রীমম্মহারাজাধিরাজ লিলিপটাধিনাথ

খ্রীলখ্রীযুক্ত মল্লী আলীও মহোদয় বাহাদুর স্বীয় স্বর্গকল্পসাম্রাজ্যে অচিরোপনীত-নরশৈল-সন্নিধানে এই প্রস্তাব করিতেছেন যে তাঁহাকে নিম্নে লিখিত নিয়ম পত্রিকার কএক ধারানুসারে শপথ করিতে হইবেক।

“(১) নরশৈল আমার রাজকীয় গৃহমুদ্রাক্ষিত (খাস শিলমোহরসম্বলিত) অনুমতিপত্র না পাইলে কদাচ রাজ্যান্তরে যাইতে পারিবেন না।

“(২) নরশৈলের আগমনকালীন রাজ্যের প্রবেশদ্বারে তাবৎ প্রজাকে সাবধানে রাখিতে হইবেক, কারণ রাজকীয় প্রকাশ্য আদেশ না পাইলে তাহার রাজধানীর মধ্যে প্রবেশের ক্ষমতা থাকিবেক না।

“(৩) উক্ত নরশৈল কেবল প্রসিদ্ধ রাজপথেই গমনাগমন করিতে পারিবেন। শস্যাদির ক্ষেত্রে তাহাকে ভ্রমণ বা উপবেশনাদি করিতে দেওয়া যাইবেক না।

“(৪) ভ্রমণকালীন রাজপথগামী কোন রাজকীয় প্রীতিভাজন প্রজার শরীরে, বা তাহাদের অশ্বে, কিম্বা শকটে তাহার দেহ স্পর্শ না হয়, এমন রূপে নরশৈলকে সাবধান হইয়া চলিতে হইবেক, এবং তাহাদের বিনা অনুমতিতে কাহাকেও স্বহস্তে তুলিয়া লইতে পারিবেন না।

“(৫) যদি কখন কোথায়ও কোন আশ্চর্য্য সংবাদবাহক প্রেরণের আবশ্যিক হয়, তাহা হইলে নরশৈলকে তাহাকে লইয়া যাইতে হইবেক। প্রতি শুক্লপক্ষেই এই ব্যাপার ঘটিয়া থাকে। পুনর্বার ঐ সংবাদবাহক পুরুষকে অশ্ব সহিত নির্বিঘ্নে বহন করিয়া আনিয়া রাজসমক্ষে উপস্থাপিত করিতে হইবেক, ইহার অন্যথা না হয়।

“(৬) শত্রুদিগকে আক্রমণ করিবার সময়ে নরশৈলকে আনাদের সহায়তা করিতে হইবেক।

এবং আমাদিগকে আক্রমণ করিবার নিমিত্ত যে সকল যুদ্ধপোত সুসজ্জিত থাকিবেক, নরশৈলকে তত্তাবৎ এককালে বিনা বিচারে জনমগ্ন করিতে হইবেক।

“(৭) স্থপতিগণকে রাজভবনের ভিত্তি রচনার জন্য যে সকল প্রস্তরখণ্ড তুলিতে হয়, অবকাশ পাইলে নরশৈলকে তাহাদিগকেও তৎকর্ত্তে সাহায্য করিতে হইবেক।

“(৮) সমুদ্রের উপকূলের যে সমস্ত ভূভাগ আমাদের রাজ্যের নীমাভুক্ত আছে, নরশৈলকে তাহা মাপিয়া তাহার মানচিত্র প্রতিমানে রাজগোচর করিতে হইবেক।

“এতাদৃশ নিয়মাত্মক প্রতিপালনে শপথপূর্বক প্রতিশ্রুত হইলে পর নরশৈলকে প্রতিদিন ভোজনপানের দ্রব্য উপযোগ করিবার ব্যবস্থা করা যাইবেক। এই রাজ্যের ১৭২৪ জন প্রজার ভোজ্য ও পেয় দ্রব্য নরশৈলের দৈনিকবৃত্তি দেওয়া যাইবেক। ইতি দ্বাদশী তিথি। লিলিপট রাজ্য প্রারম্ভাবধি একনবতিতন চন্দ্র”।

আমার অহিতাকাঙ্ক্ষী (ফিরেস্ বানগোলাম্) প্রণীত ঐ সকল নিয়মের কতিপয় সম্পাদন করা আমার বোধে অপমানজনক হইলেও তত্তাবৎ বিষয় সম্বলিত প্রতিজ্ঞাপত্রে পরম সন্তোষপূর্বক স্বাক্ষর প্রদান করিলাম। তাহাতে তৎক্ষণাত্ৰ অতিমাত্র ব্যগু হইয়া তাহারা আমাকে মুক্তশ্রুত্ব করিয়া স্বাধীন করিল। লিলিপটধিনাথ স্বয়ং মহাসমারোহে আমার সন্নিহিত হইয়া সম্মান প্রদান করিলেন। আমিও যৎপরোনাস্তি কৃতজ্ঞতা স্বীকার পূর্বক মহী-রামী-বিনীতির অবলম্বনে তাঁহার চরণে আত্মকে সমর্পণ করিলাম। ইহাতে তিনি অতি সদয়ভাবে আমাকে উঠাইয়া নানাপ্রকার অনু-

গৃহসূচক বাক্য প্রয়োগ করিতে লাগিলেন। তৎপ্রকাশে অভিমান প্রকাশ হইবার আশঙ্কায় তাহা এস্থলে উল্লিখিত হইল না। বিশেষতঃ রাজা আরো কহিতে লাগিলেন, “আমার মানস হয়, যে তুমি এই রাজসরকারে কর্মচারী হইয়া কাল-যাপন কর; সম্প্রতি তোমার প্রতি দয়া প্রকাশ করা গেল, এবং ভবিষ্যতেও তুমি অনন্যজন-সাধারণ রাজপ্রসাদভাজন হইতে পারিবে”।

আমার মোচনার্থ প্রতিজ্ঞাপত্রের অন্তিম নিয়মে ব্যক্ত আছে, যে রাজাকর্ত্তক আমার দৈনিকবৃত্তি বিধানার্থ ১৭২ জন লিলিপটীর খাদ্য ও পেয় সামগ্ৰী আমাকে প্রদত্ত হইবেক, ইহাতে পাঠকবর্গের আপাততঃ সন্তোষ জন্মিতে পারে। কএক দিন গেলে পর আমি এক জন সভ্যকে জিজ্ঞাসিলাম, রাজা আমার খাদ্যাদির পরিমাণ নির্ণয় কি প্রকারে করিলেন, তুমি ইহার কিছু জান? ইহাতে সে কহিল, “রাজসভায় কএক জন মহামহোপাধ্যায় জ্যোতির্বিদ পণ্ডিত নিযুক্ত আছেন, তাঁহারা প্রথমতঃ একগাছি লম্বা তার লইয়া তোমার শরীর মাপিয়াছিল। পরে সেই তারেতে এতদৈশীয় বার ২ জনের দেহমান লইয়া এক ২ অংশের চিহ্ন দিয়াছিল। এইরূপে গণনা করিয়া তাহারা নির্ণয় করিল, তোমার দেহ ১৭২৩ জন লিলিপটীর সমান। সুতরাং তদনুসারে তাহারা উক্তনুখ্য লোকের দৈনিক-খাদ্য-সামগ্ৰীতে তোমার ভোজনপান পর্যাপ্ত হইবার সন্তাবনা বোধ করিয়াছিল”। পাঠক মহাশয়ের বিবেচনা করিয়া দেখুন দেখি, তত্রত্য প্রজাগণের কীদৃশী সূক্ষ্মবুদ্ধি, এবং এতাদৃশ মহোদয় লিলিপটীধিরাজের কি প্রকার অলৌকিকী বিজ্ঞতা, ও যথার্থ পরিমিত ব্যয়িতা।

ইতি তৃতীয়াধ্যায় সমাপ্ত। রা না বি

## দেশভেদে জীবভেদ।

দেশভেদে উদ্ভিদ-বস্তুর যে প্রকার ভেদ হইয়া থাকে, জীব-সম্বন্ধেও সেই প্রকার বিনয়ন অবান্তর ভেদ প্রতীত হয়। বোধ হয়, বৃক্ষবৎ প্রত্যেক-জীবের এক বা ততোধিক নির্দিষ্ট স্থান আছে, তন্নিম্ন অন্যত্র তাহা নির্বিঘ্নে দেহযাত্রা নির্বাহ করিতে পারে না। জীব-মধ্যে মল্লিকীট ও প্রবালকীট সর্বাপেক্ষায় অধম; বহুকাল অনেকের বোধ ছিল, যে ঐ কীটসকল উদ্ভিদ পদার্থ, জীব-মধ্যে গণ্য নহে; পরন্তু তাহারাও পৃথিবীর সর্বত্র জন্মিতে পারে না; সমুদ্রের বিশেষ ২ স্থানে তাহাদের উৎপত্তি হইয়া থাকে; অধিকন্তু সমুদ্র-জলের উষ্ণতা-ভেদে ঐ কীটদিগের জাতি-ভেদ হয়; সুতরাং হিম-মণ্ডলের সমুদ্রে যে যাদৃশ প্রবালকীট প্রাপ্ত হওয়া যায়; ভারত সমুদ্রে তাদৃশ নহে। উক্তিকালযুদ্ধেও এই নিয়ম বলবৎ; প্রত্যেক স্থানের বিশেষ ২ উক্তিকা নির্দিষ্ট আছে, তন্নিম্ন অন্য উক্তিকা তথায় প্রায়ঃ উত্তমরূপে জন্মে না। মুক্তার ঝিনুক নিরক্ষ-বৃত্তের নিকটস্থ সমুদ্রে প্রাপ্য, অন্যত্র দৃষ্টিগোচর হয় না।

পতঙ্গাদি-বর্গের \* অধিকাংশ জীব উদ্ভিদ-পদার্থ ভক্ষণ করে; সুতরাং গ্রীষ্মমণ্ডলের প্রচুর-বৃক্ষ-লতা-দি-বিশিষ্ট দেশে তাহাদের সম্যগ্ বৃদ্ধি হইয়া থাকে। তন্মণ্ডলস্থ প্রজাপতি-সকল যাদৃশ সুচারু চিত্রিত, তাদৃশ আর কুত্রাপি সম্ভবে না। তথাকার খেদ্যোক্তিকা-সকল এক ২ সময়ে সমস্ত বনকে এমত প্রভাসিত করে যে বোধ হয়, সর্বত্র দাবানল প্রজ্বলিত হইয়াছে। তথায় অপর অনেক বিষাক্ত পতঙ্গাদি আছে, যাহাতে মনুষ্যের মহদনিকট কদাপি ইষ্ট সিদ্ধ হইয়া থাকে। ভিম-কুল, বোলতা, মধুমক্ষিকাদির নামোচ্চারণ করিলেই আনায়সে এ বিষয় সপ্রমাণ হইতে পারে। বন্যীকছারা মনুষ্যের কীদৃশ অপকার হয়, তাহা অনেকেই জ্ঞাত আছেন। দক্ষিণ-আমরিকার বন-মধ্যে স্থানে ২ মশকের এ প্রকার প্রাচুর্য্য যে দূরহইতে বোধ হয়, সমস্ত স্থান কোয়াসায় পরিপূর্ণ হইয়া আছে; তথায় মনুষ্যের

\* প্রজাপতি, ফড়িং, মক্ষিকা, বোলতা, দংশ, মসক, পিপীলিকা, লতা, তৈলপায়িকা, প্রভৃতি জীব এই বর্গে নির্মিত হয়।



তিষ্ঠন অনাথ্য । হিমমণ্ডলে পতঙ্গাদি-বর্গীয় জীবের প্রাচুর্য্য নাই, পরন্তু তথায় তাহাদের অত্যন্তাভাবও নহে; গ্লিন্‌লণ্ড এবং লাপলণ্ড দেশে গ্রীষ্মকালে এক-প্রকার মশক জন্মিয়া থাকে, তাহা অত্যন্ত ক্লেশপ্রদ ।

মৎস্য-বর্গেরও বিশেষ ২ স্থান নির্দিষ্ট আছে; কোন মৎস্য শুভাগে কোন মৎস্য হুদে, কেহ বা নদীতে, অপর কেহ সমুদ্রে জন্মিয়া থাকে । এক প্রকার বাইন-মৎস্য আছে, তাহাকে লার্শ করিবামাত্র অশ্ব-পর্য্যন্ত সকল পশু কল্পিত কলেবরে ভূমিতে পড়িয়া তৎক্ষণাৎ প্রাণ ত্যাগ করে; তাহার আবাস দক্ষিণ-আমেরিকার নদী, অন্যত্র কুত্রাপি ঐ মৎস্য প্রাপ্য নহে । ভূমধ্যসাগরে চারি প্রকার মৎস্য আছে, তাহাকে লার্শ করিলে দেহ কল্পিত হইয়া উঠে, কিন্তু তাহাতে প্রাণ হানি হয় না । হাঙ্গর গ্রীষ্মমণ্ডলে বাস করিয়া থাকে, সম বা হিম-মণ্ডলে তাহার প্রচার নাই । কোন ২ মৎস্য ঋতুভেদে স্থান পরিবর্তন করে । ইলিস এবং উপযী মৎস্য সর্ষদা ভারত-সমুদ্রে বাস করিয়া থাকে, কেবল অণ্ড-প্রসব-করণ-কালে নদী-মধ্যে প্রবেশ করে । হেরিং-মৎস্য হিমসমুদ্রবাসি, কিন্তু প্রতিবৎসর এক ২ বার দলবদ্ধ হইয়া সমুদ্রের সমুদ্রে অণ্ড-প্রসব করিতে আসিয়া থাকে, এবং তৎক্ষণাৎ-সমাধা হইলে স্বস্থানে প্রত্যাবর্তন করে । অপরূপের অনেক মৎস্য এই প্রকারে "সময়ে ২ এক স্থানহইতে অন্যত্র যাত্রা করিয়া থাকে ।

উষ্ণ-দেশে, বিশেষতঃ আমরিকা-খণ্ডের উষ্ণ স্থানে, সর্পাদি-বর্গীয় \* প্রাণীর অত্যন্ত প্রচার । শেযোক্ত স্থানে প্রতিবৎসর মৎপরোনাস্তি ভয়ঙ্কর বিষধর জন্মিয়া থাকে । কুম্ভীল, ঘড়িয়াল এবং গোসাপও তথায় অনেক আছে; তাহারা গ্রীষ্মকালে ক্রমাগত তিন চারি মাস মৃয়মাণ হইয়া নদ্যাদির গর্ভস্থ শুষ্ক-পক্ষে প্রোথিত থাকে; বর্ষার প্রারম্ভে বারির বর্ষণে জীবন প্রাপ্ত হইয়া স্বস্থ নির্দিষ্ট দেহকার্য্যে নিযুক্ত হয়; ফলতঃ অনেক জীবের দেহ-যাত্রা সম্বন্ধে শীত ও গ্রীষ্ম উভয়েই তুল্য; অত্যন্ত শীতে হিমমণ্ড-লের অনেক জীব যে প্রকারে চারি পাঁচ মাস ক্রমাগত নিদ্রা যায়, আমরিকার উষ্ণতা-প্রভাবেও কুম্ভীলাদির সেই অবস্থা ঘটিয়া থাকে । শীতের বৃদ্ধানুসারে সর্পাদি-বর্গীয় জীবের সঙ্খ্যা অল্প হয়, এবং বিষের ও বীর্য্যের হ্রাস

\* সর্প, কুম্ভীল, গোখা, টিকটিকি, কুম্ভ, গির্গিট প্রভৃতি প্রাণী সর্পাদিবর্গের অন্তর্গত ।

হয় । হিমমণ্ডলে সর্পাদির সঙ্খ্যা অত্যল্প এবং কেহই ভয়ঙ্কর বিষধর নহে ।

উদ্ভীজনশীল পক্ষীরা অনায়াসে এক স্থানহইতে অন্যত্র যাইতে পারে, তদৃষ্টে অনেকের বোধ হইতে পারে যে বিহঙ্গম-বর্গ সর্বত্র-ব্যাপি; তথা শকুন্যাদি অনেক পক্ষিও পৃথিবীর প্রায়ঃ সর্বত্র দৃষ্ট হইয়া থাকে; পরন্তু ইহা পক্ষিদিগের সাধারণ নিয়ম নহে; অপরূপের জীবদিগের ন্যায় তাহাদিগেরও জাতিভেদে বিশেষ ২ দেশ নির্দিষ্ট আছে । কণ্ডোর নামক বৃহৎ বাজ যাহা অনায়াসে দুই ক্রোশ উর্দ্ধে উড়িতে পারে তাহা কদাপি আপন নির্দিষ্ট কর্ডিলেরাপর্ন্তহইতে দূরে গমন করে না । কাকাতুরা, নুরি, বাঁড়নু প্র-ভৃতি শুকজাতীয় পক্ষীর জন্ম-স্থান ভারত-সামুদ্রিক-দ্বীপবৃহৎ, তদ্বহির্দেশে কুত্রাপি তাহারা দৃষ্টব্য নহে । দক্ষিণামরিকায় অনেক শুক আছে; কিন্তু তাহারা এতদেশীয় শুক-জাতিহইতে পৃথক্ । স্তরমূর্গ-পক্ষীর বাসস্থান আরব এবং আফরিকা; কানোয়ারি-পক্ষীর আবাস নুতনহলণ্ড এবং হোমা-পক্ষীর নিবাস জাবা, সুমাত্রা, বোর্নিও প্রভৃতি দ্বীপ; ইহারা কেহই ঐ নির্দিষ্ট স্থানের অন্যত্র অবস্থান করে না ।

অনেক পক্ষী ঋতুভেদে একস্থান পরিত্যাগ করত অন্যত্র প্রস্থান করে । প্রতিবৎসর বর্ষাকালে হাড্‌গিল পক্ষী কলিকাতা পরিত্যাগ করিয়া পর্ষতভিমুখে যায়, পরে বর্ষার নিবৃত্তি হইলে প্রত্যাগমন করে, ইহা অনেকেই জ্ঞাত আছেন । বন্যহংস ও বন্যকপোত-সকলও এই প্রকারে দেশ-ভ্রমণ করিয়া থাকে । বিলাতে বক, সারস, চাতক, প্রভৃতি পক্ষীরাও শীতকালে ইংলণ্ড-দেশ ত্যাগ করত কোন উষ্ণদেশে যাত্রা করে ।

অপরূপের জীবহইতে স্তন্যজীবী পশু প্রধান; তাহা-দিগের সূচাকার্য্য, সম্পূর্ণ ইন্দ্রিয়, এবং বুদ্ধিসংস্কারাদি অন্য জীবহইতে অনেকাংশে শ্রেষ্ঠ; অধিকন্তু ইহা-দিগের স্বভাবধর্ম্মাদি মনুষ্যদ্বারা উত্তমরূপে বিবেচিত হই-য়াছে, অতএব তাহাদিগের আলোচনায় প্রাকৃত-ভূগোল-সম্বন্ধীয় প্রাণিবিদ্যার সম্পূর্ণ উপকার সম্ভবে । ঐ পশু-দিগকে "স্তন্যজীবী" শব্দে কহি, কারণ ইহারা সকলেই বালাবস্থায় স্তন-পানদ্বারা পোষিত হয় । মনুষ্য ইহা-দিগের মধ্যে প্রধান । বানর, হস্তী, সিংহ, ব্যাঘ্র, খড়্‌গী প্রভৃতি প্রধান ২ পশুও ঐ স্তন্যজীবীদিগের অন্তর্গত ।

অশ্ব, গর্দভ, কুক্কুর, গো, মেঘ, ছাগ, শূকর, এবং বিড়াল গৃহপালিত-পশুর মধ্যে গণ্য; তাহারা মনু-ষ্যের সহবাসী; মনুষ্যের সহিত পৃথিবীর সর্বত্র ব্যাপ্ত হইয়াছে । যে ২ স্থানে মনুষ্যের সমাগম আছে, তথা-য়ই ঐসকল পশু অনায়াস-প্রাপ্য; কেবল গর্দভ অত্যন্ত-শীতল-স্থানে অবস্থান করিতে পারে না; ঐষৎ-গ্রীষ্ম স্থানেই তাহাদিগের প্রাদুর্ভাব । অশ্বের আদি জন্মভূমি আশিয়া-খণ্ডের মধ্যদেশ; তথাহইতে এই রূপে ঐ মহদুপকারি পশু ভূমণ্ডলের সর্বত্র ব্যাপিয়াছে । তিন শত বর্ষ হইল স্পেনীয় মনুষ্যেরা তাহাকে দক্ষিণামরি-কায় নীত করে; তদবধি তথায় তাহার অত্যন্ত বৃদ্ধি হইয়াছে, এবং অধুনা তথাকার বনে বহুসংখ্যক অ-পালিত অশ্ব চরণ করিতেছে । আইসলণ্ড এবং নর-ওয়ে প্রদেশেও অনেক অশ্ব আছে, কিন্তু পৃথক-শীত-ক্রমে তাহারা খর্ষকায়, ও অন্য অশ্বহইতে পৃথক্ভূত হইয়াছে । মনুষ্যহীন-দ্বীপে শূকর ও ছাগ প্রায়ঃ দৃষ্ট হয় না; কিন্তু মনুষ্যের সমাগম হইলেই তৎক্ষণাৎ ঐ পশুদ্বয়েরও তথায় প্রচার হয় ।

সর্ষাপেক্ষায় বৃহৎকার, সর্ষাপেক্ষায় ভীষণ, ও সর্ষা-পেক্ষায় বলবান পশু পৃথিবীর গ্রীষ্মমণ্ডলেই নিবাস করিয়া থাকে; পরন্তু প্রাচীন ও নূতন পৃথিবীতে তদ্বিষয়ে অনেক ভেদ আছে । প্রাচীন-পৃথিবীতে হস্তী, খড়্‌গী, হিপাপোটেমস্, উফু, জিরাফা, গৌর প্রভৃতি পশুর সহিত তুলনা হইতে পারে এমত পশু নূতন-পৃথিবীতে কিছুই নাই । তদ্রূপ সর্ষাপেক্ষায় বৃহৎ পশু বাইসন; তাহা এত-দেশীয় মহিষের তুল্য নহে । তথাকার সিংহব্যাঘ্রাদিও প্রাচীন-পৃথিবীতে তত্তৎপশুহইতে অনেক অধম । মনোহর হরিণ ও পবনবেগ কৃষ্ণসার প্রাচীন-পৃথিবীর পশু । মনুষ্যের মহদুপকারি অশ্ব, গো, ছাগ, এবং গর্দভ ও ইল্লানীয়দিগের যাতায়াতের পূর্বে নূতন-পৃথিবীতে প্রচরিত ছিল না ।

পশুদিগের এই-লক্ষণ-দৃষ্টে প্রাকৃত-ভূগোলবেত্তারা পৃ-থিবীকে কতকগুলি জীব-প্রদেশে বিভক্ত করিয়াছেন; ঐ প্রত্যেক প্রদেশের জীব অন্য-প্রদেশীয় জীবহইতে পৃথক্, এবং তাহার বিশেষ ২ লক্ষণ নির্দিষ্ট আছে । এই জীব প্রদেশের প্রথম প্রদেশ হিমমণ্ডল; তথাকার প্রধান পশু শুক্ল-ভল্লুক, হিম-শৃগাল, রীণ-হরিণ, এবং সিন্ধু-ঘো-টক । পৃথিবীর প্রাচীন ও নূতন উভয় খণ্ডেই এই সকল পশুর সাম্য আছে; তৎকারণ বোধ হয়, শীতকালে

তদ্রূপ সমস্ত সমুদ্র জমিয়া গেলে এক খণ্ডের পশু অনা-য়াসে অন্য খণ্ডে গমন করিয়া থাকে ।

সমুদ্রমণ্ডল এক বিশেষ প্রাণিপ্রদেশ, তাহার নির্দিষ্ট পশু হিম বা গ্রীষ্মমণ্ডলে প্রচরিত নাই । অধিকন্তু প্রা-চীন ও নূতন পৃথিবীতে এবিষয়ের প্রভেদ আছে । নূতন পৃথিবী-খণ্ডের সমুদ্রমণ্ডলে যে সকল পশু বর্তমান আছে, তাহার কিছুই প্রাচীন-পৃথিবী-খণ্ডে প্রাপ্য নহে ।

গ্রীষ্মমণ্ডল চারি প্রাণিপ্রদেশে বিভক্ত; ১, ভারত-বর্ষ, ২, অফরিকার মধ্যদেশ, ৩, দক্ষিণামরিকার উত্তর-ভাগ, ৪, ভারত-সামুদ্রিক-দ্বীপবৃহৎ । স্থিরসমুদ্রের পাপুয়া, নূতন গিনি, প্রভৃতি দ্বীপবৃহৎ এক বিশেষ প্রাণিপ্রদেশ; ততঃপর অস্ট্রেলিয়া দ্বীপ, তদনন্তর আফরিকার দক্ষিণ-ভাগ, অবশেষ দক্ষিণামরিকার দক্ষিণ-ভাগ ও পৃথক্ ২ প্রাণিপ্রদেশ । এই সকল প্রাণিপ্রদেশের প্রত্যেক বি-শেষ ২ পশু-পক্ষী নির্দিষ্ট আছে । ঐ সকল পশুপক্ষী-দিগের খাদ্য দ্রব্য তত্তৎদেশেই উত্তমরূপে জন্মে, এবং তথায়ই তাহাদের দেহযাত্রা পরিপাটীরূপে সম্ভবে; সুত-রাং এক দেশ ত্যাগ করিয়া অন্যত্র গমন করে না; পরন্তু উভয়ের প্রাকৃত ধর্ম্ম তুল্য হইলে বা ঐবন্মাত্র ভিন্ন হইলেও এক দেশের পশুপক্ষী অন্য দেশে লইয়া গেলে তথায় অনায়াসে নিবাস করিতে পারে ।

যে সকল প্রাণিপ্রদেশ নির্দিষ্ট আছে তন্মধ্যে অস্ট্রে-লিয়া সর্ষাপেক্ষায় বিস্ময়জনক । তথাকার পশু অপর সকল পশুহইতে পৃথক্ । অনেক প্রাণিতত্ত্বজ্ঞের বিশ্বাস ছিল যে চতুষ্পদ পশুমাতেই জরায়ুজ এবং স্তন্যজীবী, কিন্তু অস্ট্রেলিয়ায় তাহার বিপর্য্যয় দৃষ্ট হইতেছে । তথায় কতকগুলি পশু আছে তাহারা মাতৃগর্ভহইতে অণ্ডাকারে প্রসবিত হইয়া কিয়দিন পরে স্ব ২ প্রকৃত দেহ প্রাপ্ত হয়; কদাপি স্তন্য পান করে না । তথায় অপর কতকগুলি চতুষ্পদ পশু আছে, যাহারা মাং-সপিণ্ডবৎ অপেক্ষত-দেহবিশিষ্ট শাবক প্রসব করত যে পর্য্যন্ত তাহা প্রকৃতাবস্থা না প্রাপ্ত হয় তদবধি উদরের নিকটস্থ এক কোষমধ্যে ধারণ করে; ফলতঃ তাহাদিগের দুই গর্ভ আছে বলিলে বলা যায় । এই দ্বিগর্ভ-পশুর মধ্যে কঙ্কর-পশু প্রধান । দক্ষিণামরিকায় অপোসম-নামক এক পশু আছে, তন্নিম্ন আমরিকা বা ইউরোপ বা আফরিকার কোন স্থানে আর দ্বিগর্ভ পশু নাই ।

দেশভেদে যে প্রকারে জীবজাতির ভিন্নতা হয়, উচ্চতা ভেদেও তদ্রূপ ঘটয়া থাকে। মাংসাদ পক্ষী-সকল প্রায়ঃ অতি উচ্চ স্থানে বসতি করে। দক্ষিণামরিকায় কণ্ডোর-শকুনী ১১,০০০ হস্ত উচ্চ স্থানে ভ্রমণ করিয়া থাকে। তথাকার অন্যান্য শকুনী ও বাজও প্রায়ঃ তদ্রূপ। ইউরোপ এবং আশিয়া খণ্ডে অনেক মাংসাদ পক্ষী উচ্চ পর্বতে বাস করে। হংসেরা জলপ্রিয়, সুতরাং অতি উচ্চ তাহাদের গমন নাই। তৃণজীবী পশুमध्ये মেঘ, ছাগ, এবং চমরি-গো অতি উচ্চ পর্বতবাসী। শেষোক্ত পশু প্রায়ঃ চিরনীহারাবৃত স্থানে বাস করিয়া থাকে; ঈষদ-উষ্ণস্থানে আনীত হইলেই তৎক্ষণাৎ মরিয়া যায়। দক্ষিণামরিকায় লামা পশুও পর্বতপ্রিয়, এবং গ্রীষ্মকালে তাহারা আশিষ্ণ পর্বতের চিরনীহারের নীমার নিকট নিবাস করে। উষ্ণ মরুভূমিতে স্বচ্ছন্দে কাল-যাপন করিয়া থাকে; তৃণপূর্ণ নদীমুখাগুহুভূমিতে নীত হইলে পীড়িত হয়। অন্যান্য পশুপক্ষি-সম্বন্ধেও স্বদেশ বিদেশের নিয়ম উক্তরূপে প্রচারিত আছে; ফলতঃ জগৎ-পিতা প্রত্যেক-দেশের প্রাকৃত-ধর্মামুসারে বিশেষ ২ জীব নির্দিষ্ট করিয়াছেন। তদ্রূপ বা তদনুরূপ প্রাকৃত ধর্মাবিশিষ্ট দেশ ভিন্ন অন্যত্র তত্ত্ব জীব নির্বিঘ্নে দেহ-যাত্রা নির্বাহ করিতে পারে না।

আদৌ জীব সকল এক স্থানে উৎপন্ন হইয়া, পরে পৃথিবীর সর্বত্র ব্যাপিয়াছে, অথবা এক কালে অনেক স্থানে উৎপন্ন হইয়াছিল, এবিধে প্রাণিতত্ত্বজ্ঞেরা অনেক তর্কবিতর্ক করিয়া থাকেন, কিন্তু এই গুহু তাহার বাহ্য প্রচার করায় ফলাভাব। বৃক্ষের প্রচার-বিষয়ে যে মীমাংসা হইয়াছে, \* বোধ হয়, জীব-বিসয়েও তাহাই সম্ভাবনীয়। এক ২ দেশে এক ২ বিশেষ পশুর প্রচার দৃষ্টে ইহার অন্যথা মনোনীত না।

অধুনা পৃথিবীর স্থানে ২ যে সকল পশু নির্দিষ্ট আছে পূর্বে তাহার অন্যথা ছিল। অনেক শীতল স্থানে হস্ত্যাদি গ্রীষ্ম-মণ্ডলীয় পশুর অস্থি প্রাপ্ত হওয়া গিয়াছে; তদৃষ্টে স্মৃষ্ট বোধ হয় যে পূর্বেকালে ঐ সকল স্থান অতি উষ্ণ ছিল, অথবা ঐ পশুরা তৎকালে অন্যায়সে অত্যন্ত শীত সহ্য করিতে পারিত। ঐ অস্থি সকল এইরূপে পাষণ হইয়া গিয়াছে; তদৃষ্টে অনুভব হয় ঐ প্রস্তরীভূত অস্থি পূর্বে যুগে কোন জীবদেহের অবয়বীভূত ছিল।

\* এই খণ্ডের ১৩৪ পৃষ্ঠে দেখ।

প্রধান ২ জীব-জাতির সমষ্টি-সঙ্খ্যা ও কোন দেশে কি সঙ্খ্যায় প্রচার আছে তাহার বিবরণ নিম্নে নির্দিষ্ট হইল।

জীবের নাম।	প্রাচীন পৃথ্বী।					নূতন পৃথ্বী।	সর্ব-ময় জি।
	আসিয়া,	ইউরোপ,	আফ্রিকা,	আমেরিকা,	পসিফিক-দ্বীপ।		
লাঙ্গুলবিশিষ্ট বানর; হনুমান্ প্রভৃতি।	জাতি, ৫৩	জাতি, ২	জাতি, ৪০	জাতি, ২	জাতি, ২	জাতি, ২	২৬
লাঙ্গুল হীনবানর উল্লুক, বনমানুষ প্রভৃতি।	২১	২	৪১	২	২	২	৬২
মাপাজু ও মাজুই বানর।	২	২	২	২	২	২	২২
দ্বিগর্ভ পশু; কদারু অ-পোজয় প্রভৃতি।	*	২	২	১৫	২	২	২৭
দন্তহীন পশু; বজ্রকোট পিপীলিকা-তুক প্রভৃতি।	২	২	৩	৩	২	২	১৬
স্থূলচর্ম্মা হস্তী;	২	২	১	২	২	২	৩
খড়্গা।	৩	২	৪	২	২	২	৭
শুকর-শ্রেণীস্থ পশু।	৮	১	৫	২	২	২	১৪
অশ্ব ও গর্দভ।	†	২	৩	২	২	২	৯
হিপপটেমস্।	২	২	২	২	২	২	২
টেপর্।	২	২	২	২	২	২	৩
পিকারি।	২	২	২	২	২	২	৪
বাদুড় (কোটাড)।	৩২	৪২	৩১	২	২	২	১৫৩
বাদুড় (ফলাদ)।	২৩	২	১০	১	১৩	৩৩	১১৩
মাংসাদ পশু, ব্যাঘ্র, ভল্লুক, কুক্কর, ভেঁদড়, নে-উল, ভূচা, প্রভৃতি।	২২৭	১১২	১৩০	৪	২৭	১২৮	৫১৪
উষ্ণ।	২	২	২	২	২	২	২
লামা।	২	২	২	২	২	২	৪
ছাগ।	৩	৩	৩	২	২	২	১৪
গো।	৭	১	২	২	২	২	১৩
মেঘ।	১৫	৪	৩	২	২	২	২১
হরিণ।	২১	৭	১	২	২	২	৩০
সার।	৭	২	৩৮	২	২	২	৪৮

\* ভারত-দ্বীপবাহু, মালাকা।

† ইউরোপ-খণ্ডে অনেক অশ্ব ও গর্দভ আছে, কিন্তু তাহা আসিয়া-খণ্ডীয় অশ্বের অপত্য।

এক ২ জাতীয় পশু দুই তিন প্রদেশে প্রচলিত থাকতে পূর্বে-পৃথ্বী নিদর্শন পত্রের প্রত্যেক স্তম্ভে যে সকল জাতির নিদর্শন আছে, তৎসমুদায়ের সমষ্টি করিলে সর্ব-সমষ্টির স্তম্ভে যে অঙ্ক আছে তাহাই হইতে অধিক হয়; কিন্তু আমরা তাহা না করিয়া শেষ স্তম্ভে যে সকল পৃথ্বী জাতীয় পশু মনুষ্যের গোচর হইয়াছে কেবল তাহারই সঙ্খ্যা করিয়াছি। পত্র-বাহুল্য-হইবার ভয়ে এই নিদর্শন পত্র অতিসঙ্ক্ষেপে শেষ করিতে হইল।

কবিয়া-রাজ্যের ইতিহাস।

কিয়দিন হইল কুশিয়াখিপতি তুর্কদেশের পরাজয়-কল্পে অস্ত্র ধারণ করেন। ঐ অত্যাচারের শাসনার্থে সম্মতি ইংরাজ ফরাসিস্ ও তুর্ক দেশীয়েরা সমজ্ঞ হইয়া উক্ত কুশিয়াখিপতির সহিত তুমুল সঙ্গ্রামে প্রবৃত্ত হইয়াছেন। অধুনা কলিকাতাস্থ সকলেই ঐ সঙ্গ্রামের আনন্দ-চর্চা করিতেছেন, অতএব এমত সময়ে অজ্ঞাত কুশদেশের ইতিহাস অনেকের পক্ষে আনন্দজনক হইবে বোধে এই প্রস্তাব উপদেশক-পত্র হইতে উদ্ধৃত ও সংকৃত করা হইল।

এই বর্তমান-কালে পৃথিবীস্থ তাবৎ রাজ্যের মধ্যে কবিয়া-নামক রাজ্য সর্বাপেক্ষায় বিস্তৃত; ফলতঃ ইউরোপ ও আশিয়া নামক দুই মহাদ্বীপের প্রায়ঃ সমস্ত উত্তরাংশ তাহার নীমাস্তর্ভুক্ত; কিন্তু সেই অঞ্চলে অতিশয়-শীতপ্রযুক্ত অত্যপ্প মনুষ্য বাস করে। সেই রাজ্যের পূজা সর্বশুদ্ধ ন্যূনাধিক হয় কোটি মনুষ্য; তাহার মধ্যে ন্যূনাধিক চারি কোটি প্রকৃত কবিয় লোক; অবশিষ্ট দুই কোটি যুদ্ধে পরাজিত পোলণ্ড-প্রভৃতি নানা-দেশ-নিবাসি লোক।

অতিপূর্বকালে কবিয়-লোকেরা অতি অনভ্য ছিল; প্রায়ঃ একসহস্র বৎসর হইল খৃষ্টিয়ান নামধারি গ্রীক লোকদের ধর্ম তাহাদের মধ্যে প্রচলিত হইতে আরম্ভ হয়। খৃষ্টির মাতা মরিয়ম প্রভৃতি প্রকৃত ও কল্পিত সাধুগণের ছবি

পূজা এবং উপবাসাদি বাহ্য ধর্মকর্ম সেই মতের নার। তদবলম্বি-লোকদের অধিকাংশ খৃষ্টিধর্ম-বিষয়ে অতি অজ্ঞ; কবিয়া-দেশীয় গ্রামবাসি পুরোহিতগণেরাও এই অপবাদে গাত্র; বিশেষতঃ তাহাদের অনেকে মদ্যপানে এমত আনন্দ যে তাহাদের প্রতিবাসি কৃষকেরা পাছে সেই দিনেও মদ খাইয়া পরদিন রবিবারে গুঁজা-ঘরের প্রার্থনা প্রভৃতি আরাধনা করিতে অপারক হয়, এই ভয়ে প্রতি শনিবারে প্রাতঃকালারধি তাহাদিগকে আপন ২ গৃহমধ্যে বন্ধ করিয়া রাখে।

এই বর্তমান-কালেও ঐ রাজ্যের সামান্য-লোক-সকল অতি অজ্ঞ। জমিদার-লোকদের কেবল ভূমিতে অধিকার আছে এমত নহে, কিন্তু আপন ২ ভূমির সীমাস্তর্ভূত কৃষক-লোকদিগেতেও অধিকার আছে; ফলতঃ কৃষকেরা কৃত-দাসের মধ্যে গণ্য; তাহাদের মধ্যে কোন কৃষক জমিদারের অনুমতি-ব্যতিরেকে স্থানান্তরে গিয়া বসতি করিতে পারে না; এবং সেই অনুমতি পাইলে যদি কোন প্রকার ব্যবসায় করে, তবে যথা সম্ভব লাভানুসারে প্রতিবৎসর ঐ অনুমতির নিমিত্তে উক্ত জমিদারকে নিয়মিত পারিতোষিক দিতে হয়; তাহা না দিলে কিম্বা অন্য কোন প্রকারে জমিদারের অসন্তোষ জন্মাইলে সেই ব্যবসায় ত্যাগ করিয়া পূর্ব-বাসস্থানে পুনরায় কৃষিকর্ম করিতে তাহারা বাধ্য হয়।

ডেড় শত বৎসরব্যধি কবিয়া রাজ্যের নিত্য উন্নতি হইতেছে। সেই উন্নতির আদিকর্তা পিতর নামক রাজা। তিনি ইংরাজি ১৬৭২ শালে জন্মিয়াছিলেন। তাহার জ্যেষ্ঠ ভ্রাতা কিয়দর মরিলে পর ইউয়ান বা যোহন-নামক তাহার দ্বিতীয় ভ্রাতা রাজ্যের অধিকারী হইল; কিন্তু সেই ব্যক্তি জড়মতি হওয়াপ্রযুক্ত রাজ্যের কুলী



নেরা দশ-বর্ষ-বয়স্ক পিতরকে রাজত্ব দিতে স্থির করিলে পিতরের ঐশ্বর্যক্রমে ভগ্নী সফীয়া আপনি রাজ্য পাইবার আশাতে রাজদেহরক্ষক সৈন্যদিগের সাহায্যদ্বারা আপনার সহোদর ইউয়ানকে রাজা করিলেন। রাজত্ব-পাইবার সময়ে সেই জড়মতি যুবা সহোদরীর অভিপ্রায় না বুঝিয়া সেনাদিগের সাহায্যে স্পষ্টরূপে কহিলেন, “তোমরা যদি আমাকে রাজা কর, তবে আমার ভ্রাতা

তা পিতরকে যুবরাজ করিয়া আমার সঙ্গী কর”। সৈন্যেরা এই প্রস্তাবে সন্তত হওয়ারে খুঁজি রাজনন্দিনী তাহার প্রতিবাধিনী হইতে পারিলেন না। পিতর অতিশয় তীক্ষ্ণবুদ্ধি ছিলেন; বাল্যকালাবধি পরাক্রম-বৃদ্ধির উপায়-চিন্তা করিয়া লেফর নামা এক জন বিদেশি লোককে আপনার শিক্ষকরূপে নিযুক্ত করিয়া তাহার নিকটে যুদ্ধ-বিদ্যা ও ভূগোল বৃত্তান্ত ও দুই এক বিদেশী-

ভাষা শিখিতে লাগিলেন। পরে আপন গুণের সমবয়স্ক বালকদিগকে একত্র করিয়া আপনি পদাতিক হইয়া সৈন্য-সামন্তের ন্যায় যুদ্ধাভ্যাস করাইতে লাগিলেন। প্রথমতঃ বোধ হইল যে ইহা তাহার খেলামাত্র, কিন্তু এই সকল বালকেরা ক্রমে যুবা হইয়া পূর্ববৎ কর্ম করিতে অতি উত্তম সুশিক্ষিত হইয়া উঠিল। ১৩৮-৯ শালে এই সফীর সঙ্গ বিবাদ হইলে পিতর আপনার সেই সমবয়স্ক সৈন্যদের সাহায্যে তাহাকে ধরিয়া এক মঠে বদ্ধ করিয়া আপনি পুত্র রাজত্ব করিতে লাগিলেন, কেননা তাহার জড়মতি ভ্রাতার যে রাজত্ব সে নামমাত্র ছিল।

আপনার রাজ্যে ইউরপীয় বিদ্যা প্রচলিত করণাভিপ্রায়ে পিতর আপনি বিদেশে যাইয়া সভ্য লোকদের আহার ব্যবহার দেখিতে মনস্থ করেন। তাহার এই মানসে প্রাচীন লোকচারাসমূহ অনেক ব্যক্তি সাতিশয় অসম্ভুত হইয়া তাহার প্রাণ-নাশার্থে কুবুদ্ধি স্থির করত যে রাত্রিতে আপনাদের অভিপ্রায় সফল করিবে, সেই রাত্রিতে কোন বিশেষ আউলিকাতে একত্র হইল। পিতর কোন মতে তাহার সমাচার পাইয়া রাত্রি একাদশ-ঘটিকার সময়ে সৈন্যদ্বারা এই গৃহ বেষ্টিত করিবার আজ্ঞা এক জন সেনাপতিক দিলেন; পরে আপনি সেই নির্দিষ্ট সময় বিস্মৃত হইয়া এক জন ভৃত্যের সহিত দশ ঘটিকার সময় তথায় উপস্থিত হইলেন, তথা গৃহের বাহিরে কাছাকেও দেখিতে না পাওয়াতে সৈন্যেরা ভিতরে গিয়া থাকিবে, এমন অনুমান করিয়া এই গৃহে প্রবেশ করিলেন। তথায় একত্রীভূত কুমন্ত্রণাকারিগণ যেমন তাহার দর্শনে ত্রাসযুক্ত হইল, তেমনি তাহাদের দর্শনে তিনিও প্রথমে ত্রাসযুক্ত হইলেন বটে, কিন্তু শীঘ্র

ঐশ্বর্যবান হইয়া পুনর-বদনে কহিলেন, “আমি পথে যাইতেছিলাম; আলোক দেখিয়া বোধ করিলাম, এই স্থানে কোন লোক আনন্দ প্রমোদ করিতেছে; অতএব নিদ্রা যাইবার পূর্বে তোমাদের সঙ্গে কিঞ্চিৎ ভোজন পান করিতে আইলাম”। এই কথায় কুমন্ত্রণাকারিগণ ভয়হইতে মুক্ত হইয়া তাহার সহিত মদ্য পান করিতে লাগিল। কিঞ্চিৎ পরে তাহাদের মধ্যে এক জন গৃহপতির কর্ণে কহিল, “ভাই হে, সময় হইল”। গৃহপতি উত্তর করিল, “এখনও হয় নাই”। ইহাতে রাজা লক্ষ্যপ্রদানপূর্বক উঠিয়া হুকুম-তুল্য-স্বরে কহিলেন, “কেমন? তোর সময় হয় নাই? আমার সময় হইল”। ইহা বলিয়া এই গৃহপতিকে মুষ্ঠাঘাতদ্বারা ভূমিতে নিপাতিত করিয়া উত্তরের ন্যায় দ্বারের দিগে মুখ করিয়া ডাকিলেন, “সে সৈন্যগণ, এই বেটা দিগকে ধরিয়া বান্ধ”। তৎক্ষণাৎ একাদশ ঘণ্টা বাজিলে পূর্বোক্ত সেনাপতি ও তাহার অধীন সৈন্য উপস্থিত হইল। তাহাতে কুমন্ত্রণাকারিগণ কৃতাজলি হইয়া কৃপা প্রার্থনা করিলেও সৈন্যের যোদ্ধারা তাহাদিগকে বান্ধিয়া লইয়া গেল। বিশেষতঃ তাহাদের মধ্যে তিন জনের অতিশয় ভয়ানক দণ্ড হইল; কলতঃ তাহাদের দেহ চারি ভাগে ছিন্ন হইয়া নগরের এক ২ দ্বারে এক ২ খণ্ড টাঙ্গান গেল।

অনন্তর পিতর রাজমন্ত্রিগণের হস্তে রাজ্য-শাসনের ভার সমর্পণ করিয়া রাজদুতের বৈশাধারণ-পূর্বক জর্মানি-দেশ দিয়া গমন করিয়া হোলণ্ড-দেশের আমষ্টরডাম নামক অতিপ্রসিদ্ধ বাণিজ্যস্থানে উপস্থিত হইলেন। সেই মহানগরে অল্প-দিন-অবস্থান-করণান্তর তিনি নিকটবর্তি সারদাম নামক গ্রামে গিয়া জাহাজ-

নিৰ্মাণ-করণ-ব্যবসায় নিখিবার অভিপ্রায়ে সা-  
মান্য সূত্রধরের বেশ ধারণ করিয়া ছুতারের কর্ম  
করিতে লাগিলেন; কলতঃ প্রতিদিন প্রাতঃকালে  
বাইশ করাত প্রভৃতি অস্ত্র লইয়া অন্য ছুতা-  
রের পূর্বেই কর্মস্থানে আসিতেন, পরে সমস্ত  
দিন নিরালস্য হইয়া কর্ম-করণান্তর বৈকালে  
সকলের শেষে বাসাতে ফিরিয়া যাইতেন। উক্ত  
গুণে তিন চারি মাস পর্যন্ত এই রূপে কাল-  
যাপনান্তর তিনি আম্পটরদাম্-নগরে প্রত্যগমন  
করিয়া সেই স্থানেও দুই তিন মাস পর্যন্ত ছুতা-  
রের কর্ম করিলেন; পরে রেথাবিদ্যা অঙ্কবিদ্যা  
প্রভৃতি নানা বিদ্যা উপার্জন করিতে লাগিলেন।  
তদনন্তর তিনি ইংলণ্ড-দেশে গিয়া লণ্ডন-নগরেও  
সেই প্রকারে কিছু কাল যাপন করেন। পরে  
ইংলণ্ড-দেশহইতে কএক জন নাবিক, সেনাপতি,  
গোলন্দাজ প্রভৃতি লোকদিগকে আপনার রাজ্যে  
পাঠাইয়া আপনি যুদ্ধবিদ্যাভ্যান-করণার্থে জর্ম-  
নি-দেশের বিয়েনা-নগরে গমন করেন। এই  
সময়ে তাঁহার রাজ্যের প্রাচীন দেশাচারে আ-  
সক্ত লোকেরা পুনরায় উপপূব করে। তিনি  
তাঁহার সম্রাচার পাইবামাত্র অতিশয় প্রচণ্ড  
ক্রোধাবিষ্ট হইয়া স্বদেশে প্রত্যগমন-পূর্বক  
স্বহস্তে ন্যূনাধিক একশত মানুষের শিরশ্ছেদন  
করিলেন; এবং তাঁহার ভগিনী সফীয়া সেই রাজ-  
দৌহ-দোষে সম্মতা হইয়াছিলেন, এই কারণ তাঁ-  
হার কারণারের বাতায়ন-সম্মুখে প্রাণদণ্ড-প্রাপ্ত-  
বিদ্রোহীদের মধ্যে দুই তিন শত মানুষের শব  
টান্ধাইয়া ঐ রাজনন্দিনীর মৃত্যুপর্যন্ত অর্থাৎ  
পাঁচ বৎসর ঝুলাইয়া রাখিলেন।

এতাদৃশ-ক্রুরূপে বিদ্রোহ-প্রজাদিগকে দমন-  
করণান্তর পিতর তাহাদিগকে সভ্য লোকদিগের  
রীতি গৃহণ করাইতে মনস্ত করেন। আদৌ সমুদ্র-

তীরস্থ আর্থাঙ্কল নামক নগরে যুদ্ধোপযোগী  
জাহাজ-নিৰ্মাণ করান, তথা অন্যান্য ইউরোপীয়  
রাজ্যের মধ্যে সৈন্যসামন্তের যে নিয়ম ছিল,  
সেই নিয়মানুসারে আপন রাজ্যের সৈন্যসামন্ত  
প্রস্তুত করিলেন; এবং দাড়ি রাখিতে তথা দীর্ঘ  
পরিচ্ছদ পরিধান করিতে নিষেধ করিলেন। যে  
সামান্য লোকেরা দাড়িবিশিষ্ট হইয়া ধরা পাড়িত,  
তাহাদিগকে বলপূর্বক ক্ষৌর-কর্ম করাইতেন, এবং  
দীর্ঘ পরিচ্ছদাঙ্কিত পুরুষদের পরিচ্ছদের অর্দ্ধেক  
ছেদন করাইতেন। ধনি-লোকদের মধ্যে যাহারা  
দাড়ি বা দীর্ঘ পরিচ্ছদ রাখিতে চাহিত, তাহাদের  
নিকটহইতে বার্ষিক শুল্ক গৃহণ করিতেন। তথা  
বস্ত্রের উপযুক্ত আকৃতি সকলকে জানাইবার নি-  
মিত্তে প্রতিনগরের প্রবেশদ্বারে সর্বসাধারণের  
চক্ষুর্গোচরে তাহার আদর্শ টান্ধাইয়া রাখিতেন।

তৎকালে কবিয়া-রাজ্যের পশ্চিমে সমুদ্রতীরস্থ  
অঞ্চল-নকল স্বীদন-রাজ্যের অধীন, এবং দক্ষিণে  
সমুদ্রতীরস্থ অঞ্চল তুর্কক-রাজ্যের অধীন ছিল।  
পিতর ঐ পশ্চিমদিকস্থ সমুদ্রতীরের অধিকারী হই-  
বার নিমিত্তে পোলণ্ড-দেশের আগষ্টস্-নামক রা-  
জার সহিত মিত্রতা করিয়া স্বীদন-রাজ্যের বিরুদ্ধে  
যুদ্ধ আরম্ভ করিলেন। তৎকালে চার্লস্-নামা  
আঠার-বর্ষ-বয়স্ক এক যুবা স্বীদন-দেশের রাজা  
ছিলেন; তিনি যুদ্ধেতে অতিদক্ষ ছিলেন, এবং  
তাঁহার সৈন্য অতিশয় সাহসিক। অতএব না-  
রবা নগরের নিকটে পিতরের ৮০,০০০ যোদ্ধা যুদ্ধ  
করিতে প্রস্তুত আছে, ইহা শুনিয়া উক্ত চার্লস  
আপনার ৮,০০০ যোদ্ধা লইয়া তাহাদিগকে আ-  
ক্রমণপূর্বক সম্পূর্ণরূপে পরাভূত করেন। কিন্তু  
তিন-বৎসর-পরে পিতর ঐ অঞ্চলে পুনরায়  
যুদ্ধ করিয়া কালক্রমে বালতিক সমুদ্রের উত্তর-  
তটস্থ সমস্ত ভূমি আপনার অধীন করেন। পরে

তথাকার নেওয়া-নামক নদীর মুহানার নিকটে  
পিতরস্-বর্গ (অর্থাৎ পিতরপুরী) নামক নূতন  
রাজধানী স্থাপন করিবার মানস করিলেন। সেই  
স্থান নলবনে পূর্ণ, সুতরাং তথায় নগর-স্থাপন-  
করা সাতিশয় কষ্টসাধ্য ছিল। তথাকার ভূমিকে  
সমভূমি-করণাভিপ্রায়ে তিন-শত-ক্রোশ-দূরহইতে  
দুঃখি-প্রজাদিগকে বলেতে আনয়ন করা যাইত।  
তাহাদের ফোদালি চুপড়ি প্রভৃতি কোন অস্ত্র-  
শস্ত্র না থাকাতে তাহারা আপন ২ অঙ্গুলিদ্বারা  
মৃত্তিকা তুলিয়া আপন ২ বস্ত্রে করিয়া বহন করি-  
ত। এইরূপ-কেশ-প্রযুক্ত তাহাদের লক্ষ ২ লোক  
অকালে মৃত্যুমুখে পতিত হইতে লাগিল, কিন্তু  
তাহাতে নগর নিৰ্মাণের কোন হানি হইল না, কা-  
রণ তাহাদের পরিবর্তে পুনঃ ২ নূতন-লোক বলেতে  
অনার্যসে আনীত হইতে লাগিল। এইরূপে ১৭০৩  
শালে কএক মাসের মধ্যে ঐ পিতরপুরী নামক নগর  
নির্মিত হইলে পিতর আপন রাজ্যের নানা অঞ্চল  
নিবাসি বণিক ও ব্যবসায়ি ও তদু লোকদিগকে  
সপরিবারে সেই নগরে গিয়া বসতি করিতে আন্ত  
করিলেন; যাহারা যাইতে অস্বীকার করিল, তাহা-  
দিগকে অতি ভয়ানক দণ্ড দিলেন, সুতরাং অল্প-  
কালমধ্যেই অভিনব নগর বহুজন-সমাকীর্ণ হইল।  
সম্প্রতি উক্ত নগর অতীব সুন্দর, এবং তন্মধ্যে  
পঞ্চ-লক্ষাধিক লোক বাস করিতেছে।

পিতরের জ্যেষ্ঠ পুত্র আলেকসান্দ্র প্রাচীন-দেশা-  
চারে আসক্ত হওয়ার্তে পিতর তাঁহার প্রতি এমন  
নির্দয় ব্যবহার করেন যে সেই যুবা তাহা অসহ্য  
জ্ঞান করিয়া ইটালি-দেশে পলায়ন করে। কিন্তু  
পিতা তাঁহার আশ্রয়স্থান অনুসন্ধান করিয়া পুন-  
রায় তাঁহাকে স্বদেশে আনয়ন করেন, পরে তাঁ-  
হার বিচার করিয়া তাঁহার প্রাণদণ্ডা করা  
সেই রাজকুমার তাহা শুনিবামাত্র সাঙ্ঘাতিক

পীড়াতে পীড়িত হইয়া অল্প দিনের মধ্যে (১৭১৮  
শালে) প্রাণত্যাগ করিলেন। বার্কক্য-কালে পি-  
তর নানারোগদ্বারা অতিশয় যাতনা পাইয়া অব-  
শেষে ১৭২৫ শালের ৮ ফিব্রুয়ারি তারিখে প্রাণ-  
ত্যাগ করেন। তিনি কবিয়া-রাজ্যের উন্নতিকারক  
ছিলেন বটে; কিন্তু সর্বদা রাগাবিষ্ট ও মহাপাপে  
লিপ্ত থাকিতেন বলিয়া তাঁহার নামোচ্চারণ করিলে  
অদ্যাপি জ্ঞানি লোকের মনে ঘৃণা জন্মিয়া থাকে।

পিতরের মৃত্যুর পরে কাথারীণা নাম্নী তাঁহার  
বিধবা স্ত্রী রাজত্ব করিতে লাগিলেন; কিন্তু  
তাঁহার রাজত্ব নামমাত্র, কেননা মেন্সিকফ  
নামা রাজ-মন্ত্রী প্রকৃত শাসনকর্তা ছিলেন।  
উক্ত মেন্সিকফ বালকালে অতিদরিদ্র ছি-  
লেন; রাজধানীর পথে ২ বেড়াইয়া পিষ্টকাদি  
মিষ্টান্ন বিক্রয় করিতেন। তাঁহার অতি সুশ্রাব্য  
স্বর থাকাতে অনেক লোক তাঁহাকে ডাকিয়া  
তাঁহার নিকটে মিষ্টান্ন ক্রয় করিত। একদা কোন  
প্রধান সাহেবের ভৃত্যগণ তাঁহাকে ডাকাইয়া অ-  
উলিকার রন্ধনশালাতে তাঁহার গীত শ্রবণ করি-  
তেছিল এমত সময়ে গৃহস্থামী স্বয়ং আসিয়া পাচ-  
ককে কহিলেন, “এই যে ব্যঞ্জন তুমি প্রস্তুত করি-  
তেছ, ইহাতে বিশেষ মনোযোগ কর, কেননা  
আমি মহারাজকে ভোজনের নিমন্ত্রণ করিয়াছি;  
তিনি এই ব্যঞ্জন অতি ভাল বাসেন”। এই কথা  
বলিবার সময়ে পাচকের দৃষ্টির অগোচরে পাক-  
পাত্রের মধ্যে বিষ মিক্ষেপ করিলেন। মেন্সিকফ  
তদর্শনান্তর স্তম্ভভাবে প্রস্থান করেন; পরে  
ভোজের নিকাপিত-সময়ে পুনরায় সেই পথে-  
আসিয়া মিষ্টান্ন-বিক্রয়-করণার্থে গান করিতে  
লাগিলেন। মহারাজ পিতর তাঁহার সুশ্রাব্য রব  
শ্রবণ করত তাঁহাকে ডাকিয়া নানা প্রকার কথো-  
পকথনান্তর কহিলেন, “তুমি আমার সঙ্গে আ-

দিয়া ভোজনের সময়ে আমার পরিচর্যা কর”। মেনসিকফ্ এই আদেশানুসারে বাটার ভিতরে গিয়া ভোজনশালাতে মহারাজের পশ্চাতে দণ্ডায়মান রহিলেন। পরে গৃহের কর্তা ঐ ব্যঞ্জনের আদান লইতে মহারাজকে সাধুসাধনা করিতেছেন এমনত সময়ে মেনসিকফ্ গোপনে তাঁহাকে বলিলেন, “অগে আমার কথা না শুনিয়া আপনি ইহা খাইবেন না”। বালকের এমন কথা শুনিয়া মহারাজ উঠিয়া তাহার সহিত একপার্শ্বে গিয়া অল্প-ক্ষণ-পর্যন্ত কথোপকথন করিলেন। পরে পুনরায় নিজাসনে উপবেশনপূর্বক গৃহের কর্তাকে কহিলেন, “আপনি অগে এই ব্যঞ্জনের আদান লউন, আমি পরে লইব”। ইহাতে সে ব্যক্তি নানাপ্রকার আপত্তি করিলে মহারাজ সেই ব্যঞ্জন নিকটবর্তি এক কুকুরকে দিলেন। কুকুর তাহা খাইবামাত্র অতিশয়-যন্ত্রণা-ভোগ করত প্রাণত্যাগ করিল। তদবধি তিনি মহারাজের প্রিয়-পাত্র হইয়া ক্রমে ২ ধনবান্ ও উচ্চ-পদাধিত হইলেন, এবং মহারাজের মৃত্যুর পরে বাস্তবিক রাজত্ব করিতে লাগিলেন।

ইংরাজি ১৭২৭ সালের মে মাসে কাথারীণা রাণীর মৃত্যু হইলে মেনসিকফের যত্নদ্বারা পিতরের পৌত্র অর্থাৎ প্রাণদণ্ডার ভয়ে মৃত আলেক্সিসের পুত্র দ্বিতীয় পিতর নামে কথিয়া রাজ্যের সিংহাসন আরোহণ করিলেন; ও রাজকার্য সমস্ত মন্ত্রীর অধীনে রাখা অসহ্য বোধ করিলেন। এমনত সময়ে একদা মহারাজ ভগিনীর নিকটে টাকা প্রেরণ করিলে মেনসিকফ্ দূতের হস্তহইতে সেই টাকা লইয়া আপনি রাখিতেছেন, ইহা শুনিতে পাইয়া তাঁহাকে পদচ্যুত করিতে স্থির করিলেন, এবং অবিলম্বে দেশের রীত্যানুসারে মেনসিকফ্কে সপরিবারে ভয়ানক-শীতযুক্ত সিবিরিয়া-প্রদেশে প্রেরণ করিলেন। পথের মধ্যে তাঁহার ভার্য্যা অনবরত ক্রন্দনদ্বারা অন্ধ হইয়া প্রাণত্যাগ করিল। পরে ঐ দেশে তাঁহার এক কন্যাও মরিলে তিনি ক্লেশ ও শোকপ্ৰযুক্ত নির্ধাক হইয়া আহ্বার করিতে অস্বীকার করিয়া ১৭২৯ সালের শেষে পরলোক-প্রাপ্ত হইলেন।

এই ঘটনার অল্পকাল পরে, (১৭৩০ সালের জানুয়ারি মাসে) দ্বিতীয় পিতর বসন্তরোগে প্রাণত্যাগ করেন, ও ডল্গককি-নামক এক জন প্রধান-লোকের যত্নদ্বারা প্রথম পিতরের ভ্রাতৃকন্যা আন্না রাজত্ব প্রাপ্ত হন। উক্ত ডল্গককি মেনসিকফের বিশেষ শত্রু, ও তাঁহার পতনের আদি কারণ হইয়াছিলেন, কিন্তু উক্ত ১৭৩০ সালের মধ্যে আপনিও পদচ্যুত হইয়া সিবিরিয়া-দেশে নীত হইলেন। যাহারা তাঁহাকে লইয়া গেল, তাহার মেনসিকফ্ ও তাঁহার পরিবারকে মুক্ত করিয়া ফিরাইয়া আনিবার নিমিত্তে রাজাজ্ঞা পাইয়াছিল। আন্না ডল্গককিকে দূরীকরত ওষ্টরমান ও মুনিক নামে দুই জন জন্মান সাহেবদিগকে উচ্চপদে নিযুক্ত করিয়া আপনি রাজত্ব করিতে লাগিলেন, কিন্তু বস্তুতঃ তাঁহার অতিপ্রিয়পাত্র বিরণনামা সাহেবের আদেশানুসারে সকল কর্ম নির্ধাক হইত। মুনিক সাহেব প্রধান সেনাপতি ছিলেন। ১৭৩৬ সালাবধি ১৭৩৯ সাল পর্যন্ত তিনি তুর্কক লোকদিগের সহিত যুদ্ধ করেন, এবং বার ২ জয়ী হন, তথাপি অবশেষে সন্ধি-করণের সময়ে জয়ের উপযুক্ত ফল প্রাপ্ত হন নাই।

১৭৪০ সালের ২৮ অক্টোবর তারিখে আন্না রাণীর মৃত্যু হইলে বিরণের চাতুরীতে সেই রাণীর ভগিনীর দৌহিত্র ইওয়ান বা যোহন নামা ডেড-বৎসর-বয়স্ক বালক রাজত্বপদে অভি-

বিক্ত হয়। কিন্তু অল্প দিনের মধ্যে বিরণ ও ওষ্টরমান ও মুনিক এবং শিশু-মহারাজের পিতা মাতা, এই সকলের মধ্যে পরস্পর বিবাদ বিসম্বাদ জন্মিয়া ঐ বালকের পদচ্যুতি ও প্রথম পিতরের কন্যা এলিজাবেথের রাজপদে অভি-

ষেক হয়। ইহার বিশেষ বৃত্তান্ত এই।

একদা লিষ্টক নামা তাঁহার চিকিৎসক তাঁহার নিকটে আসিয়া এক খণ্ড কাগজ দেখাইলেন। সেই কাগজের দুই পৃষ্ঠে এলিজাবেথের প্রতিমূর্তি চিত্রিত ছিল। ফলতঃ এক পৃষ্ঠে তিনি রাজমুকুটে বিভূষিতা রাণীরূপে, অন্য পৃষ্ঠে বন্ধুগণের মৃতদেহমণ্ডলে বেষ্টিতা দাসীরূপে, চিত্রিত ছিলেন। ইহা দেখাইবার সময়ে চিকিৎসক তাঁহাকে কহিলেন, “এই দুয়ের মধ্যে আপনি কোন্টা মনোনীত করেন, তাহা শীঘ্র নিশ্চয় করুন”। এলিজাবেথ রাজত্ব মনোনীত করিয়া দুই এক সৈন্যদল আপনার পক্ষ করিয়া তাহাদের সাহায্যদ্বারা ১৭৪১ সালের শেষে রাজসিংহাসন আপন অধীনে আনয়ন করিলেন। তাঁহার আজ্ঞাতে ইওয়ান নামক রাজশিশু কারাবদ্ধ হইল; এবং যদি কেহ তাহাকে মুক্ত করিবার চেষ্টা করে, তবে অবিলম্বে সেই বালককে বধ করিতে হইবে, এমনত আজ্ঞা তাহার রক্ষকদিগকে প্রদত্ত হইল, এবং তাহার পিতা মাতা ও মন্ত্রীগণ সিবিরিয়া-দেশে প্রেরিত হইল। তিন বৎসরান্তে প্রাপ্ত লিষ্টক-নামা চিকিৎসক কোন শত্রুর ছলেতে মহারানীর অসন্তোষের পাত্র হয়; তথা রাজ্ঞী তাঁহাকে কশাঘাত করিবার আজ্ঞা দেন, এবং অবশেষে তাঁহাকেও সিবিরিয়া-দেশে প্রেরণ করেন। তদবধি বেষ্টুচেফ্-নামা তাঁহার শত্রু প্রধান মন্ত্রীর পদে নিযুক্ত হওয়াতে, এবং রাজমহিষী অতিঘৃণ্য কুকর্মে ও কাঞ্চনিক ধর্মকর্মে

সর্বদা মগ্ন থাকাতে প্রজারা অতিশয় দৌরাভ্য ভোগ করিতে লাগিল। বিশেষতঃ কোন বাচাল স্ত্রীলোকদ্বারা অপবাদিত হইলে অতিমান্য লোকেরাও কশাঘাতে প্রহারিত হইত; কিম্বা তাহাদের জিহ্বাচ্ছেদন-পূর্বক তাহাদিগকে সিবিরিয়া-দেশে প্রেরণ করা যাইত। তৎকালিক প্রুসিয়া-দেশের রাজা এলিজাবেথের লম্পটতা-প্রযুক্ত বার ২ তাঁহাকে উপহাস করাতে এলিজাবেথ অতিশয় ক্রোধাবিষ্টা হইয়া তাঁহার সহিত যুদ্ধ করিয়া অপবাদ আচ্ছাদনের চেষ্টা করিয়াছিলেন। ১৭৬২ সালে এলিজাবেথের মৃত্যু হয়। তদনন্তর তৃতীয় পিতর নামক তাঁহার ভাগিনের রাজত্ব প্রাপ্ত হন। তিনি ঐ প্রুসিয়া-রাজের বিশেষ বন্ধু ছিলেন; এই হেতুক তৎক্ষণাৎ সৈন্যধিগতিদিগের নিকটে এই আজ্ঞা প্রেরণ করিলেন, “তোমরা অদ্যাবধি যাহার বিপক্ষে যুদ্ধ করিতেছ, অবিলম্বে তাঁহার পক্ষ হইয়া তাঁহার সাহায্য কর”। এই পিতর কোন ২ বিষয়ে সদৃশশালী ছিলেন; কিন্তু কিঞ্চিৎ স্থূলমতি ও একগুঁইয়া হওয়াতে সামান্য লোকদের, বিশেষতঃ সৈন্যগণের অসন্তোষ জন্মাইয়াছিলেন; এবং কাথারীণা-নামী আপন ভার্য্যার সহিত অতিশয় মন্দ ব্যবহার করিতেন; তাহাতে সেই কাথারীণা রাজত্ব পাইবার উপায় দেখিয়া কতিপয় সৈন্যদলকে সপক্ষ করত আপন স্বামীকে ধৃত ও বধ করিলেন। এই ঘটনার দুই বৎসরান্তে পূর্বোক্ত কারাবদ্ধ ইওয়ান-নামক যুবরাজের মোচনার্থে কেহ চেষ্টা দেখাইলে তাঁহার রক্ষকেরা তাঁহাকেও বধ করিল।

এবম্পুকারে ১৭৬২ সালের জুলাই মাসে দ্বিতীয়া কাথারীণা রাজত্ব প্রাপ্ত হইয়া প্রায়ঃ চতুষ্ক্রিংশৎ-বর্ষ-পর্যন্ত দেশ-শাসন করেন। প্রুসিয়ার রাজা তাঁহার মৃত-স্বামীর বিশেষ বন্ধু ছিলেন, ও তাঁহা

রই পরামর্শানুসারে কাথারীগাকে অনেক দৌরাভ্য ভোগ করিতে হইয়াছিল, এই অনুমানে রাজমহিষী তাঁহার বিব্রন্ধে যুদ্ধ করিতে প্রবৃত্ত হইয়াছিলেন; কিন্তু কিয়দিবসান্তর তাঁহার সকল-পত্র-পাঠ করণদ্বারা ঐ অনুমানের মিথ্যাত্ব প্রকাশপাইলে তাঁহার সহিত সন্ধি করেন।

কথিয়া-দেশের দক্ষিণ পশ্চিম অঞ্চলে “ক-সাক” নামক লোকেরা বাস করে। তাহারা সভ্য নহে; কৃষি-কর্ম্মাপেক্ষা যুদ্ধে অধিক অনুরত। তাহাদের যুদ্ধাশ্রয় ক্ষুদ্র, কিন্তু অতিশয় দ্রুতগামী ও বিশ্বস্ত। সেই লোকেরা পৈতৃক দেশাচারে অতি আসক্ত। কাথারীগার কর্ম্মকর্তৃগণ অজ্ঞানতাপ্রযুক্ত অনেক-বিষয়ে সেই দেশাচারের অন্যথা করিতে প্রবৃত্ত হইলে তাহারা সকলেই অসন্তুষ্ট হইয়াছিল। তাহাতে পুগাছেফ-নামা তাহাদের মধ্যে এক জন আপনাকে মৃত পিতার রাজ্যের তুল্যকৃতি জানিয়া স্বজাতীয় লোকদিগকে কহিতে লাগিল, “পিতার নামক মহারাজের মৃত্যু-সমাচার গম্পমাত্র! তিনি মৃত না হইয়া পলায়ন করিয়াছিলেন। আমি সেই মহারাজ। আইন, আমার সাহায্য কর, আমি তোমাদের মঙ্গল করিব।” তাহার এই কথাতে সর্বসাধারণের বিশ্বাস জন্মিলে অম্পকালের মধ্যে লক্ষ ২ লোক তাহার অনুগামী হইয়া কাথারীগার বিব্রন্ধে যুদ্ধোন্মুখ হয়। কিন্তু দুই বৎসর পরে ধনাভাবে তাহার সৈন্য হ্রাস পাইল, ও তাহার অনুগত লোকদের মধ্যে তিন জন পারিতোষিকের লোভে তাহাকে ধরিয়া রাজরাণীর লোকদিগের হস্তে সমর্পণ করিল। রাজ্ঞী তাহার প্রাণদণ্ড করিলেন।

১৭৬৪ সালাবধি কাথারীগা কথিয়ার পশ্চিম সীমা-স্থিত পোলগু-নামক রাজ্যের প্রতি অতিশয় চাতুর্য্য-ব্যবহার করেন; কলতঃ প্রথমে আপনার

অভিলষিত ব্যক্তিকে সেই দেশের রাজা করণার্থে তথায় সৈন্যগণকে প্রেরণ করিলেন। পরে সেই দেশের মধ্যে যে দলভেদ ছিল, তদ্বারা লোকদের অনৈক্য নিত্য ২ বাড়াইলেন। তাঁহার এইরূপ ব্যবহারে অসন্তুষ্টদের লোকেরা তুর্কদের সাহায্য-প্রার্থনা করিলে কাথারীগা তুর্কক-রাজ্যের সহিত যুদ্ধ করিতে লাগিলেন। সেই যুদ্ধে বিদ্রোহি প্রজাদের অবিধ্বস্ততাপ্রযুক্ত, এবং ছেন্নি-নামক স্থানের নিকটে নাবিক সৈন্যের পরাজয়দ্বারা তুর্কলোকের অধিক ক্ষতি জন্মিল। তাহাতে অষ্ট্রিয়া-দেশের রাজা, এবং প্রুসিয়া-দেশের রাজা অসন্তোষ-প্রকাশ করিলে কাথারীগা কহিলেন, “এই পোলগু রাজ্য বিভ্রভেদের কারণ। আইন, আমরা তাহার কতিপয়-প্রদেশ আপনাদের মধ্যে বিভাগ করি; তাহাতে তাহার বল ভঙ্গ হইলে প্রতিবাসিরা নির্ভয়ে থাকিতে পারিবে।” এই প্রকারে ১৭৭২ সালে পোলগু-রাজ্যের দুই ক্ষুদ্র অংশ ঐ রাজদ্বয়কর্তৃক, এবং অতিবৃহৎ এক অংশ কাথারীগা-কর্তৃক অপহৃত হইল। অবশিষ্ট অংশের রাজা সম্পূর্ণরূপে কাথারীগার অধীন হইলেন। প্রায়ঃ বিংশতি বৎসর পরে সেই দেশের লোকেরা তাঁহার দৌরাভ্য আর সহ্য করিতে না পারাতে রাজ্যের অপর এক অংশ কথিয়ার ও প্রুসিয়ার রাজদ্বয়ের মধ্যে বিভক্ত হইল। পরে পুনর্বার ভয়ানক যুদ্ধ হইলে ১৭৯৫ সালের শেষে সেই দেশের অবশিষ্ট অংশ কথিয়া ও প্রুসিয়া ও ওষ্ট্রিয়া, এই তিন দেশের রাজগণের মধ্যে বিভক্ত হইল। এইরূপে পূর্বকালের অতিবৃহৎ পোলগু-রাজ্যের পঞ্চাংশের চারি অংশ কথিয়া-রাজ্যের অধীন হইয়াছে। সেই দেশের লোকেরা অদ্যাপি কথীয় লোকদের দৌরাভ্য-প্রযুক্ত অতিশয় অসন্তুষ্ট আছে।

## বিবিধার্থ-সঙ্গ্রহ,

অর্থঃ

পুরাতত্ত্ব-ইতিহাস-প্রাণবিদ্যা-শিল্প-সাহিত্যাদি-দ্যোতক মাসিক পত্র।

৩ পর্ব]

শকাব্দ ১৭৭৬, কার্তিক।

[৩২ খণ্ড।

### ভরতপুরের ইতিহাস।



গরার পশ্চিমাংশে ভরতপুর নামে এক প্রাদেশিক দেশ আছে; তাহা মোগল-বংশীয় দিল্ল্যধিপতিদিগের উন্নতাবস্থায় তাঁহাদিগেরই অধীন ছিল; কিন্তু তাঁহাদিগের শ্রীভৃষ্ট-হওন-সময়ে জাটদিগের হস্তগত হয়। উক্ত জাট জাতীয় ব্যক্তির প্রথমত মুলতান প্রদেশে বাস করিত; প্রায়ঃ দুই শত বৎসর হইল তথাহইতে আসিয়া আর্য্যাবর্তের সর্বত্র ব্যাপন করে। আর্য্যাবর্তে আদৌ তাহারা কৃষিকর্মে নিযুক্ত হয়, কিন্তু অম্পকালের মধ্যে বলবীর্যের কৌশলে হলের পরিবর্তে খড়্গ-ধারণপূর্বক আপনাদিগের নিমিত্তে অনেক স্থানে রাজসিংহাসন স্থাপন করে। ঐ সকল রাজসিংহাসন-মধ্যে যাহা ভরতপুরে স্থাপিত হয়, তাহাই সর্বপ্রধান; তদুপরি সূর্য মল্ল (সূরজ মল) নামা একজন জাট প্রথমতঃ স্বাধীন হইয়া আরোহণ করিয়াছিলেন। ১৮২০ সংবৎসরে তিনি দিল্ল্যধিপতির সেনানায়ক নজফ খাঁর সহিত সম্মুখ-সম্মুখে লোকান্তর যাত্রা করেন। তৎ-

পরে তাঁহার বংশ অবিরোধে ৪০ বৎসর কাল ভরতপুরের রাজ্য শাসন করে। ১৮৬০ সংবৎসরে তাঁহার পৌত্র রণজীৎ সিংহ ইংরাজদিগের সহিত এক সন্ধি স্থাপন করেন; তাহাতে উভয়ে পরস্পরের শত্রুদমন-নিমিত্ত অস্ত্র ধারণ করিতে প্রতিজ্ঞত হন; এবং রণজীৎ সিংহ তদ্বারা স্বীয় স্বাধীনত্ব উত্তমরূপে সংস্থাপন করেন, ও গোয়ালিয়রের রাজাকে বার্ষিক-কর-প্রদান-ক্রিয়া হইতে নিষ্কৃতি প্রাপ্ত হন; অধিকন্তু তাঁহার রাজ্যের সীমা-নিরূপণ-সময়ে সন্ধিকারিদিগের কোলালে তাহার আয়তন বৃদ্ধি হয়; কিন্তু এই সকল লাভ সত্ত্বেও তিনি তাহার পর বৎসর ইংরাজদিগের শত্রু হইয়া ছলকারকে দীঘপুরস্থ মহাদুর্গের সন্নিকটে শিবির সংস্থাপন করিতে দিলেন, এবং তৎপরে ঐ স্থানে ইংরাজদিগের সৈন্য ও ছলকারের সৈন্য-মধ্যে তুমুল সম্মুখ উপস্থিত হইলে দীঘের দুর্গহইতে তিনি ইংরাজ-সৈন্যের বিনাশ-নিমিত্ত কামান ছুঁড়িতে লাগিলেন। এই অসহ্য-ব্যবহারে ইংরাজেরা অত্যন্ত কষ্ট হইয়া তাঁহার সৈন্যকে পরাস্ত করত তাঁহার হস্তহইতে দীঘ নগর অপহৃত করিয়া লয়, এবং দীঘের দুর্গ-ধ্বংস-করণার্থে উদ্যুক্ত হয়। রণজীৎ

সিংহ তদবস্থায় দেখিলেন, ইংরাজদিগের অব্যর্থ গোলাবৃষ্টিতে দীঘ রক্ষা করা অসাধ্য; অতএব আপন ও ছলকারের সমস্ত সৈন্য আনিয়া ভরতপুরের দুর্গে একত্র করিলেন।

এ দুর্গ অতি সাবধানে অনেক ব্যয় ও বুদ্ধি-সহকারে এ প্রকারে নির্মিত হইয়াছিল, যে কেহই তাহার ভেদ করিতে সক্ষম হইবার নহে। তাহার চতুর্দিকে প্রশস্ত ও অতি গভীর এক খাত ছিল, তাহার অবতরণ করা নিরতিশয় কঠিন। অপর তৎপশ্চাতে ৪০ হস্ত শূল, ও অতুল্য এক মৃৎপ্রাচীর ছিল, তাহা কামানের গোলায় ভগ্ন হয় না, সুতরাং এ দুর্গ-ভেদ-হওয়ার কোন সম্ভাবনা ছিল না। ইংরাজদিগের সেনাপতি লেফ সাহেব দশ-দশু যোদ্ধা লইয়া এ দুর্গের ভেদ-করণার্থে যৎপরোনাস্তি প্রয়াস করিয়াছিলেন; কিন্তু ক্রমাগত চারি মাস এ দুর্গোপরি প্রাবিট্ কালের বর্ষার ন্যায় গোলা বর্ষিত করিয়াও তাহার ধ্বংস করিতে পারিলেন না; প্রত্যুত দুর্গস্থ সৈন্যকর্তৃক মধ্যে ২ আক্রমিত হইয়া দিন ২ ক্ষীণবল হইতে লাগিলেন। এই অবস্থায় তিনি বলপূর্বক দুর্গ-প্রবেশ করিবেন মানসে চারি বার দুর্গ আক্রমণ করেন; কিন্তু দুর্গের প্রাচীর বিকল্পে তথা দুর্গস্থ যোদ্ধাদিগের অস্ত্র বিকল্পে কোনমতে অগ্রসর হইয়া কৃতকার্য হইতে পারিলেন না, সুতরাং অবশেষে সন্ধি করিবার মনন হইতে লাগিল।

যদিচ রাজা রণজীৎ সিংহ দুর্গ-রক্ষায় উত্তম রণপাণ্ডিত্য প্রকাশ করিয়াছিলেন, এবং তাঁহার সৈন্যও বীরপুরুষের যথার্থ ধর্ম-প্রতিপালন-পূর্বক প্রাণপণে স্বামির মঙ্গল চেষ্টা করিয়া তৎশত্রুকে নিরুদ্যম করিয়াছিল, তত্রাপি তাঁহার এমত ভরসা ছিল না, যে তাঁহার সৈন্য-

সাহায্যে তিনি বহুকাল ইংরাজদিগের সহিত যুদ্ধ করিতে পারিবেন, বিশেষতঃ তাঁহার দুর্গে যে সকল খাদ্য দ্রব্য সঞ্ছীত ছিল, তাহার শেষ হইতে লাগিল; ইংরাজেরা দুর্গের চতুর্দিক বেষ্টিত করিয়া রাখিয়াছিল, দুর্গ-বহির্দেহ হইতে খাদ্যদ্রব্য আনিবার উপায় নাই, সুতরাং সঞ্ছীত খাদ্যের শেষ হইলেই উপবাস সম্ভাবনা। অতএব ইংরাজদিগের নিকট সন্ধির প্রস্তাব প্রেরণ করিলেন, এবং তৎসম্পাদনার্থে অত্যন্ত ব্যয় হইলেন। সন্ধি করিতে ইংরাজদিগের মনন ছিল, সুতরাং উভয়ের অভীষ্ট অব্যাজে সিদ্ধ হইল। সন্ধিপত্রে রণজীৎ সিংহ ইংরাজদিগকে ২০ লক্ষ টাকা দিতে ও ইংরাজদিগের অধীন থাকিতে, স্বীকার করেন।

এই ঘটনা অবধি ভরতপুরের রাজ্য নির্বিঘ্নে চলিতে লাগিল, রণজীৎ সিংহ এবং তাঁহার পুত্র রণধীর আপনাদিগকে ইংরাজহইতে দুর্বল জানিয়া সর্বদা তাহাদিগকে সন্তুষ্ট রাখিতেন, এবং কোন মতে তাহার সহিত বিবাদ বিসম্বাদ করেন নাই। ১৮৭৩ সৎবৎসরে ইংরাজেরা পিণ্ডারিদিগের দমনার্থী হইলে রণধীর সিংহ ইংরাজদিগের সম্পূর্ণার্থে তৎসাহায্যে এক দল অশ্বারোহি সৈন্য প্রেরণ করিয়াছিলেন।

১৮৮০ সৎবৎসরে রণধীর সিংহের মৃত্যু হয়, এবং তাহার ভ্রাতা বলদেব সিংহ ভরতপুরের রাজ্য-ভার গ্রহণ করেন, কিন্তু তাহা বহুকাল বহন করিতে পারেন নাই; দুই বৎসরের মধ্যেই তাঁহাকে পরলোক যাত্রা করিতে হইল। তাঁহার ছয়-বৎসর-বয়স্ক এক মাত্র পুত্র ছিল; তাহার নাম বলবন্ত সিংহ; শাস্ত্রানুসারে ভরতপুরের রাজ্য তাঁহাকেই অর্শে, এবং ইংরাজেরা তাঁহাকেই রাজা বলিয়া স্বীকার করেন; কিন্তু তাঁহার পিতৃব্য-

পুত্র দুর্জন শাল \* পিতৃস্বত্ব অপহরণাভিলাষে তাঁহার বিরোধী হইল। ইংরাজেরা তাহাকে তা-দৃশ কদাচরণহইতে নিরস্ত হইতে পুনঃ উপদেশ দিলেক, কিন্তু তাহার কিছুমাত্র আকর্ষণ না করিয়া সে ভরতপুরের দুর্গমধ্যে সৈন্য-সমাহরণ করিতে লাগিল। তাহার বোধ ছিল, যে ইংরাজেরা ভরতপুরের দুর্গ-ভেদ করিতে এক বার অক্ষম হইয়াছে, আর তাহার সম্মুখে আসিবে না, সন্ধি করিয়া তাহাকেই রাজা স্বীকার করিবে; অপর দল বল সমাহরণের অবকাশ-প্রাপ্তার্থে সন্ধি করিবার কল্পনায় ইংরাজদিগের নিকট দত্ত প্রেরণ করিলেন। এতৎসময়ে জেন-রল সর্ ডেবিড অকুলোনি সাহেব ইংরাজদিগের প্রতিনিধিস্বরূপে দিল্লীধিপতির সভায় উপস্থিত ছিলেন। তিনি দুর্জনের গুচাভিপ্রায় জানিতে পারিয়া কতকগুলি যোদ্ধা একত্র করত ভরতপুরে যাত্রা করেন, কিন্তু গবরনরজেনেরল সাহেব সাহেব, পাছে ক্ষুদ্র-দল-সৈন্য-সহকারে যুদ্ধারম্ভ করিলে পরাস্ত হইতে হয় এই ভয়ে, তাঁহাকে নিষেধ করিলেন। এ অবকাশে দুর্জনশাল যথাসাধ্য সৈন্য সমাহৃত করিতে ত্রুটি করেন নাই, এবং মনে ২ করিতে লাগিলেন যে অভেদ্য ভরতপুরের সম্মুখে ইংরাজেরা কদাপি আসিতে পারিবেন না; কিন্তু অস্পকাল-মধ্যেই তাঁহার সে ভ্রম দূরীকৃত হইল। ইংরাজদিগের সেনাপতি লর্ড কাম্বারমিয়র ২৫,০০০ যোদ্ধা এবং প্রায় দুই শত কামান সমভিব্যাহারে লইয়া দুর্গসম্মুখে উপস্থিত হইলেন। দুর্জনশাল দুর্গহইতে নির্গত

\* রণজীৎ সিংহের চারি পুত্র, রণধীর সিংহ, বলদেব সিংহ, লক্ষ্মণ সিংহ এবং পৃথ্বী-সিংহ। তন্মধ্যে রণধীর এবং পৃথ্বী সিংহ নিঃসন্তান ছিলেন, বলদেবের পুত্র বলবন্তসিংহ, এবং লক্ষ্মণের পুত্র দুর্জন শাল।

হইয়া তাঁহার সহিত যুদ্ধ না করিয়া দুর্গমধ্যে হইতেই গোলাবৃষ্টি করিতে লাগিলেন। ইংরাজেরা তাহাতে কোন মতে ভীত না হইয়া দুর্গ-বেষ্টন-পূর্বক দিবারাত্র তন্মধ্যে গোলা-নিষ্ক্ষেপ-করিবার মানসে স্থানে ২ বৃহৎ ২ কামান স্থাপন করিয়া দুর্জনশালকে এই বলিয়া সংবাদ পাঠাইলেন যে “যুদ্ধের সময় দুর্গ মধ্যে স্ত্রীদিগকে রাখা কর্তব্য নহে; ২৪ ঘণ্টা কাল আমরা নিরস্ত থাকিব, তন্মধ্যে স্ত্রীদিগকে অন্যত্র প্রেরণ কর”। দুর্জন এ পরামর্শ গ্রহণ করিলেন না; অতএব পরদিবসে ইংরাজ-সেনাপতি পানরায় তজপ সংবাদ পাঠাইলেন; কিন্তু তাহাও নিষ্কল হইল; অবশেষে ইংরাজ-সেনাপতি কামান ছুড়িতে অনুমতি প্রদান করিলেন। এই আক্রমণসারে কএক দিন ক্রমাগত গোলাবৃষ্টি হইতে লাগিল, কিন্তু তাহাতে দুর্গ-প্রাচীরের কোনই হানি হইল না, অতএব কাম্বারমিয়র সাহেব ইংরাজি ১৮২৫ শালের ২৩ ডিসেম্বর দিবসে (সংবৎ ১৮৮১) সুড়ঙ্গ খনন করিতে অনুমতি করিলেন। ১০—১২ দিবসের যৎপরোনাস্তি পরিশ্রমে এ সুড়ঙ্গ দুর্গ-প্রাচীরের নিম্ন-পর্যন্ত পৌছছিল; তখন তথায় এক বৃহৎ গুহা প্রস্তুত করত তন্মধ্যে বাকুদ পুরিয়া তাহাতে অগ্নি সংযোগ করিবারাত্র ভয়ানক ধ্বনি করত তথাকার কিয়দংশ প্রাচীর ভগ্ন হইয়া গেল। এই প্রকারে ক্রমশঃ প্রাচীরের কএক স্থান ভগ্ন করত ইংরাজি ১৮২৬ অক্টোবর ১৭ই জানুয়ারি দিবসে সসৈন্যে কাম্বারমিয়র সাহেব দুর্জন-শালের সৈন্য সহিত দুই ঘণ্টাকাল তুমুল সঙ্গ্রাম করণান্তর এ ভগ্নস্থান দিয়া দুর্গ-প্রবেশ করিলেন; এবং তথায় দুর্জনশালকে সপরিবারে বন্দী করিয়া, প্রয়াগে প্রেরণ করিলেন; তথায় অদ্যাপি তাঁহার কানাকড় আছে।

এই ঘটনার ১৩ দিবস পরে ইংরাজ-সেনাপতি বলবন্ত সিংহকে ভরতপুরের রাজ সিংহাসনে সংস্থান-পূর্বক তাঁহার মাতা রাণী অমৃতকুমারীকে (ইন্সপেক্টর) কর্তৃক ও দিবান জবাহর লাল এবং ফৌজদার চুড়ামণ এবং গোবিন্দরামকে রাজকার্যের নির্বাহ করিতে নিযুক্ত করেন। এই কএক ব্যক্তি কিয়দিন অবিরোধে রাজ্য করিয়া, পরে পরস্পর দুই তিন বার বিবাদ করিয়াছিল। তাহাতে ইংরাজকর্তৃক অমৃতকুমারী রাজ্যভার হইতে মুক্ত হন এবং দিবান ও ফৌজদারের হস্তে রাজ্য সমর্পিত হয়, তথা এক জন ইংরাজ প্রতিনিধি এবং কএক দল ইংরাজ পদাতিকও তথায় স্থাপিত হয়। ১৩১৮ সৎবৎসরে বলবন্ত প্রাপ্তবয়স্ক হইয়া সদাচরণদ্বারা ইংরাজদিগকে সন্তুষ্ট করেন এবং তদবধি নির্বিঘ্নে স্বাধীনাবস্থায় স্বহস্তে রাজকার্য সম্পন্ন করিতেছেন।

### খিওডোশস্ ও কনষ্টানশিয়া।

কনষ্টানশিয়া নামী এক অসাধারণ-বুদ্ধিমতী ও অলোক-নামান্য-রূপ-লাবণ্যবতী যুবতী ছিলেন; তাঁহার পিতা বহুতর-প্রযত্ন-সহকারে অপরিমেয় ঐশ্বর্য সম্ভূত করিতে তৎপর ছিলেন। কি রূপে অর্থ উপার্জিত হইবেক, কেননে তাহার রক্ষা হইবেক, কি প্রকারেই বা তাহার বৃদ্ধি হইবেক, ইত্যাদি বিষয়ে সর্বদা চিন্তা ও অনুশীলন করত তিনি অর্থপিশাচ বলিয়া পরিগণিত ছিলেন; ধনের পরিচালনা ব্যতীত আর কিছুতেই তাঁহার সুখ-বোধ হইত না। তদীয়গাম-সন্নিহিত গুমা-স্তরে অতি সচ্ছন্দজাত দীন-ভাবাপন্ন এক

ব্যক্তি বাস করিত। তাহার পুত্রের নাম খিওডোশস্। তিনি নীতিবিদ্যায় অতিশয় পণ্ডিত, ও সভ্যতা দ্বারা দক্ষিণ প্রভৃতি অন্যান্য গুণ-রত্নে মণ্ডিত ছিলেন। যৎকালে তাঁহার বিংশতি বর্ষ বয়ঃক্রম তখন তিনি পূর্ণ-পঞ্চদশ-বর্ষীয়া কনষ্টানশিয়ার সহিত পরিচিত হন। তাঁহাদের বাসস্থান কেবল ক্রোশাঙ্গমাত্র-ব্যবহিত ছিল, একারণ প্রতিদিন পরস্পর সাক্ষাৎ-হওয়ার কি-ছুমাত্র বাধা জন্মিত না। কনষ্টানশিয়া খিওডোশসের মনোহর-রূপ-লাবণ্যের মাধুর্য-দর্শনে ও সুধাময়-বচন-বৈদগ্ধ্য-শ্রবণে নিতান্ত মুগ্ধ হইয়া আপনাকে চরিতার্থা ও তাহার নিকট বিনামূল্যে ক্রীতা করিয়া মানিলেন। সে স্বয়ং ও সৌন্দর্য্য বিষয়ে কোন অংশে তাহাহইতে ন্যূন ছিলেন না, বিশেষতঃ তাহার মনের ভাব সর্ব-তোভাবে কাপট্যহীন ছিল, একারণ বিনাবিলম্বে খিওডোশসকে তাহার অকৃত্রিম-প্রণয়-পাশে বদ্ধ হইতে হইল; ফলতঃ উভয়ে উভয়ের মনঃ হরণ করিলেন। প্রতিদিন তাদৃশ প্রণয়ের নব-নব-ভাব উদ্ভূত হইতে লাগিল। যাহা হউক তাহাদের তথাবিধ প্রীতি ভবিষ্যতে বন্ধমূল্য ও চির-স্থায়িনী হইবার উপযুক্ত হইয়া উঠিল। এতাদৃশ নির্বিবাদ সুখসন্তোগের সময়ে ঐ প্রিয়তম ও প্রেয়সীর জনকেরা কেহ কুলাভিমান কেহ ধনাভিমান প্রকাশ করত এক অপ্রতিবিধেয় বিষম বিবাদ উপস্থিত করিলেন। উভয়ের যৎপরোনাস্তি বৈর-ভাব প্রকটিত হইতে লাগিল। ইহাতে কনষ্টানশিয়ার পিতা স্বকীয় প্রতিদ্বন্দ্বির উপরি কোপ-প্রকাশ-পূর্বক তৎপুত্র খিওডোশসকে নিজভবনে আমিতে বারণ করিয়া নিরুপায় কনষ্টানশিয়াকে তাহার মুখাবলোকন করিতে নিষেধ করিলেন। নিষেধ করিলেন বটে, কিন্তু নিজতনয়া কনষ্টানশি-

য়ার প্রাণাধিক প্রিয়তমের সহিত পুনর্বার মিলনের আশ্বাস আছে ভাবে বুঝিতে পারিয়া তিনি এক মানধনকুলসম্পন্ন নবযুবককে নিজতনয়ার পাণিগৃহণের পাত্র স্থির করিয়া এককালে শুভ-বিবাহের দিনাবধারণ করিলেন, এবং অবিলম্বে উদ্যোগ ও প্রয়োজনীয় দ্রব্যাদি আহরণ করিয়া কনষ্টানশিয়াকে কহিলেন, “বৎসে! তোমার শুভবিবাহকাল উপস্থিত, তিন সপ্তাহ পরে সুপাত্রে হস্তে তোমাকে সমর্পণ করিতে মনস্থ করিয়াছি”। পিতার মুখহইতে এতাদৃশ বাক্য শ্রবণ করিয়া কনষ্টানশিয়া ভয়েতে কিছুই উত্তর দিতে পারিলেন না, সুতরাং তাঁহাকে মৌ-নভাবেই থাকিতে হইল। তদর্শনে সন্তুষ্টনে পিতা তাঁহাকে অশেষ প্রশংসা করিয়া কহিলেন; “ভাল ২, ইহা উচিত বটে, বিবাহের কথা-প্রসঙ্গে কুমারীদিগের মৌনভাবে সন্মতি-প্রদান করা বড় ভদ্রতা বলিতে হইবেক”, ইহা বলিয়া তিনি বিবাহের উদ্যোগে রহিলেন।

এদিকে লোক-মুখে কনষ্টানশিয়ার পাত্রান্তরের সহিত বিবাহের সংবাদ খিওডোশসের শ্রবণ-গোচর হইবামাত্র তিনি মনে ২ যৎপরোনাস্তি ব্যাকুল হইতে লাগিলেন। তাঁহার তৎকালিক মনোবেদনা তদ্যতিরেকে অন্যের ব্যক্ত করিবার সাধ্য নাই। পরে তিনি ঐশ্বর্য্যবলম্বন-পূর্বক ক্ষণকাল তাদৃশ ভাব সম্বরণ করিয়া কনষ্টানশিয়াকে এক পত্র লিখিয়া প্রেরণ করিলেন। যথা,

“এত দিন তোমাকে চিন্তা করিয়া আমি অপার আনন্দ অনুভব করিতেছিলাম, কিন্তু এক্ষণে তোমাকে চিন্তা করিয়া আমাকে অসহ-বেদনা ও মহায়স্য যাতনায় পরিপীড়িত হইতে হইতেছে। এত দিনের পর তুমি অন্যের হইলে;

ইহাই কি আমাকে জীবদ্দশায় থাকিয়া দেখিতে হইল? যে সকল নদীতে, যে যে প্রান্তরে, যে সমস্ত কুঞ্জমধ্যে, আমরা একত্রে কথোপকথন করিতাম, এক্ষণে সেই সকল দর্শন করিতে গেলে আমার হৃদয় বিদীর্ণ ও অনিবার্য-দুঃখানল-প্রজ্জ্বলিত হইতে থাকে; তিতিক্ষায় জীবন বহনও ভার বোধ হইতেছে। ঐশ্বর-সন্নিধানে প্রার্থনা করি তুমি পৃথিবীতে বহুকাল পরম-সুখে অবস্থিতি কর, এবং খিওডোশস্ নামা কোন ব্যক্তি এই ভূমণ্ডলে ছিল এ কথা তোমার স্মরণহইতে দূরী-ভূত হউক”।

ঐ দিন সন্ধ্যাকালে পত্রখানি কনষ্টানশিয়ার হস্তে আগতমাত্র তিনি অতিমাত্র স্তব্ধ হইয়া তাহা উন্মোচন পূর্বক পাঠ করত তন্মর্ম্মজ্ঞানে জ্ঞানশূন্য-প্রায়া হইলেন, এবং অতিকষ্টে বিভাবরী-যাপন করিলেন। পরদিন প্রাতঃকালে প্রকাশ হইল যে নিশীথ-সময়ে খিওডোশস্ একাকী গৃহ-পরিভ্রমণপূর্বক কোন স্থানে প্রস্থান করিয়া-ছেন। ক্ষণকাল-বিলম্বে তাঁহাকে অন্বেষণ করিতে দুই তিন জন লোক কনষ্টানশিয়ার পিতৃগৃহে আগমন করিলে পর কনষ্টানশিয়ার ভয় ও শোকের সীমা-পরিণেব রহিল না। পূর্বদিন খিওডোশসকে তৎপরিবারবর্গ উৎকণ্ঠাকৃষ্ণিত দেখিয়াছিল, এক্ষণে অন্বেষণকারিদিগের প্রমুখাৎ তদ্ব্যয়িনী কোন বার্তা শুনিতে না পাইয়া “না জানি খিওডোশস কি সর্বনাশই ঘটাইয়া-ছেন” ইহা ভাবিয়া নিতান্ত ভীত হইতে লাগিলেন। কনষ্টানশিয়া ভাবিয়া দেখিলেন যে “আমারই বিবাহের কথা শুনিয়া খিওডোশস্ এ পর্য্যন্ত করিলেন; আমিই তাঁহার সংসারসুখে জলাঞ্জলি দিবার মূলীভূত কারণ হইলাম”। ইহা ভাবিয়া তিনি অপার-শোক-পারাবারে



নিমগ্ন হইলেন, এবং উল্লিখিত বিবাহের প্রসঙ্গে শান্ত ও সুকৃতভাবে কর্ণপাত করিয়াছিলেন বলিয়া আপনাকে আপনি কোটি ২ খিক্কার দিতে ও অনুতাপ করিতে লাগিলেন। অধিকন্তু প্রস্তাবিত-পাত্রকে খিওডোশসের সংহারকল্পক বোধ করত মনে ২ এতাদৃশ সঙ্কল্প স্থির করিলেন “আমাকে এতদুপলক্ষে জনকের ক্রোধভাজন হইয়া অপার যাতনায় জীবন-যাপন করিতে হয়, তাহাও স্বীকার, তথাপি একপ অমঙ্গল পাপ-ময় বিবাহ করিতে আমি কখনই সম্মত হইব না”। ইহা ভাবিয়া তিনি পিতৃসমীপে-বিবাহ করণের অনিচ্ছা প্রকাশ করিলেন। তাহাতে তৎপিতার অসন্তোষ না হইয়া বরং ইষ্টসিদ্ধি বোধ হইল। পাকে প্রকারে খিওডোশসকে অন্যথা করা হইল, অথচ উপস্থাপিত পাত্র আপাততঃ কন্যা-সম্পূদান করিতে হইলে যে প্রভূত ধন ব্যয় করিতে হইত তাহাও রক্ষা পাইল, সুতরাং এমত অনুকূল ঘটনায় তাহার অসন্তোষ প্রকাশের বিষয় কি? মনোনীত পাত্রকে কন্যার অসম্মতি জানাইয়া আপনার নির্দোষতা-জ্ঞাপনপূর্বক নিরস্ত করিলেন। সে তো প্রীতিবদ্ধ বিবাহার্থী নহে কেবল ধন-লোভেই স্বীকার পাইয়াছিল, বিনা আপত্তিতেই ক্ষান্ত হইল। কনষ্টান্শিয়া ভাবিয়া দেখিলেন যে “ধর্ম্মানুষ্ঠান ও পরমার্থতত্ত্ব চিন্তন ব্যতিরেকে আর কিছুতেই এ যাতনা শান্ত হইবার নহে, অতএব আমাকে জগদীশ্বরের আরাধনায় মনোনিবেশ করিতে হইল”। মনে ২ এই যুক্তি স্থির করিয়াও তাহার সেই শোকাবেশ সম্বরণ করিতে কএক বৎসর লাগিয়াছিল। পরে তিনি রোমীয় ধর্ম্মমঠে সন্ন্যাসিনী হইয়া চিরকুমারী-বৃত্ত-পরিগৃহপূর্বক মুখ্য-ধর্ম্মানুষ্ঠানে অবশিষ্ট-জীবন-যাপন করিবার

অভিপ্রায় জনক-সন্নিধানে ব্যক্ত করিলে পর তৎপিতা সাম্ভারিক-ব্যয়লাভের বিলক্ষণ সন্তোষ বোধ করিয়া নিতান্ত বিরক্তি-প্রকাশ করিলেন না। দিনাবধারণ হইলে তিনি সেই আলোক-সাধারণকপ-লাভব্যবতী সম্পূর্ণ-যৌবন-বতী পঞ্চবিংশতি-বর্ষীয়া কনষ্টান্শিয়াকে আপনি সম্ভিব্যাহারে লইয়া অদূরবর্ত্তি-ধর্ম্মমঠে গমনপূর্বক চিরকুমারীবৃত্তধারিণী সন্ন্যাসিনী-দিগের দলমধ্যে প্রবেশিত করিয়া প্রত্যাগমন করিলেন। তাদৃশ বৃত্ত-পরিগৃহণের প্রথা বা নিয়মানুসারে যাহারা তদগৃহণে প্রবর্ত্তমান হইত তাহাদিগকে তত্রত্য প্রধান যোগির সন্নিধানে সমুদায় আত্মমনোবেদনা-বিজ্ঞাপন-পূর্বক ক্রমা প্রার্থনা করিতে হইত। কনষ্টান্শিয়াও সেই রূপে হৃদয়ের যাতনা-সকল যোগির নিকট আদ্যো-পান্ত বর্ণন করিতে বাসনা করিলেন।

ওদিকে যে দিবস খিওডোশসের অন্বেষণ হয়, তদিনে তিনি কনষ্টান্শিয়ার নিবাস-নগরে উপস্থিত হইয়া এক কুয়ার অর্থাৎ চিরকুমার-বৃত্ত-ধারি সন্ন্যাসির মঠে অধিষ্ঠান-পূর্বক তত্রত্য যোগিগণের সন্নিধানে আপনার নাম ধাম গোপনে রাখিবার জন্য প্রার্থনা করিয়া, যে দিবস তাহার সপত্নের সহিত কনষ্টান্শিয়ার বিবাহ হইবেক শুনিয়াছিলেন তদ্বিবসে প্রস্তাবিত বিবাহ সম্পন্ন হইয়াছে অনুভব করিয়া মনে ২ প্রতিজ্ঞা করিলেন “আর আমি কনষ্টান্শিয়ার কোন কথাও কখন মুখে আনিব না” অনন্তর খিওডোশস নিজোপার্জিত-পুণ্য-বিদ্যার প্রভাবে যাবজ্জীবন ধর্ম্মানুষ্ঠান-করণে সর্বতোভাবে মনো-নিবেশ-করণার্থ সন্ন্যাসধর্ম্ম অবলম্বন করিলেন। তাহার এক অসাধারণ ক্ষমতা ছিল, যে জিজ্ঞাসু সঙ্কল্প অসামাজিকগণের চিত্তভূমিতে পবিত্র

জ্ঞান ও হিতোপদেশস্বরূপ বীজ বপন করিয়া তাহা অবাধে ও অবলীলাক্রমে অকুরিত, পল্লবিত, কুমুমিত, ফলিত করিতে পারিতেন; বিশেষতঃ তাহার স্বভাবের সাধুতা ও শুদ্ধতা যৎপরোনাস্তি ছিল। এ সকল অসাধারণ গুণগাম-প্রভাবে সেই কতিপয় বৎসরমধ্যে তিনি বিজাতীয় কীর্ত্তিমান হইয়াছিলেন। মঠাধিকারি-ধর্ম্মাধ্যক্ষ ব্যতীত তাহার নাম ধাম কুল অন্য কেহ অবগত ছিল না, তথাপি কনষ্টান্শিয়া সেই সর্বত্র বিখ্যাত যোগিবরের সন্নিধানে আত্মমনের বেদনা সকল ব্যক্ত করিতে প্রবৃত্ত হইলেন। একেত্তো যোগিবর পূর্বতন খিওডোশস নাম গোপন করিয়া ফ্রান্সিস নাম গৃহণ করিয়াছিলেন, তাহাতে আবার দীর্ঘশ্বাস-প্রভৃতি অপূর্ব যোগিবশে সুশোভিত, সুতরাং তাহার তাদৃশ-ভাবে পূর্বের বৈষয়িক ভাব উপলব্ধ হইবার বিষয় কি? ফলতঃ তৎকালীন তাহাকে চিনিবার কোন সম্ভাবনাই ছিল না।

কিয়দিন পরে একদা খিওডোশস প্রাতঃ-কালে মঠে বসিয়া আছেন, এমন সময়ে কনষ্টান্শিয়া তাহার সন্নিধানে উপনীতা ও রীতিমত ভূমিপাতিত-জানু হইয়া আপন হৃদয়ের অবস্থা সকল প্রকটিত করিতে লাগিলেন। প্রথমতঃ স্বীয় পরিশুদ্ধ নিষ্ফলক জীবন বৃত্তান্ত আদ্যোপান্ত বর্ণন করিয়া অবিরত-বিগলিত-জলধারাকুললোচনে এ যোগিবর যে উপাখ্যানের স্বয়ং বিষয় ছিলেন আদ্যো তাহাই বর্ণন করিতে প্রবৃত্ত হইয়া কহিলেন, “আমাকে কোন মহোদয় নিরতিশয় প্রীতি করিতেন, বোধ হয় আমারি অপরাধে তিনি করাল কালগাসে পতিত হইয়া থাকিবেন। তিনি গৃহস্থাবস্থায় আমার হৃদয়ের অমূল্য নিধি ছিলেন, এক্ষণেও তাহাকে স্মরণ করিয়া আমি

অসহনীয় বিরহানলে দগ্ধ ও বিচেতনপ্রায় হইতেছি; তাহার অভাবে আমার এতাদৃশ যাতনা সকল কেবল সর্বান্তযামী জগদীশ্বরই জানেন” ইত্যাদি কহিতে ২ অন্তর্বাস্পাত্তরে কনষ্টান্শিয়ার কণ্ঠাবরোধ হইয়া উঠিল। পরে তিনি অশ্রুপূর্ণনয়নে যোগির প্রতি দৃষ্টিপাত করিয়া দেখিলেন তিনিও তাপিত হইয়া সম্যক-প্রকারে বাস্তিষ্কিত করিতে পারিতেছেন না, কেবল মনে ২ দীর্ঘনিশ্বাস-পরিত্যাগ-পূর্বক গদগদ ও অপরিষ্কৃতস্বরে এক ২ বার তাহাকে আখ্যা-য়িকা সম্বাপন করিতে আত্মা দিতেছেন। কনষ্টান্শিয়া হৃদয়ের সমস্ত যাতনা ব্যক্ত করিলে পর যোগিবর শোকে নিতান্ত অধীর ও কাতর হইয়া উচ্চৈঃস্বরে রোদন করিতে লাগিলেন। কনষ্টান্শিয়া ভাবিলেন “আমারই দুঃখে দুঃখিত হইয়া ও মৎকৃতপাপের আতিশয্য অনুভব করিয়া ইনি এইরূপ রোদন করিতেছেন”; পরে তিনি সমধিকচিত্তমালিন্য প্রকাশ করত স্বকৃত দুষ্কৃতমোচন ও খিওডোশসের নাম-স্মরণ-করণ-মানসে যোগিবরসন্নিধানে চিরকুমারীবৃত্তধারণ করিবার বাসনা বিজ্ঞাপন করিলেন। ইহাতে যোগিবর প্রযত্ন-সহকারে রোদন সম্বরণ করিয়া একবার আসনে সমাসীন হইলেন, কিন্তু তাহার প্রতি অনন্যহৃদয়া কনষ্টান্শিয়ার অচলা প্রীতির প্রবলতা-বশতঃ এতাদৃশ অপার যাতনা ভোগ দর্শন করিয়া ও তন্মুখহইতে স্বকীয় পুরাতন নাম-শ্রবণ করিয়া নয়নবারিতে পুনর্বার তাহার বক্ষঃস্থল প্লাবিত হইতে লাগিল। অধিক বাক্য-প্রয়োগের সামর্থ্য ছিল না, তথাপি-খিওডোশস শোক সন্তপ্ত-হৃদয়া কনষ্টান্শিয়াকে প্রবোধ-দানহলে এক ২ বার আত্মা করিতে লাগিলেন, “শোক সম্বরণ কর, আর চিন্তিত হইও না, তোমার ভয় কি?

জগদীশ্বর-সমীপে তোমার সমস্ত দোষ মার্জিত হইবে; তুমি যত অনুভাপিত হইতেছ বাস্তবিক তত দোষী নহ, ইহাতে এত অধিক শোকার্ত হইবার বিষয় কি?" ইত্যাদি নানা-প্রকার প্রবোধবাক্যের প্রয়োগদ্বারা যোগিবর তাঁহাকে সান্ত্বনা করিতে লাগিলেন, উপদেশ-প্রভাবে কনষ্টান্শিয়াও কিঞ্চিৎ ধৈর্য্য অবলম্বন করিলেন। তখন যোগিবর রীতিমত তাঁহার দোষ জ্ঞান করিলেন, এবং কনষ্টান্শিয়া যাহাতে চিরকুমারীবৃত-প্রতিপালনে যত্নবতী হইলেন তদ্বিষয়ে তাঁহাকে সাহস ও সুমতি প্রদান করিবার জন্য পরদিবস প্রাতঃকালে পুনর্বার আসিতে আদেশ করিলেন। কনষ্টান্শিয়া তদ্বিষয় তথাহইতে পুস্থান করিয়া পরদিন প্রাতঃকালে পুনর্বার তাহার মঠে আসিয়া উপস্থিত হইলেন, এবং যোগিবরকে স্বীয় প্রার্থনা বিজ্ঞাপন করিলেন। যোগিভাবাপন্ন খিওডোশস্ বিগ্ৰহসত্ত্বগুণে ও তত্ত্বজ্ঞানে আপনার হৃদয় পরিপূর্ণ করিয়া প্রণয়ন। যে পথাবলম্বিনী হইতে বাসনা করিতেছেন, তাহাকে তৎপথবাহিনী করিতে যথাসাধ্য উৎসাহ-প্রদানে ত্রুটি করিলেন না, এবং যে সকল অমূলক শঙ্কায় তাঁহার হৃদয় আবৃত ছিল, সে সকল তাঁহাইতে দূর করিতে উপদেশ দিয়া সর্বশেষে তাঁহাকে কহিলেন, “আমি তোমার নিকট প্রতিশ্রুত রহিলাম, তুমি চিরকুমারীবৃত-অবলম্বন-পূর্বক নিয়মানুসারে বদনাবরণরূপ অবগুণ্ঠন পরিগৃহ করিলে আমি তোমাকে মধ্য ২ উপদেশ প্রদান করিব। এতাদৃশ সন্ন্যাসধর্মের নিয়ম প্রভাবে তোমার সহিত আমার আর সাক্ষাৎ হওয়া অসম্ভব হইলেও তোমার মঙ্গলোদ্দেশে ঈশ্বরের নিকট প্রার্থনা ও ভূয়োভূয়ঃ পত্রদ্বারা তোমাকে

সদুপদেশ প্রদান করিতে আমি কিঞ্চিৎমাত্রও ত্রুটি করিব না। এক্ষণে গমন কর, যে সনাতন চিত্তপ্রসাদকর ধর্মময় পথের পথিক হইলে তাহাতে প্রফুল্লচিত্তে গমন করিতে থাক, অন্যত্র বিলম্বে এমন অপূর্বশান্তি ও আনন্দ লাভ করিবে, যে এই অসার সংসার মধ্যে কুত্রাপি তাহা প্রাপ্ত হওয়া দুর্ঘট”। যোগিবরের এবস্তূত উপদেশবাক্যশ্রবণে কনষ্টান্শিয়া মনে ২ এমনি প্রসন্ন হইলেন, যে পরদিনই সেই বৃত্তাবলম্বন না করিয়া কালাতিপাত করা তাঁহার পক্ষে অকর্তব্য বোধ হইল। ইহাতে তিনি তদ্বিষয় বৃত্তগুহণ ও তদুপযোগি তাহার ইতিকর্তব্যতা-কলাপ সমাপন-পূর্বক একান্তে উপবিষ্টা আছেন, এমত সময়ে ঐ মঠাধিকারিনী তাহার হস্তে এক পত্রিকা আনিয়া প্রদান করিল। তাহার পাঠ এই,

“তুমি যে পরম-পথাবলম্বন-পূর্বক অপরিণীত সুখ ও শান্তিক্রম কল লাভ করিবে, তাহার প্রথম কলস্বরূপ তোমাকে এই বিজ্ঞাপন করা যাইতেছে, যে তোমার খিওডোশস্ অদ্যাপি এই পৃথিবীমণ্ডলে জীবিত আছেন, যাহার লোকান্তর প্রাপ্তি হইয়াছে বোধ করিয়া তুমি অপর শোক-পারাবারে নিমগ্না হইয়াছ তিনি এখনপর্যন্তও কালগাসের কবল হন নাই। যে যোগির-নিকটে আসিয়া তুমি আত্মমনোবেদনা সকল ব্যক্ত করিয়া গিয়াছ, তিনিই তোমার শোকের নিদানরূপী খিওডোশস্। বিধাতা আমাদিগের প্রণয় সফল হইতে দিলেন না, কিন্তু তাহা বিফল হইয়াও কোটি ২ গুণে সুখকর হইল। তিনি আমাদিগকে স্ব ২ ইচ্ছানুসারী করিয়া সৃষ্টি করেন নাই বটে, কিন্তু আমাদিগের পরম-পুঙ্খার্থ-লাভের উপায় করিয়া দিলেন। এখন মনে কর যেন তোমার খিওডোশস্ জী-

বিতাবস্থায় নাই, ফ্রান্সিজ্ যোগীই তোমার শুভাকাঙ্ক্ষী হইয়া অহরহঃ ঈশ্বরের নিকট প্রার্থনা করিতেছেন।”


কনষ্টান্শিয়া উপস্থিত-পত্রের অক্ষর ও মর্মের সহিত ফ্রান্সিজ্ যোগির উপদেশাদি-বাক্যের উপন্যাস-কালীন স্বর ও শোকাবিষ্কার পুত্ৰিতর ঐক্য করিয়া ক্ষণকাল ভাবিতে ২ নিশ্চয়রূপে জানিতে পারিলেন, যে এই পত্র ফ্রান্সিজ্ যোগির স্বহস্ত লিখিত, এবং তিনিই আমার হৃদয়-সর্বস্ব খিওডোশস্, তাহাতে কিছুমাত্র সন্দেহ নাই। এতাদৃশ নিশ্চিত-জ্ঞানপ্রভাবে মথানন্দ-প্রবাহা কনষ্টান্শিয়া বাস্পাকুললোচনে কহিয়া উঠিলেন, “আর আমার চিন্তার বিষয় কি? ২, আমার খিওডোশস্ তো জীবিত আছেন, এখন পরমসুখে জীবনযাত্রা-নির্বাহ-পূর্বক প্রশান্ত-চিত্তে পরলোক-যাত্রা করিতে সমর্থ হইব, ভয় নাই”। এই রূপে চরিতার্থা হইয়া কনষ্টান্শিয়া সেই মঠে সন্ন্যাসিনীভাবে দশ-বৎসর-কাল অতিবাহিত করেন। অনন্তর ঐদেবগত্যা সেই স্থানে এক মহামারী-ভয় উপস্থিত হয়, তাহাতে কনষ্টান্শিয়া খিওডোশস্ উভয়েই সাঙ্ঘাতিক রোগাক্রান্ত হইয়া প্রায়ঃ এক সময়েই কলেবর পরিত্যাগ করেন। কনষ্টান্শিয়ার বাসনানুসারে তথায় উভয়ের শব একত্রেই সমাহিত হয়।

কনষ্টান্শিয়ার নিকট খিওডোশসের প্রেরিত উক্ত পত্র ও সমযান্তরের প্রেরিত অন্যান্য পত্র সকল কনষ্টান্শিয়ার মঠে অদ্যাপি সংরক্ষিত রহিয়াছে। তত্রত্য কুমার কুমারীগণের মনে সত্ত্ব-গুণ ও সুমতি উত্তেজ করিয়া দিবার বাসনায় মধ্য ২ সে সকল পত্রাদি তাহাদের সমীপে পাঠিত হইয়া থাকে।

ক্ষে, মো, ভ,

## উদ্ভিজ্জের চৈতন্য উৎকতা পুত্ৰিত আশ্চর্য্য ধর্ম।

উদ্ভিজ্জ স্বাবর-পদার্থ-মধ্যে গণ্য, এই প্রযুক্ত অনেকের বিশ্বাস আছে যে তাহাতে চেতনার সম্ভাবনাও নাই; কিন্তু উদ্ভিদেতাদিগের অনুসন্ধানের বিধানের অলীকতা প্রকাশ হইয়াছে। জগৎ-কর্তার বর্ণনানীত কৌশলে বৃক্ষ সকল প্রায়ঃ বুদ্ধিমান পুরুষের ন্যায় আপন ইষ্টানিষ্ট অনুভূত করিয়া মন্দের পরিবর্তনপূর্বক মঙ্গলের গৃহণ করিয়া থাকে। তাহাদিগের প্রধান মঙ্গলাম্পাদ রস এবং আলোক, সূত্রাৎ তৎসম্বন্ধেই তাহাদের চৈতন্য ব্যক্ত হয় কোন বৃক্ষমূলের এক পাশ্বে সারহীন মৃত্তিকা ও অপর পাশ্বে উত্তম মৃত্তিকা থাকিলে, তাহার শিকড়-সকল সারহীন-পার্শ্ব-পরিত্যাগ-পূর্বক সসার-স্থানদিগেই গমন করে। কেহ ২ কহিতে পারেন যে সসার স্থানস্থ শিকড়ের শীঘ্র বৃদ্ধি হয়, অসার স্থানে তাদৃশ বৃদ্ধি না হওয়াতে তত্রত্য শিকড় সসার স্থানদিগে গিয়াছে, বোধ হয়, বস্তৃত তাহা যথার্থ নহে; কিন্তু সাবধানে ঐ প্রস্তাবিত বৃক্ষের মূল নিরীক্ষণ করিলে ব্যক্ত হয়, অসার-পার্শ্বের শিকড় বক্র হইয়া সসার-পার্শ্বাভিমুখে গমন করে; শিকড়ের ইষ্টানিষ্ট জ্ঞান না থাকিলে কি প্রকারে ঐ বক্র হওন সম্ভবে? যে কোন বৃক্ষের শাখা অধোমুখ করিয়া রাখিলে তাহার অগুণ্ডাগ পুনরায় উর্দ্ধমুখ হয়, এবং যে স্থান ঋদ্ধ থাকিবাতে বক্র হইতে পারে না, তৎস্থানের পত্র সকল ঘূর্ণায়মান হইয়া তাহাদের অধঃপৃষ্ঠ অধোদিকে এবং উর্দ্ধপৃষ্ঠ উর্দ্ধে আনয়ন করে; অপর সাধাপ্রযুক্ত তৎকর্ম সিদ্ধ না হইলে তাহাদের বৃত্ত সকল পাকান



হয়। লতার আঁকড়ি-সকল যে দিগে ছায়া সেই দিগে যায়। যে লতা প্রাতে রৌদ্র পায় তাহার আকর্ষ পশ্চিমাভিমুখ; যাহারা বৈকালে রৌদ্র পায় তাহার আঁকড়ি পূর্বাভিমুখ হয়। অপর যে লতার আঁকড়ি-সকল প্রাতে রৌদ্র প্রাপ্ত হইয়া পশ্চিমাভিমুখ হইয়াছে, তাহাকে পশ্চিমে রৌদ্র

প্রাপ্ত হইতে পারে এমন স্থানে আনিলে ভ্রাস্য তাহার সমস্ত আঁকড়ি পূর্বাভিমুখ হইয়া যায়। গৃহমধ্যে ক্ষুদ্র বৃক্ষ রাখিলে তাহার অগুণ্ডাগ গৃহের গবাক্ষদিগে অগুণ্ড হয়। বীজমাত্রেরই উল্টা রোপন করিলে তাহার মূল অধোমুখ এবং অক্ষুর উর্দ্ধাভিমুখ হয়।

এতদ্ভিন্ন উদ্ভিজ্জ-বিশেষে গতি শক্তি ও চেতনা নানাপ্রকারে ব্যক্ত হয়। লাজুকলতার এই শক্তি অতি প্রত্যক্ষ। তাহা স্পর্শ করিবারাত্র তাহার পত্র-সকল সঙ্কুচিত হয়, এবং শাখা পত্র সকলেই নত হইয়া পড়ে। বনচাঁড়াল তরুও এই প্রকার, কিন্তু তাহাকে স্পর্শ করিবার আবশ্যক নাই। দিবাভাগে মেঘাচ্ছন্ন না হইলে তাহার পত্র-সকল বাহ্য কারণ ব্যতীত চালিত হইতে থাকে; এবং কখন কখন ঘূর্ণায়মানও হয়। অপর কারোলাইনা-দেশস্থ ডায়োনিয়া মিউসিপুলা অর্থাৎ মক্ষিপাশ নামক তরুবিশেষেও এই শক্তির অতি স্পষ্টরূপে দৃষ্ট হয়। এ তরুর পত্রদল সকল সন্ধিদ্বারা সংযোজিত এবং প্রত্যেক দলোপরি এক কণ্টক-শ্রেণী আছে; এবং এ পত্রদিগের উর্দ্ধপৃষ্ঠে এক প্রকার মিষ্ট রস জন্মাটীবা-প্রযুক্ত ভল্লোভে মক্ষিকারা তৎস্থানে আইসে; কিন্তু এই মিষ্ট রস স্পর্শ করিলেই পত্রদলদ্বয় উখিত হইয়া মক্ষিকাকে তৎক্ষণাৎ চাপিয়া বিনাশ করে। দলমধ্যে তৃণাদি নিক্ষেপ করিলেও এ গতি প্রত্যক্ষ হয়।

কতকগুলি সামুদ্রিক শৈবাল আছে, তাহার সমস্তদেহ ঘূর্ণিত হইয়া থাকে। অপর কতকগুলি শৈবালকে অনুবীক্ষণ যন্ত্রদ্বারা দেখিলে প্রত্যক্ষ হয়, যে যে পাত্রে তাহা রাখা যায় তাহার একস্থান-পরিত্যাগ-পূর্বক তাহা অন্যত্র গমন করে। স্থাবর পদার্থের এই গতি-শক্তি অতি আশ্চর্য-জনক। অনেক পুষ্পেতেও এই গতিশক্তি দৃষ্ট হইয়া থাকে। বুম্বকা পুষ্পের এবং ফণিমনসা-জাতীয় পুষ্পের গর্ভকেশর ঘূর্ণিত হইয়া ক্রমে সকল রজোকেশর স্পর্শ করে। ডেকিয়া ইলাপ্তিকা নামক এক প্রকার মার্কিনদেশীয় আগাছার পত্র স্পর্শ করিলে তৎক্ষণাৎ তাহা মুদিত হয়। অ-

পর অনেক বৃক্ষ আছে যাহার পত্র রজনীযোগে মুদিত হয়; এবং দিবসে বিকসিত হয়। অনেকে পত্রের এই আকৃষ্টনকে বৃক্ষের নিদ্দা বলিয়া বর্ণনা করেন। কোন পুষ্পও এই প্রকারে রাত্রিতে মুদিত ও দিবসে বিকসিত হইয়া থাকে।

বৃক্ষের চৈতন্য আছে, ইহা পণ্ডিত-মহাশয়েরা অনেকে বিশ্বাস করেন না, এবং কছেন যে পত্রপুষ্পাদির গতির আদিকারণ চৈতন্য নহে; পরন্তু ইহা অতি আশ্চর্যের বিষয় যে মনুষ্য অহিকোণ আদি মাদক দ্রব্য ভক্ষণ করিলে যে প্রকারে চৈতন্য শূন্য হয়, এবং অধিক খাইলে মরিয়া যায়; বৃক্ষও সেই প্রকারে মাদক-দ্রব্যের ক্রম ভোগ করিয়া থাকে। লাজুকলতার মূলে কিঞ্চিৎ অহিকোণ মিশ্রিত জল দিলে, এ লতা অর্দ্ধঘণ্টাকালমধ্যে চৈতন্য শূন্য হয়, এবং তাহার পত্র সকল মুদিত হয়, তৎপরে বহুক্ষণ পর্যন্ত রৌদ্রাদির উত্তাপ পাইলেও তাহার পত্র আর বিকসিত হয় না; অপর, দুই এক দিবস ক্রমাগত এ জননেচন করিলে এ লতা মরিয়া যায়। কোরোকরম নামক এক প্রকার ঔষধি আছে, তাহার ঘ্রাণে মনুষ্য অচেতন হয়; লাজুকলতায় তাহার বাষ্প স্পর্শ করিলে এ লতাও অচেতন হয়, অধিকন্তু উক্ত লতার এক শাখার নিকট এ দ্রব্যের বাষ্প আনিলে তাহা তৎক্ষণাৎ সুপ্ত হয়, অপর সকল শাখা তেজোবস্ত এবং জাগুৎ থাকে। লাজুক লতার কিঞ্চিৎ চেতনা না থাকিলে এই ঘটনা কি প্রকারে সম্ভবে।

অপর, পশুর দেহে যে প্রকার উৎপত্তি অনুভূত হয়, বৃক্ষেও তদ্রূপ অনুভূত হয়। রামিউ, শুবলর, হণ্টর প্রভৃতি প্রসিদ্ধ পণ্ডিতেরা পরীক্ষা করিয়া দেখিয়াছেন, যে শীতকালে চতুর্দিগস্থ বায়ু-

হইতে বৃক্ষমাত্রেরই উষ্ণতা অনেক অধিক, এবং গুণ্যকালে বায়ুর উষ্ণতা অপেক্ষায় অল্প হয়। বৃক্ষের আয়তন ও মূলের দীর্ঘতানুসারে ঐ উষ্ণতার তারতম্য হইয়া থাকে। বৃক্ষ পুষ্পিত-হওন-সময়ে এই উষ্ণতার বিশেষ বৃদ্ধি হয়। কোন ২ সময়ে পুষ্প-বিকসিত-হওন-কালে বৃক্ষের উষ্ণতা এত বৃদ্ধিত হয় যে বায়ুর উষ্ণতাপেক্ষায় তাহার উষ্ণতা তাপমান-যন্ত্রের ২০ অংশ অধিক নিরূপিত হইয়াছে।

কোন ২ উদ্ভিজ্জের অপর এক আশ্চর্য্য ধর্ম্ম আছে, বদ্বারা তাহা রজনীযোগে প্রদীপ্ত বোধ হয়। ডুমগু নামা এক জন ভ্রমণকর্ত্তা লেখেন যে অক্সেলিয়া-দ্বীপে স্বান-নদীর তটে তিনি এক প্রকার ছএক (বেঙ্গের ছাতা) দেখিয়াছিলেন, তাহা রাত্রিতে এমত উজ্জ্বল হয় যে তৎ-সাহায্যে অনায়াসে তিনি পুস্তক পাঠ করিতেন। দক্ষিণ-অমরিকার বেজিল-দেশে এক প্রকার ছএক \* আছে, তাহাহইতে খদ্যোতিকার আলোকের ন্যায় ঈষদ্ হরিদ্-বর্ণের জ্যোতি নিগত হয়। ডেসুডন্-নগরে কয়লার আকরে ডিলাইন্ সাহেব কোন ছএক দেখিয়াছেন, তাহাহইতেও আলোক নিগত হয়। বিখ্যাত উদ্ভিজ্জবেত্তা লিনিয়স্ সাহেবের পুত্র লিখিয়াছেন যে নপ্তরশিয়ন্ পুষ্প ও কয়েক প্রকার গৌন্দা পুষ্প সন্ধ্যার সময়ে উজ্জ্বল বোধ হয়। অন্য সাহেবেরা সূর্য্যমুখী-পুষ্প † ইন-থরা-পুষ্পে করাসিসি গৌন্দায় এবং একপ্রকার

\* তাহার নাম আগারিকস্ গার্ডেনেরী।

† এই পুষ্প যখন যে দিগে সূর্য্য থাকে তখন সেই দিগে বক্র হইয়া থাকে, ইহা অনেকেই দেখিয়া থাকিবেন। এই প্রকারে সর্ব্বদা সূর্য্যাস্তমুখে মুখ রাখা প্রযুক্তই পুষ্পের নাম সূর্য্যমুখী হইয়াছে।

কচু পুষ্পে গুণ্যকালের অপরাক্ত আলোক দেখিয়াছেন। অপর, বেজিলদেশীয় মনসাশুণীস্থ ইউফরিয়্যা ফস্ফোরিয়্যা নামক বৃক্ষের রস সন্ধ্যার সময়ে উজ্জ্বল বোধ হয়। এতদেশে একপ্রকার একপত্রিক বৃক্ষ আছে, তাহার মৃত্তিকাধঃস্থ কাণ্ডে জলে সিক্ত করিলেই আলোকপূর্ণ হইয়া উঠে; পরে জল শুষ্ক হইলেই তাহা পূর্ব্ববৎ রশ্মি-বিহীন হইয়া যায়। অনেকে এই অদ্ভুত ঘটনার কারণানুসন্ধানে নিযুক্ত হইয়া নানা মত প্রচার করিয়াছেন, কিন্তু অদ্যাপি তাহার কিছু স্থির হয় নাই; সুতরাং অধুনা কেবল এইপদার্থ জ্ঞাপন করিয়াই এই পুস্তাবের উপসংহার করিতে হইল।

### নূতন-গুহের সমালোচনা।

আমরা বহুদিবসাধি মানস করিতেছি যে মধ্যে ২ নূতন-গুহের মহিমা-বিষয়ক পুস্তাব বিবিধার্থে প্রকটিত করিব, কিন্তু অবকাশাভাব-প্রযুক্ত সে কল্পনা অদ্যাপি সিদ্ধ করিতে পারি নাই, এবং ত্বরায় তাহা ফলিতার্থ করিবার উপায়ও দেখি না; অতএব নূতন-গুহের গুণ-কীর্ত্তন-পরিবর্ত্তে অঙ্ক-মাতুল-ন্যয়ে তাহার বিজ্ঞাপন করাই বিহিত বোধে এই পুস্তাবে নূতন-গুহের নামমাত্র প্রকটিত করিলাম। ভবিষ্যতে অবকাশানুসারে ইহার কোন ২ গুহের গুণকীর্ত্তন হইতে পারে।

১। নূতন-গুহ-মধ্যে শ্রীযুক্ত বাবু শ্যামাচরণ-শর্ম্মার বাঙ্গলা ব্যাকরণ সর্ব্বপ্রধান। গৌড়ীয়-ভাষায় তাদৃশ সূচাক ব্যাকরণ আর নাই। তৎ-পাঠ-ভিন্ন বঙ্গভাষায় যথার্থ মর্ম্ম কোনমতে বোধ হইতে পারে না। অতএব আমরা অনু-

রোধ করি, যে সকল মহাশয়েরা স্বদেশ-ভাষার অনুরাগ করেন তাঁহারা ত্বরায় ঐ গুহের আলোচনা করুন।

২। বর্জমানাধিপতি মহারাজের অনুমত্যানুসারে বাঙ্গালীকী রামায়ণের এক নূতন অনুবাদ প্রকটিত হইয়াছে। অনুবাদকদিগের কল্পনা ছিল যে কৃত্তিবাস-কৃত রামায়ণ হইতে পরিপূর্ণ ভাষায় মহাকবি বাঙ্গালীকীর অধিতীয় কাব্য ভাষান্তরিত করিবেন; কিন্তু কেবল-সংস্কৃতশব্দের প্রয়োগেই উত্তম কবিতা জন্মে না; কৃত্তিবাসী রামায়ণের রস অভিনব গুহে সুদুর্লভ প্রাপ্য।

৩। পতিবৃত্তোপাখ্যান। এই গুহ পূর্ণচন্দ্র-দয়-যন্ত্রে মুদ্রিত হইয়াছে; কিন্তু আমরা অদ্যাপি তাহা পাঠ করি নাই।

৪। শ্রী রামচন্দ্রের জীবন চরিত্র। ভবানীপুর-নিবাসী শ্রীযুক্ত রাখাল দাস হালদার মহাশয় এই ক্ষুদ্র গুহ রচনা করিয়াছেন।

৫। মনু সংহিতার প্রথম দুই অধ্যায়। এই গুহে মনুর মূল কুল্লুক ভট্টকৃত টীকা, আনন্দ-চন্দ্র-বেদান্তবাগীশ-কৃত বাঙ্গালা অনুবাদ, এবং জোনস্-সাহেব-কৃত ইংরাজি অনুবাদ একত্রে মুদ্রিত হইয়াছে। দুঃখের বিষয় সম্পাদকেরা অনুবাদ-দ্বয় উত্তমরূপে সংশোধন করিতে যত্ন করেন নাই। জোনস্ সাহেবের অনুগৃহে প্রথম শ্লোকে যোগি প্রধান ভগবান্ মনু অনায়াসে নব্য বাবুর ন্যায় ভক্তিরা হেলান দিয়া ধ্যানে বসিয়াছেন, সম্পাদকেরা তাঁহাকে তদবস্থাহইতে অবস্থান্তর করিলে প্রশংসনীয় হইত \*।

৬। মানিক পত্রিকা। এতদেশীয় শুভানুধ্যায়ী ব্যক্তিদ্বয় হিন্দু-বনিতাদিগের উপদেশার্থে উক্তাখ্যায় এক খানি ক্ষুদ্রপত্র-প্রকাশে বৃত্ত হই-

\* Manu sat reclined &c. Verse I.

রাছেন। সঙ্কল্প উত্তম, এবং ভরসা করি সকল হইবেক। পত্রের লিপি-প্রণালীর আদর্শ-স্বরূপ নিম্নে কতিপয় পঙ্ক্তি উদ্ধৃত হইল।

“মদের অদ্ভুত শক্তি! যে ব্যক্তি পান করে সে দুধকে জল বলে ও জলকে দুধ বলে। কলিকাতার কোন বুনিয়াদি মাতালের বাটীতে তাঁহার চাকর পুশাব করিতেছিল, মাতাল বাবুর মস্তকে পড়িলে তিনি জিজ্ঞাসা করিলেন, “আমার মাথায় কি পড়িল?” পরে শুনিলেন—পুশাব। তখন উত্তর করিলেন, “তবে ভাল; আমি বোধ করিয়াছিলাম জল”।

“কথিত আছে যে অন্য এক বুনিয়াদি মাতাল বাবু মদে মত্ত হইয়া দশমীর দিবস প্রতিমা-বিসর্জন-কালীন নৌকাহইতে রোদন করিয়া বলিলেন,—“অরে মা চললেন রে—মার সঙ্গে কেহ কি যাবে না? আমরা সকলে ব্যস্ত, অরে বেটা ঢাকি তুই যা” এই বলিয়া ঢাকিকে ধাক্কা দিয়া জলে ফেলিয়া দিলেন।

“আর শুনা আছে যে কোন মাতাল ভোজন করিতে বসিয়াছিলেন, তাঁহার পার্শ্বে জলের ঘটী ছিল না, একটা বিড়াল বসিয়াছিল। মাতাল জলের ঘটী মনে করিয়া বিড়ালকে ধরিলেন। বিড়াল মেয় ২ করিতে আরম্ভ করিল। মাতাল বলিলেন, “শালা জলের ঘটী তুই মেও ২ করিয়া কি বাঁচবি, তোকে অগ্নে খাবুই”। পরে বিড়ালকে মুখের কাছে তুলিলে বিড়াল আঁচড় কাঁড় করিয়া পলায়ন করিল।

“আর এক ভক্ত-মাতালের কথা শুনা আছে, তাহাও বলা যাইতেছে। ঐ মাতালের নাম—সিংহ। আপন বাটীতে পূজা হইবে, যষ্ঠীর রাতে উঠিয়া প্রতিমার নিকট যাইয়া কোপেতে পরিপূর্ণ হইলেন; সিংহকে বলিলেন, “অরে বেটা সিংহ,

তুই নকল সিংহ, আমি আমল সিংহ, তুই বেটা মার পদতলে কেন?" এই বলিয়া সিংহকে ভাঙ্গিয়া আপনি চাদর মুড়ি দিয়া সিংহ হইলেন। প্রাতঃকালে পুরোহিত আসিয়া দেখিলেন বাটার কর্তা সিংহ হইয়া রহিয়াছেন। তিনি আস্তে আস্তে বলিলেন, "মহাশয় ওখানে কেন—মহাশয় ওখানে কেন?" কর্তার নেসা ছুটিয়াছিল, নেহানহইতে আস্তে ২ উঠিয়া অধোমুখে বৈঠকখানায় গিয়া বসিলেন। গুরু পুরোহিত সকলে বলিতে লাগিলেন, "কর্তা বড় ভক্ত, না হবে কেন, সিদ্ধবংশ।"

### বিবাহ-বিষয়ক এতদেশীয় কুপুখা।

প্রেরিত প্রস্তাব।

বিদ্যার অভাব হেতু এ দেশীয় লোকের বুদ্ধিবৃত্তি মার্জিত না হওয়াতে এখানে যে কতপ্রকার কুৎসিত কর্ম প্রচলিত হইয়া রহিয়াছে—কত কুকর্ম যে কত মতে দেশকে দুর্দশাপন্ন করিয়া রাখিয়াছে—তাহা আর বলিয়া শেষ করা যায় না! যে সমস্ত কর্মদোষে দেশের নামকে এককালে ভুগ্ন করিয়া দেয়, এদেশে তাহার কোন কর্ম আর অনুষ্ঠিত হইতে অপেক্ষা নাই, এবং কি বাণিজ্য, কি রাজকর্ম, কি গৃহকার্য, প্রভৃতি যে সকল বিষয়ে দেশের নজরোন্নতির সম্ভাবনা আছে, তৎপ্রতিবন্ধকে তাহার একটি বিষয়ও পরিগৃহ্যরূপে সম্পন্ন হইবার উপায় নাই। যাহার বিষয় যখন আলোচনা করা যায় তাহারই নিমিত্তে তখন অসম্ভব আক্ষেপ করিতে হয়; চিন্তাতে আকুল হইয়া একেবারে হতাশ হইতে হয়, এবং বিষাদসাগরে মগ্ন হইয়া দীর্ঘ-

নিশ্বাস ত্যাগ করিতে হয়। এদেশের এক উদাহরণের কথা মনে হইলেই কলেবর কম্পিত হইয়া উঠে, শোণিত গুরু হইতে আরম্ভ করে, এবং মন যেন জ্বলন্তানলে জ্বলিতে থাকে। এদেশে বাল্যাবস্থায় বিবাহ হইবার রীতি প্রচলিত থাকতে কি সর্বনাশ না হইতেছে? অনেকে বিবাহ করিয়াও যাবজ্জীবন উদাহ-সুখে বঞ্চিত থাকিয়া মহাকষ্টে দিনযাপন করিতেছে। এদেশে দম্পতির মধ্যে যে সকল অপুণ্য, কলহ, এবং বিরক্তির ভাব দেখা যায়, উক্ত রীতিই তাহার এক প্রধান কারণ বলিয়া গণ্য হইতে পারে। এদেশীয় লোকের হতবীর্য হইবার এবং শারীরিক ও ভৌতিক নিয়ম লঙ্ঘন-পূর্বক নানাপ্রকার রোগ শোক ভোগ করিবার এমত প্রবল কারণ আর দ্বিতীয় দৃষ্ট হয় না। এই রীতির নিমিত্ত এদেশীয় বালক-বালিকাদিগের অনুপযুক্ত-কালে মনের ভাবান্তর হইয়া এবং ইন্দ্রিয়ের চঞ্চল হইয়া তাহাদিগের প্রকৃত-সুস্থতানাদান ও পুষ্টিবর্ধনের পক্ষে ব্যাঘাত জন্মে, এবং বিদ্যা-শিক্ষার প্রতি বাধা উপস্থিত হয়। প্রায়ঃ এদেশীয় অনেককে যে প্রথম-সন্তানের শোক সহ্য করিতে হয়, এই কুপুখাই তাহার এক প্রবল কারণ। পুরুষানুক্রমে এক-বংশজাত সন্তানগণ উত্তরোত্তর ক্ষীণ হইয়া বংশ-লোপ হওয়াও এই কুপুখার এক প্রধান ফল; এবং এই কুরীতি-সূত্র অবলম্বন করিয়াই এদেশে বিষম দরিদ্রতা প্রবেশ করিয়াছে।

সন্তানের কোন যোগ্যতা-কোন উপার্জন শক্তিনা দেখিয়া তাহার উদাহ-পর্বে আমোদিত হইয়া অনায়াসে তৎকর্ম সম্পন্ন করা কি ভয়ানক কুকর্ম? শৈশবাবস্থায় পুত্র যখন নিতান্ত বালক, নিতান্ত অবোধ, যখন তাহার কতিপয় বর্ণপরি-

চয়মাত্রই জ্ঞানের সীমা, এবং নৈহিক কার্য-মাত্রই কেবল কর্তব্য বোধ, যে সময় তাহার অপর ব্যক্তির ভার-গৃহণ-করা দূরে থাকুক, সে প্রাপ্ত অন্ন উত্তমরূপে ভোজন করিতে অশক্ত, পরিধেয় বস্ত্র সুচাকরূপে ধারণ করিতে অপটু, এবং সামান্য বিপদহইতে আপনাকে রক্ষা করিতে অক্ষম;—যখন সে সন্তান মূর্খ হইবে, কি পণ্ডিত হইবে, ধনী হইবে কি দরিদ্র হইবে, সাধু হইবে কি অসাধু হইবে, তাহার কিছুই নির্দেশ করিবার উপায় হয় না, তৎকালে পিতা মাতা জ্ঞাননেত্রে ধূলি প্রক্ষেপ করিয়া, এবং হৃদয়কে পাষণদৃশ কঠোর করিয়া সেই সন্তানের সহিত অপব্যয়কা কন্যার পরিণয়-কার্য সম্পন্ন করিলে কেন না উত্তরোত্তর দেশের দরিদ্রতা-বৃদ্ধি হইবে? অতএব বিজ্ঞান প্রতিপন্ন হইতেছে, যে এদেশকে সৌভাগ্যে শোভিত করিতে হইলে—মহত্ত্ব মণ্ডিত করিতে হইলে—এই ক্ষণেই এমত অনর্থকর কুরীতির উচ্ছেদ করিয়া প্রাপ্তবয়সে পানিগৃহণ করিবার মঙ্গলকর নিয়ম স্থাপন করা আবশ্যিক। কিন্তু এদেশীয় লোকের প্রগাঢ় ভ্রান্তি-হেতু, না উক্ত কুরীতির অন্যথা করিবার উপায় আছে, না দেশের দুর্দশা দূর হইবার কোন পথ আছে। যে পর্যন্ত এতদেশীয়জনগণ মহাত্মনে অন্ধ হইয়া শিশু বালকের সহিত অত্যপব্যয়কা কন্যাদিগের পরিণয়-ক্রিয়া সমাধা করিয়া থাকে, পরিণামে যে, কি সর্বনাশ হইবে, তখন তাহারা সে বিষয়ের প্রতি একবার নেত্রপাতও করে না, কে বা সে কন্যাকে ভরণ পোষণ করিবে, কে বা তজ্জাত সন্তানগণকে লালন পালন ও রক্ষণাবেক্ষণ করিবে, তাহার বিষয় একবার মাত্রও তাহাদিগের মনে উদয় হয় না, কেবল বিবাহসংস্কারের বশতাপন্ন হইয়া অত্যন্ত

অপব্যয়কা কন্যার উদাহ-কর্ম সম্পন্ন করিতে পারিলেই আপনাদিগকে ধন্য ও চরিতার্থ বোধ করে,—তৎভাবে কোন মঙ্গলেরই সম্ভাবনা নাই; এই বিবাহ-প্রেরণাসারে ক্রমে উত্তরোত্তর উক্ত কুপুখার একপ্রকার বৃদ্ধি হইয়াছে যে এদেশীয় ভদ্রকুলের কোন ২ প্রধান শ্রেণীর মধ্যে গর্তস্থ সন্তানকে কন্যা লক্ষ্য করিয়া তাহার বিবাহের সম্বন্ধ স্থির হইয়া থাকে, তাহাতে সে সন্তান মজীব কি নির্জীব—বিকলাঙ্গ বিকৃতাকার কি কুৎসিত কদাচার ইত্যাদি কি প্রকার অবস্থায় যে ভূমিষ্ট হইবে, তাহার বিষয় কি বরকুল-কর্তা, কি কন্যাকুলকর্তা কেহই কিছু বিবেচনা করে না। কুলমর্যাদা বংশমর্যাদায় মনোনিত হইলেই তাহারা এইরূপ সম্বন্ধ নিবন্ধ করিতে মহাব্যগ্ন হয়। এপ্রকার কুৎসিত-ব্যবহারসত্ত্বে কি এদেশের কখন কন্যাগণ আছে?

ইহা সিদ্ধান্তীকৃত মত যে পিতা-মাতার শরীরগত ও মনোগত যে সমস্ত দোষাদোষ থাকে, তাহাদিগের সন্তানেরা প্রাকৃতিক নিয়মানুসারে অবশ্যই তাহার কিছু না কিছু প্রাপ্ত হয়, অতএব যদি কোন জাতিবিশেষের কোন স্বাভাবিক দোষের নিমিত্ত ক্রমাগত তাহাকে অধোগামী হইতে হয়, তবে অবশ্যই তদোষ-বর্জিত কোন ভিন্ন জাতির সহিত বিবাহ প্রচলিত করিয়া তজ্জাতির উক্ত দোষ পরিহার করা সর্বতোভাবে বিধি, এবং ঐ বিধির অনুসারে কার্য করিয়া অনেক কদাকার কুৎসিত জাতীয় লোকেরা সংসারমধ্যে এক্ষণে সুঠাম ও সুন্দর বলিয়া গণ্য হইতেছে; অনেক হীনবল ক্ষীণমতি জাতির সন্তানেরা মহাবলবান ও বুদ্ধিমান হইয়া সুবিস্তীর্ণ রাজ্যের অধিকারী হইয়াছে; অনেক হতবীর্য ও ভীক্শুভাব জাতিও

মহাবীর্যবান্ ও সাহসী বলিয়া গণ্য হইতেছে; এতদেশীয় বর্তমান পুরুষেরা এক্ষণে যেকোন অগণ্য ও হেয় হইয়া রহিয়াছে, অপরদেশীয় সভ্যলোকের নিকট যেপকার অধম এবং অগৃহ্য জাতি বলিয়া, বর্ণিত হইতেছে, দ্বীপান্তরীয় মনুষ্যকর্তৃক পরাজিত হইয়া আপনাদিগের গৃহস্বরূপ জন্মভূমির আধিপত্যে যেকোন বঞ্চিত হইয়া রহিয়াছে, এবং আপনাদিগের স্বাধীনতাক্রম মহারত্নকে যে প্রকার অসম্মানে বিক্রয় করিতে বাধ্য হইতেছে, পুরুষানুক্রমে তাহাদিগের সম্মানগণকেও ঐ-সকল-বিষয়ে সেই মত হইতে হইবেক। কিন্তু তথাপি দেশ-ব্যবহার-পাশে বদ্ধ থাকিয়া এদেশীয় লোকে বিহিত-কালে বিবাহ প্রচলিত করিয়া তাহার কোন পূর্ব-প্রতীকার করিতে উদ্যোগী হয় না।

যদিও ভিন্ন-দেশীয় লোকে দয়া করিয়া কি স্বকার্য-সাধন উদ্দেশ্য করিয়া এদেশের প্রতি নগরে নগরে—প্রতি গুমে গুমে—পল্লী পল্লীতে—মহামহা-বিদ্যালয়-স্থাপন দ্বারা বিধিমতে জ্ঞান-বিজ্ঞানের প্রচার করে, তথাপিও এদেশীয় সম্মানগণ বলবুদ্ধি-বিষয়ে তাহাদিগের পূর্ব-পুরুষদিগকে কস্মিনকালে সম্পূর্ণরূপে অতিক্রম করিতে পারিবেন না। কার্য-কারণ-সূত্রে বদ্ধ থাকিয়া অবশ্যই তাহাদিগের পিতামাতার শারীরিক ও মানসিক সকল দোষ তাহাদিগকে কিঞ্চিৎ কিঞ্চিৎ অধিকরণ করিতে হইবেক। অতএব এদেশীয় লোকদিগের এক্ষণে যেকোন শারীরিক ও মানসিক অবস্থা হইয়া রহিয়াছে, এবং বৈজাত্য-বিবাহের প্রতি এদেশীয় লোকের যেপকার বিরুদ্ধ সংস্কার আছে, তাহাতে হিন্দু-সম্মানগণের আর শ্রীবৃদ্ধি হওয়া দূরে থাকুক হিন্দু নাম অচিরে লুপ্ত হওয়াই

সম্ভব। ধর্ম-ভ্রান্তিতে এখানকার মনুষ্যের জ্ঞান-চক্ষু এমত দুর্বল হইয়া রহিয়াছে, যে আপনাদিগের নিকট উপস্থিত বিপদকেও তাহারা কণকালের জন্য দেখিতে পায় না। এদেশের যে সমস্ত লোকে এই বিরুদ্ধ-সংস্কারের বশতাপন্ন হইয়া স্বজাতির হতবল হতবীর্য কন্যা-পুত্রের সহিত উদ্বাহ-ক্রিয়া সম্পন্ন করিয়া ইচ্ছাপূর্বক আপনাদিগের কুলনাশককালকে আহ্বান করিতেছে। দেশীয় জনগণ মধ্যে কেহই এক্ষণে নিরোধ নহে, যে ঐ রূপ অবৈধ বিবাহ জন্য সে সকল সর্বনাশ ঘটবার সম্ভাবনা এবং পূর্ণবয়স্ক সবেল সতেজ স্ত্রীপুরুষের সহিত বিবাহ হইলে যে অনুপম সুখ সৌভাগ্য সম্ভূত হইতে পারে, যুক্তি ও তর্কের দ্বারা অনারাদে তাহার অনুভব করিতে না পারে, পরন্তু প্রগাঢ়-ব্যবহার-ভ্রান্তি আনিয়া তাহাদিগের জ্ঞান-পথকে বন্ধ করিয়া রাখে।

বিবাহ-বিষয়ে এদেশে আর যে এক প্রকার কুরীতির অনুষ্ঠান হইয়া থাকে, তাহাতে করিয়া কস্মিনকালে আর দেশীয় মনুষ্যের মস্তকোত্তোলন করিবার সাধ্য হইবে না, এবং তাহার নাম করিতে হৃদয় বিদীর্ণ হয়। মনুষ্য নিতান্ত নির্দয়—নিতান্ত নিষ্ঠুর—না হইলে, এককালে হৃদয়কে পাষণবৎ কঠোর না করিলে এবং বৃক্ষ পর্বতাদির ন্যায় অচেতন না হইলে যে কর্ম করিতে পারে না, উক্ত কুরীতির অনুদারে মহানহা বিচক্ষণ লোকে অকোশে সেই কার্য করিয়া থাকে।

কোন বুদ্ধিমান লোক না স্বীকার করিবেন যে যৌবনাবস্থায় স্ত্রীর বিয়োগ হইলে পুরুষের যে মত পুনর্বার দারপরিগৃহ করিয়া পরমেশ্বর-প্রণীত শারীরিক নিয়ম পালন করা বিধি, সেইমত অসম্মান স্ত্রীদিগের স্বামী হত

হইলেও দ্বিতীয় বার পানি-গৃহণ করিয়া শারীরিক-ধর্মের রক্ষা করা সর্বতোভাবে কর্তব্য। প্রথম-বয়সে পুরুষ স্ত্রীহীন হইলে, যদি সে ব্যক্তি আর অন্য স্ত্রীর পানিগৃহণ না করে, তবে প্রকৃত-স্বভাবানুসারে যেমন তাহার মনের চাঞ্চল্য জন্মে, শরীরের ভাবান্তর হয়, এবং পাপ-পঙ্কহইতে নির্লিপ্ত থাকিয়া সমস্ত-জীবন যাপন করিয়া যাওয়া অত্যন্ত কঠিন হইয়া উঠে; সেই মত বালবিধবা নারীদিগেরও অবশ্য চিত্তের অস্থিরতা হইতে পারে এবং আপনাদিগের সতীত্বের রক্ষা করাও দুঃসাধ্য হয়। এতৎসংসারে স্ত্রীবিহীন পুরুষদিগের মধ্যে অনেকের চেষ্টায় যেমন অত্যন্ত কুৎসিত ও ভয়ানক পানির অনুষ্ঠান হইয়া গিয়াছে এবং অদ্যাপি হইতেছে, সেই মত পতিহীনা রমণীর মধ্যে অনেকে অধৈর্য হইয়াও অসঙ্খ্য অত্যাচার উপাদান করিয়াছে এবং করিতেছে। কিন্তু এদেশে কি বিপরীত রীতির বলবৎ প্রচার! পুরুষের যত বার স্ত্রী বিয়োগ হয়, প্রচলিত দেশাচারানুসারে সে তত বারই বিবাহ করিতে পারে, এবং এক স্ত্রী সত্ত্বেও যদি পুরুষ অন্য-স্ত্রীর পানিগৃহণ করিতে ইচ্ছা করে, ইচ্ছানুসারে তাহাও তাহার করিবার অধিকার আছে, কিন্তু স্ত্রীলোকের এক বার স্বামী মৃত হইলে তাহার আর পানিগৃহণ করিবার বিধি নাই। পূর্বেই উক্ত হইয়াছে, যে কুরীতিরূপধূমে অন্ধ হইয়া এদেশের লোকে পঞ্চমবর্ষীয়া কন্যারও বিবাহ প্রদান করে, কিন্তু যদি সেই কন্যার উদ্বাহ-ক্রিয়া সাক্ষ হইতে না হইতে তাহার পতিকে অকস্মাৎ কালের হস্তে পতিত হইতে হয়, তথাপি তাহার যাবজ্জীবনের মধ্যে আর কাহার ভার্য্যা হইবার সাধ্য থাকে না। দেশ-ব্যবহারের নিয়-

মানুসারে অবশ্যই তাহাকে যাবজ্জীবন অসহ্য বৈধব্য-যন্ত্রণা ভোগ করিতে হইবেক। অধিকন্তু ধর্মশাস্ত্রমধ্যে বয়সের ভারতম্যানুসারে বিধবা-দিগের আচারব্যবহারের কোন ইতর-বিশেষ করা নাই; পূর্ণবয়স্ক কোন স্ত্রীর পতি-বিয়োগ হইলে, শাস্ত্রানুসারে তাহাকে যেমত বেশভূষা-বর্জিতা হইয়া সময়ে সময়ে উপবাস ও অস্পাহার করিয়া দুঃমহ-শারীরিক-কষ্ট-স্বীকার-পূর্বক ঘোরতর কঠোর-নিয়ম-সকল পালন করিতে হয়, পঞ্চবর্ষীয়া কন্যারও দুর্ভাগ্য-বশতঃ বৈধব্যদশা হইলে, তাহার প্রতি সেই-মত সমস্ত নিয়ম পালন করিবার বিধি আছে, এবং পিতামাতাও বিষমভূমে অন্ধ হইয়া অন্যায়সে সেই বালিকা দুহিতাকে ঘোরতর যন্ত্রণা-প্রদান করিতে প্রবৃত্ত হইবেন। এদেশীয় লোকের এত বিপুল অজ্ঞানতা যে বুদ্ধি ও কায়স্থ বর্ণের মধ্যে কোন নিয়মিতদিবসে পিতামাতা যদি বালবিধবা কন্যাকে উপবাসের কষ্টে বা দাক্ষ-পিপাসার কষ্টে স্তব্ধ হইয়া প্রাণ-ত্যাগ করিতেও দেখে তথাপি আপনাদিগের ধর্মভঙ্গ দূর করিয়া তাহাকে যৎকিঞ্চিৎ আহার বা জলদান করিয়া তাহার প্রাণরক্ষা করিতে পারে না। বুদ্ধি ও কায়স্থ বর্ণের মধ্যে অন্তর্জলাবস্থায় ও বিধবা-দিগের মুখমধ্যে জলপ্রদানপূর্বক প্রাণদান করিতে নিষেধ আছে। কি আশ্চর্য! কি মূঢ়তা! কি মহাভ্রম! এ আচার-দৃষ্টে কখনই বোধ হয় না, যে ইহার বিধবাস্ত্রীদিগের কোন সজীব প্রাণী বলিয়াও মনে করে, যেহেতু বুদ্ধি-চৈতন্যবিশিষ্ট লোকে কোন পশু পক্ষির প্রতিও এপ্রকার নিষ্ঠুর-ব্যবহার করিতে পারে না। বিধবা কন্যা বয়ঃপুষ্টা হইলে পিতামাতা যদি তাহাকে নিরন্তর পতিবিরহে কাতর হইতে দে-

বিভিন্ন-কতিবিশিষ্ট আবালবনিতাদিগকে বিবিধোপাখ্যান বিষয়ক বাক্‌চাতুরীদ্বারা বিমুগ্ধ করেন। দেখুন, এতদেশীয় কথকমহাশয়েরা কি অবলীলাক্রমে মনুষ্যকে বিমুগ্ধ করিয়া ইচ্ছানুসারে কখন কদিত কখন হসিত, কখন বা প্রেমপূর্ণ করিতেছেন।

কথকতার প্রণালী দেশভেদে বিভিন্ন হইয়া থাকে, বঙ্গদেশীয় কথকদিগের স্বরমাধুর্য, এবং বাক্‌চাতুর্যাদি বিশেষরূপে থাকে, কিন্তু বর্ণোচ্চারণের উত্তম স্পষ্টতা নাই। শাস্ত্রেও ইহা উক্ত আছে, যে “উচ্চারণানভিজ্ঞাঃ খলু বঙ্গাঃ” অর্থাৎ বঙ্গদেশীয়েরা উচ্চারণ-নিয়মের অনভিজ্ঞ। হিন্দুস্থানীয় কথকদিগেরও গ, ন, শ, ষ, স, ব, ব, ইত্যাদির যথাস্থান পৃথক্‌ উচ্চারণ করিতে প্রায়ঃ ক্ষমতা নাই, এবং শোভাদিগকে বিমুগ্ধ করিতে বঙ্গদেশীয়দিগের তুল্য নহেন। উচ্চারণবিষয়ে দক্ষিণাভ্যন্তর কথকমহাশয়দিগকে অদ্বিতীয় বলিতে হইবে; বেদপাঠে সুপণ্ডিত উক্ত কথকেরা যে প্রকারে প্রত্যেক বর্ণের পৃথক্‌ উচ্চারণ করেন তেমন এতদেশীয় কোন কথক সক্ষম নহেন।

স্বরমাধুর্য-বিষয়ে সর্বত্রই সমান; বাক্‌চাতুর্য এবং পাঠপ্রণালী দেশভেদে বিভিন্ন আছে। বঙ্গভাষায় সংস্কৃত-মিশ্রিত হওয়া বাক্‌চাতুর্যের বিশেষ-চাতুর্য বোধ হয়; পরন্তু শোভাদিগের স্বদেশীয় স্বরমাধুর্য বাক্‌চাতুর্যাদিতেই অতি সজ্জ্বল থাকে, কারণ উপাখ্যান এক থাকিলেও ভাষার প্রভেদ হওয়ার বোধগম্য হয় না। দক্ষিণদেশে প্রতি দিন বৈকালে বাদ্যযন্ত্রসহকারে দণ্ডায়মান হইয়া গীত-বদ্ধ উপাখ্যানের গানপূর্বক পাঠকরণের প্রথা আছে, এবং কাশী, বৃন্দাবন, মথুরা প্রভৃতি অন্য-

ন্য দেশেও প্রায়ঃ প্রতি দিন ব্যাখ্যা উপলক্ষে গৃহপাঠ হইয়া থাকে। তাহার মধ্যে বক্ষ্যমাণ দোষ পারিত্যাগ করিয়া পাঠ করা শ্রেয়ঃ; যথা,

“শক্তিঃ ভীতমুদঘৃষ্টমব্যক্তমনুসাসিকম্।  
বিস্বরং বিরসৈকৈব বিল্লিতং বিষমাহতম্॥  
কাকস্বরং শিরসিতং তথাস্থানবিরজিতম্।  
ব্যাকুলং তালহীনঞ্চ পাঠদোষাশ্চতুর্দশ॥  
সঙ্গীতং শিরসঃকল্পমন্ত্রকণ্ঠমনর্থকম্”।

ইহার অর্থ এই যে শঙ্কায়ুক্ত হইয়া উচ্চারিত, ভীত হইয়া উচ্চারিত, মুখপেষণপূর্বক উচ্চারিত, অস্পষ্টাকর, নাসিকাদ্বারা সমুচ্চারিত, ভগ্নস্বর, রসবিহীন, বিষমস্থানোচ্চারিত, কাকসদৃশস্বর, কাপালিকস্বর, যথোক্তস্থানে অনুচ্চারিত, অনেক-স্বর-মিশ্রিত, এবং তালহীন এই উক্ত চতুর্দশ-প্রকারে যে পাঠ করা যায় তাহা দোষযুক্ত জানিবে। এতদ্বিত্ত গীত রীত্যানুসারে এবং শিরঃকম্পনপূর্বক আবৃত্তি করাও দোষ মধ্যে পরিগণিত আছে।

### সুবর্ণের ভারতবর্ষীয় খনি।

তিপ্রাচীনকাল অবধি ভারতবর্ষে সুবর্ণের প্রচার আছে, এবং বেদাদি-প্রাচীন-গ্রন্থে পুনঃ তাহার উল্লেখ দৃষ্ট হয়। পূর্বকালের গ্রীষ্মদেশীয় লোকেরা ভারতবর্ষের কোন অংশকে “সুবর্ণদেশ” শব্দে বিধান করিত, এবং বহুকালপর্যন্ত ঐ স্থানই হইতেই পৃথিবীর সর্বত্র ঐ মনোহর ধাতু প্রেরিত হইত; কিন্তু এই ক্ষণে ঐ প্রথার অন্যথা হইয়াছে। আমেরিকা-দেশের কালিকর্নিয়া-প্রদেশে এবং অস্ট্রেলিয়া-দ্বীপে যে কাঞ্চন সঞ্চিত হইয়া থাকে, তাহাতে প্রায়ঃ অপর সকল খনি হতাদর হইয়াছে। এই ক্ষণেও তত্রত্য

অনেক স্থানে স্বর্ণ প্রস্তুত হয়। পরন্তু এতদেশে উত্তম খনির প্রচার নাই; অত্রত্য প্রায়ঃ সমস্ত সুবর্ণ নদী-তটে প্রাপ্ত হওয়া যায়। আসাম-প্রদেশে প্রায়ঃ ৫০টি নদীর বালুকায় সুবর্ণ লব্ধ হইয়া থাকে, তন্মধ্যে সীদাং, কাকুই, কদম্, সোমদিরী, সুসরাদীজু, ভৈরবী, জোংলুং, জাজ, এবং দেশই এই কয়েক নদীতে উত্তম পরিশুদ্ধ ও প্রচুর স্বর্ণ প্রাপ্ত হওয়া যায়। বেহার-প্রদেশে শোণ নদী, বেরার-প্রদেশে মহানদী, পঞ্জাবে বিপাশা নদী, অযোধ্যায় গোমতী নদী প্রভৃতি তটিনীদিগের তটেও কিঞ্চিৎ ২ কাঞ্চন সঞ্চিত হইয়া থাকে। ঐ সকল কাঞ্চনের আকর পর্বতস্থ খনি। নদীর স্রোতবেগে ঐ খনিহইতে সুবর্ণ ধৌত হইয়া বালুকাবৎ অবয়বে দূরে নীত হইয়া যায়, পরে স্রোতবেগের হ্রাস হইলে নদীতটস্থ বালুকায় সহিত নিপতিত হইয়া থাকে। স্বর্ণ-গুহকেরা ঐ বালুকা ধৌত করিলেই স্বর্ণ প্রাপ্ত হয়। সুবর্ণ পাটিনা ভিন্ন সকল পদার্থহইতে গুরু, এই প্রযুক্ত অন্য পদার্থের সহিত মিশ্রিত সুবর্ণ-চূর্ণ জলে বিলোড়ন করিয়া পাত্রে জলের অধিকাংশ নিষ্ক্ষেপ করিলে, জলের সহিত বালুকাদি লঘু পদার্থের কিয়দংশ নিষ্ক্ষিপ্ত হয়; অত্রন্ত গুরুতাপ্রযুক্ত স্বর্ণ পাত্রের তলভাগে পড়িয়া থাকে। পুনঃ এই প্রকারে বালুকা-মিশ্রিত সুবর্ণ ধৌত করিলে অনায়াসে বালুকামুক্তিকাদি হীনপদার্থহইতে সুবর্ণের পৃথক্‌ করা যাইতে পারে। পূর্বোক্ত নদীতটস্থ মনুষ্যেরা এই নিয়ম জ্ঞাত থাকিয়া তদনুসারে স্বর্ণ সঞ্চিত করিয়া থাকে।

আসাম-প্রদেশের সুবর্ণ-সঞ্চিতকারিদিগের নাম “সোনাল”, শীতকালে নদীর জল অস্পষ্ট হইলেই তাহারা স্রীপুত্রাদির সহিত দলবদ্ধ হইয়া সুবর্ণসঞ্চে প্রবৃত্ত হয়। সোনালদিগের প্রত্যেক

দলে এক জন পাটুই (প্তধান) এবং চারি জন পালী (কর্মকারক) থাকে। ঐ দল নদীতীরের যে স্থান স্রোতবেগে ভগ্ন হইয়া পড়িয়াছে, তৎ-সম্মুখে আসিয়া সোকালি নামক তীক্ষ্ণাঙ্গ বংশ-দ্বারা বালুকা খনন করিয়া পরীক্ষা করিয়া দেখে; যদিপি বালুকায় সহিত অধিক প্রস্তুত কঙ্কর থাকে, তাহা হইলে বালুকায় স্বর্ণ আছে নিশ্চয় জানিয়া এক থানা বাঁশের চেয়াড়িতে (বাঁশ চোলা) ঐ বালুকা লইয়া তাহাতে কি পরিমাণে স্বর্ণ আছে, তাহা নিরূপণ করে। যদিপি ঐ চেয়াড়ির উপর ১২।১৪ টি সুবর্ণকণা দেখিতে পায়, তাহা হইলে নিশ্চয় বোধ করে যে তথায় যথেষ্ট স্বর্ণরূপ আছে, এবং তন্মুক্তি পূর্ণকটীর নিষ্কাশন করিয়া তথায় আপনাদিগের আবাস-সংস্থাপন করে। অতঃপর নদীগর্ভে এমত করিয়া বাঁধ বাঁধে, যাহাতে নদীর জল সুবর্ণবিশিষ্ট স্থান দিয়া বাহিত হইতে পারে। দুই তিন দিবস ঐ জল বহিলে উক্ত স্থানের উপরিভাগের বালুকা ধৌত হইয়া যায়, এবং নিম্নস্থ স্বর্ণপূর্ণ বালুকা ব্যক্ত হয়। তাহা হইলেই সোনালেরা বাঁধ ভাঙ্গিয়া দেয়, এবং নদীর জল ঐ ধৌত স্থান পারিত্যাগ করিয়া নদীর গর্ভ দিয়া বাহিত হইতে থাকে। এই অবকাশে সোনালেরা কাষ্ঠনির্মিত কোদালদ্বারা বালুকা খনিত করিয়া তটে উত্তোলিত করে, এবং তথায় সাল্‌তি নামক নৌকার ন্যায় ও হস্ত দীর্ঘ, এবং এক হস্ত প্রস্থ, ও অর্দ্ধ হস্ত গভীর এক কাষ্ঠ পাত্রেপরিষ্ক এক ছাঁকুনির উপর নিষ্ক্ষেপ করে। উক্ত কাষ্ঠপাত্রের নাম দুফনি—(দুগণী?) এবং তাহার এক পাশ্বে এক ছিদ্র থাকে। যথাপরিমাণ বালুকা ছাঁকুনির উপর স্থাপিত হইলে তদুপরি একহস্তদ্বারা জল ঢালিতে ও অপরহস্তদ্বারা বালুকা-বিলোড়ন

করিতে হয়। এই প্রক্রিয়াদ্বারা প্রস্তর-খণ্ড-সকল ছাঁকুনির উপরে থাকে, এবং স্বর্ণ ও বালুকা ও জল দুকণির মধ্যে নিপতিত হয়; অপর দুকণির পার্শ্বে এক ছিদ্র থাকাপ্রযুক্ত তদ্বারা অধিকাংশ বালুকা ও প্রায়ঃ সমস্ত জল নির্গত হইয়া যায়; কেবল কিঞ্চিৎ পরিষ্কৃত বালুকা ও স্বর্ণচূর্ণ মাত্র পাত্রের নিম্নভাগে অবশিষ্ট থাকে। এই প্রকারে ৪০—৫০ ঝড়ি বালুকা ধৌত করিলে যে অবশিষ্ট বালুকা দুকণি মধ্যে থাকে, তাহাকে সোনা-লেলা “শিয়া” শব্দে কহে। এ এক শিয়া বালু-কায় এক রতি সুবর্ণ পাওয়া যায়, কখন ২ সুবর্ণের পরিমাণ তাহা হইতে অল্প হয়, কখন বা তাহার দ্বিগুণ অধিক হইয়া থাকে। এ পরিমিত স্বর্ণ গুণিতে অল্প, কিন্তু বস্তুতঃ তাহা নহে, কারণ এক দিবসের মধ্যে তাহারা অনায়াসে ২৫।৩০ শিয়া বালুকা প্রস্তুত করিতে পারে। তাহাতে ১০ আনা বা ১০ আনা সুবর্ণ লভ্য হয়।

ধৌত বালুকা সোনালেরা কোপাত-বৃক্ষের পাত্রে বালিয়া রাখে, এবং বালুকা-ধৌত-করণ কার্যের সমাধা হইলে তৎসমুদায় একত্রে দুক-ণি মধ্যে ঢালিয়া তাহাতে কিঞ্চিৎ পারা (পা-রদ) দিয়া সমস্ত বালুকা জলদ্বারা পুনঃ ধৌত করিতে থাকে। এ প্রক্রিয়া-সময়ে স্বর্ণচূর্ণ পা-রার সহিত মিশ্রিত হয়, ও বালুকাহইতে পৃথক হইয়া পারার সহিত দুকণির তলভাগে থাকে, এবং জল ও বালুকা দুকণির ছিদ্র দিয়া নির্গত হইয়া যায়।

অতঃপর শোণালেরা স্বর্ণমিশ্রিত পারার তালটি একটি শঙ্কুর মধ্যে পুরিয়া নাহার-কাঠের অধিতে তাহা দক্ষ করে, তাহাতে সমস্ত পারা ধূম হইয়া উড়িয়া যায়; শঙ্কু চূর্ণ হইয়া

যায়, এবং তন্মধ্যে সুবর্ণ পরিষ্কৃত হইয়া থাকে। এ সুবর্ণের বর্ণ উজ্জ্বল না হইলে তাহাতে উমুনের মাটি ও কিঞ্চিৎ লবণ দিয়া তাহা পুনঃ দক্ষ করা আবশ্যিক; তাহা হইলেই কাঞ্চনের বর্ণের দীপ্তি হয়।

সুবর্ণ প্রস্তুত করিবার যে প্রক্রিয়া বর্ণিত হইল দেশভেদে তাহার কিঞ্চিৎ ইতরবিশেষ আছে; যন্ত্রাদির নাম ও অবয়বেরও কি-ঞ্চিৎ স্বাতন্ত্র্য আছে; পরন্তু স্থল-প্রক্রিয়া সর্ব-ত্রই তুল্য; আদৌ ধৌত করিয়া বালুকাহইতে স্বর্ণের পৃথক করা, পরে পারদদ্বারা তাহার পরি-ষ্কৃত করা।

পূর্বে উক্ত হইয়াছে; সুবর্ণের আদিম স্থান পৃথিবীগর্ভে তথায় স্ফটিক-প্রস্তরের সহিত সুবর্ণ একত্রে থাকে; নদীর বেগে এ স্থান ভগ্ন হইলে এ প্রস্তর বালুকাৰূপে এবং স্বর্ণচূর্ণরূপে পরিণত হইয়া একত্রে খনীহইতে অতিদূরে প্রক্ষিপ্ত হয়, সুতরাং ইহা অনায়াসেই অনুভূত হইতে পারে, যে নদীর যে স্থানের বালুকায় স্বর্ণচূর্ণ আছে, তাহার কিয়দূরে সুবর্ণের আকর আছে। অনেকে এই অনুসন্ধানে অতিশয়-কাঞ্চনপূর্ণ বৃহৎ খনী প্রাপ্ত হইয়াছেন। বোধ হয়, শোণ-নদীর উৎ-পত্তি স্থানে এ প্রকারে অনুসন্ধান করিলে বাহার-প্রদেশে সুবর্ণের আকর প্রাপ্ত হওয়া যাইতে পারে। আসামেও এই প্রকারে স্বর্ণ খনীর তত্ত্ব করা কর্তব্য। খনীস্থ সুবর্ণ রেণুবৎ নহে, পরন্তু কয়লা কি অন্যান্য পদার্থের ন্যায় স্থূলপিণ্ডেও প্রায়ঃ পাওয়া যায় না। অস্ট্রেলিয়া-দ্বীপে বাথর্স-গুমে এক স্বর্ণপিণ্ড প্রাপ্ত হইয়াছিল, তাহা দেড় মোন অপেক্ষায় কিঞ্চিৎ গুরু, পরন্তু তজপ বৃহৎ পিণ্ড পাওয়া অতি কঠিন। খনীস্থ স্বর্ণ অতি ক্ষুদ্র ২ পিণ্ডে প্রাপ্ত হওয়া যায়, এবং তাহাকে প্রস্তর-

হইতে পৃথক-করণার্থে প্রথমতঃ বৃহৎ ২ লৌহ উদুখলে এ প্রস্তর চূর্ণ করিতে হয়, পরে জলে ধৌত করত অবশেষে পারা মিশ্রিত করিয়া অধিতে দক্ষ করিতে হয়।

### দৃষ্টান্তবিন্দু।

স্বর্ণনাশের মূলভূত বৈরিকে কদাচ ক্ষুদ্র জ্ঞান করা উচিত নহে, অগ্নি-ফুলিঙ্গ পরিমিত হইলেও কিঞ্চিৎ-কাল মধ্যে তৃণরাশি ভস্মরাশি করিতে সমর্থ হয় না?

বীর হইয়া যদি পরাক্রম প্রকাশ না করে, তাহা হইলে তাহাকে কেহই ভয় করে না, চিত্রা-পিত ব্যাঘ্র লইয়া কি বালকেরা ক্রীড়া করিতে বিরত থাকে?

রাজার পুত্র প্রতাপ থাকিতে রাজ্যমধ্যে কদাচ দুষ্ট লোক বাস করিতে পারে না, সূর্যের তেজঃ বিদ্যমান থাকিলে অন্ধকার কি প্রকারে অবস্থিতি করিতে পারিবেক?

সময়ের বলাবল বিবেচনা করিয়া বাহার্য কার্য করে তাহাদের কার্যই ফলজনক হয়, দাঁব (লক্ষ্য) বুঝিয়া খেলিতে পারিলে কি কখন হারি (পরাজয়) হইয়া থাকে?

বিধির লিপি অন্যথা করিবার ক্ষমতা কা-হারও নাই; অগাধ সলিল সমুদ্র পিতা হই-য়াও কলঙ্কযুক্ত নিজ তনয় চন্দ্রের কুলঙ্ক জ্বালনে সক্ষম হইল না।

অনুশীলন করিতে ২ জড়বুদ্ধিও তীক্ষ্ণতা প্রাপ্ত হয়, অনবরত রজ্জুর যাতায়াত হইলে কি পাষাণে রেখা পাড়িতে অবশিষ্ট থাকে?

ভাল করা বড় কঠিন, মন্দ অনায়াসেই করা যায়; গৃহ রচনা করিতে অনেক বিলম্ব লাগে, ভাঙ্গিতে অকোশে ও অনতিবিলম্বেই পারা যায়।

পাণ্ডিতেরা বলেন আপন দুব্য যদি আপন সন্নিহিত থাকে তবে আপন বলা যায়, পরহস্ত-গত আপন পাঞ্জিকায় দৈবজ্ঞের কি ফল দর্শে?

রমের কথাই কহুক বা রোষের কথাই কহুক কিছতে শত্রুকে বিশ্বাস করিবেক না, জল পাড়ি-লেই অগ্নি নির্বাণ হইবেক তাহা শীতল হই-লেই কি এবং উষ্ণ হইলেই বা কি?

প্রকৃতির কিঞ্চিৎ ভেদহইলেই অনেক হয়, দেখ, সত্য ও মিথ্যা উভয়ের মধ্যে চারি অ-জুলী মাত্র অন্তর, অথচ দেখা বিষয় সকলেই সত্য বলিয়া মানে শুনা কথা কেহই বিশ্বাস করে না।

(অর্থাৎ চক্ষুঃ কর্ণ পরম্পর চতুরঞ্জুল ব্যবহিত!)

ভাল হইতে মন্দ ও মন্দহইতে ভাল বস্তুর উৎপত্তিক্রম ব্যভিচারও কখন ২ দৃষ্টিগোচর হয়, দীপজ্যোতিঃহইতে কজ্জল ও কন্দমহইতে কমল উৎপন্ন হওয়া অতি প্রসিদ্ধই রহিয়াছে।

দাম একান্ত সাধু প্রভুপরায়ণ হইলে সাধু প্রভুর দুষ্কর কার্যও সাধিত হইয়া থাকে, অক্ষয় ও হনুমানদ্বারা শ্রীরামচন্দ্রের জানকীর উদ্ধার তা-হার এক নিদর্শন স্থান।

সজ্জন মিলনের সুখ দুর্জজন সজ্জতি হইলেই বিলক্ষণ জানা যায়, নিষপাত চর্চন করিলে ইন্দুর মিষ্ট আশ্বাদন সুচাক্ষুণেই ব্যক্ত হয়।

যাহার সহিত মিলন হইলে সুখোদয় হয়, তাহার বিচ্ছেদে দুঃখ না হইয়া যায় না; সূর্যের মুখাবলোকনে কমলের বিকাশ ও তদ্যতিরেকে তাহার সংকোচ দেখিলে আর প্রমাণ চাহিতে হয় না।



অতি তুচ্ছ পদার্থ যত্নপূর্বক রক্ষিত হইলেও তাহা সময়ান্তরে উপকারে আইসে, শস্যক্ষেত্রে প্রতিষ্ঠাপিত তৃণময় পুরুষ দেখিয়া মৃগ মহিষাদি পলায়ন করিলে কি কৃষকের ক্ষতি নিবৃত্তি হয় না?

সমভাবে পদার্থ সকল বিনিয়ুক্ত হইলেই সুচাক্ষু সম্পন্ন কার্য বলা যায়, অতিবৃষ্টি অনাবৃষ্টিতে কেবল ফলেরি হানি করে।

দোষহইতে দুঃখের উৎপত্তি প্রসিদ্ধই আছে, কিন্তু গুণহইতে দুঃখ প্রাপ্তিও দৃষ্ট হয়; শুবণ-মনোহর-মধুরভাষী শুকপাকির পিঞ্জরবন্ধন ইহার দৃষ্টান্ত স্থল।

ভাল মন্দ সকলেই মহতের আশ্রয় পায়, দেখ চন্দু, সর্প, জল, অগ্নি, ইহার। দেবদেব মহাদেবের আশ্রিত হইয়া রহিয়াছে।

বিনা অনুরোধে অন্যের আশা পূরণ করা নাধু ব্যক্তির ধর্ম, প্রত্যেক গৃহ বিতিনির করিয়া

প্রকাশমান করিতে কি সূর্যদেবকে কেহ অনুরোধ করিয়া থাকে?

নীচের সহিত সম্ভাবন কিম্বা সহবাস কোন-মতেই কর্তব্য নহে, প্রস্তুতখণ্ড কর্দমে নিক্ষিপ্ত করিলে কি তাহা অঙ্ক মলিন করিতে ত্রুটি করে?

মিষ্ট ২ সকলেই কহিয়া থাকে, কিন্তু মিষ্টতো বস্তু নহে, বলিতে গেলে প্রবৃত্তিকেই মিষ্ট বলিতে হয়, নহিলে মিছরি প্রভৃতি পরিত্যাগ করিয়া আগুহ পূর্বককেহ অহিফেণ খাইতে প্রবৃত্ত হইত না।

বিনা ভোগে সঞ্চয় করিলে সে ধন চৌরেতেই পর্য্যাপ্ত হয়, তাহাতে সাঞ্চয়কের কর মর্দন করিয়া মধুমক্ষিকার ন্যায় কেবল অনুতাপ করিতে হয়।

উৎকৃষ্ট বিদ্যা নীচগতা হইলেও তাহা হইতে তাহা গৃহণ করিবেক, অপবিত্র স্থানস্থিত কাঞ্চন গৃহণে কে বঞ্চিত হইয়া থাকে?

## প্রাকৃত-ভূগোল

অর্থঃ

ভূমণ্ডলের নৈসর্গিকাবস্থা বর্ণন বিষয়ক গ্ৰন্থ।

ইতিপূর্বে এতৎপত্রে প্রাকৃত-ভূগোল-বিষয়ে যে সকল প্রস্তাব প্রকটিত হইয়াছিল, অধুনা তাহা একত্রিত করিয়া ক্ষুদ্র পুস্তকাকারে মুদ্রিত হইয়াছে, এবং তাহার বিশেষ পরিজ্ঞানার্থে এক খানি ভূগোলের মানচিত্রও প্রস্তুত হইতেছে। উক্ত মানচিত্রে ভূমণ্ডলের অবয়ব, ও পর্বত, দেশ, নগর, সমুদ্র, নদী প্রভৃতি সকল প্রধান পদার্থের নাম অঙ্কিত থাকিবেক, অপর পৃথিবীর কোন্ স্থানে কি কি বৃক্ষ ও পশু আছে, কোন্ দেশের উষ্ণতা কি প্রকার, কোথায় কি পরিমাণে বৃষ্টি হয়, কোন্ দেশে কি বর্ণের মনুষ্য আছে, কোথায় কোন্ সময়ে জোয়ার হয়, সমুদ্রের স্রোতঃ কোথায় কোন্ দিগে যাইতেছে, ইত্যাদি বিবিধ বিষয়ের বিবরণ চিত্র বর্ণাদির বিন্যাসে প্রকাশীকৃত হইবে। বঙ্গদেশে এতাদৃশ মানচিত্র কদাপি প্রস্তুত হয় নাই। বিদ্যার্থীগণ এই উভয়ের সাহায্যে ভূগোলের প্রাকৃত-বস্তুর বিবরণ অনায়াসে বিজ্ঞাত হইতে পারিবেন। অদ্যাপি মূল্য নিকপিত হয় নাই; বোধ করি উভয়ের মূল্য ছয় টাকার অধিক হইবে না।

## বিবিধার্থ-সঙ্গুহ,

অর্থঃ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

৩ পর্ব]

শকাব্দ ১৭৭৬, অগহায়ণ।

[৩৩ খণ্ড।

### বুঁদেলাদিগের বিবরণ।

সূর্যবংশাবতংশ অযোধ্যাধিপতি-শ্রীরামচন্দ্র-তনয় কুশের বংশ-জাত কচবহুদিগের বিষয়ে বিবিধার্থে কয়েক প্রস্তাব প্রকটিত হইয়াছে; পরন্তু তাহাতে কুশবংশের অপর শাখা বুঁদেলাদিগের কোন উল্লেখ হয় নাই; অধুনা তদ্বিষয়ে কিঞ্চিৎ লিপিবদ্ধ করা যাইতেছে।

কুশের পুত্র হরিবুদ্ধ; তিনি উত্তরকালে পিতৃদত্ত অযোধ্যার আধিপত্য প্রাপ্ত হইয়া মহীপাল-নামে খ্যাত হইয়াছিলেন। তৎপরে তৎপুত্র উদ্দিন, ও তদনন্তর তত্তনয় হুলমান রাজ্যাধিকার করেন। তাহার উত্তরাধিকারী বিমলচন্দ্র। তিনি যুদ্ধবিদ্যা, সাহস, মহিমাতে অদ্বিতীয় ছিলেন। তাহার মরণান্তর তাহার পুত্র ছত্রপাল সিংহাসনে আরোহণ করেন। তৎপুত্রের নাম যোধপাল। তিনি বিহঙ্গরাজ বা বিহঙ্গশের জনক ছিলেন।

মহীপালাবধি বিহঙ্গরাজ পর্য্যন্ত সাত জন রাজা অনুক্রমে অযোধ্যায় আধিপত্য করিয়া যান। তদনন্তর কাশীরাজ পৈতৃক অযোধ্যার উত্তরাধিকারী হইয়া তদধিকার-পরিত্যগ-

পূর্বক বারানসীতে রাজধানী স্থাপন করেন। তাহার রাজ্য-শাসন-বিষয়িণী ন্যায়-পরতা ও অন্যান্য সদগুণগণের বশব্দ হইয়া প্রজারা এমত মন্তুষ্ট ও সুখী হইয়াছিল, যে রাজার প্রতি ধন্যবাদ ও সন্তোষ-প্রকাশ ব্যতীত তাহাদের মুখে আর কিছুই শ্রুত হইত না। সেই সময়াবধি যিনি ২ কাশীতে রাজা হইয়াছিলেন, সকলেই কাশীশ্বর উপাধি প্রাপ্ত হন। কাশী-প্রদেশের এক প্রধান রাজা গুহিরদেব। তৎপুত্র মহাবল-পরাক্রান্ত বিমলচন্দ্র। তাহার তনয়ের নাম গোপীচন্দ্র; তিনি যুদ্ধবিদ্যায় অতি নিপুণ ছিলেন। তদনন্তর তৎপুত্র তিহিনপাল সিংহাসনে অধিষ্ঠিত হন। তাহাহইতে ক্ষেত্রধর্মের বিশিষ্ট উন্নতি হয়। তৎপুত্র বিষ্ণুরাজ। তিনি বিজ্ঞানশাস্ত্র ও শিল্পশাস্ত্রে বিশিষ্ট পারদর্শী হইয়াছিলেন। তৎপুত্র নুনিকদেব। তাহার পুত্র বেদিনদেব। তদাভ্রজ অর্জুনবুদ্ধ। বীরভূধর তাহার পুত্র। এ বীরভূধরের দুই স্ত্রী। তাহার একের গর্তে চারি পুত্র জন্মে। তাহাদের নাম জাতসার নহে। অপরের একটি পুত্র। তাহার নাম পঞ্চম। উত্তরকালে এ কনিষ্ঠ রাজ-সিংহাসনে আরোহণ করেন। পরে তাহার ভ্রাতৃচতুষ্টয় চক্রান্ত করিয়া

তঁাহাকে রাজ্যচ্যুত করত রাজ্য চারি ভাগ করিয়া তাহার এক ২ ভাগ লইয়া শাসন করে।

কথিত আছে, পঞ্চম ভ্রাতৃদিগের অত্যাচারে ঐহিক-সুখে বিমুগ্ধ হইয়া বিদ্রোহচলে আরোহণ করত ভবানীর আরাধনায় নিযুক্ত হন। ঐ আরাধনায় কিয়ৎকাল গত হইলে পর তিনি একপাদে দণ্ডায়মান থাকিয়া অনাহারে দিব্যাত্র বিদ্রোহবাসিনীর ধ্যানে নিমগ্ন হইয়া সপ্ত দিবস যাপন করিলেন, তথাপি কোন ফল দর্শিল না; অতএব দেবীর প্ৰীত্যর্থ আত্মহত্যায় কৃত-প্রতিজ্ঞ হইয়া আপন গলদেশে খড়্গাঘাত করিতেছেন, এমনত সময়ে দেবী সাক্ষাৎকার হইয়া তঁাহাকে সদাশীর্ষক কহিলেন, “আর তোমার ভয় নাই; এই ক্ষণে তোমার সকল মঙ্গল হইবে; তুমি এই খড়্গ থানা সময়ে রাখিও; ইহা হইতেই তোমার সর্বত্র জয় হইবে”। অপর তঁাহার গলদেশহইতে যে একবিন্দু শোণিত নির্গত হইয়াছিল, তদুপরি অমৃত সিঞ্চন করত তাহাকে এক শিশুরূপে জীবিত করিয়া বাৎসল্যভাবে স্তনপান করাইলেন। ঐ শোণিত-বিন্দুজাত বালকের নাম বীরসিংহ এবং শোণিত-বিন্দুহইতে তঁাহার জন্ম হইয়াছিল বলিয়া তঁাহার বংশ “বিন্দু ওয়ালা” ও তদপভ্রংশে “বুঁদেলা” নামে বিখ্যাত হয়।

এই গণ্পের নিগূঢ় তাৎপর্য কি, তাহা নিরূপিত করা দুষ্কর; বোধ হয়, পঞ্চম পার্বত্য কোন রমণীকে বিবাহ করিয়া একটি পুত্র উৎপাদন করিলেন; তাহাকে লইয়া তিনি বিদ্রোহপর্বতের নিকটে এক রাজ্য স্থাপন করেন, এবং তাহাই বুঁদেলাখণ্ড নামে প্রসিদ্ধ হয়।

ঐ নূতন-স্থাপিত রাজ্য অতি অল্প দিনমধ্যেই পিতাপুত্রের শৌর্যগুণে ও সংশাসনে উন্নত

হইয়া উঠিল, বিশেষতঃ পুত্রটির রণপাণ্ডিত্য অতি সুপ্রসংশনীয় ছিল। তিনি পূর্ব অঞ্চল পরাজয় করিয়া নিজ রাজ্যের বৃদ্ধি করেন; অন্তর-স্তর উত্তর দক্ষিণ পশ্চিম রাজ্য-সকলও অধিকার করেন। পরে তিনি আবগন্-জাতীয় সন্তর-নাথকে আক্রমণ করিয়াছিলেন। তৎপশ্চাৎ কালিঞ্জরের দুর্গও তৎকর্তৃক আক্রমিত হয়। তদনন্তর তিনি মোহিনীতে গমন করিয়া তথায় নিজ রাজধানী স্থাপন করেন।

তঁাহার পরলোক-যাত্রার পর তঁাহার পুত্র কুরণ রাজ্যাধিকারী হন। কুরণের অপর নাম বলবন্ত। তঁাহার পুত্র অর্জুনপাল ও পৌত্র সিহিনপাল। ঐ সিহিনপাল হরসড়ের ধ্বংস করিয়া জৈত্রে বহুকাল রাজত্ব করিয়াছিলেন। তঁাহার নন্দন মহাজেন্দু, তন্নন্দন নুনিকদেব, তাহার আত্মজ পৃথিবী-রাজ। ইনি ভূমণ্ডলে পৃথু রাজার ন্যায় ন্যায়পর ও যশস্বী হইয়াছিলেন। ইহার পুত্রের নাম রামচন্দ্র। তিনি তত্ত্বজ্ঞানে জনকরাজের সমান, সুখ্যাতিতে যযাতি তুল্য, ও মহদগুণে প্রিয়বদরাজার সদৃশ ছিলেন। তঁাহার পুত্র মেদিনীমল্ল; তন্তনয় মিলকুহান। তৎপুত্র কদুপ্রতাপ। তিনি উচ্চা-নগর স্থাপন করেন। তঁাহার দ্বাদশ পুত্র জন্মে। কদুপ্রতাপ অবাধি কুলনন্দন পর্যন্ত কয়েক পুরুষ অবিবাহে বুঁদেলাখণ্ডে রাজ্য করেন, কিন্তু তঁাহাদিগের রাজ্যকালে কোন বিশেষ ঘটনা হয় নাই; অপর কেহ বিশেষ খ্যাতিপন্নও হন নাই। কুলনন্দনের চারি পুত্র, খড়্গরায়, চন্দ্র, শোভন-রায় ও চম্পতরায়। তাহারা সকলেই মহাবল-পরাক্রান্ত; বিশেষতঃ চম্পতরায়ের অলৌকিকী কীর্তি ও অলোকসামান্যগুণগান বর্ণনার আয়ত্ত্ব হইবার যোগ্য নহে।

প্ৰবলবলদর্পিত রাজা চম্পতরায় শাহজহান

বাদশাহের সমকালে বর্তমান ছিলেন, এবং তাহাকে রাজস্ব দিতে অসম্মত হন; এই প্রযুক্ত উক্ত যবনরাজ অসঙ্খ্য বলদল সমভিব্যাহারে লইয়া দিল্লীহইতে যাত্রা করিয়া সসৈন্যে তঁাহার রাজধানী আক্রমণ করিলেন। আদৌ উচ্চা দুর্গ অবরুদ্ধ হইল। তদনন্তর নগরস্থ প্রজাবর্গের ভবন সকল উৎসন্ন ও তাহাদের সম্পত্তি সকল লুণ্ঠিত হইতে লাগিল; কিন্তু চম্পতরায় তাহাতে ভীত না হইয়া বহুসঙ্খ্যক সৈন্য-সামন্তে পরিবৃত হইয়া তুমুলসঙ্ঘামের উদ্দেশ্য করত সমর-কৌশলে যবনদিগকে পরাস্ত করত অল্পকালমধ্যেই শত্রুহইতে মুক্ত হইয়া পরম-সুখে রাজ্য করিতে লাগিলেন। তঁাহার পুত্র সারবাহন, অজ্জদরায়, রত্নসাহ, ছত্রশাল, এবং গোপাল। ইহারা সকলেই পিতৃবৎসল। ধর্ম্মানুষ্ঠান, সাহস, মহত্ত্ব প্রভৃতি প্রধান ২ গুণগুণে তঁাহারা সুশোভিত ছিলেন। তঁাহাদের মধ্যে রত্নসাহের পুত্রে শত্রুসকল পর্বতীয়-স্থানের আশ্রয় লইয়াছিল। তিনি উক্ত পর্বতীয়-দুর্গের অধিকার প্রাপ্ত হইয়া পরাজিত রাজ্য-সমুদায়ে নিজাধিপত্য স্থাপন করিয়াছিলেন। অপর তিনি অজ্জদরায়ের সহিত একবাক্য হইয়া মুহবা-নগরের নিকটে এক তুমুলসঙ্ঘামে যবন-দিগকে পরাজিত করিয়াছিলেন। পরন্তু রণপাণ্ডিত্যে যশোলাভ করিয়াও ঐ ভ্রাতারা কেহই ছত্রশালের তুল্য হইতে পারেন নাই। ঐ ছত্রশাল লিঙ্গ এবং যুদ্ধ বিদ্যায় তৎকালে অদ্বিতীয় বলিয়া গণ্য হইয়াছিলেন, নীতিবিদ্যায় ও বিজ্ঞান-শাস্ত্রেও অতীব নিপুণ ছিলেন। তঁাহার প্রধানতা ও বিজ্ঞতা দেখিয়া ভ্রাতারা তঁাহাকে যৎপরোনাস্তি সম্মান করিতেন। সঙ্ঘামকালীন তঁাহার অলোক-সাধারণ সাহস বীর্য পরাক্রম প্রভৃতি গুণগাম-

দর্শনে প্রধান ২ বীরদিগেরও হৃৎকম্প হইত; অধিকন্তু ভ্রাতৃদিগের অসাধারণ গুণ ও প্রযত্ন সহকারে তঁাহার মহীর্ষনী মর্যাদা ও কীর্তি উন্নতিশালিনী হইয়া উঠিয়াছিল। কলতঃ নদীনকল স্বভাবতঃ সময়ে ২ প্লাবিত হইয়া ভূমিকে উর্বরা করত লোকের কুশলবৃদ্ধি করিলেও ভাগীরথীর সহিত মিলিতাবস্থায় যেনন তাহাদের স্ব ২ নাম ও গুণ লুপ্তপ্রায় হইয়া প্রধানের নাম ও গুণে খ্যাত হইয়া উঠে, তেমনি ঐ ভ্রাতারা সোদর ছত্রশালের অনুযায়ি হইয়া তন্ডাবাপন্ন হইয়াছিলেন; তাহাদের পরস্পর কিছুমাত্র বিভিন্নতা ছিল না। বুঁদেলাখণ্ডের ইতিহাসলেখকেরা তাহাদের একতাব দৃষ্টান্তদ্বারা এই রূপে নিষ্পন্ন করিয়া গিয়াছেন, যে “যেমন ত্রিপথগামিনী গঙ্গার ত্রি-“ধারা স্বর্গ মর্ত্য পাতাল গতা হইয়াও পরস্পর “অভেদরূপে প্রতীয়মানা হয়, তেমনি ছত্রশালের “ভ্রাতৃচতুষ্টয়। প্রতাপ-বিষয়ে তিনি সর্ষদেবের সমান হইয়া পিতৃরাজ্যের তমোবিনাশ করত প্রজাবর্গকে স্ব ২ ধর্ম্মে নিযুক্ত করিয়াছিলেন। বুদ্ধিমত্তায় তিনি সকলের উপরি গুরুত্ব প্রকাশ করিয়া গিয়াছেন। যেমন ভূতভাবন ভগবান বিষ্ণুর অবতার আদিত্য ও রামচন্দ্র, কশ্যপ ও দশরথের গৃহে জন্ম পরিগৃহ করিয়া তাহাদিগকে পিতা বলিয়াছিলেন তেমনি ভগবান বিষ্ণু ছত্রশালরূপে চম্পতরায়ের গৃহে অবতীর্ণ হইয়াছিলেন।”

মহলোকমাত্রেই জন্মবিষয়ে অলৌকিক গণ্প প্রচারিত হইয়া থাকে, তথা ছত্রশালের জন্মবিষয়ে তাহার অভাব নাই। তদ্বিষয়ে গণ্প আছে, যে যে সময়ে চম্পতরায় শাহজহানের প্রতি অবজ্ঞা প্রকাশ করিয়া ঘোরতর সঙ্ঘামে প্রবৃত্ত ছিলেন তৎসময়ে তাহার সর্বজ্যেষ্ঠ রাজ-কুমার সারবাহন চতুর্দশবর্ষবয়ঃক্রমের বালক

হইয়াও যৎপরোনাস্তি পরাক্রম, বীরত্ব, রণ-চাতুরী প্রভৃতি মহদগুণ প্রকাশিত করিয়াছিলেন। রণভঙ্গান্তে তিনি বিহারার্থ খেলতহারে যাত্রা করত তথায় বয়সগণ-সমভিব্যাহারে অস্ত্র-শস্ত্র-পারিত্যাগ-পূর্বক বারি-বিহার-করণে প্রবর্তমান হইয়াছেন, এমন সময়ে তাঁহার প্রত্যক্ষ হইল যে উচ্কানগামে যবনসৈন্য শিবিরসংস্থাপন করিয়া রহিয়াছে। তৎ সময়ে তাহারা প্রানাদ-হইতে সারবাহনের প্রস্থানের বিশেষ সংবাদ পাইয়া বিনা কালব্যাজে পর্বতীয় পথ দিয়া যুবরাজের শিবিরের সন্নিকিত হইয়া তাঁহাকে আক্রমণ করিবার জন্য অগম্য হইল। সারবাহন তাহাদের উপস্থিতিমাত্র জনহইতে উঠিয়া তীরস্থিত অস্ত্র-শস্ত্রাদি-গুহণপূর্বক আত্মরক্ষার্থ প্রস্তুত হইলেন। অতিশয় প্রলম্বাকার বিকট-মুক্তি সৈন্যদ এবং আফগানেরা নিকটগত হইল দেখিয়া সারবাহনের সঙ্গিরা ভয়ে কাতর হইয়া পলায়ন করিল, কিন্তু সারবাহন ক্ষত্রধর্মের অনুগামী হইয়া শত্রুসম্মুখহইতে পলায়ন করিলেন না; বরং জলবিহারাদির ব্যাঘাত হওয়াতে যৎপরোনাস্তি ক্রোধপরবশ হইয়া শত্রুদিগের উপরি উপর্যুপরি বাণবর্ষণ করিয়া তাহাদের অধিকাংশ নিপাত করিয়া ফেলিলেন, কিন্তু অবশেষে দুর্বিপাকে এই যুদ্ধেতেই তিনি মর্ত্যলীলা সম্বরণ করিতে বাধ্য হইলেন।

সারবাহনের অরণসংবাদ শ্রবণমাত্র চম্পতরায় অত্যন্ত শোকাকুল হইলেন; তাঁহার স্ত্রীও এককালে শোকসাগরে নিমগ্না হইলেন, এমন সময়ে একদা সেই শোকসন্তপ্তহৃদয়া রমণী রাত্রিযোগে নিদ্রিতাবস্থায় স্বপ্নে দেখিলেন, যেন সারবাহন তাঁহার নিকট কহিতেছে; “না মা! আর অনর্থক শোক করিও না, আমি পুনর্বার তো-

মার গন্তে অবতীর্ণ হইব এবং গত জন্মাপেক্ষায় জন্মান্তরে তোমার মনে শান্তি ও সুখ প্রদান করিয়া পিতৃবৈরনির্যাতনে সমুচিত যত্ন করিব।” বুদ্ধিমতী রাজমহিষীর নিদ্রাভঙ্গ হইলে তিনি সমুদায় স্বপ্নবৃত্তান্ত আদ্যোপান্ত বর্ণনা করিলেন, এবং তচ্ছুবণে সকলেই বিস্ময়াপন্ন হইল। অপর রাজ্ঞী যথাকালে এক পুত্র প্রসব করিলেন। সেই পুত্রের নাম ছত্রশাল\*।

আপন সৈন্যসামন্তের পরাজয় সংবাদে শাহ জাহান পাদশাহ অত্যন্ত ক্রুদ্ধ হইয়া চম্পত-রায়ের দমনার্থে পর পর দুই তিন সেন্যদ্বারা সৈন্য-প্রেরণ ও স্বয়ং যুদ্ধ-যাত্রা করিয়াছিলেন, কিন্তু ক্ষত্রিয়-ধর্ম-পুতিপালনে তৎপর চম্পত-রায় কিছুতেই পরাভূত হইলেন না; বরং দিন ২ উন্নত হইতে লাগিলেন; বিশেষতঃ বুঁদেলখণ্ড-প্রদেশের ও তন্নিকটস্থ সমস্ত হিন্দু রাজারা করম্বরূপে আপন ২ রাজ্যের উপসত্ত্ব হইতে চতুর্থাংশ অর্থ তাঁহাকে প্রদানপূর্বক তাঁহার অধীনতা স্বীকার করিতে, তাঁহার বল ও ঐশ্বর্যের পুচুরবৃদ্ধি হইল। কেবল পাহাড়সিংহ নামা তাঁহার এক জন জ্ঞাতি তাঁহার সৌভাগ্য-দর্শনে সন্তুষ্ট হয় নাই, এবং প্রকাশ্যে বন্ধুতার ভাব দর্শাইয়া অন্তরে তাহার বিনাশের চেষ্টায় নিযুক্ত ছিল। একদা সে রাজা চম্পতরায়কে নিমন্ত্রণ করিয়া তাষুলমধ্যে বিব-প্রয়োগ করিয়াছিল, কিন্তু তাহাতে কৃতকার্য হয় নাই; পরে গুপ্ত চরদ্বারা রজনীযোগে তাঁহার গৃহমধ্যে প্রবেশপূর্বক তাঁহার বিনাশের চেষ্টা করে, তাহাও ব্যর্থ হয়; পরন্তু রাজমাতা এই জ্ঞাতিশত্রুতায় ভীতা হইয়া চম্পত-

\* ক্ষত্রিয়শাল (অর্থাৎ ক্ষত্রিয়-প্রধান) শব্দের অপভ্রংশে ছত্রশাল শব্দ উৎপন্ন হইয়াছে।

রায়ের অনুরোধ করিলেন, যে “এইক্ষণে শাহ জাহান পাদশাহের সহিত সন্ধিকরা তোমার কর্তব্য, নতুবা জ্ঞাতিবিরোধ ও রাজবিরোধে ত্বরায় তোমার অমঙ্গল ঘটবে।” রাজাও ঐ পরামর্শ গৃহ্য করিয়া দিল্লীরাজধানীতে দূত-প্রেরণ করত বুদ্ধিকৌশলে অনায়াসে দিল্ল্যধিপতির প্রসাদভাজন হইলেন, এবং তদবস্থার কিয়ৎকাল সুখে যাপন করেন।


১৭১৪ সংবৎসরে শাহ জাহান পাদশাহের মৃত্যু হয়, এবং তাঁহার পুত্রচতুষ্টয় পিতৃরাজ্য লইয়া তুমুল বিবাদ উপস্থিত করে। সেই বিবাদে চম্পতরায় রাজকুমার আওরঙ্গজেবের সপক্ষ হইয়া আপন রাজ্যের সম্যক দৃঢ়তা-স্থাপন করেন। কিন্তু রাজপ্রসাদ অতি অস্পক্ষণ স্থায়ী ইহা প্রসিদ্ধই আছে; তাহা চম্পতরায় আওরঙ্গজেবের সহিত প্রণয় করিয়া অবিলম্বেই জ্ঞাত হইয়াছিলেন। শাহ সুজার সহিত আওরঙ্গজেবের বিবাদসময়ে আওরঙ্গজেবের সহিত চম্পতরায়ের বিচ্ছেদ হয়; তদবধি দুই তিন বৎসর তিনি দিল্ল্যধিপতির সৈন্য সহিত যুদ্ধে পুনঃ ২ জরী হইয়াছিলেন, কিন্তু আওরঙ্গজেবের প্রসাদলালসায় সুজনরায়নামা এক জন প্রধান ও অন্যান্য অনেক বুঁদেলারা চম্পতরায়ের বিরোধী হইয়া তাঁহাকে এ প্রকার ক্ষণ বল করিলেক যে তাঁহাকে পলায়ন করিয়া সৈন্যরক্ষা করিতে হইল; পরন্তু পলায়নাবস্থায় কত কাল যাপন হইতে পারে? যবনরাজের সৈন্য-সামন্তের অভাব ছিল না; তিনি পুনঃ ২ নতন-সৈন্য প্রেরণপূর্বক অস্প-কালমধ্যে চম্পতরায়কে সঙ্কটস্থানে বেষ্টিত করিয়া তাঁহাকে ও তৎপুত্রদ্বয়কে বীরভাগ্য গুহণ করাইলেন। স্বামীর তদবস্থাদৃষ্টে তাঁহার রাজ্ঞী বঙ্কো-দেশে অস্রাঘাত করিয়া মানবলীলা সম্বরণ করেন।

ঐ সময়ে চম্পতরায়ের অপর পুত্র অজ্জ-রায়, ছত্রশাল ও বল্লভ মাতুলগৃহে অবস্থিত ছিলেন। তথায়ই তাঁহাদিগের পিতৃবিরোধ সংবাদ সমাগত হয়। তৎশ্রবণমাত্র সকলেরই মন পিতৃ-মাতৃশোকে সন্তপ্ত ও মহাব্যাকুল হইয়াছিল; বিশেষতঃ চম্পতের প্রাণবিরোধে সকল শত্রুরাজারা সর্বত্র হইতে মস্তক তুলিতে লাগিল, তদৃষ্টে তাঁহার বংশের সকলেই এককালে হতাশ হইয়া পড়িলেন; পরন্তু নিরুপায়, কি করেন; সুতরাং সংসারের অনিত্যতা দর্শন করিয়া ক্রমে ২ মনে কিঞ্চিৎ ঐর্ষ্যাবলম্বন করিতে লাগিলেন।

ছত্রশাল দেহযাত্রা-নির্বাহের উপায়-বিহীন হইয়া পরের দাস্যবৃত্তি করত কিঞ্চিৎ অর্থসম্ভূহ করিবার বাসনায় দক্ষিণপ্রদেশে রাজা জয়-সিংহের উপাসনা করেন, ও তথায় এক দল সৈন্যের অধ্যক্ষতা প্রাপ্ত হন। পরে তাঁহার অপর ভ্রাতারাও পিতৃসম্পত্তিচ্যুত হইয়া ছিন্ন-ভিন্ন হওত সকলেই কমলার প্রসাদাভাবে বিদেশগত হইলেন; চম্পতরায়ের নামরক্ষার্থে কে-ই বুঁদেলখণ্ডে উপস্থিত রহিল না। পরন্তু এ অবস্থা বহুকালস্থায়ী হয় নাই; অস্পদিনমধ্যেই ছত্রশাল বিশিষ্টরূপে পিতৃবৈরনির্যাতনপুরঃসর পৈতৃকরাজ্যের উদ্ধার করিয়াছিলেন। ঐ বিবরণ স্থানাভাবপ্রযুক্ত এতৎপত্রের অন্য কোন খণ্ডে প্রকাশিত করিবার মানস রহিল।

### বারাণসীর ঘাটবিবরণ।

বারাণসীর বর্তমানসম্পত্তির মধ্যে ঘাট মন্দির এবং বৃষই প্রধান; নগরীর বর্তমানাবস্থা বর্ণন করিতে হইলে প্রথমতঃ ঐ ত্রিতয়ের বর্ণনাই সত্তবে, এবং তত্রাদৌ ঘাট, অতএব এই



চরণ পারুলী।

প্রস্তাবে ঐ অবিমুক্ত-নগরীর মনোহর ঘট্ট নক-  
লের কিঞ্চিৎ বর্ণন করিব।

কাশী-নগরীর আয়তন অতি অল্প; ঐ অল্প-  
স্থানে বহুসংখ্যক দেবালয় ও অট্টালিকাদি  
আছে; অপর তত্রত্য পথসকল অতি সক্ষীর্ণ  
ও বাটীসকল অত্যন্ত উচ্চ, সুতরাং নগরী-মধ্যে  
পারিভ্রম-সমীরণ-সঞ্চালনের কোন উপায়ই নাই।  
অধিকন্তু পথ ও পায়ঃপুলনী পারিকৃত রাখিবার  
সুপ্রথা না থাকা প্রযুক্ত সমস্ত নগরী দুর্গন্ধে  
পরিপূর্ণ থাকে; এবং তথায় বাস করা অত্যন্ত  
ক্লেশকর। সমস্ত-নগরী মধ্যে কেবল একমাত্র  
স্থান আছে, তথায় ঐ ক্লেশহইতে নিষ্কৃতি প্রাপ্ত  
হওয়া যায়; সেই স্থান ভাগীরথীর তট। তথায়  
বায়ু নদীর বারিহিল্লোলে সুস্বীকৃত হইয়া তপন-  
তাপিত নগরবাসিদিগের দেহ শীতল করিতেছে;  
ধর্মার্থীসকল মুক্তিপ্রদায়িনী জাহ্নবীর পবিত্র  
সলিলে অহরহঃ স্নান করিতেছেন; ধনাভিলাষিরা  
প্রশস্ত-প্রস্তর-মোপানোপরি উপবেশন-পূর্বক বা-  
নিজ্য-ব্যাপারের কথোপকথন করিতেছে; অল-  
সরা নদীতটের আশ্চর্য-শোভা-সন্দর্শনে কা-  
লক্ষেপ করিতেছে; গঙ্গাপুত্র-নামা ভগ্নতপ-  
স্বীরা শঠতাপূর্বক স্ববোধ-ধর্মভীকদিগের অর্থা-  
পহরণ করিতেছে; ফলতঃ তৎস্থানে স্ত্রী, পুরুষ,  
বৃদ্ধ, বালক, সৎ, অসৎ, ধার্মিক, লম্পট, কর্মঠ,  
অলস, ধনী, ও দরিদ্র, সকলেই দিবসের অধি-  
কাংশ যাপন করিয়া থাকে; সুতরাং তাহা সমস্ত  
নগরীর বৈঠকখানা-স্বরূপ হইয়াছে। এই প্রযুক্ত  
ধার্মিক মনুষ্যেরা বারাণসীতে ঘাটনির্মানে যা-  
দৃশ ব্যয়ভূষণ করিয়া থাকেন, অট্টালিকাদিনি-  
র্মানে তাদৃশ ব্যয় করেন না; তথা কাশীর সম্মুখে  
যাদৃশ বহুসংখ্যক বৃহৎ ২ ঘাট প্রস্তুত হইয়াছে,  
ভারতবর্ষের কুত্রাপি আর তাদৃশ নাই।

কলিকাতার যাত্রী কাশীর সম্মুখে উপনীত হইলে  
আদৌ “রাজঘাট” নামক একটি বৃহৎ ঘাটের দর্শন  
করেন। ধর্মবিষয়ে তাহার কোন বিশেষ মাহাত্ম্য  
নাই, পরন্তু তাহা কাশীহইতে চন্দ্রানগড়ে যাতায়াত  
করিবার প্রসিদ্ধ পথ, এবং দেখিতে সুপ্রশস্ত ও  
মনোহর বটে। বকনা নদীহইতে ইহা অধিক দূর  
নহে। এই ঘাটের অভ্যন্তরে “প্রহ্লাদ ঘাট”,  
তদনন্তর “ফটকেশ্বর ঘাট”, তদনন্তর “তেলিয়া”  
নামে প্রসিদ্ধ এক ক্ষুদ্র নালী; তৎপার্শ্বে কতকগুলি  
ধান্যের দোকান আছে, তদ্ব্যতীত তৎসম্মুখস্থ  
নদীতট “গোলাঘাট” নামে বিখ্যাত আছে। ঐ  
গোলাঘাটের পার্শ্বে ক্রমশঃ দক্ষিণে “ত্রিলোচন-  
ঘাট” “মহাঘাট” “বালাবাইঘাট” “শীত-  
লাঘাট” প্রভৃতি কয়েকটা ঘাটের পর “রাজমন্দি-  
লপোস্তা” নামে বিখ্যাত এক সুচাকরূপে নির্মিত  
প্রস্তর পোস্তা আছে; তাহার দক্ষিণে কয়েক অতি  
প্রসিদ্ধ ঘাট দৃষ্ট হয়। তত্রাদৌ বুদ্ধঘাট, তাহা  
দেখিতে সুন্দর নহে, পরন্তু তাহা অতি প্রাচীন  
বলিয়া বিখ্যাত। কাশীখণ্ডে উক্ত আছে, যে  
কোন সময়ে দিবোদাস নামা কোন মহারাজের  
পুণ্যপ্রতাপে শিব-পার্বতী-প্রভৃতি সমস্ত দেবগণ  
কাশী-পরিভ্রমণ করিয়া পলায়ন করিতে বাধ্য  
হইয়াছিলেন; তৎকালে বুদ্ধা ছদ্মবেশে নগরী-  
মধ্যে প্রবেশ করত প্রস্তাবিত-ঘাট-সম্মুখে এ-  
কটি শিবমন্দির স্থাপন করিতে রাজাজ্ঞা প্রা-  
র্থনা করেন। ধার্মিকবর দিবোদাস তৎক্ষণাৎ তা-  
হাতে সম্মত হইলে বুদ্ধা স্বনাম-পবিত্র-করণাভি-  
লাষে তথায় “বুদ্ধেশ্বর” নামে একটি শিবলিঙ্গ  
সংস্থাপিত করেন; তাহাহইতেই উক্ত স্থানের  
মাহাত্ম্য হইয়াছে। দুই শত বৎসর হইল কোন  
মহারাষ্ট্রীয় ধনী প্রস্তাবিত ঘাটের জাগোদ্ধার  
করান, ও তৎপরে কয়েক বৎসর হইল, পেশবা

বাজীরাও তাহার পুনঃসংস্কার করান; তদবধি ঐ ঘাট মহারাষ্ট্রজাতীয় স্ত্রীদিগের স্নানার্থে পৃথক আছে; প্রায়ঃ অন্য কেহ তথায় গমন করে না।

বুদ্ধঘাটের দক্ষিণপার্শ্বে “চোরগুলিয়াঘাট”, তৎপার্শ্বে “দুর্গাঘাট”, তদনন্তর “পঞ্চগঙ্গাঘাট”। ঐ ঘাটের উপরে এক বৃহৎ দ্বার (কটক) আছে, তদ্বারা ঐ ঘাটে অবতরণ করিতে হয়। শাস্ত্রে ইহার অনেক মাহাত্ম্য বর্ণিত আছে, বিশেষতঃ কাৰ্ত্তিক মাসে ঐ ঘাটে প্রাতঃস্নান করা বিশেষ-পুণ্যজনক-বোধে কাশীবাসী-সকলেই তথায় আগমন করিয়া থাকেন; এবং ঐ যাত্রিকদিগের সুখসেবনার্থে তৎসময়ে তথায় অনেক পণ্যশালা স্থাপিত হইয়া থাকে। ইহার নামোৎপত্তি-বিষয়ে কাশীখণ্ডে এক রম্য গল্প আছে; তাহাতে বর্ণন করে যে পূর্বকালে ধৃতপাপা নামী এক পরমা-সুন্দরী রমণী ছিলেন; তিনি নিজস্বামী ধর্ম্মের সহিত কলহ করিয়া তাঁহাকে অভিশাপ করত নদীরূপে পরিণত করেন; তাহাতে তৎস্বামী ও কোপা-নিত হইয়া আপন স্ত্রীকে অভিশাপ-পুদান-পূর্বক পুস্তরূপ ধারণ করান। ধৃতপাপার পিতা ঐ ঘট-নায় দুঃখিত হইয়া কোন কৌশলে ঐ পুস্তরীভূতা দুহিতার রূপান্তর করত চন্দ্রকান্তমণি প্রস্তুত করেন; ঐ মণি চন্দ্রালোকে দ্রব হইয়া নদীরূপে পরিণত হয়; পরে ঐনদীরূপা ধৃতপাপার সহিত নদীরূপ ধর্ম্মের বিবাহ সিদ্ধ হইয়া উভয়েই ঐ স্থানে স্থাপিত হয়। অপর কোন কালে মঞ্জলা-গৌরীনামী মহামায়ার প্রীত্যর্থ সূর্যদেব ঘোরতর তপঃ সাধন করিতে ২ বর্ষিত হন, তথা ঐ বর্ষ নদীরূপে পরিণত হইয়া “কিরণা নদী” নামে পূর্বোক্তস্থানে সমাগত হয়; এই নদীত্রয় গঙ্গা ও সরস্বতীর সহিত সম্মিলিত হইয়া পঞ্চগঙ্গার উৎপত্তি হইয়াছে।

ঐ ঘাটহইতে রামঘাটপর্যন্ত সমস্ত স্থান পূর্বে বিন্দুমাধবদেবের শ্রীমন্দিরে ব্যাপ্ত ছিল; আওরঙ্গজেব পাদশাহ ঐ মন্দিরের উৎসাদন করত তাহার পুস্তরাদিদ্বারা তৎস্থানে এক মসজিদ স্থাপন করেন। ঐ মসজিদ তাদৃশ সুদৃশ্য নহে; কিন্তু তাহার চতুর্দিকে যে কএকটি স্তম্ভ আছে তাহা অতীব সুন্দর। তাহাদের প্রত্যেকের মূলের ব্যাস ৫।। হস্ত এবং দীর্ঘতা ২৮ হস্ত; ফলতঃ তাহা কলিকাতাস্থ অকটলৌনী মনু-মেন্ট-নামক প্রসিদ্ধ স্তম্ভহইতেও অধিক উচ্চ। ঐহিকস্থে হতাশ হইয়া কখন ২ ঐ স্তম্ভের অগুহইতে দুর্ভাগ্য মনুষ্যেরা লক্ষ্য দিয়া ভূ-মিতে নিপতনপূর্বক প্রাণত্যাগ করিয়া থাকে। একদা এক জন ককীর তথাহইতে এক খড়ুয়া ঘরের উপর দৈববশতঃ নির্বিঘ্নে পড়িয়াছিল; তদ্বশ্চৈ নামানলোকে বিস্ময়াপন্ন হইয়া তা-হাকে ঈশ্বরের অনুগুহপাত্রবোধে নানাবিধ উপ-হার-পুদান করিলেক; এবং সে ব্যক্তি, বোধ হয়, আপন দৈবশক্তি দর্শাইবার নিমিত্ত তৎপরেই অন্তর্হিত হয়, এবং তৎসময়ে যাহার বাটিতে সে বাস করিত তাহার কিঞ্চিৎ তৈজসাদিও অন্তর্হিত হইয়াছিল।

মাধোরায়-পোস্তার অব্যবহিত পরেই “মঞ্জলা গৌরীর” ঘাট; তৎপরে একটা ঘোঁজের পার্শ্বে “চোরঘাট,” তদনন্তর “রামঘাট।” সেই স্থানে একটা বৃহৎ ঘোঁজের মধ্যে “জৈনদিগের “জৈন-মন্দির” নামক উপাসনাস্থান আছে। তৎপরে কিয়দংশ তট জলদিগে দীর্ঘাভূত হইয়াছে। ঐ স্থানে “অশ্বীশ্বরঘাট” “শ্রীধরমঠ”, এবং “গুলরঘাট” নামে প্রসিদ্ধ তিন ঘাট আছে। তন্মধ্যে অশ্বীশ্বর ঘাটই প্রধান। কয়েক বৎসর হইল তথায় পেশবা বাজীরাও এক মনোহর

অট্টালিকা নির্মাণ করিয়াছেন, অপর তথায় পূর্বে সদানন্দ ব্যাস নামা ভুবনবিখ্যাত কথক ও বৈ-দান্তিক পণ্ডিত বাস করিতেন।

অতঃপর কয়েকটি অপুসিদ্ধ-ঘাট-ব্যবধানা-নন্তর “ঘোঁসলাঘাট”। ধর্ম্মসম্বন্ধে তাহার কোন বিশেষ মাহাত্ম্য নাই, কিন্তু সুচাক-রচনা-বি-বয়ে তাহাকে কাশীর ঘাটমধ্যে অদ্বিতীয় স্বীকার করিতে হইবেক। নাগপুরাধিপতির ব্যয়ে তাহার সর্বত্র পুস্তরদ্বারা অত্যন্ত-মনোহররূপে রচিত হইয়াছে। তাহার উপরিভাগে এক অপূর্ব দ্বার আছে, তদ্বারা লক্ষ্মীনারায়ণদেবের মন্দিরে প্র-বেশ করা যায়। বর্ষাকালে নদীজলের বৃদ্ধি হইলে, ঐ দ্বারমধ্যে অনায়াসে স্নান করা যা-ইতে পারে। এই ঘাটের কিয়দূর অন্তরে “মণি-কর্ণিকা ঘাট”।

ঐ ঘাটের অনতিদূরে পুস্তরনির্মিত এক চা-তালের মধ্যদেশে একখানি গোলাকার শ্বেতবর্ণ পুস্তর-ফলকোপরি দুইটি চরণ চিহ্ন আছে; তাহার নাম “চরণপাদুকা”। সমস্ত কাশীর মধ্যে ঐ স্থান মহাপবিত্র বলিয়া বিখ্যাত। পুরাণে কথিত আছে যে বারাণসীর সৃষ্টিকর-ণানন্তর শিবপার্বতী তথায় প্রজা-সংস্থাপ-নের বাসনা করেন। তদনুসারে ভগবান্ পুরু-ষোত্তম কাশীতে অকর্তা হইয়া স্বীয় চক্র-দ্বারা এক পুষ্করী খনন করত কঠোর তপস্যায় নিযুক্ত হন। ভগবান্ মহাদেব সেই ভয়ানকতপস্য-দৃষ্টে বিস্ময়াপন্ন হইয়া ঐ প্রকারে মস্তক সঞ্চালন করেন, যে তাঁহার কর্ণহইতে কুণ্ডল স্ফলিত হইয়া বিষ্ণুর নিকট নদীতটে পড়-য়া যায়; শাস্ত্রানুসারে ইহাতেই তৎস্থানের নাম “মণিকর্ণিকা” হইয়াছে। অপর তিনি স্বয়ং বিষ্ণুর প্রার্থনায় এই বর দেন যে “যে কেহ

কাশীতে প্রাণত্যাগ করিবেক সে তৎক্ষণাৎ পরম-ধাম প্রাপ্ত হইবেক”। যে স্থানে বিষ্ণু প্রথম অবতীর্ণ হইয়াছিলেন, তাহার নামই চরণপা-দুকা; ফলতঃ তাহা বিষ্ণুর চরণ চিহ্ন। অপর ঐ চিহ্নের নিকট যে একটি পুষ্করী আছে, তাহাই ভগবান্ বিষ্ণুদ্বারা খোদিত “চক্র-তীর্থ”। এই সকল কথা শাস্ত্রসম্মত, ইহার কোন প্রমাণ দর্শাইবার আবশ্যক রাখে না, পরন্তু পাঠক-মঞ্জলী শ্রবণে আশ্চর্য্যগ্ধিত হইতে পারেন, যে পুরাবৃত্তবিজ্ঞ পণ্ডিতেরা চরণপাদুকাকে বৌদ্ধচিহ্ন বোধ করেন। তাঁহারা কহেন, যৎসময়ে বুদ্ধদেব নির্বাণ প্রাপ্ত হন, তৎকালে তাঁহার উপাসকেরা স্থানে ২ তাঁহার পদচিহ্ন স্থাপন করিয়া তাহারই উপাসনা করিত; কাশীই সেই পদচিহ্ন এক্ষণে “চরণপাদুকা” নামে বিখ্যাত হইয়াছে। বৌদ্ধগণ্ধে একথার অনেক প্রমাণ আছে, এবং ইহাও প্রত্যক্ষ হইতেছে, যে কা-শী, গয়া, বুদ্ধদেশ, লক্ষা প্রভৃতি যে সকল স্থানে বৌদ্ধমতের প্রাদুর্ভাব হইয়াছিল, বা এই ক্ষণে প্রাদুর্ভাব আছে, তথায়ই চরণচিহ্ন পূজার প্রবল-প্রচার। ১২৮ পৃষ্ঠে কাশীস্থ চরণপাদুকার এক চিত্র মুদ্রিত হইল।

মণিকর্ণিকার দক্ষিণে ক্রমশঃ “জলসাইঘাট”, “রাজরাজেশ্বরীঘাট”, “ত্রিপুরভৈরবীঘাট”, প্র-ভৃতি কএকটি ঘাট আছে, কিন্তু রচনা বা পুণ্য-বিষয়ে তাহাদের কোন বিশেষ মাহাত্ম্য নাই। কেবল রাজরাজেশ্বরী-ঘাটের উপরিস্থ মন্দির-সম্বন্ধে এক অদ্ভুত গল্প-প্রচার আছে, তৎশ্র-বণে পাঠকবৃন্দ কৌতুকাধিত হইতে পারেন। কথিত আছে যে ঐ মন্দির-নির্মাণ-কালে তন্নি-কটে এক ক্ষুদ্র-গুহা-মধ্যে এক সিদ্ধ বাস করি-তেন, তাঁহারই ব্যয়ে মন্দির গুণিত হয়; পরে

ছাদ-নির্মাণ-সময়ে একটা বৃহৎ কাড়িকাঠ স্তম্ভোপরি স্থাপিত করিয়া শিখীরা দেখিলেক যে ঐ কাঠ প্রয়োজনীয় পরিমাণ হইতে অর্ধ হস্ত নূন, ও তাদৃশ প্রয়োজনীয় দীর্ঘ কাঠ তথায় পাওয়া যায় না; এতদৃষ্টে তাহার সিদ্ধজীর নিকট তাহার সংবাদ জানাইল; তদ্বাত্রীশুবণে সিদ্ধজী মহা-কষ্ট হইয়া ঐ কাঠোপরি দস্তাঘাতপূর্বক কহিলেন, “বে লগ্নী লকড়ি জঙ্গলমে বচতী এহাঁ নহী বড়ে-গী”? এবং এই তিরস্কার-বাক্য শুনিবামাত্র ঐ কাঠ তৎক্ষণাৎ যথেষ্ট দীর্ঘ হইল।

ত্রিপুরভৈরবীঘাটের দক্ষিণে একটি প্রাচীন বাটী দৃষ্ট হয়, তাহা রাজা মানসিংহ-কর্তৃক নির্মিত হইয়াছিল বলিয়া “মানমন্দির” (মানমন্দির) নামে প্রসিদ্ধ আছে। দুইশত বৎসর হইল, রাজা জয়সিংহ চন্দ্রসূর্য-নন্দ্রাদির স্থান ও গতি নিরূপণার্থে তথায় কতকগুলি জ্যোতিঃশাস্ত্র-সম্মত যন্ত্র স্থাপিত করিয়া জ্যোতিঃশাস্ত্রের আলোচনা-নিমিত্তে যথাযোগ্য জ্যোতির্বেত্তাদিগকে নিযুক্ত করিয়া ছিলেন। ঐ মহৎকর্ম-সাধনার্থে অধুনা তথায় আর কেহই নাই; কিন্তু ঐ যন্ত্র-সকল জয়সিংহের কীর্তিধ্বজাস্বরূপ অদ্যাপি বর্তমান আছে।

মানমন্দিরহইতে অসিসঙ্গমপর্যন্ত পুরাগ-ঘাট, শীতলাঘাট, দশাশ্বমেধঘাট, \* রাণা-মহল, গৌরীকুণ্ড প্রভৃতি নানা স্থান আছে, কিন্তু তৎসম্বন্ধে কিছুই আশ্চর্য্য বা মনোহর সংবাদ নাই, কেবল হনুমানঘাটের কিঞ্চিৎ অন্তরে কতক-গুলি বৃক্ষ আছে, তাহাতে অসঙ্খ্য বাদুড় বাস করিয়া থাকে; এক স্থানে এত বাদুড়, বোধ হয়, আর কত্রাপি দৃষ্টিগোচর হয় নাই।

\* দ্বিতীয়পর্ষের ৩৭ পৃষ্ঠে এই ঘাটের এক ছবি মাদ্রুত আছে।

## রাজপুত্র-ইতিহাস।

পঞ্চম সঙ্খ্যা।

দ্বিতীয়পর্ষের ১৮৩ পৃষ্ঠ হইতে ক্রমাগত।

(বারাণসীস্থ বহুহইতে সমাগত)

তঃপর ১৪৭৫ সংবৎসরে কুম্ভরাণা অ-বিবাদে পিত্রাসনে উপবেশন করেন। তিনি মাড়োয়ার-বংশের দৌহিত্র ছিলেন, এপযুক্ত মাড়োয়ার-বংশীয় ভূপতি তাঁহার পিতৃহত্যার প্রতিহিংসার-বিষয়ে যথেষ্ট সহায়তা করিয়াছিলেন; বিশেষতঃ এতৎসময়ে মিবার-রাজ্যে যে প্রকার মহাবলপরাক্রান্ত ভূপতির ক্রমাঘয়ে রাজত্ব করিয়াছিলেন, সে প্রকার সর্বথা দৃষ্টিগোচর হয় না। অতএব তদবস্থায় হিন্দু ধর্ম্মদেষি যবনবৈরীদিগকে মিবার-রাজ্যের পরাভূত করা অন্যায়সাধ্য হইয়াছিল।

আলাউদ্দিন কর্তৃক চিতোররাজ্যের আক্রমণ-বধি কুম্ভরাণার কালপর্যন্ত প্রায়ঃশতাব্দিক বৎসর অতীত হইয়াছিল; ঐ সময়ে উক্ত নগরী ঐ দুর্দান্তযবন-সম্পাদিত ভয়দশা হইতে উদ্ধৃত হইয়া পুনর্বার বীরমণ্ডলাতে পরিশোভিতা হইয়াছিল। কুম্ভরাণা উত্তরপশ্চিমরাজ্যে যে যবনাধিপতির ক্রমে ২ উন্নতি প্রাপ্ত হইতেছিল, তাহাহইতে স্বদেশ-রক্ষণের নানা উপায় করত সর্বত্র জয়যুক্ত হইয়া সমরসিংহের পরাজয়-স্থল কাগার-নদীতীরে মিবারস্থ রক্তবর্ণ জয়পতাকা উড্ডীয়মানা করিয়াছিলেন। ভারতবর্ষজয়কারী মহাবুদ্দিনগোরি ও তৎসমকালস্থ সমরসিংহ রাজার সময়াবধি কুম্ভরাণার রাজত্ব-কাল-পর্যন্ত দিল্লী-নগরীতে চতুর্বিংশতি যবন নৃপতি ও এক রাজ্ঞী রাজত্ব করিয়াছিল, কিন্তু আশ্চর্য্য এই যে উক্ত কাল যাবৎ মিবার-রাজ্যে একাদশ মাত্র ভূপতি সিংহাসনা-রূঢ় হইয়াছিলেন। খিলজি বংশীয় যবন রাজাদি-

গের দুর্দশাবস্থায় দিল্লীশ্বরের রাজপুত্রযেরা ক্রমে ২ স্ব ২ পুত্রুর অবমানকরত স্বয়ং রাজ্যস্থাপনে প্রবৃত্ত হইয়াছিল, তথা বিজয়পুর, গোলকণ্ডা, মালব, গুজ্জর, জউনপুর, এবং কাণ্পীতে পৃথক ২ নৃপতি হইয়া উঠিল। মালব এবং গুজ্জর প্রদেশের ভূপতির অসম্ভব ক্রমতাপন্ন হইয়া কুম্ভের রাজ্যকালে ১৪৯৬ সংবৎসরে বৃহতী-সেনানী-সহকারে মিবারক্রমণ করিয়াছিল। কুম্ভরাণা এক লক্ষ অশ্বারূঢ় ও পদা-তিক যোদ্ধা ও চতুর্দশ-শত হস্তি সংহতি লইয়া স্বদেশের প্রান্তভাগে মালব রাজ্যের রণভূমিতে শত্রুদিগকে এককালীন পরাভূত করত মালবাধিপতি মহম্মদ খিলজিকে ধৃত করিয়া চিতোরে আনয়ন করেন। তদনন্তর ঐ যবন রাজাকে বিনামূল্যে বরং পুরস্কারপূর্বক মুক্ত করেন। তদ্বি-ষয়ে পারস্য-ইতিহাসবেত্তা আবুলকজল এতৎ সম্ভ্রাম-বর্ণন করত কুম্ভের মহত্বতার বিস্তার ব্যাখ্যা করিয়াছেন, ফলতঃ হিন্দুচারিত্র এতাদৃশ মহতই বটে; অধঃপতিত বৈরীকে রক্ষা করা রাজপুত্র বীরের শ্রেষ্ঠ ধর্ম্ম, এবং তৎকর্ম্ম সর্বথা অত্যন্ত সাবধানে প্রতিপালিত হইয়া থাকে। রাজপুত্র-ইতিহাসবেত্তারা লেখেন, যে মহম্মদ ছয় মাস যাবৎ চিতোরে কারাবদ্ধ থাকেন, এবং মুক্ত হইবার সময় আপন মুকুট তথায় রাখিয়া আসিয়াছিলেন; বাবর নামক মোগল বাদশাহ কুম্ভের উত্তরাধিকারি সজ্জার নিকট হইতে তাহার উদ্ধার করেন।

উক্ত যুদ্ধের পর একাদশ বর্ষ অতীত হইলে কুম্ভরাণা ঐ মহাজয় চিরস্মরণীয়-করণার্থে এক প্রকাণ্ড স্তম্ভ নির্মিত করাইয়া স্বদেশ সুশোভিত করেন। ঐ স্তম্ভের নির্মাণ করিতে ক্রমাগত দশ বৎসর কাল লাগিয়াছিল, পরন্তু তাহার আয়তন দর্শন করিলে ঐ ব্যাপক কালও খর্ব্ব বোধ হয়।

অতঃপর কুম্ভ যবনদিগের সহিত নানা যুদ্ধে জয়ী হইয়াছিলেন; একদা বুনবুনু নামক স্থানে দিল্লীস্থ সৈন্য পরাভূত করিয়া হিসার-দুর্গে তিনি জয়পতাকা স্থাপিত করেন। ঐ যুদ্ধে মালবসৈন্য তাঁহার সহিত সম্মিলিত ছিল; পরন্তু তদানীং দিল্লীশ্বরের ক্রমতা অত্যন্ত খর্ব্ব হইয়াছিল; অতএব ঐ জয় বিশেষ যশস্কর নহে; তৎকালে মালবাধিপতি মহম্মদও যোরীয় বংশীয় শেষ বাদশাহকে স্বয়ং একক সঙ্গ্রামে পরাহত করিয়াছিলেন।

মিবাররাজ্য-রক্ষণার্থে চৌরাণি দুর্গ স্থাপিত আছে, তন্মধ্যে কুম্ভরাণাকর্তৃক দ্বাত্রিংশত দুর্গ প্রস্তুত হয়; ঐ সকল দুর্গের মধ্যে তাঁহার নামে বিখ্যাত “কুম্ভমেরু” নামক দুর্গ সর্বোৎকৃষ্ট। আবুলখির শিল্পেও তিনি এক দুর্গ স্থাপন করিয়া তথায় অবস্থিতি করিতেন। উক্ত দুর্গস্থ তোপ-গৃহ ও নৌবতখানা অদ্যাপি তাঁহার নামে বিখ্যাত আছে। রাজপুত্রমাত্রেই কুম্ভকে যৎপরো-নাস্তি সমাদর করিত, এবং অদ্যাপি আবুপুদে-শে এক মন্দির-মধ্যে কুম্ভ ও তৎপিতার স্বাত্ম-ময় মূর্ত্তি দেবতার ন্যায় অর্চিত হইয়া থাকে। তিনি আরাবল্লি-পর্বতনিবাসি অসভ্যজাতীয়দের আক্রমণহইতে স্বদেশরক্ষার্থে মার্টীন দুর্গের নি-র্মাণ করাইয়াছিলেন, তথা জায়োর এবং পেনো-রাস্থ ভূম্যধিকারি ভিল্লদিগকে ভয়প্রদর্শনার্থে স্থা-নে ২ ক্ষুদ্র দুর্গস্থাপন ও মাড়োয়ার ঐ মিবারের পরম্পর সীমা বিলক্ষণ নির্দিষ্ট করাইয়াছিলেন। এতদতিরিক্ত ধর্ম্মসঙ্ঘটিত তাঁহার অপর কীর্ত্তিহয় অদ্যাপি বর্তমান আছে, তদ্যথা;—আবুলখি-রোপরি কুম্ভশ্যাম এবং মিবারের পশ্চিমদিকস্থ সদিঘাটোপরি ঋষভদেবের বৌদ্ধ মঠ। শেযোক্ত-কীর্ত্তিনির্মাণে কোটি মুদ্রা ব্যয় হয়, তন্মধ্যে রাণা অষ্ট লক্ষ মুদ্রা স্বয়ং প্রদান করেন। নিভৃত স্থানে

স্থিতিপ্ৰযুক্ত ঐ মঠ ধর্মদেবিদিগের হস্তে পতিত না হইয়া এক্ষণে পশ্চাদির আশ্রয়স্থল হইয়াছে। জয়দেবকৃত গীতগোবিন্দের টীকা প্রস্তুত করিয়া কুস্তরাণা কবিত্ব মর্যাদাও গৃহণ করিয়াছিলেন; কিন্তু ইদানীং ঐ টীকার অপ্রাপ্তি-হেতুক তাহার দোষণ লিপিকৃত করা দুষ্কর।

মাজোরার বংশশ্রেষ্ঠ মেয়তা-রাঠোরের দুহিতা অমীমধর্মপুত্র এবং সৌন্দর্য্যে বিভূষিতা মীরাবাই নামী রমণী কুস্তর ধর্মপত্নী ছিলেন। তিনি ধর্ম-বিষয়ে তৎপর, দেবদেবীর পূজা করিয়া দৈব-শক্তি-তথা কবিত্বশক্তি-বিশিষ্টা হইয়াছিলেন। তাঁহার কবিতা রচনার কিয়দংশ অদ্যাপি পুষ্টি-প্ৰাপ্ত আছে। কথিত আছে, যে অদ্যাপি সুন্দরী সম্ভিবাচারে ঐ দেববৎসলা রমণী ঈশ্বরের গোপালমূর্তি-অর্চনার্থে যমুনাভীরাবধি দ্বারকা-পর্বত পর্যন্ত ইচ্ছা-বিহারিণী হইয়া গমন করিতেন; দামান্য লোকে তাহা অনুভূত না করিতে পারিয়া তাঁহার অনেক অপবাদ করিত; পরন্তু ভক্তমাল-গুণ্ডে তিনি ভক্তশ্রেষ্ঠা বলিয়া বর্ণিত আছেন।

কুস্তরাণা ঝালবার-রাজার তনয়া মন্ত্রর রাজ-কুমারের নির্ব্বাহিত্বতা পত্নী হরণ করিয়াছিলেন। ঐ রাজতনয় বিরহানলে প্রজ্বলিত হইয়া অপ-হৃত্য রাঠোর সুন্দরীর সহিত সঙ্গমনের নানা উপায় করত কোন সুযোগে রাজ্যিকাদে বনমধ্য-দিয়া গমন করত রাজতনয়ের প্রাচীর উল্লঙ্ঘন-পূর্বক রাণার গৃহে প্রবেশ করিয়াও অবশেষে অভিষ্টসিদ্ধ করিতে পারেন নাই, ইহাতেই কোন সুচতুর কবি শ্ৰেয়োক্তিতে কহিয়াছিলেন ‘মন্ত্রর ঝাল মধ্যদিয়া পস্থা পাইয়াও অবশেষে ঝালানী \* প্রাপ্ত হইতে পারেন নাই’।

\* “ঝাল” শব্দে বন, এবং ঝালানী শব্দে ঝালবার রমণী জাপন করে।

ঐ কাপে অমম্বৃত-ঐশ্বর্য্য-সন্তোষপূর্বক পঞ্চাশত বৎসর অকাতরে রাজত্ব করিয়া কুস্তরাণা ১৫২৫ সংবৎসরে আপন তনয় উধো (উজব) কর্তৃক হত হইলেন। ঐ দুর্ভাগ্য রাজ্যলোভে পিতৃহত্যা-পাতকে নিমগ্ন হইয়া অদেবে ঘৃণাস্পদ হওত পঞ্চ-বৎসর-ব্যবৎ রাজত্ব করিয়াছিলেন। দিল্লীশ্বরের সাহায্য পাইবার নিমিত্ত সে তাঁহাকে কন্যাদানে সম্মত হইয়াছিল, কিন্তু তদ্বিষয়ের কথোপকথনান্তর দেওয়ানখানাহইতে সে বহিগত হইয়া-বাজ তাহার মস্তকে এক বজ্রাঘাত হয়, এবং সেই দৈবঘটনায় বাণপারাণলের বংশ যব-নাভিগমনরূপ দুর্নিবার কলঙ্কহইতে নিষ্কৃতি পাইল।

রাজপুত্র-ইতিহাসলেখকেরা ঐ নরাধমকে মি-বারবংশের রাজশ্রেণীমধ্যে গণ্য করেন না। লোকে তাহাকে অদ্যাপি “হত্যাগো” অর্থাৎ পিতৃহা বলিয়া লক্ষ্যেণ করে।

কুস্তর পুত্র রায়মল ১৫৩০ সংবৎসরে আপন পিতৃহা ভ্রাতাকে পরাজয় করিয়া রাজ্যভি-যুক্ত হন; তথা ঐ পাপাত্মা দিল্লীতে পলায়ন-পূর্বক তথায় পঞ্চত্ব প্রাপ্ত হয়। ঐ ঘটনার কিছু-কাল পরে দিল্লীশ্বর উধোর পুত্র মহেশমল ও সুর-জমলের (সূর্যমলের) সম্ভিবাচারে মিবার রাজ্য আক্রমণ করেন; কিন্তু তাঁহাতে তাহার কোন ইষ্ট সিদ্ধ হয় নাই। রায়মল আবু এবং গিনার-ধিপতিদিগের সাহায্যে পঞ্চাশত সপ্ত সহস্র অশ্ব-বাহু এবং একাদশ সহস্র পদাতিক যোদ্ধা সম্ভি-বাচারে লইয়া ষাশা নামক স্থানে যোরতর সঙ্ঘা-মে মদনদীতে শোণিত শ্লাবিত করত অবশেষে দিল্লীশ্বরকে সম্যক পরাভূত করিয়া মিবারহইতে দূরীভূত করিয়াছিলেন।

রায়মল যদুবংশোদ্ভব সূর্য্য নামা গিনারধি-পতিকে এক দুহিতা এবং নিরোহি মিবারি দেও-রার ভূপতি জয়মলকে অপর দুহিতা অর্পণ করিয়া উক্ত জয়মলকে আবু-নামক-প্রদেশে যৌতুকস্বরূপে প্রদান করেন। অপর তিনি মালব প্রদেশের রাজা গয়াসুদ্দিনের সহিত পুনঃ ২ সঙ্ঘা করত অব-শেষে তাহাকে দীনতা স্বীকার করাইয়া তাহার সহিত সন্ধি করিয়াছিলেন।

রায়মল-রাণার তিন পুত্র; জ্যেষ্ঠ সঙ্ঘা, মধ্যম পৃথীরাজ, এবং কনিষ্ঠ জয়মল। প্রথম পুত্রদ্বয় ঝালিনী-রাজ্যের গর্ত্তজাত; তাহারা উভয়েই তুল্য-পরাক্রম ও সাহসবিশিষ্ট ছিল, এবং রাজ্যলোভে উন্মত্ত থাকিয়া সর্ব্বথা কলহে কালযাপন করিত। একদা ঐ ভ্রাতৃত্বর আপন পিতৃব্য সুরজমলের সহিত রাজ্যপ্রাপ্তির বাদানুবাদে প্রবর্ত্ত হইয়া-ছেন, এমত সময়ে সঙ্ঘা সর্গর্বে কহিলেন, “যদিচ আমি যথার্থতঃ মিবার রাজ্যের উত্তরাধিকারী বটে, তথাচ নাহেরা-গুমস্তিত চারণদেবীর পৌরহিত্যকারিণী দৈবশক্তি-সাহায্যে যাহা আ-দেশ করিবেন, তাহাতে নিষ্ঠর করিয়া আপন স্ব-পরিচয় করিতে স্বীকৃত আছি”। এই বাক্যে সক-লেই সম্মত হইয়া তথায় গমন করত পৃথীরাজ ও জয়মল প্রথমে মন্দিরমধ্যে প্রবেশপূর্বক এক সা-মান্যসনে উপবেশন করিলেন, তথা সঙ্ঘা তৎপ-শ্চাতে প্রবেশ করত পৌরহিত্য ব্যাঘ্রচর্মাশনে উপবেশন করিলেন, এবং সুরজমল তাহার একদে-শে পাদার্পণ করিলেন। অতঃপর পৃথীরাজ প্রমু-খাৎ বিবাদ-বাত্তী ব্যক্ত হইবামাত্র উক্ত দৈবজ্ঞা ঐ সিংহাসনস্থ \* রাজকুমারকে মিবার-সিংহাসনাধি-কারী, ও তদেক দেশস্থিত সুরজমলকে রাজ্যের কিয়দংশ ভারগুস্ত বলিয়া ব্যাখ্যা করিলেন। পৃ-

\* সিংহ আসন অর্থাৎ সিংহ-ব্যায়ু-ঘৃণাদির চর্মা নির্মিত আসন।

থীরাজ ঐ বাক্য শুনিবামাত্র খড়গ-নিষ্কোষণ-পূ-র্বক সঙ্ঘাকে বিনষ্ট করিয়া দৈবদেশে ব্যর্থ করিতে উদ্যত হইলেন, কিন্তু সুরজমল তৎক্ষণাত রাজ-কুমারের প্রতি নিষ্কিঞ্চ অস্ত্র আপন শরীরে গৃহণ করিলেন। অতঃপর বীর-চতুষ্টয় পরস্পর অস্ত্রা-ঘাতে জর্জরীভূত হইলেন, বিশেষতঃ সঙ্ঘা অস্ত্রা-ঘাতে ও নেত্রে সরাঘাতে আহত হইয়া পলা-য়নপূর্বক চতুর্ভূজাদেবীর আশ্রয়ে বিদা-নামা এক জন রাঠোরের নিকট আশ্রয় গৃহণ করিলেন। ত-থায় অশ্বহইতে অবতীর্ণ হইতেছেন এমত সময়ে জয়মল সবেগে হয়সঞ্চালন করিয়া তাঁহার নিকটে উপনীত হইল। উক্ত রাঠোর বংশীয় মহাবীর অতিথি রক্ষায় তৎপর হইয়া জয়মলের সহিত যুদ্ধে প্রাণ সমর্পণ করিলেন; এবং ঐ অবকাশে সঙ্ঘাও তথাহইতে প্রস্থান করিলেন।

ইতোবধি সঙ্ঘা পৃথীরাজের বৈরতার আশঙ্কায় কিয়ৎকাল নানা উপায়ে অজ্ঞাতবাসে কালযাপন করিয়াছিলেন, কনতঃ ঐ যুবরাজ যিনি পরিণামে লক্ষাধিক যোদ্ধা-সহিত তৈমুর বংশীয় বাবর বাদ-শাহের বিক্কে সঙ্ঘামে বিরত হয়েন নাই, তিনি কিয়ৎকাল গোপদিগের সহবাসে গবাদি চারণ করিয়া কালযাপন করিয়াছিলেন; ও তৎকর্মে অপটুতাপ্ৰযুক্ত গোপদলমধ্যহইতে বহিষ্কৃত হই-য়াছিলেন, তথা কতিপয় গোধূম পিষ্টক প্রস্তুত করিয়া তাহার তত্ত্বাবধাধানে অবত্ন করত স্বয়ং ভক্ষণ করাতে তিরস্কৃত হইয়াছিলেন। এতদ-বস্তার পর কতিপয় প্রভুভক্ত রাজপুত্র তাঁহাকে অশ্ব শস্ত্র প্রদান করত সকলে ত্রিগরের ভূপতি প্রমর-বংশীয় রায় করিমচাঁদ নৃপতির দাসত্ব স্বী-কার করিয়া ইতস্তত দেশপর্য্যটন ও পরদুর্বা-পহরণদ্বারা দিনযাপন করিতে লাগিলেন। একদা সঙ্ঘা পথশান্ত হইয়া এক বটবৃক্ষতটে উত্তীর্ণ হওত

স্বীয় খড়্গোপরি মস্তক-স্থাপনপূর্বক শয়ন করিয়া আছেন, ও তাঁহার অনুচরদ্বয় ভোজ্য আয়োজন করিতেছে, এমনত সময়ে নিবিড় বৃক্ষপত্রান্তর হইতে এক রশ্মি ধারা তাঁহার বদনে পতিত হইয়াছিল, ও এক বৃহৎ নগ্ন তথায় সমাগত হইয়া সূর্যের উজ্জ্বল আলোক কণা বিস্তৃত করিয়া নৃপতির মস্তকোপরি ধারণ করিলেক, এবং কণিকণায় আকট এক ক্ষুদ্র বিহঙ্গম ধ্বনি করিতে লাগিল; তদুপস্থিত জন্মক গোপ সজ্জার সম্মুখে অগুনত হইয়া রাজমর্ঘ্যাদা-প্রদানেচ্ছুক হয়, ও পরে তাঁহার স্বামী স্রীমগরাধিপতির কর্ণগোচর করে, যে তিনি ছত্রধারি রাজকর্তৃক পরিসেবিত হইতেছেন। উক্ত নৃপতি সে কথা সজ্জোপন করিয়া সজ্জাকে আপন কন্যাদান ও তাঁহার রাজ্য প্রাপ্তির সমস্তাবধি রক্ষণাবেক্ষণ করিয়াছিলেন।

পুত্রদিগের পরস্পর-বিরোধের সংবাদ রাণার কর্ণগোচর হইলে তিনি পৃথীরাজকে দেশান্তর করিয়া দেন। ইহাতে পৃথীরাজ পঞ্চ জন অশ্বারোহি সমভিক্যাহারে গড়োয়ার রাজ্যান্তর্গত বেলিয়ো-নগরের অভিমুখে যাত্রা করেন। পরে পৃথিবীতে কিঞ্চিৎ দূর্য ক্রয় করিবার আবশ্যিক হওয়াতে তিনি জনৈক বণিকের নিকট আপন অঙ্গুরীয়ক বিক্রয় করিতে যান; দৈবঘটনা এমনি হইল যে ঐ বণিকই পূর্বে রাজ সন্নিধানে সেই অঙ্গুরীয়কটি বিক্রয় করিয়াছিল, অতএব সে তদুপস্থিত তাঁহাকে রাজকুমার বলিয়া জানিতে পারিলেক, এবং তাঁহার ছদ্মবেশ-ধারণের কারণাবগত হইয়া তাঁহার দলস্থ হইতে বাসনা করিল। তৎসময়ে জনৈক মীনাজাতি প্রধান এতদঞ্চলের নাড়োল নামক গায়ে আপন ক্ষুদ্রাধিকারের রাজধানী স্থাপন করিয়াছিল। পৃথীরাজ নব্যসহযোগী বণিকের পরামর্শে তাহার দানত্ব স্বীকার করিলেন। ঐ মিনাদি-

গের মধ্যে “আহেরিয়া” নামক এক বিশেষ বার্ষিক পর্ব আছে, তৎসময়ে রাজভৃত্যবর্গ সকলেই আপন-গৃহে যাইবার অবসর পাইয়া থাকে। যে বৎসর পৃথীরাজ তথায় ছিলেন, তদ্বর্ষের পর্বদিনে অন্যান্যভৃত্যবর্গের ন্যায় তিনিও অবসর পাইয়াছিলেন, কিন্তু তেঁহ গৃহে না গিয়া স্বয়ং সজ্জোপনে নগরদ্বারে অবস্থান করিয়া সহযোগি রাজপুত্রগণকে স্বীয় স্বামীকে বধ করিতে প্রেরণ করিলেন, ও তদনন্তর ঐ স্বামী অশ্বারোহণে পলায়ন করিতেছে দেখিয়া তাহাকে তৎক্ষণাৎ বিনষ্ট করেন, এবং মিনাদিগের গায়ে অগ্নিসংযোগ করিয়া অনেককে দগ্ধ করেন। এই রূপে সমস্ত গড়োয়ার রাজ্য হস্তগত করিয়া ওয়া নামক বণিক এবং সোধগড়ের অধিপতি সোদা সোলাঙ্কিকে তদ্রাজ্য নন্দর্পিয়া তিনি পিত্রালয়ে পুনঃ প্রত্যগমন করেন। তৎকালে তাঁহার পিতার নিকটে কোন পুত্র উপস্থিত ছিল না; সজ্জা সজ্জোপনে ছিলেন, এবং জয়মল্লের মৃত্যু হইয়াছিল, সুতরাং তাঁহার পিতা তাঁহাকে তৎক্ষণাৎ কন্যা করিলেন। জয়মল্লের মৃত্যুবিরোধে রাজপুত্রদিগের দেশব্যবহার ব্যক্ত হয়, অতএব তাহা এখানে বক্তব্য। কথিত আছে যে তিনি পাঠানজাতিকর্তৃক দেশবহিস্কৃত সুরতান নামা এক রাজপুত্রের কন্যা তারা বাই নাম্নী রমণীর পাণিগৃহণাভিলাষি হইয়াছিলেন, ও স্বীকার করিয়াছিলেন উক্ত রাণের রাজ্য উদ্ধার করিয়া দিয়া সেই কন্যার পাণিগৃহণ করিবেন, কিন্তু রাজ্যোদ্ধারের অপেক্ষা না করিয়া একদা বলপূর্বক যুবতির অন্তঃপুরে প্রবেশ করেন, ও তদন্তে কোপিত পিতৃকর্তৃক বিনষ্ট হন; ইহাতেই কবিকল্পিত প্রবন্ধে লিখিত হয়, “তারা তাঁহার সৌভাগ্য-তারা হয়েন নাই”।

জয়মল্লের মৃত্যুর পর কোন-রাজপুত্রপ্রধান পুত্রহত্যার প্রতিহিংসা করিতে রাণা রায়মল্লকে উত্তেজনা করিয়াছিল, কিন্তু ঐ ধার্মিকবর এইনাত্র প্রত্যুত্তর দিয়াছিলেন, “যৎকর্তৃক পিতৃমর্ঘ্যাদা অবজ্ঞীকৃত হইয়াছে, এবং তৎপিতার দুরবস্থা অলক্ষিত হইয়াছে, সে ব্যক্তি অবশ্যই এমনত অদৃষ্টের ভাজন।” পরে আপন বাক্যের প্রতিযোগিতায় ঐ অপমানিত পিতাকে বেদনোর রাজ্য প্রদান করেন।

জয়মল্লের বিনাশহেতু এবং সজ্জার অজ্ঞাত-বাস-প্রযুক্ত পৃথীরাজ স্বদেশে পুনরাহ্বানিত হইয়া আপন ভ্রাতৃকর্তৃক অবমানিতা রমণীর পাণিগৃহণ করিয়াছিলেন।

এই ঘটনার কিয়ৎকাল পরে তাঁহার পিতৃব্য সুরজমল্ল রাজ্য-প্রাপনের আশা করিয়া লাক্ষারানার বংশাবতংশ সারঙ্গদেবকে সপক্ষ করিয়া মালবদেশের সুলতান মোজফফরের সহায়তায় মারবাড়-রাজ্যের দক্ষিণ খণ্ড আক্রমণ করত কতিপয় নগর হস্তগত করেন। রাণা তদন্বয়ার্থে যৎকিঞ্চিৎ নৈম্য লইয়া গভীরী নদীতীরে যাত্রা করেন, ও তথায় শত্রুদিগের সহিত সামান্য-ব্যক্তির ন্যায় যুদ্ধ করিয়া দ্বাবিশ্চিতি অস্ত্রাঘাতে আহত হওত ভূমিতে পতিত হইতেছিলেন, এমনত সময়ে পৃথীরাজ এক সহস্র অশ্বারোহি যোদ্ধাসহ সমাগত হইয়া যুদ্ধানল পুনঃ প্রজ্জ্বলিত করিলেন। তাহাতে শত্রুদল-চমকিত হইল, অপূর্ণাঙ্গ বীরমণ্ডলী ধ্বংস হইতে লাগিল; এবং সুরজমল্ল স্বয়ং অস্ত্রাঘাতে আচ্ছন্ন হইলেন; এতদবস্থায় রজনীর সমাগমে দুই দলে বিশ্রান্ত হইয়া পরস্পর সন্নিহিতে অবস্থান করিল।

এই অবস্থায় পৃথীরাজ সুরজমল্লের সহিত সাক্ষাৎ করিয়াছিলেন, তদ্বিবরণ অতিবিস্ময়জনক। চন্দ্র নাহেব পিতৃব্যের ভ্রাতৃপুত্রসহ সন্দর্শনের বা রা এক অপ্ৰকাশিত রাজপুত্র গৃহস্থ হইতে সঙ্ক-

লিত করিয়াছেন, তাহাতে ঐ সভ্য-জাতীয়দিগের অপূর্ণ সাহস ও অনির্ভরীয় মহত্ত্বতা ব্যক্ত হয়। কথিত আছে, পৃথীরাজ বিপক্ষ-দলের মধ্যে স্বয়ং সমাগত হইয়া দেখেন সুরজমল্ল এক ক্ষুদ্র শিবির-মধ্যে দেহের অস্ত্রাঘাতসমস্ত নাপিত-কর্তৃক সৌবিত করাইয়া অর্দ্ধ শায়িত হইয়া রহিয়াছেন; তাঁহাকে দেখিবামাত্র গাত্রোথান পূর্বক যথাযোগ্য সম্ভাষণে অভ্যর্থনা করিলেন, তাহাতেই তাঁহার দেহস্থ কতিপয় ক্ষত স্থান হইতে শোণিত স্রবণ হইতে লাগিল।

পৃথীরাজ জিজ্ঞাসিলেন, “খুড়া মহাশয়, আপনার আঘাত সমস্ত কি রূপ আছে?”

সুরজমল্ল। “পুত্র, তব দর্শনোদ্রাসনে তৎসমস্ত আরোগ্য হইয়াছে”।

পৃথীরাজ। “কিন্তু খুড়া আমি এখন পর্য্যন্ত দেওরানজিকে দেখি নাই, সর্বাঙ্গে তোমার এখানে আদিয়াছি। আমি অত্যন্ত ক্ষুধিত, হেথায় কিঞ্চিৎ খাদ্যোপস্থিত আছে কি না?”

অতঃপর ত্রয়্য খাদ্য দ্রব্য আয়োজন হইল, এবং উভয় বীরে একত্র বসিয়া এক পাত্রে ভোজন করিতে লাগিলেন। পরে গমন সময়ে পৃথীরাজ নিঃসন্দেহে খুল্যস্ত-প্রদত্ত তাশ্বল লইয়া ভক্ষণ করিলেন, এবং কহিলেন, “খুড়া আমরা উভয়ে প্রাতেই যুদ্ধ-সমাপন করিব”। খুড়া প্রত্যুত্তর দিলেন: “ভাল, পুত্র, তবে কিঞ্চিৎ প্রত্যুবেই আসিও”।

পরদিন প্রাতে উভয়দলে ঘোরতর সমর উপস্থিত হইল; সারঙ্গদেব সর্বাঙ্গে রণ করিতে ২ পঞ্চাঙ্গিংশ আঘাত প্রাপ্ত হইলেন; চতুর্দিকে অবিরত অস্ত্র বর্ষণ হইতে লাগিল; চারিদণ্ড-কাল-

\* রাজপুত্রদিগের ব্যবহারানুসারে দেওরানজি শব্দে রানাঙ্কিকে জ্ঞাপন করে।



মধ্যে অসঙ্খ্য ২ রাজপুত্রদেহে বসুন্ধরা আ-  
বৃত্ত হইল; অবশেষে রাজবিদোহিরা পরা-  
জিত হইয়া স্বদেশে পলায়ন করিল; এবং  
পৃথীরাজ জয়যুক্ত হইয়া ক্ষতদেহে চিত্তোরে  
প্রত্যাবর্তন করিলেন। পরন্তু তাহাতেও পরা-  
ভূত দল আপন অভিষ্টমাধনে নিতান্ত পরাধুখ  
হইল না। পিতৃব্য ও ভ্রাতৃপুত্র উভয়েই পর-  
স্পর বিনাশে ব্যগ্ন ছিলেন। পৃথীরাজ প্রতিজ্ঞা  
করিয়াছিলেন, খুল্যতাতকে মিবার মধ্যে এক  
সূচ্যগুমাত্র ভূমি দিবেন না। তথা সুরজমল  
প্রতিজ্ঞিত হইয়াছিলেন, তিনি ভ্রাতৃপুত্রকে  
চিতার উপযোগী-স্থান-মাত্র প্রদান করিবেন।  
এই প্রতিজ্ঞানুসারে উভয়দলে সর্বদা যুদ্ধ  
হইতে লাগিল। একদা বটুরো-প্রদেশের গহন-  
বনে সুরজমল বৃক্ষ-পরিবেষ্টিত এক নিভৃতস্থান-  
প্রস্তুতপূর্বক তন্মধ্যে সৈন্য রক্ষিত করিয়া নকলে  
রাত্রিযোগে স্বকীয় অবস্থার আন্দোলন করি-  
তেছেন, এমত সময়ে অশ্ব সমাগমের গাঢ় ধ্বনি  
কর্ণগোচর হইল। তৎক্ষণাতঃ সুরজমল তটস্থ  
হইয়া কহিলেন, “এ আমার ভ্রাতৃপুত্র ভিন্ন  
আর কেহ নহে”। অপর ঐ বাক্য কহিতে না  
কহিতে পৃথীরাজ সৈন্যে ঐ স্থানে উপনীত  
হইলেন। তৎক্ষণাতঃ সর্বত্র কোলাহল ধ্বনি উঠিল,  
প্রাণিটুকালের বর্ষার ন্যায় সর্বত্র অস্ত্রবৃষ্টি হইতে  
লাগিল, কি শত্রু, কি মিত্র, কে-কাহাকে বিনাশ  
করে তাহার কিছুই স্তম্ভ্য রহিল না। যুবরাজ  
সমারোহ-মধ্যে আপন পিতৃব্যকে লক্ষ্য করিয়া  
এমত আঘাত করিলেন, যে তাহাতেই তাহার  
বিনাশের সম্ভাবনা ছিল, কিন্তু সারঙ্গদেব সময়ে  
সাহায্য করিয়া রক্ষা করিলেন, ও তিরস্কার-পূর্বক  
কহিলেন, “পূর্বের বিংশতি অস্ত্রাঘাত হই-  
তেও একফণকার এক মুষ্টি অধিক”। সুজো

\* অমানমুখে প্রত্যুত্তর করিলেন, “হাঁ আ-  
মার ভ্রাতৃপুত্র-হস্তাপিত মুষ্টি হইলে তাহাই  
বটে”। অতঃপর সুজো যুদ্ধ নিবারণ করিয়া পৃথী-  
রাজকে কহিলেন, “বাপু হে! যদি আমি হত  
হই, তাহাতে দুঃখ নাই; আমার রাজপুত্র তন-  
য়েরা অনায়াসে যুদ্ধব্যবসায় কোন স্থানে না  
কোন স্থানে প্রতিপালিত হইবে; কিন্তু তোমার  
বিয়োগ হইলে চিত্তোরের দশা কি হইবেক?  
অধিকন্তু আমার কলঙ্ক ইহকাল পরকালে ঘোষিত  
রহিবেক”। ইহাতেই অস্ত্রসম্বরণ করিয়া উভয়ে  
প্রেমানিঙ্গনপুরুষের একত্রে উপবেসন করিলেন।  
পরে ভ্রাতৃপুত্র জিজ্ঞাসিলেন, “খুড়া আনার  
আগমনকালীন কি করিতেছিলেন?”

উত্তর। “ভোজনান্তে বাতুলের ন্যায় বাক্য-  
ব্যয় করিতেছিলাম”।

ভ্রাতৃপুত্র। “আমার ন্যায় শত্রু মস্তকোপরি  
থাকিতে আপনি কিরূপে নিশ্চিত ছিলেন?”

খুড়া। “বাপু, তুমি উপায় রহিত করিয়াছ,  
এই ক্ষণে কি করি? কোন স্থানে না কোন স্থানে  
মস্তক রক্ষা করিতেই হইবেক”।

পরদিবস প্রাতে বিবাদ ভঞ্জন করিয়া নিক-  
টস্থ মহাকালের মন্দিরে বলিদানার্থ পৃথীরাজ  
খুড়াকে আশ্রয় করিলেন, কিন্তু তিনি অস্ত্রাঘাতে  
অশক্তপ্রযুক্ত সারঙ্গদেব তৎপ্রতিনিধি হইলেন।  
যথানিয়মে পূজা সমাপনান্তর মহিষ বলিদান  
হইল; তৎপরে একটা ছাগ বলিদানকালীন  
পৃথীরাজ বলিদানের খড়্গ লইয়া সারঙ্গদেবের  
মস্তকচ্ছেদ করত ঐ অবিশ্বস্ত কুটুম্বের ছিন্ন-মস্তক  
মহাকাল সমীপে সমর্পণ করিলেন। সুরজমল ঐ  
সংবাদ শুনিবামাত্র সদৌ প্রদেশে পলায়ন করিয়া

\* সূর্যমল শব্দের সংক্ষেপ সুরজমল, তৎসংক্ষেপ সু-  
শেষ শব্দেই সূর্যমল স্বদেশে বিখ্যাত ছিলেন।

তথায় আপন পণ অরণ করত আপন স্বত্ব সমস্ত  
ভূম্যাদি ব্রাহ্মণদিগকে বিতরণ করিয়া এককা-  
লে মিবার পরিত্যাগ করেন। পরে বিদেশ-যাত্রা-  
কালে পশ্চিমধ্যে এক নেকড়িয়া ব্যায়ের আক্র-  
মণ হইতে এক ছাগ আপন শিশুকে রক্ষা করিতে-  
ছে দেখিয়া তিনি তাহা শুভচিহ্ন বিবেচনা করেন,  
ও তিনি রাজ্যের কিঞ্চিৎ অংশ পাইবেন চারণী  
দেবীর এই আদেশ অরণপূর্বক তথায় আবাসস্থান-  
নির্ধারণ-করত তত্রত্য মিনারাজাকে পরাজয় করি-  
য়া প্রতাপগঢ় দেওলা নামক প্রসিদ্ধ স্থানের প্র-  
থম পত্তন করেন; তদবধি ঐ স্থানের ক্রমশঃ উন্নতি  
হয়, এবং অদ্যাপি তাহা বিটিসদিগের অধীনতায়  
সুরজমলের উত্তরাধিকারি শাসিত করিতেছেন।

পৃথীরাজ তাঁহার ভগিনীপতিপ্রদত্ত বিষ পান  
করিয়া মানবলীলা সংবরণ করেন। তৎপরে তাঁহার  
পুত্র রাও রৈনমল কয়েককাল রাজ্য করিয়াছি-  
লেন। তিনি তাঁহার পিতৃপুত্রদিগের তুল্য ছি-  
লেন না, তত্রাপি অত্যন্ত বিবাদবিসম্বাদের সময়ে  
রাজমর্ষ্যাদি অনায়াসে রক্ষা করিয়া যথেষ্ট গৌর-  
বের সহিত সাম্রাজ্য করিয়াছিলেন।

### পতিয়ালার ইতিহাস।

অ দ্য কএক দিবসাবধি পতিয়ালার  
মহারাজ্য কলিতায় অধিষ্ঠান করাতে  
অনেকেই তাঁহার আদ্যবিবরণ-শু-  
বণে উৎসুক হইয়াছেন; সেই অভিলাষ সিদ্ধ কর-  
ণাতিপ্রারে এই সর্জকল্প বিবরণ প্রকটিত হইল।

যাঁহার বিবিধার্থের পূর্ব ২ খণ্ডে শিখদি-  
গের ইতিহাস পাঠ করিয়াছেন, তাঁহাদিগের অরণ  
থাকিতে পারে যে মুঞ্জা নামে প্রসিদ্ধ এক বিশেষ  
শিখসম্প্রদায় আছে, ঐ সম্প্রদায় বিভুক্ত ফুলি-  
য়ান বংশজাত আল্লাসিংহ নামা এক জন শিখ

সতজ-নদীতটে বাস করিত। ১৮১৯ সংবৎসরে  
কাবুলধিপতি অহমদ শাহ অবদালি ভারতবর্ষ  
জয় করিবার অভিপ্রায়ে পঞ্জাব-প্রদেশে আগমন  
করেন তদৃষ্টে আল্লাসিংহ আদৌ সরহিন্দ প্রদেশের  
মুসলমান রাজপ্রতিনিধিকে পরাস্ত করিয়া পরে  
অহমদ শাহের সহিত যুদ্ধ করিবেন মানসে সর-  
হিন্দ-প্রদেশে যাত্রা করেন, কিন্তু তথায় উপনীত  
হইবার পূর্বেই অহমদ শাহ তাঁহার সন্মুখে উপ-  
স্থিত হইয়া তুমুল সঙ্ঘামে প্রবৃত্ত হন। ঐ সঙ্ঘা-  
মের নাম “ঘলুঘারা”; তাহাতে অগণ্য শিখ  
যোদ্ধার নিপাত হয়, এবং যে কেহ যবনদিগের  
ভয়ঙ্কর অস্ত্রহইতে রক্ষা পাইয়াছিল তাহারা তদীয়  
হস্তে বন্দীরূপে নিপতিত হয়। আল্লাসিংহ স্বয়ং  
ঐ বন্দিদিগের মধ্যে ছিলেন, এবং যুদ্ধের পরদি-  
বস অহমদ শাহের সমীপে উপনীত হন। যবন-  
রাজ তাঁহার কারিক সৌষ্টব এবং বুদ্ধির প্রাথমিক  
দর্শন করত পরম সন্তুষ্ট হইয়া তৎক্ষণাতঃ তাঁহার  
বন্দনমোচন-করণ-পূর্বক তাঁহাকে রাজা উপাধি  
ও পতিয়াল-প্রদেশের রাজত্ব প্রদান করেন।  
তদবধি ঐ রাজ্য তদংশের অধীন আছে।

৪৫ বৎসর হইল রণজীত সিংহ পতিয়াল-রাজ্য  
আপন অধীনে আনিবার চেষ্টা করিয়াছিলেন;  
কিন্তু ইংরাজেরা তদভিপ্রায়ে বিরোধি হইয়া শত-  
ক্র-নদীর বামতটস্থ সমস্ত শিখ-রাজাদিগকে আ-  
শ্রয়-প্রদান করিতে স্বীকৃত হইয়া রণজীত সিংহের  
সহিত সন্ধি করেন; তদবধি পতিয়াল-রাজ্যে  
কোন বিপদ উপস্থিত হয় নাই; প্রত্যুত সকল-  
বিষয়ের বিশিষ্ট উন্নতি হইয়াছে। ২৪ বৎসর  
হইল, ইংরাজেরা সুবাতু-পর্বতের বরোণলি-জেলার  
তিনটি গ্রামপ্রদানপূর্বক পতিয়াল-রাজ্যের নিকট  
হইতে সিমলা পর্বত গৃহণ করেন।

পতিয়ালার বর্তমান রাজার নাম মহেন্দুসিংহ;

তদগৌরব-জ্ঞাপনার্থে যথাযোগ্য উপাধি ভিন্ন তাহা উচ্চারণ করা কর্তব্য নহে; অতএব পাঠক-দিগের জিহ্বার কেশনসম্ভাবনাসত্ত্বেও তাহা লিপিত হইতেছে; যথা, “মহারাজাধিরাজ-রাজেশ্বর-মহারাজা-রাজগণ মহেন্দ্র সিংহ নরেন্দ্র বাহাদুর”। ইনি মৃত মহারাজ করমসিংহের পুত্র; ইহার

অধীনে ২৪৫০১০ খানি গুঁনি আছে, এবং তাহার বার্ষিক আয় প্রায়ঃ ২৩,০০,০০০ লক্ষ টাকা। স্ব-জাতীয় শিখরাজ্য-ধ্বংস-করণে প্রস্তাবিত রাজা বিশিষ্ট উদ্যোগি ছিলেন, এবং শেষ শিখযুদ্ধ সময়ে ইংরাজদিগকে ৭৪ লক্ষ টাকা কজ্জা দিয়া বিশেষ সাহায্য করিয়াছিলেন।



এইএই।

ভারতসমুদ্রের দক্ষিণে আফ্রিকা-খণ্ডের পার্থে মাদাগাস্কার নামে প্রসিদ্ধ এক বৃহৎ দ্বীপ আছে; তাহা

কাকরিদিগের আবাস-স্থান। ১৫০ বৎসর হইল, সোনরাট নামা এক জন প্রসিদ্ধ প্রাণিতত্ত্বজ্ঞ এই দ্বীপ-পহইতে একটি অতি আশ্চর্য্য জন্তু আনিয়াছিলেন; তাহার অবয়ব উপরে মুদ্রিত হইল। তদর্শনে

ব্যক্ত হইবে, যে তাহার দেহ কাঠবিড়ালের তুল্য, ও মস্তক ও কর্ণ বাদুড়ের ন্যায়। কুবির নামা বিখ্যাত প্রাণিতত্ত্বজ্ঞ তাহাকে কাঠবিড়ালের মধ্যে পরিগণিত করেন, অথচ তিনি লেখেন, “যে ইহার মস্তকের অবয়ব বিবেচনা করিলে ইহাকে বানরমধ্যে গণ্য করা কর্তব্য”। শিবর সাহেব ইহাকে লীনর পশুর বংশমধ্যে গণ্য করিয়াছেন; অপর কএক প্রাণিতত্ত্বজ্ঞের মতে ইহা বাদুড়ের মধ্যে নিবেশিতব্য; পরন্তু ইহা কোন্ পশুর মধ্যে গণ্য হইবে, এই বিবাদ অপেক্ষায় বিশেষ আশ্চর্য্য এই, যে সোনরাট সাহেবের সময় অবধি এ পর্য্যন্ত এক শত পঞ্চাশৎ বৎসর মধ্যে অনেক নাহেব নাদাগাস্কার-দ্বীপে বসতি করিয়াছেন, কিন্তু তন্মধ্যে কেহই এতদ্রূপ পশুকে দেখেন নাই।

যে পশুটি সোনরাট সাহেব আনিয়াছিলেন, তাহা দিবসে নিদ্রা যাইত, এবং রজনীযোগে পঞ্জরমধ্যে ইতস্ততঃ করিয়া কলমূলাদি ভক্ষণ করিত। তাহার রব “এইএই” শব্দবৎ, এবং তৎপ্রযুক্ত তাহার নাম এইএই রাখা হইয়াছে।

পারদ

এই আশ্চর্য্য ও প্রয়োজনীয় পদার্থ ধাতু-মধ্যে গণ্য আছে, অথচ ধাতুর প্রধান ধর্ম্ম দৃঢ়তা ইহাতে নাই। ইহা একমাত্র ধাতু যাহা সর্বদা তরলাবস্থায় দেখা যায়; পরন্তু এ তরলতা তাহার স্থায়ীধর্ম্ম নহে। সিবিরিয়া-প্রদেশে অত্যন্তশীতের সময়ে পারদ জমিয়া রজত বা রঞ্জের তুল্য দৃঢ় হইয়া থাকে। তৎসময়ে পিটিয়া রূপার পাতের ন্যায় এ পদার্থের পাত প্রস্তুত করা যাইতে পারে, এবং ছুরিকা দ্বারা তাহা কাটাও যাইতে পারে; পরন্তু ইহা স্মরণ রাখা কর্তব্য, যে পিটিবার হাতুড়ি ও ছুরিকা

আদৌ জমাগারার ন্যায় শীতল করিতে হইবে, নচেৎ অগ্নিবৎ উত্তপ্ত ছুরিকা দ্বারা মোমের বাতি কাটিতে গেলে যে ঘটনা হয়, সামান্য ছুরিকা-স্পর্শে জমাগারায় সেই ঘটনা সম্ভবে। পুঞ্জ-লিত অঙ্গার স্পর্শ করিলে যে প্রকার দাহ বোধ হয়, জমা-গারা স্পর্শ করিলে সেই রূপ যাতনা বোধ হইয়া থাকে, এবং কণকাল মাত্র এ পদার্থ দেহে সংস্পৃষ্ট করিয়া রাখিলে স্পৃষ্টস্থানে তৎকণাৎ ফোস্কা পড়িয়া যায়। কলতঃ কলিকাতায় শীতকালে যে পরিমাণে শীত হইয়া থাকে পারদ-জমিবার শীত, তাহা হইতে তিন গুণ অধিক, এই প্রযুক্ত তৎস্পর্শে অগ্নিস্পর্শের কল প্রাপ্তি হইয়া থাকে।

দুই পারদ জলহইতে ১৩১০ গুণ গুরু; শীতদ্বারা পারা জমিয়া গেলে এ গুরুতার আধিক্য হইয়া তাহা ১৫১০ গুণ গুরু হইয়া থাকে। জল উত্তপ্ত করিলে যে প্রকারে বাষ্প হইয়া থাকে, অল্প-তাপে পারাও সেই প্রকারে ধূম হইয়া যায়, অবশিষ্ট কিছুই থাকে না; পরন্তু জন অপেক্ষায় পারাকে ধূমরূপে পরিণত করিতে অধিক উত্তাপের প্রয়োজন। তাপমান-যন্ত্র দ্বারা নিকৃপিত হইয়াছে, যে জনকে বাষ্পরূপে পরিণত করিতে ২১২ তাপাংশ ও পারাকে ধূমরূপে পরিণত করিতে ৬৬২ তাপাংশ পরিমিত উষ্ণতার আবশ্যিক।

অপরূপার ধাতুর ন্যায় পারাও খনিজ দ্রব্য; খনিমধ্যে তাহা রজত লৌহ বা গন্ধকের সহিত মিশ্রিত হইয়া থাকে। কোন ২ খনিতে অমিশ্রিত পরিপূর্ণ পারদ দৃষ্ট হইয়াছে, কিন্তু তাহার পরিমাণ অত্যুৎপ। প্রায়শঃ পারদ গন্ধকের সহিত মিশ্রিত থাকে। এ মিশ্রিত পদার্থের নাম “হিম্বুল”। বাজারে যে সকল পারদ বিক্রয়ার্থে আনিয়া থাকে, তৎসমস্ত হিম্বুলহইতে প্রস্তুতী-

কৃত। মৃত্তিকামধ্যে বৃহৎ বৃক্ষের শিকড় যে পুকারে বিস্তৃত দেখা যায়, প্রথম ও দ্বিতীয় স্তর নামক অতি প্রাচীন পুস্তর মধ্যে এ হিঙ্গুল তরুণে বিস্তৃত হইয়া থাকে। ভারতবর্ষে এ হিঙ্গুলের খনি অধিক নাই, কেবল নেপাল-প্রদেশে তাহা দৃষ্ট হয়। দক্ষিণ-অমরিকা, ফ্রান্স, ইঙ্গেরি, এবং সুইডেন প্রদেশেও হিঙ্গুলের খনি আছে; কিন্তু তাহাইতে অধিক হিঙ্গুল উদ্ধৃত হয় না; বিক্রয়ার্থে যে সমস্ত পারদ সঙ্গ্রহিত হয়, তাহার প্রায়ঃ সমস্তই চীন এবং স্পেন দেশহইতে আসিয়া থাকে। শেষোক্ত দেশের অপরাপর হিঙ্গুল-খনি-মধ্যে “আল্‌মাদন” নগরের খনি সর্বপ্রধান। খ্রিষ্ট অব্দের ১০০ বৎসর পূর্বে গ্ৰীক-জাতীয় মনুষ্যেরা প্রথমতঃ তথাহইতে পারদ সঙ্গ্রহিত করে; তদবধি ক্রমাগত ২৫০০ বৎসর কাল পর্যন্ত তথাহইতে প্রচুর হিঙ্গুল উত্তোলিত করা হইতেছে, কিন্তু তথাপি তাহার সম্পত্তির শেষ হয় নাই। এই ক্ষণেও তথাহইতে প্রতিবর্ষে ১০-১৫ সহস্র মোন হিঙ্গুল উত্তোলিত হয়; এবং তদর্থে তন্মধ্যে প্রত্যহঃ ৩০০ মনুষ্য শ্রম করিয়া থাকে। পূর্বকালে এই সকল লোক খনিমধ্যে প্রবেশ করিলেই এক জন রাজপ্রতিনিধি আসিয়া খনির দ্বার বন্ধ করিত। পরে এই কর্মকারকেরা ক্রমাগত পাঁচ ছয় মাস তন্মধ্যে বন্ধ থাকিয়া প্রচুর পরিমাণে হিঙ্গুল-সঙ্গ্রহ করিলে পর এই দ্বার বিমুক্ত হইত, এবং তখন তাহারা স্ব ২ গৃহে যাইবার অবকাশ পাইত। এইক্ষণে তাদৃশ নিষ্ঠুরতাচরণ আর নাই, পরন্তু হিঙ্গুল-খনন-কর্ম অত্যন্ত পীড়াজনক, এবং তাহাতে অনেকের অকাল-মৃত্যু হইয়া থাকে।

হিঙ্গুলহইতে পারা পৃথক্ করা দুষ্কর কর্ম নহে। চূর্ণীকৃত হিঙ্গুলের সহিত কিয়দংশ লৌহচূর মিশ্রিত

করিয়া এক তুন্দুরের এক পার্শ্বে স্থাপন করত উত্তপ্ত করিলেই, হিঙ্গুলের গন্ধকভাগ লৌহের সহিত মিশ্রিত হইয়া পড়িয়া থাকে; এবং পারদ পরিশুদ্ধরূপে পৃথক্ হইয়া তুন্দুরের সর্বত্র ছড়িয়া পড়ে।

পূর্বে লিখিত হইয়াছে, যে এক আল্‌মাদনের খনিহইতে প্রতিবৎসর ১০-১৫ সহস্র মোন পারদ নির্গত হইয়া থাকে। তৎশ্রবণে অনেকে বিস্ময়-পন্ন হইয়া প্রশ্ন করিতে পারেন, যে প্রতিবৎসর এত পারদের ব্যবহার কি? দর্পণপুস্তক ও গি-টিটকরিবার নিমিত্ত তথা ঔষধিপুস্তক-করণার্থে পারদের কদাপি এত ব্যয় হইতে পারে না? এই প্রশ্নোত্তরে পাঠকদিগকে পূর্বখণ্ডের সুবর্ণ-সংশোধনের প্রস্তাব স্মরণ করাইতে হয়। তদৃষ্টে তাহারা জানিতে পারিবেন, যে পারা ব্যতীত খনিজ-স্বর্ণ অনায়াসে পরিশুদ্ধ হইতে পারে না; রজত সংশোধিত করিতেও অনেক পারদের আবশ্যিক; প্রতিবৎসর যে সকল পারদ সঙ্গ্রহিত হয়, তাহার অধিকাংশ এই ধাতুঘষ-সংশোধনের নিমিত্তই ব্যবহৃত হয়; অবশিষ্ট এক ক্ষুদ্রাংশ মাত্র ঔষধি, দর্পণ, ও গিটিটর নিমিত্ত প্রয়োজিত হইয়া থাকে।

### শিল্পশাস্ত্রের উপক্রমণিকা।

মনুষ্যজাতির সুখমৃদ্ধি-বৃদ্ধি হইবার এবং মনুষ্যজাতিকে গৌরবান্বিত করিবার যে সকল উপায় আছে, তন্মধ্যে শিল্পশাস্ত্র এক প্রধান উপায়। অতএব এই শাস্ত্রের আলোচনা গৃহস্থমাত্রেরই সর্বথা কর্তব্য। তদ্বারা যে পর্যন্ত মঙ্গল সম্ভাবনা এমত আর কোন বিষয়েই নাই।

যে জ্ঞান লাভকরিতে পারিলে আমরা স্বভাব জাত বস্তুর বিকারে মনোভিত্তিক দুব্য প্রস্তুত করিতে পারি, সামান্যতঃ সেই জ্ঞানকেই শিল্পজ্ঞান শব্দে বুঝায়। কিন্তু বস্তুতঃ শিল্পবিদ্যা নানাবিধ, তন্মধ্যে স্থূল ও সূক্ষ্ম এই দুই প্রধান শাখা। চিত্র-কার্য্য, মুদ্রাকার্য্য, ভাস্করকার্য্য, সূচীকর্ম ইত্যাদি সূক্ষ্ম শিল্প, এবং গৃহাদিগঠন যন্ত্রাদিনির্মাণ, সূত্রধরবৃত্তি, সুপকারবৃত্তি, কৃষিকার্য্য ইত্যাদি বহু-তর কার্য্য স্থূলশিল্পের অন্তর্গত।

সংসারমধ্যে এত প্রকার শিল্পবিদ্যা আছে, যে তাহার সঙ্খ্য করা দুষ্কর; ফলতঃ মনুষ্য-কৌশলের নামই শিল্পবিদ্যা। মনুষ্য যে কোন কৌশলে যত প্রকার দুব্য প্রস্তুত করে, সে সকলি শিল্প-বিদ্যা সম্পন্ন বলা যাইতে পারে, সুতরাং স্বভাব-জাত বস্তুর বিকারে কোন দুব্য প্রস্তুত করিবার মানব জাতির যত প্রকার কৌশল আছে, শিল্প-বিদ্যারও তত প্রকার শাখা আছে। এই শিল্প-বিদ্যাই মনুষ্যের ঐহিক-সুখের প্রবল কারণ, বিনা শিল্পজ্ঞানে মনুষ্যের জীবনযাত্রা-নির্বাহ হওয়া কঠিন, এই নিমিত্তে পরমেশ্বর পরমেশ্বর মনুষ্যমাত্রকেই শিল্পবিদ্যা লাভ করিবার শক্তি দিয়াছেন, সকল মনুষ্যই চেষ্টা করিলে কোন না কোন রূপে শিল্পবিদ্যা শিক্ষা করিতে পারে। শ্রমোপার্জিত ফল অধিক মিশ্রিত বোধ হয়, এই হেতু জ্ঞানাকর পরমেশ্বর প্রকৃতিজাত বস্তুতে সংসার-নির্বাহের সম্পূর্ণ উপযোগিতা প্রদান করেন নাই, কিয়দংশ শিল্পবিদ্যা অধীন রাখিয়াছেন। মনুষ্য যৎকিঞ্চিৎ যত্ন করিয়া স্বভাবজ বস্তুর সহিত সেই শিল্পবিদ্যা প্রয়োগ করিলেই আর সাংসারিক কোন সুখের অভাব থাকে না, সকলি পূর্ণ হয়।

সংসারমধ্যে স্বভাবতঃ যে সমস্ত দুব্য উৎপন্ন

হইতেছে, তাহার সহিত আমাদের শিল্প-বিদ্যা সাহায্য না হইলে কখনই সে সমস্ত দুব্য আমাদের সুখদায়ক বা ব্যবহারোপযোগী হইতে পারে না। স্বভাবতঃ এক রূপ ধান্য উৎপন্ন হইতে পারে বটে, কিন্তু যদি আমরা শিল্প-শক্তিহারা সেই ধান্যের সংস্কার না করি, তবে কখনই তন্মধ্যহইতে অপূর্ণ তণ্ডুল প্রাপ্ত হইতে পারি না। এইরূপ সংসারমধ্যে অনেকা-নেক দুব্য উৎপন্ন হয়, যাহার সহিত শিল্প-বিদ্যা সংযুক্ত না হইলে কখনই তাহা মনুষ্যের ব্যবহারোপযোগী হইতে পারে না। অতএব বিলক্ষণ প্রতিপন্ন হইতেছে, যে বিবিধ উপায়-দ্বারা শিল্পজ্ঞান উপার্জন করা জগদীশ্বরের স্পষ্টাভিপ্রায়, এবং তদ্বারা নিশ্চয়ই মনুষ্যজাতির মহোন্নতি সম্ভবনীয়।

শিল্পজ্ঞানভাবে বাহাদিগের পূর্বপুরুষ আম-মাংস ভক্ষণ বা ফলমাত্র আহার করিয়া দিন-যাপন করিত, উক্ত জ্ঞানপ্রভাবে তাহারা এক্ষণে চর্ব্য চোষ্য লেহ্য পেয় চতুর্বিধ উপাদেয় দুব্য ভক্ষণ করিয়া সুখী হইতেছে;—শিল্পজ্ঞানভাবে বাহাদিগের পূর্বপুরুষ দিগম্বর হইয়া বা বৃক্ষের বন্ধক পরিধান করিয়া জীবন-ক্ষেপণ করিত, শিল্পজ্ঞান-প্রভাবে তাহারা এক্ষণে অপূর্ণ রমণীয় পরিচ্ছদ পরিধানপূর্বক বা চিত্রিত-মণি-মুক্তা-হীরক-রত্নাদি খচিত ভূষণে বিভূষিত হইয়া অভিলষিত নানাবিলাসের উপভোগ করিতেছে;—বাহাদিগের পূর্বপুরুষ সামান্য শয্যা প্রস্তুত করিতে না পারিয়া ধরাশায়ী হইয়া নিদ্রাযোগে নিশা হরণ করিত, তাহারা এক্ষণে অপূর্ণ পর্য্যকোপরি দুগ্ধফেন সদৃশ শয্যা শয়ন করিয়া পরমসুখে যামিনীযাপন করিতেছে;—বাহাদিগের পূর্বপুরুষ পর্ণকূটীর বা তকতলবাসী


হইয়া বা ক্রমাগত পর্বত কানন ভ্রমণ করিয়া যাবজ্জীবন প্রচণ্ডবাত বৃষ্টি ও উত্তাপ সহ্য করিয়াছে, তাহাদিগেরই এক্ষণে অপূর্ব অট্টালিকা-ময়ী সুশোভিতা পুরীমধ্যে নিবাস হইতেছে। শিল্পজ্ঞান-বিহীনতা-প্রযুক্ত যাহারা পদচারণ না করিলে একস্থানহইতে অন্যস্থান প্রাপ্ত হইতে পারিত না, সচেতন-জীবের অঙ্গপরিচালন ভিন্ন গতিশক্তির অন্য উপায় জানিত না, সূর্যের উদয়াস্ত ভিন্ন অন্যপ্রকারে দিগ্নিক-পণ করিতে পারিত না, দিবা রাত্রি ভিন্ন অপর কোন প্রকার কালের বিভাগ বা কালের পরিমাণ করিতে জানিত না, কার্যিক বল ভিন্ন অন্য কোন উপায় কোন শুমসাধ্য কর্ম সম্পন্ন করিতে কন হইত না, এবং সামান্য তরঙ্গের অভাবে অতিক্রম্য নরিকোণে উত্তীর্ণ হইতে পারিত না, কেবল স্বভাবজাত বস্তুর প্রতি নির্ভর করিয়া এক প্রকার নরাকার দ্বিপদ পশু হইয়া কালযাপন করিত, শিল্পজ্ঞান-প্রভাবে তাহাদিগের সন্তানেরা বিনা পদবিক্ষেপে-বিনা কোন জীবের গতিশক্তির সাহায্যে-অপূর্ব বাস্পীয়-বানারোহণে অত্যপেকালের মধ্যে বহুদূর গমন করিতেছে; নিমিষের মধ্যে কত কত দূর দেশের বার্তা জ্ঞাত হইতে পারিতেছে, দিগ্নিদর্শক যন্ত্র-সাহায্যে অকূল-সাগর-মধ্যে রজনীযোগেও দিগ্নিনির্গম করিয়া বাঞ্ছিত-পথে-গমন করিতেছে; অদ্ভুত ঘটিকা যন্ত্র প্রস্তুত-করিয়া অতি দৃশ্যমানস্বরূপে কালকে বিভাগ করিতেছে, কত কত বাস্পীয় যন্ত্র স্থাপন করিয়া বিনা দৈহিকবলে অতিশয় শুমসাধ্য ব্যাপার-সকল অবলীলাক্রমে সম্পন্ন করিতেছে; এবং কত প্রকার কত ব্যয়ের কত শুমের লাঘব-করিতেছে; অনায়াসে সংসারের কার্যোপযোগী নানাপ্রকার দ্রব্য প্রস্তুত করিতেছে; প্রকাশ্য পোত

নির্মাণ করিয়া নিঃশব্দে দূরতর সমুদ্র পার হইয়া নানাদেশের সহিত বাণিজ্য কার্যদ্বারা সংসারের শ্রীবৃদ্ধি করিতেছে; অন্য দেশের রীতি নীতি অবগত হইয়া বিবিধ-বিষয়ে প্রবীণ হইতেছে; ভিন্ন ২ দেশের বিদ্যা সকল সংগ্ৰহ করিয়া স্বদেশে প্রচার করিতেছে, অসম্ভবনীয় ও অচিন্তনীয় কার্যসকল সম্পন্ন করিয়া দেশবিশেষে দেবতাবৎ মান্য হইতেছে।—কলতঃ শিল্পবিদ্যা সংসারের নিত্যস্ত শুভকরী, এবং মনুষ্য-মাত্রেরই আদরণীয়। মনুষ্য এই বিদ্যায় অনভিজ্ঞ থাকিলে তাহার সকল বুদ্ধিবৃত্তিকে কার্যেতে পরিণত করিতে শক্ত হয় না, মনোগত অনেক ভাব মনোমধ্যেই থাকে, তদ্বারা সংসারের কোন বিশেষ উপকার হইতে পারে না। জ্ঞানিলোক-দিগের শিল্পজ্ঞানের অভাব থাকিলে কার্যকালে তাহাকেও অজ্ঞানীর সঙ্গে তুলনীয় হইতে হয়। শিল্পবিদ্যা দ্বারা দুর্ভবকে সুভব করা যায়, দুর্ভুল্যকে সুমূল্য করা যায়, অপমূল্য দ্রব্যকে বহুমূল্য করা যায়। শিল্পবিদ্যা দ্বারা অধীন স্বাধীন হইতে পারে; দরিদ্র ধনী হইতে পারে; এবং দেশের দুঃখ দূরে গমন করে। অতএব শিল্পবিদ্যানের যে কত ফল, এবং তদ্বারা যে মনুষ্যের কত ইষ্ট সিদ্ধ হইতে পারে তাহা বর্ণনের অতীত।

ন. চ. মূ.

### কম্পানজনক বাইন মংস্য।

পদার্থবিদ্যা-ব্যবসায়ী পণ্ডিতেরা নানা উপায়দ্বারা নিকপিত করিয়াছেন, যে পদার্থ আকাশে বিদ্যুৎ-রূপে প্রতীয়মান হয়, তাহা সজীব নির্জীব সকল বস্তুতেই বর্তমান আছে, এবং অনেকে মনে করেন,



বাইন মংস্য।

যে তাহাহইতেই সজীব বস্তুর গতিশক্তি উৎপন্ন হইয়া থাকে। ইতিপূর্বে তাড়িত বার্তাবহ-যন্ত্রের বর্ণন-সময়ে (১৩৫ পৃষ্ঠে) এ তাড়িত পদার্থের কি ২ বিশেষ ধর্ম আছে, তাহা বর্ণিত হইয়াছে। এ প্রস্তাবে পুনর্দৃষ্টি করিলে ব্যক্ত হইবে, যে তাড়িত পদার্থ অত্যন্ত ক্ষতগামী; জল, বাষ্পপূর্ণ বায়ু ও ধাতু দ্রব্য প্রাপ্ত হইলে অনায়াসে এক নিমেষমাত্রে সহস্র ২ ক্রোশ স্থান ভ্রমণ করিতে পারে; পরন্তু শুষ্কবায়ু, গালা, ধূনা, কাচ, রেশম, কেশ প্রভৃতি দ্রব্যের উপর দিয়া তাহা কিঞ্চিৎ মাত্র চলিতে পারে না; সুতরাং এ দ্রব্য আবৃত করিয়া রাখিলে তাড়িত পদার্থকে আয়ত্ত্ব করা যাইতে পারে। বিদ্বান ব্যক্তির তাড়িতের এই ধর্ম জ্ঞাত থাকিয়া কোন্ ২ পদার্থে তাহা বর্তমান আছে, তৎসমুদায় নিকপিত করি-

য়াছেন। মনুষ্যদেহে এই বিদ্যুৎ-পদার্থ সর্বদা উৎপন্ন হইয়া থাকে; প্রস্থান-সময়ে বাষ্পপূর্ণ বায়ুর সহিত তাহা নির্গত হয় বলিয়া তাহা ধৃত করা যায় না। পরন্তু শীত-প্রধান-দেশে বায়ু অত্যন্ত পরিষ্কৃত হইলে মনুষ্যদেহজাত বিদ্যুৎকে ধৃত করা কঠিন নহে। তৎসময়ে অনেকের দেহহইতে বিদ্যুৎনির্গত হইতে দেখা গিয়াছে। সুইডন ও নরওয়ে প্রদেশে শীত-কালে চুল আঁচড়াইবার সময়ে অনেক স্ত্রীলোকের কেশহইতে বিদ্যুৎবৎ অগ্নি নির্গত হইয়া থাকে। কলিকাতায় ও অন্যত্র শীতকালে বিড়ালের দেহে হাত বুলাইলে এ প্রকার বিদ্যুৎনির্গত হইতে দেখা গিয়াছে। অপরাপর জীবদেহেও নানা প্রকারে বিদ্যুৎ-শক্তি দেখা যাইতে পারে। পরন্তু এতৎসম্বন্ধে ইউরোপ-দেশজ এক

প্রকার শঙ্কর মৎস্য এবং মার্কিন-দেশজ এক প্রকার বাইন মৎস্য অত্যন্ত আশ্চর্যজনক। শে-যোক্ত মৎস্যের প্রতিমূর্তি পূর্ব পৃষ্ঠে মুদ্রিত হইয়াছে; তদৃষ্টে ব্যক্ত হইবে, যে তাহার অবয়ব এতদেশীয় বাইন মৎস্য হইতে বিশেষ বিভিন্ন নহে। দক্ষিণ আমরিকার নদীতে এই বাইন মৎস্য অনেক আছে, এবং তথায় তাহারা অপরাপর বাইন মৎস্যের ন্যায় পক্ষমধ্যে অবস্থিতি করে, এবং ক্ষুদ্র মৎস্য কীটাদি ভক্ষণ করিয়া দেহযাত্রা-নির্বাছ করে; ফলতঃ অন্য বাইন মৎস্য হইতে ইহার স্বভাব কোন মতে পৃথক্ নহে; পরন্তু ইহাতে এক অত্যন্ত শক্তি আছে, তৎপুত্র যে কোন জীব এই মৎস্যকে স্পর্শ করে, তৎক্ষণাৎ তাহার দেহের সমস্ত গুণ্ডিতে খিল ধরিয়৷ যায়; তথা সে স্পন্দ রহিত হইয়া নিপতিত হয়। এই খিলধরা এতাদৃশ ভয়ানক যে মনুষ্য এককালে দুই তিনটা মৎস্যকে স্পর্শ করিলে মরিয়া যাইবার সম্ভাবনা। ইহাকে স্পর্শ করিলে অশ্বও নিপতিত হইয়া থাকে, সুতরাং অন্য ক্ষুদ্র পশু যে তৎস্পর্শে মিয়মাণ হইবে আশ্চর্য্য নহে। বিলাতে এক প্রকার শঙ্কর মৎস্য আছে, তাহাতেও এই অদ্ভুত শক্তি প্রত্যক্ষ হয়, কিন্তু এই শক্তি তাদৃশ প্রখর নহে। এই শঙ্কর মৎস্য স্পর্শ করিলে হস্তে খিল ধরিয়৷ থাকে; কিন্তু তদ্ব্যতীত পড়িয়া যাইবার সম্ভাবনা নাই।

এই শক্তিতে প্রস্তুত মৎস্যদিগের কি বিশেষ উপকার হয়, তাহা নিরূপিত করা দুষ্কর; বোধ হয়, তাহাদিগের শত্রুদমন ও খাদ্য দ্রব্য সঙ্গ্রহের নিমিত্ত জগৎপাতা তাহাদিগকে এই শক্তি বিশিষ্ট করিয়াছেন; পরন্তু ইহা স্পষ্ট প্রমাণকৃত হইয়াছে যে, যে বিদ্যুৎ পদার্থ সর্বদেহে বর্তমান আছে, তাহারই আধিক্য এই শক্তি উৎপন্ন হইয়া থাকে।

### নীতিমুক্তাবলী।

স্মারস্তে ঈশ্বরারাধনা করিলে অবশ্য তাহা উত্তমরূপে সিদ্ধ হইবে।  
ক ভিক্ষা প্রদান করিলে কেহ দরিদ্র হয় না, দস্যুভৃত্তিতে কেহ ধনী হয় না, এবং ঐশ্বর্য্য থাকিলে কেহ জ্ঞানী হয় না।

উত্তম জনের কুলজীতে কি আবশ্যিক।

যখন ক্রোধ জন্মে, তখন তাহার ফল ভাবা কর্তব্য।

ক্রোধকে দমন করিলে এক বলবান্ শত্রুকে দমন করা হয়।

অম্পবিদ্যায় মনুষ্য নাস্তিক হয়, কিন্তু যিনি প্রগাঢ়রূপে বিদ্যায় পারদর্শী হইয়াছেন, তিনি অবশ্যই আত্মিক হইবেন।

লোভ সংবরণ কর, তবে ঐশ্বর্য্যশালী হইবা।

সৌন্দর্য্য সুরাপেক্ষা মন্দ, কারণ ইহা ধারক এবং দর্শক উভয়কেই মত্ত করে।

যে ভার অবিবেচনাপূর্বক স্কন্ধে করা হইয়াছে, তাহা ধৈর্য্যতা-পূরণের বহন করাই ভাল।

যাহার ছেলে নাই, তাহার ভাইপো অনেক।

যিনি প্রার্থনার অগ্রে দান করেন, তিনিই দ্বিগুণ দেন।

বদান্যতাই জগদীশ্বরের সকল আজ্ঞার তাৎপর্য্য।

যে পুত্র পিতামাতার নিকট কোন উত্তম শিক্ষা পায় নাই, সে পুত্র কখন তাহাদিগের বশীভূত হইবেক না।

যিনি সন্তোষ লাভ করিবার অধিক বাসনা করেন, তিনিই সর্বদা অসন্তুষ্ট।

## বিবিধার্থ-সঙ্গ্রহ,

অর্থঃ


পুরাত্ত্বতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

৩ পর্ব]

শকাব্দ ১৭৭৬, পৌষ।


[৩৪ খণ্ড।

### নূরজহানের বৃত্তান্ত।



তার-রাজ্যের পশ্চিম-খণ্ড-নিবাসী অতিপ্রাচীন উদুবংশোদ্ভব, খাজাআইরাস নানা এক ব্যক্তি নানা প্রকার দুর্ঘটনাক্রমে অতি বিপন্ন ও দীনভাবাপন্ন হইয়াছিল। তাহার পিতামাতা তাহাকে যাদৃশ জ্ঞান ও বিদ্যার শিক্ষা প্রদান করিয়াছিল, তাদৃক ধন সম্পত্তি কিছুই দিতে পারে নাই। তিনি আত্ম-সমস্বভাবাপন্ন কোন দীন ব্যক্তির তনয়ার প্রেমে আসক্ত হওত যথাকালে বিধিপূর্বক তাহার পাণিগৃহণ করিয়াছিলেন; কিন্তু তাহার ভরণপোষণ করিবার কোন উপায় না দেখিয়া এবং দিনে আপনার দীনতার বৃদ্ধি দেখিয়া কোন সময়ে আপন মনেতে এই কথা অবধারণ করিলেন, যে “আমাদিগের দেশের যে কেহ নির্থনী ও নিরন্ন হয়, সেই ব্যক্তিই হিন্দুস্থানে গমন করিয়া অবিলম্বে আপনার দুর্দশা দূর করত সুখসম্পত্তির ভাজন হইতেছে; অতএব আমারও অনতিবিলম্বে হিন্দুস্থানে গমন করা কর্তব্য”। খাজা মনোমধ্যে এই পরামর্শ স্থির করিয়া এক দিন অতিগোপনে

আপন বন্ধু বান্ধব আত্মীয় সুহৃৎ প্রভৃতি সকলের আজ্ঞাতে একটি সামান্য অশ্ব ও আপন বিক্রীত বস্তুর মূল্যস্বরূপ যৎকিঞ্চিৎ অর্থ লইয়া অতিবিষমহদয়ে বাষ্পপূর্ণলোচনে আপন পত্নীর সমভিব্যাহারে হিন্দুস্থানাভিমুখে প্রস্থান করেন। পথিমধ্যে আসিয়া আপন প্রণয়িনীকে অশ্বপৃষ্ঠে আরোহণ করাইয়া আপনি তৎপার্শ্বে পার্শ্বে চলিতে লাগিলেন। তৎকালে আইরাসের স্ত্রী গর্ভবতী থাকাতে বহুদূরপর্য্যটন তাহার পক্ষে অতিকষ্টসাধ্য হইয়া উঠিল। খাজার সঙ্গে যে কিছু অর্থ ছিল, অম্পদিনের মধ্যেই তাহার শেষ হয়, অতএব তাহার লক্ষিত স্থানে উপস্থিত হইবার পূর্বেই তাহাকে ভিক্ষায় ভোজন করিয়া জীবনধারণ করিতে হইল। এ দিগে তৈমুরবাদশাহের সন্তানদিগের নিবাসভূমি হিন্দুস্থানের সীমা, ওদিগে তাহার-রাজ্যের সীমা, এই উভয় সীমার মধ্যবর্তী যে অতি নিবিড়ারণময় স্থান ছিল, খাজা ভিক্ষা করিতে ক্রমে সেই স্থানে আসিয়া উপস্থিত হইলেন। সে এমত ঘোর ভয়ানক স্থান, যে তথায় মনুষ্যের যাতায়াত করিবার পথের চিহ্নমাত্রও দৃষ্টিগোচর হয় না। এস্থলে তাহাদিগের ক্ষুৎ পিপাসার



দিল্লীর দুর্গ, নূরজহানের মনোনীত আবাস স্থান।

নিবারণের নিমিত্ত অন্নের পরিবর্তে ফল মূলাদির সম্ভাবনা; এবং শীতবাত্তে কম্পিত হইলেও বিশ্রামহীন পাইবার বৃক্ষছায়া ভিন্ন অন্য উপায় নাই। আইয়্যাসের বিষম শঙ্কট উপস্থিত, পূর্বা-বস্থা অরণ করিয়া ফিরিতেও পারেন না, এবং সম্মুখে নিশ্চিত মৃত্যু অবলোকন করিয়া অগুসর হইবারও ভরসা হয় না।

এই কাপে তথায় তাহারা তিন দিন অনশনে কালহরণ করিল, ইতোমধ্যে আইয়্যাসের পত্নীর প্রসব বেদনা উপস্থিত। তখন সেই অবলা বালা আপনাকে অকূল দুঃখসাগরে নিপতিতা দেখিয়া স্বীয় পতিকে ভৎসনা করিতে আরম্ভ করিল, “তুমি কেন এমন অশুভক্ষণে আপন ঘর, দ্বার, বন্ধু, বান্ধব সমস্ত পরিত্যাগ করিয়া আইলে? সেখানে যদিও সহস্র প্রকার কেশ ছিল, তথাপি প্রাণে ২ তো জীবিত ছিলাম, কোথায় কবে কি সুখ হইবে কি না, ইহা মনে করিয়া কেন তুমি আপনার পূর্ব স্থান পরিত্যাগ করিলে? এখন আমার দশা কি হইবে?” এই ভৎসনা করিবার ক্ষণকাল বিলম্বে আইয়্যাসের অতিপরমসুন্দরী হিরবিদ্যু-ল্লতিকার ন্যায় একটি কন্যা ভূমিষ্ঠা হইল। কি জানি যদি কোন পথিকের সমাগম হইয়া কোন ক্রমে তাহাদিগের সহিত সাক্ষাৎ হয়, এই প্রত্যাশায় তাহারা স্ত্রীপুরুষে কিছুকাল তথায় অপেক্ষা করিয়া রহিল; কিন্তু তাহাদিগের সে প্রত্যাশা ব্যর্থ হইল। সে এমন স্থান নহে যে সেখানে কোন মনুষ্যের সমাগম হয়। ক্রমে সূর্য যত অস্তাচলাবলম্বী হইতে লাগিলেন, ততই তাহাদিগের ভয় বাড়িতে লাগিল। সে নিবিড় বন; সে স্থলে কলমূলাদিদ্বারা ক্ষুধার নিবৃত্তি হইলেও ব্যায়ু-ভল্লুকাদি নানা প্রকার ভয়ানক হিংসু জন্তুদিগের নিকট হইতে ভ্রাণ পাইবার

উপায় নাই। এই বিষম বিপত্তির সময়ে খাজা আইয়্যাস অন্য কোন উপায় না পাইয়া রমণীকে লক্ষ্যকরা করত সে স্থানহইতে পুস্থান করিলেন; কিন্তু তখন তিনি এমনত দুর্বল হইয়াছিলেন যে তাহার পদবিক্ষেপের শক্তিমাত্রও নাই, এবং তাহার পত্নীও ক্ষুৎপিপাসায় কাতরা প্রযুক্ত অশ্বো-পরি স্থির থাকিতে অশক্তি, সূতরাং সে সদ্যো-জাত কন্যাকে যে তাহারা কি কাপে আনয়ন করে, তাহার কোন উপায় না দেখিরা তাহারা ঘোর শঙ্কটে পতিত হইল; কন্যাটিকে আনিতেও পারে না, ত্যাগ করিতেও পারে না। এক ২ বার বাৎসল্যভাবে মুখ হইয়া আনিবার অভিলাষ করিতেছে; এক ২ বার নিতান্ত নিক-পায় দেখিয়া পরিত্যাগের মন্ত্রণা করিতেছে। অনন্তর ত্যাগ করাই স্থির করিয়া সেই কন্যাকে কতকগুলি পত্রিতে আবৃত করত এক তরুতলে রাখিয়া আপনারা স্ত্রীপুরুষে সজলনয়নে পুস্থান করিল।

আইয়্যাসের স্ত্রী যাইতে ২ এক ২ বার পশ্চা-ভাগে নিরীক্ষণ করে; ক্রমে ক্রোশার্জ পথ অতীত হইলে যখন সেই অভাগিনী দুঃখিনী রমণী কন্যা বা সেই বৃক্ষতল বা তাহার কোন নিদর্শন আর দেখিতে পাইল না, তখন সে শো-কেতে আচ্ছন্ন হইয়া “হা কন্যে, হা কন্যে,” এই বাক্য উচ্চারণ করত অশ্রু পৃষ্টহইতে ধরা-তলে পতিত হইয়া মূচ্ছাপন্ন হইল। এই অবস্থা সন্দর্শনে খাজা অত্যন্ত শোকান্ত হওত ব্যস্ত সমস্তে পত্নীর নিকটবর্তি হইয়া তাহাকে শান্তনা করিতে লাগিলেন, “চিন্তা নাই, তুমি স্থির হও, ধৈর্য্যাবলম্বন কর, আমি প্রতিজ্ঞা করিতেছি, অবিলম্বেই তোমার কন্যাকে তোমার নিকট আনিয়া দিব”। এই বাক্য শুনিয়া সেই অভাগিনী প্রাপ্ত-

চৈতন্য হওত উঠিয়া বসিল। এদিগে খাজা সেই কন্যাকে আনিতে গিয়া দেখে বিষম বিপদ উপস্থিত; এক কালসর্প সেই কন্যাকে বেষ্টন করত আপন ফণা বিস্তৃত করিয়া তাহাকে গুাস করিতে উদ্যত হইয়াছে। কিন্তু জীবনাশা পরিত্যাগপূর্বক খাজার আক্রমণে সর্প ভয় পাইয়া এক বৃক্ষকোটর মধ্যে প্রবেশ করিল। ইত্যবকাশে খাজা কন্যাকে ক্রোড়ে ধারণ করত অতিবেগে গমনপূর্বক তাহার প্রসবিত্রীর নিকট আনিয়া দিলেন। খাজা আপন স্ত্রীর নিকট কালসর্পের গুাসহইতে কন্যার আশ্চর্যরূপে রক্ষা পাইবার আনুপূর্বিক বৃত্তান্ত কহিতেছেন, এমত সময়ে তথায় কতকগুলি পথিক আসিয়া উপস্থিত হইল; এবং উহাদিগের দুর্দশাদর্শনে দুঃখিত হইয়া অন্নপানাদি প্রদান করত তাহাদিগের দুঃখ হরণ করিলেক। অনন্তর খাজা স্বীয় পত্নীর সহিত পর্যটন করিতে ক্রমে লাহোর নগরে আসিয়া উপনীত হইলেন।

যৎকালে আইয়াস \* লাহোর-নগরে উপস্থিত হইলেন, তৎকালে উক্ত নগরে সম্রাট আকবর-শাহ রাজ্য করেন, এবং তাহার প্রধান মন্ত্রী আসফখাঁ নামক এক ব্যক্তি রাজসম্মিধানে উপস্থিত থাকিয়া সর্বদা রাজ্যকার্য নির্বাহ করিতেন। ঐ আসফখাঁর সহিত আইয়াসের কোন দূর সম্পর্ক ছিল। তিনি আইয়াসের আগমন-বার্তা জ্ঞাত হইয়া বন্ধুতার উপযুক্ত মর্যাদাপূর্বক তাহাকে আপন বাটীতে আনয়ন করিলেন; এবং তাহাকে আপন অধীনে সমস্ত কার্যের সম্পাদকরূপে নিযুক্ত করিয়া রাখিলেন। আইয়াস অবিলম্বেই সর্ববিধায় আসফের

\* ভারীখ-খাফী খাঁ নামক গৃহে এই ব্যক্তি গয়ালবেগ নামে বর্ণিত আছে।

মনোনীত হইয়া উঠিলেন। কিয়ৎকাল এই প্রকারে যাপন করিলে পর কোন ঘটনাক্রমে তাহার কার্য-করণে অসাধারণ নৈপুণ্য ও পারগতার বিষয় রাজকর্ণগোচর হওয়াতে রাজা তুষ্টিপূর্বক তাহাকে সহস্র-অশ্বাধ্যক্ষ পদে নিযুক্ত করেন। পরে কিছু দিনের মধ্যেই খাজা আকবরের সকল গৃহকার্যের কর্তৃত্ব পদ প্রাপ্ত হইলেন। অপর তাহার কর্মদক্ষতা ও বিশ্বস্ততা দিন ২ অধিক প্রকাশিত হওয়াতে রাজা তাহাকে এক্রামুদৌলা উপাধি দিয়া আপনার প্রধান রাজকোষাধ্যক্ষের পদপ্রদান করিলেন। কি আশ্চর্য? কালে যে কি হয় তাহা কে বলিতে পারে? ঘটনাসূত্রে যে কি কখন ঘটয়া উঠে, তাহা কখনই নির্ণয় করা যায় না। অরণ্য-মধ্যে অন্নভাবে যে আইয়াসের প্রাণত্যাগ হইতেছিল, কালক্রমে সেই আইয়াস দৈবীঘটনাদ্বারা ভারতবর্ষের মধ্যে রাজকীয় এক প্রধান ব্যক্তি হইয়া উঠিল।

অরণ্যমধ্যে আইয়াসের যে কন্যা জন্মে লাহোরে আসিয়া তাহার নাম অমীকননেসা \* রাখিলেন। ঐ কন্যার পক্ষে এ নাম অতি সুসঙ্গতই হইয়াছিল, কারণ ভারত ভূমিতে ততুল্য সুন্দরী আর কেহই ছিল না। আইয়াস অতিবত্নপূর্বক কন্যাকে নানাবিধে শিক্ষা-প্রদান করিলেন। নৃত্য গীতকাব্য এবং চিত্রাদি বিদ্যায় অমীকননেসা অদ্বিতীয়া হইয়া উঠিল। সে কিঞ্চিৎ চঞ্চল স্বভাব। কিন্তু যেমত বুদ্ধিমতী মিশ্রভাষিণী ও সুরসিকা তেমনি মহামনা ছিল।

এক দিন রাজপুত্র সলীম আইয়াসের সহিত সাক্ষাৎ করিতে তাহার ভবনে গমন করিয়াছিলেন। তথায় অন্যান্য আমির উমরা অনে-

\* স্ত্রীজাতির প্রধান।

কেরও আগমন হইয়াছিল। পরে যখন কএক ব্যক্তি প্রধান লোক ভিন্ন অপরাপর সকল নিমন্ত্রিত ব্যক্তি সভাহইতে উঠিয়া স্ব ২ স্থানে প্রস্থান করিল; এবং সুগন্ধি মধুর মদিরা পানের সহিত পরম্পর মিশ্রীলাপ হইতে আরম্ভ হইল, তখন দেশ-ব্যবহারানুসারে অরুণ-বতী মহিলামণ্ডলী তৎসভায় সমাগতা হইলেন। রাজপুত্র ঐ মণ্ডলীমধ্যে অমীকননিসাকে দেখিয়া ও তাহার আশ্চর্য নৃত্য ও মধুর সঙ্গীত শ্রবণ করিয়া অধৈর্য হইলেন; কিন্তু তখন কোন মতে অন্তর্ভাব সংবরণ করিবার নিমিত্ত জাব-স্থানে রহিলেন; পরন্তু তাহার উৎকল-কমল-তুল্য শরীরলাবণ্য, সুচাক সুদৃশ্য অঙ্গ প্রত্যঙ্গ ও শরচ্ছন্দসদৃশ মুখশ্রী সন্দর্শনে রাজপুত্রের মনে তাহার সৌন্দর্য অদ্বিতীয়রূপে বিরাজ করিতে লাগিল। যেমত রাজপুত্রের নয়নচকোর তাহার সৌন্দর্যসুধাপানে আসক্ত হইয়া সেই দিগে ধাবিত হইবে, অমনি অমীকননিসা ছলক্রমে বদনহইতে লজ্জাবস্ত্র নিক্ষেপ করত আপন অপাঙ্গ-ভঙ্গিদ্বারা রাজকুমারের মনকে এককালে বিদ্ধ করিল। ও তৎপর কণেই সলজ্জ ও ব্যস্ত সমস্ত হওয়াতে তাহার রূপ আরও বর্দ্ধিত হইয়া উঠিল। রাজকুমার সভা-ভঙ্গপর্যন্ত অচেতনপ্রায়ঃ স্তব্ধ হইয়া কালযাপন করিতে লাগিলেন। অমীকননিসা নিশ্চয়রূপে রাজকুমারের মন বুঝিবার জন্য নানাপ্রকার কথার কৌশল করিতে লাগিলেন, কিন্তু কোন ফল দর্শিল না। অনন্তর সে দিন সভা ভঙ্গ হইল।

সলীম প্রেমতে অস্থিরচিত্ত হইয়া কি করিবেন, ইহাই চিন্তন করিতেছেন। এদিগে অমীকননিসার পিতা-টকোমেনিয়া-নিবাসি আলিকুলি শেরআফগান নামা এক ব্যক্তির সহিত

তাহার বিবাহের সম্বন্ধ স্থির করিলেন। সলীম এই বার্তাশ্রবণান্তর অন্য কোন উপায় না পাইয়া উক্ত কন্যাকে বিবাহ-করিবার ইচ্ছা প্রকাশ্যরূপে আপন পিতার নিকটে ব্যক্ত করিলেন; কিন্তু তাহার পিতা এক জনের নির্বন্ধী-ভূত স্ত্রীকে অন্যে প্রদান করা অত্যন্ত অবিচার বোধে অতিক্রোধপূর্বক তাহা করিতে অস্বীকার করিলেন; সুতরাং রাজকুমারকে সলজ্জ ও হতাশ হইয়া প্রস্থান করিতে হইল; ও যথাকালে শেরআফগানের সহিতই অমীকননিসার উদ্বাহ সম্পন্ন হইল।

রাজকুমারের অভিলষিত বস্ত্র পরিত্যক্ত না করিয়া অমীকননিসাকে বিবাহ করাতে শেরআফগানের সৌভাগ্যে মন্ত্রির পক্ষে অন্যায়সে ব্যাঘাত সম্ভাব্য, কিন্তু যাবৎ অকবর বাদশাহ বর্তমান ছিলেন, তাবৎ সলীম প্রকাশ্যরূপে ঐ আফগানের প্রতি কোন অত্যাচার করিতে পারেন নাই। পরন্তু রাজসভার অপরাপর কর্মকারি সকলে দেখিলেক, যে পরিণামে সলীমই রাজেশ্বর হইবেন, এবং তাহাদিগের সকলকেও তাহার অধীন হইতে হইবে, অতএব সলীমের পরিতোষার্থে সকলেই এক্য হইয়া সর্বদা রাজসম্মিধানে শেরআফগানের অলীক দোষ দর্শাইয়া তাহার বিপক্ষতা করিতে আরম্ভ করিল। ইহাতে আফগান অত্যন্ত বিরক্ত হইয়া আগরা-রাজধানী পরিত্যাগ করিয়া বঙ্গদেশে প্রস্থান করিলেন। তথাকার সুবাদার তাহাকে বর্দ্ধমান চাকুলার কর্তৃত্বপদে অভিষিক্ত করেন।

অকবর পাদশাহের মৃত্যুর পর যখন সলীম স্বয়ং সিংহাসনাস্কট হইলেন, তখন তাহার মনে পুনর্বার অমীকননিসার অনুরাগানল প্রজ্বলিত হইয়া উঠিল। অমীকননিসার ভাব তাহার মনে

জাগৃতই ছিল, কেবল পিত্রাজ্ঞায় গোপন করিয়া রাখিয়াছিলেন; অতএব উভয়ের মিলনের শেষ আফগান মাত্র প্রতিবন্ধক ছিল। তাহাকে দূর করণাভিপ্রায়ে সলীম শের আফগানকে বন্ধমানহইতে রাজধানীতে আশ্রয় করিলেন, কিন্তু তাঁহার মনে মনে এই এক আশঙ্কা রহিল, যে “সহসা কি প্রকারে এমত লোক ও ধর্ম বিকল্প কর্মে প্রবৃত্ত হই? কি রূপে এমত প্রধান এক ব্যক্তি আমীরকে স্বস্ত্রী পরিত্যাগ করিতে অনুরোধ করি?”

শের অতুল বলবীর্যের নিমিত্ত লোকসমাজে অত্যন্ত বিখ্যাত হইয়াছিলেন। সকল লোকই তাঁহার প্রতি সন্তুষ্ট ছিল। অধিকন্তু শের স্বভাবতই অত্যন্ত দর্পশাল, ও বীর্যশালী, তিনি যে এমত লজ্জাকর ও কুৎসিত কর্ম স্বীকার করিবেন, এমত কখনই কেহ মনে করিতে পারে না; ফলতঃ হিন্দুস্থানে এমত ভদ্র লোকই বা কে আছে, যে আপন প্রাণস্বত্বে আপনার পত্নীকে পরিত্যাগ করিতে পারে? শের অতি প্রধান ভদ্রবংশীয় এবং পূর্বাধি মহামান্য। তিনি টর্কোমেনিয়া-দেশে অতিভদ্রকুলে জন্মগৃহণ করিয়া যাবৎ যৌবনাবস্থা ক্ষেপণ করিয়াছিলেন; পারস্য-দেশে এবং সফাবিবংশীয় তৃতীয় রাজা শাহ ইসমাএলের নিকট অত্যন্ত খ্যাতিপ্রতিপত্তির সহিত বিবয় কর্ম করিয়াছিলেন। তাহার পূর্বনাম আস্তাজিলো; পরে এক “শের” অর্থাৎ ব্যাঘ্রকে স্বহস্তে বধ করাতে শের আফগান নাম প্রাপ্ত হইলেন। হিন্দুস্থানে সকলের নিকট তিনি ঐ নামেই পরিচিত ছিলেন। অকবরের যুদ্ধকালীন তিনি অত্যন্ত অদ্ভুত ক্রমতা প্রকাশ করিয়াছিলেন। তিনি স্বীয় বাহুবলে সিখিয়া-দেশ গৃহণ করিয়া খান-খানান উপাধি প্রাপ্ত হইলেন।

অকবর বাদশাহ বীরদিগকে অত্যন্ত আদর করিতেন, সুতরাং তাঁহার নিকট ইনি অত্যন্ত আদৃত হইবেন ইহা সকলেই অনুমান করিতে পারেন।

জাহাঙ্গীর \* যখন শের আফগানকে আপন সন্নিধানে আশ্রয় করেন, তৎকালে দিল্লীতে তাঁহার রাজধানী ছিল। শের রাজসম্মিটে উপস্থিত হইলে রাজা তাঁহাকে অত্যন্ত মর্যাদাপূর্বক অভ্যর্থনা করিলেন; নানাপ্রকারে সম্মান করিতে লাগিলেন। শের সহজেই সরলস্বভাব; রাজার এতাদৃশ অসঙ্গত আদর দেখিয়াও তাহার মনে কোন সংশয় জন্মিল না। তিনি মনে করিলেন, যে কালক্রমে রাজপুত্রের মনহইতে অমীকনুনিয়ার অনুরাগ অন্তর্হিত হইয়া থাকিবেক। কোন মতে বুঝিতে পারিলেন না, যে রাজা তাঁহাকে নষ্ট করা নিশ্চয় করিয়া অত্যন্ত নিষ্ঠুর ও নিন্দিত উপায়-সকল কল্পনা করিতেছেন। রাজা মৃগয়া-যাত্রার নিমিত্তে কোন এক দিন নির্ধারিত করত অনুমতি দিলেন, যে “কোন বনে ব্যাঘ্রাদি হিংসু জন্তু আছে, অন্বেষণ কর”। অবিলম্বে সংবাদ আইল, যে নিদারবারি-বনে এক অতি প্রকাণ্ড ব্যাঘ্র আছে; তাহা তৎপার্শ্ববর্তি জনপদের অত্যন্ত অনিষ্ট করিতেছে, ও সর্বদা প্রজাদিগের ছাগ, মেষ, গৌ, সকল নষ্ট করিয়া থাকে। রাজা আপন দলবল সৈন্য নামন্ত ও শের আফগানকে সঙ্গে লইয়া সেই বনাভিমুখে যাত্রা করিলেন। কিছু দূর থাকিতে মৃগয়ার্থিদিগের রীত্যানুসারে চতুর্পার্শ্বহইতে সেই বন বেষ্টিত করিয়া সকলে একত্রে মিলিতে আরম্ভ করিল। পরে ব্যাঘ্র ঘোরনাদ করিয়া

\* সলীমের উপাধিক নাম।

জ্বল হইয়া উঠিলে, রাজা সেই শব্দ শুনিয়া অতিবেগে সেই দিগে চলিলেন।

যখন সকল প্রধান বীরগণ আসিয়া একত্রিত হইলেন, তখন রাজা জাহাঙ্গীর উচ্চৈঃস্বরে জিজ্ঞাসিলেন, “তোমাদিগের মধ্যে একাকি কে অগ্নিসর হইয়া এই ব্যাঘ্রকে আক্রমণ করিতে পারে”? সকলেই অবাধ হইয়া পরস্পর অবলোকন করিতে লাগিল। পরে সকলেই শের আফগানের প্রতি দৃষ্টিপাত করিলেক, কিন্তু বোধ হইল, যে তিনি তাহাদিগের অভিপ্রায় বুঝিতে পারেন নাই। অবশেষে সেই বীরচক্রহইতে তিন জন উমরা ও অগ্নিসর হইয়া শঙ্কা-পরিত্যাগপূর্বক প্রার্থনা করিল, যে “মহারাজ আমাদিগকে অনুমতি করুন, আমরা যে কেহ এক ব্যক্তি এই পশুকে নষ্ট করিব”। ইহাতে শেরের আন্তরিক পৌকষ উচ্ছ্বসিত হইয়া উঠিল। তিনি মনে করিয়াছিলেন, যে “এ দুঃসাহসী কর্মে আর কেহ সাহস করিতে পারিবে না; আর সকলে যখন অস্বীকার করিবে, তখন সহজেই আমি এবিষয়ের যশোলাভ করিব”, কিন্তু দেখিলেন, যে তিন জন অগ্নিসর হইয়াছে, এবং তাহারা প্রথমে অগ্নিবর্তি হওয়াতে এবিষয়ে বুতী হইল, এক্ষণে ব্যাঘ্রের সহিত যুদ্ধে তাহাদিগের অধিকার জন্মিয়াছে, তাহার ঋণ পূর্বখ্যাতি ছিল, বুঝি তাহা এতদিনের পর দূর হইল। এই বিবেচনা করিয়া শের সর্বসম্মুখে কহিলেন, “অস্ত্রদ্বারা কোন পশুকে বধ করা অতি অযোগ্য, এবং কাপুরুষতা; পরমেশ্বর পশুকেও যেমত হস্তপদ দস্তাদি প্রদান করিয়াছেন, মনুষ্যকেও সেইমত সকল দিয়াছেন; অধিকন্তু মনুষ্যকে অসাধারণ-ক্রমতা-শালিনী বুদ্ধি অতিরিক্ত প্রদান করিয়াছেন। তাহাতেও পুনঃ অস্ত্রধরা অতীব

অযোগ্য”। শেরের এই কথা শুনিয়া অপরাপর উমরাওরা তদ্বিকল্পে এই প্রত্যুত্তর করিলেক, যে “মনুষ্যমাত্রই ব্যাঘ্রহইতে দুর্বল, অতএব তাহাকে কেবল শস্ত্রদ্বারাই পরাজয় করা যাইতে পারে”। শের উত্তর করিলেন, “আমি তোমাদিগের এ ভ্রম দূর করিতেছি”। এই কথা কহিয়া আপনার অসিচর্ম-পরিত্যাগপূর্বক নিরস্ত হইয়া যুদ্ধে যাত্রা করিতে উদ্যত হইলেন।

যদিও রাজা ইহাতে শেরের নিশ্চিত মৃত্যু মনে করিয়া মনে অত্যন্ত আত্মাদিত হইলেন, কিন্তু বাহ্যে সে ভাবে গোপন রাখিয়া এমত অসমসাহসিক কার্যে প্রবৃত্ত হইতে শেরকে নিবারণ করিলেন। শের একান্ত দৃঢ়প্রতিজ্ঞ ছিল, অতএব রাজা লোকতঃ আপন ইচ্ছার অতিশয় ইচ্ছাস্বরূপ অনিচ্ছা প্রকাশ করিয়া সম্মত হইলেন। সকলেই আশ্চর্যঘটিত হইল, কখন শেরকে মহাবীর বোধে মনে প্রশংসা করিতেছে, কখন বা সর্বতোভাবে দুঃসাহসিক কার্যে প্রবৃত্ত দেখিয়া আক্ষেপও করিতেছে; কিন্তু উপায় না দেখিয়া সকলে নিস্তব্ধ হইয়া রহিল। ব্যাঘ্রের সহিত শের আফগানের যে প্রকার যুদ্ধ হয়, সে বিষয়ে অনেকে অনেক কথার বিন্যাস করিয়া লিখিয়াছে, কিন্তু সে সকল বিশ্বাসযোগ্য নহে। কথিত আছে, যে ব্যাপককাল যুদ্ধ করিয়া অবশেষে শের জয়ী হইলেন। ঐ অসাধারণ কার্যের সম্পাদনদ্বারা শেরের প্রতিষ্ঠা অত্যন্ত বর্দ্ধিত হইয়া উঠিল, এবং রাজার মন্ত্রণা বিফল হইল। পরন্তু রাজার ইহাতে শের আফগানকে নষ্ট করিবার ইচ্ছা নিবৃত্ত হয় নাই; তিনি উপায়ান্তরের চিন্তা করিতে আরম্ভ করিলেন।

শের আফগানের শরীরে ব্যাঘ্রের নখদস্তাঘাতে যে সকল ক্ষত হইয়াছিল, তাহা সুন্দর-



কাপে আরোগ্য হইতে না হইতে তিনি রাজার সহিত সাক্ষাৎকরণাভিলাষে তৎসমীপে আগমন করিয়াছিলেন; তাহাতে রাজা তাঁহাকে অতিসমাদর করিলেন, সুতরাং তাহাতে শেরের মনে কোন ভিন্নতাব বোধ হইল না। রাজা শেরকে বধ করিবার নিমিত্ত দ্বিতীয়-কুমন্ত্রণায় অতিগোপনে এক মাহতকে কহিয়াছিলেন, যে “তুই এক বলবান্ হস্তিকে মদ্যপানদ্বারা উন্মত্ত করাইয়া এক সঙ্কীর্ণ পথের মধ্যে দণ্ডায়মান কর; শের আফগান্ যেমত সেই পথ দিয়া গমন করিবেক, তুই অমনি তাহার প্রতি হস্তিকে পুরণ করিয়া দিশ, তাহা হইলেই কৃতকার্য হওয়া যাইবেক”। রাজার মনে ছিল যে “এ পুকার ঘটনা প্রায়ঃ এদেশের মধ্যে ঘটয়া থাকে; অতএব ইহাতে আমার প্রতি কেহ বড় সন্দেহ করিবে না”।

মাহত রাজার আজ্ঞানুসারে সেই পুকারে হস্তিকে দণ্ডায়মান করিয়াছে; এদিগে শের স্বীয় যানারোহণে স্বস্থানে পুত্যাগমন করিতেছেন, এমত কালে তিনি পথিমধ্যে নভ হস্তি দেখিয়া বাহুদিগকে পরাডমুখ হইতে কহিলেন, ইতোমধ্যে হস্তি তাঁহার প্রতি ধাবিত হইতে লাগিল। তদৃষ্টে বাহকেরা পথ মধ্যে যান নিষ্কিন্ত করিয়া প্রাণভয়ে সকলে পলায়ন করিল। শের দেখিলেন, ঘোর বিপদ উপস্থিত; অতএব তৎক্ষণাৎ যানহইতে বহির্গত হইয়া কটিন্দেহস্ত অসি নিষ্কোষ করত সেই হস্তির গুণ্ডে আঘাত করিলেন; তাহাতে হস্তির গুণ্ড এক কালে ছিন্ন হইয়া গেল; ও হস্তি বৃহিত ধ্বনি করত ধরাতলে পতিত হইল। রাজা গোপনে এক গবাক্ হইতে এই সকল ব্যাপার দেখিতেছিলেন; শেরের অসামান্য পরাক্রম দেখিয়া

লজিত ও চমৎকৃত হইয়া প্রস্থান করিলেন। পরে শের রাজপুরে গমন করিয়া নিঃসংশয়ে সকল বৃত্তান্ত রাজার নিকট নিবেদন করিলেন। রাজা আপনার মনোগত ভাব গোপন করিয়া বাহ্যতঃ শেরের বলবীর্য্য-বিষয়ে অনেক প্রশংসা করিলেন; তাহাতেই শের পুসন্নচিত্তে সন্তুষ্ট হইয়া রাজার নিকট হইতে বিদায় হইলেন।

এই ঘটনার পর রাজা ছয় মাস পর্য্যন্ত শেরকে বধ করিবার আর কোন চেষ্টা করেন নাই। ইহার কারণ কিছুই স্থির হয় নাই। কি রাজা অমীকননিসার অনুরাগ স্বীয় মনহইতে দূর করিতে চেষ্টা করিতে ছিলেন, কি স্বীয় চরিত্রের প্রতি দৃষ্টিপাত করিয়া এমত কুকার্য্যে প্রবৃত্ত হইতে বিরত হইলেন, তাহার কিছুই নির্ণয় হইল না।

শের আফগান্ ইত্যবসরে বঙ্গদেশে পুনরাগমন করিলেন। রাজা শের আফগান্কে নষ্ট করিবার যে সকল মন্ত্রণা করিয়াছিলেন, তাহা সকলেরি জ্ঞাতসার হইয়াছিল; সর্বদা সকল লোকে ঐ কথা লইয়া আন্দোলন করিত। যে রাজ্যে রাজার একাধিপত্য থাকে, সেখানে রাজাদিগের ভোযামোদের অভাব কি? রাজার যখন যাহা ইচ্ছা হয় তখন তাহাতেই সকলে পোষকতা করে। বঙ্গদেশের সুবাদার কুতবুদ্দীন এই পুকার এক জন ভোযামোদকারী ছিলেন। তিনি রাজার প্রিয় হইবার নিমিত্ত তাহার বিনামূল্যেতেই শেরকে বধ করিবার উদ্যোগী হইলেন, ও তজ্জন্য ৪০ জন দস্যু নিযুক্ত করিয়া রাখিলেন। মানস, যে যখন অবকাশ পাইবেন, তখন শেরকে নষ্ট করিবেন। শের কুতবুদ্দীনের অভিপ্রায় অবগত ছিলেন। তথাপি নিঃসংশয়ে আপন অধিকারের কার্য্য নির্বাহ করিতে লাগিলেন। তাঁহার

স্বীয় বাহুবলে এত বিশ্বাস ছিল, যে তিনি রজনীতে কোন ভৃত্যকে তাহার ভবনে থাকিতে বলিতেন না। তাহার নিদ্দিষ্ট-নিরমানুসারে স্ব ২ গৃহে আনিয়া শয়ন করিয়া থাকিত, কেবল এক জন প্রাচীন দ্বারপাল শেরের শয়ন-মন্দিরের নিকটে অবস্থিত করিত। দস্যুরা দেশের বাস্তী বিলক্ষণই অবগত আছে; এদেশের লোকে কখন যে কে কি করে, তাহা তাহারা ভালই জানে। শের আফগানের ভবনের বহির্দ্বারের দক্ষিণ-পার্শ্বে তাঁহার লিখিবার পাড়িবার একটি গৃহ আছে, তাহা দিয়া তাঁহার শয়নমন্দিরে প্রবেশ করা যায়। যখন বিলক্ষণ অন্ধকার হইয়া আইল, তখন দস্যুরা বৃদ্ধ রক্ষককে অনুপস্থিত দেখিয়া বাটীর মধ্যে প্রবেশ করিল।

নিয়মিত-সময়ে প্রধান দ্বার বন্ধ হইলে পর শের আপন প্রমদার সহিত পর্য্যঙ্কে শয়ন করিলেন। দস্যুদিগের মধ্যে কএক ব্যক্তি শেরকে নিদ্রিত মনে করিয়া অগে ২ নিঃশব্দে তাঁহার শয়ন-গৃহে প্রবেশ করিল। তাহারা সম্পূর্ণ প্রস্তুত হইয়া শেরের শরীরে অস্ত্রাঘাত করে, এমত সময়ে তাহাদিগের মধ্যে এক ব্যক্তি অতি প্রাচীন দস্যয় আদু হইয়া উচ্চৈঃস্বরে বলিল; “ওরে দুরাত্মারা স্থির হও, রাজা কি আমাদিগকে এইরূপ অনুমতি করিয়াছেন? পুরুষের কার্য্য কর; ৪০ চল্লিশ ব্যক্তি এককালে এক জন মনুষ্যের প্রতি—বিশেষতঃ এক জন নিদ্রিত মনুষ্যের প্রতি—আক্রমণ করা কি উচিত?” এই ভৎসনায় শেরের নিদ্রা ভঙ্গ হইল, এবং তিনি “বীরের নয়ন কথা কহিয়াছ”, এই বাক্য বলিয়া তৎক্ষণাৎ শয়্যাহইতে গাত্রোত্থান করিলেন, ও তাঁহার পার্শ্বস্থ শানিত অসি গৃহণ করত গৃহের এক কোণে দণ্ডায়মান হইলেন। শত্রুরা সকলে

চতুর্দিকে বেষ্টিত করিয়া তাহাকে আক্রমণ করিল; কিন্তু স্বপ্নকালের মধ্যে তিনি অস্ত্রাঘাতে দস্যুদিগকে কতবিকৃত ও শোণিতাক্ত-কলেবর করিয়া ফেলিলেন। পরাজিত হইয়া প্রাণভয়ে অনেকে তাঁহার পদ ধারণ করিয়া রহিল; অবিশিষ্ট অনেকে পলায়ন করিল। শের স্বীয় মহত্ত্ব প্রযুক্ত কাহারো প্রাণ বধ করিলেন না; কিন্তু অন্ধকের অধিক দস্যু তাঁহার অস্ত্রে আহত হইয়াছিল। যে বৃদ্ধ তাঁহাকে জাগৃত করে, সে আর পলায়ন করিল না। শের তাহার হস্ত ধারণ করত তাহার সচ্চরিত্র জন্ম তাহাকে মাধুবাদ করিলেন, এবং কোন ব্যক্তিকর্তৃক এই কুৎসিত ব্যাপার কল্পিত হইয়াছে, ইহার সবিশেষ তাহার নিকট হইতে জ্ঞাত হইয়া তাহাকে যথেষ্ট পুরস্কার করত বিদায় করিলেন, এবং কহিয়া দিলেন, “তুমি সর্বত্র এ বিষয়ের পুচার করিবে”।

শেরের এই অদ্ভুত বীরত্বের কথা সর্বত্র পুচারিত হইয়া উঠিল। এই কথা শুনিয়া ইহার সবিশেষ জ্ঞাত হইবার মানসে শেরের নিকট সর্বদা শত শত মনুষ্য আসিতে আরম্ভ করিল। শের বিবেচনা করিলেন, “যে আর আমার এক্ষণে এখানে \* থাকা কর্তব্য নহে; আমি আমার পূর্বাভাস বর্দ্ধমানে যাত্রা করি। সেখানে গিয়া স্বচ্ছন্দে গোপনভাবে অমীকননিসাকে লইয়া থাকিতে পারিব”। শের জ্ঞাত ছিলেন না, যে কেবল তাঁহাকে নষ্ট করিবার উদ্দেশ্যেই কুতবুদ্দীন বঙ্গদেশের সুবাদারী পদ প্রাপ্ত হইয়াছে, এবং সে কি কখন আপন পুত্র উদ্দেশ্য-সাধনে নিশ্চেষ্ট থাকিবে? কোন উপায়দ্বারা শেরকে বধ

করা যায়, কুতবুদ্দীন ইহা মনে ২ অনেক বিবেচনা করিয়া অবশেষে সৈন্যসামন্তের সহিত স্বয়ং সুসজ্জিত হইলেন। প্রধান রাজধানী রাজমহল-নগরে সমস্ত কার্য্যকর্মের ব্যবস্থা নির্দ্ধারিত করত তিনি কতিপয় প্রধান ২ কর্মকারিগণের সমভিব্যাহারে অধীনস্থ অন্যান্য ক্ষুদ্র ২ চাকলার কার্য্যকর্ম তদন্ত-করণের ছলনায় যাত্রা করিলেন, এবং ঐ যাত্রায় তিনি একেবারে বদ্ধমান চাকলার আসিয়া উপস্থিত হইলেন। বাদশাহ জাহাঙ্গীর তাঁহার প্রতি শেরকে বধ করিবার ভারপণ করিয়াছেন, তিনি একথা স্বীয় অমাত্যগণের নিকট গোপন রাখেন নাই। রাজভক্ত আমীর শের আফগান শুনিল, যে সুবাদার কুতবুদ্দীন বদ্ধমাননগরে আগমন করিতেছেন। এই কথা শুনিয়া সুবাদারের অভ্যর্থনার্থে তিনি কেবল দুইটি ভৃত্য সঙ্গে লইয়া অশ্বারোহণে আপনি অগুবর্তী হইয়া তাঁহার সহিত সাক্ষাৎ করিতে গমন করিলেন। কুতবুদ্দীন শেরকে দেখিয়া অতিবিনীতভাবে স্বাগত-প্রশ্নে মর্যাদাপূর্বক সন্তোষ করিলেন; এবং তাঁহার কিয়ৎকাল অশ্বারোহণে উভয়ে উভয়পার্শ্ববর্তী হইয়া নানাবিষয়ের কথোপকথন করিতে ২ চলিতে লাগিলেন। কিয়দূর এইরূপে গমন করিয়া কুতবুদ্দীন অকস্মাৎ স্থির হইলেন; এবং নগর-দর্শন করিবার উপলক্ষ করিয়া সুসজ্জিত প্রধান হস্তি আনিতে অনুমতি দিলেন। হস্তি আইলে সুবাদার তদুপরি আরোহণ করিলেন। যৎকালে কুতবুদ্দীন সমাকট হইলেন, তখন শের পূর্ববৎ অশ্বারোহী হইয়া তাঁহার সম্মখে দণ্ডায়মান আছেন; ইতিমধ্যে এক ব্যক্তি শূলধারী, শের পথের মধ্যে দণ্ডায়মান আছে, এই ছল করিয়া তাহার অশ্বকে এতদূর আঘাত করিল, যে

অশ্বহইতে শের ধরাতলে নিপতিত হইলেন। শের এতদূর অযোগ্য কার্য্য দেখিয়া অত্যন্ত ক্রোধাধিত হইলেন; বুঝিলেন যে “ইহার পুত্রের অনুমতি না থাকিলে কদাপি এমত অসম্ভব ব্যাপারে ইহার সাহস হইত না; অতএব স্পষ্ট দৃষ্ট হইতেছে, যে আমার প্রাণের প্রতি আঘাত হয়, ইহার মধ্যে এমত কোন কুমন্ত্রণা আছে”। এই বিবেচনা করিয়া তিনি সেই শূলধারীর প্রতি কোপদৃষ্টি করিয়া কহিলেন, “ওরে তোর কি প্রাণের ভয় নাই”? সে এই বাক্য-উচ্চারণ-সময়ের বিকৃতভাব দেখিয়া সতয়ে ধরাতলে পতিত হওত কৃতাজলিপূর্বক শেরের নিকট ক্ষমা প্রার্থনা করিল। এদিকে শের তখন দেখেন যে চতুর্দিক হইতে শাগিত করবাল কোষমুক্ত হইতেছে। তিনি অমনি তৎক্ষণাৎ কুতবের নিকট যাইয়া আহারি ভক্ষ করত এক অমির আঘাতে কুতবের মস্তক ছিন্ন করিলেন। কুপুবৃত্তির এই ফল! কুতব পাণ্ডাচরণদ্বারা রাজার সন্তোষ করিতে গিয়া অবশেষে আপনার প্রাণ হারাইলেন। কেবল সুবাদারকেই বধ করিয়া শের নিবৃত্ত হইলেন না। তিনি অপর প্রধান ২ সৈন্যাধ্যক্ষদিগের উপরও অস্ত্র নিক্ষেপ করত তাহাদিগের সংহারে প্রবৃত্ত হইলেন। এই যুদ্ধে ৫ সহস্র অশ্বের অধিপতি কাশ্মীরনিবাসি অমীর আবা খাঁ প্রথমতঃ প্রাণত্যাগ করেন; অনন্তর অপর চারি জন অমীরও নিহত হইলেন। শেরের হস্তে আর কাহারো নিস্তার নাই, যাহার প্রতি আক্রমণ, তাহারি অমনি সংহার। অবশিষ্ট যোদ্ধারা শেরের বিক্রম দেখিয়া চমৎকৃত ও মনে ২ অত্যন্ত ভীত হইল। পরে সকলে কিঞ্চিদূরে অবস্থিত হওত শেরকে চতুর্দিকে চক্রবৎ বেষ্টিত করিয়া এক-

কালে সকলেই তাহার প্রতি নানা অস্ত্রনিক্ষেপ করিতে লাগিল। কেহ পুংখানুপুংখ বাণ-সন্ধান করিতেছে; কেহ শেল শূল নিক্ষেপ করিতেছে; কেহ ২ বা বর্ষাকালের বৃষ্টিধারার ন্যায় সহস্র ২ গোলাগুলি-বর্ষণ করিতেছে; ইতিমধ্যে তাঁহার অশ্বের ললাটে এক বন্দুকের গুলি পুবিষ্ট হওয়াতে অশ্ব পতিত হইল, সুতরাং শের অন্য কোন উপায় না দেখিয়া যোদ্ধাদিগকে এইরূপে ভৎসনা করিতে আরম্ভ করিলেন, “ধিক্ কাপুকষ! যদি তোদের পোকষ থাকে, তবে আর, একে ২ আমার সহিত যুদ্ধ কর”। কিন্তু তখন শেরের কথা কে গৃহ্য করে? শের ক্রমে আহত হইতে লাগিলেন; এবং দেখিলেন, যে তাঁহার আসন্ন কাল উপস্থিত! অনন্তর তাহাদিগের তীর্থস্থান মন্টার দিগে মুখ ফিরাইয়া স্নানাভাবে কিঞ্চিৎ মূর্ছাগ্রহণ করত মস্তকোপরি নিক্ষেপ করিলেন; এবং সমস্ত অস্ত্র শস্ত্র পরিত্যাগপূর্বক যুদ্ধেতে বিরত হইয়া স্থিরভাবে দণ্ডায়মান রহিলেন। পরে তাঁহার শরীরের স্থানে ২ ছয় গোলা পুবিষ্ট হওয়াতে তিনি ধরাতলে নিপতিত হইলেন, কিন্তু যাহৎ তাঁহার দেহেতে প্রাণবায়ু ছিল, তাবৎ কোন যোদ্ধা সাহস করিয়া তাঁহার নিকট যাইতে পারে নাই। তাহার ঈশ্বরের সন্নিধানে শেরের বীরত্বের অনেক প্রতিষ্ঠা করিল, এবং তাঁহার যশো-বর্নন-বিষয়ে আপন ২ ইচ্ছানুসারে অনেক বাক্য-রচনা করিয়াছিল। কুতবুদ্দীন মৃত হইলে যে সৈন্যাধ্যক্ষ সেনার কর্তৃত্বপদ প্রাপ্ত হয়, সে অবিলম্বেই সেনাসহ শেরের ভবনে যাত্রা করিল। তাঁহার মনে এই বড় আশঙ্কা উপস্থিত হইয়াছিল, যে কি জানি যদি অমীরনিসাকে পরিত্যাগ করে; কিন্তু গৃহে গিয়া দেখেন, যে অমীরনিসা

ঐর্ষ্যাবলম্বনপূর্বক শোকসম্বরণ করত অবস্থিত আছেন। অমীরনিসা এমত প্রগাঢ়শোকের-ব্যাপারে তাহার স্বদেশীয় স্ত্রীদিগের ন্যায় বিশেষ কোন বিলাপ করেন নাই; এবং তাঁহার আত্মদোষ খ্যালন করিবার নিমিত্ত তিনি পুকাশ্যরূপে এই ছলনা করেন, “যে আমার পতি আমার প্রতি যে আক্রমণ করিয়া গিয়াছেন, আমি তাহাই পালন করিব”। তিনি ব্যক্ত করেন, যে “শের পূর্বহইতে জহাঙ্গীরকর্তৃক আপনার বিনাশ জানিতে পারিয়া আমার প্রতি এই অনুমতি করেন, যে আমার মৃত্যুর পর তুমি বিনা আপত্তিতে জহাঙ্গীরের মতানুবর্তিনী হইবে”। তিনি এই কথার যে সকল প্রমাণ ও যুক্তি দর্শাইলেন, তাহা নিতান্ত অগৃহ্য ও অমূলক। তাঁহার কথা এই যে শের আপন অদ্ভুত কীর্তির লোপ হইবার আশঙ্কায় আপন বিনিতাকে হিন্দুস্থানের রাণী করিয়া তাঁহার কীর্তিকে চিরস্মরণীয় করিবার অভিলাষ করিয়াছিলেন।

দিল্লীতে রাজা স্বীয় বিশ্বস্ত ও প্রভুভক্ত কুতবুদ্দীনের মৃত্যুসংবাদ জ্ঞাত হইয়া অতিশয় শোকাক্ত হইলেন। কথিত আছে, যে তিনি অমীরনিসাকে পরমবিশ্বাসপাত্র কুতবের মৃত্যুর কারণ জানিয়া প্রতিজ্ঞা করিয়াছিলেন, যে আর তাহার মুখাবলোকন করিবেন না; কিন্তু অমীরনিসার সৌন্দর্য ও নদগুণে তাঁহার মন শীঘ্রই পরিবর্তিত হইল। তিনি বহুকাল অমীরনিসাকে প্রধান রাজমহিষী করিয়া হিন্দুস্থানের আধিপত্য করিয়াছিলেন। বাদশাহ জহাঙ্গীর অমীরনিসাকে নূরজহান\* নাম প্রদান করেন। তথা এতদেশে তাহার নাম চিরস্মরণীয়-করণাভিপ্রায়ে তৎ-

\* জগতের আলোক।

কালের প্রচলিত স্বর্ণমুদ্রাতে নিম্নলিখিত বাক্য  
মুদ্রিত করাইয়াছিলেন। তদ্যথা,

بِسْمِ شَاهِ جِهَانِكِيور يَافِتْ صَد زِيور  
بِنَامِ نَورِ جِهَانِ بَادِشَاهِ بِيگَمِ زَر

“জহাঙ্গীরের আজ্ঞায় মহারাণী নূরজহানের  
নামপ্রভাবে সুবর্ণ শতালঙ্কারে বিভূষিত হইল”।

১২৩১ শাল, ৪ ফাল্গুন।

### সুবর্ণ ও লৌহের বিবাদ।

নিহইতে সুবর্ণ ও লৌহের উদ্ধার-  
করণ-বিষয়ক-প্রস্তাব-রচনানন্তর ঐ  
উভয় ধাতুর যশোবর্ণন করিতে আ-  
মাদিগের মানস হইয়াছিল; ইতো-  
মধ্যে তদ্বিষয়ক নিম্নস্থ প্রাচীন প্রবন্ধ কোন কুলা-  
চার্যের নিকটহইতে প্রাপ্ত হওয়াতে তাহা সমাদরে  
পুকটিত করিলাম। অধিকন্তু এবিষয়ে এক জন  
হিন্দুস্থানী কবির চাতুর্য্য-প্ৰদর্শনার্থে টিপ্পনী-  
স্বরূপে তাহার প্রবন্ধহইতে কএকটি পদও উদ্ধৃত  
করা গেল। পাঠকবন্দ অনায়াসেই জ্ঞাত হই-  
বেন, যে সুচতুর কুলাচার্য্য হিন্দীর চমৎকার শৌ-  
র্য্যগুণ আপন রচনায় কোনমতে প্রকাশ করি-  
তে পারেন নাই, নিরর্থক বহুশব্দ অনেকস্থানে  
প্রয়োগদ্বারা রসের অনেক ব্যতিক্রম করিয়াছেন।

ঈশ্বর ইচ্ছায় শুন দৈবের ঘটন।

লৌহ-স্বর্ণে বিবাদ হইল যে কারণে ॥

কৈলাশশিখর মধ্যে অষ্টধাতু ছিল।

তার মধ্যে লৌহ আমি স্বর্ণকে নিন্দিল ॥

“নির্গুণ হইয়া কর কাপের গৌরব।

সিমুলের কুল যেন প্রকাশে সৌরভ ॥

নির্গুণ হইয়া যেবা বাঁচে পৃথিবীতে।

উচিত না হয় তার মুখ দেখাইতে” ॥

অনহ্য জ্ঞাতির বাক্য সহ্য নাহি হয়।

তক্ষকের মুণ্ডে যেন ভেকে প্রহরয় ॥

স্বর্ণ বলেন “লৌহ তুমি হীনবর্ণ হও।

আমার সম্মুখে যুবা সমতুল্য নও ॥

উত্তমে অধমে যদি হয় বাক্য ব্যয়।

অধমে ছাড়িয়ে দোষ উত্তমকে দেয় ॥

উত্তমকে বাক্য জ্বালা মৃত্যু তুল্য হয়।

অধমকে পদাঘাতে, হেঁসে কথা কয় ॥

দ্বিভুবন মধ্যে আমি উত্তম ভূষণ।

উত্তম বলিয়ে নবে করে আকিঞ্চন ॥

উত্তম স্থানেতে বসি উত্তম চরিত্র।

আমার ধারণে হয় শরীর পবিত্র ॥

উত্তম আমার মূল্য, উত্তম সে জানে।

উত্তম নহিলে কেবা অধমে বাখানে ॥

তোমাতে আমাতে চল সভামধ্যে যাই।

কাহারে আদর করে বুঝিব বড়াই ॥

যাহ যাহ এথাহতে উঠরে একগণে।

পতঙ্গ, বুঝিতে চাহ গরুড়ের মনে” ॥

একথা শুনিয়া লৌহ, ক্রোধে অঙ্গ জ্বলে।

আপন গৌরব করি স্বর্ণে কিছু বলে ॥

“আমি যেই করে দেই তোমার নিন্দান।

তেই সে সকলে করে তোমার সম্মান ॥

দেউল জাজ্ঞাল আদি দীঘি সরোবর।

আমি নে খনন করি পর্বত শিখর ॥

অরণ্য কাটিয়ে আমি নগর বসাই।

দেখ দেখি কি প্রকারে তরনী সাজাই ॥

আমাহতে সপ্ত সিন্ধু হয়েছে উৎপন্ন।

পুরাণেতে শুন না রে, পাপিষ্ঠ জঘন্য ॥

আমার পুতাবে শস্য সর্বজীবে খায়।

আমাহতে সর্ব লোক ভয়ে ভ্রাণ পায় ॥

গর্ভহতে শিশু যবে ভমিষিত হন।

আমারে লইয়ে করে নাড়ীকে ছেদন ॥

সৃষ্টিকা-মন্দিরে রাখে আমাকে দুয়ারে।

দুষ্ট প্রাণী নষ্ট তারে করিতে না পারে ॥

মৃত্যুশোচ হৈলে দেখ আদরে আমারে।

আকিঞ্চন করি লোকে ধরয়ে শরীরে ॥

স্ত্রীলোকের হাতে লৌহ সধবা লক্ষণ।

জন্ম-মৃত্যু-কালে লৌহ পতিতপাবন ॥

কাণ্ডের লেখনী যেই করি সুনির্মিত।

বেদশাস্ত্রপুরাণাদি হয়ত লিখিত ॥

আমা ছাড়া কোন কর্ম আছে পৃথিবীতে?

বিবেচনা করে বুঝ কহি রে তোমাতে ॥

সভামধ্যে যেতে বল কোথা যাবে চল।

সহজে দুর্বল তুমি সোহাগাতে গন ॥

কিঞ্চিৎ কমতা যদি থাকিত তোমার।

না জানি কি নখে ক্ষিতি করিতে বিদার ॥

স্বর্ণবণিক স্বর্ণকার বিজুপরায়ণ।

তোমার সংসর্গে ভুপ্ত হ'ল দুই জন” ॥

একথা শুনিয়া স্বর্ণ আরক্ত-লোচন।

সন্ধ্যাকালে সূর্য যেন লোহিত-বরণ ॥

স্বর্ণ বলে, “যুগধর্ম্মে সব হৈল হত।

নাচ হৈল উচ্চগামী উচ্চ হৈল নত ॥

অস্থান হইল স্থান কুব্ধেতে কল।

পাপিষ্ঠের মখে গর্ষ শুনিতে গরল ॥

যাহারে দেখেছি পূর্বে অশ্ব-পদতলে।

সেই ব্যক্তি কটু, উদ্ভি আমারে যে বলে?

তোমাতে আমাতে দূর লক্ষিক যোজন।

দেবতা-মস্তকে আমি মুকুট-ভূষণ ॥

মনুষ্য-শরীরে আমি নানা অলঙ্কার।

যতনে রাখিছে মোরে গলে কর হার ॥

মণি-মুক্তা-প্রবালাদি যত রত্ন আছে।

আমাতে জড়িত হৈয়ে উজ্জল হয়েছে ॥

বনের উপমা দিতে আমি সে প্রধান।

স্বয়ং লক্ষী নিজদেহে মোরে দিল স্থান ॥

সূর্যের কিরণ হৈতে অধিক বরণ।

কেবা না দেখয়ে মোরে কিরায়্য নয়ন?

আমি যার ঘরে থাকি হইয়া সদয়।

আমার পুনাদে তার দারিদ্র্য খণ্ডয় ॥

সুখের বাঞ্ছায় যদি মোরে দান করে।

অসঙ্খ্য বৎসর স্বর্গ ভুঞ্জে সেই নরে ॥

জীবনে মরণে স্বর্ণ সবে ইহা জান।

মুখাশি-কালেতে বলে ‘স্বর্ণ কোথা আন’ ॥

যার ঘরে সুপুচুরে আমার বসতি।

ঐহিক সম্পদ অন্তে মোক্ষ তার গতি ॥

তোমাতে আমাতে আছে গুরু-শিষ্য-ভাব।

বৃথা বাক্য ব্যয় ইথে নাহি কিছু লাভ ॥

শালগুমে স্বর্ণরেখা লক্ষ্মীনারায়ণ।

কৃষকের হাতে হৈল তাহার মরণ ॥

লৌহ ছাড়া কোন কর্ম নাহি পৃথিবীতে।

এখনি কহিলি তুই আমার সাক্ষাতে ॥

সত্য বটে সিঁদ কাট তক্ষরের করে।

গোহত্যার হেতু আছ কসালের ঘরে ॥

চর্ম্মকারগৃহে আছ নানা অস্ত্র হৈয়ে।

জীব-হিংসা-হেতু আছ পৃথবী ব্যাপিয়ে ॥

হিংসকের দুরবস্থা পদে পদে হয়।

বেহায়া হিংসক তবু হিংসা না ছাড়য় ॥

হিংসা পাপ অতি মন্দ কতু নহে ভাল।

হিংসার কারণে তোর বর্ণ হৈল কাল ॥

হিংসার কারণে তোর অস্পন্দ হৈল।

অষ্টধাতু মধ্যে তোরে জঘন্য করিল ॥

ছিছি রে বেহায়া লৌহ বেহায়ার চূড়া।

মরা ডালে ডাক যেন কাক মাখামুড়া” ॥

লৌহের ক্রোধের কথা উপমা কি দিব?

কন্দর্প-নিধনে যথা হয়েছিলে শিব ॥

“রতি মাসা যবে যারে তৌলে এক ধান।


সেই ব্যক্তি হ'তে চায় আমার সমান ॥

আপন ওজন নেই বুঝে যদি চলে।  
 উত্তম বলিয়া তবে সকলেতে বলে ॥  
 স্বর্ণ না থাকিলে পৃথী অনায়াসে বয়।  
 লৌহ না থাকিলে মহী রসাতলে যায় ॥  
 পথে যেতে তুমি স্বর্ণ সঙ্গে থাক যার।  
 রক্ষা কি করিবে তারে প্রাণে বাঁচা ভার ॥  
 আমাদের লইয়ে যাউক, লিখে দিতে পারি।  
 যদি তার বিঘ্ন হয় বৃথা নাম ধরি ॥  
 স্বর্ণদানে স্বর্গভোগ আপনি রাখান।  
 কিন্তু নিলে হত মান তাহা কি না জান? ॥  
 স্বর্ণ নিলে কুলক্ষয় পতিত-ঘোষণা।  
 কতকাল ভোগে সেই পাপের যন্ত্রণা ॥  
 একে কর স্বর্গবাণী আরে অধোগামী।  
 তোমার কি দশা হবে তাই ভাবি আমি ॥  
 লৌহ বলে, “আমার ক্ষমতা যত আছে।  
 দেবাসুর-সম্মুখে তা বিদিত হয়েছে ॥  
 ত্রেতাযুগে জানকী হরে ছিল দশানন।  
 আমাহতে স্বর্ণলক্ষা-রাবণ-নিধন ॥  
 কুরুবংশে যুগে হৈল আমার ক্ষেপণে।  
 কুলদীপ্ত রক্ষা পাইল বিপদ-ঘটনে ॥  
 আমি সে করেছি যত সম্মুখে বিজয়।  
 তার পর করেছিলাম যদুবংশ-ক্ষয় ॥  
 দুষ্টির দমন করি মহতের হিত।  
 সর্বকাল আছে মোর কূলে এই রীতি ॥  
 সম্মুখ-যুদ্ধেতে যার মাথা কাটা যায়।  
 অনায়াসে স্বর্গবাস পুরাণেতে গায় ॥  
 অমূল্য আমার মূল্য তুল্য হইবে কে?  
 দেবগণ দেখে মোরে মাথায় রেখেছে ॥  
 আমাহতে দেবরাজ হন বজ্রধর।  
 আমাহতে শূলপাণি হ'লেন শঙ্কর ॥  
 আমাহতে চক্রপাণি হন নারায়ণ।  
 কালদণ্ড বলে হাতে ধরেন শমন ॥

আদ্যাশক্তি আমাদের লইয়ে বাম করে।  
 মুক্তকেশী দিগম্বরী হলেন সমরে ॥  
 আপন গৌরব করা সুকর্তব্য নয়।  
 কোকিল যে কাল তাতে কিবা এসে যায়? ॥  
 লৌহ-স্বর্ণ-বিবাদ ভঞ্জিতে কেবা পারে?  
 ভাগ্যক্রমে বিষু অধিষ্ঠান তখাকারে ॥  
 বিষু বলেন; “যরে ২ দ্বন্দ্ব কি কারণ?  
 তোমরা দুজন হও আমার ভূষণ ॥  
 বিষুর মায়ায় হৈল দুজনেতে বশ।  
 লৌহ-স্বর্ণ-বিবাদ-কথার এই রস ॥  
 সুন্দরে \* বর্ণনা করে কবিতার ছন্দ।  
 সুবন্দলৌহের দ্বন্দ্ব এই হৈল বন্দ ॥

\* শ্রী রামসুন্দর ঘটক।

† সুবন্দন করে গণেশকে ধরে ভবানীধ্যান।  
 তাতে নব নিধি পাইরে করিছে দাঁড়ে জান ॥  
 যহ চর্চা হরিবংশী শুনিয়ে চতুর সুজান।  
 ক্যা তো লোহা কহ গয়া কহা কহত হয় সোন ॥  
 ঝগড়া লোহ সোনসে উরবি বড়ী চয়াব।  
 নোকিনোকা দোনোসে যহ কান্ বরণ বহাব  
 সোন কহী বাত, “লোহ চাকর মের।  
 হমরা পরিবার কুটুম্ব বসত বনের।  
 সম্মুখে যহী দান পণ্য ভক্তি বেদমে।  
 হমরা সন্মান মান করৎ জগৎমে ॥  
 রাজা উর শাহ চাচ করত হমারী।  
 হমসে গুণকর টাংত এতী।  
 হেরে লোহা হেরি তাগদ কেতী” ॥  
 লোহ কহী বাত “সুন্দরে সোনা।  
 হমে দেখে তুঝে ফির দাবৎ কোনা ॥  
 স্তমে হম মারছীন বজ্রতেক লেনা।  
 আপন কর ছোড় বকস্ গুরে দেনা ॥  
 তোহে পহর নার পাও ধরৎ সেজমে।  
 হমে বাঁধ শুর বীর চচৎ খেতমে ॥  
 সুবা উমরাও কাট কীনে চেরী।  
 \* \* \* \* \*  
 সোনা কহী লোহ তেরী কীমত খোরী।  
 অক্ষী কি এক সুই আবে তেরী ॥  
 হমুবা খুপী আকশ গজনাল ছুরী।  
 \* \* \* \* \*  
 হমহী তরবার তীর তপক বনাবে।  
 মারে হুগজীব গুর যাত লগাবে ॥



### ট্রোট মৎস্য।

পা ও পাকির এক বিশেষ ধর্ম আছে  
 যে তাহারা বহুপ্রাপ্ত হইলেই তা-  
 হাদের শরীর যথোচিত দীর্ঘ হইয়া  
 উঠে; তৎপরে নানা কারণ-বশতঃ তাহাদের শরীর

পালেন হম সৃষ্টি বিধি নহে তুমারী।  
 হেরে লোহা জোর কমসে ভারী ॥  
 লোহ কহী বাত, “সুন্দরে সোনা।  
 \* \* \* \* \*  
 মারী হম লক্ষ হার ২ হোগেই।  
 রাবনাকো মারকে বিভীষনে দই ॥  
 কোপে দো দীন তোগ বাঁধে মরারী।  
 ধুরে উড়্জার কেতক বনু কধারী ॥  
 হমী মো কুট পীট চন্দ লগাবে।  
 গহনা সূন্দার গুর ছও বনাবে ॥  
 \* \* \* \* \*  
 ইতনী সমান হোত বরখী বীতী।  
 সোনা ন মানে পর লোহা কী জীতী ॥  
 \* \* \* \* \*

স্থূল বা কৃশ হইতে পারে, কিন্তু কদাপি দীর্ঘে বর্দ্ধিত  
 হয় না; ফলতঃ যে জাতীয় পশু বা পাকির যে  
 পরিমাণ নির্দিষ্ট আছে, তাহার অন্যথা হয় না।  
 অপর, দেশের প্রাকৃত-দৌষ্টব-ভেদে ও খাদ্য-  
 দ্রব্যের ইতরবিশেষে স্থূলতার ও দৈর্ঘ্যের কিঞ্চিৎ  
 প্রভেদ হয়; ঐ প্রভেদ স্বাভাবিক দৈর্ঘ্যের তুল-  
 নায় অত্যুৎপা বোধ হয়, তাহা স্বাভাবিক  
 শরীরের দ্বিগুণ বা তদ্বন্ধে হওয়া কদাপি সম্ভাব্য  
 নহে। কেহ বিলাতের বৃহৎকায় অশ্বকে বুদ্ধদেশে  
 গিয়া খর্ব্বহইতে দেখে নাই; তথা বুদ্ধদেশের  
 টাটুও বিলাতে গিয়া বিলাতি-অশ্বের ন্যায় বৃহৎ  
 হইবে, ইহা সম্ভবপর নহে। পরন্তু ইহা অতি  
 আশ্চর্যের বিষয় যে অনেক মৎস্য উক্ত নি-  
 যমদ্বয় দৃষ্টিগোচর হয় না। রোহিত মৎস্য এক-  
 সের-পরিমিত হইলেই অণ্ড প্রসব করিতে



দিগের সহিত মিলিলেন, এবং রাজপুত্র তৈমুরের প্রতিহিংসা করিবার নিমিত্ত তাহাদিগকে উৎসাহ দিতে আরম্ভ করিলেন। তাহারা গুরুগোবিন্দের বাক্য আরণ করিয়া পুনর্বার সকলে মিলিতে আরম্ভ করিল; একবারে সহস্র ২ শিখ অশ্বাক্রম হইয়া লাহোর বেষ্টিত করিল। রাজপুত্র তাহাদিগকে কোনমতে নিরস্ত করিতে না পারিয়া অবশেষে আপনাদের সৈন্যসামন্তসহ চিনি-প্রদেশে পুস্থান করা শ্রেয় বিবেচনা করিলেন। লাহোর কিয়ৎকালের মত এক্ষণে জয়যুক্ত শিখজাতিকর্তৃক অধিকৃত হইল, এবং খালসা-দলভুক্ত সেই জনা-সিংহ যে একবার একটিমাত্র দলের অধক্ষ হইয়াছিল, এক্ষণে মহাপ্রবল হইয়া উঠিল। অপর সে মোগলদিগের মুদ্রায় অধিকার করিয়া তদ্বারা নূতন টাকা মুদ্রিত করিল, তাহাতে এই বাক্য অঙ্কিত ছিল “জসাকলালকর্তৃক অহমদ-শাহ হইতে অপহৃত দেশে খালসাদলের প্রভাবে মুদ্রিত হইল”।

ক্রমশঃ এই প্রকারে শিখদিগের জীবদ্ধি হইতে লাগিল; যে সমস্ত ক্ষুদ্র ২ গ্রাম ইহারা পূর্বে অধিকার করিয়াছিল, ক্রমে তাহাতে বিলক্ষণ প্রবল হইয়া বসিল; এবং ভিন্নদেশীয় শত্রুদিগের দমনের নিমিত্ত স্থানে ২ দুর্গ প্রস্তুত করিতে আরম্ভ করিল। ইহার মধ্যে রাজা রণজীতের পিতামহ চরৎসিংহ লাহোরের উত্তরাংশে আপনাদের শুরুরালয় গুজরাণওয়াল-গামে এক অতি প্রকাণ্ড দুর্গ নিৰ্মিত করিলেন। অহমদ-শাহের প্রতিনিধি খাজাওবেদ এই সংবাদ জানিতে পারিয়া ১৭৬২ খ্রীষ্টাব্দের প্রারম্ভে উক্ত দুর্গ ভঙ্গ করিতে যাত্রা করেন; কিন্তু শিখদিগের দলবল দেখিয়া খাজা আপনাদের সমস্ত দুব্যাদি-পরিত্যাগ-পূর্বক প্রাণভয়ে লাহোরে পলায়ন

করিলেন। এই প্রকারে ক্রমে ২ শিখেরা মহাপ্রবল হইয়া উঠিল; তাহাদিগের প্রসিদ্ধ তীর্থ অমৃতসরে গিয়া সকলে একত্রিত হইয়া মহা উৎসব করিতে লাগিল, এবং খালসা-দলভুক্ত সেনারা তৎপার্শ্ববর্তী গামে মহাদৌরাত্ম্য করিতে আরম্ভ করিল। পঞ্জাবের নানা স্থানে উহার ব্যাপ্ত হইতে লাগিল, এবং যবনরাজা-দিগের অধিকারের উৎসেদ-করণের উপক্রম করিয়া তুলিল।

১৭৬২ খ্রীষ্টাব্দের শেষে যখন অহমদশাহ পুনর্বার সৈন্যসামন্ত লইয়া পঞ্জাব-শাসনের নিমিত্ত আগমন করেন, তখন আল্লাসিংহ শিখদিগের মধ্যে এক প্রধান দলপতি ছিলেন। তিনি কি প্রকারে অহমদের সহিত যলুঘোরা-যুদ্ধে পরাস্ত হইয়া রাজপদবী প্রাপ্ত হন, তাহা পতিয়ালার বিবরণে ব্যক্ত হইয়াছে\*। দুর্দান্ত যবনরাজ অমৃতসরের সমস্ত মন্দির ভঙ্গ করিয়া ফেলেন; শিখদিগের পবিত্র জলাশয় গোরক্কে প্লাবিত করেন; শিখদিগের ছিন্ন-মস্তক-সমস্ত স্তম্ভাকার করিয়া তদ্বারা তাহাদিগের দেবমন্দির মণ্ডিত করেন, এবং তাহাদিগের কণ্ঠনিঃসৃত শোণিতদ্বারা মন্দিরের ভিত্তিসকল ধৌত করেন। দৌরাত্ম্যের আর সীমা রহিল না। রাজার জয়পতাকা সর্বত্র উড্ডীয়মান হইল, এবং শিখেরা এককালে লুপ্তপ্রায় হইল। কিন্তু শিখেরাই ধন্য! তাহাদিগের কি আশ্চর্য্য তিতিক্ষা, কি অদ্ভুত শক্তি! তাহারা এতাদৃশ অসামান্য দুর্ঘটনাতেও কিছুমাত্র বিচলিত হইল না; ক্ষণকালের জন্যও আপনাদিগের প্রতিজ্ঞা-হইতে সুলিত হইবার ভাব প্রকাশিত করিল না; কোনমতেই তথোৎসাহ ও যত্নশূন্য হইল না; একমাত্র ধর্মবন্ধনে বদ্ধ থাকিয়া পরস্পর সকলেই

\* ২০২ পৃষ্ঠে দেখ।

একমন ও একবাক্য হইয়া দিন ২ আপনাদিগের দলপুষ্টি ও বলবৃদ্ধি করিতে উদ্যোগী হইল; স্বদেশের অনুরাগে অনুরাগী হইয়া, এবং স্বাধীনতা-মহারত রক্ষা করিতে উৎসাহী হইয়া, তাহারা পুনঃ ২ ঘোরসঙ্গ্রাম করিতে আরম্ভ করিল; ও ক্রমে ২ রোহিলখণ্ড, সরহিন্দ প্রভৃতি যমুনার তটপর্যন্ত অনেক স্থানে মুসলমান ও মহারাষ্ট্র সেনানায়কদিগকে পরাজিত করিয়া আপনাদিগের বিলক্ষণ জীবদ্ধি করিতে লাগিল।

অহমদশাহ সরহিন্দের ও দিল্লীর এই সকল দুর্দশা অবগত হইয়া পুনর্বার স্বয়ং সিন্ধুনদ পার হইয়া আগমন করিলেন; কিন্তু দিল্লীর দুর-বস্থা দিন ২ বাড়িতে লাগিল; তিনি আসিয়া এ নগর রক্ষা করিতে পারিলেন না। কেহ ২ কেহ যে তিনি পতিয়ালার আল্লাসিংহকে তৎপ্রদেশের শাসন-কর্তৃত্বপদে নিযুক্ত করিয়া অবিলম্বেই স্বরাজ্যে পুস্থান করেন। কিন্তু শিখদিগের বর্ণনে জ্ঞাত হওয়া যায়, যে তিনি অমৃতসরে গিয়া শিখদিগের সহিত যুদ্ধ করত পরাস্ত হইয়া সৈন্যসহ পলায়ন করেন।

তদনন্তর শিখেরা অকুশেই অহমদের নিযুক্তকরা কাবুলিমল্লকে লাহোরের সুবাদারীপদ-হইতে দূরীকৃত করিল; এবং শতক্রম হইতে বিস্তৃত-নদী-পর্যন্ত সমস্ত দেশ আপনারা সকলে বিভাগ করিয়া লইল; মুসলমানদিগের সকল মসজিদ চূর্ণ করিয়া ফেলিল, এবং শতশত যবনকে লৌহশৃঙ্খলে বদ্ধ করিয়া শূকরের রক্তদ্বারা সেই সকল মসজিদের ভিত্তি ধৌত করিতে দিল। তদনন্তর শিখদিগের সমস্ত প্রধান দলপতি অমৃতসরে একত্রিত হইয়া আপনাদিগের প্রভু-প্রকাশ ও ধর্মের প্রচার করিতে আরম্ভ করিল। তাহারা আপনাদি-

গের জয়সূচক মুদ্রা প্রচলিত করিল; তাহাতে এইরূপ লেখা ছিল, “গুরু নানকের নিকট-হইতে গুরুগোবিন্দ ‘দেহ তেগ ফতে’ লাভ করিয়াছেন”\*।

অতঃপর দুই বৎসরকাল শিখেরা আর কোন যুদ্ধ করে নাই। তাহারা এতাবৎকাল আপনাদিগের মধ্যে জয়লক্ষ রাজ্য-সকলের অধিকার নির্দিষ্ট করিতেছিল, এবং পরস্পরের কর্তব্য নিরূপণ ও কার্যের শৃঙ্খলা নিবদ্ধ করিতে নিযুক্ত ছিল। তৎকালে শিখেরা পরস্পর সকলেই স্বতন্ত্র, কেহ কাহারো অধীন নহে, প্রতি ব্যক্তিরই সাধারণ রাজ্যের প্রতি সমানরূপ অধিকার ও অধ্যক্ষতার ভার ছিল; কিন্তু তাহাদিগের প্রত্যেকের বুদ্ধিশক্তি ও সম্পত্তির ইতরবিশেষ থাকাতে তাহাদিগের মধ্যে সে সমভাব বিস্তর দিন স্থায়ী হইল না; শীঘ্রই ভাবান্তর হইয়া গেল। কার্যক্রমে এক জনকে এক জনের দাস হইতে হইল। অন্তে তাহাদিগের রাজ্য-কার্যের শৃঙ্খলা এই প্রকার-নিয়মে পরিণত হইল, যে প্রজামাত্রই সকলে সমান, কেবল ইখরই সর্বপ্রধান; ধর্মবিষয়ে এক বিশ্বাসই তাহাদিগের প্রধান একস্থল। সেই একতানুসারেই তাহারা কি যুদ্ধ কি অপর কোন কার্য সকল কর্মই নির্বাহ করিত। তাহারা সকলেই প্রতিবৎসর শারদীয় পূজার সময়ে অমৃতসরে একবার মিলিত হইয়া আপনাদিগের অধিকারের ইষ্ট-সাধনের উপায় চিন্তন করিত; এবং অধিকাংশ ব্যক্তির মতানুসারে কার্য নিষ্পন্ন করিত। তাহারা যে সকলেই স্বার্থপরতাশূন্য হইয়া সাধারণের হিতসাধনে প্রবৃত্ত হইত, ইহার প্রতি

\* অর্থাৎ প্রসাদ, শক্তি ও জয়।

অপর কোন কারণ নির্দিষ্ট করা যায় না, কেবল অমৃতসরের তীরে আগমন, এবং তথায় সকলে একত্রে একধর্ম যজ্ঞ করাই ইহার প্রবল কারণ বলিয়া গণ্য হইতে পারে। প্রধান দলপতিদিগের সভার নাম তাহারা “শুকমত্তা” রাখিয়াছিল। ইহার তাৎপর্য এই যে শুকগোবিন্দ্রের উপদেশানুসারেই তাহারা সকলে একমতে সকল-বিষয়ের বিচার করিয়া থাকে। এই ধর্ম-মেলায় যে সমস্ত প্রধান ব্যক্তিদিগের সমাগম হইত, তাহার মধ্যে কেহ কাহারো অধীন ছিল না; সকলেই স্বয়ংপ্রধান; রাজ্যকার্য-বিষয়ে যে কোন প্রস্তাবে সভাস্থ সভ্যদিগের অধিকাংশের মত হইত, তাহাই গৃহ্য হইত; কিন্তু সমর-সম্পর্কীয়-বিষয়ে আপামর-সাধারণ সকলেরই মত নিয়মরূপে পরিগণিত হইত। তাহাদিগের মধ্যে যে কোন দলে যে কোন দেশ ও যে কোন স্থান জয় করিত, তাহা সকল দলপতিই বিধিমত তুল্যরূপে বিভাগ করিয়া লইত। পরে তাহাদিগের মধ্যে যাহার অধীনে যত দল থাকিত, সে পুনর্বার সেই প্রাপ্তসম্পত্তি তত অংশে বিভাগ করিত; পরে এক ২ দলভুক্ত সকল যোদ্ধা আবার সেই দলের বিভাগহইতে আপন ২ অংশ গৃহণ করিত। এইরূপে তাহারা জিত ও লক্ষ সম্পত্তি-সকল আপনাদিগের মধ্যে অংশ করিয়া এক-স্থাপন করিয়াছিল। সৈন্যবৃত্তি বলিয়া যে সকল প্রজা জয়লক্ষ-ভূমির উপস্বত্ব ভোগ করিত, তাহারা ই যুদ্ধকালে যোদ্ধার কর্ম নিষ্পন্ন করিত; এবং অপর্যাপ্ত রাজকর্ম পূর্বোক্ত প্রকারে দলপতিদিগের সভাহইতে সম্পন্ন হইত। শিখদিগের এনিয়মকে প্রকৃত সাধারণ-তন্ত্র বলা যাইতে পারে; পরন্তু তাহাদিগের এনিয়মের অনেক গোলযোগ ছিল, এবং এ নিয়ম পুনঃ ২

পরিবর্তিত হইত। সমস্ত শিখদলের মধ্যে যোদ্ধারা প্রকৃত রূপ সৈন্যবৃত্তিভোগী শব্দে উক্ত হইতে পারে না; কেহ ২ কেবল আপনাদিগের পৈত্রিক ভূমিরই অধিকারী হইয়াছিল, সুতরাং এই উভয় সম্প্রদায়ের মধ্যে অধিকারেরও কিঞ্চিৎ ইতর-বিশেষ ছিল। ফলতঃ ফ্রান্সরাজ্যে কি ইংলণ্ড-দেশে যে প্রকার সাধারণ-তন্ত্র হইয়াছিল, ইহাদিগের সাধারণ তন্ত্র সে প্রকার নহে। তবে জর্মান-দেশে এক্ষণে যে প্রকার দেশের কোন নিয়ম স্থাপন করিতে হইলে তথাকার ইতরভদু সাধারণের মতগুহণের জন্য সর্বসাধারণের সভা হইয়া থাকে, রাজকার্যের নিয়মের জন্য অমৃতসরে ইহাদিগেরও সেই প্রকার সভা হইত। কিন্তু জর্মান-দেশে ডায়ট-নামক সভায় যে প্রকার দলপতি ভদ্রলোক স্বয়ং ও ইতর প্রজারা প্রতিনিধিদ্বারা সভার কার্য সম্পন্ন করিয়া থাকে, ইহারা যে সে প্রকার করিত, তাহার কোন নিদর্শন পাওয়া যায় না। তবে ইহার মধ্যে এই আশ্চর্য্য বলিতে হইবেক, যে শিখেরা কেবল একধর্মই বিশ্বাস ও এক ধর্মবন্ধন ভিন্ন অপর কোন প্রকার জ্ঞানবিদ্যার সাহায্য অভাবেও এক্ষণকার এমত সুশিক্ষিত ও বিচক্ষণ বিদ্যাবান জাতির ন্যায় কিয়ৎকাল-পর্য্যন্ত আপনাদিগের মধ্যে এক-ভাবে রাখিয়াছিল, এবং সাধারণ-তন্ত্র-স্থাপনাদ্বারা সকল প্রকার কার্য সুশৃঙ্খল রূপে নির্বাহ করিয়াছিল। কোথায় ইংলণ্ড-দেশের এক্ষণকার উন্নতি, নানাশাস্ত্রের আলোচনা, নানা-জ্ঞানবিজ্ঞানের প্রসঙ্গ, সভ্যতা, ভব্যতা প্রভৃতি নানা-বিষয়ের আন্দোলন! আর কোথায় সে শিখদিগের পূর্বকালের অন্ধকারাবৃত্তাবস্থা, যখন কোন বিদ্যার অনুশীলন ছিল না, কোন জ্ঞানের নাম ছিল না, কোন সভ্যতার চিহ্নও ছিল না! এ

উভয় অবস্থার তুলনা করিলে যে ভিন্নতা ব্যক্ত হয়, তৎসত্ত্বেও যে এ উভয়-কালের মনুষ্যের মনে এক প্রকার ভাবের উদয় হইয়াছিল, ইহার পর আশ্চর্য্যের বিষয় আর কি আছে! ইহারা যেমন এক্ষণে রাজার একাধিপত্য থাকা বিবেচনাসিদ্ধ বোধ করে না, তাহারাও রাজার একাধিপত্য তেমনি অন্যান্য বোধ করিত। কিন্তু মনুষ্যের স্বভাব কে কতক্ষণ কল্প করিয়া রাখিতে পারে? মনুষ্য স্বভাবতই স্বার্থপর ও প্রভুত্বপ্রিয়; কিনে আপনার প্রাধান্য হইবেক, কি উপায়দ্বারা আপনার যশ পৌকষের বৃদ্ধি হইবেক, ইহারই চেষ্টায় প্রতিমনুষ্যের মন সর্বদা বিচরণ করে; সুতরাং সংসারমধ্যে সামঞ্জস্য একতা সর্বদা রক্ষিত করা নিতান্ত কঠিন। করাসীসেরা অত্যন্ত বলবান বীর্য্যশালী ও বুদ্ধিমান হইয়াও আপনাদিগের মধ্যে সমভাব ও সাধারণ-তন্ত্র স্থাপন করিতে অক্ষম হইল; যতবার যত্ন করিতেছে; ততবার নিরাশ হইতেছে; অতএব অসভ্য শিখজাতির মধ্যে বহুকাল যে সে ভাব রক্ষা পাইবে ইহা কোনমতেই সম্ভব হইতে পারে না। ফলতঃ কিছু দিনের মধ্যেই তাহাদিগের সাধারণ-তন্ত্র ভূষ্ট হইয়াছিল।

শিখদিগের সাধারণ-তন্ত্রের সময়ে তাহারা ১২ দলে বিভক্ত হইয়াছিল; তাহার প্রত্যেক দলে এক ২ জন দলপতি ছিল; কিন্তু সকলদলের শক্তি সমান ছিল না; এবং সকল প্রধান ২ ব্যক্তিরও সর্বদা একদলে থাকিত না; আপন ইচ্ছামত ভিন্নদলের সঙ্গে যোগ অথবা পৃথক দল স্থাপন করিত। দলের আদিপুরুষের নামানুসারে বা বাসস্থানের নামানুসারে কদাপি তাহাদের বিশেষ কোন লক্ষণানুসারে উক্ত দলের পৃথক ২ নাম হইয়াছিল। যথা, (১) এক দলের প্রধান ব্যক্তি

সর্বদা ভাঙ্গ সিদ্ধি পান করিত এই প্রযুক্ত তাহার দলের নাম “ভঙ্গী” বলিয়া প্রসিদ্ধ হয়। (২) এক দলের অধিপতি কোন সময়ে পতাকাধারী ছিলেন বলিয়া তাহার দলের নাম নিশানী হয়; (৩) কোন দলপতি বন্ধুতানুরাগী ছিলেন প্রযুক্ত তাহার দল “সুহৃদ” বলিয়া খ্যাত হয়। (৪) অমৃতসরে রামঘড়-দুর্গ-স্থাপক দলপতিগণের দলের নাম “রামরাওনী”। (৫) নুকিয়া-নামক স্থানবাসী দলের নাম “নুকিয়া”। (৬) আলুওয়ালিয়া স্থানের দলের নাম “আলুওয়ালিয়া”। (৭) এক দলের নাম “মনিয়া” অথবা “কনিয়া”। (৮) কিজুলপুর-নিবাসি দলের নাম “কিজুলপুরিয়া” অথবা “সিংহপুরিয়া”। (৯) সুকরচৌক-নিবাসি দল “সুকরচৌকিয়া”। (১০) দেলাওল-স্থান-নিবাসি দল “দেলিওয়ালী”। (১১) ক্রোর-নামক-স্থান-নিবাসিরা “ক্রোরী”। (১২) এবং ফুলকিয়া-স্থান-নিবাসিরা “ফুলকিয়া” নামে প্রসিদ্ধ হয়।

এই দ্বাদশ-সম্প্রদায়ের মধ্যে ফুলকিয়া-সম্প্রদায় ভিন্ন আর সকলেই সতক্ষ নদীর উত্তরাংশে পঞ্জাব-প্রদেশে বাস করিত, এবং তাহাদিগের উপাধি “সিংহী সিংহ”। প্রথমতঃ ভঙ্গীদলই সর্বপ্রধান হইয়াছিল, পরে কনিয়া দল বিশেষ বলবান হয়; অবশেষে সুকরচৌকিয়া-দলভুক্ত রণ-জীত সিংহই সর্বপ্রধান হয়েন। পরন্তু ফুলকিয়া দলের পতিয়ালার রাজবংশীয়দিগকেই সকলে প্রধান বলিয়া মান্য করিত। নুকিয়া দল কখনই উত্তমরূপে মান্য হইতে পারে নাই।

এই প্রত্যেক দলেরই অধিকার ভূমির সীমা উত্তমরূপে নির্দিষ্ট হইয়াছিল, কিন্তু এতলে তাহার বাহুল্য বর্গনের কোন প্রয়োজন দৃষ্ট হয় না। এই সাধারণ-তন্ত্র-সময়ে শিখদিগের দুই তিন লক্ষ অশ্বারোহী যোদ্ধা ছিল, কিন্তু





যাহা মনে রাখিতে ইচ্ছা হয়, তাহা লিখিয়া রাখা উচিত।

কোন ২ সময়ে ধনের প্রতি অবহেলা করিলেও অনেক লাভ জন্মে।

ধন সারের ন্যায় বিস্তারিত না করিলে কোন ফল দর্শে না।

অনেকেই স্বীয় ২ ধনদ্বারা কেবল দুঃখ এবং খেদ ক্রয় করে।

দিনকে দিন এবং রাত্ৰকে রাত্ৰ করিলেই নির্বিঘ্নে কালযাপন হইতে পারে।

যে ব্যক্তি আপনি অন্ন পায় না, তাহার কুকুর-পালা বিধেয় নহে।

মন্দের সঙ্গ অপেক্ষা বনে গমন করা ভাল।

লোকে কেবল প্রশংসিত হইবার নিমিত্ত অন্য-কে প্রশংসা করে।

যে মনুষ্য অহঙ্কার শূন্য তাহাকেই যথার্থ ধা-র্মিক কহা যায়।

খলতা বসন্ত রোগ অপেক্ষা মুখকে অধিক নষ্ট করে।

সকল বিষয় কিছু ২ জ্ঞাত থাকা অপেক্ষা এক বিষয়ে বিলক্ষণরূপে পারদর্শী হওয়া বুদ্ধিমানের কর্তব্য।

দরিদ্র জনের ঔষধি ক্রয় করিবার ক্ষমতা না থাকতে কেবল আশাই তাহাকে রক্ষা করে।

বিদ্যার গর্ব করাই মূর্খের চিহ্ন।

আমাদিগের দুঃখের সীমা জানিতে পারিলেই আমরা এক প্রকার সুখী হই।

সুখ্যাতি সম্পদ-অপেক্ষা প্রিয়তর।

লোভির সর্বদাই অভাব।

অনেক বিষয়ে মনুষ্যের সময় ব্যয় করা অপেক্ষা ধন ব্যয় করা উচিত।

মনুষ্য আমাদের বন্ধু, এবং সত্যও আমাদের বন্ধু, কিন্তু অগ্রে সত্যকে সম্মান করা বিধেয়।

দুঃখির আশায় কালযাপন করা ভাল, এবং সুখির সাবধানে থাকা শ্রেয়স্কর।

যে জনের সাবধনতা নাই, তাহার ধর্ম কোথায়? খল বোধ করে খলতা ভিন্ন কোন কার্য সমাধা করা যায় না।

বিদ্যা দুঃখির রজত, ধনির হেম, এবং নৃপতিদের রত্নরূপ হয়।

জীবন শোভের ন্যায়, নিরন্তর ধাবমান হই-তেছে, কখন পুত্রাগমন করে না।

বীরগণ আমাদিগের শুদ্ধার পাত্র, জ্ঞানিগণ আমাদিগের সন্তুর্মের পাত্র, কিন্তু দাতারাই কেবল আমাদিগের পুত্রির পাত্র হইয়েন।

সুজনতা কোন রাজাজ্ঞার মধ্যে নাই, তথাপি তাহাকে সকলে কেন দৃঢ়রূপে পালন করে?

আ. ন. ঠা.

পাথুরিয়াঘাটা।

## বিবিধার্থ-সঙ্গ্রহ,

অর্থ ১৯


পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

৩ পর্ব]

শকাব্দ ১৭৭৬, মাঘ।

[৩৫ খণ্ড।

### হল্কর-রাজ্যের বৃত্তান্ত।



হল্কর-বংশের আদিপুরুষ মল-হররাও হল্কর এক ব্যক্তি মেঘপালকের পুত্র ছিলেন। তাঁহার পিতা জাতীয়-বৃত্তি-

অনুসারে মেঘপালন করিত; এবং মেঘলোম-দ্বারা কঞ্চল প্রস্তুত করিত। সে নীরানদী-তীরস্থ হল্কর-নামক গ্রামে বাস করিত বলি-য়া লোকে তাহাকে হল্কর কহিত। মল-হর-রাও পৈতৃক-ব্যবসায় অত্যন্ত বিরক্ত হই-য়া যুদ্ধবৃত্তি অবলম্বন করিলেন, ও কাণ্টাজী-কদম-নামক এক ব্যক্তি সেনানায়কের অধীনে কর্ম প্রাপ্ত হইয়া তাহার সঙ্গে গুজ্জর-দেশ জয় করিতে যাত্রা করেন। ঐ যুদ্ধে তাঁহার বিশেষ যুদ্ধ-নৈপুণ্য প্রকাশ পাওয়াতে তিনি ২৫ অশ্বের অধ্যক্ষতা পদে অভিষিক্ত হইয়েন। মল-হর-রাও যৎকালে তাণ্ডি-নদী-তীরে কদমের বাটার কার্য নিব্বাহ করিতে নিযুক্ত ছিলেন, তৎকালে পেশওয়া ঐ কদমেররাজ্যদিয়া মাল-ব-দেশে সৈন্য প্রেরণ করিবার উপক্রম করাতে মল-হর-রাও অতিস্বপ্ন-সৈন্যের সহিত সাহস-

পূর্বক তাহাদিগের পথ-রোধ করিতে উদ্যত হইলেন। পেশওয়া তাহার অসম্মত সাহস ও বীর্য সন্দর্শনে মহাতুষ্ট হইয়া তাহাকে কহি-লেন; “যে তুমি হতভাগ্য কদমের অধীনস্থ পরিত্যাগ করিয়া এক্ষণে আমার অধীনস্থ স্বী-কার কর”। এই পরামর্শে মল-হর-রাও, সম্মত হইয়া অনুমান ১৭২৪ খ্রীষ্টাব্দে পেশওয়ার সৈন্য মধ্যে ভুক্ত হইয়া একশত অশ্বের অধ্য-ক্ষতা পদে নিযুক্ত হন। তৎপরে শায়ুই তাঁ-হার পদের উন্নতি হইয়াছিল, কারণ ১৭৩২ খ্রী-ষ্টাব্দে যে সময় মালওয়া-রাজ্যের সুবাদার দিয়া-বহাদুর পেশওয়ার সহিত যুদ্ধে পরাস্ত হন। এবং উক্ত রাজ্যে পেশওয়ার অধিকার হয়, সে সময় মল-হর-রাও পেশওয়ার সেনা-পতিত্ব-পদে অভিষিক্ত ছিলেন। ঐ ব্যাপারের কিছু দিন পরে মল-হর-রাও সেনার ব্যয়-নিব্বা-হার্থে পেশওয়ার নিকট হইতে ইন্দোর রাজ্য প্রাপ্ত হন, এবং ১৭৩৫ শালে নর্মদা-নদীর উত্ত-রাংশস্থ সমুদায় মহারাষ্ট্র-দেশের কর্তৃত্ব-পদে নিযুক্ত হন। ১৭৩৮ খ্রীষ্টাব্দে যখন ভূপাল-রা-জ্যের নিকটে নিজামুল-মুল্কের অধীনস্থ রাজ-সৈন্য-সকল আক্রান্ত হয়; তখন মল-হর-রাও

যুদ্ধে অত্যন্ত সাহস ও পারদর্শিতা প্রকাশিত করেন, এবং পরে তাঁহারই বাহুবল-প্রভাবে নর্মদা-নদীহইতে চম্বল-নদী-পর্যন্ত সমুদায় স্থান মহারাষ্ট্রীয়-রাজ্যের অন্তর্গত হইয়াছিল।

এই ঘটনার পর-বৎসরে মলহররাও পোটু-গিন্দিগের সহিত ঘোরতর সন্ধাম করিয়া তাহা-দিগের অধিকৃত বাসিন-নামক স্থান আক্রমণ করেন। তদনন্তর তিনি নাদিরশাহের আক্রমণ-হইতে পেশওয়ার অধিকার রক্ষা করিবার নিমিত্ত হিন্দুস্থানে আসিয়া পেশওয়ার অনেক সহায়তা করেন; কিন্তু নাদিরশাহ মহারাষ্ট্রদেশ-পর্যন্ত গমন করেন নাই; তিনি দিল্লীনগর লুট করিয়াই পারস-দেশে প্রত্যগমন করেন।

১৭৫১ খ্রীষ্টাব্দে যে সময় রোহিলাদিগের সহিত অযোধ্যার নবাবের যুদ্ধ হয়, তৎকালে হুলকর ঐ নবাবের অনেক সাহায্য করেন। পরে কোশলক্রমে উহাদিগের উভয়পক্ষের মধ্যে সন্ধি করিয়া দেন। মহারাষ্ট্রীয়দিগের যুদ্ধকালে গাজিউদ্দীন তাহাদিগকে রাজস্বের প্রদান করিবার নিমিত্ত বহুসংখ্যক মুদ্রা ঋণস্বরূপ প্রদান করেন; ও তাহার পরিবর্তে মহারাষ্ট্রীয়দিগের নিকটহইতে হাইদরাবাদের কর্তৃত্ব করিতে এক করমান প্রাপ্ত হন। তাঁহাকে নিজপদে স্থাপন করণার্থে এবং তাহাদিগের ভ্রাতৃবিরোধ-ভঞ্নার্থে হুলকর ৪০,০০০ হাজার মহারাষ্ট্রীয় যোদ্ধা ও রঘুনাথ-রাওকে সমভিব্যাহারে লইয়া তাহার সঙ্গে গমন করেন; কিন্তু গাজিউদ্দীন আওরঙ্গাবাদ পৌছিয়া কোন ছলনাক্রমে বিষপানদ্বারা হত হইলে হুলকর হিন্দুস্থানে প্রত্যগমন করিলেন।

এই সময় হুলকরের ও পেশওয়ার ভ্রাতার সহিত মহাবৈরভাব উপস্থিত হয়, এবং ঐ বৈরভা-উপ-

লক্ষে পেশওয়া-ভ্রাতৃদ্বারা ৮ বৎসরের পর পানিপতে মহাসর্বনাশ উপস্থিত হয়। পানিপতের যুদ্ধে বহুসংখ্যক মহারাষ্ট্রীয় যোদ্ধারা নিহত হয়; হুলকর স্বীয় যুক্তি উপদেশদ্বারা ঐ বিষয়ের কোন প্রতীকার করিতে পারেন নাই।

মলহররাও ৪০ বৎসর-কাল-পর্যন্ত নানাপ্রকার যুদ্ধ বিগৃহ করিয়া এবং মহারাষ্ট্রীয় যোদ্ধা-দিগের মধ্যে বিশেষ খ্যাতি লাভ করিয়া ইংরাজি ১৭৩৫ অব্দে পরলোকে গমন করেন। তিনি প্রায়ঃ ৭৫,০০,০০০ পাঁচত্র লক্ষ টাকা রাখিয়া যান। তাঁহার মৃত্যুর পূর্বেই তাঁহার পুত্র খুন্দীরাও কালের গুাসে পতিত হইয়াছিলেন, কিন্তু তাহার একটি পুত্র ছিল, তাহার নাম মালিরাও। পেশওয়া তাহাকেই হুলকরের উত্তরাধিকারী করিয়াছিলেন, কিন্তু দুঃখের বিষয় এই যে সে শিশুসন্তান বয়ঃপ্রাপ্ত হইতে না হইতেই প্রাণত্যাগ করে।

তদনন্তর খুন্দীরাও-হুলকরের উপস্ত্রী অহল্যা-বাই অতি-আশ্চর্যরূপে সমস্ত বিষয়কার্য নিষ্পন্ন করিতে লাগিল। তাহার ন্যায়-পরতা ও কর্মদক্ষতা সন্দর্শন করিয়া মালব-রাজ্যের সকল লোকেই তাহাকে প্রশংসা করিতে লাগিল। ফলতঃ তাহার অসাধারণ দয়া ও অসামান্য বদান্যতার জন্য তাহাকে অবশ্যই প্রশংসা করিতে হয়। তিনি টুকাজী-হুলকর-নামক এক ব্যক্তিকে আপনার সেনাধিপত্য-পদে নিযুক্ত করেন। কিন্তু ঐ ব্যক্তির সহিত অহল্যা-বাইর কোন বিশেষ সম্পর্ক ছিল না। জগন্নাথ-ক্ষেত্রে ও বারণসীতে অহল্যা-বাই নিষ্পাদিত অনেক সংকীর্্তি অদ্যাপি বর্তমান আছে।

টুকাজী সমস্ত সেনার কর্তা হওয়াতে সুতরাং রাজ্যের উপরেও তাহার কর্তৃত্ব হইয়া উঠিল। ১৭৮০ শালে টুকাজী সিন্ধিয়ার সহিত নি-

লিত হইয়া গুজ্জর-প্রদেশীয় ইংরাজ-সেনাপতি করনেল্ গডার্ডের প্রতি বিপক্ষতাচরণ করেন, এবং ১৭৮৬ শালে যখন সেবানুর-প্রদেশের নবাব টিপুসুলতানের উপর আক্রমণ করে; তৎকালেও তিনি বিশেষরূপে ঐ নবাবের সহায়তা করিয়াছিলেন। ইউরোপ-দেশে যে প্রকার সৈন্যের শৃঙ্খলা ও রীতি নীতি আছে, ১৭৯২ শালে টুকাজী আপন সৈন্য-সকলকে সেই রূপে শৃঙ্খলা-বদ্ধ করিতে আরম্ভ করিলেন। তিনি মুশি ও ডুডরনেক নামক দুই জন করাসীশকে আপনার চারি দল সৈন্যের উপর অধ্যক্ষ পদে নিযুক্ত করেন।

যে বৎসর তিনি একপ সৈন্য প্রস্তুত করেন, সেই বৎসরেই সিন্ধিয়ারদিগের সহিত তাঁহার মহাযুদ্ধ উপস্থিত হওয়াতে তাঁহার ঐ সুশিক্ষিত সৈন্য-সকল প্রায়ঃ অনেক হত হয়, কিন্তু তথাপি তিনি সে পরাজয়ে নিকৎসাহী না হইয়া পুনর্বার ঐ প্রকার সেনা প্রস্তুত করিতে আরম্ভ করিলেন। চিরাভ্যাস-বশত মহারাষ্ট্রীয় যোদ্ধা-দিগের অস্বাভাব ও অস্বয়ুদ্ধ-বিষয়ে বিলক্ষণ নৈপুণ্য ছিল। তাহার অশ্বপৃষ্ঠহইতে অস্ত্রদ্বারা অনায়াসে বহু শত্রু ক্ষয় করিয়া জয় লাভ করিতে পারিত; কিন্তু তাহাদিগের মধ্যে গুলি গোলা ও কামান বন্দুকের পদ্ধতি প্রচলিত হওয়াতে তদবধি তাহাদিগের অনুন্নতি আরম্ভ হইল।

১৭৯৭ শালে টুকাজী লোকান্তর গমন করেন; ও তাঁহার মৃত্যুর দুই বৎসর পূর্বে অহল্যা-বাই প্রাণত্যাগ করেন। টুকাজীর চারি সন্তানের মধ্যে, খাসিরাও এবং মলহররাও তাহার বিবাহিতা স্ত্রীর গর্ভজাত, এবং বিত্তোজী ও যশোমন্তরাও নামক অপর দুই সন্তান তাহার উপস্ত্রীর গর্ভ-সন্তান। তন্মধ্যে খাসিরাওকে দুর্বল বিকলাঙ্গ ও দুঃশীল দেখিয়া প্রধান রাজকর্ম-

কারিরা দেশব্যবহারানুসারে তাহাকে পৈতৃক সম্পত্তিতে অনধিকারী করাই বিবেচনাসিদ্ধ বোধ করিয়াছিল। কিন্তু সিন্ধিয়ার রাজা তাহার সপক্ষতা করিলেন; তাহার এক দল যোদ্ধা রজনীযোগে মলহররায়ের প্রতি আক্রমণ করিয়া তাহাকে বধ করে, এবং তাহার একটি শিশু সন্তান সিন্ধিয়ার সেনাপতির হস্তে অর্পণ করে। সেনাপতি তাহাকে ধৃত করত সঙ্গে লইয়া গমন করেন।

বিত্তোজী এবং যশোমন্তরাও উভয়েই তাহাদিগের হস্তহইতে নিষ্কৃতি প্রাপ্ত হন। অপর বিত্তোজী দস্যুবৃত্তি অবলম্বন করিয়া কিয়ৎকাল দক্ষিণ-প্রদেশে অত্যন্ত দৌরাত্ম্য করিয়াছিলেন; পরে লোকে তাঁহাকে ধৃত করিয়া পুনা-রাজধানীতে লইয়া আইসে, এবং পেশওয়া তাহাকে হস্তির পদতলে বন্ধন-পূর্বক বারং প্রদক্ষিণ করাইয়া তাহার প্রাণদণ্ড করিতে অনুমতি দেন।

অনন্তর যশোমন্তরাও নাগপুরে রাজার শরণাপন্ন হইলেন, কিন্তু রাজা শঠতাপূর্বক তাহাকে বন্দি করিয়া রাখেন। তিনি ছয় মাস কাল ঐ রূপে কারাবাস করিয়া অবশেষে পলায়ন-পূর্বক কিছু দিন গোপনভাবে অজ্ঞাত-বাসে কাল হরণ করিতে লাগিলেন। তাঁহার স্বীয় উৎসাহ ও উদ্যোগদ্বারা এবং পূর্বপুরুষের অসাধারণ সন্তান হেতু অবিলম্বেই তিনি পুনর্বার লোকসম্মুহ করিতে সক্ষম হইলেন, এবং উপর্যুপরি কএক বার বিপক্ষের প্রতি আক্রমণ করিয়া সত্ত্বরেই বিলক্ষণ খ্যাতি ও প্রতিপত্তি লাভ করিলেন। ফরাসিস যোদ্ধা ডুডর-নেকের সুশিক্ষিত সৈন্য ও পাঠান সৈন্য-ধ্যক্ষ আমিরখাঁর অধীনস্থ সেনা-সমূহ, ও তাঁহার ভ্রাতা খাসিরাওরের যে সকল সৈন্যসামন্ত

ছিল, সে সমস্তই একত্র হইয়া তাঁহার বশীভূত হইল।

তিনি আপন জ্যেষ্ঠ ভ্রাতার পুত্র খুন্দীরাও-রের নামে আপনাদিগের পৈতৃক রাজ্য রাখিয়া আপন প্রতিনিধির পদ গৃহণ করেন; কিন্তু পূর্বোক্ত সমস্ত সৈন্যের প্রতিপালনের অন্য কোন উপায় না পাইয়া তিনি কিছু দিন দস্যুবৃত্তি অবলম্বন-পূর্বক কাল হরণ করিতে প্রবৃত্ত হইয়া ছিলেন। শত্রু মিত্র সকলেরি সর্বস্ব হরণ করিয়া সৈন্য প্রতিপালন ও আপনার অপরাপর ব্যয় নির্বাহ করিতে লাগিলেন। তাঁহার দৌরাভ্যে সিন্ধিয়া, পেশওয়ার প্রভৃতি হিন্দু-স্থানের অনেক কানেক রাজ্য লোকশূন্য অরণ্য সমান হইতে লাগিল। পরিশেষে উজ্জয়নী-দেশে হলকর-সৈন্যের সহিত সিন্ধিয়া-সেনার এক ঘোরতর সম্মুখ যুদ্ধ উপস্থিত হয়। তাহাতে সিন্ধিয়াদিগের অনেক যোদ্ধা নষ্ট হয়; এবং তৎপক্ষেরই পরাজয় হয়। একাদশ জন ইউরোপীয় যোদ্ধার মধ্যে ৭ জন গত হয়, এবং তিন জন সাঙ্ঘাতিকরূপে আহত ও বন্দি হয়।

অতঃপর ইন্দোর রাজ্য এক মহাযুদ্ধ উপস্থিত হইয়া সিন্ধিয়ার নিকট যশোমন্তরাও পরাস্ত হন, এবং তদুপলক্ষে বিপক্ষেরা তাঁহার রাজধানী লুণ্ঠ করে। যশোমন্তরাও অবশেষে অপর কোন উপায় না দেখিয়া আপন সৈন্যদিগকে রত-লম্ব-নগর লুণ্ঠ করিতে অনুমতি দেন। ইহার পর কিয়ৎকাল তিনি নিয়মিতরূপে আর কোন যুদ্ধ বিগ্রহ করেন নাই, দস্যুবৃত্তি অবলম্বন-পূর্বক সর্বত্র লুণ্ঠ করিতে আরম্ভ করিলেন। তিনি অবশিষ্ট সেনা সমভিব্যাহারে করিয়া রাজপু-তানা অবধি পুনা-পর্যন্ত সমস্ত দেশের প্রতি নানা দৌরাভ্য করিতে লাগিলেন। এই প্রকারে

কিয়ৎকাল গত হইলে পর অক্টোবর মাসের ২৫ দিবসে পুনা-নগরে তাঁহার সহিত সিন্ধিয়া রাজার এক মহাসঙ্ঘাত হয়; এই যুদ্ধে যশো-মন্তরাও অসাধারণ বীরত্ব প্রকাশ করেন, ও সম্পূর্ণরূপে জয়ী হন; তথা সিন্ধিয়ারাজা পলা-য়ন করেন। অতঃপর ১৮০২ শালের ৩১ ডি-সেম্বর-দিবসে ঐ রাজদ্বয়ের মধ্যে এক সন্ধি স্থাপিত হয়।

তদনন্তর সিতারার-রাজার নিকট হইতে যশো-মন্তরাও পেশওয়ার রাজ্য নতন অধিপতি নি-যুক্ত করিবার অনুমতি প্রাপ্ত হইলেন, এবং তৎ-পক্ষে বিনায়করাওকে অভিযুক্ত করাই মনস্থ করি-লেন; এমত সময় বাজিরাওকে এক দল ব্রিটিশ সেনা সমভিব্যাহারে পুনা-রাজ্য আগমন করি-তে দেখিয়া তাঁহাকে অবরোধ-করণার্থে তথা-কার শত্রু-মিত্র-সকল পক্ষই এক যোগ হইল। এই উপলক্ষে সিন্ধিয়ার রাজা যশোমন্তের সহিত মিলন করণাভিলাষে তাঁহার ভ্রাতৃপুত্র খুন্দী-রাওকে তাঁহার হস্তে সমর্পণ করেন। যশো-মন্তরাও যদিচ ব্রিটিশ সেনার বিপক্ষে অস্ত্র ধা-রণ করিতে অস্বীকার করিয়াছিলেন; কিন্তু ফলতঃ শীঘ্র তাহা অনুষ্ঠান করেন নাই। অবশেষে হলকরের সহিত ব্রিটিশ-রাজ্যের বিবাদ উপ-স্থিত হয়, এবং কর্নেল মনসন সাহেবের অধী-নস্থ এক দল সামান্য সৈন্যের সহিত যুদ্ধ করিয়া যশোমন্তরাও জয় প্রাপ্ত হইয়া মহাশা-হসী হইয়া উঠিলেন, এবং কথিত আছে, ২০০০০ হাজার যোদ্ধা সঙ্গে লইয়া ব্রিটিশ প-ক্ষের দিল্লীনগর আক্রমণ করেন, কিন্তু তাহাতে পরাহত হন। পরে করকাবাদের এক যুদ্ধে পরাস্ত হইয়া যশোমন্তরাও ভরতপুরের রা-জার শরণাপন্ন হন, এবং তাঁহার সহায়তায়

উপর্যুপরি কএক বার ইংরাজদিগের অনেক অনিষ্ট করেন। অনন্তর ভরতপুরের রাজার সহিত ব্রিটিশদিগের সন্ধি হইলে তথায় আর কোন উপায় না পাইয়া-রাজা রণজীত সিংহের সাহা-য্য পাইবার প্রত্যাশায় যশোমন্ত শিখ-রাজ্যে প্রস্থান করেন; কিন্তু তাহাতে কোন ইষ্ট সিদ্ধ না হইলে অবশেষে লর্ড লেক সাহেব কর্তৃক ব্রিটিশদিগের নিকট পরাস্ত হন; এবং আপনার অনেক-রাজ্যাদি-ক্ষতি-স্বীকার-পূর্বক তাহাদিগের সহিত সন্ধি করিয়া স্বীয় সৈন্যসামন্ত লইয়া মালব-রাজ্যে প্রস্থান করেন। এই ঘটনার এক বৎসরের পরে ব্রিটিশ-কর্মাধ্যক্ষেরা তাঁহার সদব্যবহার দেখিয়া তাঁহার সমস্ত রাজ্য ফিরিয়া দেন।

ইং ১৮০৬ অব্দে যশোমন্তরাও নিকটক হইবার মানসে তাহার কারাবদ্ধ ভ্রাতা খানিরাও এবং তাঁহার গর্তবতী পত্নীকে বধ করেন। ঐ বৎসরে তাঁহার ভ্রাতৃপুত্র একাদশ-বৎসরের বালক খুন্দী-রাও বিষ পানদ্বারা প্রাণত্যাগ করে।

যশোমন্ত রাজ্য-সম্পাদ বৃদ্ধি করিতে অসম্মত অনুরাগী হও যাতে, ক্রমে তাঁহার বুদ্ধির হুম হইতে লাগিল; এবং পরে তিনি বিক্ষিপ্তপ্রায়ঃ হওয়াতে তাঁহার অমাত্যগণ তাঁহাকে যাব-জ্জীবন কারাবদ্ধ করিয়া রাখিল। ঐ কারাগারে ইং ১৮১১ শালে তাঁহার লোকান্তর-প্রাপ্তি হয়।

যশোমন্তের উন্মাদাবস্থায় তাঁহার পুত্র মলহর-রাও তৎপদাভিযুক্ত হইয়া; কিন্তু তাঁহার প্রিয়পত্নী তুলসী বাই সমস্ত রাজকার্য নিষ্পাদন করিতেন।

যশোমন্তের মৃত্যুর পর অবধি হলকর-রা-জ্যের অতি শীঘ্র হুম হইতে লাগিল। ফলতঃ রাজ-বিপ্লবের সকল কারণ ঘটয়া উঠিল, স্ত্রী-নায়ক, শিশুনায়েক, এবং বহুনায়েক ইহার কি-ছুই আর অপেক্ষা রাখিল না; রাজ্যের উপর


সকল দোষ ঘটিল। প্রজারা বিহিত-বিধানে বিচার প্রাপ্ত হয় না; সেনাগণ বিশৃঙ্খলাগুস্ত হইয়া বেতনের জন্য সর্বদা উৎপাত করে; এই সকল অবস্থা সন্দর্শন করিয়া তুলসী বাই তাঁ-হার এবং সেই শিশুসন্তানের রক্ষণাবেক্ষণের জন্য আপনাই হইতে ব্রিটিশ-গবর্নমেন্টের নিকট সাহায্য প্রার্থনায় আবেদন করিলেন। এই প্রকার প্রস্তাব মাত্র হইল, কিন্তু বস্তুতঃ কোন ব্যবস্থাই হইল না; অধিকন্তু পেশওয়ার সহিত পুনঃ শত্রুত্ব আরম্ভ হইল। পেশওয়ার পাঠান-কর্মাধ্যক্ষেরা হলকরের সেনাদিগের সকল বেতন পরিশোধ করিয়া তাহাদিগকে বশীভূত করিল, এবং যুদ্ধে প্রবৃত্ত হইল। প্রথমতঃ তাহারা তুলসী বাইকে বধ-করণ নিমিত্ত তাঁহাকে সিপরা-নদীর তীরে প্রেরণ-করিবার মন্ত্রণা করিল, এবং তাহার প্রধাম ২ মন্ত্রিদিগকে কারাগারে বদ্ধ করিল। পরে মহাদ-পুরে এক ঘোর সঙ্ঘামে হলকর-সৈন্য একেবারে পরাস্ত হয়, এবং সুতরাং হলকর-রাজ্যের অনেক-ক্ষতি-স্বীকার-পূর্বক পাঠানদিগের সহিত তাহাদি-গের মনোমত-নিয়মে সন্ধি স্থাপন হইবার প্রস্তাব হয়। ঐ সন্ধির প্রধান নিয়ম এই যে নবাব অমর খাঁ এবং তাঁহার শ্যালক গফুর খাঁর জায়গার যাহা হলকরের অধীন ছিল তাহা এককালে ত্যাগ করি-তে হইবেক; কোটা প্রদেশের কর্মকর্তাকে চারি-খানি চাকলা নিষ্কর দান করিতে হইবেক, এবং বি-টিশ অধিকারের মধ্যে সৎপুরা-পাহাড়ের দক্ষিণাংশে হলকরের যে সমস্ত ভূমি আছে, তাহা ব্রিটি-শদিগেরই থাকিবেক। এই নিয়মে সন্ধি স্থাপিত হইলে পর ব্রিটিশ-কর্মাধ্যক্ষেরা হলকরের অবশিষ্ট সকল রাজ্যের রক্ষণাবেক্ষণের ভার গৃহণ করিলেন।

এই অবস্থায় হলকর রাজার যে অধিকার ছিল তদ্বারা বার্ষিক ১৩ লক্ষ টাকা উপস্বত্ব উৎপন্ন হইত;

কিন্তু ঐ অধিকারস্থ ভূমি সকলের অবস্থা ক্রমশঃ উন্নত হইয়া তাহাহইতে ২০ লক্ষ টাকা বাৎসরিক উপস্বত্ব স্থির হইয়াছিল; ঐ টাকার মধ্যহইতে কেবল তিন সহস্র অখারোহী সেনার ব্যয় নির্বাহ করিতে হইত।

ইহার পর যশোমন্তের পুত্র মলহররাও বহু-কালাবধি পরমসুখে রাজ্য করিয়াছিলেন। তাহার

পিতার উন্মাদাবস্থার পর একাদশ বৎসর কাল যে মত প্রজারা নানা কষ্ট পাইয়াছিল, রাজ্যের প্রতি নানা উৎপাত ও উপদ্রব ঘটিয়াছিল, তাহার সময়ে তেমনি প্রজারা সকলে সুখে কালহরণ করিতে লাগিল, দিনদিন রাজ্যের শৃঙ্খলা বৃদ্ধি হইতে লাগিল এবং মলহররাও নিষ্কণ্টকে নিষ্কণ্ডবে রাজ্যপালন করিতে লাগিলেন।



সেনোটেন্।

## কস্তুরী-মৃগ।

কিত আছে যে একদা গর্দভ-পৃষ্ঠে আকট এক বৃদ্ধ তাহার সন্তানকে সঙ্গে লইয়া হটে যাইতে ছিল। পথিমধ্যে তাহাদিগকে দে-

খিয়া লোকে কহিতে লাগিল, “দেখ, কি নিষ্ঠুর পুরুষ; আপন সন্তানকে হাঁটাইয়া আপনি গাধায় চড়িয়া যাইতেছে।” বৃদ্ধ ঐ কথায় লজ্জিত হইয়া পুত্রকে গর্দভাঙ্কট করাইয়া স্বয়ং পদবুজে চলিল; কিন্তু তাহাতে কোন ফল দর্শিল না। পথিকেরা ঐ পুত্রকে খরপৃষ্ঠ দেখিয়া

কহিলেক, “এব্যক্তি কি পামর, বৃদ্ধ পিতাকে হাঁটাইয়া আপনি গর্দভ-পৃষ্ঠে যাইতেছে”। পুত্র ঐ তিরস্কারে খরপৃষ্ঠ হইতে অবতরণ করিয়া পদবুজী হইল, কিন্তু ইহাতেও নিন্দাহইতে ঐ পিতাপুত্রের নিষ্কৃতি হইল না; কারণ তাহাদিগকে তদবস্থায় দেখিয়া অপর কতকগুলি লোকে কহিতে লাগিল, “দেখ, ইহারা কি মূর্থ! হুঁষ্ট পুঁষ্ট একটা গর্দভ সঙ্গে থাকিতেও আপনারা হাঁটিয়া মরিতেছে”। বিবিধার্থে প্রাণিবিদ্যার আলোচনায় আমাদিগের এই বৃদ্ধের দশা উপস্থিত।

আমাদিগের আত্মীয় বন্ধু অনেকেই জীবসংস্কার বর্ণনে অতৃপ্ত হইয়া থাকেন; তাহাদিগের বোধে বিবিধার্থের যে কয়েক পৃষ্ঠে পশুপক্ষ্যাদির বিবরণ থাকে তৎসমুদয় ব্যর্থপ্রযুক্ত হয়; তাহাতে অন্য কোন প্রয়োজনীয় প্রসঙ্গ থাকিলে অনেকের উপকার দর্শিতে পারে। এতৎপত্রের তিন চারি পৃষ্ঠের অধিক কদাপি প্রাণিবিদ্যার আলোচনায় নিযুক্ত হয় না; তত্রাপি তাহার অনুরোধে তাহার সমস্ত পত্রকে প্রাণিবিদ্যেৎসাহি পত্র বলিয়া উল্লেখ করেন। অপর কতিপয় বিদ্যেৎসাহি মহাশয়েরা কহেন যে এতদেশীয় ব্যক্তিবর্গ প্রাণিবর্গের অবস্থা-বিষয়ে অত্যন্ত অজ্ঞ, এবং ভ্রমপ্রযুক্ত প্রচুর-পশুপক্ষ্য-পরিবৃত-দেশে বাস করিয়া ঐ সকল জীবহইতে আপনাদিগের ঐহিক মঙ্গল সাধন করিতে পারে না; অতএব তদ্বিষয়ে মনোযোগী হইয়া যাহাতে স্বদেশি-জনগণ জীবসৃষ্টি-হইতে অর্থসাধন করিতে পারেন ইহা আমাদিগের অবশ্য কর্তব্য; তাহাতে কোন মতে নিষ্কর্ষ হওয়া উচিত নহে; যে কোন প্রকারে এতদেশীয় লোক জীবসৃষ্টির বিবরণ সম্যক্রূপে জ্ঞাত হইতে পারেন

ইহা সর্বদা চেষ্টিতব্য। সুতরাং পশুপক্ষির বর্ণন করা না করা উভয়ই কোন না কোন আত্মীয়গণের অতৃপ্তির কারণ হইতেছে। এই উভয়-সঙ্কটে উক্ত বৃদ্ধের ন্যায় পুনঃ ২ অবস্থার পরিবর্তন না করিয়া কোন পক্ষ যথার্থ ইষ্ট তাহারই নিষ্কপণ করা সম্প্রতি আমাদিগের কর্তব্য। ইহা অনায়াসেই অনুভূত হইতেছে, পশুপক্ষির বিবরণ সুরস সুপাঠ্য নহে; অতি অল্প ব্যক্তি তৎপাঠে পরিতৃপ্ত হইয়া থাকেন। কি ইংরাজি, কি পারসি, কি সংস্কৃত, কি বাঙ্গালি, কি ফরাসিস, কি হিন্দী যে কোন ভাষায় আমরা জীব-বিবরণ পাঠ করিয়াছি তৎসমুদয় কর্কশ বোধ হইয়াছে; কোন বর্ণনাই কৌতুকবহু গল্পের ন্যায় মনোরম অনুভূত হয় নাই; পরন্তু জীবসংস্কার বর্ণনার কুশ্ণাব্যতা ভিন্ন অন্য কোন দোষ কেহ আরোপিত করেন নাই; বোধ করি ইহার উপকারিতা বিষয়ে কাহার সন্দেহ নাই। ইহা স্বীকর্তব্য যে “একটা সাদা পোকা আছে, তাহার লেজের কাছে একটা কাল চিহ্ন থাকে; ঐ কীট সাতদিন তৃত কি অন্য গাছের পাতা খায়, আট বা দশ দিনের দিন গুটি বাঁধে” এতাদৃশ-বর্ণনায় অল্পলোকের তৃপ্তি জন্মিতে পারে; পরন্তু যখন মনে করা যায় যে সর্বোৎকৃষ্ট বস্ত্র ঐ কীটহইতে উৎপন্ন হয়—তাহার প্রতিপালনে ভারতবর্ষে বিংশলক্ষাধিক মনুষ্য প্রতিপালিত হইতেছে, ও প্রতি বর্ষে দুই কোটি মুদ্রা লভ্য হইয়া থাকে—তখন ঐ কীটের প্রতি সে হেয়জ্ঞান আর কদাপি থাকিতে পারে না। মক্ষিকা কি সামান্য পদার্থ! আশু বোধ হয় না যে তাহার দৈহিক বিবরণ শ্রোতব্য হইতে পারে, অথচ ঐ মক্ষিকা হইতে কত লোক প্রচুর-সম্পত্তি-শালী হইয়াছে! তাহাহইতে কত সহস্র মন মধ্য ও মোম উৎ-



কুত্রাপি ইহার অন্যথা সম্ভাবনীয় নহে। খাদ্যজীব অপেক্ষায় খাদকজীবের সঙ্খ্য। অল্প, ইহা অনেকই জ্ঞাত আছেন। প্রয়োজনীয় গো অপেক্ষায় অপ্ৰয়োজনীয় ব্যাঘ্র কত অংশে অল্প? যে পরিমাণে খাদ্যাদি শস্য জন্মে, তাহার সহিত সুস্বাদু অথচ অপৌষ্টিক দাড়িম্বের তুলনা কেই করিবেন না। সুবর্ণ সর্বাপেক্ষায় সুন্দর ধাতু বটে, কিন্তু লৌহ-তাম্বাদি-ধাতুতে আনাদিগের যে সকল উপকার দর্শে, সুবর্ণে তাহার কিঞ্চিৎমাত্র সম্ভাবনীয় নহে। মনুষ্যের ঐহিক-সুখ-সংবর্জনার্থে লৌহ যাদৃশ উপকারী অপর কোন ধাতু তাদৃশ নহে। রজত, কাঞ্চন, সীসক, তাম্বাদি ধাতু পৃথিবীতে না থাকিলে আমাদিগের কোন বিশেষ অনিষ্ট সম্ভবে না; কিন্তু অতঃপকাল লৌহবিহীন হইলে আমাদিগকে পশুহইতেও অধম হইতে হয়—গৃহ, বস্ত্র, অনঙ্গার শস্যাদি কিছুই আমরা বিনা লৌহে প্রস্তুত করিতে পারি না। ক্ষুধার্ত-কুকুট-পক্ষে হীরক যাদৃশ, লৌহের অভাবে সুবর্ণ আমাদিগের পক্ষে তাদৃশ হইয়া উঠে। স্বর্ণ-বলয় অপেক্ষায় দাঁ, কুড়ুল, ছুরী, যে কি পর্যন্ত প্রয়োজনীয় তাহার বর্ণনা করা যাইতে পারে না। এই প্রযুক্তই জগৎপাতা কাঞ্চনাপেক্ষায় লৌহ-তাম্বাদির পরিমাণ অপরিমেয় অধিক করিয়াছেন।

প্রায়ঃ পৃথিবীর সর্বত্রই লৌহ পাওয়া যায়—কি নীহারাবৃত হিমমণ্ডল, কি উত্তপ্ত গুণ্মমণ্ডল, সর্বত্রই লৌহ বর্তমান আছে। ভারতবর্ষের প্রায়ঃ সকল স্থানেই লৌহ অনায়াসে প্রাপ্তব্য, এই প্রযুক্ত এক জন পণ্ডিত কহিয়াছেন, যে “ভারতবর্ষের কোন স্থানে লৌহ পাওয়া যায়, এতদপেক্ষায় কোথায় লৌহ পাওয়া যায় না, ইহা নির্দিষ্ট করা কঠিন”।

স্বভাবসিদ্ধ পরিশুদ্ধ লৌহ কুত্রাপি পাওয়া যায়

নাই; ধাতুরূপেও ইহা খনিতে সুপ্রাপ্য নহে। স্বভাবসিদ্ধ ধাতুরূপ যে লৌহ পাওয়া গিয়াছে, তাহাতে নিকেল নামক এক বিশেষ ধাতু মিশ্রিত আছে; খনিজলৌহে ঐ নিকেল ধাতুর সম্পর্ক দেখা যায় না; অপর নিকেলের সহিত মিশ্রিত লৌহ-পিণ্ড আকাশহইতে পড়িতে দেখা গিয়াছে; এই প্রযুক্ত পণ্ডিতেরা স্থির করিয়াছেন, যে নিকেল-মিশ্রিত যত লৌহ পাওয়া গিয়াছে, তৎসমুদায়ই আকাশহইতে আগত। জিলা বালুড়ার শালকা-গুমে ইং ১৮৫১ অব্দের ৩০শে নবেম্বর রাত্রি দুই প্রহর একটার সময়ে কএক ব্যক্তি আকাশহইতে এই প্রকার লৌহপিণ্ড পড়িতে দেখিয়াছিল; ও পরদিন প্রাতে গুামস্থ অনেকেই ঐ লৌহপিণ্ড ভগ্নকরত তাহার এক ২ খণ্ড গৃহে লইয়া যায়। তাহার এক খণ্ড এইরূপে কলিকাতার আর্সিয়াটিক সোসাইটী নাম্নী সভার সঙ্গ্রহালয়ে বর্তমান আছে। রাজমহলের নিকটস্থ খড়্গপুরের পাহাড়ে এই প্রকার ১১০ মোন পরিমিত একখণ্ড লৌহ পড়িয়াছিল। পিকদেশে ডন কবিন ভিসেলিস নামা এক ব্যক্তি এই প্রকার এক লৌহখণ্ড দেখিয়াছিল, তাহার পরিমাণ, ৪০৫ মোন।

খনিমধ্যে যে সকল লৌহ পাওয়া যায়, তাহা অক্সিজিন বায়ু, কয়লা, গন্ধক, মৃত্তিকা, বা সঁথুরার সহিত মিশ্রিত থাকে; ঐ সকল পদার্থহইতে পৃথক করাই লৌহশোধন-কার্যের প্রধান কল্প।

যে বায়ুতে পৃথিবী সমাবৃত আছে, তাহা দুই অংশে পৃথক হইতে পারে, তাহার একের নাম অক্সিজিন, ও অপরের নাম নাইট্রোজিন; তন্মধ্যে অক্সিজিন আমাদিগের বিশেষ প্রয়োজনীয়; তাহাই আমাদিগের জীবনাবলম্বন; তন্নিহ্ন শ্বাস-কর্ম নিষ্পন্ন হইতে পারে না, ও তদ্বিরহে প্রায়ঃ কোন পদার্থই অগ্নিসংযোগে ভস্মভূত হইতে পারে

না। লৌহের সহিত ঐ বায়ুর অনায়াসে মিলন হইয়া থাকে; এই প্রযুক্ত লৌহ স্বভাবতঃ পরিশুদ্ধ থাকে না, অবিলম্বে তাহার সহিত মিশ্রিত হইয়া যায়; ফলতঃ তাহার মিলনেই লৌহে মরিচা পড়ে। আমরা যে সকল লৌহ ব্যবহার করি, তাহার অধিকাংশ ঐ মরিচাহইতে প্রস্তুত হয়। ঐ মরিচাপ্রযুক্ত গেরিমাটি রক্তবর্ণ হইয়া থাকে। ঐ মরিচার সহিত কয়লার সংযোগ হইলে তাহার বর্ণ শুক্ক, পীত, রক্ত বা পিঙ্কল হইয়া থাকে। কয়লামাত্র-মিশ্রিত লৌহ সীসকের ন্যায় কোমল, এবং “পুস্বেগো” নামে প্রসিদ্ধ। কাষ্টের পেনসিল নির্মাণ করিতে ঐ পুস্বেগো পদার্থ ব্যবহৃত হয়। গন্ধক-মিশ্রিত লৌহ শুক্ক, পীত, কৃষ্ণাদি, নানাবর্ণের হইয়া থাকে।

এই সকল নানাপ্রকার লৌহ-পদার্থ প্রায়ঃ স্থূলপিণ্ডরূপে প্রাপ্ত হওয়া যায়। তাহাহইতে লৌহ প্রস্তুত করিতে হইলে আদৌ ঐ পিণ্ড বড় খোয়ার ন্যায় চূর্ণ করিতে হয়; পরে তাহা এক দিন বা ততোধিক কাল অগ্নিতে পোড়াইলে তাহাহইতে বাষ্প, গন্ধক, সঁথুরা প্রভৃতি পদার্থ নির্গত হইয়া যায়। অতঃপর কাঁপা-খামের ন্যায় এক চুল্লীমধ্যে ঐ লৌহকে চূনের পাথর চূর্ণ ও কয়লার সহিত একত্রে মিশ্রিত করিয়া দিয়া দ্বাদশ ঘণ্টাকাল ক্রমাগত বৃহৎ জাঁতা দ্বারা বা অন্য কোন যন্ত্রদ্বারা অগ্নিকে অত্যন্ত প্রখর করিয়া রাখিলে লৌহ গলিয়া চুল্লীর নিম্নভাগে পড়ে। পরে চুল্লীর নিকটে কতক বালুকা ছড়াইয়া তাহাতে পয়ঃপ্রণালিবৎ ছিদ্র করত, চুল্লীর নিম্নভাগে এক ছিদ্র করিলে দুবীভূত লৌহ নির্গত হইয়া ঐ পয়ঃপ্রণালীবৎ ছিদ্রে নিপতিত হয়। ঐ দুবীভূত লৌহের নাম; “পিগ্‌আয়ারন” বা “ঢালাই-লৌহা”। ঢালাই-কর্মের নিমিত্ত এই লৌহ

অনেক ব্যবহৃত হইয়া থাকে, পরন্তু স্থিতিস্থাপকত্ব তান্তবত্ব প্রভৃতি লৌহের প্রধান গুণসকল ইহাতে থাকে না; সুতরাং ঐ লৌহে অস্ত্র বা যন্ত্রাদি নির্মাণ ও তার বা পাত প্রস্তুত হইতে পারে না। ঐ সকল দুবের প্রয়োজন হইলে আদৌ ঐ ঢালাই-লৌহকে দুইঘণ্টাকাল অত্যন্ত প্রখর উত্তাপে দুব করিয়া রাখিতে হয়। তাহা হইলে ঐ লৌহহইতে কয়লা অক্সিজিন-বায়ু প্রভৃতি পদার্থ নির্গত হইয়া লৌহ শুদ্ধ হয়। এই শোধন-কার্যের পর ঐ লৌহকে জলে শীতল করিতে হয়; ও তদনন্তর অপর এক চুল্লীতে ঐ লৌহ দুব করিয়া দুবাবস্থায় ক্রমাগত বিলোড়ন করিতে হয়; তদ্বারা লৌহ হইতে অনেক বায়ু নির্গত হয়, ও লৌহ ক্রমশঃ কঠিন পিণ্ড হইয়া যায়। ঐ কঠিন পিণ্ড পরিশুদ্ধ লৌহ; তাহাতে লৌহের সমস্ত গুণ বর্তমান থাকে। তাহাকে পিটিয়া চাদর করা যাইতে পারে; গুণ্ডিগাছ-বৎ লৌহস্থলে চাপিয়া গরাদিয়া বানান যায়; ও ডাই-নামক যন্ত্রে টানিয়া তার বানান যাইতে পারে; অধিকন্তু কয়লার সহিত বিশেষ প্রক্রিয়াদ্বারা ঐ লৌহকে পুনঃ দুব করিলে ইম্পাত প্রস্তুত হইয়া থাকে।

লৌহ-প্রস্তুত-করণের এই প্রক্রিয়া বিলাতে প্রচলিত আছে; এতদেশে ইহার প্রচার নাই। ভারতবর্ষের যে স্থানে লৌহ প্রস্তুত হইয়া থাকে, তথাকার লোকেরা ক্ষুদ্র চুল্লীতে অল্পপরিমিত লৌহ-মৃত্তিকা উত্তপ্ত করিয়া পুনঃ ২ পিটিয়া লৌহ প্রস্তুত করে; পরন্তু তাহাতে ব্যয় ও পরিশ্রম অধিক, এবং এককালে অধিক লৌহ প্রস্তুত হইবার সম্ভাবনা নাই। অধুনা লৌহ-পথ লৌহ-পোত প্রভৃতি বৃহৎ কার্যের নিমিত্ত প্রচুর-পরিমাণে লৌহের প্রয়োজন; ঐ প্রয়োজনীয় লৌহ এতদেশীয় প্রথায়

প্রস্তুত করিলে প্রচুররূপে উৎপন্ন হইবার সম্ভাবনা নাই; অতএব ভরসা করি এইরূপে এতদেশীয় ধনিব্যক্তির বিলাতীয়-প্রথানুসারে লৌহ প্রস্তুত করিতে প্রবৃত্ত হইয়া স্বদেশের ও আপন ২ উন্নতি সাধন করিতে ত্রুটি করিবেন না। বিলাতীয় প্রথায় ২৮০ চুল্লীতে প্রতিবর্ষে প্রায়ঃ দুই কোটি মন লৌহ প্রস্তুত হইয়া থাকে; তাহার মূল্য প্রায়ঃ দশ কোটি টাকা হইবেক। এতদেশে লৌহ-খনির কোন অভাব নাই; উৎসাহিত ব্যক্তি ও অর্থের সাহায্য হইলেই ভারতবর্ষীয় জনগণ বীরভূম ও পাচেকের খনি হইতে অনেক কোটি টাকা উৎপন্ন করিতে পারেন। অধুনা উত্তম পাথুরিয়া কয়লার ও লৌহের খনি সুবর্ণ-খনি-হইতে-ও লাভজনক; অতএব ধনার্থি ধনি ব্যক্তিদিগের এবিষয়ে মনোযোগ করা অত্যন্ত আবশ্যিক; ভরসা করি স্বদেশীয়গণ এবিষয়ে মনোনিবেশ করিতে ত্রুটি করিবেন না।

### মোল্লাজীর পাঠশালা।

কোন স্থানে এক জন মোল্লা কতকগুলি বালকদিগকে পাঠ-শিক্ষা করাইয়া কালযাপন করিত। এক দিন এক বালকের পিতা আসিয়া মোল্লাকে কহিল, “মিঞা সাহেব, আমার পুত্রকে আপনি কিছুমাত্র শিক্ষা দেন নাই। সে কেবল দিবারাত্রি খেলা করিয়া বেড়ায়, পড়িবার নামও করে না, আর আমার কথায় দৃক-পাতও করে না”। মিঞাজী একথায় অত্যন্ত ক্রোধ করিয়া বলিলেন, “হাঁ সাহেব, ধাপ দেশের কাপু বিচার উলট-কাটায় মাপ; আমি এক-বর্ষ-পর্যন্ত কত পরিশ্রম করিয়া লেখা পড়া শিখাইয়া গাধাহইতে মানুষ

করিলাম, তুমি বল আমার পুত্রকে কিছুই শিখাও নাই”। মিঞাজীর একথায় সে ব্যক্তি কিঞ্চিৎ অপ্রস্তুত হইয়া আস্তে ২ প্রস্থান করিল। পরন্তু ধনাঢ্য এক জন ধোবা ও তাহার স্ত্রী ঐ কথোপকথন শুনিয়া মোল্লাজীর নিকট অগুনসর হইয়া জোড়হস্তে বিনয়পূরঃসর কহিল, “মিঞাজী সাহেব, যত টাকা চান ততই দিব, কিন্তু আমার গাধাটিকেও মানুষ করিয়া দিতে হইবে”। মোল্লা মনে ২ বুঝিলেন, এ দুই জনেই গণ্ডমূর্খ; হুস্ব দীর্ঘ কিছুরই জ্ঞান নাই, অথচ ধনে পরিপূর্ণ, তাহাদিগের কাছে কিছু হাতনারাই শ্রেয়ঃ। এই মনন করিয়া কহিলেন, “একটি হাজার টাকা দক্ষিণা দিয়া গাধাকে আমার এখানে রাখিয়া যাও, এক বৎসরমধ্যে তোমাদের অভীষ্ট সিদ্ধ হইবে”। রজক তৎক্ষণাৎ এক হাজার-টাকা-প্রদানপূর্বক আপন গাধাটিকে সেখানে রাখিয়া গেল।

একবৎসর অনন্তর রজক রজকিনী মোল্লাজীর নিকট আইলে, তিনি কহিলেন, “আহা! তোমরা দুই দিন পূর্বে আসিতে তো তোমাদের গাধাটির সহিত সাক্ষাৎ হইতে পারিত। এখন সে জোনপুর-গুামে কাজীর পদ প্রাপ্ত হইয়াছে”। ধোবা জিজ্ঞাসিল, “মিঞাজী সাহেব, এখন আমরা তাহাকে কেমন করে পাইব”। তিনি উত্তর দিলেন, “তোমরা তাহাকে বাঁধিবার দড়ী, দানা, আর গামলা সঙ্গে লইয়া সেই গুামে কাজীর সম্মুখে গিয়া এমত স্থানে দাঁড়াইবে, যে তিনি আপনার দড়ী দড়া দেখিয়া তোমাদিগকে চিনিতে পারেন; পরে যখন তোমাদিগকে তিনি নিকটে ডাকিবেন, তখন তোমরা তাহার সঙ্গে নিরালয় বসিয়া এই সব বৃত্তান্ত জানাইবে; যদিপি-স্যাৎ তিনি আপনার পূর্ব বৃত্তান্ত প্রকটিত

করাতে তোমাদিগকে ভয় দেখান, তথাপি তোমরা ডরিও না, বরং বলিবে যে আপনি যদি এ কথা-য় বিশ্বাস না জান, তবে চলুন, আপনার শিক্ষক মোল্লাজীর কাছে জিজ্ঞাসা করিবেন; আমরা কি কোন দলীল না পাইয়া এত বড় মান্য-লোকের নিকটে অমনি দড়াদড়ি গামলা লইয়া আসিয়াছি”।

মোল্লাজীর এই কথানুসারে তাহারা জোনপুরে গিয়া উক্ত-নিয়ম-পূর্বক কাজীর সম্মুখে দণ্ডায়মান হইল। “ইহারা দুই জনে বমাল-শুদ্ধ লইয়া আমার কাছে অভিযোগ করিতে আসিয়াছে, ইহারা যথার্থ বাদী হইবে”, এই বোধে কাজী তাহাদিগকে নিকটে ডাকিলেন। তাহারা মনে করিল, যে বুঝি আপনার বাঁধিবার দড়া ও খাইবার গামলা দেখিয়া তাহাদিগকে চিনিয়া নিকটে ডাকিতেছেন, ও ঐ বোধে হর্ষ-পূর্বক তাহার সমীপে উপস্থিত হইল।

কাজী ইহাদিগকে জিজ্ঞাসা করিলেন, “তোমরা দড়াদড়ী গামলা লইয়া কি করিয়া দ করিতে আসিয়াছ” ? তাহারা কহিল, “সে কথা আমরা নিরালয় বলিব”। পরে কাজী একান্তে গিয়া বসিলে, তাহারা তাহাকে আনুপূর্বিক পূর্বোক্ত বৃত্তান্ত শুনাইল। তাহা শুনিবামাত্র কাজীসাহেব অপ্রস্তুত হইয়া মনে ২ ভাবিতে লাগিলেন, “যে কোন সুচতুর ব্যক্তি ইহাদিগকে কাণ্ডজ্ঞান রহিত জানিয়া প্রতারণা করিয়াছে, আমি যদি এবিষয়ে অস্বীকার করি, তবে এই মূর্খ বেচারী রাষ্ট্র করিয়া বেড়াইবে, এবং আমাকেও ছাড়িবে না; অপর যদিপি স্বীকার করি, তথাপি লজ্জার বিষয়; যাহা হউক, অস্বীকার করিয়া রাষ্ট্র করা অপেক্ষা আপনাপন প্রযুক্তই কার করা ভাল”। কাজী এপ্রকার তি, রোমীয় করিয়া বলিলেন, “তোমরা যাহা বায়েরা রূপক-

সত্য বটে, এখন তোমরা কি চাহ” ? তাহারা কহিল, “আমাদের সন্তানাদি কেহ নাই; অতএব কালবশতঃ আমাদের পরলোক হইলে তুমি আমাদের পুত্রবৎ গোর দিবে, আর যত বিষয়াশয় আছে তাহা ভোগ করিবে, আমরা এই চাহি”। কাজীসাহেব ভাবিলেন, “একথা কোন ভদ্রলোক শুনিতে পাইলে অত্যন্ত লজ্জাদায়ক হইবে; এবং এখন যাহারা আমাকে কাজীসাহেব বলিয়া মান্যমান করিতেছে, সে সকলে পাজী বলিয়া আহ্বান করিবে, অতএব গোপনে এই পাগলদিগকে শাস্ত করাই শ্রেয়ঃ” অপর এপ্রকার সাত পাঁচ ভাবিয়া তাহাদিগের পুত্র স্বীকার করিলেন।

### কুলীন-কুলসর্বস্ব-নাটকের সমালোচন।

সুভাষাঙ্ক মনুষ্যমাত্রেই অনুকরণে রত। অনেক অবস্থা, অনেক ভাব, বা অনেক রূপদেহাদি ধর্ম উজ্জলরূপে মনে বিকসিত হইলেই সেই ব্যক্তির অল্পতর্কিত স্বরের অনুকরণ করিতে প্রায়ঃ সকলেরই প্রবৃত্তি হয়। কদাপি ইচ্ছা না থাকিলেও ঐ প্রবৃত্তি স্বয়ং উৎপন্ন হইয়া থাকে। এই অনুকরণ-ক্রিয়া মনুষ্য-মাত্রেই আনন্দজনক। বালকেরা ইহাতে সর্বদা তৎপর; পিতৃমাতৃ বয়স্য পরিজন প্রভৃতির জীবনযাত্রায় যে সকল ক্রিয়ার সম্পাদন করে, বালকেরা তাহার অনুকরণ করিতে নিয়ত অনুরত থাকে; তাহাদিগের অত্যন্ত প্রমোদজনক ক্রীড়ার মধ্যে অনুকরণ-কার্যই সর্বপ্রধান। ক্ষুদ্র-গৃহের অধিকাংশ ক্রিয়া, তাহাতে মৃত্তিকাদি পদার্থদ্বারা কা-দুরবস্থা অন্ন ব্যঞ্জন প্রস্তুত করা, পরিবেশন করা, গণ কলিকাকে পুত্রকন্যার ন্যায় লালনপালন গার্হে হার বেশভূষা ও কম্পিত বিবাহাদি-সং-

স্কার সমাধা করা, অপেক্ষায় বালিকার পক্ষে প্রিয়-  
তর ক্রোড়া কিছই দেখা যায় না; ও বালকের পক্ষে  
শুকুমহাশয় হওয়া, রাজা হওয়া, চোর হওয়া,  
কম্পিত অশ্বারোহণ করা প্রভৃতি কার্যই অত্যন্ত  
প্রমোদজনক। বাল্যকালাবধি এই রূপ অনুকরণ-  
স্পৃহা বর্দ্ধমান। হইতে ২ অধিক বর্ষস্ককে অভিনয়-  
নয়ের সৃষ্টি করায়; ফলতঃ ইহলোকে যে সকল  
ঘটনা সর্বদা ঘটিয়া থাকে প্রমোদ-জননার্থে তা-  
হার অনুকরণের নাম “অভিনয়”।\*

এই প্রকারে অনুকরণকে অভিনয়ের মূল বলিয়া  
স্বীকার করিলে স্পষ্টরূপে প্রতীত হইতে পারে,  
যে, যে ঘটনাদি যে ২ ব্যক্তি দ্বারা সম্বন্ধিত হয়,  
অভিনয়েও তদ্রূপে ব্যক্তির উপস্থিতি থাকা  
আবশ্যিক। এ সকল ব্যক্তির প্রকৃতি অব-  
য়ব, গঠন, দীর্ঘতা, খর্বতা, বয়ঃক্রম, সৌন্দর্য  
প্রভৃতি যে প্রকার হয় অভিনয়েতে সেই সক-  
লের অবিকল অনুকরণ হইলে সাতিশয়  
রসের হানি হয়। অপর প্রকরণবশতঃ অভিনয়-  
ব্য ব্যক্তিদিগের হাব ভাব কটাক্ষ এবং  
বাক্যকৌশলও অনুকরণ করা আবশ্যিক। তদ্ব্য-  
তীত তাহাদিগের পরিচ্ছদ, পদচিহ্ন, বয়ঃক্রম  
এবং দেশাচারও অবিকল অনুকরণীয়; তাহা  
নহিলে কে রাজা, কে মন্ত্রী, কে সভ্য, কে প্র-  
তীহারী, তাহার নির্যাস হওয়া কঠিন হয়; সুত-  
রাং অভিনয়েরও বৈফল্য। এবম্প্রকারে অভিনয়-  
নিষ্পাদনার্থে রূপের আরোপ করিতে হয়  
বলিয়া সাহিত্যগুহে নাটককে “রূপক” + শব্দে  
বিধান করে।

অনেক কবিতা আছে, যাহাতে ভাব ও ছন্দো-

\* ভবেদভিনয়োঃ বস্থানুকরণঃ। অর্থাৎ অবস্থার অনুকরণই  
অভিনয়। সাহিত্যদর্পণে ৩ পরিচ্ছেদে ২৭৪ কারিকা।

† রূপারোপাহু রূপকং। সাহিত্যদর্পণে ষষ্ঠপরিচ্ছেদে ২৭৩  
কারিকা।

লঙ্কারের কিছুমাত্র ত্রুটি নাই, অথচ তাহা রঙ্গ-  
ভূমিতে পাঠ করিলে কাহার মনোরঞ্জন হয় না;  
অপর কতগুলি কবিতায় ছন্দোলঙ্কারের অনেক  
ব্যত্যয় আছে, তথাপি রঙ্গভূমিতে মনোরঞ্জন  
কারিতা গুণ অতি স্পষ্ট দেখা যায়। এই প্রযুক্ত  
সাহিত্য-কারেরা কাব্যকে “দৃশ্য” ও “শ্রব্য”  
\* এই দুই অংশে বিভাগ করিয়াছেন; তন্মধ্যে  
দৃশ্য কাব্য “রূপক” বা “অভিনয়” নামে  
বিখ্যাত। এ অভিনয়রূপ-কবিতার দোষগুণ  
বিচার করিতে হইলে তাহার কবিত্ব ও অভিনয়-  
ত্ব উভয়গুণের আলোচনা করিতে হয়।

অনেকে মনে করিতে পারেন, যে নাটকের  
অধিকাংশ গদ্যে রচিত, তাহাতে কি কবিত্ব থা-  
কিতে পারে? অতএব বক্তব্য যে কবিত্ব শব্দে ছন্দ  
ও অলঙ্কার আমাদিগের উদ্দেশ্য নহে। কালি-  
দাস ও বরকচি যে ছন্দে কাব্যরচনা করিয়াছেন,  
ও যে অলঙ্কার ব্যবহার করিতেন, এই ক্ষণকার  
অনেক কবি তদ্রূপ করিয়া থাকেন, অথচ তা-  
হাতে কেহই কালিদাস হইতে পারেন নাই।  
মেঘদূতের ছন্দঃ প্রবন্ধাদি সকল লক্ষণের অনুকরণে  
কোন নব্য কবি “পদাক্ষদূত” রচিত করিয়া-  
ছেন, তথাপি উভয়ে স্বর্গ-মর্ত্যবৎ ভেদ রহিয়াছে;  
মেঘদূতের রমণীয় সুন্দর রস পদাক্ষদূতের কুত্রাপি  
প্রাপ্তব্য নহে; অতএব কাহিতে হইবে রসই +  
কবিতার প্রাণ; তন্মিন্ন কদাপি উত্তম কবিতা  
হইতে পারে না। কেবল ছন্দোলঙ্কারে কবিতা  
ও মৃত্তিকা-নির্মিত মনুষ্যমূর্তি, উভয়ই সমান,  
প্রকৃতির অনুকরণ বটে, কিন্তু প্রকৃতপদার্থ নহে।  
রূপকে এই ভাব রক্ষার নিমিত্ত আদৌ যে

\* দৃশ্যশ্রব্যভেদেন পুনঃ কাব্যং দ্বিধা মতং। সাহিত্যদর্পণে  
ষষ্ঠ পরিচ্ছেদে ২৭২ কারিকা।

† কাব্যং রসায়কং কাব্যং। সাহিত্যদর্পণে ৩ কারিকা।

আখ্যায়িকা-ঘটিত নাটক রচনা করিতে মানস  
হয়, তাহাতে কেবল এ সকল প্রসঙ্গ একত্রিত করা  
আবশ্যিক, যাহাতে হাস্য, ককণা, বীর, রৌদ্ৰ,  
ভয়ানকাদি রসের উদ্দীপন হইতে পারে—সা-  
মান্য-কথায় মুখ্যকল্পের ব্যাঘাত না হয়;  
ফলতঃ কবিদিগের প্রধান চাতুর্য এই যে সা-  
মান্য কথার পরিহার-পূর্বক কেবল মুখ্য কথা-  
সকল এ প্রকারে একত্র করেন, যাহাতে আখ্যায়ি-  
কার কোন অংশ অসম্ভব ও অসম্ভব বোধ না  
হয়। আখ্যায়িকা মিথ্যা হউক, বা সত্য হউক,  
তাহাতে কোন হানি হয় না; কিন্তু মনুষ্যের যে  
অবস্থায় যে ভাব উদয় হয়, বাক্যদ্বারা তাহার  
আবিষ্কার ও অবিকলরূপে তদ্রূপকারের উৎপা-  
দন করাই কবিদিগের মুখ্য কল্প; তাহার কিঞ্চি-  
ন্নাত্র ব্যত্যয় হইলেই রসের হানি হয়।

অসাধারণ ক্ষমতা-ভিন্ন সর্বত্র এই সকল নিয়ম  
রক্ষা করিয়া নাটক রচিত হইতে পারে না;  
সুতরাং শুদ্ধভাবাবৃত্তি রূপক অত্যন্ত দুস্প্রাপ্য  
হইয়াছে। প্রায়ঃ দুই সহস্র বৎসরাবধি এতদ্দেশে  
অনেক কবি অপরিমেয় পরিশ্রম করিয়াও  
শকুন্তলার সদৃশ রূপক উৎপাদন করিতে পারেন  
নাই। স্পেনদেশে লোপ ডি বেগা নামা এক  
জন কবি ১২৭০ খানি নাটক লিখিয়াছিলেন,  
কিন্তু তাহার একখানিও সহস্রয় মহাশয়ের পাঠ  
করিতে উৎসুক নহেন।

সমস্ত-আমোদজনক পদার্থ মध्ये এবম্প্র-  
কার রূপকের-দর্শন সর্বতোভাবে উৎকৃষ্ট; ইহা-  
তে মন ও বুদ্ধির সহিত সমস্ত ইন্দ্রিয় সম্ভৃপ্ত  
হইয়া থাকে; গীতনৃত্যাদি অন্য কোন আ-  
মোদে তাদৃশ সুখের সম্ভাবনা নাই। এই প্রযুক্তই  
প্রাচীন সভ্যজাতির মধ্যে গ্রীকজাতি, রোমীয়  
জাতি, চীন-<sup>সম্রাজ্য</sup> এবং হিন্দুজাতিরেরা রূপক-

দর্শনে অত্যন্ত জন্মসুক ছিলেন, এবং স্ব ২  
দেশে যে কোন উৎসব হইলেই এই রূপকের প্র-  
চার করিতেন। প্রাচীন হিন্দুদিগের এই বিষয়ে  
অত্যন্ত অনুরাগ ছিল। তাহার ইহাতে যৎ-  
পরোনাস্তি সমাদর করিতেন, এবং কালিদাস  
ভবভূতি প্রভৃতি অগুণ্য মহাকবিরা উৎকৃষ্ট  
রূপক রচনায় যত্নশীল ছিলেন। তাহাতে এ  
মহানুভাবদিগের যত্নও ব্যর্থ হয় নাই; তত্বেক-  
র্তৃক শকুন্তলা বীরচরিতাদি নাটক রূপকরচনার  
আদর্শ স্বরূপ হইয়া রহিয়াছে। এ সকল আশ্চর্য  
রচনায় কবিদিগের অদ্ভুতকৌশলে বাক্যদ্বারা  
লৌকিক ঘটনাসকল এমনি আবিষ্কৃত হইয়াছে,  
যে তৎসরগে বুদ্ধির ব্যত্যয় হইয়া তাহাতে সত্যের  
ভাণ হইয়া থাকে; ভূতকালের ব্যাপার বর্তমান  
হইয়া উঠে, মিথ্যা সত্য হয়, এবং চিত্রিত পদা-  
র্থের অনুকূলে মন কামক্রোধাদি রসে আদু হয়।  
কবিদিগের কি আশ্চর্য এন্দ্ৰজালিক ক্ষমতা!  
তদ্বারা তাহার প্রত্যক্ষ পরিদৃশ্যমান অলীক ক-  
ম্পিত গল্পদ্বারা দর্শকমাত্রের বুদ্ধিকে জড়িত  
করিয়া আপন ইচ্ছানুসারে অনায়াসে তাহাদিগের  
মনকে কখন হাস্য, কখন মধুর, কখন বা ককণা  
রসে মুগ্ধ করিতেছেন, ও অনেককে ক্রন্দন করা-  
ইয়া আনন্দ প্রদান করিতেছেন।

এই মনোহর বিনোদ দুদ্দান্ত যবনদিগের  
রাজ্যকালে এতদ্দেশে একেবারে বিলুপ্ত হয়।  
কবি ও পাণ্ডিতেরা দুই এক খানি উৎকৃষ্ট রূপক  
রক্ষা করিয়াছিলেন; কিন্তু সাধারণ জনগণের  
মনে তাহার নাম পর্য্যন্ত বিস্মৃত হইয়াছিল।  
ইহা অত্যন্ত আহ্বাদের বিষয় যে এইক্ষণে এ  
দূরবস্থার লোপ হইতেছে; এবং সহস্রয় ব্যক্তি-  
গণ রঙ্গভূমিতে কবিতাসুধাকরের উদ্ভব কর-  
ণার্থে যত্নবান হইয়াছেন। যে গুহের প্রসঙ্গে



এই প্রস্তাব আরও হইয়াছে তাহা এই নির্মল চন্দ্রোদয়ের আদিকরণ বলিলে বলা যায়।

পূর্বে ভাষায় কয়েক খানি নাটক প্রকৃতিত হইয়াছে। কিন্তু তাহা যথার্থ নাটক নহে। তাহাতে অনেক পদ্যাদি আছে, এবং তাহার সর্বাঙ্গ সমিচীন ও সুসম্পন্ন এবং সুপাঠ্য বটে; কিন্তু সাহিত্যকারেরা যাদৃশ গুণপ্রযুক্ত নাটককে “দৃশ্য কাব্য” বলিয়া বর্ণন করেন, তাহার অত্যাশ্রিত তাহাতে বর্তমান দেখা যায়।

প্ৰস্তাবিত নাটক খানিতে রূপকের অনেক ধর্ম রক্ষিত হইয়াছে; তাহার আখ্যায়িকা একানুগামিনী বটে, ইহার অভিপ্ৰায় উত্তম, ও ভাবও পরিপূর্ণ। গুহুকার শ্রীযুক্ত রামনারায়ণ তর্কসিদ্ধান্ত সাহিত্যালঙ্কার-শাস্ত্রে সুপণ্ডিত, এবং কাব্য-রচনায় তৎপর। তিনি সমিচীন-যত্নে এই নাটকখানি রচনা করিয়াছেন; এবং সহৃদয় পাঠকগণ যে কেহ ইহা পাঠ করিয়াছেন, তিনি অবশ্যই স্বীকার করিবেন, যে তাঁহার প্রযত্ন ব্যর্থ হয় নাই। আমরা স্বয়ং উপটোকনস্বরূপে এ গুহু প্রাপ্ত হইয়াছি, এবং তৎপাঠে অত্যন্ত পরিতপ্ত হইয়া পণ্ডিতবর গুহুকারের নিকটে প্রকাশ্যরূপে কৃতজ্ঞতা স্বীকার করিতেছি। উক্ত গুহুর পাঠাবধি তাহার গুণ-বর্ণনেও আমরা দিগের বিশেষ আকাঙ্ক্ষা হইয়াছিল; কিন্তু মহোদয় ব্যক্তির, উপকৃত ব্যক্তিকৃত উপকারের প্রতি প্রশংসাবাদ অপেক্ষায়, পক্ষপাতবিহীন ব্যক্তির মনোগত অভিপ্ৰায় শ্রুত্বের অধিক পরিতপ্ত হন, এই কারণ এবং সহৃদয় আত্মীয়গণের বিশেষ অনুরোধবশতঃ, কেবল স্বাভিমত তদগুণ বর্ণন না করিয়া “কুলীন কুলসর্বস্ব” পাঠসময়ে তদগুণ বিষয়ে আমাদের মনে যে ২ স্থানে যে ২ ভাব উদ্ভূত হইয়াছিল, তাহারই যৎকিঞ্চিৎ লি-

পিবন্ধ করিতেছি। ইহাতে আমাদের অভিষ্ট সিদ্ধ হইবার আশা নাই বটে, পরন্তু বোধ করি, আত্মীয়বর্গ, গুহুকার ও পাঠকবর্গ সন্তুষ্ট হইবেন। “বল্লালসেনীয় কৌলীন্য প্রথা প্রচলিত থাকায় কুলীন-কামিনীগণের এক্ষণে যে রূপ দুর্দশা ঘটিতেছে” অভিনয়দ্বারা স্বদেশীয় মহোদয়গণের মনে তাহা সমুদিত করিয়া দেওয়াই প্ৰস্তাবিত নাটকের মুখ্যকল্প। দেশীয় কোন নিন্দিত প্রথার উৎসেদের নিমিত্ত প্রাচীন পণ্ডিতেরা এই প্রকারে রূপক-রচনা সর্বদাই করিতেন। “ধূর্ত-নর্তক” “কৌতুকসর্বস্ব” প্রভৃতি রূপক সকল এই অভিপ্ৰায়েই প্ৰস্তুত হইয়াছিল। জগদীশ নামা এক জন কবি, রাজা, বুদ্ধ, বৈদ্য ও দৈবজ্ঞদিগের অধর্মোৎসেদার্থে “হাস্যার্ণব” নামে একটি রূপক প্ৰস্তুত করেন। যদিচ তাহাতে অনেক অশ্লীল কথা আছে; তথাপি তাহা কুলীন-কুলসর্বস্বের আদর্শ স্বরূপ বলিলে বলা যায়। তাহাতে অন্যান্যসিদ্ধু-রাজা আপন নগর ভ্রমণ করিতে ২ স্বাধী স্ত্রী, গেহিন্যনুরক্তস্বামি, ধর্মের সমাদর, অধর্মের অবহেলা দেখিয়া অত্যন্ত ক্রুদ্ধমনে যাহাতে বুদ্ধকে পাদুকা প্ৰস্তুত করে, ও অন্যান্য সংপ্রথা স্থাপিত হয়, তদর্থে এক বারান্ননার গৃহে উপস্থিত হন। পরে তথায় বিশ্বভাণ্ড নামা এক শৈব যোগী ও তাহার শিষ্য কলহাকুর আসিয়া এক বেশ্যার নিমিত্ত কলহ উত্থাপন করে। অপর রাজার পুত্র চিকিৎসক ব্যাধিসিদ্ধু, যিনি জিহ্বায় তপ্তশলাকা বিদ্ধ করিয়া শূলরোগের প্রতিকার করেন, ও তাঁহার সাধুহিংসক কোতোয়াল, যিনি সমস্ত নগর চোরদিগকে সমর্পিত করিয়া পরম হর্ষাশ্বিত হন, ও তাহার রণজম্বুক সেনাপতি প্রতি পারসদগণ উপস্থিত হইয়া নাটকের কার্য নির্দেশ করে।

সাহিত্যকারদিগের মতানুসারে এবম্পকার রচনার নাম “প্ৰহসন”; এবং তাহাতে দুই অঙ্কমাত্র থাকা উপযুক্ত\*। বিজ্ঞবর তর্কসিদ্ধান্ত মহাশয় তদনুযায় প্ৰহসনকে কি কারণে যড়ক-সম্পন্ন নাটকরূপে প্রচারিত করিলেন, তাহার তাৎপর্য অনুভূত হইতেছে না; বোধ হয়, বহুভাষায় রূপকের প্রভেদ রক্ষা করা অনাবশ্যক বিবেচনায় তদ্রূপ করিয়া থাকিবেন; পরন্তু সে সন্দেহ পাঠকদিগের মনে বহুকাল স্থান পাইবার নহে; নটীর সুললিত গানে মোহিত হইয়া অবিলম্বেই তাহা বিস্মৃত হইতে হয়। এতদেশীয় কবির প্রায়ঃ বৃত্ত-ছন্দেই কবিতা-রচনা করিয়া থাকেন, এবং মধ্যে ২ নাগবিলাস, চম্পকলতা প্রভৃতি স্বছন্দে বিবিধ ছন্দের সৃষ্টিও করিয়া থাকেন; কিন্তু অত্যাশ্রিত লোকে পূর্ব-প্ৰসিদ্ধ মাত্রাছন্দে কবিতা রচনা করিয়া কৃতকার্য হইয়াছেন। তর্কসিদ্ধান্ত এবিষয়ে সম্পূর্ণরূপে সিদ্ধকাম হইয়াছেন। তাঁহার “সুকণ্ঠ-নির্গলিত সুসঙ্কীর্ণটি” পাঠমাত্রই জয়দেবের ভুবনবিখ্যাত গীতগোবিন্দের স্মরণ হয়। আমাদের এ অভিপ্ৰায়ের সাক্ষিস্বরূপে উক্ত গীতটি এস্থলে উদ্ধৃত করা গেল।

“চুতমুকুলকুল, সঞ্চলদলিকুল,  
গুণ ২ রঞ্জন গানে।

মদকল কোবিল, কলরব সঙ্কুল,  
রঞ্জিত বাদন তানে ॥

রতিপতির্জন, বিরসবিকর্জন,  
শুভ-শুভুরাজ-সমাজে।

নব ২ কুমুগিত, বিপিন সুবাসিত,  
ধীরসমীর বিরাজে” ॥

প্ৰস্তাবিত নাটকের আখ্যায়িকার কোন বিশেষ সৌন্দর্য নাই; কৌলীন্য-মর্যাদাভিমাত্র

\* ভাগবৎ-বন্ধিসম্বন্ধে লাস্যাস্যাস্তে বিনির্মিতং ভবেৎ প্ৰহসনং বৃত্তং নিন্দ্যান্যং ব্যবকল্পিতং ॥ সাহিত্যদর্পণে ষষ্ঠাঙ্কে ৫৩৩ কারিকা।

কোন বুদ্ধগর্ভক পূর্ব দিন বিবাহের সম্বন্ধ স্থির করিয়া পর দিন এক অতি বৃদ্ধ কুলীন-পাত্রে আপন কন্যাচতুষ্টয়কে সম্পূর্ণ করাই ইহার স্থূল তাৎপর্য; পরন্তু সুকবি তর্কসিদ্ধান্ত মহাশয় পরমচাতুর্যের সহিত সামান্য বিবাহের উদ্যোগে অনেকগুলি প্ৰসঙ্গ একত্রিত করিয়া অনেক ব্যক্তির চরিত অতি পরিপাটিক্রমে বিন্যস্ত করিয়াছেন। তন্মধ্যে কন্যাকর্তা কুলপালকই প্ৰসঙ্গবিধায়ে সর্বপ্রধান; তাঁহার বর্ণনা-পাঠে কন্যাগণের দুঃখে দুঃখিত অথচ কুলাভিমান-রক্ষার্থে দৃঢ়প্রতিজ্ঞ কন্যাভারগুস্ত কুলীনের মূর্ত্তি মনোমধ্যে অবিকল উদ্ভূত হয়; কোন অংশে কিছুমাত্র ত্রুটি বোধ হয় না। পরন্তু নাটকের ক্রিয়াকলাপ-সম্বন্ধে প্রধান নায়ক তিনি নহেন, তদ্বিষয়ে অনুভাব্য চূড়ামণিই সর্বাঙ্গগুণ্য বলিতে হইবে। ঘটকের জাতীয় ধর্ম-রক্ষার্থে তিনি সকল ঘটাই বর্তমান বোধ হয়, তর্কসিদ্ধান্ত মহাশয় অনেক প্রযত্নে উহার চরিত্রের বিন্যাস করিয়া থাকিবেন; পরন্তু তৎপাঠান্তর আমরা দিগের অস্পষ্টবুদ্ধিতে স্বভাবতঃ ধূর্ত ঘটকের অবিকল প্রতিমূর্ত্তি অনুভূত হইল না; কোন পরিচিত পদার্থের চিত্রপটের স্থানে ২ অসংলগ্ন বর্ণ বিন্যস্ত থাকিলে যদ্রূপ নয়নের অতৃপ্তি জন্মে, ঘটক-রাজের চরিত্রে তদ্রূপ ব্যাঘাত ঘটিয়াছে। নাটককার তর্কসিদ্ধান্ত মহাশয় ঘটকচূড়ামণির চরিত্র কি প্রকারে বর্ণিবেন, তাহার সঙ্কল্প এই বাক্যে করিয়াছেন;

তদ্যথা,

“আসিল পরের জাতি কুল নাশ হেতু।

বিবাহ নির্বাহ বিধি জলধির সেতু ॥

অনর্থ অর্থের লাগি ত্যক্তধর্মকর্ম।

চূড়ামণি মিথ্যাবাদী অনুভাব্য শর্মা” ॥

এই প্রতিজ্ঞানুসারে সর্বত্রই তাহাকে অত্যন্ত ধূর্তরূপে বর্ণন করিয়াছেন; কিন্তু যে ব্যক্তি অর্থের লালসায় নিরন্তর শঠতায় অনুরত, তাহার মুখে আপন পিতৃনামের অজ্ঞতা সূচক নিম্নোক্ত সংলাপ মাদৃশ অকিঞ্চনদিগের অসম্প্রবিবেচনায় কোন মতে সংলগ্ন বোধ হয় না। আমাদেরিগের বোধ আছে যে সৎ কি অসৎ, বিজ্ঞ কি অজ্ঞ, বঙ্গদেশীয় কোন ঘটক এপ্রকার বাক্য কখন মুখে আনয়ন করে না। শুভাচার্য্যের প্রতি ব্যঙ্গোক্তি মনে করিলেও এ বাক্য উপযুক্ত বোধ হয় না।

শুভাচার্য্য। আপনকার পিতৃ ঠাকুরের নাম শুনিতে ইচ্ছা করি।

অনুতাচার্য্য। আঁ কি বল্যেহে? কালি রাত্রে নিদ্রা হয় নাই, বড় গুম্ব।

শুভ। মহাশয়ের পিতার নাম কি?

অনু। বড় মশা।

শুভ। (উচ্চৈঃস্বরে) বলি আপনি কার পুত্র?

অনু। অধিক দিন হইল আমার পিতৃ ঠাকুরের পরলোক হইয়াছে।

শুভ। (সহাস্য মুখে) আমি পরলোক ও ইহলোকের কথা জিজ্ঞাসা করি নাই, পিতার নাম জিজ্ঞাসা করিয়াছি, ইহাতে পরলোক ইহলোকের কথা কেন?

অনু। বিলম্ব কর, অধিক দিন তাঁহার কাল হইয়াছে, নাম প্রায় এক প্রকার বিস্মৃত হওয়া গিয়াছে, স্মরণ করি তবেতো বলিব, তাড়াতাড়ি করিলে কি হইবে?

শুভ। কে আছ হে—শুনিলে? ইনি এমনি ঘটক নিজ পিতৃ নামও বিস্মৃত হন! কিন্তু অন্যের পিতৃপিতামহের নাম ইহার মুখাগুবর্তি, সে সময়ে একটাও ঠেকে না।

অনু। পরের পিতার নাম কহিতে বিবেচনা কি? যাহা আইসে একটা বলিলেই হয়। ভাল সে কথা থাকুক—তুমি কোন্ ব্যবসায়ী?

এই কথোপকথনের কিঞ্চিৎ পরে শুভাচার্য্য ঘটকের লক্ষণ জিজ্ঞাসিলে অনুতাচার্য্য কহেন।

অনু। হাঁ, বাপু হে পথে আইস, আমার নিকটে শুনিবে? শুন।

প্রবঞ্চনা পরায়ণ, মুখে প্রিয় আলাপন,  
ধর্ম্মাধর্ম্মে নাই বিচারণ।

না পাইলে বলে কটু, স্বোদর পুরণে পটু,  
দৃষ্টিমাত্র করে সম্ভাষণ ॥

বাচাল আচার ভুষ্ট, জাতি কুল করে নষ্ট,  
দুষ্টিমতি মুখের প্রবর।

বিবাদে নারদসম, মূর্ত্তিমান যেন তম,  
হয় নয় বল সুধীবর ॥

বেল্লিক পুরাণে মাতুলশমি খণ্ডে ঘটকের এই লক্ষণ লিখিত আছে, তা বাপুহে, এসকল জানতে হয়, এসকল শিক্তে হয়, পেটে থেকে পড়িয়াই ঘটক হইলে হয় না। আমি এ সকল শিখিয়া ও এ সকল গুণে ভূষিত হইয়াই “ঘটক চুড়ামনি” নামে খ্যাত আছি। আমার গুণের কথা কতো কহিব—আমি সাবর্ণ-গৃহে কত শত কৈবর্তকন্যা চালাইছি; শুদ্ধ শ্রোত্রিয় বরে ক্ষত্রিয় কন্যা, বিষ্ণু ঠাকুরের বংশে বৈষ্ণব কন্যা, শিবচক্রবর্তির সন্তানে পদ্মরাজ দুহিতা ঘটাইছি; আর কাণা, খোঁড়া, অন্ধ, আতুর, এসমস্ত তো আমার শরীরের আভরণ। এই ১৪ ই মাঘে খাড়ীবাটীর কচিরাম চক্রবর্তির কন্যাকে এক উম্মাদ দিগম্বর বর প্রদান করিয়া দক্ষিণ হস্তের কিঞ্চিদক্ষিণা পাইয়া মানাবধি শয়্যাগত ছিলাম, কিন্তু আমার এরূপ অপরাধ চাতুর্য্য যে এতাদৃশ ব্যবহারেও আমি কখন কোথায় অপমানিত হই নাই, তুমি আমাকে কি ঘটকালি দেখাও। ভাল আর একটা কথা জিজ্ঞাসা করি, তুমিও মন্দ নও, বল দেখি কুলীন কাহাকে বলে?

এ উক্তির প্রথম ভাগ অন্তের মুখে স্বভাবসিদ্ধ বোধ হয় না, সুধীরের মুখে অতি পরিপাটী হইত। কেহ ২ মনে করেন, শেষ ভাগও অন্য কোন নটের মুখে থাকিলে ভাল হইত; কিন্তু, আমাদের বোধে, মাঞ্চাৎ দস্তাবতার ঘটকের পক্ষে একথা নিতান্ত অনুপযুক্ত জ্ঞান হয় না।

শুভাচার্য্য অন্তের পরোক্ষে কহেন।

শুভ। (জনান্তিকে) ওহে ভাই সুধীর, একি? উঃ, বেটা কি দাস্তিক! বোধ হয় দম্ভই শরীরী হইয়া উপস্থিত হইয়াছে, কিন্তু ইহার উদরে ক অক্ষর মহামাংস, শুদ্ধ অশুদ্ধ কথাই অনর্গল কহিতেছে! \* \* \* রে।

কিন্তু একথা-রক্ষার নিমিত্ত গুহুকার চুড়া-মণির মুখে কিঞ্চিৎ অশুদ্ধ কথা দিতে বিস্মৃত হইয়াছেন, তাহা থাকিলে উত্তম হইত। অনুতাচার্য্য সত্যের বিপর্য্যয়ে তৎপর বটেন, কিন্তু ব্যাকরণের সহিত তাঁহার বিশেষ বিবাদ বোধ হয় না। অপর কুলপালকের সম্মুখে তিনি যে কৌশলে গৃহাচার্য্যকে দূরীকৃত করেন, প্রকৃতলোকযাত্রায় কোন বিজ্ঞ কন্যাকর্তার প্রত্যক্ষে কেহ তাহা অবলম্বন করিতে পারে না।

কুলপালকের গেহিনী “বুদ্ধগীর” বাক্যলাপে বোধ হয়, তিনি পূর্ণবয়স্ক পৌত্রী; “জানাইবেটা কত কথা জানে” তাহা শুনিতে, “ছিতে কোটা তন্ত্র মন্ত্রে” তাহাকে ভেড়া করিয়া রাখিতে, ও যাহাতে “সুখের কামাই” না হয়, ইত্যাদি নানা-ভিলাষে বিলক্ষণ অনুরক্তা, কোন মতে আতুরা বৃদ্ধার ন্যায় নহেন; পরন্তু কুলপালকের বাক্যানুসারে, তাঁহার চারি কন্যা, তন্মধ্যে “বড় কন্যার” অদ্যাবধি সকল দস্ত পতিত হয় নাই; মধ্যম-“টীর সকল কেশও পকু হয় নাই; তৃতীয় কন্যাও “প্রায় মধ্যমটীর মত; আর আমার যে কনিষ্ঠা “কন্যা সে অতি শিশু, বোধ হয় গাত্রে সূতিকার “গন্ধও থাকিলে থাকিতে পারে, বাছা এই গত “পৌষ মাসে সবে পাঁচিশ বৎসরে পড়িয়াছে”।

এই কন্যা চতুষ্টয়ের মধ্যে জ্যেষ্ঠা ও দ্বিতীয়া জাহ্নবী ও শান্তবী, আপন ২ বয়ঃক্রমানুসারে সশ্লেষে মাতৃসহিত বিবাহের আলাপ করে; কিন্তু কামিনীটী তাদৃশ শান্ত নহে। তাহার বয়স প্রায়ঃ মধ্যমটীর মতন, “সকল চুল পাকে নাই” অথচ আবদারে পরিপূর্ণ; এই মায়ের কথায় বিশ্বাস হয় না, আবার বরের বয়স শুভে চায়, অথচ “যা হোক বিবাহ হইলেই হয়” (৩২ পৃষ্ঠে) আবার বলে, “ওমা, সত্যি বর কি এসেছে?”

“বাসা দিহিস্ কোথায় মা? চুপি ২ দেকতে “গেলে হয় না, ক্ষেতি কি মা”? এদিগে গোপনে গিয়া বর দেখিয়া (১০৮ পৃষ্ঠে) “বড় দিহির কপাল ভাল, যেমন দেবা তেমনি দেবী” দেখে, তথাপি সে বরং পদে আছে, তাহার কনিষ্ঠা কিশোরী তাহা হইতেও এক কাঠি অধিক। “বাছা পৌষ মাসে পাঁচিশ বৎসরে পড়িয়াছে”, এবং কবিতায় বসন্ত ও বিরহ বর্ণনেও অপটু নহে; তথাপি মার বিবাহ দেখিতে উদ্যত। তাহার ভাবে বোধ হয়, কুলপালক আপন দুহিতাদিগের বয়ঃক্রম বর্ণিতে ভুলিয়াছেন; প্রথম ৩৫ বৎসর, দ্বিতীয়া ২৫, তৃতীয়া ১৪ এবং কামিনী ৮ বৎসর হইলে সকলের কথা সংলগ্ন হইত। এ বিষয়ে পাঠকদিগের সন্দেহ ভঞ্জনার্থে তাহার মাতৃসহিত কথোপকথন এস্থলে উদ্ধৃত করিলাম। তাঁহার বিবেচনা করিয়া দেখিবেন, শেষোক্তি বলিয়া ইহার অভব্যতা কাটান যাইতে পারে কি না। কিশোরী। (সোৎসুক)

পুফুল বকুল ফুল, গন্ধে অন্ধ অলিকুল,  
অনুকুল মলয় পবন।

প্রবোধ না মানে মন, সদা করে আকিঞ্চন,  
বল্লালির দিতে বিসর্জন।

কুলে কালি দিয়ে কালী, বলে চলে যাব কালি,  
ঘটকালী কি করিবে আর।

যৌবন অমূল্য ধন, করিব গে বিতরণ,  
নাহি ভয় থাকিবে কাহার ॥

কে রে আমায় ডাকলে?

কামিনী। মা ডাকচে।

কিশোরী। কেন মা আমায় ডাকিলে?

বুদ্ধগীর। তুই কালি অবধি কোথায় রে? দেকতে পাইনে কেন?

কিশোরী। ও মা, ও মা, আমি ও পাড়াতে ঘোষে-দের বাড়ী লুকোচুরি খেলতে গিছিলাম।

বুদ্ধগীর। না বাছা, আর এমন্ যেয়োনা, ডাগোর ডো-গোর মেয়ে, যেতে আছে? লোকে যে নিন্দে করবে, ছি!

কিশোরী। ও মা, কেন নিন্দে করবে মা? করবেনা, হে মা, আবার আমি যাই।

ব্রাহ্মণী। না বাছা, আর যেয়োনা, আজি এক কর্ম্ম আছে।  
কিশোরী। কি কর্ম্ম মা?

ব্রাহ্মণী। বাছা, আজি আমাদের বাড়িতে এক শুভকর্ম্ম হবে।  
কিশোরী। ও মা, কি শুভ কর্ম্ম, বলনা মা? হে মা বল, কি শুভ কর্ম্ম। বলবিনে?

ব্রাহ্মণী। কেন গো, বলবো না কেন? আজি তোদের 'বে' হবে।

কিশোরী। (সবিস্ময়ে) ও মা, 'বে' কাকে বলে মা?

ব্রাহ্মণী। 'বে' কাকে বলে তাও জানিস নে বাছা? 'প্রধান সংস্কার'।

কিশোরী। ও মা, তাকি আমি খাব?

ব্রাহ্মণী। বাছা 'বে' কি খেতে হয়? রাজাবর আসবে, তোদের 'বে' করবে, কতো ঘটাসাটি হবে, সেকি বাছা কিছুই জানিসনে?

কিশোরী। হাঁ, সেই 'বে'? তা আমি জানি, তা কার হবে মা?

ব্রাহ্মণী। তোমার হবে, তোমার আর তিন বোনের হবে।

কিশোরী। ও মা, তবে তোর হবে না?

ব্রাহ্মণী। (হাস্য করিয়া) বাছা তুই অধোপ, তোর জ্ঞান হয় নেই, তাকি বলতে আছে? আমি মা হই।

কিশোরী। হাঁ হাঁ, হুঁ, বুঝিচি, তোর হয়ে গেছে, ও মা কার সঙ্গে হয়েছে, বলনা মা?

ব্রাহ্মণী। (সক্রোধে) দূর হ, আমার ব্যস্ত করিসনে, মদ্রিচি নানান জালা, তোরা সকলে এখন বাড়িতে যা।

তৃতীয়াক্ষরের প্রধান প্রক্রিয়া কামিনীগণের জল-সওয়া; তাহার কোন অংশে কিছুমাত্র ভ্রুটি হয় নাই; মোহিনীর প্রবেশ অবধি সকল কর্ম্মসুপারিপাটীকপে নির্বাহ হইয়াছে। মহিলাগণের আপন ২ স্বামি-সম্বন্ধে বিলাপ-পাঠে অনেকের মনে ভারতচন্দ্র-কৃত বিদ্যাসুন্দর-গুহুস্ত সুন্দর-দর্শনে কামিনীগণের উক্তি মনে পড়িতে পারে, কেহ বা এই ক্ষয়ের কবিতার বাহুল্য-বিষয়ে সাহিত্য-কারিদিগের নিষেধ স্মরণ করিতে পারেন, পরন্তু নিম্নোদ্ধৃত গভাক্ষরের পরমসৌন্দর্যের ও অবিকল

স্বভাব সাদৃশ্যের প্রশংসা অবশ্যই করিবেন, ইহাতে কোন সন্দেহ নাই।

মোহিনী। এই তো বে বাড়ি, কৈ কে কোথা গো? কাকেও যে দেখতে পাইনে। ও মা সে এ কি গো? ঐ যে কথায় বলে "যার বে তার মনে নাই, কাটনা কামাই পাড়া পড়সীর"।

ভামিনী। মরণ, ও কি হলো? মিল্লো কৈ লো?

মোহিনী। আর ভাই, মেলে কৈ?

ভামিনী। গুণ খাখলেই মেলে, "যার বে তার মনে নাই, পাড়াপড়সীর ঘুম নাই"। দেখদে কি মিল্লো কি না?

মোহিনী। ভাল ভাই, তাই যেন মিল্লো, এখন বে বাড়ির কাকেও যে মেলে না, তার কি বলনা?

যমুনা। বলে মন্দ নয়, বে বাড়ি, অচ্ কিছুই দেখতে পাইনে। বাঙ্গি নেই, বাজনা নেই, কিছুই নেই; নে কি, আঁ, ওমা আমি কোথা যাব, ওমা আমি কোথায় যাব!

হেমলতা। এই যে ভাই একটা কলাগাচ রয়েছে।

যমুনা। অমন কত গাচ কত দিকে আছে, আসল কৈ লো? বাড়িল্লোক কৈ?

ব্রাহ্মণী। (প্রফুল্ল মুখে) এই যে মা সকল, দিদি সকল, বাছা সকল, এসেচো এস ২, আসবে বৈ কি; তোমাদের কর্ম্ম, করবে কর্ম্মাবে, খাবে খাওয়াবে, নেবে খোবে; তোমরা না কল্যে কে করবে? জাতি বল, গোত্র বল, সকলি আমার তোমরা।

হেমলতা। ওলো চানদিদি বলি একি লো? মেয়েদের বে দিতে বসেছিস, তা সব ফাকিজুকি, ঘটাসাটি কৈ, কিছুই যে দেখিনে?

ব্রাহ্মণী। আর ভাই 'ঘটা' কুলীনের মেয়ের 'বে', ঘটাই ভার, আবার 'ঘটা' পাবো কোথা বোন? তবে তোরা এসেছিস এই ঘটাই 'ঘটা'।

কামিনী। ওলো হেমলতা, জানিসনে বড় গিল্লির সব ফাকি, নিখরচায় জামাই পাবে, ছাড়বে কেন?

ব্রাহ্মণী। দূর ছুঁড়ি, ওকথা কি বলতে আছে? জামাই আর ছেলে ভিন্ন কি? যা, তোরা সকলে মিলে-জুলে জলসৈতে যা দেখি?

চপলা। যে তোর মেয়েদের বর এসেচে, (বাটীমধ্যে ব্রাহ্মণীর প্রস্থান।)

তার জন্যে জলসৈতে হবে না, তাকে 'জল সৈ' কল্লিই ভাল হয়—সুনে গেলিনে মাগি?

এই অভিনয়ের কিঞ্চিৎ পরে (৫২ পৃষ্ঠে) যশোদা ও কুলকুমারীর কথোপকথনে যে ঘটনা বর্ণিত হইয়াছে, তাহা পাঠ করিলে এমত পাষণ-হৃদয় কে-ই নাই, যে একেবারে মহাপাপীয়সী কোলিন্য-প্রথার উৎসেদার্থে একাগ্রচিত্ত না হয়; তদুক্ত জামাতার ন্যায় নরোধম কি ভূমণ্ডলে আর আছে?

পাঠকবৃন্দ অনায়াসেই মনে করিতে পারেন, যে সুকবি তর্কসিদ্ধান্ত-কর্তৃক অধ্যাপক-ভট্টাচার্যের বর্ণন অবশ্যই উত্তম হইবে, কিন্তু যদবধি তাহার প্রস্তাবিত গুহুস্ত ধর্ম্মশীল ও তর্কবাগীশের বর্ণনা না পড়েন, তদবধি বর্ণনাদ্বারা কি পর্যন্ত প্রকৃতির প্রতিমা মনে উদ্ভিত হয়, তাহার অনুভব করিতে পারিবেন না। ধর্ম্মশীলকে লৌকিক-ব্যাপারে অনভিজ্ঞ, শাস্ত্রে একাগ্রচিত্ত, অথচ অর্থাভিলাষী অধ্যাপকবর্গের আদর্শস্বরূপ বলিলে বলা যায়।

কুলীন-কামিনীদিগের দুঃখদাতা কুলীন-কামিনীদিগের মূর্ত্তি চিত্রিত করিতে অনায়াসেই স্পৃহা হইতে পারে; তর্কসিদ্ধান্ত বিবাহবণিক, অধর্ম্মকচি, ও উত্তমমুখো-পাধ্যায়ের চরিত্রেই অতিপরিপাটীকপে সে স্পৃহা নিবৃত্ত করিয়াছেন। কুলীন-কুল-সর্বস্ব-দেবী কুলীন "কলির চেলা" এমত কেহই নাই, যে সে চরিত্রের কোন অংশে তিলাঙ্ক দোষারোপ করিতে পারে। বিবাহবণিক (৭২ পৃষ্ঠে) "১২৫২ শালের ৩রা মাঘ বিমলাপুরের কমল ন্যায়ালঙ্কারের কন্যাকে" বিবাহ করিয়া কি প্রকারে ১২৬১ শালে "এক কালে কুড়ি বৎসরের ছেলে" প্রাপ্ত হইলেন, তাহা সন্দেহজনক মনে হইতে পারে; পরন্তু বণিকজীর "ফর্দে" বিশ্বাস কি? তাহার "লেখাপড়া" কুলধনের কন্যার ঠিকুজির \* ন্যায় অস্পষ্ট হইয়া থাকিবে, বা

\* "বয়েস বড় অধিক নয়, সে দিন ঠিকুজি খুলিয়া দেখিলাম, বলি দেখি দেখি মেয়েটার বয়েস কত, তা ভাই বুঝিতে পারিলাম


বণিকবর ১২৪২ কে ১২৫২ পড়িয়া থাকিবেন।

অতঃপর কন্যা প্রসূ গর্ভবতীর দুঃখ, কন্যা-বিক্রয়ের দোষোদ্ঘোষণা, ফলারের লক্ষণ, বিরহি পঞ্চা-ননের যাতনা, ও অভব্যচন্দ্রের পরিচয় প্রভৃতি নানা প্রসঙ্গে তর্কসিদ্ধান্ত এতদেশীয় অনেক ব্যাপারের সুবর্ণন করিয়াছেন, কিন্তু এ অস্পায়তন পত্রে তাহার আলোচনা করার নিরস্ত হইতে হইল; পরন্তু এই প্রস্তাবের উপসংহার করিবার পূর্বে ইহা অবশ্য স্বীকর্তব্য, যে বঙ্গভাষায় যে সকল রূপক প্রকৃতি হইয়াছে, তন্মধ্যে কুলীন-কুলসর্বস্বই রঙ্গ-ভূমিতে অভিনীত হওয়ার উপযুক্ত; তাহার অভিনয় যাদৃশ মনোহর-বিনোদের মধ্যে পরিগণিত হইবে, তাদৃশ সদ্‌বিনোদ অধুনা বঙ্গভাষায় আছে, এমত কিছুই আমাদিগের মনে উদ্ভিত হইতেছে না। প্রস্তাবিত নাটক-পাঠেও প্রায়ঃ সকলেই পরিতুষ্ট হইবেন; অতএব আমরা নুক্তকণ্ঠে অনুরোধ করিতেছি, যে পাঠকগণ সকলেই "কুলীন-কুল-সর্বস্ব" আলোচনায় আনন্দ লাভ করুন।

রাজশয্যায় শয়নের ফল।

মত শ্রুত আছে, যে ইব্রাহীম্ অদ-  
এ হুম্ পাদশাহের শয্যাতে প্রতি দিন  
এক মোন পুপ্প বিছাইয়া দিতে  
হইত। এক দিবস দাসী ঐ কাপে  
শয্যা প্রস্তুত করিয়া মনে ২ ভাবিল যে ইহাতে  
শয়ন করিলে কেমন আনন্দ হইতে পারে। ইহা  
ভাবিয়া সে ইতস্ততঃ অবলোকন করত যেমন  
ঐ শয্যায় শয়ন করিল, অমনি নিদ্রার বশীভূত  
হইয়া অঘোরকপে ঘুমাইতে লাগিল, এবং শরীরের  
ভারে ক্রমশঃ পুপ্পমধ্যে নিমগ্ন-হইয়া অদৃশ্য

না, ঠিকুজি খান জীর্ণ হইয়াছে, আঁকর বোঝা যায় না, তা নাই গেলো, সে এই বড় পিসীর বইনী কুলীনকুলসর্বস্ব ২ পৃষ্ঠে।



ইব্রাহীম্‌ অদহম্‌ পাদশাহের ফকীরী (ফুল্ল মুখে)।

হইল। এই ঘটনার কিয়ৎকাল পর পাদশাহ যথানিয়মে সেই শয্যাতে শয়ন করিলেন। ইহার প্রায়ঃ দুই দণ্ডের পর ঐ দাসী পার্শ্ব-পরিবর্তন করিলে পাদশাহ ভয়তুর হইয়া সমস্ত গাত্রোথান করত বলিলেন, “দেখ, আমার শয্যাতে সাপই হউক, কি বেঙ্গই হউক, একটা কি আছে।” পাদশাহের আজ্ঞায় ভৃত্যেরা ব্যস্ত সমস্ত হওত তন্মিকটে আসিয়া সেই শয্যায় অন্বেষণ করিয়া দেখে, যে তথায় পাদশাহের কর্মকারিণী দাসী রহিয়াছে। পাদশাহ তাহাকে দেখিয়া ক্রোধপূর্বক আজ্ঞা করিলেন, “ইহাকে আমার সমক্ষে ১০০ শত বেত্রাঘাতে তাড়ন করহ।” ভৃত্যেরাও তেমনি দুর্দান্ত, বলিমা-মাত্রই বেত্রাঘাত করিতে লাগিল। তাহাতে ঐ দাসী প্রথম ৫০ যা বেত খাইবার সময়ে হাঁসিল, আর শেষ ৫০ যার সময়ে কাঁদিল। এই এক আ-

শচর্য ব্যাপার দেখিয়া পাদশাহ তাহাকে নিকটে ডাকিয়া জিজ্ঞাসিলেন, “মারি খাইবার সময়ে সকলেই কাঁদে, তুই যে হাঁসিলি, আর কাঁদিলি ইহার কারণ কি?” সে উত্তর দিল, “মহারাজ ১ পুহর ফুলের বিছানায় শুইবার সাজা ঈশ্বরের সম্মুখে না হইয়া মহাশয়ের এখানে থাকিয়া বাহা হউক হইয়া গেল, এই কথা মনে করিয়া হাঁসিয়া-ছিলাম; আর আপনিতো এই শয্যাতে প্রতিদিন শয়ন করেন, তার জন্যে ঈশ্বরের সেখানে না জানি কি সাজা না হইবে, এই ভয়ে কাঁদিলাম।” কথিত আছে এই কথা শুবণে পাদশাহের মনে উৎকট বৈরাগ্য উৎপন্ন হয়, এবং তিনি আপনার রাজ্যাদি সমস্ত পরিত্যাগ করিয়া ফকীরী-ধর্ম অবলম্বন করত বনে গমন করেন।

## শিল্পবিদ্যোৎসাহিনী সভার অনুকূলে দেশহিতৈষি মহাশয়দিগের সমীপে আবেদন।

দেশহিতৈষি মহাশয়েরা অনেকেই খেদ করিয়া থাকেন, যে অধুনা উপজীবিকার্থে ধনহীন ভদ্রসন্তানেরা দিন ২ অধিক ক্লেশ পাইতেছেন। পূর্বে বাঁহারা প্রতি মাসে অনায়াসে শত ২ টাকা উপার্জন করিতেন, ইদানীং তাহাদের তাহার অর্ধাংশও অর্জন করা অত্যন্ত দুষ্কর হইয়াছে; ফলতঃ তাহাদের পক্ষে কেরানীগিরী-ভিন্ন অন্য কোন উপায় না থাকাপ্রযুক্ত এ আপদের ক্রমশঃ বৃদ্ধি হইবারই সম্ভাবনা। এক নগরের সকল ভদ্র দীন ব্যক্তি কেরানী হইলে কদাপি তাহাদের সমুন্নতি হয় না; বিবিধ ব্যবসায় থাকিলেই নগরস্থ সকলের উন্নতি হইতে পারে; এতদর্থে কএক বিশিষ্ট ব্যক্তি শিল্পবিদ্যোৎসাহিনী নামী এক সভা সংস্থাপনপূর্বক গত বৎসর শ্রাবণ মাসে শিল্পবিদ্যা-শিক্ষার নিমিত্ত একটি বিদ্যালয় সংস্থাপিত করিয়াছেন; তাহাতে চিত্রবিদ্যা, তক্ষণ-বিদ্যা ও মৃৎপাত্র-পুত্তলিকাদির গঠনোপযোগি বিদ্যার উপদেশ প্রদত্ত হইতেছে।

এই বিদ্যালয়-স্থাপনের প্রধান অভিপ্রায় এই যে শিল্প-সাধ্য-ব্যবসায়ের উৎসাহ ও উন্নতি হয়, এতদ্দেশে চিত্রকর ও তক্ষকের অভাব নিবারিত হয়, এবং হিন্দু, মোসলমান ও ইংরাজ-সন্তান, যাহারা কিঞ্চিৎ বিদ্যাভ্যাস করিয়া পরে উপজীবিকা-প্রাপ্তার্থে ক্লেশ পাইতেছে, তাহাদিগের নিমিত্ত ব্যবসায় প্রস্তুত হয়।

এই তিন উদ্দেশ্যই যে উপকারি তাহা কেহই অস্বীকার করিবেন না। চিত্রকার্য, তক্ষণকার্য, ভাস্করকার্য, সূচীকর্ম প্রভৃতি সূক্ষ্ম শিল্পবিদ্যা এদেশে একেবারে লুপ্ত হইয়াছে বলিলে বলা যায়। হিন্দু মধ্যে এমত চিত্রকর কেহই নাই, যে বিলাতের যৎসামান্য চিত্রকরেরও তুল্য হইতে পারে, অথচ ঐ চিত্রবিদ্যা যে বিশেষ অর্থকরী ইহাতে কোন সন্দেহ নাই। উত্তম চিত্রকরেরা অপব্যাপ্ত ধন উপার্জন করিয়া থাকেন। ষষ্টি বৎসর হইল, বিলাতে রেনল্ডস্‌ নামী এক জন প্রসিদ্ধ চিত্রকর ছিলেন, তিনি শেষাবস্থায় এক ২ খানি প্রতিমূর্তি চিত্র করিতে ৫০,০০০ টাকা করিয়া মূল্য লইতেন, তথাপি তাহার এত কর্ম উপস্থিত হইত, যে ক্ষণকালের নিমিত্তেও তাহার অবকাশ থাকিত না। রেনল্ডস্‌র তুল্য চিত্রকর শীঘ্র হইবার নহে; পরন্তু কলিকাতায় সামান্য চিত্রকরের বেতন কেরানীর বেতনহইতে অনেক অধিক। ৬৭ দিনে সাধ্য এক ২ খানি চিত্র কলিকাতায় ২।৩ শত টাকার কমে প্রস্তুত হয় না। অপর ষাতু কাষ্ঠাদি তক্ষণ করিয়া চিত্র প্রস্তুত করা ও প্রস্তরের মূর্তি নির্মাণ করাও নিরর্থ কর্ম নহে; তাহাতে শত ২ ব্যক্তি বিলাতে প্রচুর অর্থ উপার্জন করিতেছে। এতদ্দেশে ঐ সকল কার্যের প্রচার হইলে অবশ্য অনেকে উত্তম উপজীবিকা প্রাপ্ত হইবেক। ফলতঃ প্রস্তাবিত বিদ্যালয় কিছুকাল উত্তমরূপে নির্বাহিত হইলে, ধনিগণ চিত্রাদি উত্তম গৃহসজ্জা অঙ্গমূল্যে প্রাপ্ত হইবেন, ব্যবসায়ি লোক শিল্পের অভাবে বিবৃত হইবেন না, ও ভদ্রসন্তানকে ৮।১০ টাকার কেরানীগিরির নিমিত্ত লালাইত হইতে হইবে না। এই সদ্যটনা অতি অঙ্গব্যয়ে সুসম্পন্ন হইতে পারে; মাসিক ৩।০ টাকা ব্যয় করিয়া ২।৩ বৎসর প্রস্তাবিত বিদ্যালয়ে শিক্ষা করিলে, অনায়াসে বালকেরা সং উপজীবিকা উপার্জনে সমর্থ হইবে। অধিকন্তু এই বিদ্যালয়ে এমত নিয়ম নির্দ্ধারিত হইয়াছে, যাহাতে যে সকল বালক ৩ বৎসর কাল শিল্পবিদ্যা শিক্ষা করিতে অঙ্গীকার করিয়া প্রত্যহ ৬ ঘণ্টা কাল শিক্ষা করিবে, তাহার ছাত্রীয় অবস্থায় প্রস্তুতীকৃত চিত্রাদি বিক্রীত হইয়া যে লভ্য হইবে, তাহার কিয়দংশ বিদ্যালয়-পরিচালনা-করণ সময়ে তাহাকে দেওয়া যাইবেক; তাহাতে ছাত্রীয় বৃত্তিতে তাহারা যে ব্যয় করিবে, তাহা প্রতি প্রাপ্ত হইবেক, অধিকন্তু স্বয়ং ব্যবসায় আরম্ভ কালে ঐঅর্থে যন্ত্রাদি ক্রয়ের উপায় হইবেক।

প্রস্তাবিত বিদ্যালয়-শিক্ষায় দেশীয় বালকদিগের সম্পূর্ণ উৎসাহ আছে; শত ২ বালক ইহার উপার্জনার্থে ছাত্র স্বীকার করিতে উদ্যত হইয়াছে; কিন্তু অর্থান্ধপ্রযুক্ত শিল্পবিদ্যোৎসাহিনী সভা সকলকে শিক্ষাদান করিতে অশক্তি হইয়াছেন। এইক্ষেণে যে প্রকারে বিদ্যালয় চলিতেছে, তাহাতে মাসিক ৭২০ টাকা ব্যয় হইয়া থাকে। তন্মধ্যে মাসিক দাতব্যে ২৫০ টাকা, এবং ছাত্রীয়বৃত্তিতে ১২০ টাকা, সকলে ৩৭০ টাকার সম্ভতি

আছে; অবশিষ্ট টাকা সভার মূলধনহইতে দিতে হইতেছে। এই অনুপপত্তির প্রত্যুপকারার্থে সভা গবর্ন-মেন্টের সাহায্য প্রার্থনা করিয়াছেন; কিন্তু এতদেশীয় বিদ্যালয়ের সাহায্যার্থে গবর্নমেন্ট যে নিয়ম সংস্থাপিত করিয়াছেন, তদনুসারে কোন বিদ্যালয়ে সাধারণকর্তৃক যে অর্থ প্রদত্ত হয়, গবর্নমেন্ট তাহাহইতে অধিক টাকা বৃত্তি দিবেন না, সুতরাং ঐ নিয়মবশতঃ শিষ্যবিদ্যাৎসাহিনী সভা ২৫০ টাকা মাত্র পাইতে পারেন, কিন্তু তদ্বারা তাহার সমস্ত অনাটন পূর্ণ হইতে পারে না। অতএব উক্ত সভা বিনয়পুরঃসর সাধারণ-জন-গণের সাহায্য-প্রার্থনা করিতেছেন, এবং ভরসা করেন, যে সঙ্কল্প মহাশয়দিগের নিকট তাহাদের যাক্তা বিফল না হয়। গবর্নমেন্টহইতে বৃত্তি পাইবার পূর্বে প্রস্তাবিত সভা সাধারণসমীপে যত অধিক টাকা প্রাপ্ত হইবেন, গবর্নমেন্টহইতে তত অধিক টাকা পাইবার সম্ভাবনা; অতএব এক্ষণে যে কেহ অনুগ্রহ করিয়া কিঞ্চিৎ মাসিক দান করিবেন তাহা সভার পক্ষে দ্বিগুণ হইবেক। যে কেহ সভায় মাসিক ৩ টাকা অথবা এককালে ২৫০ টাকা দান করিবেন, তিনি সভার সভ্যমধ্যে গণ্য হইবেন।

সভাকর্তৃক সংস্থাপিত বিদ্যালয়ে এতদেশের সম্যক উপকার সম্ভাবনা, ইহাতে কোন সন্দেহ নাই। মাদ্রাজ-নগরে ডাক্তার হর্টস সাহেব এই প্রকার কএকটি বিদ্যালয় সংস্থাপিত করিয়াছেন, তাহাতে যে যে দ্রব্য প্রস্তুত হয়, তাহা ক্রয় করিতে, ও যে সকল ছাত্র সুশিক্ষিত হয় তাহাদিগকে কর্মে নিযুক্ত করিতে, লোকে এতদূর ব্যগ্র হইয়াছে যে ডাক্তার সাহেব সকল প্রার্থিদেগের মানস সফল করিতে পারেন নাই। এতদেশীয় ব্যক্তিবর্গ শিষ্যবিদ্যা-সম্পাদনে মাদ্রাজি মনুষ্যহইতে কোনমতে অক্ষম নহে। অতএব এখানকার মনুষ্যেরাও যথেষ্ট ফল প্রাপ্ত হইবেন, ইহা অবশ্যই স্বীকার করিতে হইবে। প্রথমতঃ কিয়ৎকাল বিদ্যালয় রক্ষা করাই প্রধান কল্প; দেশহিতৈষী ধনিদিগের সাহায্যে তাহা নিষ্পন্ন হইলে, অতীষ্ট সিদ্ধ হইবার অন্য কোন বাধা নাই।

## বিজ্ঞাপন।

### প্রাকৃত-ভূগোল

অর্থাৎ

ভূমণ্ডলের নৈসর্গিকাবস্থা-বর্ণন-বিষয়ক গ্রন্থ।

ইতিপূর্বে এতৎপত্রে-প্রাকৃত-ভূগোল বিষয়ে যে সকল পুস্তক প্রকটিত হইয়াছিল, অধুনা তাহা পরিশোধিত হইয়া ক্ষুদ্র পুস্তকাকারে মুদ্রিত হইয়াছে। তাহাতে জল, স্থল, পর্বত, ভূমিকম্প, আগ্নেয়গিরি, সমুদ্রস্রোতঃ, উৎস, নদী, বায়ু, বৃষ্টি, হিম, উদ্ভিজ্জ, পশ্বাদি পৃথিবীস্থ বিবিধ পদার্থের প্রকৃত অবস্থার বিবরণ বিন্যস্ত আছে; তৎপাঠে কি বিষয় লোক কি ছাত্র, সকলেই উপকৃত হইবেন। উক্ত গ্রন্থে যাহাদিগের প্রয়োজন হয়, এই পত্রের সম্পাদকের নিকট অথবা লালবাজারস্থ রোজাক কোম্পানির নিকট তত্ত্ব করিলে প্রাপ্ত হইবেন। মূল্য ১০ আনা।

## বিবিধার্থ-সঙ্গ্রহ,

অর্থাৎ


পুরাতত্ত্ব-ইতিহাস-প্রাণিবিদ্যা-শিষ্য-সাহিত্যাদি-দ্যোতক মাসিক পত্র।

৩ পর্ব]

শকাৎ ১৭৭৬, ফাল্গুন।

[৩৬ খণ্ড।

### মহারাজা রণজীতসিংহের জীবন-বৃত্তান্ত।



৮-৩৭ সংবৎসরে মহারাজা রণ-জীতসিংহ ভূমিষ্ঠ হইলেন। তৎ-কালে তাহার পিতা মহা-সিংহ পঞ্জাবস্থ শিখদিগের দ্বাদশ-দলের মধ্যে এক দলের অধিপতি ছিলেন। বাল্যাবস্থায় রণজীতসিংহ কি প্রকারে কালযাপন করিতেন, এবং তৎকালে তাহার পিতা তাহাকে কি প্রকার জ্ঞান ও বিদ্যার শিক্ষা প্রদান করিয়াছিলেন, আমরা তাহার সবিশেষ কিছুই বলিতে পারি না। কথিত আছে, যে মহাসিংহের সম্পদের সময়ে তাহার পূর্ব-শত্রু কুনিয়া-দলভুক্ত জয়সিংহের বিধবা পুত্রবধূর কন্যার সহিত রণজীতসিংহের বিবাহ হয়।

যৎকালে আফগান রাজ্যধিপতি শাহ জমান পঞ্জাবরাজ্য অধিকৃত-করণে ইচ্ছুক হইয়া দ্বিতীয় বার লাহোর আক্রমণ করেন, তদবধিই রণজীত-সিংহের প্রভাবের বৃদ্ধি হইতে আরম্ভ হয়। প্র-থমতঃ তিনি বীর্যহীন “ভঙ্কী” দলপতিদিগের হস্তহইতে লাহোরের অধিকার গ্রহণ করিয়া

তথায় তাহার প্রধান রাজধানী স্থাপন করেন। কিঞ্চিৎকাল পরে ১৮-৫৯ সংবৎসরে তিনি কনিয়া-দলের সাহায্যে সমস্ত “ভঙ্কী” সম্প্রদায়কে আপন বশে আনয়ন করেন। উক্ত সম্প্রদায়ের সহকারী কস্মুর-পুদেশ-নিবাসী নিজামুদ্দীন খাঁ দেখিলেন, যে তৎকালে রণজীতের বিপক্ষতা করা তাহার পক্ষে কোন অংশেই শ্রেয় নহে, সুতরাং তিনি রণজীতের জায়গীরদার হইয়া রহিলেন। এই জয়-লাভের পর রণজীত তারন-নামক পবিত্র সরোবরে তীর্থ-স্নান করিতে গমন করেন, এবং তথায় তাহার সহিত কতেসিং-হের সাক্ষাৎ হওয়ায় তিনি তাহার সহিত উ-ষ্ণীয় বিনিময় করিয়া লক্ষ্যতা করেন। ১৮-৬০ সালে শ্রীনগরের অধিপতি সংসারচন্দ্র তাহাদ্বারা জলন্ধরহইতে দূরীকৃত হইলেন।

এই ঘটনার কিয়ৎকাল পরে রাজ্যলোভে মুগ্ধ হইয়া আফগান-স্থানের অধিপতি শাহজমানকে তাহার ভ্রাতা মহম্মদ অন্ধ করে, এবং পরে স্বয়ং তাহার তৃতীয় সহোদর শাহসুজা কর্তৃক রাজ্য হইতে দূরীকৃত হয়। ঐ অবকাশে রণজীত তাহাদিগের অধিকারের উপর আক্রমণ করিতে আরম্ভ করিলেন, এবং ১৮-৬১—৬২ সালে ক্রমাগত সঙ্গ্রাম করত

পশ্চিমাভিমুখে অগুসর হইতে লাগিলেন। এতদৃষ্টে জঙ্গ এবং সাহিওয়াল প্রদেশস্থ যবনেরা তাঁহাকে যথেষ্ট উপঢৌকন প্রদান করিল, এবং মুলতান-নিবাসী মুজফ্ফর খা প্রচুর ধন প্রদান করিয়া তাঁহার কোপানলহইতে নিষ্কৃতি পাইল। রাজা রণজীত সিংহ এই প্রকারে সিন্ধু নদের পূর্বপারস্থ সমস্ত যবন রাজ্য জয় করিয়া মহাহর্ষে লাহোরে প্রত্যগমন করত, আড়ম্বর পূর্বক আপন রাজ্য হোলীগর্বে মহোৎসব করিয়াছিলেন।

১৮৬২ সংবৎসরে যশোমন্ত-রাও ছল্কর ইং-রাজদিগের নিকট পরাস্ত হইয়া রণজীতের আশ্রয় বাচঞা করেন, কিন্তু দূরদর্শী রণজীত দেখিলেন, যে ইংরাজদিগের সহিত বিবাদ করিলে তাঁহার মঙ্গল হইবে না; অতএব ইংরাজদিগের সহিত সন্ধির কল্পনা করেন। ইংরাজদিগের পক্ষে মেট্কাফ সাহেব রণজীতসিংহের সহিত সন্ধি করিতে গমন করিয়াছিলেন। প্রথমতঃ সন্ধির সুযোগ হয় নাই, এ প্রযুক্ত রাজা তাহাতে নিভর না করিয়া অঘানা-প্রভৃতি নানা-দেশ আক্রমণ করিতে লাগিলেন। ইংরাজদিগের কর্মকর্তা লর্ড কর্ণওয়ালিস সাহেব এই ব্যাপার অবগত হইয়া মেট্কাফ সাহেবের সহায়তা-করণার্থে এবং রাজা রণজীতকে ধৃত করণার্থে বৃহৎ এক দল যোদ্ধা প্রেরণ করেন, এবং তাহাতেই রাজা রণজীতের সহিত ইংরাজদিগের বিপক্ষতার সূত্র হয়। ইংরাজ-যোদ্ধারা রণজীতের নিকটবর্তি হইলে তিনি তাহাতে বিশেষ কোন উগুভাব প্রকাশ না করিয়া কৌশলক্রমেই আপনার কার্য উদ্ধার করেন, এবং তদবধি পরস্পর মধ্যে সন্ধি স্থাপিত হয়। ঐ সন্ধির নিয়মানুসারে শতদ্রু নদীর দক্ষিণ পর্য্যন্ত ব্রিটিশাধিকারের সীমা নির্দিষ্ট হয়, এবং তাহার

উত্তর-তীরহইতে সমুদায় পঞ্জাবরাজ্য পূর্ববৎ রাজা রণজীতের অধীন থাকে। এই উপলক্ষে লুধিয়ানাতে ব্রিটিশ-সৈন্যদিগের ছাউনি হইল; এবং শতদ্রু-নদীর পূর্বপারস্থ সমস্ত প্রধান শিখেরা ইংরাজদিগের অধীন হইল। ইংরাজেরা আপনাদিগের অধীন সকল প্রধান শিখদিগের নিকটে এই কথাই ঘোষণা করিয়া দিলেন, যে রাজা রণজীতকে আর কেহ কর দিবেক না; এবং কেহ তাহার অধীন থাকিবে না, ব্রিটিশ-সৈন্যে সকলকে রক্ষা করিবে, কিন্তু কার্যকালে তাহাদিগের সকলকেও সহায় হইতে হইবে।

এই সন্ধিতে শিখ ও ইংরাজ উভয়ের কাহারো প্রতি কাহারো সম্পূর্ণরূপে বিশ্বাস জন্মে নাই। ইংরাজেরা বিবেচনা করিতে লাগিলেন, যে যদিও রাজা মৌখিক বিলক্ষণ সন্ডাব দেখাইতেছেন; কিন্তু অন্তরে ২ তিনি অবশ্যই শত্রুতা সাধনের চেষ্টা পাইতেছেন, এবং ছল্কর ও সরহিন্দবাসী শিখদিগের সহিত ঐক্য হইতেছেন। রাজা রণজীতসিংহও ইংরাজদিগের প্রতি ঐ রূপ নানা সন্দেহ উত্থাপন করিতে লাগিলেন, কিন্তু কালেতে তাহাদিগের উভয়পক্ষেরই আশঙ্কা দূর হইতে লাগিল।

১৮৬৮ সংবৎসরে রাজার সহিত ইংরাজদিগের গবর্নরের পরস্পর উপঢৌকন আদান প্রদান করা হয়, এবং তাহার পরবৎসর ইংরাজদিগের সেনাপতি অক্টরলোনি সাহেব স্বয়ং রাজপুত্র খড়্গসিংহের বিবাহের নিমন্ত্রণে গমন করেন। তদবধি রণজীতের মৃত্যুকাল-পর্য্যন্ত উভয়পক্ষের মধ্যে আর কোন বিবাদের আশঙ্কা উপস্থিত হয় নাই।

কাঙ্গড়া-পর্বতের অধিকার পাইবার নিমিত্ত রণজীতসিংহ সংসারচন্দ্রের অনুকূল হইয়া একবার

গোখাঁজাতির সহিত সঙ্গ্রাম করিয়াছিলেন। এই উপলক্ষে তাঁহার সহিত নেপালরাজ্যের সেনাপতির সহিতও বিবাদ উপস্থিত হয়।

১৮৬৭ সংবৎসরে রণজীতসিংহ মহাআড়ম্বর-পূর্বক মুলতান-রাজ্যের উপর আক্রমণ করেন; কিন্তু তাহাতে কৃতকার্য হইতে পারেন নাই। এই ব্যাপারে কেবল তাঁহার ১,৮০,০০০ টাকা মাত্র নষ্ট হয়। তিনি মুলতান-অধিকার-করণার্থে ইংরাজদিগের সহিত যোগ করিতে প্রার্থনা করিয়াছিলেন; কিন্তু তাঁহার সে প্রার্থনাও পূর্ণ হয় নাই।

১৮৬৮ সংবৎসরে আকগান্স্থানের অর্দ্ধ রাজা শাহজমান্ সিন্ধুনদ পার হইয়া পঞ্জাব-দেশে আগমন করত রাজা রণজীতসিংহের সহিত সাক্ষাৎ করেন। তাহার পরবৎসর শাহজমানের ও তাহার ভ্রাতা শাহসুজার পরিবারেরা আসিয়া লাহোরে বাস করে।

১৮৬৯ সালে রাজা রণজীত আফগান রাজ্যের পাদশাহ শাহ মহমদের উজীর কতেখাঁর সহিত একত্র হইয়া কাশ্মীরাদিপতির সহিত সঙ্গ্রামে সজ্জীভূত হইলেন, এবং ১৮৭০ সালের মাঘ মাসে উক্ত রাজ্য জয় করেন। কিন্তু কতেখাঁ ছল করিয়া রাজাকে তাহার অংশ দিতে স্বীকার করিল না। রাজা আর কোন উপায় না পাইয়া শাহসুজাকে লাহোরে লইয়া গিয়া আপনার অধানে রাখিলেন। পূর্বকালে দিল্লীশ্বরদিগের রাজভাণ্ডারে “কোহেনুর” নামক এক প্রসিদ্ধ হীরক ছিল, ভাগ্যক্রমে তাহা কাবুলাধিপতিদিগের হস্তগত হয়। কাবুলহইতে পলায়ন-সময়ে শাহসুজা তাহা আপন সঙ্গে আনিয়াছিলেন। রাজা রণজীত ঐ রত্ন-প্রাপ্ত্যর্থ শাহসুজার নিকট ঐ রত্ন প্রার্থনা করিলে শাহ তাহা দিতে অস্বীকার করেন; পরে রাজা তাহার পণস্বরূপ

প্রচুর অর্থ দিতে চাহিলেও শাহসুজা সন্মত হইলেন নাই। অবশেষে রাজা স্বয়ং সাক্ষাৎ করত তাঁহার সহিত সখ্যভাব সম্পাদনার্থ উষ্ণীয় বদল করিয়া দেশ-বিখ্যাত কোহেনুর রত্ন হস্তগত করেন। এই রত্নের পরিবর্তে তিনি শাহসুজাকে তাহার ভরণ-পোষণের নিমিত্ত লাহোরের মধ্যে কিঞ্চিৎ ভূমি বৃত্তি প্রদান করেন, এবং শত্রুহইতে কাবুল উদ্ধার করিয়া তাঁহাকে দিবার অস্বীকার করিয়াছিলেন। পরন্তু শাহসুজা কাল ক্রমে রাজার হস্তহইতে মুক্তি পাইয়া স্থানান্তর গমন করেন, সুতরাং সে অস্বীকার ব্যর্থ হয়।

১৮১৪ সালের বর্ষাকালে কাশ্মীর-দেশে যুদ্ধ আরম্ভ হয়। রাজা রণজীতসিংহের উপযুক্ত মন্ত্রী মোকমচন্দ যুদ্ধকালে পীড়িত ছিলেন, এই প্রযুক্ত বিশেষরূপে যুদ্ধের উদ্যোগ করিতে পারেন নাই। অপর, কালে মহমদ আজীমখাঁ রাজার প্রধান সেনার উপর কিয়দংশে জয় প্রাপ্ত হয়, ও বর্ষার প্রাদুর্ভাবে রাজসৈন্য সমস্ত ছিন্নভিন্ন হইয়া যায়; অধিকন্তু রাজার এক জন প্রধান সেনাপতি হত হয়, এই প্রযুক্তহতাশ হইয়া ঐ যুদ্ধক্ষেত্রেই রাজা একাকী রাজধানীতে প্রত্যগমন করেন।

১৮৭৫ সালে মহারাজা রণজীত স্বীয় পুত্র খড়্গসিংহকে মুলতান জয় করিতে প্রেরণ করেন। ঐ রাজকুমার অনেক সঙ্গ্রামকরণান্তর তদ্দেশে জয়ী হইলেন। ঐ সালে উজীর কতেখাঁর মৃত্যু ঘটনায় আফগানরাজ্যে গোলযোগ উপস্থিত হওয়াতে, রাজা রণজীত বিলক্ষণ অবসর পাইয়া পেশাওর প্রদেশ অধিকার করিতে সিন্ধু পার হইয়া তথায় উপস্থিত হইলেন; কিন্তু কিঞ্চিৎকাল বিলম্বে সেখানে আপনার বিশ্বস্ত দাদখাঁকে রাখিয়া আশ্রয় কাশ্মীর জয় করণার্থে যাত্রা করেন, ও তুমুল-সঙ্গ্রামান্তর উভয় স্থানই অধিকৃত করেন।

১৮৮০ সালে রণজীতসিংহ দক্ষিণাভিমুখে গমন করিয়া সিদিয়া-প্রভৃতি স্থানের সমস্ত যবন-বৃত্তি-ভোগী অমীরদিগকে আপনার অধীন করেন; এই প্রকারে পঞ্জাবরাজ্যে আর তাঁহার প্রতিবাদী কেহই রহিল না। লাহোর, কাশ্মীর, পেশাওয়ার প্রভৃতি সমস্ত দেশ তাঁহার অধীন হইল, ও স্বীয় অসামান্য বাহুবল ও অসাধারণ যুক্তি মন্ত্রণাদ্বারা ক্রমে পঞ্জাবের একাধীশ্বর হইয়া উঠিলেন। কেবল কোটকাঙ্ড়া-রাজ্যের অধিকারী সংসারচন্দ্রের পুত্রের প্রতি দয়া করিয়া তাহার পিতৃবিয়োগের পর তাহাকে তাহার পিতার সিংহাসনে সমারূঢ় করান, এবং স্বীয় পুত্র খড়্গসিংহের সহিত উষ্ণীয় বদল করাইয়া তাহার সহিত সখ্যতা করিয়া দেন।

রাজা রণজীত যাদুশ বিস্তীর্ণ রাজ্যের রাজা হইয়াছিলেন, বাল্যকালে তাহার নিয়ম-সংস্থাপন ও শৃঙ্খলাবদ্ধ-করণোপযোগী তাদুশ কিছু উপদেশ প্রাপ্ত হন নাই; পরন্তু তাঁহার স্বাভাবিক বুদ্ধির এতাদুশ শক্তি ছিল, যে তিনি অনায়াসে দেশের ভার ও আপন অধীনস্থ লোকদিগের অবস্থা বিবেচনা করিয়া তদনুসারে রাজকার্য সমাধা করিতেন। তিনি প্রজাদিগের উপস্বত্ব অনুসারে তাহাদিগের নিকটহইতে কর গৃহণ করিতেন, এবং বণিগদিগের বাণিজ্য-লাভানুসারে তাহাদিগের নিকটহইতে ন্যায় শুল্ক লইতেন। তাঁহার নিকট কখন কোন বিষয়ে অবিচার হইত না; যথার্থ-রূপে দুষ্টের ক্ষমণ ও শিষ্টের পালন হইত; তাহার সৌজন্য এবং বদান্যতাও অসামান্য ছিল। তাঁহার বীর্যের কথা বলাই বাহুল্য; তিনি একাকী সমুদায় দুর্দান্ত শিখজাতিকে যাবজ্জীবন আপন বশে রাখিয়াছিলেন। তাঁহার রাজ্যে ধর্মের মর্যাদা বিলক্ষণ ছিল। রণজীত

সিংহ আপনি নিতান্ত স্বার্থপর ছিলেন না, সর্বদা রাজ্যেরই হিত অন্বেষণ করিতেন; তাঁহার কার্যদ্বারা কখন স্বার্থপরতা প্রকাশ পায় নাই। তিনি যখন যাহা কিছু করিতেন, তাহা ঈশ্বরের নাম লইয়া গুরুগোবিন্দের উদ্দেশে করিতেন; এবং আপনাকে সামান্য লোকের ন্যায় ঐ গুরুর অধীন স্বীকার করিতেন।

১৮৭২ সৎবৎসরে পারস্য-দেশ দিয়া বেঞ্জুরা, এবং এলাভ নামক দুই জন করাশিন্স সৈন্যধ্যক্ষ লাহোর-নগরে উপস্থিত হন। মহারাজা রণজীত আপন সৈন্যদিগকে শিক্ষা দিবার নিমিত্ত তাহাদিগকে নিযুক্ত করিয়া রাখেন; ঐ দুই জন যোগ্য লোকের পরিশ্রমদ্বারা শিখ-সেনারা যুদ্ধ-বিদ্যায় অত্যন্ত উৎকর্ষতা প্রাপ্ত হয়। রাজা রণজীত বহুকৌশলে আপন সেনার মধ্যে ইউরোপীয় শৃঙ্খলা স্থাপন করেন। পূর্বপ্রচলিত একাগু চিত্ত শিখদিগকে বেশ ও পূর্বপ্রচলিত অস্ত্র পরিত্যাগ করাইয়া নূতন অস্ত্র ও নূতন যুদ্ধ-বেশ ধারণ করাইতে, এবং তাহাদিগকে নূতন-নিয়মের অনুরাগ করিতে তাঁহার পরিশ্রম ও ব্যয় অত্যন্ত হইয়াছিল। তিনি তাহাদিগের উৎসাহের জন্য আপনি স্বয়ং তাহাদিগের সঙ্গে সমান সমর-বেশ ধারণ এবং সমস্ত অভিনব নিয়ম অবলম্বন করিয়াছিলেন। পরন্তু তাঁহার এত যত্নেও নূতন নিয়মের প্রতি পূর্বতন সরদারেরা এক ২ বার বিরক্ত হইয়া উঠিত, কিন্তু তাহাতে দেশের কোন অনিষ্ট ঘটে নাই। তাঁহার সৈন্যেরা তলবার বন্দুক ও কামান লইয়া যুদ্ধ করিত, ও কামানের যুদ্ধে বিলক্ষণ সুনিপুণ হইয়াছিল। তাঁহার সৈন্যদল ইউরোপীয় সুশিক্ষিত যোদ্ধাদিগের অপেক্ষা কোন অংশে ন্যূন ছিল না; বরং কোন ২ অংশে উৎকৃষ্ট ছিল। বেঞ্জুরা,


এলাভ কর প্রভৃতি কএক জন ইউরোপীয় যোদ্ধাপতিদিগের সাহায্যে রাজা শিখদিগের মধ্যে উৎকৃষ্ট অস্ত্রারোহি ও পদাতিক সেনা প্রস্তুত করিয়াছিলেন; এই নিমিত্ত ফ্রান্স প্রভৃতি স্থানে ঐ সাহেবদিগের ও বিলক্ষণ খ্যাতি বিস্তৃত হইয়াছিল।

রাজা রণজীতের শত্রু গুরুবকসিংহের স্ত্রী সদাকুন্সর বাল্যাবস্থায় তাঁহার উন্নতির নিমিত্ত অনেক সহায়তা করিয়াছিল, এবং তাঁহার সহিত আপন কন্যা মহতাবকুন্সরের বিবাহ দিয়া মনে করিয়াছিল, যে তাহার দৌহিত্রই পরিণামে পঞ্জাবের অধীশ্বর হইবেক, এবং তাহার কন্যা রাজমাতা হইয়া রাজ্যের কর্তৃত্ব করিবে। এই আশয়ে সে রণজীতের বাল্যাবস্থাতেই তাঁহার বিধবা মাতার হস্তহইতে রাজ্যের কর্তৃত্ব গৃহণ করিতে উপদেশ দেয়, এবং রাজাও তাহার উপদেশানুসারে সপ্তদশ বর্ষ বয়স অবধিই রাজকার্য করিতে আরম্ভ করেন, এবং, প্রবাদ আছে, ব্যভিচারের দোষ সংশয় করিয়া আপন মাতার প্রাণ বধ করেন; কিন্তু পরিণামে সদাকুন্সরের আশাও পূর্ণ হয় নাই, এবং তাহার মন্ত্রণাও সফল হয় নাই, কারণ তাহার কন্যা নিঃসন্তান হইল। একপ প্রবাদ আছে, যে ১৮৬৪ সৎবৎসরে মহতাবকুন্সরের গর্ভবতী হওনের কথা প্রচার হয়, এবং যথাকালে তাহার একটি কন্যা জন্মে, কিন্তু রণজীত তৎকালে রাজধানীতে উপস্থিত ছিলেন না, তাঁহার প্রত্যগমন হইলে রাজমাতা তাঁহার যমকপুত্র সন্তান জন্মিয়াছে বলিয়া তাঁহার নিকট দুইটি বালক লইয়া উপস্থিত করেন, কিন্তু রাজা সে বাক্যে প্রত্যয় করেন নাই। ঐ যমজের একের নাম শেরসিংহ এবং অপরের নাম তারাসিংহ। রণজীত চিরকালই শেরসিংহকে সূত্রধরের ও

তারাসিংহকে তন্ত্রবায়ে পুত্র বলিয়া জানিতেন। সদাকুন্সর বহু দিন দুইটি সন্তানকে আপন দৌহিত্রবৎ পালন করিয়াছিল, কিন্তু তাহাদিগকে রাজপুত্র বলিয়া সাব্যস্ত করিতে না পারিয়া নিতান্ত বিরক্ত হইয়া অবশেষে জামাতার নামে ইংরাজদিগের নিকট অভিযোগ করে। তাহাতে ইংরাজেরা মধ্যস্থ হইয়া সদাকুন্সরকে তাহার স্বামীর সমস্ত সম্পত্তি দেওয়ান।

১৮৭৭ সালে মহারাজা আপন স্বশ্রমকে লাগান করিবার অভিপ্রায়ে শেরসিংহকে দত্তকপুত্র স্বরূপ গৃহণ করিয়া তাহার মাতামহের সমস্ত বিষয়-বৈভব চাহিলেন; তাহাতে সদাকুন্সর সন্মত না হওয়ায় তিনি তাহার সকল বিষয় বৈভব অপহৃত করত তাহাকে বন্দী করিয়া রাখেন।

রাজার দ্বিতীয় স্ত্রী সুজানসিংহ-নামক এক জন শিখপ্রধানের কন্যা ছিলেন। তাঁহার গতে রাজপুত্র খড়্গসিংহ জন্মগৃহণ করেন, এবং ঐ রাজপুত্রই রাজ্যের অধিকারী হইলেন। তাঁহার পুত্র নোনিহালসিংহ পঞ্জাবের সুচতুর যোদ্ধা বলিয়া বিখ্যাত হইয়াছিলেন। রণজীতের রাজ্যকালে তাঁহার সৈন্যধ্যক্ষ ও কর্মকর্তা মন্ত্রির মধ্যে খুসিয়ালসিংহ, সরদার লেহনা সিংহ, পিতা দেহসাসিংহ, সরদার গুলাবসিংহ, ধ্যানসিংহ, হরিসিংহ, প্রভৃতি কএক জন সর্বপ্রধান ছিলেন; ইহার মধ্যে খুসিয়ালসিংহ সর্বপ্রিয় হইয়াছিলেন। প্রথমাবস্থায় রাজা রণজীতের পান দোষ প্রভৃতি কিছু ২ দোষ ছিল, এবং তাঁহার ঐ দোষ দেখিয়া ভিন্নদেশীয় লোকে সমস্ত পঞ্জাবস্থ শিখদিগকে তন্ত্রৎ দোষে দোষী মনে করিত, পরন্তু রাজার দোষে সমস্ত জাতি দোষী হইতে পারে না; অপর বস্তুতঃ তাহারা অনেকেই নিদোষী, এবং অনেক বিষয়ে প্রশংসনীয়।



### কেপারকেলী পক্ষী।

এ তৎপরের ৩১ পাঠে এক পক্ষী-বিশেষের বর্ণনা প্রকটিত হইয়াছে। এই পক্ষীর অনুরূপ অপর এক পক্ষী পূর্বকালে বিটনদেশে প্রসিদ্ধ ছিল, তাহার নাম “কেপারকেলী”। দেখিতে তাহা প্রায়ঃ পেকপক্ষীর ন্যায় বৃহৎ। চঞ্চুগুহইতে পুচ্ছাগু পর্যন্ত ইহার দৈর্ঘ্য দুই হস্ত এবং গুৰুতার পরিমাণ ৫।৬ মের। স্বভাবতঃ এই পক্ষী মনুষ্য দেখিলে অত্যন্ত ভীত হইয়া পলায়ন করে, এবং ইহার মাংস বিশেষ সুস্বাদু, সুতরাং মৃগয়ানুরত ইংরাজদিগের দেশে ইহার অবস্থিতি কোন মতেই দীর্ঘকাল-ব্যাপি হইতে পারে নাই; অল্পকাল-মধ্যে তথাহইতে

ইহাকে পলায়ন করিতে হইয়াছিল; এই ক্ষণে তথায় এই পক্ষী আর একটিও পাওয়া যায় না। অধুনা ইহার প্রিয় আবাসস্থান সুমেক-সমুদ্রের নিকটস্থ নীহারাবৃত শীতল দেশ; তথায় তাহারাই পাইন-বৃক্ষের নবীন পল্লব ভক্ষণ করিয়া দেহ-যাত্রা নির্বাহ করে; পরন্তু তথায়ও ইহারাই নিষ্কণ্টকে বাস করিতে পারে না। সুস্বাদু মাংসের লালসা এই দুর্গম-দেশেও তাহাদের প্রতিকূল হইয়া অবি-রত তাহাদের বংশ নাশ করিতেছে। লাপ্লাণ্ড নরবে, সিবিরিয়া প্রভৃতি সুমেক-সমুদ্র-নিকটস্থ দেশে শস্যাদির প্রাচুর্য্য নাই, সকলকেই মৎস্য মাংসের উপর নির্ভর করিতে হয়, সুতরাং তথাকার সক্ষম মনুষ্য মাত্রই সর্বদা বন্দুক

লইয়া ভ্রমণ করে এবং সুখাদ্য পশু পক্ষী পা-ইলে বিনষ্ট করিতে ভ্রুটি করে না।

পূর্বেই উক্ত হইয়াছে কেপারকেলী স্বভাবতঃ অতীব ভয়ানক, মনুষ্যের নিকট হইতে অতি দূরে পলায়ন করে, পরন্তু বসন্তে এই রীতির অন্য-থা হয়; তৎকালে ঋতুর প্রভাবে স্ত্রীসঙ্কোচনাসে, প্রকল্প হৃদয়ে এই পক্ষীর স্ফোতপক্ষে বিস্তৃত পুচ্ছ পক্ষিগির আচ্ছাদন-সূচক ধ্বনি করিতে ২ এমনি মত্ত হয় যে চক্ষু কণের চৈতন্য লুপ্ত হইয়া যায়; তখন মনুষ্যের সমাগমে আর কিছু মাত্র ভয় থাকে না। এই অবকাশে ইহাদিগের দৌষেরা অনায়াসে প্রত্যহ বহুসংখ্যক পক্ষী বধ করিয়া থাকে, এবং তাহাতেই ক্রমশঃ ইহাদের অনেক হ্রাস হইতেছে, সুতরাং অধুনা কেপার-কেলী অত্যন্ত দুর্লভ হইয়াছে।

### কাপ্তেন গু সাহেবের ভ্রমণ-বৃত্তান্ত।

অস্ট্রেলিয়া-মহাদ্বীপের নূতন বসতি ও তত্রত্য অভূত পদার্থের বিবরণ অ-তিশয় কনজনক। একাল-পর্যন্ত তাহার মধ্যস্থলের সমগু বিবরণ কেহই সূচাক্রমে পরিজ্ঞাত হয় নাই। তত্রত্য সিডনী-নগরের পশ্চাদ্বর্তী নীলগিরিমালা পর্ব-তহইতে কএকটি পশ্চিমবাহিনী নদী নির্গত হয়। অন্যান্য নদী-সকল সচরাচররূপে সমুদ্র সাগরের সহিত সঙ্গত হইয়া থাকে, এ সকল নদী ভেদত নহে; এই মহাদ্বীপের মধ্যবর্তী এক প্রকাণ্ড হ্রদই তত্রাবতের সঙ্গমাস্পদ। এই হ্রদ সমুদ্রাভিমুখ নহে, তথাপি তাহার গভীরতা ভূমধ্যস্থ সাগরপেক্ষায় কোন অংশে ন্যূন বলা

যায় না। একাল পর্যন্ত এই স্থান ঘটিত যাহা কিছু জানিতে, এবং সমুদ্রসম্বন্ধীয় যে কোন অভূত পদার্থের প্রচার করিতে অবশিষ্ট আছে, তাহা নিতান্ত দুষ্কর বলিতে হইবেক। ইহার মধ্যে যে সমস্ত সঙ্কট উত্তীর্ণ হইতে হয়, তাহা অত্যন্ত ভয়ানক। বড়-বিক্রমশালী ব্যক্তিরও তাহা যৎসামান্য বোধ করিতে পারেন না; এবং সাতিশয় বিখ্যাত সাহসী ও উদ্যোগী হইলেও কোন ব্যক্তির তাহা যৎসামান্য বোধ হয় না। আধুনিক ভূতত্ত্ববেত্তা পণ্ডিতদিগের মধ্যে যিনি অস্ট্রেলিয়ার তত্ত্বানুসন্ধান-বিষয়ে লক্ষ্যমান হইয়াছেন, তাঁহার নাম জর্জ গু। পূর্বে তিনি একজন সেনানায়ক ছিলেন; পরে দক্ষিণ অস্ট্রেলিয়ার শাসন-কর্তৃত্ব পদে অভি-যুক্ত হন। এই মহানহিম ব্যক্তি ১৮৪০ খ্রীষ্টা-ব্দের ১৭ ই ফেব্রুয়ারিতে পশ্চিম অস্ট্রেলিয়ার শোণনদী উত্তীর্ণ হন। তাঁহার তথায় গমনের অভিপ্রায় এই ছিল যে তিনি ২৩ অবধি ২০ অক্ষাংশের মধ্যে উক্ত দ্বীপের পাল্চাত্য অংশের পর্যবেক্ষণ-পূর্বক মান ব্যবস্থাপন করিবেন। কাপ্তেন গু সাহেব কতিপয় সহচরগণকে সম-ভিব্যাহারে লইয়া “আমেরিকান হোএলার” নামক জাহাজে আরোহণপূর্বক “শার্ক” নামক উপসাগরে উপস্থিত হন। তথায় তাঁহার পাঁচ মাসের উপযুক্ত খাদ্য দ্রব্য তিন খানা ক্ষুদ্র নৌকায় বোঝাই করিয়া গমন করেন; তাহার মধ্যে একখানা নৌকা তথায় বানিচালি হইয়া যায়। এই উপলক্ষে তাঁহার যাহার পর নাই কুশ পাইয়া ২০ মার্চ খাদ্যদ্রব্য সঙ্গ্রহ করি-বার মানসে বর্মর উপদ্বীপে প্রত্যগমন করেন। কিন্তু তৎকালীন প্রচণ্ড ঝটিকায় সমুদ্রের জল উদ্বেল হইবাত্তে তত্রত্য সমুদ্রায় স্থান এককালে প্লাবিত



হইয়াছিল; তাহাতে তথায় যে কিছু খাদ্য দ্রব্য ছিল তাহা এককালে বালুকায় প্রোথিত হইয়া যায়। এইরূপ দুর্ঘটনা দর্শন করিয়া তাঁহাদের আর ভয়ের ইয়ত্তা রহিল না। এ দিকে দলের সকলেই একান্তে ক্রান্ত হইয়া পড়িয়াছে, ওদিকে নৌকাতে জন উঠিতেছে, তথাপি গু সাহেবের “স্বান” নদীতে যাওয়ার মত নিবৃত্ত হইল না। সুতরাং সকলকে অগুসর হইতে হইল। পরে এইরূপে যাইতে ২ যখন তাঁহারা গেলুম-অখাতে উপস্থিত হইলেন, তখন তাঁহাদের অবশিষ্ট আর দুইখানি নৌকাও বানিচাল হইল। সে স্থানটি পৃথিবীর ২৮।।০ সাড়ে আটাইশ অক্ষাংশে হইবেক। কাপ্তেন গু সাহেব সহচরগণকে সঙ্গে লইয়া ঐ স্থানহইতে পর্থ-নগরে যাত্রা করেন। আমরা এই যাত্রা-সময়ের দুর্ঘটনার বিষয় এখানে বর্ণনা করিয়া পাঠকবর্গের গোচর করিতে মনস্থ করিয়াছি।

গু সাহেবের নৌকা-সকল ১লা এপ্রিলে বানিচালি হয়। তখন তিনি মনে ২ বিবেচনা করিতে লাগিলেন, যে “এখানহইতে স্থলপথ দিয়া পদবুজে পর্থ-নগরে না যাইতে পারিলে আর আমাদের কোন প্রকারে নিস্তারের পথ নাই, কিন্তু সমভিব্যাহারীরা ইতিপূর্বে যে সকল কৌশল সহ্য করিয়াছে, তাহাতে তাহারা যে এত পথ চলিতে সমর্থ হয়, এমত বোধ হইতেছে না। এস্থানহইতে পর্থ নগর বড় কম পথ নহে, অন্যত্রিক ডেড শত ক্রোশ ঠিক সোজা হইবেক, তাহার সন্দেহ নাই; কিন্তু পৃথিমধ্যে বন পর্বত নদ নদী পুত্ৰিত অনেক ২ ব্যাঘাত থাকিতে অনেক ঘুরিয়া ফিরিয়া না গেলে তথায় উত্তীর্ণ হওয়া অত্যন্ত দুষ্কর”। যাহা হউক, এই রূপ বিবেচনাপূর্বক তথাহইতে পর্থ-নগরের অভিমুখে চলিয়া যাওয়াই

স্থিরীকৃত হইল। গু সাহেবের সহিত অষ্টেলিয়া দেশীয় কেবর নামক এক ব্যক্তিকে লইয়া সর্বস্বত্ব দ্বা দশ জন যাত্রী ছিল। যাত্রাকালে তাহারা সকলে এক-মত হইয়া যে সকল খাদ্য সামগ্ৰী সমভিব্যাহারে আনিয়াছিল, তাহা ভাগ করিয়া লইল। পুতেকের ভাগে দশ ২ সের গুমো আটা ও আধ ২ সের লবণ মাত্র হইল। দুঃসময় না করিতে পারে এমন কর্মই নাই। তাদূশ কুৎসিত দ্রব্য খাইতেও তাহারা তখন লালায়িত।

২ এপ্রিল। এ দিন যাত্রা করিবার উপক্রম হইতেছে এমত-কালে সঙ্গিগণের পুতি এই নিয়ম স্থির হইল, যে ক্রমাগত অবিশ্রান্ত ১ এক ঘণ্টা চলিলে পর পাঁচ ২ মিনিট করিয়া বিশ্রামের সময় দেওয়া যাইবেক। ঐ অবকাশে কাপ্তেন গু সাহেব পর্যটনকালীন যে খানে যে বিষয়টি আশ্চর্যরূপে দর্শন করিয়া যান, তাহা সাবধানতার সহিত টুকিয়া রাখিতেন। তিনি এই নিয়ম আদ্যোপান্ত ক্রমাগতই করিয়াছিলেন।

ইতিপূর্বে সঙ্গীদের অনেকেই সেই বানিচালি হওয়া নৌকাহইতে নানাপ্রকার দ্রব্যসামগ্ৰী লইয়া বোঝা বাঁধিয়া রাখিয়াছিল। তাহাদের মনের অভিপ্রায় এই যে সে সকল দ্রব্য পর্থ-নগরে বিক্রয় করিয়া কিঞ্চিৎ অর্থ সঙ্গ্রহ করিবেক। এখন তাহারা সে সকল দ্রব্যসামগ্ৰী আপন ২ মস্তকে করিয়া চলিতে লাগিল। কিন্তু সে প্রকার বোঝা লইয়া এমন পথ এক দিন চলাও দুঃসাধ্য। যাহা হউক, তাহারা সমূহ কষ্টে প্রথম দিনত বন জঙ্গল ভাঙ্গিয়া সেই সব বোঝা লইয়া গমন করিল।

৩রা এপ্রিল। ঐ দিন তাহারা প্রাতঃকালে কিছু ২ জলযোগ করিয়া দলস্থ সকলেই সমস্ত দিনের মত চলিতে আরম্ভ করিল। তদিনে

পৃথিমধ্যে তাহাদের এমন এক নিবিড় বন প্রাপ্তি হয়, যে তাহাতে প্রবেশ করা অতীব দুষ্কর। তাহা উত্তীর্ণ হইতে আড়াই ঘণ্টা সময় লাগে। সেই স্থানও বন পার হইতে ২ ঐ লোকেরা এক কালে একান্ত ক্রান্ত হইয়া পড়িল; তথাপি তাহারা সেই ভারী বোঝা ছাড়িতে চাহিল না।

৪টা এপ্রিল তাহাদের ভ্রমণ-কৌশলের আর সীমা পরিশেষ ছিল না। প্রাতঃকালাবধি সন্ধ্যাপর্যন্ত সে দিন ছয় ক্রোশ বই আর চলা হয় নাই। সে দিন পৃথিমধ্যে জল মিলিয়াছিল বটে, কিন্তু কেশের বিষয় বর্ণনাতে। সেই দিন সঙ্গী লোকেরা কাপ্তেন গু সাহেবের নিকট সাতিশয়-ব্যগুতাসহকারে কহিতে লাগিল, “আমরা আর এক পাও চলিতে পারি না”। ইহাতে তিনি যাহার পর নাই বিরক্ত হইলেন; তথাপি তাহাতে তাহাদিগকে লইয়া যাইতে পারেন, এমন কৌশল দেখিতে ভ্রুটি করিলেন না। এত যে কৌশল, তথাপি সেই লোকেরা তাদূশ নিষ্পয়োজন ভার বোঝার মমতা ত্যাগ করিতে সমর্থ হইল না। ঐ সকল দ্রব্যেতে যে তাহাদের মনোভীষ্ট সিদ্ধি হইবে, দিবা রাত্রি তাহাদের সেই বিষয়েরই কথাবার্তা শুনিতে পাওয়া যাইত। যাহা হউক, ঐ সকল লোকেরা এখন তথায় দিনেই দুই দিন বিশ্রাম করিয়া যাইবার জন্য কাপ্তেন গুর নিকট প্রার্থনা করিলে পর তিনি মনে ২ বিবেচনা করিলেন, যে যদি ইহাদিগকে কিঞ্চিৎ শক্তি থাকিতে ২ এখান থেকে না লইয়া যাওয়া যায়, তাহা হইলে ইহাদিগকে একেবারেই হারাইতে হইবেক; এবং এ পর্যটনের পরে যে সমস্ত কৌশল সঙ্ঘটন হইবেক, যাহারা দুই এক দিন বিশ্রাম করিয়া অপেক্ষ ২ পথ চলিতে চায়, তাহার অধিকাংশই, তাহাদিগকে ভোগ

করিতে হইবেক। যাহা হউক, উত্তর কালের কৌশল ঘটনার শঙ্কা হইতে তাহাদের আপাততঃ স্বাস্থ্য ও বিশ্রামলাভের সুখসন্তোষই প্রবর্তিত বোধ হইল। ইহাতে কাপ্তেন গু সাহেব এতাদৃশ উৎকটকোটি-সস্তাবনায় অধিকাংশের সম্মতি লওয়া ব্যতীত আর অন্য কোন উপায় দেখিতে পাইলেন না।

৫ই এপ্রিল। এখন যাত্রীরা দেশের এক অঞ্চল দিয়া চলিতে লাগিল, অষ্টেলিয়ার অধিকাংশ-হইতে তাহা এত বিভিন্ন যে দেখিলে তাহা একটা নূতন দ্বীপ বলিয়া বোধ হয়। ঐ অঞ্চলের ভূমি সকল প্রকারান্তর, সমুদ্রের উপকূলবর্তী যে সমস্ত পর্বত আছে, তাহা সাতিশয় উচ্চ; ভূমির উর্বরতা শক্তি কিছুমাত্র নাই, এবং প্রজা সকল প্রায় অস্থি-চর্ম্মাবশেষ মাত্র। তত্রত্য কতিপয় পুজার সহিত ঐ যাত্রীদিগের সহিত প্রথম-সাক্ষাৎকার সময়ে তাহাদের রীতি নীতি অবস্থা সকল অতি অসভ্য জাতীয়দের মত বোধ হইল। ইহাতে কাপ্তেন গু সাহেব তাহাদের মাথার উপরি দিয়া মিছামিছি বন্দুক ছুড়িয়া তাহাদিগকে ভয় দেখাইবার জন্য আপনার বন্দুকের কল টিপিলেন। তাহাতে দৈবাৎ সে বারটা তাহা বিফল হইয়া গেল। তাহাতে তাহারা তুড়ি এবং করতালি দিয়া পরিহাস করিতে লাগিল। তখন কাপ্তেন গু আর একবার তাহাদের মাথার উপরি দিয়া বন্দুক ছুড়িলেন, তথাপি তাহারা বিস্মিত হইল না।

তখন গু সাহেব নিকটস্থ এক যোপ লক্ষ্য করিয়া তাহার পুতি পিস্তল ছুড়িলেন। তাহাতে তাহার শূক পত্রাদি যাহা ছিল, সকল ছিন্ন ভিন্ন হইয়া চতুর্দিকে পড়িতে লাগিল। ইহা দেখিয়া ঐ প্রজারা পলায়ন না করিয়া কোনমতেই থাকিতে পারিল না।

৬ এপ্রিল। সে দিন দলের অধিকাংশের নিকট মাড়ে তিন সের চারি সেরের অধিক আর আঁটা ছিল না। তাহাও আবার সুখাদ্যরূপ নহে, তত্ত্বাবৎ গুমে উঠিয়াছিল। কাপ্তেন গু সাহেব পুনর্বার প্রস্থানের উদ্যম দেখিতে লাগিলেন; কিন্তু তৎকালীন যাত্রার বড় ভাল সুযোগ হইয়া উঠিল না। কারণ এক ব্যক্তি ঐ দলকে অনুরোধ করিয়া কহিল, “তোমরা আমার জন্য আর অধিক পাঁচ ২ মিনিট অপেক্ষা করিয়া চল, তোমাদের সঙ্গে নহিলে আমি চলিয়া উঠিতে পারি না”। এই রূপে স্থগিত হইতে ২ সেই লোকদের প্রায় তিন ঘণ্টা কাল চলাই হইল না। এত যে কষ্ট, তথাপি তাহারা সেই সকল আনীত দ্রব্য সামগীরি বোঝা ছাড়িয়া যাইতে পারিল না। তাহারা এইরূপে অগ্রে ২ চলিতে ও অধিক ক্ষণ বিশ্রাম করিতে যে প্রকার প্রতিজ্ঞা করিয়াছিল, তজ্জনিত কেবল উত্তরোত্তর মন্দ ফলই দেখিয়া কাপ্তেন গু সাহেব তদ্দিনাধি নিদ্দিষ্ট স্থানে পঁছরিবার আশা ক্রমশঃ ত্যাগ করিতে লাগিলেন।

৭ এপ্রিল। তাহারা সকলে এক উচ্চ পর্বতশ্রেণীর উপরি উঠিতে লাগিল। সর্বাঙ্গে কাপ্তেন গু সাহেব তাহার শৃঙ্খল আয়োজন করিলেন। সঙ্গী লোকেরা সেই নিরর্থক বোঝা মাথায় করিয়া তাহার পশ্চাৎ ২ উঠিতে লাগিল। তখন গু সাহেব সহচরদিগকে বলিতে লাগিলেন, “যে ব্যক্তি তোমাদিগকে এ বোঝা লইয়া যাইতে লওয়াইয়াছে, আমি তাহাকে নিতান্ত হেয়জ্ঞান করি”। অবশেষে তাহারা যে স্থানে উপস্থিত হইলেন, তাহা অষ্ট্রেলিয়ার সর্বপ্রধান স্থান জানিতে পারিয়া গু সাহেব বিক্টোরিয়া রাজ্য বলিয়া তাহার নাম রাখিলেন। পূর্বদিকে দশ বার ক্রোশ

পর্যন্ত বিস্তারিত যে পর্বতশ্রেণী ছিল, তাহাকে ‘বিক্টোরিয়াশ্রেণী’ নামে খ্যাত করিলেন। সেখানে রাত্রিকাল যাপন করিবার সময়ে তাহাদের বোধ হইল, যেন তাহারা কোন হরিদ্রণ কৌতুক গৃহের ভিতরে রহিয়াছে। তাহার চতুর্দিকবর্ত্তী নীমা সকল পর্বতশ্রেণী ও সাগরতটে পরিবেষ্টিত। তত্রত্য উপত্যকাহইতে প্রকাণ্ড ভারতীয় সাগর তাহাদের নয়নগোচর হইতে লাগিল। সময়ে ষ্টাইনস্ নামক সেই দলের এক জন লোক কোন কারণে পেছিয়া আসিতেছিল, ইহা তাহাদের জ্ঞাতসার নাই। ইহাতে তাহারা সে হারাইয়াছে, স্থির করিয়া ইতস্ততঃ অন্বেষণ করিতে লাগিল। সকলে যাহার পর নাই, পথশান্ত ছিল, তথাপি সেই সঙ্গীর জন্য ব্যাকুল হইয়া অন্বেষণ করিতে ত্রুটি করিল না। অবশেষে কোন উদ্দেশ্যই পাওয়া গেল না। এদিকে রাত্রিও অধিক হইল দেখিয়া তাহারা পুনর্বার সকলে একত্র হইল।

৮ এপ্রিল। ঐ দিনেও সে হারান ব্যক্তির অনুসন্ধান হইতে লাগিল। এতক্ষণ উহাকে না পাওয়াতে সকলের মন সাতিশয় ব্যাকুল হইতেছিল। যাহা হউক, অবশেষে তাহাকে পাওয়া গেল। অনন্তর কাপ্তেন গু পুনঃ সর্বশুদ্ধ তথাহইতে প্রস্থান করিতে উদ্যত হইলেন। উদ্যত হইলেন বটে, কিন্তু এবার আর অধিক চলা হইল না। দলের কতকগুলি লোক গু সাহেবের শীঘ্র ২ প্রস্থান করাইবার নিয়মে নিতান্ত অসন্তুষ্ট হইয়া নিরতিশয় অভিমাত্রী ও উৎকণ্ঠাকুণ্ঠিতভাবে পড়িয়াই রহিল, সে দিন আর এক পাও চলিতে চাহিল না। তাহাতে কাপ্তেন গুকে একান্ত নিরুপায় হইয়া অবশেষে তাহাদের মতেই সম্মত হইয়া সে দিন যাওয়া স্থগিত করিতে হইল।

৯ এপ্রিল। উড্‌স নামা সেই দলস্থ এক ব্যক্তি ইতিপূর্বে ঘণ্টায় চারি ক্রোশ মাড়ে চারি ক্রোশ পথ চলিতে বিলক্ষণ পটু ছিল, ঐ দিন সে এক ২ পোয়া ক্রোশ যায়, আর বসে; এমনি করিয়া চলার বিষয়ে বড় বিলম্ব করিতে লাগিল। তাহার তাদৃশ নিরুৎসাহজনক ব্যাপারেতে তদ্দিনে এক জঙ্ঘল দিয়া যাইবার সময়ে সহচরদিগের সাতিশয় কষ্ট বোধ হইয়াছিল। যৎকালে তাহারা বন পার হইল তখন ঠিক মধ্যাহ্ন কাল। প্রচণ্ড সূর্য্যকিরণে তাহাদের কণ্ঠ, ওষ্ঠ, তালু, একেবারে শুষ্ক হইয়া উঠিয়াছে; আর জল না পাওয়া গেলে তাহারা কোনমতেই চলিতে পারে না। তাহাদের তেমন দশা হওয়াতেও, কাপ্তেন গু সাহেব তাহাদিগকে আরো আড়াই ক্রোশ চলিতে অনুমতি করিলেন। কিন্তু তাহাদিগকে তথাহইতে তুলিবার বিষয় কি? পরে অনেক বার বুঝাইয়া বলিতে কহিতে তাহারা নিরুপায় হইয়া চলিতে লাগিল, কিন্তু পোয়া দুই তিন পথ যাইতে না যাইতে তাহারা এককালে নিতান্ত ক্লান্ত হইয়া এক স্থানে বসিয়া পড়িল। তখন তাহাদের আর এক পাও চলিবার সামর্থ্য ছিল না। তখনও তাহারা সে সকল বোঝা ছাড়ে নাই। অনন্তর গু সাহেব দলের মধ্যে যাহারা ভালরূপে চলিতে পারিত, তাহাদিগকে কহিলেন, যে “তোমরা আমার সঙ্গে চল, আমি জল অন্বেষণ করিয়া আনিতেছি”। এইরূপে তাহারা তাহার সঙ্গী হইলে পর কাপ্তেন গু সাহেব তথাহইতে জলানয়নার্থে প্রস্থান করিলেন, এবং ঘুরিয়া ফিরিয়া মাড়ে তিন ক্রোশ পথ চলিয়া জল প্রাপ্ত হইলেন।

১০ এপ্রিল। ঐ দিন যাহারা জল আনিতে বাহির হইয়াছিল, তাহারা পুনর্বার ফিরিয়া আ-

সিয়া অবশিষ্ট অবস্থিত পিপাসার্ত্ত ব্যক্তিদিগের সহিত মিলিত হইল, এবং সমভিব্যাহারে করিয়া যে জল আনিয়াছিল, তদ্বারা তাহাদিগকে প্রকৃতিস্থ করিল। অনন্তর তাহারা সর্বারম্ভে তথাহইতে প্রস্থান করিতে উদ্যত হইলেও, একজন উদ্যমে বিলম্ব করিতে লাগিল। ফলতঃ তখন তাহার যথার্থই পীড়া হইয়াছিল। ইহা দেখিয়া, কাপ্তেন গু সাহেব তাহার নিকটহইতে এই বলিয়া সেই বোচ্কাটি লইলেন; যে “আমি প্রতিজ্ঞা করিয়া কহিতেছি, আমি পথে পঁছরিবারাত্র তোমার ও সকল আনীত দ্রব্যসামগীরি যথার্থ মূল্য প্রদান করিব, তুমি ইহা পরিত্যাগ করিয়া চল”। এই বলিয়া তিনি তখনই তাহার ঐ বোচ্কা খুলিয়া দেখিতে লাগিলেন। সে যথোচিত তিরস্কার লাঞ্ছনা করিতে লাগিল, তথাপি তিনি তাহা করিতে বিরত হইলেন না। একে তাহার মুম্বু অবস্থা, তাহাতে আবার যথা সর্বত্র অন্যের হস্তগত হয়, ইহা দেখিয়া সে যাহার পর নাই রোদন ও বিলাপাদি করিতে লাগিল। কাপ্তেন গু সাহেব তাহার সে কান্নায় কান না দিয়া ঐ পোটলীটি খুলিয়া দেখিলেন, যে তাহার ভিতর অপহরণ করা গজ দুই তিন মোটা ভারী কাম্বিস, এক তাল সেলাই করিবার সূতা, আর এক তাল অন্য প্রকার সূতা, আর সে একটা পুরাতন জেকেট চাহিয়াছিল, তাহা তিনি তাহাকে নৌকাতেই দিয়া আসিয়াছিলেন, সেইটা, এবং অন্য কএক প্রকার পুরাতন কাম্বিসের টুকরা, ও ছেঁড়া খোঁড়া খানকত নেকড়া। আর তাহার বিনানুমতিতে গৃহীত সেই নৌকার বড় দড়ী গাছটার খানিকটা মাত্র রহিয়াছে। এই গোটাকত কুৎসিত যৎসামান্য দ্রব্যের জন্য কেবল সেই অবোধেরই ব্যতিক্রম ঘটয়াছিল,



তুল্য ক্ষেত্র করিয়া রাখে; তাহাতেই প্রয়োজনীয় পরিমাণে শোরার মৃত্তিকা জন্মে\*। এই মৃত্তিকা সঙ্গ্রহীত হইয়া শোরার কুঠিতে আনীত হইলে প্রথমতঃ তাহা ধৌত করিতে হয়। তদর্থে কুঠিতে ৪।৫ হস্ত পরিসর এক ২ টা মৃত্তকুণ্ড থাকে। তাহার তলায় বাথারি ও শুষ্ক তৃণ দিয়া এক প্রকার ছাঁকনী প্রস্তুত করিতে হয়। ঐ ছাঁকনীর উপর এক প্রস্থ নীলবৃক্ষের ভস্ম ও তদুপরি ২০ মোন লোনা মৃত্তিকা স্থাপন-পূর্বক ঐ মৃত্তিকা পা দিয়া দাবন করিতে হয়। উপযুক্ত-মতে মৃত্তিকা দাবিত হইলে তদুপরি এমত পরিমাণে ক্রমশঃ জল দেওয়া আবশ্যিক যাহাতে ঐ জল মৃত্তিকার উপর ৬ অঙ্গুলী পূর হইয়া থাকে। ২৪ ঘণ্টা কালমধ্যে কুণ্ডের জল সমস্ত-লবণ-পদার্থকে দ্রব করিয়া ছাঁকনী ভেদ করত তাহার নিম্নে পড়িয়া যায়। বহু ২ পাত্রে ঐ জল কিয়ৎ কাল স্থির থাকিলে তাহা অনেক নির্মল হয়, কিন্তু তাহার সহিত লৌহ ও বনজ পদার্থ অনেক মিশ্রিত থাকে। তাহা পৃথক করিবার নিমিত্ত ঐ জল পাক করা আবশ্যিক। তদর্থে লুনিয়ারা পয়ঃপ্রণালীবৎ দীর্ঘ চুল্লী নির্মিত করত তদুপরি শোরার জলপূর্ণ এক সারি হাঁড়ি রাখিয়া চুল্লীর এক পার্শ্বে আম্বুপাত্রের জ্বাল দিতে থাকে। তাহাতে সকল পাত্রের জল ক্রমশঃ শুষ্ক হইয়া যায়। দুই ঘণ্টা কালমধ্যে পাত্রের ১।৮ অংশ জল শুষ্ক হইলে অবশিষ্টাংশ অগভীর মৃত্তিপাত্রে শীতল করা কর্তব্য। ঐ শীতল-করণ-সময়ে জলহইতে সমস্ত শোরা দানা বাঙ্কিয়া পাত্রের নিম্নে জমিয়া

\* বিবিধার্থের ২৫ খণ্ডের ১১ পৃষ্ঠে লবণ-প্রস্তুত-করণের প্রথা প্রকৃতি আছে; তাহা পাঠ করিলে পাঠকবর্গ এ বিষয়ের বিশেষ জ্ঞাত হইবেন।

থাকে। এই শোরার নাম “ধোয়া শোরা”। ইহাতে অনেক লবণ মৃত্তিকাদি মলা বর্ত্তমান থাকে। তাহা পৃথক করিতে হইলে ধোয়া শোরাকে পুনরায় জলে গুলিয়া পাক করত গাদ কাটিয়া দানা বাঙ্কিতে হয়; তাহা হইলেই “কলমী” শোরা প্রস্তুত হয়।

শোরার মৃত্তিকা ধৌত করিলে পর ছাঁকনীর উপর যে পদার্থ অবশিষ্ট থাকে ও শোরা দানা বাঙ্কিলে পর যে জল অবশিষ্ট থাকে তাহা শোরা-প্রস্তুত করিতে বিশেষ প্রয়োজনীয়; শোরার ক্ষেত্রে তাহা নিক্ষেপ করিলে পরবৎসর ঐ ক্ষেত্রে প্রচুরপরিমাণে শোরা উৎপন্ন হয়।

কলমীশোরা পরিশুদ্ধ পদার্থ নহে, তাহাতে বালুকা জল, লবণ, গ্লাবর্ শাল্ট প্রভৃতি পদার্থ মিশ্রিত থাকে। বণিকেরা ঐ পদার্থের পরিমাণ নিকাপিত না করিতে পারিলে শোরার বাণিজ্য লাভ করিতে পারে না; অতএব তাহারা অনেকে শোরা ক্রয় করিবার পূর্বে অর্থ-ব্যয় করত ক্রেতব্য শোরার কিয়দংশ রসায়নবিজ্ঞ-ব্যক্তিদ্বারা পরীক্ষিত করিয়া লয়। ঐ সকল ব্যক্তির উপকারার্থে আমরা এস্থলে শোরা-পরীক্ষার নিয়ম লিখিতেছি, বোধ করি, তাহাতে অনেকের উপকার হইতে পারিবে।

পরীক্ষণীয় শোরার কিয়দংশ কোন পরিষ্কৃত কাচ পাত্রে চূর্ণ করত এক শত গুণ পরিমিত ঐ চূর্ণ লইয়া এক উত্তপ্ত কাচ পাত্রে \* অর্দ্ধ ঘণ্টাকাল রাখিতে হয়; তাহা হইলে ঐ চূর্ণে যে কিছু জলীয় ভাগ থাকে, তাহা নির্গত হইয়া যায়, কেবল শুষ্ক শোরা অবশিষ্ট থাকে। ঐ শুষ্ক পদার্থ তুলে পরিমিত করিলে যে অংশ কমিয়া যায়,

\* উত্তপ্ত বালির খোলার উপর এক খানা চীনের সানকি রাখিলে কর্ম নির্বাহ হইতে পারে।

তাহাই জলের পরিমাণ। এক শত গুণ শোরার ৯৫ গুণ অবশিষ্ট থাকিলে পরীক্ষণীয় শোরায় শতকরা ৫ মোন জল আছে, ইহা নিশ্চিত হইবে।

অতঃপর শুষ্ক শোরাকে চোলাইকরা পরিশুদ্ধ জলে গুলিয়া গেলাসের কঁদিলে ওজন করা বুটি কাগজ দিয়া তাহা ছাঁকিতে হইবে। ছাঁকা শেষ হইলে ছাঁকনী কাগজের উপর ৭-৮ বার শুষ্ক জল দিবেক; পরে উত্তপ্ত কাচপাত্রে ঐ কাগজ শুষ্ক করিয়া পুনরায় ওজন করিতে হইবে। তাহাতে কাগজের যত পরিমাণ বৃদ্ধি হইবে, শোরায় তত মৃত্তিকা বালুকাদি পদার্থ আছে, ইহা স্থির হয়। বুটিং কাগজ কঁদিলের উপর রাখিবার পূর্বে যদি ১০ গুণ থাকে, এবং শোরা ছাঁকিয়া শুষ্ক করিলে পর ১২ গুণ হয়, তাহা হইলে শোরায় শতকরা ২ মন মৃত্তিকাদি থাকে।

ইহার পর শোরার ছাঁকা জল ও ছাঁকনী-কাগজের উপর যে শুষ্ক জল ঢালা হইয়াছিল, তৎসমুদায় একত্র করিতে হয়, ও কিঞ্চিৎ কাষ্টিকি শুষ্ক জলে গুলিয়া শোরার জলের ওপর তাহার এক বিন্দু নিক্ষেপ করিবে; তাহাতে যদি শোরার জল বিবর্ণ না হয়, তবে আর তাহা নিক্ষেপ করিবার আবশ্যিক রাখে না; কিন্তু তৎস্পর্শে শোরার জল দুগ্ধের ন্যায় শাদা হইলে যে পর্যন্ত শাদা হয়, তদবধি কাষ্টিকির জল এক ২ বিন্দু করিয়া তদুপরি দিতে হইবে। তৎপরে ওজন করা বুটিং কাগজে শোরার জল ছাঁকিয়া পূর্ববৎ ৭-৮ বার ছাঁকনীর উপর চোলাই করা জল ঢালিয়া, অবশেষে ছাঁকনীর কাগজ শুষ্ক করত ওজন করিবে। ইহাতে কাগজের পরিমাণে যত বৃদ্ধি হইবে, তাহার ১০ অংশের ৪ অংশ পরিমিত লবণ পরীক্ষণীয়-শোরায় বর্ত্তমান আছে, ইহা জানা কর্তব্য। কাগজের পরিমাণ যদি ১০

গুণ বৃদ্ধি হইয়া থাকে, তবে তাহাতে ৪ গুণ লবণ নিকাপিত হয়। এই পরীক্ষার সমষ্টি নিম্নে লিখিত হইল; তদ্যথা,

কলমী শোরা, .....	১০০ গুণ,
জল, .....	৫ গুণ,
মাটী, .....	২ গুণ,
লবণ, .....	৪ গুণ,
শতকরা মলা, .....	১১ গুণ,
খাটি শোরা, .....	৮৯ গুণ,

পরীক্ষণীয় শোরায় যদি গ্লাবর্ সাল্ট থাকিবার সন্দেহ হয়, তবে কাষ্টিকির পরিবর্তে নাইটেট অফ বেরায়েটা নামক দ্রব্য জলে গুলিয়া তাহা শোরার জলে মিশ্রিত করত পূর্ববৎ ছাঁকিয়া ছাঁকনীর শুষ্ক কাগজ ওজন করিলে গ্লাবর্ সাল্টের পরিমাণ অনুভূত হইবে।

### আফরিকা-দেশের টাকা।

ব্যবসায়ি পল্লীগাম্‌হ লোকেরা বে-কনোর্ট দেখিলেই অত্যন্ত ক্রুদ্ধ হইয়া কহিয়া থাকেন, “টাকার পরিবর্তে নোট কেবল ঠকাইবার কন্দি”। ফলতঃ স্থূলধাতু ভিন্ন তাহারা সকল পদার্থই অগৃহ্য করেন; বোধ হয়, তাহাদের পক্ষে আফরিকা-দেশের টাকাই শ্রেয়ঃ জ্ঞান হইবেক, তাহাতে স্থূল ধাতুর কোন অভাব নাই। তদে-শীয় “মানিলী” নামক একটি টাকা প্রস্তুত করিতে হইলে একটা পিতলের কলমী গলাইতে হয়; কারণ দুইসের পরিমিত পিতল-পিণ্ডের নাম মানিলী। এতাদৃশ বিশ পঁচিশটি টাকা সঙ্গে লইয়া ইতস্ততঃ যাইতে হইলেই বিভ্রাট; অথচ ইহার মূল্য এক ডালরের অধিক নহে।

ইহার সিকার নাম “বায়াপাট” তদর্থে এক খানি ষড়ভুজ-পরিমিত লেকডার প্রয়োজন; তাহার উভয় পৃষ্ঠে প্রচুর-রূপে কড়ি টাঁকিলেই সিকী প্রস্তুত হয়। এতদ্ভিন্ন মৎস্য ধরিবার কাঁটা, তামাক, বাকদের কোঁটা, বোতল, বন্দুক, এবং পিতলের কেতলীও প্রস্তুত দেশে চলিত টাকার মধ্যে গণ্য হইয়া থাকে। তথায় একটা মুরগীর মূল্য দুইটা মৎস্য-ধরিবার কাঁটা, এবং একটা বানরের মূল্য একটা বীর-মদের বোতল। পিতলের কেতলি, বন্দুক প্রভৃতি পদার্থ মোহরের প্রতিনিধি বলিলে বলা যায়; মৃগ, হস্তিদন্তাদি বহুমূল্য দ্রব্য ক্রয় করিতে হইলেই তাহার প্রয়োজন হয়।

### জৈত্রী ও জায়ফল।

ভারত-সমুদ্রের পূর্ব-পার্শ্বে অনেকগুলি দ্বীপ একত্রে আছে; তাহা “ভারত-সমুদ্রীয়-দ্বীপবৃত্ত” নামে প্রসিদ্ধ। ঐ দ্বীপবৃত্তে যে সকল পদার্থ উৎপন্ন হয়, তন্মধ্যে এলা, লবঙ্গ, জায়ফল, জৈত্রী, কপূরাদি মসলাই প্রধান; ফলতঃ ঐ সকল দ্বীপ মসলার আকর, এবং তৎপ্রযুক্ত অনেকে তাহাদিগের কতকগুলির নাম “মসলাদ্বীপ” রাখিয়াছে। জায়ফল ও জৈত্রী এই দ্বীপ ভিন্ন অন্যত্র জন্মে না। ঐ সকল দ্বীপের প্রাকৃত-ধর্ম যে প্রকার, তদনুরূপ প্রাকৃত-ধর্মবিশিষ্ট অন্য দ্বীপে অনেকে এই পদার্থের চাষ করিয়াছে, কিন্তু কেহই কৃতকার্য হয় নাই। লঙ্কাদ্বীপে এই পদার্থের দুই একটা গাছ আছে, কিন্তু তাহা উত্তম তেজোবস্ত নহে।

জায়ফলের গাছ দেখিতে মৌয়াগাছের তুল্য;

বান্দা-দ্বীপে ইহা ৩০।৩৫ হস্ত দীর্ঘ হয়, কিন্তু সিঙ্গাপুর-প্রদেশে ইহা ১৫।২০ হস্তহইতে অধিক দীর্ঘ দেখা যায় না। যে স্থানে ছায়া অধিক, ও অধিক ঝড় বৃষ্টি না লাগে, তথায়ই এই বৃক্ষ উত্তমরূপে জন্মে। এই বৃক্ষের এক প্রধান লক্ষণ এই যে ইহার কতকগুলিতে স্ত্রীপুষ্প, ও অপর কতকগুলিতে পুংপুষ্প জন্মিয়া থাকে; অপর কখন ২ উভয় প্রকার পুষ্পই এক বৃক্ষে জন্মে; কিন্তু তাদৃশ বৃক্ষে প্রচুর ফল উৎপন্ন হয় না।

জায়ফলের চাষ অতি লাভজনক। এক বীঘা ভূমিতে ৭০ টা বৃক্ষ জন্মিতে পারে, তাহার এক ২ বৃক্ষে বর্ষে ১০।১২ টাকা মূল্যের জায়ফল জৈত্রী উৎপন্ন হয়, সুতরাং প্রতি বীঘায় ৭০০।৮০০ টাকা প্রাপ্ত হইয়া থাকে; অন্য কোন চাষ ইহার তুল্য লাভদায়ক বোধ হয় না। নারিকেলের ন্যায় জায়ফল-বৃক্ষে বার মাস ফল ফল হইয়া থাকে; অতএব কখন এককালে সমস্ত ফসল নষ্ট হইবার সম্ভাবনাও নাই। পরন্তু এই লাভ ভোগকরণার্থে অনেক সহিষ্ণুতা গুণ থাকা অত্যন্ত প্রয়োজনীয়, তাহা না থাকিলে জায়ফল চাষের সমস্ত পরিশ্রম ব্যর্থ হয়। পঞ্চদশ বৎসর কাল ক্রমাগত অপরিপুষ্ট পরিশ্রমে এই বৃক্ষের পালন করিতে হয়; ঐ কাল মধ্যে ঝড়, বৃষ্টি, উই, সূয়া প্রভৃতি অনেক আপদহইতে এই বৃক্ষের রক্ষা না করিলে প্রাপ্ত লাভ ভোগ হইবার নহে। উই পোকা নিবারণের নিমিত্ত প্রস্তুত দ্বীপবাসিরা শূকরের বিষ্ঠা জলে গুলিয়া বৃক্ষমূলে সেচন করে, এবং কহে যে তাহাতে সকল উইপোকা একেবারে বিনষ্ট হয়। এতদেশীয় ইক্ষু-চাষের পরম শত্রু উই পোকা; তৎকর্তৃক অনেক কৃষির সর্বস্ব নষ্ট হইয়া থাকে; শূকর-বিষ্ঠায় যদ্যপি তাহার প্রতীকার হয় তবে অবশ্য পরীক্ষা করা কর্তব্য।

কথিত হইয়াছে প্রস্তুত বৃক্ষের ফল বার-মাস জন্মিয়া থাকে; তাহা দেখিতে গাব-ফলের সদৃশ; এবং তাহা কাটিলে তন্মধ্যে যে বীজ পাওয়া যায় তাহাই জায়ফল \* নামে প্রসিদ্ধ, এবং ঐ বীজও তদাবরণকারি শস্যের মধ্যে যে পদার্থ থাকে তাহার নাম জৈত্রী। এই উভয় পদার্থকে গুণ্ড করিলেই বাণিজ্যের উপযুক্ত হয়।

### তিব্বতদেশীয় মনুষ্যদিগের আচার ব্যবহার।

পূর্বে বিবিধার্থে তিব্বতদেশ-নিবাসিনী স্ত্রীদিগের মুখবিন্যাসের প্রথা বর্ণন করা গিয়াছে, অধুনা উক্ত দেশীয় পুরুষদিগের আচার-ব্যবহার-বিষয়ক কিঞ্চিৎ প্রকাশিতব্য।

হিমালয়ের উত্তর-পার্শ্বে এক অধিত্যকার নাম তিব্বতদেশ। ঐ দেশ সর্বদা অত্যন্ত শীতল থাকে; এই প্রযুক্ত তদেশীয় ধনী দরিদ্র সকলকেই আপাদ মস্তক সর্বাঙ্গ লোমজ অনেক বস্ত্রদ্বারা আবৃত করিয়া রাখিতে হয়। ধনী ব্যক্তিদিগের পক্ষে পসম দেওয়া সাটান বস্ত্রই শীত-নিবারণের প্রধান উপায়, তন্মিন্ন-ব্যক্তির উর্গা বস্ত্র ও লোমবিশিষ্ট মেঘচর্ম্য ব্যতিরেক আর গতি নাই, এবং গৃহহইতে বহির্দেশে যাইতে হইলেই অন্য উপানহ ব্যবহার না করিয়া “বুট” অবলম্বন করিতে হয়।

শীতের সময়ে আহাদের মধ্যে প্রায়ঃ কেহই

\* সংস্কৃত-ভাষায় এই পদার্থের অনেক নাম আছে ওদ্যথা; জাতীফল, জাতীফল, জাতীপুষ্পসার, রাজভোগ্য, জাতীকোষ, জাতীকোষ।

† বিবিধার্থের ১ পর্কের ১৪৪ পৃষ্ঠে দেখ।

গাত্র-মুখাদি-প্রক্ষালন করে না; ইহাতে তাহা এই কারণ দর্শায়, যে ঐ কালে দৈবাৎ মুখ-কপোলাদির কোন স্থানে জল স্পৃষ্ট হইলে তৎক্ষণাৎ ক্ষত হইবার সম্ভাবনা।

ইহা অনায়াসেই অনুভূত হইতে পারে, যে দেশের লোকেরা সমস্ত শীতকালে স্নান করে না, এবং মুখধুইতেও অনিচ্ছুক তাহারা বস্ত্রাদির প্রক্ষালনে তাদৃশ যত্নবান হইবেক না; ফলতঃ তাহাদিগের দেহাচ্ছাদন বস্ত্রাদি অত্যন্ত মলিন। অপর, দেশব্যবহারবশতঃ তদেশীয় লোকেরা গুণ্ড মাংস, চা ও তদুপযোগি পাত্রাদি, ছুরি, কাঁটা, লবণ, গঁজে প্রভৃতি যে কোন দ্রব্য সঞ্চে লইয়া যাইবার আবশ্যিক হয়, তৎসমুদায় স্ব ২ বন্ধোদেশে ঐ আবরণ-বস্ত্রের মধ্যে রাখে; সুতরাং ঐ মলিনতা ঘটিবার সম্পূর্ণ কারণ বর্তমান আছে। তিব্বতদেশীয়েরা বন্ধোদেশে এত দ্রব্যাদি রাখে, যে ঐ স্থান তাহাদিগের ভাণ্ডার বলিলে বলা যায়।

যে দেশে বর্ষের ছয় মাস মুখ প্রক্ষালন করিবার রীতি নাই, এবং সলোম মেঘচর্ম্মই প্রধান পরিবেশ, তথায় সাবান বহুমূল্য বিক্রীত হইবে, ইহা আশ্চর্য্য নহে; পরন্তু তদেশে যে সকল চীনের লোক বসতি করে, তাহাদিগের ব্যবহারার্থে কাশ্মীর ও নেপালহইতেই সাবান উক্ত দেশে প্রেরিত হয়। সিকিমদেশহইতে যাহা যায় তাহা অত্যাঙ্গ। প্রস্তুত দেশে বস্ত্রাদি পরিষ্কারার্থে সাবানের বড় অপেক্ষা রাখে না; তথায় এক রকম ঘাস জন্মিয়া থাকে, তদ্বারাই উক্ত কর্ম্ম নিষ্পন্ন হয়।

তিব্বতদেশীয়দিগের বাহন চামরী গোই প্রসিদ্ধ। কি স্ত্রী কি পুরুষ সকলে অশ্বারোহণের ন্যায় তদুপরি আরোহণ করে, এবং তৎকর্তব্য।

হাদের বেশভূষা ও চড়িবার রীতি দেখিয়া কেহই স্ত্রীপুরুষের কিঞ্চিৎমাত্র ভেদ অনুমান করিতে পারে না।

উক্ত হইয়াছে, যে তিব্বত দেশের মনুষ্যেরা অত্যন্ত অপরিষ্কৃত, কিন্তু তথাকার স্থান তেমন নহে, তত্রত্য কি সহর, কি পল্লীগাম, সকল স্থান অতিসাবধানে পরিষ্কৃত রাখা হয়, কুত্রাপি কিঞ্চিৎ মাত্র মলা থাকিবার সম্ভাবনা নাই। নগরস্থ মল সঞ্চয় করিয়া রাখিবার নিমিত্ত প্রত্যেক লোকের বাটীতে এক ২ পায়খানা আছে, এবং লোকে তথাকার মল অতিপ্রযত্নে রাখিয়া থাকে। কেহ কেহবা চৌর্যের ভয়ে পুত্রদ্বারা তাহা রক্ষা করিয়া থাকে। তদেবে শীতের প্রাধান্য/তাপ্রযুক্ত অতি অল্প বৃষ্টি জন্মে, সুতরাং ইহাদের নিমিত্ত সকলকেই ঘুঁটিয়ার অবলম্বন করিতে হয়; দেশের সমস্ত পশুর মল জ্বালাইবার নিমিত্তই ব্যবহৃত হয়; মার প্রস্তুত করিতে কিছুই পাওয়া যায় না; তদর্থে মনুষ্য রমল একমাত্র উপায়। অপর কোন ২ স্থানে এ মলে শোরাও প্রস্তুত হইয়া থাকে। এই প্রয়োজনানুরোধে তদেশীয় লোকে মলকে প্রায়ঃ মলজ্ঞান করে না। মলপরিষ্কারকেরা কুদ্দালাদি অস্ত্রের অবলম্বন না করিয়া হস্তদ্বারাই উক্ত মল উত্তোলন করে, এবং পায়খানা পরিষ্কার করিতে ২ অনায়াসে সেই অধোত হস্তে চা মাংসাদি পান ভক্ষণ করে। অপর, চাল ডাল প্রভৃতি বাণিজ্য দ্রব্যের ন্যায় তত্রত্য সকলেই এ মল বিক্রীত করিয়া অর্থো-পার্জন করিয়া থাকে; দেশের রাজাও সময়ে ২ মল বিক্রয়দ্বারা ধন সঞ্চয় করেন। অধিকন্তু অন্যান্য বাণিজ্য দ্রব্যের গুণে যে প্রকার মূল্যের তারতম্য হয়, মল-বিক্রয়েও তদ্রূপ নিয়ম হইত। তদনুসারে ইতর দীনব্যক্তির মলাপেক্ষায়

ধনবান্ মান্য ব্যক্তির মল অধিক মূল্যে বিক্রীত হইয়া থাকে। মনুষ্যের মূত্রও উত্তম-নারের মধ্যে গণ্য, সুতরাং তিব্বত দেশে তাহারও গৃহক অনেক আছে।

তিব্বত-দেশীয় মনুষ্যেরা বৌদ্ধধর্মাবলম্বী, এবং সেই ধর্মের প্রধান কর্তব্য আমিষ-ত্যাগ; অথচ তিব্বতীয়েরা অত্যন্ত মাংসাশী। লামা নামক ধর্মযাজক ভিন্ন সকলেই মেবাদির মাংস ভক্ষণ করিয়া থাকে, এবং অনেকে আমমাংস রৌদ্রে শুষ্ক করিয়া ভক্ষণ করে। দরিদ্র-লোক-মাত্রই কিয়ৎ-পরিমিত শুষ্ক আমমাংস আপন ২ বক্ষো-দেশে রাখিয়া থাকে, এবং আবশ্যিক মতে এ সাধারণ ভাণ্ডারহইতে বাহির করিয়া লবণাদির নিরবলম্বনে ভক্ষণ করে। অমের পরিবর্তে শক্তই তথাকার প্রধান খাদ্য; তাহা “সাম্পা” নামে প্রসিদ্ধ, এবং দেশের অর্ধেক লোক এ সাম্পার অবলম্বনে দেহ-রক্ষা করে। কখন কেহ তপুল পাইলে তাহার পিষ্টক বানাইয়া খায়; অন্ন পাক করিয়া খাইবার কুত্রাপি প্রথা নাই। পানীয় দ্রব্যের মধ্যে চা, এবং আবালবৃদ্ধবনিতা সকলেই প্রত্যহ ৪—৫ বার করিয়া তাহা পান করিয়া থাকে।

উক্ত দেশে শবসংস্কারের প্রথা অতি আশ্চর্য্য। তথায় সমাধি বা দাহ করিবার রীতি নাই; তৎপরিবর্তে কোন ব্যক্তি মৃত হইলে তাহাকে পর্বতাদি সদৃশ উচ্চ স্থানে রাখিয়া দেয়, যাহাতে নির্বিঘ্নে শকুণি প্রভৃতি পক্ষিগণ তাহার মাংস ভক্ষণ করিতে পারে এই রীতি পারসি-দিগের শব সংস্কারের নিয়মের সহিত তুল্য হয়। তাহারা প্রাচীর বেষ্টিত সমাধি-স্থানে শব ফেলিয়া রাখে, এবং কালক্রমে মাংসাদি পশু পক্ষিদ্বারা ভুক্ত ও গলিত হইলে অস্থি

গুলি এক কূপ মধ্যে নিক্ষেপ করে\*। যে ব্যক্তির তিব্বত-দেশীয় শব লইয়া পর্বতাদি উচ্চ স্থানে রাখে, তাহাদিগের দেশ-প্রসিদ্ধ নাম “রাগা চংদেন্”; তাহারা স্বতন্ত্র দলে বিভক্ত। অপ্রিয় ব্যক্তিদিগের শবকে ভক্ষণ করাইবার নিমিত্তে এ স্থানবাসিনরা কতকগুলি কুকুর প্রতাপালন করিয়া থাকে। ভিক্ষাই তাহাদিগের প্রধান উপজীবিকা। যখন তাহারা কোন ধনী ব্যক্তির নিকট যাতি বস্তু প্রাপ্ত না হয়, তখন ক্রোধপূর্বক কহে, “আচ্ছা এখন আমাদিগকে কিছু না দেও; কখননা কখন আনাদের হাতে পাড়িতে হইবে; তখন তোমার পায়ে দড়ি বান্ধিয়া পথে ২ টানিয়া বেড়াই, এবং তোমার শরীর কুকুরদিগকে খাওয়াইয়া দিব”। বস্তুতঃ দীন ব্যক্তির মৃতদেহের সর্বত্র এ রূপ গতি হইয়া থাকে। ধনবান্ ব্যক্তি মৃত হইলে তাহার দেহকে উক্ত শব-বাহকেরা পর্বতের উপরে লইয়া গিয়া তাহার অস্থি ও মাংস পৃথক করিয়া অস্থি-সকল চূর্ণ এবং মাংস গুণ্ড ২ করিয়া সমস্ত একত্র করত তন্মি-কটে কিঞ্চিৎ পত্র জ্বালাইয়া দেয়, তাহার ধূম দৃষ্টে বহু সঙ্খ্যক শকুণী-জাতীয় পক্ষিরা আসিয়া চূর্ণ অস্থি ও মাংস সমস্ত ভক্ষণ করে।



য়িক কেশ স্বীকার করিলেই বিশ্বপাতা সম্পূর্ণরূপে আমাদিগের প্রতি সন্তুষ্ট হন; এ বোধের প্রগাঢ়-তায় ভিক্ষাদি তপস্যার সৃষ্টি হয়। বিষয়-বাসনার মনের চাঞ্চল্য হইয়া ঈশ্বরোপাসনার ব্যাঘাত হইবে এ বোধ ধর্মভীক মনুষ্যের মনে অনায়াসেই উদ্ভিত হইতে পারে, এবং এ ব্যাঘাত নিবার-ণার্থে বিষয়-ত্যাগ এবং ভিক্ষাবলম্বন আননা-হইতেই ঘটয়া থাকে। কিন্তু ইদানীন্তনের ভি-ক্ষুক মধ্যে এ প্রকার নিঃস্বার্থমতি অতি অল্প; অলস, খল, স্পট, তক্ষুর প্রভৃতি দুষ্ট লো-কেরাই আপন ২ কুব্যবসায় করণার্থে ভিক্ষকের বেশ অবলম্বন করিয়া থাকে; বিশেষতঃ অল-

### আয়লগু-দেশীয় ভণ্ড ভিক্ষুক।

\*\*\*  
 \* শরীরার্থনা স্বভাবসিদ্ধ সংস্কার,  
 \* প্রায়ঃ মনুষ্যমাত্রেরই মনে ইহা  
 \* অত্যন্ত-দৃঢ়রূপে বদ্ধমূল আছে।  
 কিন্তু সকলে এক নিয়মে জগৎকর্তার উপা-  
 সনা করে না; দেশ, কাল, পাত্র ভেদে ইহার  
 অনেক ভেদ হইয়া থাকে। অনেকের বোধে কা-

\* বিবিধার্থের ২ পর্বে ২৫৮ পৃষ্ঠে দেখ।

সেরাই এই দলের প্রধান। তাহার ঈশ্বরের নিয়মানুসারে কায়িক শুমদ্বারা আপন ২ আহার উৎপাদন না করিয়া পূর্বক-পূর্বক পরের স্বল্প অপহরণ করিতে তৎপর—দিবারাত্র ঐ অভিষ্টসাধনে বিবৃত থাকে। আশ্চর্যের বিষয় এই যে এই ব্যবসায়ে অনেকে যে পরিমাণে শুম ও ক্লে-শ সহ্য করে, তাহার অর্ধেক পরিমাণে অন্য শুম করিয়া কোন ভদ্র ব্যবসায় করিলে তাহার অনা-য়সে সৎ উপজীবিকা অর্জন করিতে পারিত।

মোসলমানদিগের রাজ্য কালে এবম্পুকর ভণ্ড ভিক্ষুরা অত্যন্ত প্রবল হইয়াছিল, এবং সহস্র ২ ব্যক্তি একত্র হইয়া গুামে ২ ভ্রমণ করত অনেকের অনিষ্ট করিত। প্রমাণ আছে, যে কোন গুামে মনোনীত ভিক্ষা না পাইলে এই পামরেরা তৎ-কণাৎ সমস্ত গুাম লুণ্ঠ করিত। এতাদৃশ অত্যা-চারে ভারতবর্ষের অনেক গুাম ধ্বংস হইয়াছে।

চোর, গোয়েন্দা, যাসু, ঠগ প্রভৃতি লোকেরা প্রায়ঃ অনেকেই ভিক্ষুকের বেশ ধারণ করিয়া থাকে। ভিক্ষুর মধ্যে বাহার চোর্য বা অন্য কোন ব্যবসায় না করিয়া কেবল যাচঞা করিয়া দিনপাত করে, তাহার মধ্যেও অনেকে অত্যন্ত মন্দ। তপ্তিরামেরা যে প্রকারে গৃহস্থের দ্বারে আসিয়া অবিরত চীৎকার, কটুক্তি, দেহে অস্ত্রা-ঘাত, বিষ্ঠা ভক্ষণ, অনশনাদি যাতনা সহ্য করত ভিক্ষা করে, তাহা পাঠকবন্দ সকলেই দেখিয়া-ছেন, এবং অনেকে তজ্জন পামরদিগকে দানও দিয়া থাকিবেন; কিন্তু, বোধ করি, তজ্জন ভিক্ষার কি ফল অদ্যাপি তাহার অনুভূত করিতে পারেন নাই। আমাদিগের বিবেচনায় ঐ ধান্দি-

কেরা পরলোকে আপন ভিক্ষার ফল প্রাপ্তির অপেক্ষা না করিয়া ইহলোকে হরিণবাটীতে তাহা ভোগ করিলেই উত্তম হয়; কারণ প্রস্তাবিত নরাধমেরা যে কেবল অসত্যিক দ্বারা চিত্ত লুপ্ত মনুষ্যকে প্রতারনা করিয়া থাকে, এমনকি মতে তাহাদের দুঃখের জন্ম দীন, ক্ষান্ত, বৃদ্ধ, প্রভা-যথার্থ ভিক্ষার পাত্রেণ আপন হস্তে থাকিত হইত।

বিলাতে এই ধানেরা আপন ২ দেহে কদম্বা করিয়া সাধারণকে তাহার দেহেই মন্দ উপা-র্জন করিত; অনেকে তাহা তাহা হইয়া মন্দা-বিকলাঙ্গ হইয়া প্রসারণ করিত, কেহ কেহ লোকের দ্বারা বর্জিত করিয়া মন্দা-মন্দা বা ক্ষিপ্ত হইত। কিন্তু কাল পরে এই মন্দা-ত্যাচারের এতাদৃশ-বৃদ্ধি হয়, যে তাহাদের এই নিয়ম বিরুদ্ধ হইয়া, যে-কোন ব্যক্তি রাজ-পথে ভিক্ষার্থে আপন হস্তে তাহা দেখা-বে, তা-হাকে কারাগার ভোগ করিতে হইবে। এই নিয়মপ্রযুক্ত অধুনা বিলাতে পথভিখারর তাদৃশ সঙ্খ্যা অতি অল্প হইয়াছে; কিন্তু ইহাতে শঠের একান্ত নিবৃত্তি হয় নাই; অনেকে এখনও নয়নে তপ্তশলাকা দিয়া নয়নেন্দ্রিয় নষ্ট করত পথ ভ্রমণ করিয়া থাকে। উপরে যে চিত্র বুদ্ধিত হইয়াছে, তাহাতে এবম্পুকর ইচ্ছাজাত অন্ধের প্রতিমূ-র্দৃষ্ট হইবেক। আয়লগু-দেশে এপ্রকার ভিক্ষা অনেক আছে; তাহার ১০—১৫ ব্যক্তি এক এক গৃহে বাস করে; দিবাভাগে পৃথক ২ হই নগরের পল্লী-ভ্রমণ-পূর্বক আতুরের প্রাপ্য বৃত্তি চোর্য করত রজনীবোণে সকলের অর্থ একত্র করিয়া মদ্য মাংস সন্তোষ করে।

ইতি তৃতীয় পর্ব।

